






L. II. M











# MEDITATIONES

S A C R A E.

I. B. ENGELGRAVE

S O C. J E S U.



MEDITATIONES

SACRAE

F. B. INGELGRAVE

200 JESU






Eremitari  
 Camaldul  
 Eremiti Mon  
 Regii ad  
 Vasauiam  
 1662  
 R. J.

ANTVERPIÆ,  
 Apud Viduam et Hæredes. IOANNIS CNOBBARI, A. M. DC. LVIII.  
*En Præterea delinavit.* *Cum Gratia et Privilegio.* *Jac. Neefs sculp.*





ALL  
THE  
WORLD  
IS  
YOUR  
STAGE  
AND  
YOU  
ARE  
THE  
STAR

AT THE  
THEATRE



MEDITATIONES  
PRO TOTO ANNO  
IN TRES PARTES  
DISTRIBVTÆ:

Sensum litteralem & moralem Euangeliorum,

PIIS AFFECTIBVS ILLVSTRANTES,

*Ad usum priuatum, & publicum Concionatorum,*

Q V A R V M

Prima est in Dominicas, & Ferias maiores.

Secunda in Festa Sanctorum illustrium,  
& Communia de Sanctis.

Tertia in Vitam Christi reliquam, & Passionem,  
Excellentias Deiparæ, & varias Functiones.

*Cum Indice duplici: altero secundum ordinem temporis, quo ab Ecclesia proponuntur:  
altero secundum seriem totius vite Christi.*

A V C T O R E

R. P. IOANNE BAPTISTA ENGELGRAVE  
Antuerpiensi, Societatis Iesu Theologo.

A N T V E R P I Æ,

Apud Viduam & Heredem JOANNIS CNOBBARI, sub signo S. Petri.  
M. DC. LVIII.

*Cum Gratia & Privilegio.*



# DISTRIBVTIO MEDITATIONVM

PER TOTVM ANNV M.

Pars I. In Dominicas & Férias maiores, cum  
Procemialibus continet Meditat. 131

Pars II. In Festa Sanctorum illustrium, cum iis  
quæ sunt de communi Sanctorum. 166

Pars III. Sectio	{	I. De Vita Christi reliqua. 28
		II. De Passione Christi. 26
		III. De Excellentiis B. Mariæ. 12
		IV. De Functionibus quotidiana- nis. 74

## EX QVIBVS,

Dominicis singulis, Feriis maioribus, ac Festis  
Sanctorum assume Meditationem propriam;  
ubi plures assignantur, assume reliquas diebus  
proximè commodis.

*Feria II. & III.* non habente Medit. propriam, as-  
sume ex Functionibus quotidianis. pag. 373

*Feria IV.* ex communi de Sanctis. pag. 279

*Feria V.* de Vita Christi reliqua. pag. 304

*Feria VI.* de Passione Christi. pag. 333

Sabbato de B. Virgine, pag. 360. & Procemialibus,

pag. 1. & recollectione, pag. 412. & 422



AMPLISSIMO  
ET ADMODVM REVERENDO  
DOMINO  
FRANCISCO  
DINGHENS  
I. V. DOCTORI,  
PROTONOTARIO APOSTOLICO,  
ECCLESIAE CATHEDRALIS  
B. MARIAE  
ANTVERPIAE  
DECANO,  
AC VICARIO GENERALI,  
DOMINO DE WESTDORP, &c.



*Vm has de Divinis rebus Meditatio-  
nes, AMPLISSIME ET  
ADMODVM REVEREN-  
DE DOMINE, in lucem pro-  
ferre deliberaui, id à Deo bonorum omnium au-  
ctore*



## EPISTOLA

ctore precatuſum, ut qui ex illarum uſu percipi fru-  
 ctus poſſet, ad quàm plurimos perueniret. Cuius  
 voti ſucceſſum etſi intelligerem ab illo potiſſimum  
 pendere, quòd ſolus poſſit & legentium illustrare  
 animos, & voluntates ad ea, qua facienda cogno-  
 uerint, impellere; tamen, ne cui humana uiderer  
 præſidia neglexiſſe, huic mea lucubrationi Tui no-  
 minis præfigendam inſcriptionem duxi. Augurabar  
 enim fore, ut qui ſacris Meditationibus excolere  
 animum antehac ſolerent, aut deinceps cuperent,  
 oculos etiam ad noſtras adjicerent, quas auctoritate  
 Tua communitas uiderent. Magnum enim profe-  
 ctò, plenumq; grauitatis eſſe, apud omnes iudicij  
 Tui de rebus ad pietatem pertinentibus teſtimonium:  
 cui reuerentiam diuturna & integerrimè acta ui-  
 ta, atque eximia, qua ornatus es, dignitas, conci-  
 liant. Labitur enim ſupra quinquageſimum  
 annus, ex quo Colonia Agrippina, in ſanctorum A-  
 poſtolorum ade, Canonicorum fuiſti collegio adſcri-  
 ptus: at quem nunc auſpicati hodie ſumus annum  
 CIO. IDC. LVIII. ab ortu Chriſti, is Tibi in nobiliſ-  
 ſima hac S. MARIE Cathedrali Eccleſia adi-  
 ti Canonicatus quinquageſimum aperiet, felici  
Inbilao



## DEDICATORIA.

*Iubilao decorandum. Verum enim vero venerabilis senectus illa Tua, non debet à nobis solo annorum numero computari, sed rerum piè ac laudabiliter gestarum multitudine. Norunt primùm nobiles Tui collega ac pradicant, quàm sollicitè ac sedulò ad publicas preces convenias, ut nisi gravi morbo detentus, aut ob publicum negotium peregrè quopiam profectus, à Matutinis, omni illo jam prope XLIX. annorum spatio abfueris numquàm: id quod & praesentes observant, & seniores referre ac pradicare audi-vimus. Iam in iis precibus, totoq; Ecclesiastico Officio, quanta gravitas Tua, quanta corporis totius compositio, quantus ardor spiritus elucet! Planè ut si non quales sunt, essent Canonici omnes, esse tamen cogerentur, non voce à Te increpiti, non severiore aspectu castigati, sed amabili illa morum Tuorum gestuumq; censura perstricti. Quid decorem Domus Dei dicam, quem Tu ita strenuè accurari iubes? Qua sacrorum in ade Vestra majestas! Qua Tua de ea etiam intendenda consilia! Neque tamen in ea sese basilica sancta illa Tua cogitationes curaq; continent: ad omnes zeli illius Tui splendor pertingit, omnesq; in sui admirationem atque imitationem*



## EPISTOLA DEDICATORIA.

*pertrahit. Conciones, ista etiam adeò matura aetate, quanto studio frequentas, non solum in angusta illa Vestra basilica, sed & alibi, cum extra Officij Vestri horas sunt! Quanta verò cura Tu, Tui collega catecheticam adolescentia institutionem fovetis! Ecquod verò in urbe hac religiosorum hominum coenobium est, quod non in eorum solennitatibus obcas, & sacris celebrandis cohonestes, maximo sanè & illorum solatio, & populi universi ad pietatem incitamento?*

*Alia id genus plurima praedicari à me verissimè possunt: sed longius, modestia Tua causa, hìc non provehar. Id tantum rogo, quia quae adfero, genio pietatiq; Tua sunt mirificè consentanea, & ad inflammandos Divino amore legentium animos accommodata, benignè excipias, atque illius, quam Domus hac, cui me praesse Moderatores nostri voluerunt, totaq; adeò Societas nostra Tibi debet, observantia pignus esse credas. Antuerpia, Kalendis Ianuarij CIO. IOC. LVIII.*

Admodum Rev<sup>da</sup>. Amplitudinis Tuæ

*Humillimus cliens*

IOANNES BAPTISTA ENGELGRAVE.



# PIO LECTORI



Mentalis orationis exercitium consistit in usu trium potentiarum animæ, quo illa ad peccatorum detestationem, virtutum studium, & conjunctionē cum Deo excitetur & inflāmetur, prout mox in principio distinctiūs & practicè magis apparebit. Exercitij huius materiam habes hīc aptissimam & nobilissimam, nempe Christi vitam & doctrinam, Sanctorum deinde acta, Deiparæ excellentias, ac quotidianas functiones. Et quamquam omnibus Christianis Exercitium hoc perutile sit; iis tamen qui ad altiorem perfectionis gradum à Deo vocati sunt, omnino videtur necessarium, tanquam præcipuum perfectionis instrumentum, & nutrimentum maximè solidum, quo in Christi similitudinem accrescant. Cum enim illi velut aulici assumpti à cælesti Rege ceteris dignitate præcellant, æquum etiam est, ut morum ac virtutum



# AD LECTOREM.

præstantia studeant, eminere, id quod quotidiano Meditationis exercitio efficacius assequantur. Scio plures in hoc, quod hic ago, laborasse, sed non ita inveni, qui materias illas ita plenè ad permovendam voluntatem pertractaverit. Si cui autem materia subinde videatur proluxior, (quamquam ad unam ferè normam eamque succinctam omnes redigere conatus sum) poterit, si ita placuerit, vel partem in iis omittere, vel pro pia seu spiritali lectione eam assumere. Porro ad frontem cujusque Meditationis in Evangelia pro clariore cognitione apposui tempus & locum, quo mysterium gestum est, ex communiore interpretum doctrina. Ordinem verò Ecclesiæ in iis servavi, ut ab illa Matre & Magistra nostra quotidianum hunc cælestis doctrinæ cibum aptiorem sumamus. Fruere piè Lector, & pascere.



# FACULTAS PROVINCIALIS.

**E**Go infra-scriptus Societatis IESV per Flan-  
dro-Belgicam Praepositus Provincialis, pote-  
state mihi facta à Reverendo Admodum P.  
N. Gosvino Nickel ejusdem Societatis Pra-  
posito Generali, concedo ut Meditationes per totum  
annum à P. Ioanne Bapt. Engelgrave compo-  
sita, & Theologorum aliquot ejusdem Societatis ju-  
dicio approbata per Michaëlem Cnobbaert ty-  
pise vulgentur. In quorum fidem hasce manu pro-  
pria subscriptas sigillo nostro munitas dedi. Ant-  
verpia 20. Augusti, 1657.

THOMAS DEKENS.



# PROTESTATIO AUCTORIS.

**A**Dverte Lector, quæcumque in hoc Libro propono, non alio sensu tradere me, nec velle aliter à quoquam accipi, quàm quæ humanæ tantùm auctoritatis, seu probatorum Auctorum pondus obtinent: non verò tanquam ab Apostolico Sede confirmata; exceptis iis, quæ cum Scriptura S. aut Romanæ Ecclesiæ Constitutionibus concordant. Proinde Apostolicum S. Cong. S. R. & universalis Ecclesiæ Inquisitionis decretum, Anno 1625. editum, & Anno 1634. confirmatum, cupere me juxta ejusdem decreti declarationem, à fel. record. D. N. D. Papa Urbano VIII. Anno 1641. factam integrè atque inviolatè servare, neque ab eo vel latum unguem discedere.

Hoc tam sanctè profiteor, quàm decet eum, qui S. Sedis Apostolicæ obedientissimus filius haberi cupit, & ab ea in sua scriptione & actione dirigi, ac doceri.

A P-



## A P P R O B A T I O.

**L**iber hic R. P. Ioannis Baptistæ Engelgrave Societatis IESV Theologi, continens *pias Meditationes pro toto anno, in omnia Evangelia, cum eorum sensu litterali & morali, in Festa Sanctorum Illustrum, Excellentias Deipara, & Functiones varias, utilissimus futurus videtur omnibus virtutum studiosis, sed maxime Ecclesiasticis, ad salutem tum propriam, tum eam in proximo promovendam. Ita scripsi 27. Decemb. 1657.*

C. Voochts Archidia-  
conus Antuerpiensis,  
& Lib. Censor.

SVM-



# S V M M A   P R I V I L E G I I

Catholicæ suæ Majestatis Regiæ.

**P**HILIPPVS Dei gratia Hispaniarum Indiarumque Rex Catholicus, Archidux Austriæ, Dux Burgundiæ, Brabantia, &c. Serenissimus Belgarum Princeps, Diplomate suo sanxit, ne quis R. P. Ioannis Baptista Engelgrave e Societate I E S U, Meditationes pro toto anno in tres Partes distributas, sensum litteralem & moralem Euangeliorum piis Affectibus illustrantes, ad usum privatum, & publicum Concionatorum, quarum prima est in Dominicas, & Férias majores; secunda in Festa Sanctorum illustrium, & communia de Sanctis; tertia in vitam Christi reliquam, & Passionem, Excellentias Deiparæ, & varias Functiones, &c. præter Viduæ & Heredum Ioannis Cnobbari Typographi dum viveret Antuerpiensis voluntatem, in toto Belgio, intra decem annorum spatium, in toto aut parte seorsum imprimat, aut alibi impressum, in has Provincias inferat, venalemve exponat, aut habeat. Qui secus faxit confiscatione omnium Librorum, & triginta aureorum pro quovis Exemplari impresso, illato, aut exposito, persolvendorum, multa punietur uti latius patet in litteris datis Bruxellæ, Anno 1637. 8. Novemb.

Signat

LOYENS.

MEDI-



# MEDITATIO PROOEMIALIS I.

## De ipsa Meditatione, seu Oratione mentali.



**P**unctum I. CONSIDERA I. Orationem mentalem multiplicia bona animæ conferre, ac i. *bonum honestum*, est enim oratio, ut ait D. Thomas, *actus potentie rationalis in Deum*, vel ut Damascenus: *Elevatio mentis in Deum*, cum quo agit de rebus gravissimi momenti, sua nempe & proximi æterna salute ac perfectione, sic ut oratio merè vocalis sit tantum velut homo pius aut mortuus. 2. Per orationem mentalem sacrificium offerri Deo gratissimum, & proprium Angelis, quibus per illam maximè assimila- *Apoc. 5. 8.* mur, & qui certant nobiscum illam Deo offerre.

**Punct. II.** Considera i. Conferri per eam etiam *bonum jucundum*, eò quòd operationes animæ nobiliores corporeis hic ferantur in fontem omnis boni, animæ unicam quietem & pacem: *Audiam quid loquatur in me Psal. 84. 9.* Dominus, quoniam loquitur pacem in plebem suam, & super Sanctos suos, & in eos, qui convertuntur ad cor. 2. Hanc orationem esse velut manna cæleste, *omne de- Sap. 16. 20.* lectamentum in se habens, & omnis saporis suavitatem, sic ut fastidium & oblivionem ingerat terrenorum: atque hinc plures Sanctos noctes integras in oratione cum Deo jucundissimè transegisse, nominatim S. Augustinum & S. Franciscum inhærentes illis verbis: *Deus meus & omnia. Noverim te, noverim me.*

**Punct. III.** Considera i. Conferri etiam *bonum animæ utile*, nam per eam obtinetur extirpatio vitiorum, progressus in virtute, atque intima cum Deo conjunctio, ideoque comparari eam cum monte, e quo thesauri cælestium gratiarum derivantur, vel cum clavi, quâ ad eos liber & plenus accessus detur. Unde S. Augustinus: *Rectè novit vivere, qui rectè novit orare.* 2. Valere eam etiam ad omne malum tentationum, aliarumque difficultatum vel avertendum, vel superandum.

**Punct. IV.** Considera i. Illam esse etiam *bonum necessarium*, quia institutam à Deo, per quam & non aliter ab æterno decreverit dona sua nobis communicare. 2. Deum requirere eam potissimum à personis ministerio suo dicatis, a quibus vult ignem charitatis hoc quotidiano orationis pabulo manè potissimum foveri. 3. Hinc appellari eam cibum animæ, *scm- Levit. 6. 12.* num, rebur, & vitam, sic ut sine ea deficiat. Unde S. Bonaventura: *Sine hoc studio omnem religionem esse aridam, imperfectam, & ruinæ proximam.*

**Punct. V.** Considera i. Orationis hujus facilitatem, nam accessus ad Deum molestus non est; *Non enim Deus longè est ab unoquoque nostrum, in ipso Act. 17. 27.* enim vivimus, movemur, & sumus. 2. Neque opus esse ad hoc alta speculatione aut doctrina, nam cum simplicibus *sermocinatio ejus. Prov. 3. 32.*

## MEDITATIO PROOEMIALIS II.

### *De præparatione Meditationis.*

**Punct. I.** Considera 1. Sicut in rebus terrenis & humanis requiritur præparatio ante operationem, neque enim ligna ardent, nec cibus sumi ut nisi præparatus: ita & in cælestibus ac divinis, adeo ut qui o-mittit præparationem, Deum tentaturus sit in oratione, tanquam intendens finem neglectis mediis ab ipso ordinatis. 2. Præparationem aliam esse *remotam*, quæ consistit in removendis obstaculis, ut sunt culpa mordens, prius expianda per confessionem aut contritionem, cura pungens, effusio in exteriora, & affectus inordinati, omnia sensim ratio mortificationis subigenda, ut oratio optatum fructum efferre possit.

**Punct. II.** Considera 1. Aliam esse præparationem *propinquam*, sitam in instruendis potentiis animæ præsidio necessario, nemo enim Principem aut Judicem terrenum accedet de gravi negotio acturus, nisi præparatus, ideoque argumentum Meditationis pridie præparandum per certa puncta distributum. 2. Argumentum hoc desumi, vel ex via purgativa, quæ incipientium dicitur, & à vitiis expurgat; vel ex illuminativa, quæ proficientium dicitur, & ducit in amo em virtutum exemplo Christi & Sanctorum; vel ex unitiva, quæ perfectorum est, & ex Dei perfectionibus ac beneficiis cognitis mentem Deo conjungit.

**Punct. III.** Considera 1. Aliam esse præparationem *proximam*, sitam in oratione præparatoria, & præludiis. Orationem illam formandam esse ex consideratione Dei præsentis, cum interna & externa reverentia, induendo personam captivi vel infirmi, servi aut mendici, filij aut discipuli, excitans adibus diffidentie sui, & confidentie in Deo. 2. Supplicandum Patri cælesti pro tranquillanda memoria, Filio pro illuminatione intellectus, & Spiritui sancto pro inflammatione voluntatis, idque ut hæ potentie tendant pure ad majorem divinæ Majestatis ejus cultum & gloriam.

**Punct. IV.** Considera Formanda deinde præludia Meditationis per quatuor causas Physicas, ac 1. *Materialem causam* esse ipsum argumentum Meditationis, velut tabulam intento mentis oculo breviter lustrandum. 2. *Formalem* esse compositionem loci, qua idem argumentum per imaginationem sub forma corporea quasi præsens sistitur, ac plurimum confert ad mentem in officio continendam, ne evagetur. 3. *Finalem* esse affectum illi argumento maxime proprium, qui consecrandus est, ac potissimum dirigendus pro die præsentis ad extirpationem vitij magis noxij, aut consecutionem virtutis magis necessariae. 4. *Efficientem causam* esse Deum per auxilium gratiæ, quod ardentè implorandum est, & hominem per tres animæ suæ potentias, quæ Deo offerendæ sunt, & studiosè exercendæ.

MEDI.



# MEDITATIO PROOEMIÀLIS III.

## De Exercitio memoriae & intellectus.

**Punct. I.** Considera 1. Sicut in rebus pretiosis, ita & in oratione mentali requiri considerationem attentam & minimè perfunctoriam, ut fructum ejus assequaris, ideoque per memoriam apprehendendum argumentum Meditationis, per puncta singula, cum præcipuis motivis, & sic intellectui proponendum. 2. Intellectum inde procedere debere altius & accuratius ad ejus investigationem per partes singulas & motiva, quibus voluntas deinde ad affectus congruos excitetur, qui finis est, & fructus in Meditatione intentus. *Beati qui scrutantur testimonia ejus, in toto corde exquirunt eum.* Psal. 118. 2.

**Punct. II.** Considera in Meditatione de vitio aut virtute 1. Expendendam utriusque naturam, proprietates & adus, 2. per tres temporis differentias, quomodo te in iis hætenus gesseris, quomodo in præsentite geras, & quid in posterum facere statuas. 3. Quàm vitium illud sit per se turpe, molestum, noxium, & necessariò vitandum: contra verò virtus quàm honesta, jucunda, utilis, & necessariò amplectenda. 4. Ab auctoritate S. Scripturæ, peculiari exigentia status, ab exemplo Christi, & Sanctorum, à simili, & contrario, intellectum latius extende. 5. Attende etiam media, & occasiones, atque inde per syllogismum conclude.

**Punct. III.** Si argumentum historicum fuerit, expende 1. personas, verba & opera, locum, auxilia, causam motivam, modum, & tempus, quæ continentur vulgato versu: *Quis, quid, ubi, quibus auxiliis, cur, quomodo, quando.* 2. In singulis per comparisonem ad te reflecte, tibi que applica.

**Punct. IV.** Considera 1. In Meditatione de Sanctis, quomodo Deus ipsos ab æterno elegerit, & gratias præparaverit, quomodo & tibi. 2. Quomodo ipsi divinæ gratiæ cooperati sint, quomodo & tu. 3. Quam copiosè Deus labores eorum compensaverit in hac vita, & solatio in mortè, & mercede gloriæ æternæ in altera: quare & tu ut eò pervenias, eorum vestigiis insiste, & patrocinium implora.

**Punct. V.** Considera 1. In Meditatione de divinis beneficiis & perfectionibus, quomodo Deus ea ostenderit hætenus erga te & alios, quomodo ea etiam nunc & quotidie ostendat, ac deinceps ostendere paratus sit. 2. Quæ partes tuæ sint, quas à te requirit, ut illis respondeas.

**Punct. VI.** Pro disponenda proximè voluntate ad affectum Confid. 1. quid amicissimo consulenti te, suaderes, idemque tibi faciendum decerne. 2. Quid in morte, quid in extremo judicio, quid in æternitate fecisse optabis, idque nunc, dum potes, amplectere.

## MEDITATIO PROOEMIALIS IV.

*De Exercitio Voluntatis.*

**Punct. I.** Considera 1. Sicut non juvat in corporalibus videre mensam benè instructam omni cibo si hos non gustes, nec vestes videre pretiosas, quibus non uteris, nec thesaurum cognoscere quem non possides; ita nec in spiritualibus juvare, si cognoscas tantum peccatorum damna, & virtutum præmia, inferiorum tormenta, & cæligaudia, nisi voluntas per affectus congruos, se ad ea extenderit. 2. Sicut avarus quæcumque videt concupiscit, & apis ex omni flore mel fugit; ita & omnia quæ considerat intellectus, trahenda ad fructum voluntatis, eumque ex omni re esse colligendum.

**Punct. II.** Considera Procedere voluntatem 1. In via purgativa ex consideratione peccatorum, ad eorum agnitionem, dolorem, & detestationem, timorem novissimorum, reprehensionem sui, supplicationem veniæ, ac firmum emendandi ea propositum. 2. In via illuminativa ex consideratione virtutum & doctrinæ Christi, ad dissidentiam sui, confidentiam in Deo, postulationem gratiæ, subjectionem sui, oblationem, imitationem, ac puram intentionem: ex Passione Christi insuper ad compassionem, & admirationem. 3. In via unitiva ex consideratione Sanctorum, Dei perfectionum, & beneficiorum, ad gratiarum actionem, laudem, & gratulationem, zelum, invitationem Sanctorum, & omnis creaturæ, ac perseverantiam.

**Punct. III.** Considera Præter dictos affectus in diversis viis exercendos, maximè & passim in qualibet exercendos esse affectus virtutum Theologicarum 1. Fidei, cò quòd Deus suprema Veritas, qui nec falli nec fallere potest, rem illam credendam proposuerit, ac proinde fide practica ei adhærendum, *quoniam fides sine operibus mortua est.* 2. Spei, quia Deus suprema bonitas ita jubet, ac promissit cooperantibus hic auxilium gratiæ, & postea mercedem gloriæ: quare sicut spes mercedis lenit omnem molestiam, ita & labores omnes nostros lenire & solari debet merces gloriæ æternæ. 3. Amoris, quia Deus fons omnis boni, & diligens singulos amore infinito, tuum vicissim amorem requirit, non ad suam, sed ad tuam utilitatem: cumque ipse suum in te amorem opere tam luculenter comprobaverit, vide ut & tuum erga ipsum opere comprobes, nam ut S. Bernardus ait: *Amor ubi est, operatur.* 4. Igitur conclude, si verè credas, speres, & diligas, quales esse debeant tuæ cogitationes ac desideria, verba, & opera.



## MEDITATIO PROOEMIALIS V.

*De Colloquiis, recollectione, & fructu Meditationis.*

**Punct. I.** Considera 1. Colloquia institui aut secum, aut cum Deo aut Sanctis, in decursu Meditationis, magis tamen in fine cujuslibet puncti, & maxime sub finem totius Meditationis, voluntate magis excitata per prævias considerationes & affectus. 2. Secum institui, interrogando se, arguendo, & adhortando: cum Deo aut Sanctis, vel implicite ostendendo infirmitates, ac nutum observando, vel explicite postulando veniam ac gratiam, gratias agendo de beneficiis, laudando de perfectionibus, omnesque creaturas eo invitando. 3. In postulatione gratiæ interponi possent obsecrationes, vel ad Deum per omnes suas divinas perfectiones, per singulas Christi virtutes ac vitæ mysteria, per B. Virginis, & Sanctorum omnium merita: vel ad Christum per ejus omnes perfectiones divinas & humanas, amorem Matris & Sanctorum in ipsum, vel ad B. Virginem & Sanctos, maxime Patronos, per amorem Dei in ipsos, & ipsorum in Deum. 4. Vicissim etiam audienda Dei & Sanctorum ad nos colloquia, quare dicendum cum Samuele: *Loquere Domine quia audit servus tuus*, atque ita cum omni reverentia per *4 Reg. 3. 10.* orationem Dominicam Meditationem concludendam.

**Punct. II.** Considera 1. Absoluta Meditatione instituendum examen de ejus successu: quem si bonum inveneris, gratias Deo age, eundem deinceps modum observaturus, & gratiam pete pro executione. 2. Si malum deprehenderis, causas inquire, & dole de culpâ tuâ si subfuerit, eam deinde diligentius vitaturus: si citra culpam tuam, indignum te existima dono orationis, & in Deo confide, atque interim eo die majorem tui cautelam statue. 3. Scias parum à te actum in Meditatione, nisi calorem devotionis acceptum per diem deinde conserves & nutrias, divinas inspirationes executioni mandes, & jacta in corde semina ad maturitatem fructumque perducas.

**Punct. III.** Considera 1. Utilem esse praxim plurium Sanctorum, potissimum tempore peculiaris recollectionis, annotare deinde paucis pios affectus & proposita in signum æstimationis donorum cælestium. 2. Sicut actus scriptus plus habet firmitatis pro observantia in humanis, & plus verecundiæ addit in ejus transgressione. ita & in hisce fructibus. 3. Hos scripto mandatos esse velut ignes sub cineribus, aut aquam in cisternâ conservatam, quæ in tempore necessitatis mentem reficiat.

# MEDITATIO PROOEMIALIS VI.

*De Repetitione Meditationis, & applicatione 5. sensuum.*

**P**unct. I. Considera 1. Repetitionem Meditationis fieri insistendo potissimum iis locis, quibus expertus es in priori Meditatione maiorem consolationem vel desolationem, quod peculiarem adfert facilitatem, propter intellectum tunc minù occupatum, consideratione, & utilitatem, propter voluntatem magis vacantem affectibus & colloquiis. 2. Fructum ex affectibus sic repetitis patere ex simili de cibo corporali, qui priùs bene præparatus postea corpus meliùs reficit, aut clavo qui novis ictibus altius infigitur: ita & voluntatem ex repetitis affectibus firmiora concipere virtutum desideria, & arctius Deo conjungi. 3. Non rarò in repetitione loco prioris desolationis aut ariditatis succedere solatia & devotionem, sicut thesaurus prius non inventus, postea sæpè minori studio reperitur, & aurifodina profundiori descensu ampliores auri argentive fodinas aperit.

Punct. II. Considera Applicationem sensuum fieri per imaginariam apprehensionem quinque sensuum, qua res sensibiles velut præsentem percipiuntur ad animum terrendum, vel instruendum, vel oblectandum, quod pariter & facilius, & sæpè etiam utilius est. 1. Igitur *Visum* exerceri imaginando te videre inferni tormenta, vel cæli gaudia, vel suavem Christi conversationem, de qua ipse: *Beati oculi qui vident que vos videtis.* 2. *Auditum* quo percipias inferorum lamenta & ejulatus, vel cælestium cantica, vel Christi monita, ad quæ dic cum Propheta: *Audiam quid loquatur in me Dominus.* 3. *Odoratum*, quo olfacias inferni fœtorem, vel fragrantiam cælestis curiæ, aut virtutum Christi, quibus allectus dic cum Sponsa: *Post te curremus in odorem unguentorum tuorum.* 4. *Gustum*, quo infernalis fellis amaritudinem, vel cælestis mellis dulcedinem, vel virtutum Christi suavitatem percipias, de quibus Propheta: *Gustate & videte quoniam suavis est Dominus.* 5. *Tactum*, quo inferni flammis uraris, vel cælesti aura recreeris, vel Christi vestes ac pedes deosculeris, cum omni reverentia ac tenero amore, ipsumque amplectaris cum filio prodigo dicens: *Pater peccavi*, vel cum Sponsa: *Tenui eum, nec dimittam.* 6. Considera. Fructum hujus exercitij, nempe animum subinde minus aptum discursui hisce sensibilibus cum spiritali profectu inhærere, subinde etiam contra fervore devotionis accensum ad ea cum novo gustu se extendere.



## MEDITATIO PROOEMIALIS VII.

*De tribus causis ariditatis & distractionis in oratione.*

**Punct. I.** Considera 1. Ariditatem, quæ est carentia devotionis seu affectus spiritualis, & distractionem, quæ est evagatio mentis ad alia, oriri ex variis capitibus, ac primò ex ipsa natura, quæ de se sterilis, & instabilis tum ad ea quæ sensibus quotidie obijciuntur, tum ad affectus septem peccatorum capitalium variè provocatur, & velut pila in altum impetu projecta, pondere suo ad terrena descendit. Confid. 2. Hoc naturæ vitium aggravari quandoque indispositione corporis, per invaletudinem, somnum, defatigationem, aut aliter. 3. Pro remedio cavendum ne propterea, dum potes, ab oratione desistas, sed ei impensius insistas, cum affectu humilitatis, patientiæ, & fiduciæ in Deo, memor in his, non verò in gustu devotionis fructum orationis consistere. 4. Assumendos tunc breves aliquos versus jaculatorios ex oratione Dominica vel aliunde petitos, ac sæpius iteratos, qualibus David, publicanus, & latro in cruce, veniam peccatorum & gratiam impetrarunt.

**Punct. II.** Considera 1. Alteram causam ariditatum & distractionum esse dæmonem, qui probè sciens salutem nostram, ac divinam gloriam, quam utramque pessimè odit, ab oratione provenire, eam modis omnibus nititur impedire, ideoque visus est quandoque sub tempus orationis, socios tuba aut buccina quasi ad prælium convocare, quare & tu orationem aggressurus, ad certamen te prepara. Confid. 2. Quolibet actu resistentiæ augeri coronam meritorum, eamque sic sæpè illustriorem reddi, quam gustu devotionis.

**Punct. III.** Considera 1. Tertiam causam esse Deum, dum solatia sua subtrahit, ac dæmonem permittit impedimenta orationi obijcere, intendens sic incrementum gloriæ nostræ, dum ex una parte naturæ nostræ infirmitatem agnoscimus, in humilitate & patientia fundamur, ex altera vero Dei auxilium ardentius imploramus, & acceptum deinde pluris æstimamus, ac diligentius impendimus. Confid. 2. Maximè hoc modo probari virtutem nostram, dum sine stipendio spiritualis solatij, strenuè Deo militamus. Confid. 3. Post fidele certamen non rarò etiam spiritualia solatia copiosè à Deo communicari, ut dicere possint cum Propheta: *Secundum multitudinem dolorum meorum in corde meo, consolationes tuæ latificaverunt animam meam.* Psal. 93. 19.

MEDI-

## MEDITATIO PROOEMIALIS VIII.

*De quarta causa defectus in Oratione, quæ est negligentia nostra.*

**Punct. I.** Considera Negligentiam hanc consistere in fovendis defectibus contrariis præparationi debitæ, ac primùm remotæ, ut sunt 1. delicta quotidiana, quæ etiam leviora velut maculæ mentem inficiunt, & à cælestis Sponsi amplexu avertunt, ac velut pulvis in oculo visionem ejus impediunt. 2. Sunt affectus inordinati, qui velut vincula mentem deprimunt, sic ut in altum ad cælestia appetenda evolare non possit. 3. Est effusio in exteriora cum dissolutione sensuum, unde anima velut aqua turbida cælestis lucis radios non recipit. 4. Sunt curæ vanæ ac superflue, quæ velut spinæ animam impediunt ad recipiendum semen verbi Dei.

**Punct. II.** Considera 1. Hinc tamen non sequi evitandas esse omnes alias occupationes, cum hæ plurimùm juvent ad bene orandum, si ex obedientia aut charitate suscipiantur. 2. Rationem hujus assignari à S. Bernardo, cum ait: *Animum prudentis non dissolvi per laborem sed colligi, quia semper præ oculis habet non tam quod agit, quam id quod agendo intendit, nempe Dei beneplacitum.* 3. Addit S. Chrysostomus, cum secundum Apostolum, anima cujusque templum Dei sit, erigendum ibi altare Domino, cui in omni loco & actione cultum deferamus. 4. Ita coquum, de quo S. Climacus, in culinæ obsequiis, orationis suavitatem perfusum, & alium in familia S. Francisci in eodem munere pari orationis gustu refectum, cum postea liberationem obtinuissent ut huic liberius vacarent, mox aridos & omni solatio destitutos, non nisi in priori munere resumpto, sublatum orationis donum recuperasse.

**Punct. III.** Considera 1. Negligentiam nostram consistere non tantum in omittenda præparatione remota, sed etiam propinqua, & proxima, ut sunt prælectio materiæ, & consueta præludia, quæ si negligentia nostra omittantur, mirum non est orationem minimè succedere. 2. Idem est, si in ipso decursu orationis negligentia intercedat in impendendis potentiis animæ, cum Deus studium nostrum in iis requiratur, ut gloriosius compenset. 3. Denique si quis ad somnum se commodius componat, aut suggestas à dæmone distractiones, quas excutere debuisse, languidiùs admittat, ineptum se reddit ad orationis fructum petcipiendum.



## Actus & affectus qui in Meditatione exerceri possunt.

<i>Per viam purgativam.</i>	<i>Viam illuminativam.</i>	<i>Viam unitivam.</i>
Fides.	Salutatio.	Præsentia Dei.
Timor.	Comparatio.	Oblatio sui.
Confusio.	Imitatio.	Donatio sui.
Verecundia.	Excitatio.	Traditio sui.
Compunctio.	Incitatio.	Consecratio sui.
Contritio.	Alacritas.	Adhæsiō Dei.
Gemitus.	Contemptus sui.	Intentio pura.
Suspirium.	Humiliatio.	Benedictio.
Odium peccati.	Demissio.	Laus.
Horror.	Subjectio.	Psalmus.
Odium sui.	Desiderium.	Magnificatio.
Accusatio sui.	Adoratio.	Glorificatio.
Increpatio.	Ponderatio.	Gratulatio.
Confessio.	Admiratio.	Collæctio.
Invocatio.	Exclamatio.	Effusio animi.
Elevatio.	Gratiæ.	Dilatatio cordis.
Supplicatio.	Compassio.	Gaudium.
Postulatio.	Sensus dolorum Dñi.	Approbatio.
Spes.	Confugium.	Invitatio creatura-
Fiducia.	Charitas.	Zelus. (rū.
Propositum.	Resignatio.	Perseveratio.

## MEDITATIO PROOEMIALIS IX.

De vita &amp; doctrina Christi.

**Punct. I.** Confid. 1. Deum homini ad æternam salutem à se destinato impressisse in creatione legem suam, quæ naturæ dicitur, velut signaculum (*Signatum est super nos lumen vultus tui Domine*) & didat cuivis quantumvis barbaro, quæ cavenda, & quæ recte agenda sint, unicum cise-supremum Numen colendum, quod actionibus nostris intendat, & à quo bonorum operum præmia, & malorum supplicia expectanda sint, ac proinde ad legis hujus seu luminis directionem etiam adjecisse eum nobis auxilia gratiæ suæ ad salutem consequendam, idque ex pura erga nos benevolentia, quam hîc agnoscam & amplectar, *quoniam bonorum meorum non eges.* 2. Lege hac per peccatum non parum offuscata, Deum subjunxisse per Moysem & Prophetas legem alteram scriptam declarativam divinæ suæ voluntatis: sed & illa pariter neglecta passim & calcata, ex abundantia clementiæ & amoris in nos, tradidisse tandem legem suavissimam & brevissimam; utque in majori apud nos esset pretio, eam, per unigenitum Filium suum carne nostra indutum communicasse, *Multifariam multisque modis olim Deus loquas Patribus in Prophetis, novissime diebus istis locutus est nobis in filio.* Atque hanc legem rectè Evangelicam dici propter sanctissimum nuncium quem continet de regno cælesti nobis aperiendo, etiam Gratiæ legem, eò quod illam copiosissimam conferat: quare cavebo per legis hujus transgressionem ingratus esse pro tanto beneficio.

**Punct. II.** Confid. 1. Venisse igitur Dei filium in hunc mundum, non solum ut nos redimeret, & Patri cælesti reconciliaret: sed ut verbo & exemplo doceret nos redemptioni huic coöperari, & jam reconciliatos amicitiam colere, fovere, & conservare, & ad hoc eum datum nobis ab æterno Patre: *Dedi eum Duce[m] ac Præceptorem gentibus. Ille est Filius meus dilectus, in quo mihi bene complacui, ipsum audite.* Quod & Apostolus inculcat: *Apparuit gratia Dei Salvatoris nostri omnibus hominibus, erudiens nos, & alliciens ad observantiam doctrinæ suæ præmio novo cælestis gloriæ: prævaricatores verò terrens pœna supplicij infernalis.* 2. Christum non tantum verbo nos docuisse, sed potissimum exemplo; ad quod ut vitam nostram conformemus, monet nos cælestis Pater: *Inspice & fac secundum exemplar, quod tibi in illo monstratum est.* Et ipse nos Christus invitat: *Discite à me quia mitis sum, & humilis corde. Ego sum lux mundi: qui sequitur me, non ambulat in tenebris. Exemplum dedi vobis, ut quemadmodum ego feci, ita & vos faciatis. Ego sum via, veritas, & vita.* Quare excitabo in me desiderium imitandi tam illustre exemplum.

DOMI.



# DOMINICA I. ADVENTVS. P.I.

11

Anno 14.  
Martij 21.  
in monte  
Oliv.

*Christus prædicat signa extremi iudicii. Luc. 21. Matt. 24. Marc. 13.*

**P**unct. I. *Erunt signa in sole & luna, & stellis.* Confid. I. Christum hinc proponere nobis signa postremi adventus sui gloriosi ac terribilis, ut priorem ejus adventum mitem ac benignum, atque innumera bona per eum collata grato animo recolamus: *Adeamus ergo cum fiducia ad thronum gratiæ, ut misericordiam consequamur.* Heb. 4. 16. 2. Per solis obscurationem designandam mæstitiam impiorum, & luctum tunc futurum; per lunam sanguine suffusam, iram judicis; per stellas de cælo cadentes, ac virtutes seu cardines cælorum commotos, hominum in speciem illustrium & solidorum præcipitationes in abyssum. 3. Cave ne tenebras in conscientia foveas, postea cum publica infamia discutiendas: placâ iram offensæ judicis fructibus pœnitentiæ, & ne aliquando movearis, stude stabilire te in solida humilitate, & conjunctione cum Deo. Apoc. 6. 12.

**Punct. II.** *Et in terris pressura gentium præ confusione sonitus maris & fluctuum.*

Confid. I. Improbos tunc prodigiis in cælo, terra, & mari excitatis adeo percellendos, ut quocumque se verterint, quasi furentium dæmonum fremitus & impetus percipere sint. *Pugnabit cum illo orbis terrarum contra insensatos.* Sap. 5. 21. Quanto verò eorum sensu, subditur: *Aræsentibus hominibus præ timore & expectatione.*

ubi expende animum improborum anxium & oppressum conscientia male actorum ac timore instantis iudicii, angustias mortis subitum: quare eam nunc vitam institue, quæ signa illa, diem, & tribunal non reformident. 2. Huic te siste nunc sapius per conscientię examen & frequentem confessionem. *Si cor nostrum non reprehenderit nos, fiduciam habemus ad Deum.* 1. Ioan. 3. 21. 3. Ne timeas ea quæ timenda non sunt, instar puerorum, inquit Chrysostomus, qui larvas timent, non ignem; sed supremum judicem, hunc time, ideoque novissima sapius recole: qui pavet, Luc. 12. 5. cavet. 4. Succedet universalis mundi conflagratio. *Ante faciem ejus ignis vorans,* Ioan. 2. 3. qui saviæ in homines difformiter, ex divino imperio pro ratione meritorum aut demeritorum: quare nunc potius peccata tua leviori pœna expiare stude.

**Punct. III.** *Et tunc videbunt filium hominis venientem in nube cum potestate magna & maiestate.*

Confid. I. Venturum Christum lucidissimæ nubi velut throno insidentem, cum universali in omnes imperio, inimicis omnibus velut scabello pedum subjectis, & cum splendidissimo comitatu Angelorum omnium, fulgenti corpore apparentium. 2. Thronum Christo proximum occupabit Virgo Deipara, cujus patrociniū qui hinc neglexerint, tunc serò implorabunt: inde Apostoli eorumque sequaces, juxta Christi promissum, *Sedebitis & vos super sedes 12.* quorum eminentiam nunc reverere & virtutes imitare. Psal. 109. 2. Matth. 27. 34. Matt. 13. 28.

## DOMINICA I. ADVENTVS. P. II.

Anno .4.  
Mart. 21.  
in monte  
Oliv.

De extremo Iudicio. Luc. 21. Matt. 24. Marc. 13.

Matt. sup.

**Punct. I.** Tunc parebit signum filij homini in calo. Confid. 1. Trophæum crucis velut honoris insigne Christo præferendum, tum ad ejus gloriam inde maximè acceptam, tum ad hostium confusionem: quare hoc signum venerare, frequenter usurpa, & in eo fiduciam colloca. 2. Ideo adversa etiam ac tribulationes, quæ per crucem significantur, libenter sustine, certus hanc securissimam esse ad cælos viam, tibi que inde fore postea præcipuam gloriam: mollibus verò ac delicatis, inimicis crucis Christi, probum inde fore & ignominiam.

Matt. sup.

Num. 10. 2.

Ex 10.

**Punct. II.** Et mittet angelos suos cum tuba & voce magna, & congregabunt electos ejus à 4. ventis. Confid. 1. sicut in lege veteri ad bellum atque etiam ad templum festis diebus populus tuba convocabatur, ita & tunc ad suscipiendum bellum contra impios, & ad templum cælestis gloriæ omnes à 4. mundi partibus convocandos, tubarum sonitu per angelos excitato: quare jam hoc bellum suscipe, & sacras ædes libenter frequenta. 2. Subjungunt voces articulatas *surgite mortui*: quas ut securus tunc excipias, nunc angeli inspirationibus aurem præbe. 3. Collectis cineribus, & anima reunita corpori formato, sistant se justis glorioso corpore fulgentes per dotem agilitatis in aëre à dextris gloriosi judicis apud Angelos spectabili etiam forma decoros: improbi verò ad sinistram in terra portabuntur à dæmonibus tætro etiam corpore horrendis: expende nunc quas partes tunc optabis occupare.

Exod. 8. 19.

Gen. 19. 24.

Gen. 6. 7.

**Punct. III.** His autem fieri incipientibus respicite, & levate capita vestra, quoniam appropinquat redemptio vestra. Confid. 1. sicut impijs signa illa & extremus dies maximè erit formidandus propter conscientiam male actorum, & instans gehennæ supplicium: ita justis gratissimum fore propter æternæ gloriæ coronam, ad quam convocantur. 2. Iustos qui nihil purgandum habuerint, nihil etiam tunc passuros ex signis præviis, sicut Hebræi in Ægypto immunes fuere à plagis Ægyptiorum, & Loth cum filiabus eductus ex igne Sodomitico, ac Noë à diluvio: ubi expende quanto solatio tunc futurum sit, poenas peccatis debitas prius persolvillæ. 3. Sicut Christus hortatur hic suos ad gaudium de instante iudicio universali, ita & de privato iudicio in morte justis omnibus gaudendum, tanquam de termino miseriarum animæ & corporis, ac retributione æternæ securitatis, eo que adipirandum, cum Apostolo desiderante *Dissolvi & esse cum Christo*; ego enim jam delibor, & tempus resolutionis meæ instat. bonum certamen certari cursum consummare, fidem servare, in reliquo reposita est mihi corona justitiæ, quam reddet mihi Dominus in illa die justus iudex. *Concupiscit & deficit anima mea in atria Domini. Melior est dies una in atris tuis super millia.*

Phil. 1. 23.

2. Tim. 4. 6.

Psal. 83. 3.

Jer. 17. 11.

DOMI-



# DOMINICA I. ADVENTVS. P. III. <sup>13</sup>

## De Extremo iudicio.

**Punct. I.** *Aperientur libri*, sive conscientiarum cujusque, ubi Confid. i. quàm periculose & noxiè nunc occultes defectus tuos, etiam uni confessorio aut superiori cū salute aperiendos, tunc verò palam omnibus sine ullo fructu ad maiorem confusionem. 2. Quanta gloria sit futura iis, qui etiam in abscondito multa bona opera fecerunt, uno Deo inspectore ac remuneratore. 3. Licet opera mala justorum per pœnitentiam expiata etiam ibi manifestanda sint; tamen nullā ijs inde ignominiam creandam: contra verò improborum opera bona cessura iis ad maiorem confusionem, eo quod viam rectam deseruerint, & à bene cœptis destiterint.

**Punct. II.** Sententiam deinde Christus pronuntiabit pro justis, quos benigno vultu & voce compellabit: *venite benedicti*, vos qui à me vocati ad crucem ferendam promptè venistis, & ad diem hunc tanto tempore anhelaistis, venite nunc de valle miseriarum, de peccandi occasionibus, & pravorum hominum societate: *benedicti* non temporali aliqua benedictione ab Abraham, Moyse, aut alio de prophetis, sed à patre cœlesti meo ac vestro æterna benedictione dotati: *possidete*, non ut ante, fortunæ bona, aut corporis, aut animi infinitis periculis perdendi obnoxia, sed *paratum* per infinita media & beneficia, per tot adhortationes & inspirationes, per piorum exempla, & impiorum punitiones, *vobis* amicis meis, domesticis, filiis, *regnum*, non gubernationem, aut principatum certæ ditionis, sed terræ totius, ac cœli universi, *à constitutione mundi*; jam enim inde sollicitus de vobis fui. Inde deprædicabit justorum merita, mirantibus illis tam exilia, tantâ mercede compensari.

**Punct. III.** Reprobi ex pronunciata sententia pro justis, attoniti & pavidī suam audient condemnationem: *discedite* vos qui toties à me invitati & vocati venire renuistis, & mundo ac carni maluistis adhærere quam mihi, nunc *nescio vos*, *à me*, patre vestro quem contempnistis, auctore vitæ quem neglexistis, à cœlesti sede, à consortio beatorum & Angelorum, ab omni favore & beneficio meo, atque hæc pœna est damni. *Maledicti*, qui benedictionem meam in hac vita rejecistis, mundi vero ac carnis adamastis, maledicti in corpore ac sensibus, & membris omnibus, in anima & potentijs, in loco ac tempore & societate, *in ignem*: hæc pœna sensus est. Non igitur ut sitis cum Caimo profugi, aut cum Nabuchodonosore inter bestias, sed inter flammās & ardores maximè cruciantes, toto corpore & anima, quantumvis molles, & delicatuli, ibi habitabitis, voluemini & torquebimini: idque non ad diem, mensem, vel annum, sed *æternum*, sine ullo unquam fine etiam post millena annorum millia; quam diu Deus erit Deus. Illis denique peccata eorum præcipua, ac mala opera exprobrabit: attende ad hæc in tempore, ne luas in æternitate.

Anno 34.  
Mat. 21.  
in monte  
Oliv.

Apoc. 20. 12

Matt. 25. 5.

Matt. 25. 12

## DOMINICA II. ADVENTVS. P. I.

Legatio Ioannis ad Christum. Matt. 11. Luc. 7.

**P**unct. I. Tu es qui venturus es, an alium expectamus? Confid. 1. Joannem in carcere non de incommodis suis, sed de Christi gloria sollicitum, mittere ad eum duos è discipulis suis, qui interrogent eum, num ipse sit Messias à Prophetis promissus; non quòd hic de eo dubitet, sed ut suorum ignorantia consulat, qui maiorem de Joanne quàm de Christo opinionem conceperant: in quo imitare Joannis humilitatem, eosque quos instruis, non tibi, sed Christo conciliare stude. 2. Non refrixit zelus Joannis in carcere, sed exarsit magis; quare cave ne in tribulatione animum despondeas. 3. Retulit Joannes carcerem & vincula, quia erat magnus coram Domino; his Deus suos exornat, sicut rex nobiles suos torque vel cruce aurea, ita Christus catenis ferreis, & cruce ex tormentis, quia gloriosum est pati pro Christo.

Luc. sup.

Isa. 35. 5.  
Et 61. 1.

Punct. II. Renunciate Joanni que audistis & vidistis. Confid. 1. In ipsa hora, qua discipuli illi Joannis Christum accedebant, hunc coram iis multa miracula patrasse, atque ita opere comprobasse se esse verum Messiam promissum. Vide & tu ut non verbo tantum, sed operibus atque imitatione virtutum Christi ostendas te Christianum esse; ex fructu enim arbor cognoscitur. 2. Hæc miracula in te aliisque spiritualiter quotidie à Christo renovari, cum spirituales infirmitates nostras curat: nam *cæci vident*, cum accepto lumine fidei agnoscunt virtutum præstantiam & mundi vanitatem: *claudi ambulant* ad opera bona & cum ad modestiam gressum componunt: *leprosi mundantur* à peccatis per gratiam: *sardi audiunt* verbum Dei & salutaria monita: *mortui* in peccatis *resurgunt* ad vitam gratiæ & gloriæ.

Punct. III. Pauperes euangelizantur. Confid. 1. Postremo loco adferri hoc signum Messia, zelum nempe & curam pauperum qui ab aliis contemnuntur, & in quibus cum humanæ retributionis spes nulla appareat, sola animæ Deo maximè caræ præstantia spectatur: quare tu cum Christo libenter pauperes instrue, solare, & juva. 2. Pauperes præ ceteris aptiores esse ad salutem æternam, tum quia terrenis divitiis, quæ non leviter secum trahunt impedimenta, expediti sunt; tum quia ad cælestes divitias adspirare coguntur. 3. Addit & *beatus qui non fuerit scandalizatus in me*: monet eos Christus ne ob externam paupertatis suæ speciem & humilitatem operibus suis fidem derogent, eo quod splendidiorem apparatus in Messia expectarent: quare tu hanc Christi abjectionem tui amore susceptam potius venerare, magisque te ad ejus amorem & imitationem excita.



# DOMINICA II. ADVENTVS. P.II.

*Christi de Ioanne testimonium. Matt. 11. Luc. 7.*

15

Anno 12.  
Jun.  
in Naim.

**P**unct. I. *Quid existis in desertum videre? arundinem vento agitatam?* Confid. 1. Christum post reditum discipulorum Joannis deprædicare hujus virtutes apud reliquos, ne coram discipulis adulari Joanni videretur. *Felix autem qui laudatur à Deo potius quàm ab hominibus, quorum laudes vanæ, incertæ, & adulatoriæ; quare has contemne, ut illis potiariis.* 2. Laudat Joannem à constantia, qua non instar levis arundinis vel populi applausu, vel Herodis metu flectatur, sed velut arbor firmis nixa radicibus, inter prospera & aduersa virtutem retineat. *Non ven- Eccl. 5. 11.*  
*ciles te in omnem ventum, & non eas in omnem viam, esto firmus in via Domini.* 3. Arundines symbola esse inconstantia; nam sicut illæ leves medulla carent, nascuntur in fluuiis, & infructuosæ sunt; ita inconstantes carent pondere considerationis, caducis & transitoriis pascuntur, nec fructum ferunt bonorum operum.

*1unct. II. Quid existis videre: hominem mollibus vestitum?* Confid. 1. Christū laudare deinde Joannem à vitæ asperitate, in qua suos potissimum vult exerceri, & incommodis afflascere; nam mollis lectus, vestis & cibus etiam animum emolliunt & flectunt, qui duris erigitur. Hinc Joannes non aulam regiam quærebat, sed desertum: non opiparas mentias cum epulone, sed mel silvestre & locustas: non vestes pretiosas, sed cilicium è pilis camelorum: ita & Sancti omnes austeritatem & pœnitentias amplexi sunt, peccatores vero molliem & commoditates. 2. Spectabat Joannes & quærebat ornatum non corporis corruptibilis, sed animæ immortalis quæ corporis velut regina & domina est, idque per studium solidarum virtutum, quod & nobis sectandum.

*Punct. III. Quid existis videre: Prophetam: Etiam dico vobis plusquam Prophetam.* Confid. 1. Laudari hic Joannem à Christo ut eminentem Prophetam, qui non ut reliqui adventum Christi prædixerit, sed hunc præsentem agnum Dei compellaverit, & palàm digito demonstraverit. ubi expende dignitatem Sacerdotum, qui eundem sapius populo ad salutem singulorum in Sacrificio præsentem exhibent. 2. Appellat eum Christus Angelum olim promissum, ob vitæ puritatem, studium orationis & rerum cælestium, ac contemptum terrenarum. *Hic est enim de quo scriptum est: Matt. 3. 1.*  
*Ecce ego mitto Angelum meum ante faciem tuam, qui præparabit viam tuam ante te.* nam singulariter nunciavit ipse adventum Christi imminetentem & præsentem, & sicut aulicus dignior Regem in pompa deambulantem immediate præce lit, & post plures stellas Soli prævias sola illa quæ cum Sole procedit, Luciferi nomen obtinet; ita & Joannes nomen Præcur-  
soris ac Nuncij.

DOMI-

Anno 31.  
Mart. 1.  
in Betha-  
nia ad Jor-  
dancm.

## DOMINICA III. ADVENTVS. P. I.

*Legatio Iudæorum ad Ioannem, & hujus primum de Christo baptizato testimonium. Ioan. 1.*

**Punct. I.** *Miserunt Iudæi ab Hierosolymis Sacerdotes & Levitas ad Ioannem, ut interrogarent eum: Tu quis es?* Considera 1. Cur in tanta æstimatione fuerit Joannes apud Judæos, adeo ut eum Messiam esse suspicarentur, nempe ob singularem nativitatem, constantiam, vitæ asperitatem, ac zelum pro Dei gloria & proximi salute: ita non apud probos tantum, sed etiam improbos virtus in honore est. 2. Exquirunt multi aliarum rerum scientias, etiam aliorum vitia, suis ac se neglectis, sicut oculi, inquit Basilii, qui vident cetera omnia præter se: quare te ipsum potius inspicere & interroga: *Tu quis es?* obeundo 10. prædicamenta, & cum Deo comparatione instituta, 1. *Substantiæ*, quis tu, nisi pulvis & cinis, ac fons mali omnis & miserationum, Deus verò fons omnis boni & perfectionis. 2. *Quantitatis*, pusillus es inter tot hominum milliones, & quasi nihil respectu Dei, cui proinde te subde. 3. *Qualitatis*, corruptioni corporis, ac vitiis animæ obnoxius, Deus autem puritas immutabilis. 4. *Relationis*. Filius Adæ per peccatum, sed Dei per gratiam. 5. *Actionis*, quid agas, num recta & recte juxta divinæ legis præscriptum. 6. *Passionis*, corporis incommoda, afflictiones, & animæ tentationes quomodo sustineas, & quam parum hæc sint respectu dolorum Christi. 7. *Vbi*, in terra es inter cælum & infernum, ideoque cautè & sanctè ambulandum. 8. *Quando*, ad vitæ terminum, quo indies tendis, pervenies, & quando è vitiis resurges. 9. 10. *Situs & habitus*, vide num modestiam corporis & vestitus serves statui convenientem, ac scias non veste, sed animæ sanctitate Christianum & religiosum constitui.

**Punct. II.** *Et confessus est, quia non sum ego Christus.* Ita & interrogatus se Eliam aut Prophetam esse negavit, ubi Confid. 1. astutiam dæmonis, qui postquam Joannem aliis machinis expugnare non potuerat, delatione honoris, & eximie excellentiæ studet superare: quare hos lateos superbiæ evita. 2. Licet posset Joannes nomen Eliæ ac Prophetæ sibi assumere, utpote à Christo sibi attributum, negavit tamen ad sensum interrogantium, sciens plurimos affectatione honoris salute excidisse, quam ejus contemptores consecuti sunt: quare cave & tu jactare dotes animi aut corporis, naturæ aut gratiæ, nisi ea perdendi periculo exposita velis. Cave etiam admittere titulos indebitos vel laudes de bonis quibus cares, nec velis ab hominibus haberi vel dici major, vel melior, quam coram Deo sis.

DOMI-



## DOMINICA III. ADVENTVS. P. II.

Anno 31.

Mar. 1.

in Bethania

ad Jorda-

nem.

*Ioannis de se & Christo testimonium ad legatos Iudæorum. Ioan. 1.*

**P**unct. I. *Ego vox clamantis in deserto: Dirigite viam Domini.* Confid. 1. Ioan-  
nem, declinatis honorum titulis sibi delatis, munus Præcursoris si-  
bi à Deo demandatum sic agnoscere, ut nihil inde sibi, sed Deo per se  
clamanti totum tribuat: unde discite & tu virtutes ac dona tua, si quando  
aperire necesse fuerit, non tuæ, sed divinæ gloriæ tribuere. *Gratia Dei sum* 1. Cor. 1. 10  
*id quod sum.* contra quàm dicant superbi: *Labia nostra à nobis sunt, quis noster* Psal. 12. 5  
*Dominus est?* 2. Erat Ioannes vox, non ore tantum, sed vultu, vestitu, con-  
versatione, toto corpore, & animo Deum sonans, & ad ipsum omnes in-  
vitans: tales hortatores Christus requirit: quare & tu clama, ne cesses, clamet 1/a 58. 1.  
in te zelus animarum, ardor laborum, fervens oratio, sedula exhortatio,  
heroicum exemplum fidelium, in verbo, in conversatione, in charitate, in fide, in casti- 1. Tim. 4. 12  
tate: clamet non iram, non vindictam aut minas, nisi fortè divinas, sed  
pœnitentiam: clamore autem, sive vehementia affectus opus est, ad  
peccatores longè à Deo dissitos convocandos.

**Punct. II.** *Quid ergo baptizus, si tu non es Christus, neque Elias, neque Propheta?*  
Confid. 1. Incerta & vana mundi iudicia, cum hi Pharisei prius blandi-  
rentur Joanni, deferentes ei titulos Prophetæ atque etiam Messia, mox  
ut sacrilego insultant; unde cave fidere honoribus mundi: *Mihi pro minimo* 1. Cor. 4. 3.  
*est, ut à vobis iudicer, aut ab humano die; qui autem iudicat me, Dominus est:* quare  
huic te proba si sapias. 2. *Respondit eis Ioannes: Ego baptizo in aqua, medius autem*  
*vestrū stetit, quem vos nescitis.* Agnoscit baptismum suum sola aqua constare,  
vacuum Spiritu sancto ejusque gratia, qui conferendus sit per baptis-  
mum Christi, & gratia sua instar ignis efficaci mentes purget à vitis &  
terrenis affectibus, illuminet ad exercitia virtutum, inflammet ad amo-  
rem Dei & ad cælestia rapiat: unde discite etiam extenuare opera tua, &  
magnificare aliena. 3. Christum stare in medio nostrum, licet nescias, &  
observare quid agamus, imò & intimas cogitationes pervadere: quare  
excita in te vivam fidem Dei præsentis, & cave in ejus conspectu ad-  
mittere ea, quæ in conspectu hominum non auderes.

**Punct. III.** *Ipse est qui post me venturus est, qui ante me factus est, cujus ego non sum*  
*dignus ut solvam ejus corrigiam calceamenti.* Confid. 1. Joannem magis declara-  
re Christi excellentiam, qui sibi quidem in prædicandi munere successu-  
rus sit, sed utpote ab æterno Patre sibi in honoris gradu præpositus, etiam  
doctrina & miraculis longè sit antecessurus. 2. Joannem, licet à Christo  
exaltatus esset ad se & sacrum caput suum baptismo abluendum, tamen  
hic demittere se infra pedes ejus, sic ut agnoscat se nequidem dignum  
ad præstanda ei vilissima obsequia famuli in solvendis calceis: quare &  
à Christo meruit deinde iterum exaltari: *Inter natos mulierum non surrexit* Matt. 11. 11.  
*major Ioanne Baptista.* unde discite, si tu te humilias, te à Christo exaltandū.

DOMI

Anno 31.  
Januar.  
in deserto  
Judææ.

Feria 4. Quat. Tép. Adventus. Vide festū Annunc. B. Virg. 25. Mart. Feria 6. vide festū Visit. B. Virg. 2. Julij.

## DOMINICA IV. ADVENTVS, ET SAB. PRIDIE. P. I.

*Prædicatio Ioannis. Luc. 3. Matt. 3. Marc. 1.*

**Punct. I.** Anno quintodecimo Imperij Tyberij Caesaris factum est verbum Domini super Ioannem Zachariæ filium in deserto. Confid. 1. Notari hîc accurate ab Euangelista tempus & locum, quo Deus Joannem excitavit ad prædicandum Christi adventū. Magistratus etiam politicos & sacros enarrari, quibus Judei tunc suberant, ut scias collata tibi à Deo beneficia & inspirationes etiam annotari, ac postea de singulis rationem reddendā: quare ea nunc tecū attentè expende. 2. *In deserto* cum latuisse ab infantia usque ad annum trigessimū abdicatis ac deliciis paternæ domus, cum singulari vitæ asperitate, quam tamen Deus cælestibus solatiis reficiebat, sic ut desertū, illi esset domus recreationis, spelunca instar cæli, solitudo occasio colloquendi cum Deo & Angelis: ama & tu vitæ asperitatem, ac fecissimum à curis mundanis & hominum strepitu, ut divinas inspirationes percipias. *Ducam eam in solitudinem, & loquar ad cor ejus.* 3. Inde evocatū eum à Spiritu S. à quo & vocatus eò fuerat, ut prius ibi se per studiū perfectionis disposeret, quàm animos aliorū ad excipiendū Messiam: unde & tu discipe prius in oratione ac virtutum studio haurire spiritum vitæ cælestis, quàm eum proximo communices.

**Punct. II.** *Et venit in omnem regionem Iordanis prædicans baptismum pœnitentiæ in remissionem peccatorum.* Confid. 1. Argumentum concionum ejus fuisse non mollia aut curiosa, sed pœnitentiam, quam ab omnibus exigebat tanquā necessariā peccatori pro conversione ad Deū, & qua eos ad baptismum à se comendandum, præparatoriū ad baptismum Christi disponebat. *Convertimini ad me in toto corde vestro, in jejunio, & fletu, & planctu. Nisi pœnitentiam habueritis, omnes simul peribitis.* 2. Hortatur eos tum spe regni cælestis citò referendi neq; aliis armis expugnandi, tum timore irati Iudicis in adventu posteriore. *Quantum amandus est Deus ob pietatem Patris, tantum timendus ob maiestatem Iudicis. Quare ne tardes converti ad Dominum; subito enim venit ira illius.*

**Punct. III.** Confid. 1. Ad veram pœnitentiam in lege gratiæ requiri tres partes, dolorem, qui contineat propositū emendationis; cōfessionem humilem, simplicem, & integram; ac satisfactionem: quæ tria respondent triplici generi culparū, cogitationis, oris, & operis, ac pro singulis petendam gratiā à divinis personis: pro dolore, ut perfectus sit, à Spiritu S. qui est amor; pro confessione, ut sit integra, à Filio, qui est sapientia; pro satisfactione, ut fortiter præstetur, à Patre qui est potentia. 2. Ad fructus dignos pœnitentiæ, quos S. Ioannes inculcat requiri à nobis non solum executionem operis per confessarium impositi, sed insuper sedulam fugam peccatorum & occasionum; opera deinde bona, nominatim orationis, jejuniū, & misericordiæ. *Quam magna deliquimus, tam granditer desicamus.*

DOMI-



## DOMINICA IV. ADVENTVS, ET SAB. PRIDIE. P. II.

Anno 31.

Januas.

in deserto

Judææ.

*Prædicatio Ioannis. Luc. 3. Matt. 3. Marc. 1.*

**Punct. I.** *Parate viam Domini, rectus facite semitus ejus.* Confid. 1. Omnes hîc moneri a S. Joanne ad præparanda corda pro Christo dignè excipiendo; nam vita nostra est via, per quam ipse ad nos venit, & nos ad illum; ac sicut pro solenni ingressu Regis aut Principis viæ sternuntur & æquantur sublatis obstaculis: ita & vitam seu corda nostra præparanda esse, sublatis obstaculis peccatorum, & inductis ornamentis virtutum, ad Christum Regem nostrum dignè & cum fructu animæ nostræ excipendum. 2. *Semitus ejus* intelligi etiam posse vias perfectionum, quæ ipsum duces deinde habuerunt in consiliis Euangelicis, metam, & prænitorem, constantque observantia trium votorum, exercitio humilitatis, mortificationis, asperitatum, & omnium virtutum, ac proinde declinandam viam mundi latam, sordidam, & obliquam, *impij in circuitu ambulant:* Psal. 11. 9. Prov. 3. 17. sectandam verò viam arctam, mundam, & rectam, qua nobis prævit. *Via ejus via pulchra, & omnes semite illius pacificæ.*

**Punct. II.** *Omnis vallis implebitur, & omnis mons & collis humiliabitur.* Confid. 1. Viam pro Rege Messia hîc à S. Joanne accuratius præscribi; ut nempe per pœnitentiam, velut generale instrumentum omnis vallis acedat & pusillanimitatis impleatur solido fervore & fiducia in Deo. *Omnia possum in eo qui me confortat.* 2. Ut montes superbix & colles inanis gloriæ deprimantur per humilem sui cognitionem ac diffidentiam; nam *Deus superbis resistit, humilibus autem dat gratiam.* 3. *Et erunt prava in directa.* Monet nos pravas intentiones in actionibus ad honores & corporis commodâ corrigere, atque in iis spectare unam Dei gloriam, ac salutem æternam nostram & proximorum: *Afferre Domino gloriam & honorem.* 4. *Et aspera in vias planas:* ut asperitatem & iracundiam in conversatione cum proximo commutemus in modestiam & mansuetudinem: *Deponentes omnem malitiam, & omnem dolum, &c.* 5. Significari hîc etiam fructum piè excipientium Christum; nempe humiles instar vallis ab eo implendos donis cælestibus, & exaltandos, depressis superbis, & quæ prius molesta & horrida nobis videbantur, postea per gratiam ejus facilia & plana reddenda.

**Punct. III.** *Et videbit omnis caro salutare Dei.* Confid. 1. Ingens solatium hîc omnibus promissum, ac proximè impletum; visuros nempe eos clarè oculis corporeis mundi Salvatorē à Deo missum, tot sæculis expetitum, carne nunc nostra indutum, & inter homines habitatem; imò & cujus benignâ opem milleni essent experturi, quem deinde Joannes palam digito demonstravit, Pater cælestis ē nubibus proclamavit, ipse vero Christus miraculis stupendis se illū esse confirmavit. *Beati oculi qui vident quæ vos videtis.* 2. Eundem & nos habere nunc præsentē in Ven. Eucharistia, promptū in omni necessitate perfugium; ideoque cum omni reverentia, fide, ardore & fiducia ad eum recurrendum.

Anno 1.  
Febr. 1.  
Jerosol.

# DOMINICA INFRA OCTAVAM NATIVITATIS DOMINI.

*Simeonis & Annæ de Christo in templo vaticinia. Luc. 2.*

**P***unct. I. Ecce positus est hic in ruinam & in resurrectionem multorum in Israel.*  
 Confid. 1. Post læta à Simeone de Christo Deiparæ prænunciata, mulieri tristitia, qui cursus est vitæ humanæ, ut discas nec in lætis animo extolli, nec in adversis deprimi, sed contra illa per modestiā, contra hæc per patientiam animum præmunire. 2. Christum ex parte sua nulli fuisse in ruinam, sed omnibus, qui credere voluerint, in resurrectionem ad vitam meliorem: incredulos verò ac nominatim Judæos, vitio suo ruituros à Dei cognitione, obedientia, & spe salutis in cæcitatem, rebellionem, ac desperationem: tu sic vive ut Christus tibi etiam in resurrectione natus sit. 3. Addit Christum fore in signum cui contradicetur, velut scopum blasphemis Judæorum linguis impetendum, ac vexillum fidelium impetendum ab impiis, propter exemplarem vitam, doctrinam, mortem, ac miracula per se suosque patranda: tu vide cui parti te jungere velis, & scias te non fore Christi militem, nisi sub hoc signo contradictionis.

*Punct. II. Et tuam ipsius animam pertransibit gladius.* Confid. 1. Exprimi hinc ingentem dolorem quo Deipara affligenda erat, potissimum in Filij passione, in quo voluit Deus eam Filio assimilari, ne & tu frustra speres te hinc ab afflictione fore immunem. 2. Quantus fuerit ejus dolor colligendum ex amore quo in Christum ferebatur, eoque triplici, tum naturali in unigenitum suum, forma speciosum, indole amabili, sensu tenerum, ac regni heredem: tum acquisito ex usu 30. annorum, suavissimis aliquis, amore mutuo, & tot mysteriorum communicatione: tum supernaturali, cum sciret esse Deum simul & hominem, fontem gratiarum, mundi redemptorem, ac de omnibus optimè meritum: quare quot sensus doloris ejus ex atrocitate tormentorum toto corpore, ex blasphemis & opprobriis, tot ipsa doloris gladios in animo percipiebat. 3. Huic accedebat, Virginem fuisse ad miserandum maximè pronam, & tenerrimè in omnes pietatis, sic ut Regina Martyrum ab Ecclesia meritò appellerur.

*Punct. III. Et erat Anna Prophetissa, qua superveniens confitebatur Domino.* Confid. 1. Deum nullam habere acceptionem personarum, sexus, ætatis, aut conditionis, sed tantum virtutis: quare scias etiam tibi accessum parere ad perfectionem. 2. Senes hinc duos proponi, Simeonem & Annam, ut scias in virtutum studio perseverandum tibi usque ad vitæ finem, quo dignus sis Christum conspiceret. 3. Attende virtutes, ob quas hæc meruerit Christum videre, quippe præter insignem castimoniam, non discedebat a templo, jejuniis & obsecrationibus serviens nocte ac die. Iisdem & tu libenter vaca.

DOMI-



21

DOMINICA INFRA OCTAVAM EPIPHANIE. P. I. Anno 12.

Martio  
Jerofol.

*Christus à parentibus invenitur in templo. Luc. 2.*

**P**unct. I. Cum factus esset Iesus annorum 12. ascendentibus illis Hierosolymam, secundum consuetudinem dici festi, consummatisq; diebus cum redirent, remansit in Hierusalem. Confid. 1. Piam consuetudinem Deiparæ quotannis adeundi templum Hierosolymitanum cum Jesu & Josepho, licet ipsa minimè eò obligaretur, sed soli viri, ut discas etiam opera pietatis facere ad quæ non teneris. 2. Quomodo in via nunc sermonibus piis miscendis, nunc Psalmis recitandis, nunc accensis desideriis & affectibus molestias itineris sublevarint. 3. Attende eos in templo orationi ac sacrificiis solennibus intentos summa reverentia externa & interna, etiam ad plures horas orationem sine molestia protrahentes, idque tota hebdomade Paschali, ut discas diebus festis plus temporis impendendum divino cultui. 4. Remansit autem Iesus in Hierusalem, ut exemplum præberet tum filiis, obsequium Dei præponendi solatiis parentum; tum parentibus solatia sua ex præsentia filiorum similiter illi postponendi.

Punct. II. Parentes requirebant eum inter cognatos & notos. Confid. 1. Ingentem dolorem & anxietatem parentum de filio tali perduto, quot gemitus, quot lachrymas fuderint, expedientes secum num aliquam fortè culpa sua occasionem dedissent hujus jacturæ: tu vide num ita doleas de Christi familiaritate ac solatio per defectus tuos deperdito. 2. Regressi sunt in Hierusalem, requirentes eum. statim nempe incœnati, nocte media, iter diei remetientes; ubi attende eos dolori junxisse omnem diligentiam & studium inveniendi: unde discas Christum quærendum statim, non dilata pœnitentia, diligenter, dolenter, & constanter donec inveneris. 3. Sicut Christus perditus hic est festis Paschalibus, ita non rarò eum spiritaliter perdi in prosperis, & quæri in adversis.

Punct. III. Invenerunt illum in templo. Confid. 1. Christum non inveniri inter propinquos, nec inter honores aut commoda, sed in templo, ut ibi scias ipsum invenire; imò & cor tuum fac locum orationis, ubi cum ipso sis. 2. Invenerunt illum in medio Doctorum audientem illos & interrogantem. Ubi Confid. Christi sapientiâ in quæstionibus ponendis de Messia adventu, quæ tunc maximè vigeant, & in responsis dandis, simul modestiam sine jactantia, & observantiam Doctorum: tu alios etiam libenter audi & interroga, etiam ipsum Christum, ea quæ affectus suggerit. 3. Amanter & piè queritur Mater de subducta præsentia: *Fili quid fecisti nobis sic? Ecce pater tuus, & ego dolentes quærebamus te.* Cave ne & tibi à primo fervore deficienti pariter illa queratur: *Pater tuus Iesus, & ego dolentes quærebamus te.* Cui responde: *Erravi sicut ovis quæ perivi, quare servum tuum.*

Psal. 113.  
176.

Anno. 12.  
Martio  
Jerofol.

# DOMINICA INFRA OCTAVAM EPIPHANIE. P. II.

## Redit Christus in Nazareth. Luc. 2.

**Punct. I.** Descendit cum eis, & venit Nazareth, & erat subditus illis. Confid. 1. Christum subditum fuisse parentibus, non ex debito; nam ob dignitatem personæ, utpote Deus eorum & Dominus, exemptus erat ab omni subjectione; sed ut nobis exemplum daret obedientiæ. 2. Quomodo obedierit, perfectissimè quoad intellectum, voluntatem, & executionem, non expectando imperium, sed nutum præveniando Deus hominum, ut tu homo vilis similiter obedires ad nutum Dei. nam *qui vos audit, me audit.* 3. Hinc discamus & nos juxta monitum S. Ignatii obedire cum magna celeritate, spirituali gaudio, & perseverantia, quidquid nobis injunctum fuerit ob-eundo, omnia justa esse nobis persuadendo, omnem sententiam ac judicium nostrum con-trarium cæca quadam obedientia abnegando.

Luc. 10. 16.

**Punct. II.** Et proficiebat sapientia, & ætate, & gratia apud Deum & homines. Confid. 1. Christum profecisse non augmento gratiæ, cum à prima sua conceptione habuerit omnem plenitudinem & gratiæ, & sapientiæ: sed sicut Sol in se æquè clarus, inclarescere dicitur, dum propius accedit, ita & ipsum externis virtutum signis profecisse. 2. Alios bene incipere cum Christo, sed mox retrò respicere; alios proficere, sed lentè & flaccidè; alios coram hominibus tantum ad inanem gloriam, sed non coram Deo: Christum verò atque etiam Deiparam & Josephum profecisse de virtute in virtutem alacriter, & constanter, coram Deo & hominibus, ut & hi cælestem Patrem inde glorificarent: ita & tu proficere stude.

Marc. 6. 3.

**Punct. III.** Confid. 1. Christum ab anno 12. usque ad 30. multa præclare egisse ac dixisse, nihil tamen horum relatum ab Evangelistis, nisi hoc postremum, *Erat subditus illis, & proficiebat*, ut tu etiam hæc duo assidue in te exprimas, in omni loco & munere, in prosperis & adversis. 2. Ipsum cum Josepho, atque etiam post hujus mortem verosimiliter exercuisse artem fabrilem; unde Judæi: *Nonne hic est faber, filius Mariæ?* idque ad exemplum humilitatis, jungendo actus internos illustrium virtutum, cum opere externo, eaquæ offerendo Patri cælesti. 3. Latuit Christus per tot annos, actionibus in speciem abjectis occupatus, ut scias actiones tuas non à vilitate aut præstantia materiæ, sed ab affectu æstimandas, nec quidquam esse vile in domo Dei, quod Dei Filius exemplo suo dignatur & imperio, modò ad excelsum hunc finem generoso affectu dirigatur. *In omnibus operibus tuis præcellens esto.* 4. Christum hoc diuturno silentio non minùs nq̃ docere, quàm postea verbo, & ostendere plus temporis tribuendum exercitiis virtutum ad profectum proprium, quàm iis quæ diriguntur ad alienum, ut absque jactura aliis benefacias. Disce igitur libenter in silentio latere, dum Deus aliter de te disponat.

Ecclesi. 33. 23.

DOMI-



# DOMINICA II. POST EPIPHANIAM. P. I.

23

Anno 31.  
Mart. 7.  
in Cana  
Gal.

*Christus in nuptiis aquam convertit in vinum. Ioan. 2.*

**Punct. I.** *Nuptiæ factæ sunt in Cana Galilææ, & erat Mater Iesu ibi; vocatus est autem & Iesus, & discipuli ejus.* Confid. 1. In nuptiis hisce sponsum fuisse aliquem de consanguineis Christi, quibus proinde B. Virgo etiam interfuit, Nazaretho adveniens, trium horarum itinere: opta & illam tecum habere in omnibus tam prosperis quàm adversis. 2. Christum his nuptiis voluisse interesse cum discipulis, tum ut illas præsentia sua approbaret & sanctificaret, utpotè in Sacramentum à se proximè elevandas, tum ut nos doceret cognatos pauperes non despicere, tum ut ansam ibi captaret primi miraculi palàm patrandi pro felicibus auspiciis suæ prædicationis. 3. Christum sic honorasse nuptias, ut virginitati ac continentiæ, quam in Matre sua & Josepho adamaverat, nihil vellet derogatum; imò hanc velut aurum argento longè præferret. 4. Scias etiã animam tuam per baptismum, ac deinde magis per vota religionis Christo desponsatam, ac proinde sicut olim caput nubentibus obnubebatur, ita & intellectum tibi obnubendum velo fidei, affectibus deinde spei & caritatis illi constanter adhærendum, ac vicissim te ab illo suavissimis ac purissimis gaudiis cumulandum.

**Punct. II.** *Deficiente vino dicit Mater Iesu ad eum: Vinum non habent.* Confid. 1. B. Virginem his verbis modestè petere ex caritate ab eo, quem sciebat bene velle, & sibi & iis pro quibus petebat, ut inopiam pauperum sublevaret, & honori consuleret, sicut sorores Lazari: *Quem amas, infirmatur,* infirmitatem exponunt, & cetera amoris relinquunt: tu etiam hanc Virginem in tuis necessitatibus apud Filium patronam adhibe, maximè dum deest tibi fervor pietatis & devotionis. 2. Reponit Christus: *Quid mihi & tibi est mulier?* significans in iis, ob quæ à Patre missus est, nempe patrando miraculis, nihil tribuendum affectibus humanis, idque verbis in speciem asperioribus, ut doceret Apostolos præsentis, virosque Apostolicos non sollicitandos cura carnalium propinquorū: quare etiam neque hic, neque alibi eam Matris nomine appellat, sed mulieris. 3. Subdit: *Nondum venit hora mea;* tempus nempe à cælesti Patre decretum ad miracula patranda, licet jam proximè instaret, ubi palàm constitisset de præsentis necessitate: tu cave ne tēpus tibi à Deo constitutū impatienter prævenias.

Ioan. II. 3.

**Punct. III.** *Dicit Mater ejus ministris: Quodcumque dixerit vobis, facite.* Confid. 1. B. Virginis fiduciam ac magnanimitatem, qua cōfidebat fontem pietatis Matræ opus pium piè postulanti minimè denegaturū: quare & tu cū non statim exaudiris, ne spem abjicias. 2. Prudentiam, dum pro obtinendo miraculo à Christo, requirit ab illis perfectam obedientiam: *Quodcumque dixerit, facite;* ita & tu, si Virginis patrocinio frui velis, hoc ejus mandatum de præstanda obedientiâ observa.

DOMI-

Anno 31.  
Matt. 7.  
in Cana  
Gal.

## DOMINICA II. POST EPIPHANIAM. P. II.

### *De Nuptiis in Cana Galilee.*

**P**unct. I. *Implete hydriis aqua.* Confid. 1. Consuetudinem Judæorum frequenter, nominatim super mensa, abluendi manus & calices, puritatis ac religionis causa, ideoque positas hinc in cœnaculo de more hydrias sive vasa aquaria ampla sex, aquis plena: tu discce hinc majorem habendam curam munditiei internæ, nominatim sub tempus mensæ sacræ. 2. Jubet Christus eas jam partim exhaustas impleri aqua, tum ut ostenderet se in beneficiis præstandis dispositionem ac cooperationem nostrum requirere; tum ut ministros testes haberet miraculi patrandi. 3. *Impleverunt eas usque ad summum.* Ubi attende cæcam, simplicem, & perfectam obedientiam. Non interrogant cur, seu causam præcepti, sed simpli iter obediunt, atque inde haurientes offerunt Architriclino.

Punct. II. *Ut gustavit Architriclinus aquam vinum factam, vocat sponsum, &c.* Confid. 1. Potuisse Christum de nihilo vinum creare, sed ut miraculum esset magis spectabile, voluisse eum aquam ab ipsis haustam, & quidem copiosam, in vinum convertere; in quo potentiam ejus & benignitatem expende. 2. Licet hoc miraculum meritò admirandum omnibus sit, tamen eum quotidie in mundi gubernatione, ut ait August. non minora præstare, dum aquam in vitibus convertit in vinum, terram in frumentum, & hoc in carnem nostram, quæ non minoris potentiæ argumenta sunt; quia tamen magis obvia, assiduitate viluerunt. 3. Sicut deficiente vino naturali Christus substituit miraculosum, ita deficientibus mundi solatiis succedere divina, & hæc deficere cum nimis quærentur humana; unde Bernardus: *Non miscentur vera vanis, æterna caducis, spiritualia corporalibus, summa imis, ut pariter sapias quæ sursum sunt, & quæ super terram.*

Punct. III. *Omnis homo primum bonum vinum ponit, & cum inebriari fuerint, tunc id quod deterius est: tu autem servasti bonum vinum usque adhuc.* Confid. 1. Sub hac communi mundi consuetudine, quæ allegatur, apponendi initio mensæ vinum bonum ac saporis gratum, & postea deterius, significari ejusdem mundi fraudem etiam in ceteris, qua proponit primum voluptates, honores, divitias; deinde verò amaritudines, conscientiae remorsum, ac æternam damnationem, ut apparuit in divite Epulone, ac proinde finem semper in omnibus spectandum. 2. Dum subdit: *Tu autem servasti bonum vinum usque adhuc,* doceri nos, Christum contra facere, dum reservat nobis vinum optimum cælestis gloriæ in finem post hanc vitam, & dat hinc amara condita dulcibus, sed postea omnia dulcissima; nunc parum fellis, seu postea torrentes mellis: *Lazarus recepit mala in vita sua, nunc autem consolatur.* Elige igitur vel vinum mundi, vel Christi, & dic cum Augustino: *Hic ure, hic sica Domine, modo in æternum parcas.*

Luce. 16. 15.

DOMI-



25

# DOMINICA III. POST EPIPHANIAM. P. I.

*Leprosus mundatur. Matt. 8. Marc. 1. Luc. 5.*

Anno 32.

Maid in

agro Ca-

pharna.

**P**unct. I. *Leprosus veniens adorabat eum dicens: Domine, si vis, potes me mundare.*  
 Confid. I. Christo descendenti de monte in civitatem proximam Cappharnaum, inter frequentem turbam implorantium sanitatem, occurrisset etiam leprosum, qui morbus erat in Judæa frequens, partim naturalis, partim ex peculiari Dei punitione, gravis & communiter incurabilis, præter scabiem in corpore, reddens vultum luridum, & halitum foetentem, quò vicinos inficiebant: tu cave à lepra spirituali, quæ est omne peccatum, ac nominatim invidia. 2. Cum hic spem non haberet in ope humana, recurrit ad Christum, eum genuflexo adorans, inde etiam in faciem procidens, sic ut partim ex auditis ejus miraculis, partim ex interna illuminatione eum Messiam agnosceret: tu vide qua reverentia interna & externa Deum in oratione alloquaris. 3. Erumpit in hæc verba: *Domine, si vis, potes me mundare*: non ait, si Deum roges aut Sanctorum patrocinia, sed *si vis*; nam potestatem divinam habere credit, quam ut sibi velit impendere, submisit rogat. 4. Rogat tamen cum resignatione; nam preces suas submittit benignæ voluntati Christi, ut si velit curet; si non probet, non curet: ut & tu in morbis, ceterisque adversis discas non petendam liberationem, nisi cum conditione, si Deo placeat, & salutis tue profit.

Mar.

Luc.

} sup.

Punct. II. *Et extendens Iesus manum tetigit eum, dicens: Volo, mundare.* Ubi Confid. I. Christum in hoc tactu voluisse ostendere salvificam vim carnis suæ, quam reverere & implora potissimum in Ven. Sacramento. 2. Dicendo *volo*, ostendit Christus pietatis clementiam, per *mundare*, majestatis potentiam; nam *confestum mundata est lepra ejus*, factusque est vegetus & validus animo & corpore; nam quos Christus sanabat corpore, sanabat & animo, ut perfecta essent opera ejus, qui liberalitate sua supplicum merita excedit, & vota; unde nos etiam discamus idem facere, atque in ipsum & proximū esse liberales. 3. Docuit nos etiam Christus hoc tactu suo corporalē leprā non esse abominandā, sed spiritualem, pro qua in te curada utramque manū suā extendit in cruce, eamque sanguine suo abluit.

Punct. III. *Et ait illi Iesus: Vide nemini dixeris, sed vade ostende te Sacerdoti.* Confid. I. Christum, dum prohibuit hoc miraculū suū evulgari, voluisse docere Apostolos præsentis non captandam vanā gloriam ex operibus bonis, quæ cum nos celamus, Deus manifestat cū majori aliorū edificatione & gloria nostra. 2. Cum jubet eū ostendere se Sacerdoti, ut ab eo juxta legem declaretur mundus à lepra, & sic cōmuni hominū convictui restituitur, ostendit se nolle derogare quidquā dignitati sacerdotali, sed iis deferendū; maximè verò Sacerdotibus legis novæ, quibus erat potestatem collaturus nō tantum declarandi, sed verè tollendi leprā spiritualem. Iis igitur te siste, dū lepra infectus es, cū humilitate & fiducia, atque offer pro munere animi dolorem, ac propositū emendationis. D DO.

Lev. 14. 2.

Anno 32.  
Maio  
Caphernaï.

# DOMINICA III. POST EPIPHANIAM. P.II.

Et Feria 3. post Cineres, & votiua pro infirmis.

*Christus sanat puerum Centurionis, à paralyfi. Matt. 8. Luc. 7.*

Luc. sup.

Ioan. 4. 49.

Luc. sup.

**P**unct. I. Cùm intrasset Christus Capharnaum, accessit ad eum Centurio vocans eum, & dicens: Domine, puer meus jacet in domo paralyticus, & male torquetur. Confid. 1. Puerum hunc servum fuisse Centurionis, Præfecti præsidio Romanorum, cui hic carus erat ac pretiosus, jamque morti proximus, ideoque missos primùm ab eo seniores Judæorū Christum rogaturos, ut veniret & salvaret servū ejus, qui allegabāt ad hoc Centurionis gentilis merita, ob quæ Christus petitioni statim annuens, inquit: ego veniā & curabo eū. Ubi attende quanti referat habere patronos causæ suæ, & quæ merita tua allegari possint. 2. Hęc opera pietatis à Centurione præstita obtinuisse illi ulteriores gratias ad lumē fidei, & præsens beneficiū. 3. Promptitudinem Christi ad faciendū servū Centurionis, duritiem verò in sanando filio reguli, ut scias eū promptiorem ad eos, qui magis mundo sunt contemptibiles.

Punct. II. Domine non sum dignus ut intres sub tectum meum, sed tantum dic verbo, & sanabitur puer meus. Confid. 1. Centurionem hunc è gentilibus primū post Magos Christi fide illustratum, post missos ad eum seniores Judæorum, atque inde etiam alios amicos, ipsum Christo propius domum accedenti occurrisse, & viva fide ac profunda humilitate, sui que dissidentia, exposuisse indignitatem suam, non tantum ut Christus ad se accederet, sed & seipsum, inquit, non sum dignum arbitratum ut venirem ad te, inde crecta in illum fiducia solo verbo & imperio sanitatem servo conferendam implorat. 2. Cōfirmat Centurio fiduciam suam; nam, inquit, & ego homo sum sub potestate constitutus, habens sub me milites, & dico huic, vade, & vadit: significans se licet Tribuno suorumque etiam Cæsari subiectum, tamen à subditis suis, si quid iis imperaret, mox obtinere: quanto magis Christus omnium Creator & Dominus à reaturis suis quidquid voluerit, imperio obtinebit! dūce hīc perfectam obedientiam ab omni creatura ad imperium Dei, & cum Centurione prius alteri rectè subesse, quàm ut aliis imperes.

Punct. III. Non inveni tantam fidem in Israël. 1. Ita Christus admirabilis fidei Centurionis, qua Judæorum omnium, qui tamen tot adjumentis instructi fuerant, fidem superabat: cave tu ne fortè etiam homines sæculares superent te in studio virtutū. 2. Confirmat dictū suū Christus: Multi ab oriente & occidentem venient, homines gentiles, & recubent cum Abraham, Isaac, & Jacob in regno cælorū, admissi ad cæleste convivium: Filij autē regni; nempe Judæi, ex Patriarchis oriundi, quibus regnū Ecclesiæ militantis & triūphantis erat destinatū, quia refractarij ejicientur in tenebras exteriores, profundissimas inferorū, ubi erit flus, ex dolore commissorum, & stridor dentium ex vehementia tormentorū: jam verò cum filij regni sint Christiani, ac nominatim religiosi, tu fac opera quæ decent filium regni, ne cum Judæis pariter excludaris.

DOMI-



## DOMINICA IV. POST EPIPHANIAM.

*Christus sedat tempestatem maris. Matt. 8. Marc. 4. Luc. 8.*Anno 32.  
Martio in  
mari Gal.

**P**unct. I. Ecce motus magnus factus est in mari, ita ut navicula operiretur fluctibus. Confid. 1. Christum serò vespere dimissis turbis, conscendisse navem cum discipulis ut transfretaret in ripam oppositam, ibique ortam tempestatem, quam permisit ipse velut præludium tempestatum. securarum, utq; infirmitatem suam discipuli agnoscentes ad ipsum recurrerent, ejusque potentiam agnoscerent, fortè etiam, ut ait Ambros. ob præsentiam Judæ proditoris. 2. Vitam nostram esse quasi mare ventis tentationum, fluctibus pravorum affectuum, ac perpetuæ vicissitudini, & piratis infernalibus obnoxiam, eoque magis, quò est portui vicinior: quare horum insidias & insultus evita, vide quomodo te geras inter prospera & adversa, atque ad portum cælestis patriæ spem ac desideria dirige. 3. Licet sis in navi Ecclesiæ vel etiam religionis cum Christo, nò ideo tamen te immunem fore à tentationibus, imò sæpè iis magis expositum; nam omnes qui piè volunt vivere in Christo Iesu, persecutionem patientur. 4. Iesus verò dormiebat in puppi super cervical. Ecce felicitatem securæ conscientiæ, quæ in mediis fluctibus requiescit super cervical divinæ providentiæ, suffultum fiducia & resignatione, Dominus regit me. Non contristabit justum, quidquid ei acciderit: contra verò conscientia mala nusquam quiescit, timens ubique criminum pœnas, ipsa sibi furis & faces, testis & Judex, & recordatione delictorum, quasi vulturis morfu viscera sibi laniat.

2. Tim. 3. 12.  
Marc. sup.Psal. 22. 1.  
Prov. 12. 24.

Punct. II. Et accesserunt ad eum discipuli ejus, & suscitaverunt eum dicentes: Domine salva nos perimus. Confid. 1. Optimè quidem fecisse discipulos recurrendo in tempestate ad Christum pro auxilio, malè tamen quod cum defectu fidei & fiduciæ, quasi dormiente in Christo humanitate, etiam dormiret divinitas: Ecce non dormitabit, neque dormiet qui custodit Israel. 2. Tribulationes efficacissimum esse ad orationem excitamentum, in quibus fides, spes, & caritas justorum probatur.

Psal. 120. 4

Punct. III. Et dicit eis Iesus: Quid timidi estis modicæ fidei? Confid. 1. Christum hic reprehendere discipulos de vano timore, & exigua fide, ut scias discipulos Christi esse adversis exercendos, & reprehensiones, ac monita Superiorum tuorū patienter ac benignè excipere. 2. Tunc surgens imperavit ventis & mari, dicens tace, obmutesce: & facta est tranquillitas magna. Ubi agnosce & venerare tantam Christi potentiam, ac roga eum ut in te etiam reprime velit ventos tentationum, ac fluctus pravorum affectuum. 3. Quàm facilè sit Deo cōvertere adversa in prospera, ut fecit cū Jobo post plagas, cū Daniele, Josepho, Mardocheo, & aliis. 4. Porro homines mixti sunt, dicentes: Qualis est hic, quia venti & mare obediunt ei? Quàm igitur iniquum, ut ubi omnes aliæ creaturæ Creatori suo ad nutum obediunt, solus homo, quia libertate donatus, qua cælestis pœnium consequatur, ei recalcitret.

Marc. sup.

Anno 32.  
Julio ad  
mare Galil.

## DOMINICA V. POST EPIPHANIAM.

*Christus parabola zizaniorum monet in Ecclesia malos miscendos bonis, eosque tolerandos. Matt. 13.*

**P**unct. I. *Simile est regnum cælorum homini qui seminavit bonum semen in agro suo.* Confid. 1. Christum parabola hujus explicationem dedisse, sic ut significet se esse qui seminat in hoc mundo velut agro homines justos & pios, tanquam semen bonum: diabolus verò miscere impios velut zizania, justis insidiantes: ubi expende num in te habeas proprietates boni seminis, quæ sunt crescere in virtute, ferre fructus bonorum operum, & alijs Christo generare. 2. Insinuare hinc Christum suis Apostolis, non esse gloriandum, quasi ipsi mundum converterint, cum dicit se esse auctorem boni seminis jacti; neque illis etiam animum despondendū, ubi fructus non responderit, cum ipse per paucos deinde plures possit convertere, sicut per 8. conversos in Hispania à S. Jacobo, regionem deinde integram convertit. 3. Etiam animam cujusque fidelis esse agrum, in quo Christus injicit bonum semen salutaris inspirationis, quod stude excipere, conservare, & fovere: diabolus verò eniti ut superfeminet tanquam zizania, pravas suas suggestiones; quibus te vigilanter ac strenuè oppone, & injectas mox stude excutere ne crescant.

Punct. II. *Cum dormirent homines, venit inimicus ejus & superfeminavit zizania.* Confid. 1. Dæmonem sicut dormientibus Prælati Ecclesiæ & Superioribus excitat improbos ad infectandos & pervertendos probos; ita & animam cujusque torpore & acedia oscitantem pravis suggestionibus inficere. 2. Sicut Deus amator lucis intellectum illuminat; ita dæmonem tenebrarum eas menti offundere, quò accedente tunc somno torporis, ac negligentia, fructum omnem enervat; ideoque studet, inquit Hieronymus, vigilantes animas sopire. Cautè igitur te gere tempore tenebrarum, seu tentationis, ac fuge inertiam, quia inimicos habes insomnes, semperque vigilantes ut noceant. 3. Exquire ex te post tantam abundantiam gratiarum & donorum cælestium in corde tuo effusim: unde ergo habet zizania, tot vitia & detectus? causas examina, & remedia statue.

Punct. III. *Visimus & colligimus ea?* Confid. 1. Ita loqui viros zelosos in Ecclesia ad tollenda scandala infidelium & peccatorum. idque zelo laudabili, tum quia offerunt se ad mala impedienda, tum quia notu proprio id agere nolunt, sed cum approbatione Superiorum. 2. Non carpit zelum Christus, sed intempestivum vult prudentia temperari & maturescere. *Sinite, ait, utraque crescere.* Tum ut mali emendentur, & ex zizaniis fontè fiant cum Paulo electum triticum, tum ut boni per malos exerceantur; nam tolle tyrannos, & deerunt Martyres. In quo paternam Dei providentiam agnosce.



## DOMINICA VI. POST EPIPHANIAM.

Anno 32.  
Julio ad  
Marc Galil.*Christus parabola grani synapis & fermenti ostendit propagationem  
sua Ecclesiae. Matt. 13. Marc. 4. Luc. 13.*

**P**unct. I. *Simile est regnum calorum grano synapis.* Confid. 1. Christum comparare hic Ecclesiam ac doctrinam suam cum grano synapis, in speciem quidem exiguo, sed quod postea per Palestinæ regiones in altitudinem arborum excrevit: ita & Ecclesiam ac doctrinam suam, specie primum vili & abjecta, *Judeis scandalum, gentibus autem stultitiam*, postea per orbem universum extendendam. 2. Sicut granum illud est natura igneum & mordax, expellit humores, provocat spiritus & lachrymas: ita & doctrina Christi ad cælum excitat, mordet peccatores, expellit errores, provocat virtutes & lachrymas poenitentiae. 3. Etiam Christum esse granum synapis, ac nominatim in Ven. Eucharistia, sicut in utero B. Virginis, acre contra peccatores, contritum in passione, exaltatum verò in resurrectione & ascensione: itaque & fideles omnes debere assimilari huic grano, ut parvi sint humilitate, magni ardore fidei & caritatis, contriti tribulatione, atque in cælum & proximum se extendant. 4. Quæ mundus aestimat vilia & abjecta, sæpe virtute & fructu esse magna & ampla: quare non mundi, sed Dei de his judicium spectandum esse. 5. Mundus à magno incipit, & in nihilum definit: contra verò Christus ejusque doctrina, à paupertate, tribulatione & cruce ad divitias, honores & gaudia: quare ne initia spectes, sed finem. 6. Noli parva negligere nec in virtutibus, nec in vitiis. cum haustus etiam aquæ frigidae mercedem operetur æternam, & parva scintilla magnum incendium.

Punct. II. *Simile est regnum calorum fermento.* Confid. 1. Sicut fermentum, dum farinae miscetur, eam calore & acore suo diffundit, elevat, & sapidum reddit: ita & doctrinam Christi se virtute sua dispergere, corda sursum excitare, ac Deo grata reddere. 2. Operatur illud etiam per tria fata seu farinae modios: ita & hæc per tres orbis partes, per quas se extendit, tum etiam in quolibet homine occupare debet tres animæ potentias, ac triplicem appetitum, rationalem, concupiscibilem, & irascibilem, eosque virtute sua imbuere. 3. Sicut fermentum illud purum maxime utile est: ita impurum ac corruptum maximè noxium, & à Christo in Phariseis sæpius damnatum, quo hæresis ac doctrina falsa, superbia, hypocrisis, ac cetera vitia designantur; & quia de hoc etiam modicum totam massam corrumpit, ita & vitia primum modica, postea sæpe graviter nocent.

Anno 34.  
Febr. in  
Bethabara

30

# DOMINICA SEPTVAGESIMÆ. P. I.

*Monet Christus cooperandum gratiæ, parabola de operariis vocatis ad*

*vineam. Matt. 20.*

**P**unct. I. Simile est regnum celorum homini patri-familias, qui exiit primo mane con-  
ducere operarios in vineam suam. Confid. 1. Ecclesiam hodie auspicari  
tempus luctus; intermissis in sacro Canticis letitiis, ad recolendam Chri-  
sti passionem, ideoque proponere nobis parabolam de operariis condu-  
ctis ad excolendam vineam, qua monemur ad obsequendum Deo vo-  
canti, & cooperandum gratiæ nobis per passionem promeritæ; nam *omnis*  
*arbor quæ non facit fructum bonum excindetur.* 2. Comparari hîc à Christo Pa-  
trem cælestem patri-familias conducenti operarios mercede, in quo at-  
tendè Dei liberalitatè; licet enim omnis opera nostra & obsequiû ipsi  
penitus obstricta sint titulo & creationis, & redemptionis; tamen ad cõ-  
municandas nobis divitias bonitatis suæ, & addendum nobis acriorem  
stimulum, voluit insuper addicere nobis amplissimam mercedem cæle-  
stis gloriæ. 3. Operam à nobis desideratam aptè comparari operæ vinito-  
rum, qui molestos labores & assiduas curas debent impendere in vinea  
putanda, purganda, alliganda, munienda, ac tandem vindemianda & tor-  
culari subjicienda, ut optatum fructum consequantur: ita etiam assidue  
advigilandum culturæ animæ nostræ ac proximi. 4. Felicitatem eorum  
qui primo manè, in prima ætate à Deo vocati sunt: *Bonum est viro cum portaverit*  
*jugum ab adolescentia sua, siquidem annis laborû studiû fervoris adjunxerit.*

**P**unct. II. Et egressus circa horam tertiam vidit alios stantes in foro otiosos. Con-  
fid. 1. Paternam Dei sollicitudinem in hominibus vocandis ad salutem,  
diversis mundi ætatibus per Adam, Noë, Abraham, Moysen, ac tandem  
per filium suum; ita & diversis ætatibus vitæ nostræ in adolescentia, ju-  
ventute, virili ætate, senectute, ac vitæ fine: tu gratias Deo age de vocatio-  
ne tua, & quidem eo fortè tempore, quo id minùs merebaris. 2. Non ta-  
mè vocari singulos omni hora: quare hodie si vocè ejus audieritis, nolite obdurare  
corda vestra. *Queretis me & non invenietis: clamabit, & non exaudiam.* 3. Reprehendi  
otiosos: *Quid hîc statû tota die otiosi?* Nam multam malitia docuit otiositas. De qua  
idem Sapiens: *Per agrum hominis pigri transivi, & per vineam viri stulti, & ecce totû*  
*repleverant urtica, & operuerant superficiem spinæ, & maceria lapidum destructa erat:*  
ita per neglectum animæ pullulare vitia, & sepimentum votorum everti.

**P**unct. III. Voca operarios, & redde illis mercedè. Confid. 1. Daritantû mercedè  
cum serò factû esset, nempe in fine vitæ, post labores cõstanter impesos: qua-  
re frustrantur ea desides & incõstantes. 2. Mercedis amplitudinem: *Ego,*  
*inquit Deus, merces tua magna nimis. Non sunt condignæ passiones hujus temporis ad*  
*futurâ gloriam.* 3. Fore tamen beatos in gloria dispares pro ratione merito-  
rû; nam reddet unicuique secundum opera ejus. *Et qui parçè seminat, parçè & metet, &*  
*qui seminat in benedictionibus, liberaliter, de benedictionibus & metet.* D O-

Psal. 94. 8.

Ioan. 7. 34.

Prov. 26. 13.

Ecl. 33. 20.

Prov. 24. 30.

Gen. 15. 1.

Rom. 8. 18.

Matt. 22. 67

2. Cor. 6.



# DOMINICA SEPTVAGESIMÆ. P. II.

De Operariis conductis ad vineam. Matt. 20.

31

Anno 147  
Febr. in  
Bethabara.

**P**unct. I. Erunt novissimi primi. Confid. 1. Sicut Christiani vocatione ad fidem posteriores Judæis, hos tamen in cælesti gloria ut plurimum præcedent: ita & ex Christianis multos serò, sed serò cum latrone in cruce ad Deum conversos profunda humilitate ac fervore præcessuros alios se tempore priores in Dei obsequio. 2. Et erunt *primi novissimi*; nam sicut Judæi priores Christianis his postponentur, ita & ex his multos ab adolescentia ad Deum vocatos, sed fretos deinde prioris vitæ innocentia, nec vocationis suæ obligationem, nec naturæ fragilitatem, nec præmij amplitudinem, aut inconstantia pœnas, ut par est, ponderantes, sensim in segnitie dilapsos aliis tardius ad Deum conversis postponendos: neque enim spectat Deus quantum, sed ex quanto quis se impendat, nec prioritatem aut diuturnitatem temporis, sed fervorem & diligentiam; unde fervens *consummatus in brevi explevit tempora multa*. 3. Qui novissimi hic sunt in æstimatione hominum, latentes sub veste vili, exiguis naturæ talentis instructi, nulla etiam sanctitatis specie conspicui, sua coram Deo virtute clari, non raro præcedent alios dignitate, naturæ talentis, atque etiam externa sanctitatis specie fulgentes: quare neminem contemne aut judica, sed Deo qui *videt in abscondito, & scrutatur corda*, iudiciū relinque. 4. Hæc locū habere potissimum in sæcularibus respectu religionorū, licet enim illi opibus, potentia, ac vana felicitate videantur his præcellere, postea tamen in verâ scena his longè postponendos, vicissim tamen etiam sæculares ferventes, præponendos religiosi languidis.

Sap. 4. 13.

Matt. 6. 6.  
Rom. 8. 27.

Punct. II. Multi enim sunt vocati. Ubi Confid. 1. Omnes à Deo vocari ad fidem & justitiam mediis congruis; nam *illuminat omnem hominem venientem in hunc mundum*. & Christus clamat: *Venite ad me omnes. Ecce sto ad ostium & pulso*; adeo ut nemo queri justè possit de sui neglectu: quare paternam hanc Dei benevolentiam suscipe, & amplectere. 2. Etiam demonem, mundum, & carnem vocare & invitare ad obsequia sua in speciem minùs laboriosa, sed dispari mercede, interim tamen non paucos habere etiam ferventiùs obsequentes. 3. *Pauci verò electi*; quia eligi noluerunt, vel obistentes divinæ vocationi, vel ab ea postmodum turpiùs deficientes; nam qui perseveraverit usque in finē, hic salvus erit; pro quo monet B. Petrus: *Satagite ut per bona opera certam vestram vocationem & electionem faciatis*. 4. Cave sequi tritam & communem semitam imperfectorum; nam ut Bernardus: *Pauci sunt qui student amulari, sive in virtute excellere*. & Cassianus: *Vive cum paucis, ut cum paucis eligi & inveniri merearis in calis*, juxta illud Christi: *Angusta porta & arcta via est, que ducit ad cælum, & pauci sunt qui inveniunt eam*.

Joan. 1. 9.  
Matt. 1. 28  
Apost. 3. 20.

Matt. 10. 22  
2. Pet. 1. 10.

Matt. 7. 14.

DOMI

Anno, 32.  
Julio ad  
marc Galil.

# DOMINICA SEXAGESIMÆ. P. I.

*Christus parabola seminantis docet verbum suum vitio nostro fructum non facere. Luc. 8. Matt. 13. Marc. 4.*

**P**unct. I. *Exiit qui seminat seminare semen suum.* Confid. 1. Christum turba plurima ad se undique confluente, navem conscendisse, & ex ea sedentem docuisse stantes in littore, proposita parabola seminantis; ubi non dedignatus est salutis nostræ causâ comparare se cum agricola, & verbum suum sapientia cælesti plenum cum vili semine; de quo gratias ei age, ac disce similiter etiam demittere te ad personas ac munia viliora pro salute tua ac proximi. 2. Ejus desiderium nobis benefaciendi, dum non tantum se paratum ostendit nos benignè excipere, nosque ad se invitat & vocat: sed & ipse è summo cælo in hanc terram egressus, abiit per civitates & castella laborans, ut in cordibus nostris seminaret verbum salutis æternæ.

Punct. II. *Semen est verbum Dei.* Confid. 1. Sicut semine opus est ad fructum è terra colligendum, quæ sine eo nil nisi spinas & lolia profert: ita & ad fructum animæ colligendum, opus esse verbo Dei, sine quo non nisi vana & noxia proferet. 2. Verbum hoc Dei esse vel internum tantum, ut sunt divinæ inspirationes; vel etiam externum, ut sunt concionatores, libri pij, salutaria monita, ac bona exempla, quæ seminantur in corde seu anima nostra ejusque potentiis; in memoria recordatio peccatorum, beneficiorum acceptorum, novissimorum, brevitatis vitæ, & præsentia Dei; in intellectu illustrationes, bona consilia & conscientia dictamina; in voluntate desideria pia, & affectus doloris, timoris & spei; qui velut scintillæ producant ignem amoris & virtutum: rogabo proinde Christum, ut hæc sæpius seminet in anima mea, & ad fructus excrescere faciat. 3. Sicut semen ut crescat requirit præter terram aptam etiam Solem, pluviam, & ventos; ita & verbum Dei requirere cor nostrum subigendum rastro mortificationis, quò accedat deinde pro Sole gratia præveniens, illuminans, & inflammandus; pro pluvia gratia conservans, rigans, & promovens; pro ventis verò tentationes & adversa.

**Punct. III.** Confid. 1. Christum hîc & aliàs sæpius in doctrina sua uti parabolis seu similitudinibus corporeis, usque vulgaribus & maximè obviis ad significandas res spirituales; idque ut ex iis, quæ animus novit, surgat ad incognita quæ non novit, quatenus exemplo rerum visibilium se ad invisibilia rapiat, & per ea quæ usu didicit, quasi confriatus incalescat: in quo benignitatem ejus mirare. 2. Apostolis proinde sensum eorum seorsum exquirentibus libenter annuit, quo & majorem ipsis eorumque successoribus in Ecclesia auctoritatem conciliaret. *Vobis datum est nosse mysterium regni Dei.* ubi expende etiam tuam felicitatem in arcanis Dei per tot media agnoscendis: abscon- disti hæc à sapientibus & prudentibus, & revelasti ea parvulis. Gratias age de spiri- tuali lumine sæpius infuso, & juxta illud operare. D O.

Gregor.

Matt. 11. 13.



# DOMINICA SEXAGESIMÆ. P. II.

33

Anno 32.  
Julio 22  
mare Galil.

*Christus parabola seminantis docet verbum suum vitio nostro fractum non facere. Luc. 8. Matt. 13. Marc. 4.*

**P**unct. I. Confid. i. Christum in exponenda parabola seminantis ostendere, licet semen verbi sui maximè pretiosum & efficax rectè à se ac opportuno tempore seminetur, *quid est, quod ultra debui facere vinea mea, & non feci ei?* tamen tres ejus partes perire culpa fundi, seu cordis nostri variis vitiis infecti. *Perditio tua Israel: tantummodò in me auxilium tuum.* Quare examina cor tuum, & stude illud expurgare. 2. Igitur aliud cecidit secus viam, & conculcatum est, & volucres celi comederunt illud. Hoc designantur homines incurij & negligentes, qui ad spiritualia parum attenti, in vanitates, otia, & peccandi occasiones ac pericula effunduntur, Christo interprete, *hi sunt qui audiunt verbum Dei, deinde venit diabolus, & tollit verbum de corde eorum, ne credentes salvi fiant.* Quare cave à nimia effusione in exteriora. Osee 13.9.

**Punct. II.** Aliud cecidit supra petram, & natum aruit, quia non habebas humorem. Hoc designantur homines indurati prava peccandi consuetudine, quam non student superare; cum gaudio suscipiunt verbum, sed humilitatis & constantiæ radices non habent, quia ad tempus credunt, & in tempore tentationis recedunt, occasione minima ex prava consuetudine relabentes. Ubi attende hanc animi duritiem præcipuum esse signum reprobationis & æternæ damnationis, quia humanum est peccare, sed diabolicum in malo perseverare. Bernard.

**Punct. III.** Aliud cecidit inter spinas, & simul exorta spina suffocaverunt illud. Hoc designantur ij qui curam temporalium & corporis præponunt curæ spiritualium & salutis animæ: quare nec eorum laboribus & curis Deus benedicat; nam à solitudinibus, & divitiis, & voluptatibus vitæ euntes suffocantur, & non referunt fructum: & teste Apostolo, *incidunt in tentationem, & in laqueum diaboli, & desideria multa inutilia & nociva, quæ mergunt homines in interitum & perditionem;* qui autem mergitur, suffocatur, quia privatur divino spiritu quo vivit. 2. Confid. Curas illas mundanas rectè spinas vocari, eo quod mentem distrahant, vulnerent & crucient: esse etiam bona fallacia, quæ nobiscum diu permanere non possunt, & mentis nostræ inopiam non explent. 1. Tim. 6.9.

**Punct. IV.** Aliud cecidit in terram bonam, & ortum fecit fructum centuplum (aliud verò sexagesimum, aliud trigesimum) quo significantur ij qui in corde bono & optimo audientes verbum retinent, & fructum asserunt in patientia. Unde collige, sicut tria sunt genera cordis pravi, nempe effusi, indurati, & mundani; ita & tria esse genera cordis boni, perfectorum, proficientium, & incipientium, qui in æquali studio ad virtutem contendunt; omnes tamen in patientia & longanimitate mercedem reportant. Tu ad primam classem contende, sciens labori & fructui in hac vita responsurum deinde præmium in altera.

## DOMINICA QVINQVAGESIMÆ. P.I.

Et Feria IV. post Dom. II. Quadrag. &amp; de S. Cruce.

*Christus prædicit Apostolis mortem suam. Luc. 18. Matt. 20. Marc. 10.*

**Punct. I.** Ecce ascendimus Hierosolymam, & consummabuntur omnia, quæ scripta sunt per Prophetas de Filio hominis. Confid. 1. Christum conscium futurorum, atque acerbissimæ mortis sibi Hierosolymis proximè inferendæ, eam, licet posset, minime subterfugere; sed ultrò se eo conferre, & amore salutis nostræ magna animi alacritate anhelare: quare hunc tam ardentem & fortem Christi erga te amorem suspice, ac de eo gratias age. 2. Voluisse eum sic Apostolorum suorum ac nostrum etiam amorem vicissim excitare & provocare, ut exemplo ipsius non patienter tantū, sed & libenter pro salute nostra, ac gloria ipsius incommoda ac ludibria sustineremus, quibus ipsi magis assimilaremur. 3. Occurrere voluisse infirmæ fidei Apostolorum, quam noverat & prævidebat, ut quando hæc à se prædicta contingerent, ipsi in fide firmarentur.

**Punct. II.** Tradetur enim gentibus. 1. Is qui Judæos gentilium sævitia ac dira tyrannide sæpius misericorditer eripuerat, nunc huic ab illis tradetur plenius cruciandus. 2. Et illudetur sapientia Dei infinita, ac velut impostor publica auctoritate decernetur, velut stultus veste alba induetur, velut Rex fictitius purpura cum corona spinea, & sceptro arundineo, ac fannis & opprobriis excipietur: & tu de immodico studio exilimationis ac famæ tuendæ nihil remittes? 3. Et flagellabitur, ipse agnus innocentissimus tanquam sceleratus & maleficus in tenero & Virgineo corpore sævissimis flagellis totus concidetur, sic ut à planta pedis usque ad verticem capitis non sit in eo sanitas: unde discite tu leviora pati incommoda. 4. Et conspuetur, suprema illa majestas Regia, cujus vultum cælestes Principes submisisse venerantur, velut vilissimus scurra conspuetur a mancipiis diaboli, iis quos ipse omni honore præ aliis semper prævenerat. 5. Et postquam flagellaverint, occident eum, qui fons est omnis vitæ, eamque & plantis & brutis & hominibus omnibus, & Angelis communicaverat, quique venerat eos vita felicissima & æterna in cælesti gloria beare. 6. Et tertio die resurget, hoc addidit Christus, ut dolorem eorum, quando hæc contingerent, leniret, utque suæ etiam resurrectionis spe momentaneas vitæ hujus tribulationes alacriter superarent.

Isa 1. 6.

**Punct. III.** Et ipsi nihil horum intellexerunt. Confid. 1. Cognovisse quidem Apostolos obvium sensum verborum, sed non percepisse causam aut fructum passionis, & resurrectionis Christi, nec potentiam ejus ad dæmonem, peccatum, & mortem sic evertenda, nec sapientiam ad homines sic sibi arctius obstringendos vinculis amoris. 2. Voluisse Christum uti subinde verbis minùs manifestis, tum ut eorū sensui indagando impensius studeremus, tum ut eorū intelligētiam enixius à Deo flagitaremus.

DOMI.



# DOMINICA QVINQVAGESIMÆ. P. II.

Christus cæcum illuminat. Luc. 18.

35

Anno 34.  
Matio  
ad Jericho.

**Punct. I.** Cæcus sedebat secus viam mendicans. Conf. 1. Per cæcum hunc secundum S. Gregoriū designari genus humanum, quod à parente primo paradisi gaudiis expulso claritatem supernæ felicitatis ignorans, damnationis suæ tenebras patitur, sed per Redemptoris sui præsentiam illuminatur, ut internæ lucis gaudia videat, & in via vitæ boni operis gressus ponat; nam qui non videt cælestia, in tenebris est, & errat. 2. Secus viam sedet, qui est extra fidem vel gratiam Dei per peccatum mortale, aut certè externis occupationibus ita distractus, ut seipsum negligat: quare ad se & ad Deum redeat necesse est, qui salutem exoptat. 3. Erat mendicans. Tales sunt omnes peccatores, vel qui pravis affectibus indulgent, pro quibus numquam satiandis expetunt à rebus terrenis divitias, voluptates, & honores, nec spectant cælestia, quos arguit Deus: Nescis quia tu es miser & miserabilis, & pauper, & cæcus, & nudus.

Apo. 3. 17.

**Punct. II.** Clamavit: Jesu fili David misere mei. Confid. 1. Hunc cæcum ad implorandam opem Christi excitatum à turba prætereunte ac Christum sequente: excitent etiam te exempla tot Sanctorum præcedentium. 2. Implorat misericordiam Christi vehementi affectu, qui per clamorem significatur, pro tollenda sibi miseria cæcitatatis, de qua Tobias: Quale gaudium mihi erit, qui in tenebris sedeo, & lumen cali non video? Ubi attende longè gravius malum esse cæcitatem spiritualem, seu, internam mentis. 3. Et qui præbant, increpabant eum, ut taceret: sic volentem servire Christo ridet mundus, turbat dæmon, caro increpat, avocat, & absterret: At tu ne cede malis, sed contra audentior ito. Ipse verò multo magis clamabat: Fili David miserere mei: quare imitare hujus in oratione ac bono opere constantiam, & aliorum dicta & obloquia sint tibi stimuli ad progressum, ac velut ventus ignem magis accendens.

Iob 5. 12.

**Punct. III.** Quid tibi vis faciam? 1. Jesus jussit illum adduci ad se, & sic interrogavit, non quod ignoraret, sed ut ipse cæcitatem suam ejusque miseriam magis agnosceret, Christi; opem ardentius efflagitaret. 2. Conf. hic Dei munificentiam offerentis ut quæ vellet postularet. Salomon data sibi optione, præ omnibus expetiit sapientiam: tu eam etiam pete, at non humanam, sed cælestem; non carnis, sed spiritus. 3. At ille dixit: Domine ut videam. Nihil ita homini secundum naturam desiderabile, quàm visus corporeus; ita & secundum spiritum esse debet internus visus mentis, atque unice à Deo petendus, quo cognoscas & te, & Deū, & mundi vanitatem, & carnis illecebras, & dæmonis in te odia, & peccatorū turpitudinem ac supplicia, & virtutū præstantiam ac præmia. 4. Et confestim vidit, & sequebatur illum, magnificans Deum. Tu toties à Christo illuminatus, sequere eum per mortificationem passionum, gratias ei age de beneficiis acceptis, aliosque ad ipsum adjungere stude oratione, verbo, & exemplo.

3. Reg. 3. 9.

# IN BACCHANALIBVS.

*De fuga voluptatum, ac propitiando Deo peccatis offenso.*

**Punct. I.** Confid. 1. Voluptates hujus mundi esse brevissimas & maximè fugaces, unde Job: *Laus impiorum brevis, & gaudium hypocrisæ ad instar puncti*: & ipsi earum sectatores seriùs ex inferis plorantes agnoscunt: *Transierunt omnia tanquam umbra, & tanquam nuncius percurrentes, & tanquam navis quæ pertransit fluctuantem aquam, cujus, cum præterierit, non est vestigium invenire, aut avis quæ transvolat in aëre, aut tanquam sagitta in locum destinatum.* 2. Eas facillimè everti morbo, fortuna adversa, æmulatione, &c. nam spes impij tanquam lanugo est, quæ à vento tollitur, & tanquam spuma gracilis, quæ à procella dispergitur, & tanquam fumus, qui à vento diffusus est. 3. Eas non posse affectum hominis satiare, prout agnoscere debent omnes earum sectatores, ac præ ceteris Rex Salomon post laxata concupiscentiis fræna: *Vidi cuncta quæ sunt sub Sole, & ecce universa vanitas, & afflictio spiritus.* Cujus rationem addit S. Augustinus: *Creasti nos Domine ad te, & inquietum est cor nostrum, donec requiescat in te.* 4. Conf. Amarissimos earum fructus, continuû remorsum conscientie in hac vita, duram in morte separationem, atq; inde horrenda & æterna supplicia, quæ tam brevi & incerta voluptate mercari, vide quanta infania sit.

**Punct. II.** Confid. 1. Peccata in hisce voluptatibus inmodicè sectandis committi solita gravissimè Deo displicere. *Odio sunt Deo impius & impietas ejus.* Cujus odij gravitatem ostendit Deus non solum in Angelis & hominibus peccatoribus, quos ob breve gaudium donis gratiæ suæ exutos æternis cruciatibus torquendos mancipavit, sed potissimum in Filio suo unigenito, maximè dilecto, in hunc mūdum mittendo ad mortem acerbissimam subeundam pro peccatorum nostrorum expiatione. *Vulneratus est propter iniquitates nostras: attritus est propter scelera nostra.* 2. Tantum esse Deo etiam vel unius peccati mortalis odium, ut præ hoc præligeret omnes atroces illos & immanes cruciatus iterum sustinere, & si opus esset ad illud expiandum, eò se promptè offerret. Unde Apostolus de peccatoribus: *Iterum crucifigentes sibi metipsos Filium Dei & ostentui habentes.*

**Punct. III.** Recedendum proinde à studiis improborum, & pro vjs diviniæ justitiæ, precibus pijsque operibus placandam, exemplo Tobie, qui cum omnes irent ad vitulos aureos, quos Ieroboam fecerat Rex Israël, solus fugiebat consortia omnium, & pergebat in Hierusalem ad templum Domini, & ibi adorabat Dominum Deum Israël. 2. Conf. Singulariter semper Deo placuisse singularem & eminentem inter improbos pietatem, ut videre fuit in Abrahamo inter Chaldaeos, Loth inter Sodomitas, Melchisedech inter Chanaanæos, Jobo inter Hussitas, Moyse ac Josepho inter Egyptios, de quibus S. Gregorius: *Sicut gravioris culpæ est inter bonos bonum non esse, ita immensi est præconij bonum etiam inter malos extitisse.* Atque hunc modum esse maledictiones ac debita supplicia à peccatoribus avertendi, sibi quæ & alijs ampliores benedictiones impetrandi.



## FERIA IV. CINERVM.

37

Annq. 12.  
Maio In  
monte Ga-  
lilaæ.

*Christus commendat jejunium recta intentione assumendum. Matt. 6.*

**P**unct. I. Cum jejunatis, nolite fieri sicut hypocritæ, tristes. Confid. 1. Commendari hîc nobis à Christo jejunium tanquam opus bonum & mercede æterna à cælesti Patre remunerandum; ideoque eum per dies 40. artificissimum in se assumpsisse, ut nos exemplo suo permoveret ad illud longè mitius etiam assumendum. 2. Moysen & Eliam id nobis etiam exemplo suo commendasse per totidem dies sine ullo cibo aut potu, Deo per miraculum vires conservante. 3. Ab ipsa mundi origine datum jejunij mandatum à Deo primis nostris parentibus in paradiso, cum jussi sunt à fructibus arboris vetitæ abstinere, adeò ut in jejunij observantia Deus constituerit salutem ipsorum, & omnium nostrum.

Punct. II. Confid. 1. Commendari hîc potissimum à Christo intentionem rectam in jejunio, ne velut hypocritæ tristitiam ac pallorem vultui obducentes, inanem gloriam inde ab hominibus aucupemur. 2. Præferendam proinde potius in jejunio vultus hilaritatem, quam unctione capitis & lota facie Christus designat, qua mercedem à cælesti Patre, qui videt in abscondito, recipiamus. 3. Ungendum etiam caput adperso cinere, quo Ecclesia memoriam mortis, tanquam efficax adversus peccata remediû, inculcat, subdens: *Memento homo, quia pulvis es, & in pulverem revertèris.* Gen. 3. 19.

Punct. III. Confid. 1. Fructum hujus jejunij quotidie nobis sub Sacro per Quadragesimam ab Ecclesia proponi, cum ad Deum dicitur: *Qui corporali jejunio vitia comprimis; nam caro, quæ concupiscit adversus spiritum, per jejunium exarniatur, & spiritus roboratur, marcescunt quasi subtracto pabulo vitia septem in homine capitalia, imò & dæmon omnium auctor superatur, ac Deus placatur & reconciliatur, ut patuit in Ninivitis.* 2. *Mentem elevat,* Ione 3. 10. nempe ad familiaritatem cum divina tua Majestate, ut patuit in Moyse, Exod. 34. 28. Elia, ac Daniele; nam sicut gula deprimit mentem ad terrena, ita jejunium elevat ad gustanda cælestia. 3. *Virtutem largiris & præmia.* 3 Reg. 19. 8. nam ad orationem, per quam virtutes omnes acquiruntur, mens per jejunium optimè disponitur, ac nominatim ad virtutes septem vitiis capitalibus oppositas consequendas: insuper ultra mercedem cælestis gloriæ, confert in hac vita sanitatem corporis, hilaritatem mentis, aptitudinem ad functiones, aliæque dona naturæ & gratiæ. Dan. 10. 3.

Punct. IV. Nolite thesaurizare vobis thesauros in terra. Confid. 1. Doceri nos hîc à Christo per jejunium divitias comparari, non terrenas, incertas, & fugaces: sed cælestes, certas, & æternas, hisque comparandis strenue ac sine tædio insudandum, prout homines seculares insudant terrenis. 2. Eò proinde mentem & affectum excitandum; ubi enim, inquit, est thesaurus tuus, ibi est & cor tuum, significans id quod quis maxime æstimat & diligit, corde volui: quare examina te, & contemptis thesauris terrenis ad cælestes tendendos assurge.

## FERIA VI. POST CINERES.

*Christus dat monita de dilectione proximi, & cavenda vana gloria.*

Matt. 5. &amp; 6. Luc. 6.

**Punct. I.** Audistis quia dictum est: Diliges proximum tuum, & odio habebis inimicum tuum. Ego autem dico vobis: Diligite inimicos vestros; benefacite his qui oderunt vos, & orate pro persequentibus & calumniantibus vos. Confid. 1. Scribas docuisse per proximum intelligendos tantum cognatos sanguine, vel etiam Judeos, unde inferebant gentiles omnes odio habendos: Christum vero hic docere proximum nostrum esse omnes homines etiam extraneos & inimicos (quales soli demones, & damnati odio habendi & fugiendi) illosque omnes non tantum animo, sed & lingua & opere esse diligendos, tanquam ab uno Deo Patre, & ex Adamo ad Dei similitudinem progeneritos; ubi attende commendari peculiariter dilectionem inimicorum, illis condolendo, benefaciendo, & pro illis orando, quod summæ est gloriæ animi generosi, excelsi & divini. 2. *Ut sitis Filij Patris vestri qui in cælis est, qui Solem suum oriri facit super bonos & malos, & pluit super justos & injustos.* Hortatur nos eò ex similitudine cum Deo Patre, à quodam nobili non deceat nos degenerare, qui effundit dona sua etiam in hostes, neque ea ob peccata eorū & injurias subtrahit. 3. *Si enim diligitis eos, qui vos diligunt, quàm mercedem habebitis?* nullam, quia dilectio illa est naturæ, non gratiæ; quamquam si propter Deū fiat, mercedem etiam suam ab eo obtinebit; peculiariter tamen Christus hic commendat dilectionem & officia benevolentiae erga immerentes, honore invicem prævenientes, ait Apostolus, & Chrysostomus: *Saluta prior, ut tu accipias coronam humilitatis, & triumphes de superbia inimici.*

Rom. 12. 10.

**Punct. II.** Attendite, ne justitiam vestram faciatis coram hominibus, ut videamini ab eis, alioqui mercedem non habebitis apud Patrem vestrum, qui in cælis est. Confid. 1. Christum monere hic de cavenda vana gloria in bonis operibus, idque motivo mercedis, quæ ab eo expectanda est, propter quem laboramus, si propter Deum à Deo, si etiam propter homines, ab illis: ubi expende discrimen inter mercedem humanam & divinam, illam vanam & fugacem, hanc verò solidam & æternam cum accumulatione omnis boni. 2. *Cum ergo facis eleemosynam, noli tuba canere ante te, sicut hypocritæ faciunt, ut honorificentur ab hominibus, receperunt, mercedem suam;* eam nempe quàm quærebant, congruam vanæ suæ intentioni, à Deo verò punitionem ob stultitiam quod humana præponerent divinis, ob fallaciam quod hominibus imposerent simulata virtute, & superbiam, quod laudem Deo debitam sibi arrogarent. 3. *Eleemosyna tua sit in abscondito, atque idem est de aliis bonis operibus, ne inde humanæ laudis mercedem quæras, & pater tuus qui videt in abscondito, reddet tibi, in extremo judicio, orbe toto inspectante & colaudante, mercedem amplissimam.*

DOMI.



Sabbato post Cineres, vide Octavam SS. Petri &amp; Pauli, 6. Julij.

## DOMINICA I. QUADRAGESIMÆ.

Christi jejunium in deserto, tentatio, &amp; victoria. Matt. 4. Marc. 1. Luc. 4.

**Punct. I.** Iesus ductus est in desertum à spiritu, ut tentaretur à diabolo. Confid. 1. Christum jam baptizatum à Joanne, insigni exemplo humilitatis, prius se recipere ab hominum strepitu in solitudinem, ut ibi orationi ac jejunio vacet, quam auspicetur munus prædicandi sibi à cælesti Patre demandatum, ut doceat te idem facere. 2. Permisisse Deum ut Christus in piis illis exercitiis à diabolo tentaretur, tum ad gloriam Christi, quem videbat de hosle suo triumphaturum, tum ut nos moneret etiam in piis exercitiis tentationes expectandas, ac simul modum doceret eas exemplo Christi fortiter superandi. 3. Et cum jejunasset 40. diebus, & 40. noctibus, postea esuriit. Ubi Confid. Christum assumpsisse hoc quadragesimale jejunium adeò rigidum, ut nos exemplo suo invitaret ad minus suscipiendum, tanquam armaturam contra dæmonem.

**Punct. II.** Si Filius Dei es, dic ut lapides illi panes fiant. Confid. 1. Hanc primam hîc proponi tentationem Christi a diabolo, eamque ad gulam, ut esuriens cibum appeteret modo illicito; unde docemur diabolum hoc vitio primùm appetere eos, qui Christi vestigia sequuntur, & hoc proinde ante cetera domandum. 2. Respondit Christus: Scriptum est: non in solo pane vivit homo, sed in omni verbo quod procedit, de ore Dei, significans non deesse Deo media vitam humanam conservandi, ut fecit populo Israëlitico in deserto per manna, aliisq; deinde sanctis: quare in eo fiduciā collocandam.

**Punct. III.** Tunc assumpsit eum diabolus in sanctam civitatem Hierusalem, & statuit eum super pinnaculum, seu fastigium templi, & dixit ei: Si Filius Dei es, mitte te deorsum. Confid. 1. Hanc alteram esse Christi tentationem, ad superbiam, ut per miraculum in lapsu præservatus omnibus esset admirationi, atque inde animos per superbiam erigeret: unde discas hoc vitio appeti potissimum eos, qui in altiori gradu virtutis, muneris, aut status positi sunt. 2. Retorquet Christus: Non tentabis Dominum Deum tuum; nam ubi humana suppetunt effugia, non esse petenda miracula.

**Punct. IV.** Iterum assumpsit eum diabolus in montem excelsum valde, & ostendit ei omnia regna mundi, fallaci specie in aëre fornicata, & gloriam eorum, & dixit ei: Hæc omnia tibi dabo, si cadens adoraveris me. Confid. 1. Hanc tertiam Christi tentationem esse ad avaritiā, qua sperabat diabolus se de Christo triumphaturum; sed non est sapientia, non est prudentia, non est consiliū contra Dominum: cave tu ne pro toto mundo oblato peccatū aliquod admittas. 2. Reponit Christus: Vade Satana, scriptum est enim: Dominum Deum tuum adorabis, ut supremū omnium Dominum, & illi soli servies; mandata ejus super omnia observando. 3. Tunc reliquit eum diabolus, nam resistite diabolo & fugiet à vobis. Et ecce Angeli accesserunt, & ministrabant ei, cibū, & potū, & obsequia deferentes, ac victoriā gratulantes, atq; hîc exitus fuit lætissimus hujus trini certaminis, à cælesti Patre intentus.

Anno 31.  
Januar. 7.  
in deserto  
Judææ.

Deut. 6. 3.

Deut. 8. 3.

Deut. 6. 16.

Prov. 21. 30.

Deut. 6. 13.

Iac. 4. 7.

F E-

Anno 34.  
Mart. 22.  
in monte  
Olivarum.

## FERIA II. POST DOM. I. QVADRAG.

*Christus proponit extremum iudicium. Matt. 25.*

**Punct. I.** *Cum venerit Filius hominis in maiestate sua, & omnes Angeli cum eo, tunc sedebit super sedem maiestatis suae, & congregabuntur ante eum omnes gentes. Confid. 1.* Christum hinc proponere ideam extremi iudicii, ut omnes excitet ad vitæ puritatem & studium bonorum operum: Maiestas autem ejus elucebit tunc in clangore tubarum, comitatu omnium Angelorum cum speciosis & splendidis corporibus, corpore ipsius præ ceteris glorioso, in throno è nube lucida, confesso in proximo Deiparæ aliorumque Sanctorum, nominatim Apostolorum, eorumque vitam sectantium, ac signo crucis velut labaro præfulgente. *2. Et separabit eos ab invicem, sicut pastor segregat oves ab hædis.* Vivunt hinc boni permixti malis, & hi sæpè loco digniori: ibi vices mutabuntur, & statuet illos velut oves innocentes, patientes, morigeras, in aère à dextris suis tanquam signo felicitatis, gloriæ, triumphi; malos autem velut hædos & hircos immundos, asperos, avia & devia sectantes, in terra à sinistris tanquam signo infelicitatis, opprobrij, & servitutis. Expende hinc utrorumque sensus & expectationem. *3. Ibi aperientur omnium libri, seu conscientiarum; illuminabit abscondita tenebrarum, & manifestabit consilia cordium, omnibus inspicienda.*

Dan. 7. 10.  
1. Cor. 4. 5.

**Punct. II.** *Tunc dicet Rex his qui à dextris ejus erunt.* Confid. 1. Christum prius benigno vultu se conversurum ad justos, eisque sententiam dicturum, ut reprobi acrius doleant videntes quid amiserint. *2. Venite vos, qui à me vocati venistis post me, mihi que fideliter & constanter adhæstis, nunc quò toties anhelastis, de labore ad requiem, de bello ad pacem, de morte ad vitam; benedicti non à patre aut rege terreno in bonis terrenis & perituris, sed à meo ac vestro Patre cælesti in cælestibus & æternis; possidete jure hereditario vobis ut filiis debitum, regnum non portionis terræ, sed totius universi, & cum eo omnes honores, divitias, voluptates, sine ullo metu umquam amittendi; paratum vobis, per tot beneficia generalia & particularia, ab æterno destinata, & in tempore collata, ac per laborem vestrum, & studium bonorum operum.*

**Punct. III.** *Tunc dicet & his qui à sinistris erunt.* Confid. 1. Reprobos attonitos & percussos sententia justorum, pavidos & trementes expectaturos condemnationem suam: *Discedite à me.* Ecce pœnam damni, vos qui nolulistis venire post me, sapius vocati. *A me* Deo, & Redemptore vestro, fonte omnis boni, à visione divina, à gloria cælesti, consortio Sanctorum & Angelorum, *maledicti*, non à me aut Patre cælesti, sed prava vestra voluntate, in corpore, & anima, potentiis, sensibus, membris, loco, sociis, & omnibus; *in ignem:* ecce pœnam sensus, qui exuret intima animæ & corporis, æternæ, sine fine, quàm diu erit Deus. *2. Esuriivi enim &c.* exprobrat prætermissa opera misericordiæ, unde ad graviora descendet, superbiam, gulam, luxuriam, &c.



## FERIA III. POST DOM. I. QVADRAG.

Anno 34.  
Martij 27.  
Jerosol.*Christus sub ultimum Pascha ejicit videntes e templo. Matt. 21.*

Marc. 11. Luc. 19.

**P**unct. I. Intravit Iesus in templum Dei, & ejiciebat omnes videntes & ementes in templo, & mensas nummulariorum & cathedras vendentium columbas evertit: & dicit eis: Scriptum est: Domus mea domus orationis vocabitur, vos autem fecistis illam speculancam latronum. Confid. 1. Christum post applausum populi sibi factum die Palmarum ingressum Jerosolymam, ante omnia adire templum, ut ibi gloriam omnem & laudem tribueret Patri cælesti: unde disce etiam in laudibus humanis non evanescere, sed eas mox ad Deum referre. 2. Ardentem zelum Christi pro reverentia loci sacri, arcere eum inde quidquid ab eo alienum est, ac potissimum omnem injustitiam erga pauperes & peregrinos: unde collige majorem longè reverentiam habendam templis nostris, ubi Christus in Eucharistia præsens est cum multitudine Angelorum; ac proinde abstinendum ibi à fabulis, risu, & omni levitate. 3. Placere quidem Deo orationem quocumque loco profusam. *In omni loco dominationis ejus, benedic anima mea Domino.* tamen de templo speciatim eum dixisse: *Erunt oculi mei & cor meum ibi cunctis diebus.* 4. Cave ne animam tuam, templum Dei profanes peccatis, & fac cor tuum domum orationis.

Punct. II. Et accesserunt ad eum, cæci & claudi in templo, & sanavit eos. Confid. 1. Christum hæc miracula patrassè paucis diebus ante mortem, ut iis probaret suam divinitatem, ac doceret nos etiam sub vitæ vel officij finem non desistere à bonis operibus, sed iis tunc magis insistere; deinde se in templis nostris etiam sanaturum cæcos & claudos spiritu: quare ejus opem ibi confidenter implora. 2. Videntes autem Principes Sacerdotum & Scribæ mirabilia quæ fecit, & pueros clamantes in templo, & dicentes: Hosanna Filio David; indignari sunt, & dixerunt ei: Audis quid isti dicant? Ubi Confid. eos invidia excecatos, manifestis argumentis magis obstinari in malo, & remedia maxime salutaria convertere in venenum: quare cave in peccatis animum consuetudine obdurare, sed ex iis stude quamprimum resurgere. 3. Iesus autem dixit eis: *Utique, numquam legis, quia ex ore infantium & lactentium perfecisti laudem?* Monet eos de officio laudis & plausus ab ipsis Messiae debito ac prætermisso, hîc suppleto & expresso per pueros innocentes, atque deinde gloriam suam celebrandam ab humilibus, simplicibus, & innocentibus: Tu stude in hoc partibus tuis satisfacere, & Christo, cujus dignitatem optimè nosti, & beneficia amplissima expertus es, laudem, gloriam & gratias puro ac humili corde frequenter & constanter deferre.

Anno 37.  
Julio Ca-  
pærnai.

42

FERIA IV. POST DOM. I. QVADRAG.

*Pharisæi petentes signū à Christo redarguuntur. Mat. 12. Mar. 3. Luc. 11.*

**P**unct. I. *Magister, volumus à te signum videre.* Conf. I. Christum innumera & maxime stupenda ac illustria signa miraculorū sapiissimè palam omnibus maxime eo loco fecisse, nec proinde ignota hisce Scribis & Pharisæis, sed eos novum hīc petere studio curiositatis, & cavillandi: tu attende signa benevolentia tibi à Christo toties exhibita ad salutem corporis & animæ, examina gratitudinem tuam, & quo sine traharis ad nova petenda. 2. *Qui respondens ait illis: Generatio mala & adultera, quia à majorum pietate, & fide Deo per circumcisionem obstricta defecerat, signum querit, & signum non dabitur ei, nisi signum Ionæ Prophetæ.* Renuit Christus dare eis signum ad credendum, post plura eis frustra data; sed daturum se promittit signum luculentum, quod non quærebant, nempe resurrectionis suæ per Jonam præfiguratæ, qui sicut emerferat post triduum è ventre ceti, & impæniter tibus post 40. dies prædixit interitum; ita & se post triduum à morte è terra redivivum, post annos 40. in obstinatis ulturum mortem & injurias sibi illatas.

*Ionæ 2. 1.*

**Punct. II.** *Viri Ninivita surgent in judicio cum generatione ista, & condemnabunt eam. exemplo suo, quia pœnitentiam egerunt in prædicatione Ionæ. Et ecce plusquam Ionas hīc, sive hoc loco.* Conf. I. Christum hīc illis repudiantibus signa benevolentia, clariùs proponere signum timoris de extremo judicio, ad quod ipse per Angelos signo tubarum undique omnes convocabit, ac se palam Messiam ostendet, eosq; redarguet incredulitatis exemplo Ninivitarum, qui gentiles homini ignoto credentes, ad Deum conversi sunt, ipsi vero sibi inter illos doctrina ac miraculis claro fidem derogent. 2. Ita & *Regina Austri, sive Æthiopie, quia venit à finibus terre audire sapientiam Salomonis: & ecce plusquam Salomon hīc.* Etiam illa gentilis excita fama humanæ sapientia Salomonis, longum ac molestum iter aggressa est, ut cōsilia ejus exciperet; ipsi verò sapientiam divinam Filij Dei ad salutem eorum ultro oblatam rejiciunt: ubi attende his duobus exemplis ostendi unumquemque pro mensura gratiarum & beneficiorum à Deo acceptorū judicandum, infideles fidelibus, & laicos Ecclesiasticis insultaturos de neglecta gratia, atque hos proinde acriùs castigandos. *Cum enim augentur dona, rationes etiam crescunt donorum.* 3. Alteram addit comminationem ex similitudine energumeni, qui à dæmone liberatus, ac deinde sua ignavia iterum illi fenestram aperiens, multò graviùs torquetur, & sunt novi: *Quia hominis illius pejora prioribus; ita & illis futurum post desertam viam salutis.*

*Gregen.*

**Punct. III.** *Loquente eo ad turbas, dicit ei quidam: Ecce mater tua & fratres tui foris stant querentes te. At ipse extendens manum in discipulos suos, dixit: Ecce mater mea, & fratres mei; quicumque enim fecerit voluntatem Patris mei qui in celis est, ipse meus frater, & soror, & mater est: docens cognationem spirituales præstare carnali.*

FE.



FERIA V. POST DOM. I. QVADRAG. 43

Anno 33.  
Maio in  
Phœnicia.

*Christus liberat filiam mulieris Chanaanæ à demonio. Matt. 15. Marc. 7.*

**P**unct. I. *Secessit Iesus in partes Tyri & Sidonis, & ecce mulier Chanaanæ à finibus illis egressa clamavit, dicens ei: Miserere mei Domine Fili David, filia mea malè à demonio vexatur.* Conf. 1. Christū hīc excurrissē in provinciam Phœniciæ Judæis conterminam, & gentilem è posteris Chanaan, ut illis doctrinam ac miracula sua à Judæis repudiata inciperet impendere: tu cave ne ob ingratitudinem tuam dona tibi destinata ad alios transferantur. 2. Mulierem ibi cognito Christi adventu, statim se ad domum ejus contulissē, ac filix energumenæ opem suppliciter implorassē. *Procidit ad pedes ejus, inde- Marc. sup.* que non exauditam Christum abeuntem iusecutam, ac clamore suo vehementiam affectūs & fidei expressissē. 3. *Qui non respondit ei verbum,* idque ut ejus fidem, spem, humilitatem, & constantiam augeret, & aliis manifestaret, ac imitandam proponeret, atque ut beneficium eò gratius deinde accideret, quò magis dilatum. 4. Conf. filiam nostram, ut ait S. Hieronymus, esse animam nostram à dæmone per peccatum superatam, vel eò inclinatam, à quo ut liberetur, misericordiam Christi implorare nos oportet, cum virtutibus hujus mulieris.

**P**unct. II. *Et accedentes discipuli ejus rogabant eum, dicens: Dimitte eam, quia clamat post nos. Ipse autem respondens ait: Non sum missus, nisi ad oves quæ perierunt domus Israël.* Confid. 1. Importunas preces esse efficaces, maximè si accesserint patrocinia Sanctorum: hos autem esse maximè pronos ad nos juvandos, jam potissimùm in cælo, dum de sua salute securi, tantùm de nostra sunt solliciti. 2. Conf. Christi fidelitatem in præstandis promissis de Judaica gente ante ceteras juvanda, & misericordiam in juvandis inter eos peculiariter peccatoribus, unde ait: *Non veni vocare justos, sed per-* Matt. 19. 13. *catores.* Quare & tu supplex ad eum accede, & dic: *Erravi sicut ovis quæ perivit.* Psal. 118. ult.

**P**unct. III. *At illa venit & adoravit eum, dicens: Domine adjuva me. Qui respondens ait: Non est bonum sumere panem filiorum, & mittere canibus.* Confid. 1. Christum hīc longa tergiversatione & probroso nomine canis, exercere virtutes hujus mulieris, ut eas omnibus testatas faciat. 2. *At illa dixit: Etiam Domine, nam & canelli edunt de micis quæ cadunt de mensa Dominorum suorum.* Confid. hic exemplar perfectæ orationis, in qua elucet humilitas qua se canem agnoscit, fides qua Christum Messiam, resignationem qua malū proponit, fiduciam licet esset gentilis, reverentiam quia flexis genibus, prudentiam qua Christum in verbis suis comprehendit, ardentem caritatem pro filia, & perseverantiam. 3. *Tunc respondens Iesus, ait illi: O mulier! magna est fides tua, quæ excitat omnes affectus perfectæ orationis; fiat tibi sicut vis. Et sanata est filia ejus ex illa hora.* Quoniam in me speravit liberabo eum. Ego Psal. 140. 14. *Domine, super quo non confundetur, qui expectat eum.* Quare & nos dicamus: Psal. 140. 23. *Oculi nostri ad Dominum Deum nostrum, donec misereatur nostri.* Psal. 122. 2.

Anno 32.  
April. 16.  
Jerofol.

44

## FERIA VI. QVAT. TEMP. QVADRAG.

*Christus sanat paralyticum ad piscinam. Ioan. 5.*

**P**unct. I. Confid. 1. Jerosolymæ piscinam, in qua victimæ Deo immolande prius abluebantur, cōtinuo miraculo à Deo fuisse illustratam, ut post motum aquæ ejus ab Angelo, is qui prior ingrederetur, sanus fieret, à quacumque detinebatur infirmitate: quare in quinque porticibus circumquaque, jacebat multitudo magna languentium, cæcorum, claudorum, aridorum, expectantium aquæ motum. ubi attende piscinam hanc figuram fuisse Sacramenti baptismi & pœnitentiæ, ubi anima Deo consecranda prius expianda est; & infirmitates omnes tolluntur, prioritate verò ingressus diligentia commendatur in Sacramento cbeundo. 2. *Erat autem homo ibi 38. annos habens in infirmitate sua. Hunc cum vidisset Iesus jacentem dicit ei: Vis sanus fieri? Respondit ei languidus: Hominem non habeo, &c.* Ubi Conf. per hunc paralyticum designari voluntatem nostram vitiis & pravis affectibus languentem, sed nullum esse malum tam inveteratū, cui Christus & Ecclesia non medeat, si quis serio & efficaciter velit; ad id proinde quod ab hoc exquirat, *Vis sanus fieri?* reponere non possumus: *Hominem non habeo;* cum Christus homo simul & Deus semper paratus & promptus sit ad nos juvandos.

**Punct. II.** *Dicit ei Iesus: Surge. tolle grabatum tuum & ambula. Et statim sanus factus est homo ille, & sustulit grabatum suum & ambulavit.* Conf. 1. Christi benignitatem & potentiam, dum paralytico non solum subito sanitatem, sed & vires pristinas ac robur solo imperio restituit, sic ut lectum portatileni tollere possit: in quo etiam observa fructum obedientiæ, cum jussus surgere, mox sanus & validus surrexit. 2. Grabatum, seu lectum nostrum esse terrenas commoditates, quibus cum inhæremus, signum est ægritudinis; cum renunciamus, signum sanitatis; ambulamus verò, cum cooperantes acceptæ gratiæ progredimur in operibus virtutum. 3. Hunc reprehensum a Judæis, quod in Sabbato lectum tolleret, nihil aliud reponere, nisi se sic jussū: atque ita etiam volenti progredi in virtute objici mox impedimenta, sed obediendum Deo: *Ille mihi dixit.*

**Punct. III.** *I esse à inv. nit eum Iesus in templo, & dixit illi: Ecce sanus factus es, jam noli peccare, ne deterius tibi aliquid contingat.* Confid. 1. Christum docere hic eū propter peccata, quæ cito patrantur, punitam fuisse tam diuturno morbo; qui tamen quid est ad æternitatem: jam vero à peccato & malo liberum debere sibi cavere à recidiva, quæ sicut in morbo corporali maxime periculosa est, ita & in spiritali. 2. Disce etiam ab hoc post accepta beneficia à Deo conferre te ad templū, ibiq; ei gratias agere, addere firmū propositum emendationis, & cavendi peccata priora, & attende ad minas à Christo appositas, *ne deterius tibi aliquid contingat;* ne scilicet propter ingratitude in statu peccati subito præoccuperis. Ablutus es, noli te iterum contaminare: liberatus à servitute dæmonis, noli te iterum servituti ejus subicere.

DOMI



## DOMINICA II. QVADRAGESIMÆ.

*Christus transfiguratur. Matt. 17. Marc. 9. Luc. 9.*Anno 33.  
Augusti 6.  
in monte  
Thabor.

**P**unct. I. Assumpsit Iesus Petrum & Iacobum & Ioannem fratrem ejus, & duxit illos in montem excelsum seorsum, & transfiguratus est ante eos, & resplenduit facies ejus sicut Sol. Confid. 1. Splendorem hunc emanasse à divina essentia in animam Christi sibi unitam, tanquam connaturaliter debitum, & miraculo suppressum; ab anima verò in corpus, & ab hoc in vestitum; nam & vestimenta ejus facta sunt alba sicut nix, & splendentia: datum autem à Christo hoc specimen corporis gloriosi, velut radium cælestis gloriæ, cujus spe nos provocaret ad crucem & adversa fortiter toleranda. 2. Id factum in monte Galilææ Thabor, ut doceret nos mentem à terrenis ad cælestia erigere, & perfectionem virtutum in hac vita, & claram Dei visionem in altera non obtineri, nisi per molestias & arduos labores in scandendo monte necessariis. 3. Factum cum oraret, imò noctem totam in oratione transigisse, ut appareret fructus orationis, per quam & nos, dum in ea persistimus, transformamur & illuminamur; unde Sapiens: *Melior est finis orationis, quam principium.*

Marc. sup.

Luc. sup.

Ecc. 7. 9.

Punct. II. Et ecce apparuerunt illis Moyses & Elias cum eo loquentes. Confid. 1. Causam apparitionis horum fuisse, ut testarentur umbras & promissa legis veteris jam in Christo esse completa, & Apostolis commendaretur mansuetudo Moyse ac zelus Eliæ. 2. Petrum gaudio plenum ex tam glorioso spectaculo, cum videret eos velle discedere, rogare eorum mansionem, & offerre suam ac fociorum operam: *Domine bonum est nos hic esse: si vis, faciamus hic tria tabernacula.* In quo, ut addit S. Marcus & Lucas, non sciebat quid diceret, cum beatitudo non consistat in visione corporis Christi, sed divinæ essentia, eaque omnibus destinata, per mortem Christi prius esset paranda. 3. Bonum quidem fuisse Apostolis, esse in hoc monte spectatores gloriæ Christi; sed longè optimi esse, in monte cælesti spectare gloriam divinitatis, eoque anhelandum.

Punct. III. A. huc eo loquente ecce nubes lucida obumbravit eos. Confid. 1. Gloriam hanc nube discussam, ut significaretur, omnem gloriam huius vitæ, etiam quantumvis piam, brevem esse, & instar fumi ac floris dissipari; unde Bernardus: *Rara hora, brevis mora:* cælestem verò gloriam esse perpetuam, & coronam immarcescibilem. 2. Et ecce vox de nube dicens: *Hic est Filius meus dilectus, in quo mihi bene complacui:* Testimonium hoc est Patris cælestis de Filio datum etiam antè in baptismo, hunc sibi in natura divina consubstantiali & humanæ unitum, esse præ ceteris singulariter dilectum, ac fontem omnis complacentiæ, cum meruerit nobis decorem gratiæ, qua Deo placemus, & in filios ac heredes regni assumimur.

Matt 3. 17.

Anno 29.  
Octob. 7.  
Jerōsol.

# FERIA II. POST DOM. II. QVADRAG.

*Christus arguit Scribas & Phariseos incredulos. Ioan. 8.*

**P**unct. I. Ego vado, & quæretis me, & in peccato vestro moriemini. Confid. i. Christum significare hîc se ire ad Patrem cælestem per mortem sponte & voluntarie à se suscipiendam, ac se deinde ab illis quærendum, non desiderio, sed odio; non amando, sed persequendo, ac saviendo in membris suis: tu Christum quære affectu doloris & amoris, & quidem nunc cum tempus datur. *Quærite Dominum, dum inveniri potest; invocate eum, dum prope est.* Ne postea serius & frustra eum quæras cum virginibus fatuis, quando *clausa est janua, Domine Domine aperi nobis.* 2. Prædicat eis obstinationem in peccato, in quo vivere triste est, sed longè acerbius in eo mori. Acerba est ægro sententia decretoria medici; *Dispone domui tuæ, quia morieris, & non vives:* sed hæc sententia mortis æternæ longè est acerbissima. Quare qui in peccato mori non vult, ne in eo vivat. 3. *Quò ego vado, vos non potestis venire.* Nempe ad gloriam cælestem per humilitatem & viam virtutum; vos autem per viam vitiorum tenditis ad terminum planè oppositum; nempe abyssum inferni; *non potestis autem, quia non vultis:* tu Christum hîc sequere, ut & postea illi jungaris in cælo. 1

**Punct. II.** Vos de deorsum estis, ego de supernis sum: vos de mundo hoc estis, ego non sum de hoc mundo. Confid. i. Christum arguere hîc Phariseos, quod sicut corpore è terra originem ducebant, ita & affectu non nisi terrena velut serpentes sectarentur; nempe caduca hujus mundi bona, divitias, honores, & voluptates: se vero sicut à Patre cælesti genitum, ita & cælestia, divina, ac æterna sedari, in quo & nos ab eodem Patre per baptismum renati, ipsum sequamur, *quæ sursum sunt quærite, quæ sursum sunt sapite, non quæ super terram.* 2. Rogatus deinde ab eis: *Tu quæres: Dixit eis: Principium, qui & loquor vobis.* Significans se esse omnium Creatorem ac Dominum, & Messiam tot sæculis desideratum: ideoque sicut à centro circuli velut principio omnes lineæ ducuntur, & in ipso coeunt, ita & actiones omnes nostras à Christo inchoandas esse, & ad ejus gloriam reducendas.

**Punct. III.** Multa habeo de vobis loqui & judicare; sed qui me misit, verax est. Confid. i. Christum hîc indicare se in multis posse ipsos arguere, ac secundum ea pro meritis punire, sed relinquere se id Patri cælesti, à quo missus sit ad mūdum non perdendum, sed salvandum, ipsum fidelem esse in vindicandis injuriis Filio suo illatis. *Revela Domino viam tuam, & spera in eo, & ipse faciet.* 2. Cum exaltaveritis Filium hominis, tunc cognoscetis, quia ego sum. Prædicat se ab ipsis in crucem agendum, & tunc ex signis & portentis à multis agnoscendum, qui revertebantur percutientes pectora sua. & Centurio: *Verè hic homo Filius Dei erat.* 3. *Ego quæ placita sunt ei, facio semper.* Confid. hîc absolutum exemplar perfectionis, ac stude etiam in omnibus actionibus tuis Deo super omnia placere.



## FERIA III. POST DOM. II. QVADRA G.

Anno 34.  
Martij 21.  
Jerosol.*Christus monet Scribarum doctrinam sequendam esse, non opera.*

Matt. 23. Marc. 12. Luc. 20.

**P**unct. I. *Super cathedram Moyfi sederunt Scribæ & Pharisei. Omnia ergo quaecumque dixerint vobis, servate & facite.* Confid. 1. Christum hic ostendere superioribus etiam improbis esse morem gerendū, dum monet obtemperandum Scribis & Phariseis, hominibus superbis, & totis in externa specie sanctitatis; quos utrosque plerumq; Sacerdotes ait sedisse *super cathedram Moyfi*, eò quod locum & auctoritatem docendi ac explicandi legem, regendi & judicandi populum obtinerent; unde subdit: *Omnia ergo eorū præcepta, quæ divinæ legi non manifestè repugnarent, servanda ad meritum, obedientiæ, & reverentiam Sacerdotij ac dignitatis.* 2. *Secundum opera verò eorū nolite facere.* Nam carpe vitium, sed spinam cave, ait S. Augustinus. Dicunt enim & non faciunt, atque hoc primum est eorum vitium, legis observantiam docere verbo, & dissuadere exemplo. 3. *Alligant onera gravia & importabilia, & imponunt in humeros hominum, digito autem suo nolunt ea movere.* Ecce alterum vitium: onerant populum ac penè opprimunt multitudine & gravitate præceptorum ac traditionum ex rigida legis interpretatione; ipsi laxi in se: tustude, ut opera tua cum statu & doctrina consentiant, & cum Apostolo dicere possis: *Imitatores mei estote.*

Phil. 3. 17.

Punct. II. *Omnia opera sua faciunt ut videantur ab hominibus.* Confid. 1. Hic tertium eorum vitium, nempe superbiam ac studium gloriæ humanæ, quò opera sua omnia dirigunt, non verò ad gloriam & cultū Dei. *Dilatant enim phylacteria sua*, seu membranas legem Dei continentes, brachio & fronti alligatas ad ostentationem observantiæ, & magnificant fimbrias coloris hyacinthini seu cælestis, ut videantur præ ceteris cælestem vitam agere. 2. *Amant primos recubitus in cænis, & primas cathedras in synagogis, & salutationes in foro, & vocari ab hominibus Rabbi, seu Magister.* Ecce quartum vitium, in omnibus querunt primum locum, & honorari ab aliis, quæ omnia directe adversantur doctrinæ Christi, nec ducunt ad cælum, sed ad infernum.

Punct. III. *Vos autem nolite vocari Rabbi.* Confid. 1. Christum hic monere suos, ne ex arrogantia, ut Scribæ illi & Pharisei, affectent titulos honoris, sive Magistri, sive Patris; *unus est enim Pater vester, qui in cælis est*, qui solus est auctor & conservator vitæ corporis & animæ, pascit, & fovet, ac donat hereditate cælesti, & *Magister vester unus est Christus, qui solus habet auctoritatem docendi à se cum scientia infallibili.* 2. *Qui major est vester, erit minister vester: qui autem se exaltaverit, humiliabitur, & qui se humiliat, exaltabitur.* Docet viam ad veros ac summos honores, nempe humilitatem, per quam magni sint in hac vita apud Deum & Sanctos, ac postea in cælo exaltentur: per superbiam verò deprimendos, quia gloria sequitur fugientes, & sequentes fugit.

Anno 33.  
Decembri  
in Betha-  
bora.

## FERIA V. POST DOM. II. QVADRAG.

De divite epulone, &amp; paupere Lazaro. Luc. 16.

Lib. Exerc.

**P**unct. I. Homo quidam erat dives, qui induebatur purpura & bysso, & epulabatur quotidie splendide. Confid. 1. Deum variè distribuiffe hominum sortes ex abyſſo paternæ suæ providentiæ, ut quisque ea rectè uteretur ad salutem, alios divites nasci, alios pauperes, alios aliis naturæ & gratiæ talentis dotatos, & quemque pro eorum usu mercedem accepturum. 2. Divitem hunc divitiis suis, quibus beatitudinem lucrari debebat & poterat, malè ab usum velut instrumentis peccandi; nam & purpura ejus superbiam denotat, byſſus mollitiem, epulæ gulam, neglectus pauperis avaritiam: unde collige pericula divitiarum, & verum esse quod docuit S. Ignatius, dæmones hoc agere, ut homines primùm trahant ad cupiditatem divitiarum, unde postea facilius in mundani honoris ambitionem, ac demum in superbiæ barathrum deturbari queant, ex quibus in alia vitiorum genera præceptum fit decursus.

Punct. II. Et erat quidam mendicus, nomine Lazarus, qui jacebat ad januam ejus, ulceribus plenus, cupiens saturari de micis, quæ cadebant de mensa divitis, & nemo illi dabat. Confid. 1. Pauperis hujus nomen hîc exprimi ad ejus honorem & gloriam; reticere verò nomen divitis, ne augeatur infamia, atque ut nos doceamur in vitiis etiam parcere famæ proximi. 2. Hunc pauperem optimè usum sua paupertate velut scalis ad omnem virtutem & beatitudinem: unde collige commoda paupertatis, & disce ex S. Ignatio, Christum modo opposito primùm allicere quemlibet ad spiritualem affectum paupertatis, deinde ad opprobrii contemptum, & desiderium, unde humilitatis virtus enascatur, ac virtutes omnes statim introducantur.

Punct. III. Factum est autem ut moreretur mendicus, & portaretur ab Angelis in sinum Abraham. Confid. 1. Pauperem hunc statim à morte accepisse fructum paupertatis suæ ceterarumque virtutum, cum ab Angelis deductus est in limbū SS. Patrum, dictum sinum Abraham; quia locū quietis, ac destinatum posteris Abraham, fidem ejus ac virtutes imitantibus, dum cælestis gloria per Christum referretur. 2. Mortuus est autem dives, & sepultus est in inferno. Hîc finis voluptatum, & vitiorum. Extrema gaudij luctus occupat. Quantum glorificavit se & in deliciis fuit, tantum date illi tormentum & luctum.

Prov. 14. 13.  
Apoc. 18. 7.

Punct. IV. Confid. 1. Divitem è flammis implorare misericordiam Abraham: Mitte Lazarum ut intingat extremū digiti sui in aquā, ut refrigeret linguā meā, quia crucior in hac flamma. Sed frustra: Et dixit illi Abraham. Fili, recordare quia recepisti bona in vita tua, mercedem bonorū operū, si quæ feceris, & Lazarus similiter mala, & corporis incommoda, quibus leviores culpas expiavit; nunc verò hîc consolatur, affluit solatiis & certā spe cælestis gloriæ, tu verò cruciaris: versa vice nunc habes pro palatio infernū, pro purpura flammam, pro sociis dæmones, &c. Quis poterit habitare de vobis cum igne de vorante? quis habitabit ex vobis cum ardoribus sempiternis?

F E.



## FERIA VI. POST DOM. II. QVADRAG.

Anno 34.  
Mart. 22.  
Jerofol.

*Christus parabola de vinitoribus homicidis prædicit Iudæis excidium,*  
*& suam gloriam. Matt. 21. Marc. 11. Luc. 20.*

**P**unct. I. Homo erat pater-familias, qui plantavit vineam, & sepem circumdedit ei, & fodit in ea torcular, & edificavit turrim. Conf. 1. Hoc patrefamilias significari Deum, vinea vero ab ipso plantata Ecclesiam Judaicam, ac deinde etiam Christianam, & animam cujusque, quæ debet fructum ferre virtutum & bonorum operum, ad hoc subministrasse Deum comoda & auxilia, spiritualia & corporalia, *quid debui ultra facere vineæ meæ, & non feci? ubi ex-* Isa. 5. 4.  
*pende beneficia tibi collata, generalia & particularia. 2. Tria hæc peculiariter exprimi, per sepem, intellige tutelam divinæ providentiæ per te & Angelos custodes, urbs fortitudinis nostræ Sion, Salvator ponetur in ea murus & antemurale: per torcular, divinam legem, prementem singulos ut succi edant pieratis, item tolerantiam tribulationum, & mortificationem affectuum: per turrim, verò templum, orationem, sacramenta, & cultum Dei. Turris fortissima nomen Domini. 3. Et locavit eam agricolis, per hos designantur primates & Magistratus Judæorum, aliique omnes quibus cura salutis aliorum à Deo commissa est. 4. Et peregrinè profectus est, quo significatur longanimitas Dei, sic se gerentis, ac si abesset; unde fit ut servi pigri otio indulgeant, & sollicitudinem negligant: tu vide ut Deum tibi semper præsentem & intentum statuas.*

Punct. II. Cum autem tempus fructuum appropinquasset, misit servos suos ad agricolas ut acciperent fructus ejus; & agricola apprehensus servus alium ceciderunt, alium occiderunt. Confid. 1. Infinitam Dei misericordiam diversis temporibus excitasse. Prophetas qui urgerent Magistratus & populum ad producendos fructus virtutum, sed eos plurimos à suis pessime acceptos & iniquè interfectos fuisse, sic ut crescente Dei misericordia, pariter cresceret eorum malignitas. Tu bonis operibus constanter insuda, & cave ingratitudinem. 2. Novissimè misit ad eos filium suum, dicens: Verebuntur filium meum, docet eos Christus quid facere eos oporteat, at illi: *Videntes filium, dixerunt intra se: Hic est heres; venite occidamus eum: ostendit se conscius conspirationis illorum, in necem suam, illosque satis scire se esse Filium Dei; sed nolle agnoscere excæcatis invidia, & stimulos avaritia, habebimus hereditatem ejus, eò quòd sperarent se occiso Christo munus suum & emolumenta retenturos, quibus aliàs essent exuendi.*

Punct. III. Cum ergo venerit Dominus vineæ quid faciet agricolis illis? aiunt illi: *Malos malè perdet, & vineam suam locabit aliis agricolis.* Confid. 1. Ipsos hæc inductos hac parabola à Christo, ut sententiam contra se dicerent, & se suo ore damnarent. 2. Ipse etiam Christus illis parabolam applicat, dum subdit: *Auferetur à vobis regnum Dei, non habendos amplius pro populo & Ecclesia Dei, ac donis omnibus spoliandos.*

S A B.

Anno, 33.  
Decembri  
in Betha-  
bora trans  
Jord.

50

## SABBATO POST DOM. II. QVADRAG.

*Christus parabola filij prodigi invitatur ad penitentiam. Luc. 15.*

**P**unct. I. Homo quidam habuit duos filios, & dixit adolescentior ex illis patri: Pater, da mihi portionem substantiæ, quæ me contingit. Confid. 1. Duobus hisce filiis designari populum Judaicum & gentilem, tum etiam justum, & peccatorem. Ausus est hic postulare à patre portionem substantiæ, tanquam sibi debitam, & quam ipse per se sciret melius administrare: ecce præsumptionem & superbiam. 2. Et non post multos dies peregrè profectus est in regionem longinquam, & ibi dissipavit substantiam suam vivendo luxuriosè. Regio longinqua est vita peccatoris, remota a Deo & virtute, seu oblivio Dei & sui. *Ecce qui elongant se à te, peribunt.* Expende hinc quanta bona, quam vili pretio brevissimæ voluptatis dissipet peccator.

**P**unct. II. Postquam omnia consummasset, cepit egere. Confid. 1. Damna & incommoda recedentis a patre, subtrahuntur auxilia & solatia non tantum spiritualia, sed & corporalia, per quæ quis peccat, per hæc & torquetur. Et factus diabolo vile mancipium, nullus ab eo est, ut pasceret porcos, pravas cupiditates rerum terrenarum, & cupiebat implere ventrem de filiquis, quas porci manducabant, & nemo illi dabat, filiquæ, sunt involucra leguminum, quæ ventrem non pascunt, sed implent ita nec mentem terrenæ voluptates. 2. In se autem reversus, dixit: Quanti mercenarij in domo patris mei abundant panibus! Ego autem hinc fame pereor. Confid. initium conversionis esse agnitionem miseriæ propriæ, & divinæ misericordiæ; unde S. Augustinus: Noverim me, noverim te. Interroget se peccator, quod Deus Adamum, *Ubi es?* & statum suum conferat cum statu justorum. 3. Surgam, & ibo ad patrem meum. Surgat peccator seria voluntate emendationis, qui jacet in cæno vitiorum, & eat cum humilitate & fiducia ad patrē à quē recessit, à creaturis ad Creatorē.

**P**unct. III. Cum autem adhuc longè esset, vidit illum pater ipsius, & misericordia motus est, & accurrens cecidit super collum ejus, & osculatus est eum. Confid. 1. Hos amplexus & oscula signum esse promptæ benevolentiæ & clementiæ Dei erga peccatores resipiscentes. *Desiderium pauperum exaudivit Dominus.* 2. Dixitq; ei filius: Pater peccavi in cælum, cælites omnes quos ad vindictam provocavi, & coram te cæli Rege, cujus oculos non evasi. Iam non sum dignus vocari filius tuus, exui reverentiam & amorem filij, sed non tu clementiam & viscera patris. Adeamus ergo cum fiducia thronum gratiæ. 3. Jubet ei Pater restitui stolam gratiæ virtutibus supernaturalibus exornatam, dari pro annulo pignus reconciliationis, & desponsationis cum Spiritu S. pro calceamento gratias prævenientes & cooperantes, pro vitulo saginato pascit pretiosa carne sua & sanguine gaudentibus Angelis, quia, inquit, hic filius meus mortuus erat, & revixit, perierat & inventus est: attende hinc etiam hujus peccatoris conversi solida gaudia, ac firmum propositum perpetuò remanendi cum tam benigno patre.

DOMI-



# DOMINICA III. QVADRAGESIMÆ.

51

Anno 32.  
Julio Ca-  
phernai.

*Christus ejicit demonium mutum & cecum, ac calumniatores refellit.*

Luc. 11. Matt. 12. Marc. 13.

**Punct. I.** Erat Iesus ejiciens demonū, & illud erat mutum, & cecū, ut habet Mat-  
thæus, & admirata sunt turba. Conf. 1. Diabolum in hoc misero homine  
obstruxisse utramq; viam qua salutem consequi potuisset, nempe loque-  
lam & visum, ut ita in miseriis eum detineret, id quod in anima commu-  
niter facit. 2. Proprium hoc esse diabolo, ut impediat homines ne lumen  
veritatis aspiciant, ac ne Dei laudes, & peccata sua confiteantur, de quo  
S. Bernardus: *Si pudor tibi est uni homini & peccatori peccata tua exponere, quid fa-  
cturus es in die judicij, ubi omnibus exposita tua conscientia patebit?*

**Punct. II.** In Beelzebub principe demoniorum ejicit demonia. Horresce hīc ad im-  
manem blasphemiam, & Conf. 1. maligni & invidi esse ingenij optime fa-  
cta ab aliis, & quæ à piis ac probis laudantur, male interpretari vel exte-  
nuare; ita ut sicut diligentibus Deum omnia etiam pessima cooperantur in bonum, *Rom. 8. 28.*  
ita malevolis omnia etiam optima in malum, & unde illi ut apes mel  
fugunt, hos ut araneas venenum colligere. 2. Christum non reddere hīc  
maledictum pro maledicto; sed quia honor Dei impetebatur, eum mo-  
destè ac nervosè tueri, ut discas idem facere, siquid verò contra tuam  
personam dicatur, cum Christo patienter ferre.

**Punct. III.** Confid. Christum duobus potissimū manifestis & convin-  
centibus rationibus falsitatem eorum arguere, 1. Ex concordia contentio-  
ne demonum in hominibus lædendis, adeoque hos non pellere invicem,  
sed in hoc juvare: unde discas tu concordiam & consensionem in bono,  
ac damna discordiæ; nam *omne regnum, inquit Christus, in seipsum divisum de-  
solabitur, & domus supra domum cadet.* 2. Ex eo quòd ipse Christus fortior dæ-  
mone noscitur cum eo agat, in spoliis animarum amplissimis ei detra-  
hendis; ubi attende demonem magis apparere fortem, quam sit, ut leo-  
nem se gerere erga tepidos, ut muscam verò erga ferventes.

**Punct. IV.** Conf. 1. Christum exponere deinde hīc Scribis & Phariseis  
gravitatem in qua versantur, cum post acceptum rectæ fidei lumen  
per legem & Prophetas, novis criminibus novū ac pleniorē locū dia-  
bolo cedunt, qui deinde reversus inquit Christus, *assumit septem alios spiritus  
secum ne quiores se, & ingressi habitant ibi, & fiunt novissima hominis illius peccata pri-  
oribus.* 2. Magis hoc locum habere in Christianis iisque Ecclesiasticis post  
clariorem lucem acceptam in vitia prolapsis, unde difficillimū sit resur-  
gere, quam difficultatem exponens Apostolus ait: *Impossibile est eos qui semel* *Hebr. 6. 4.*  
*sunt illuminati, gustaverunt etiam donū celeste, & prolapsi sunt, rursus revocari ad peni-  
tentiam, quæ difficultas oritur ex minori gratia Dei ob ingratitudinem, &  
majori potentia demonis, ideoq; studiose cavendum ne novus ei per pec-  
catum locus detur.*

## FERIA II. POST DOM. III. QVADRAG.

Anno 32.  
Julio in  
Nazareth.

Isa. 61. 1.

Christus à suis Nazarethi cōtemnitur & ejicitur. Luc. 4. Matt. 13. Mar. 6.

**P**unct. I. Confid. 1. Christum ingressum Nazareth, ibique Synagogam, cum ex tradito sibi libro Isaïæ prælegisset signa & opera Messia: *Spiritus Domini super me, propter quod unxit me &c.* exorsum dicere ad eos oculis ac auribus omnes in se intentis: *Hodie impleta est hæc Scriptura in auribus vestris*, atque inde evidenter eis ostendisse hæc signa sibi competere. Ubi attende Christi benignitatem in se illis manifestando, & eorum ingratitude in fide illi deroganda, atque hæc tibi applica respectu divinarum inspirationum. 2. *Et omnes testimonium illi dabant*, quia convicti splendore veritatis, & mirabantur in verbis gratiæ ad persuadendum efficacibus, quæ procedebant de ore ipsius, quibus quantum capiebantur, tantum & magis avertabantur ob externam speciem paupertatis, *nōne hic est Faber, & Fabri filius, & scandalizabantur in eo*: tu verò Christum adeò propter te humiliatum majori reverentia & amore amplectere.

**Punct. II.** Conf. 1. Christum ad has tum externas, tum internas eorum obmurmurationes nervosè respondere: *Utrique dicetis mihi hanc similitudinem: medice cura te ipsum, tuorum concivium infirmitates cura, & necessitatibus miraculo succurre. quanta audimus facta in Caphernaum, fac & hic in patria tua.* Ait autem: *Nemo Propheta acceptus est in patria sua, & non est sine honore, nisi ibi.* Ratio est, quia familiaritas contemptum parit, & invidia suscitatur ne concives sibi patiantur præferri. Hinc discas affectum erga patriam & consanguineos moderari, ac tuis infirmitatibus animi prius medendum, quam alienis. 2. *Et non poterat ibi virtutem ullam facere, idque propter incredulitatem & invidiam, aspernator enim Dominus invidorum est*, ait Ambrosius, & ab iis qui divina beneficia in aliis persequuntur, miracula suæ potestatis avertit.

**Punct. III.** Contid. 1. Christum confirmare dictum suum exemplo Eliæ & Elifæi Prophetarum, qui etiam non fecerunt miracula apud suos propter eorum incredulitatem, sed apud externos gentiles magis credulos, ille viduæ in Sidonia tempore famis victum curando, hic vero Naamum Syrum a lepra mundando: ita & se ob eandem causam illis prætermisissis bene facere Caphernaitis, ac deinde etiam Euangelium ac reliqua beneficia translaturum à Judæis ad gentes: ubi attende quibus divina beneficia tribuantur, non incredulis, invidis, & ex usu contemnentibus, sed fidei, caritate conjunctis, & eo. ù præstantiam æstimantibus. 2. *Et repleti sunt omnes ira hæc audientes*, quod ut increduli arguerentur, & ejecerunt illum extra civitatem, tanquam indig. ù patria sua: tu Christum a te invita, reverenter animo excipe, & cave ne per peccatum ejicias. 3. *Et duxerunt illum usque ad pyram montis, ut præcipitarent eum: ipse autem transiens per medium illorum ibat, sedato gradu securus, nec præcipitans illos quod non merito poterat, sed memor se mansuetudinis Magistrum, hanc nos exemplo doceat.*

F E.



53  
FERIA III. POST DOM. III. QVADRA G.

Anno 33.  
Aug. Ca-  
pharna.

*Christus hortatur ad correctionem & caritatem fraternam. Matt. 18.*

**P**unct. I. Si peccaverit in te frater tuus, vade & corripe eum inter te & ipsum solum. Confid. i. Christum monere, hinc ut si quis offensus ab alio fuerit, vel peccatum ejus occultum cognoverit, studeat eum corrigere amica, prudenti, & secreta monitione, non ex odio, iracundia, aut fastu, consulendo salutem ejus, & simul, ubi fieri potest honori, ac proinde abstinendum à privata vindicta, & omni detractione. *Vnicuique Deus mandavit de proximo suo. Eccli 17. 12.* Hinc disce hoc caritatis medicamentum alteri, ut dictum est, impendere, tempore, loco, & modo opportuno, ac vicissim ab altero benignè admittere. *Meliora sunt vulnera diligentis, quam fraudulenta oscula diligentis. 4. Si te audierit, lucratus ejus fratrem tuum. Subdit fructum huius correctionis, lucrum non auri, vel argenti, sed animæ ipsius longè præstantioris, ac simul sibi meritum vitæ æternæ. Prov. 17. 6.*

Punct. II. Confid. i. Addere hinc Christum, si quis nec proximum amice monentem, nec etiam alios audierit, illum deferendum ad superiorem ejus Ecclesiasticum, dic Ecclesia: Si autem Ecclesiam non audierit, persistens in contumacia, sit tibi sicut *Ethnicus, & Publicanus*. Juber eum præscindi à communione fidelium, velut noxium, contagiosum, insanabilem, & membrum putridum, adeoque à talium confortio penitus abstinendum. 2. Conf. in pluribus religionibus hunc ordinem caritatis propter majus bonum privatum & publicum frequenter non servari, sed defectus immediate denunciari posse superiori tanquam utriusque patri, atque etiam debere, potissimum graves, & ubi à superiore fuerit, ita præscriptum aut interrogatum ad majorem Dei gloriam: quare cave ne hoc tam salutare remedium averseris.

Punct. III. Si duo ex vobis consenserunt super terram, de omni re, quacumque petierint, ea qua pare est fide, spe, humilitate, & perseverantia, fiet illis, à Patre meo, qui in celis est. Quo hortatur omnes ad caritatem fraternam, eaque inter se unitis spondet efficaciam orationis. 2. Vbi enim sunt duo vel tres congregati in nomine meo, ibi sum in medio eorum. Nam factus est in pace locus ejus, atque hoc alterum promittit præmiū caritatis, se illis peculiari favore ad futurum, non solum ut preces eorum velut Advocatus Patri offerat, sed & eos velut Sol inter planetas medius illuminet, velut Rex in regno gubernet, ut paterfamilias pascat, dux exercitus defendat, ac navarchus dirigat ad portum æternæ beatitudinis. 3. Tunc accedens Petrus ad eum dixit: Domine quoties peccabit in me frater meus, & dimitta ei, usque septies. Dicit illi Iesus: Non dico tui usque septies, sed usque septuagies septies. Conf. hic longa imitatem & latitudinem caritatis Christi, qua & ipse paratus est delicta nostra remittere, & nos etiam vult vicissim remittere alius offensas privatas, non certo aliquo numero, sed in numeris vicis, quoties continget aliquem peccare, & cum serio proposito emendationis veniam petere.

G 3 F E

Anno 33.  
Aprili in  
Galilæa.

54

# FERIA IV. POST DOM. III. QVADRAG.

*Christus docet munditiam non manuum, sed cordis sectandam.*

*Matt. 15. Marc. 7. Ioan. 7.*

**P**unct. I. *Accesserunt ad Iesum ab Ierosolymis Scriba & Pharisei dicentes: quare discipuli tui transgrediuntur traditionem seniorum? non enim lavant manus suas cum panem manducant.* Conf. 1. Scribas illos & Phariseos invidia erga Christum plenos, eò quòd doctrina & miraculis inclaresceret, cum nihil possent in eo reprehendere contrarium legi divinæ, accusare hîc ipsum in discipulis, tanquam violatæ traditionis humanæ, nuper ab illis inductæ, de crebra lutione manuum & calicum: tu cave à carpendis actis aliorum ac minoribus defectibus, dum ipse sæpè gravioribus laboras. 2. *Qui respondens ait illis: Quare & vos transgredimini mandatum Dei propter traditiones vestras?* Arguit eos Christus quod suas privatas, ad inventiones nullius pietatis aut utilitatis præponant legi divinæ, atque ita solliciti sint de externa tantùm & inani munditie, intus pleni sordibus. *Omnis gloria filie regis ab intus.* Cave etiam tu ne propter dicta hominũ transgrediaris leges Dei aut religionis.

*Psal. 44. 14.*

**Punct. II.** Conf. 1. Christum hîc nominatim eos arguere in præcepto de honorandis & colendis parentibus, à cuius observantia alios abducebant perversa interpretatione ad oblationes potiùs faciendas victimarum pro parentibus, idque in propriam utilitatem: hinc cave etiam leges Dei ac religionis torquere in alium sensum ad propria commoda. 2. *Hypocrita bene prophetavit de vobis Isaias, dicens: Populus hic labiis me honorat, cor autem eorum longè est à me.* Nam verbis prætendebant cultum Dei in excitandis aliis ad sacrificia, corde autem intenti erant in propria lucra, & à Deo alieni. *Dixerunt eum in ore suo, & lingua sua mentiti sunt ei: cor autem eorum non erat rectum cum eo: quare licet homines decipere quis possit, Deum tamen scrutatorem cordium non poterit.*

*Isa. 29. 13.*

*Psal. 77. 36.*

**Punct. III.** *Non quod intrat in os, coinquinat hominem, sed quod procedit ex ore, hoc coinquinat hominem.* Conf. 1. Christũ ostendere hîc in quo consistat vera animæ mundities & immundities, non inquinari eam rebus externis, cibis aut carnibus etiam vetitis, sed inobedientia & intemperantia, quæ illarũ esu & usu cõmittitur, sicut in pomo Adami. *Quæ autem procedunt de ore liberè prolata, de corde exeunt, & ea, si mala fuerint, coinquinant hominem, ut sunt peccata omnia cordis, oris, ac operis, hæc sunt quæ coinquinant hominem.* Quare omni custodia serva cor tuum, quia ex ipso vita procedit. 2. *Omnis plantatio, quam non plantavit Pater meus cælestis, eradicabitur.* Significat eos licet in rectitudine à Deo plantatos, tamen quia maligna voluntate perversos ac spiritu Dei destitutos, excindendos esse & in ignem mittendos. 3. *Sinite illos, dicit ad discipulos, cæci sunt, quia pertinacia sua excæcati, & duces cæcorum, cumque ipsi deberent ducem admittere, ipsi se aliis duces constituunt, quos secum perdunt. Cæcus autem sic cæco ducatum præstet, ambo in foream cadunt, seriùs oculos aperturi in flammis.*

*Prov. 4. 23.*

F E.



FERIA V. POST DOM. III. QVADRAG. <sup>55</sup>

Sabb. 4. Temp. Pentec. & pro vitanda mortalitate.

Anno 12.  
Febr. Ca-  
phernai.

*Christus sanat à febre socrum Petri. Luc. 4. Matt. 8. Marc. 1.*

**P**unct. I. *Iesus intravit in domum Simonis, socrus autem ejus tenebatur magnis febribus.* Conf. 1. Socrum hanc Petri nomine Perpetuam, hic proponi laborantem gravi febre; ubi comparisonem institue inter febrim corporalem & spiritualement, illa est humor noxius calori naturali, hæc prava concupiscentia, ac quodlibet vitium, ut ait S. Ambrosius, noxium amoris Dei, illa inflamat caput & ex frigore procedit, hæc animum & ex torpore oritur, illa solvit temperiem humorum, hæc affectuum, illa dignoscitur ex pulsu inordinato, hæc ex curis & vana sollicitudine, illa non finit hominem quiescere, nec hæc animum, debilitat illa corpus & deturpat vultum, hæc animum, sitim illa acuit, hæc sitim temporalium, vitiat illa gustum, hæc affectum, ac plures sæpè ex utroque morbi gignuntur. Peculiariter autem in febre lenta laborat acediosus, quotidiana gulosus, tertiana inconstans: quare expende febris hujus spiritualis gravitatem, damna & incommoda. 2. *Et rogaverunt illum pro ea.* Disce quomodo salus animæ obtinenda sit, nempe excipiendo Christum in S. Communionem domo animæ tuæ, & adhibendo patrocinia Sanctorum. 3. *Et stans super illam, imperavit febre, & dimisit illam.* S. Marcus addit, *& apprehensa manu ejus.* Ubi Confid. Christi potentiam, non lentè per medicinas, ut faciunt medici, sed imperio sanantis. 4. *Et continuo surgens ministrabat illis.* Ubi Confid. opus Christi esse perfectum, sicut non sanitatem tantum, sed & simul vires pristinas restituat, pro quibus illa se mox grâtam exhibet ministrando Christo: tu similiter à peccatis liber, vires tuas non amplius vitiis, sed in obsequium ejus impende.

Punct. II. *Cum Sol occidisset, omnes qui habebant infirmos variis languoribus, ducebant illos ad Iesum, & illi singulis manus imponens, curabat eos.* Marcus: *Erat omnis civitas congregata ad januam.* Matthæus: *Ejiciebat spiritus verbo, & omnes male habentes curavit.* Ubi attende 1. Christi potentiam & promptitudinem in ægris curandis, sed hæc fieri in domo Petri, qua designatur Ecclesia, ut constet ibi tantum tolli morbos spirituales, & corporales per miracula. 2. *Exibant demonia à multis clamantia & dicentia, quia tu es Filius Dei, & increpans non sinebat ea loqui.* Confid. Christum hîc docere nos nihil habere commune cum diabolo, qui quò magis videtur commodis nostris favere, hoc magis insidiatur salutem.

Punct. III. *Ibat in desertum locum, & turba requirebant eum, & detinebant illum, ne discederet ab eis.* Confid. 1. Christum docere hîc nos etiam fugere laudes humanas, siquid rectè egerimus; & in secessu Deo, qui vires dedit, gratias agere. 2. Stude etiam Christum tecum detinere piis affectibus, & observantia divinæ ejus voluntatis.

## FERIA VI. POST DOM. III. QVADRAG.

*Christus Samaritanam mulierem convertit. Ioan. 4.*

**P**unct. I. Conf. I. Christū proficiscentē cum Apostolis per Samariam, dimissis iis in urbem Sichar, fatigatum conquievissē in suburbio ad fontem, ibique à muliere veniente haurire aquam, petiisse: *Da mihi bibere;* atque illi cunctanti & miranti, mox addidisse: *Si scires donum Dei, & quis est, qui dicit tibi: Da mihi bibere, tu forsitan petisses ab eo, & dedisset tibi aquam vivam.* Ubi attende Christum cum Apostolis vicos & oppida pedibus obeuntem etiam ad defatigationem, pro animarum conversione, ut hoc exemplo suo illos ac viros Apostolicos eodem excitaret: petere hīc potum à muliere peccatrice, ut inde occasionem capteret eam reficiendi aqua cælestis gratiæ. 2. Quomodo Christus sitiens salutem hujus animæ peccatricis eam expectet, & ultro gratiam suam ei offerat, ac proinde promptiorem, fore ad dandam eam petentibus: petit & ille à te bibere, dum petit conatum liberæ voluntatis ad opera bona. 3. *Omnis qui bibit ex aqua hac, sitiet iterum, qui autem biberit ex aqua, quam ego dabo ei, non sitiet in æternum.* Confid. aqua hujus mundi significari bona transitoria, quæ animum non implent, & ex defectu sitim cum cruciatu accendunt: aqua verò Christi significari cælestem gratiam, quæ animam verè implet & reficit, ac temporarium sitim extinguit, cælestium verò sitim non ex defectu, sed satietate cum gaudio excitat; atque ita alibi dicit: *Qui bibunt me, adhuc sitient.* 4. *Sed aqua quam ego dabo ei, fiet in eo fons aquæ salientis in vitam æternam.* Quo significat, sicut aqua fontis ascendit ad altitudinem principij unde emanat; ita & hac aqua spiritali gratiæ suæ nos ascensuros ad supremum fontem bonorum omnium Deum.

Ecclesi. 24. 29

Punct. II. Conf. I. Christum, cum monuisset mulierem de vita impura, quam ipsa humiliter & sincerè fatebatur, eam plenius instruxisse, sic ut cum diceret illa: *Scio quia Messias venit;* ipse mox reponeret: *Ego sum, qui loquor tecum.* Ubi attende promptitudinem & benevolentiam Christi in peccatoribus sibi conciliandis. 2. Conf. eam relicta hydria festinasse in civitatem, ibique omnibus passim Christum annunciasse, qui deinde eò rogatus adveniens plurimos convertit, dicentes: *Scimus quia hīc est verè Salvator mundi.* Sic & tu ad Christū cōversus, stude etiam alios ad ipsum adducere.

Punct. III. Conf. I. Discipulis ex urbe reversis, cibumq; Christo offerentibus, eum respondisse: *Ego cibū habeo manducare, quem vos nescitis; meus cibus est, ut faciam voluntatem ejus qui misit me, ut perficiam opus ejus;* nempe in procuranda hominū salute, quo significat obedientiam & zelum sibi tam gratum esse, sicut cibus est esurienti, atque animū nostrum virtutibus illis roborari, recreari, & crescere. 2. Quomodo Christus hīc à cibo corporali, sicut & supra à potu, ascendat ad spirituale, docens nos etiam ex creaturis ascendere ad Creatorem, & sermonem cum aliis de terrenis bonis deducere ad cælestia.

SAB-



57  
SABBATO POST DOM. III. QVADRAG.

*Christus mulierem in adulterio deprehensam liberat. Ioan. 8.*

Anno 53.  
Oct. 6. 7.  
Jerosol.

**Punct. I.** Adducunt Scribæ & Pharisei ad Jesum in templo docentem mulierem in adulterio deprehensam, & statuerunt eam in medio, & dixerunt ei: Magister, hac mulier modo deprehensa est in adulterio; in lege autem Moyses mandavit nobis huiusmodi lapidare: tu ergo quid dicis? Conf. 1. Mulierem hanc sisti hîc Christo & accusari statim à peccato commisso, ab iis qui vitiis suis ipsi immersi hærebant: tu vide qua celeritate te Christo sistas ut peccata tua accuses; velox est Deus ad remittenda peccata, tu esto velox ad ea confitenda. 2. Hoc autem dicebant tentantes eum, ut possent accusare eum, vel violatæ legis, si diceret dimittendam, vel arguere non servatæ mansuetudinis, si prætendendam: tu intentionem tuam examina in actionibus, ac nominatim in zelo erga proximum.

Lev. 20. 10  
Deut. 22. 22

**Punct. II.** Iesus autem inclinans se deorsum, digito scribebat in terra, seu pulvere pavimenti. Confid. 1. Christum hîc obvertere dorsum Scribis accusantibus, ut ostendat se non agere hîc iudicem ac damnatorem peccatorum, sed medicum ac salvatorem, atque ipsos gravius peccare sua pertinacia & persecutione. Dorsum & non faciem ostendam eis, in die perditionis eorum. 2. Scribebat verba aut sensum eorum quæ mox subiciebat, simul significans ea scriptione etiam ipsos sectantes bona terrena neglectis cælestibus, velut suppresso pede extinguendos, recedentes à te in terra scribentur, & dissipandos instar pulveris quem projicit ventus à facie terræ. 3. Et dixit eis: Qui sine peccato est vestrum, primus in illam lapidem mittat. Conf. hîc prudentiam responsi Christi, clementiam, & benignitatem, admittit legem implendâ, sed non à prævaricatoribus legis; quo & monet eum qui vitia aliena vult carpere, debere inspicere conscientiam suam, num ibi graviora lateant; ponit illis peccata ob oculos, sed non dicunt cum Davide, Peccavi: tu expone Deo peccata tua cum serio dolore, non aliena, cum desiderio vindictæ.

Ier. 18. 17.

Ier. 17. 13.

Psal. 1. 5.

2. Reg. 12. 13.

**Punct. III.** Et remansit solus Iesus, & mulier in medio stans, solus cum Apostolis & turba, digressis Scribis. Ubi Confid. 1. stetit ibi fontem gratiæ cum peccatrice, quæ quem non quæsierat hîc invenit, & quidem per Scribas & Phariseos: sic Deus variis viis ac modis homines ducit ad salutem. 2. Et dixit ei: Mulier ubi sunt qui te accusabant: nemo te cõdemnavit: quæ dixit: Nemo Domine. Dixit autem Iesus: Nec ego te cõdemnabo: vult Christus illam agnoscere beneficium sibi præstitum, & inspirat illi gratiam contritionis, qua elicit absolvit eam coram Deo & hominibus: tu sic vive & lapsus corrige, ut cõscientia tua te non condemnet, imò licet omnes te condemnaverint, si hæc & Christus te liberum declarent, nihil esse metuendû. 3. Vade, & jam amplius noli peccare. quia misericors est, peccata dimittit, & quia justus, monet ne relabatur, velut canis reversus ad suum vomitum, & sus loca in volutabro luti. Dulcis & rectus Dominus, amandus ob dulcedinem misericordiæ, sed & timendus ob rectitudinem iustitiæ.

2. Pet. 2. 22.  
Psal. 24. 3.

H

D. O.

## DOMINICA IV. QVADRAGESIMÆ.

Anno 53.  
Martio in  
deserto  
Bethsaidæ.

Christus pascit 5. millia virorum 5. panibus, & 2. piscibus. Ioan. 6.

Matt. 14. Marc. 6. Luc. 9.

Marc. sup.

**P**unct. I. Confid. I. Christum Apostolos ab exercitio Apostolico rever-  
tentes invitare ad aliquam quietem, ut alacriores deinde redeant, ad  
novos labores: *Venite*, inquit, *seorsum in desertum locum, & requiescite pusillum.*  
2. Transfretantem proinde cum Apostolis suis navigio mare Galilææ se-  
quebatur cum per vicinum pontem multitudo magna, quæ de vicinis civitati-  
bus eò confluerat, quia videbant signa, quæ faciebat super his, qui infirmabantur.  
Atterde fervorem & diligentiam populi Christum sequentis, ac signa  
ejus in te patrata expende.

Punct. II. Dixit ad Philippum: Vnde ememus panes, ut manducent hi? Conf. I. Pa-  
ternam hinc Christi de suis sollicitudinem, prius tamen media humana  
tentanda, quam ad divina & supernaturalia recurratur, quæ differt ut  
probet eorum fiduciam & constantiam. 2. *Est puer unus hic, qui habet quinque  
panes hordeaceos, & duos pisces.* Hæc suggessit Andreas, unde collige nec A-  
postolis, nec turbæ curam fuisse de victu, sed hanc omnem insigni fidu-  
cia Christo, quem sequebantur, reliquisse. 3. Et subdit: *Sed quid hæc inter tan-  
tos?* cave divinam omnipotentiam, cui nihil impossibile, metiri tua imbe-  
cillitate: aptius autem hoc dixeris de bonis caducis, quæ quantūvis mul-  
ta, animū tamen hominis satiare non possunt, non magis quam umbra.

Isa. 40. 6.

Luc sup.

Punct. III. Conf. I. Iustos deinde discumbere ad quinque millia virorū,  
præter mulieres ac pueros, idque per dispositos ordines super fæno; ad-  
disce hinc à Christo præcepta accumbendi mensæ, ac primū modestiam,  
& humilitatem, ex memoria infirmæ carnis; nam *omnis caro fenum.* 2. Tem-  
perantiam, nam nulla hinc superfluitas, nihil præter panes & pisces, ut ac-  
quiescas oblati, nec de defectu fortè obmurmures. 3. *Respexit in calum,*  
docens omne donum inde à cælesti Patre provenire, eoque inspectore  
cibum sumendum. 4. *Gratias egit.* Si ipse Filius cælesti Patri de paucis pa-  
nibus ac piscibus gratias egerit, quid nos omni beneficio indigno face-  
re æquum est? certè nihil tam exiguum, de quo non sint Deo gratiæ agen-  
dæ. 5. *Et benedixit,* invocando Patris potentiam ad exigui hujus cibi mul-  
tiplicationem, utque cederet illis in augmentum virium, ad Dei obse-  
quium. 6. *Fregit & distribuit.* Attende hinc Dei omnipotentiam, vicinum æe-  
rem in panes & pisces convertentis, providentiam in tempore opportu-  
no, & liberalitatem; nam acceperunt *quantum volebant, & impleti sunt.* Præam-  
bulum hoc fuit panis convertendi deinde in corpus Christi, idque omni-  
bus distribuendi, numquam defecturum, usque ad mundi finem. 7. Deni-  
que *collegerunt & compl. verunt 12. cophinos fragmentorum.* Disce hinc bona cor-  
poralia & spiritualia nobis à Deo donata, non minui, quando proximo ex  
caritate communicantur, sed augeri, & copiose non tantum in altera, sed  
etiam in hac vita compensari.



59  
FERIA II. POST DOM. IV. QVADRA G.

Anno 31.  
Mart. 28.  
Jerosol.

*Christus primo Paschate eiecit vendentes è templo. Ioan. 1.*

**P**unct. I. Ascendit Iesus Ierosolymam, & invenit in templo vendentes boves & oves, & columbas, & nummularios sedentes, & cum fecisset quasi flagellum de funiculis, omnes eiecit de templo, oves quoque & boves, & nummulariorum effudit æs, & mensas subvertit. Confid. 1. Christum inspecta templi profanatione, accensum ardenti zelo pro reverentia loci sacri evertere omnia eò non spectantia, iisque occupatos flagello eiecere, sic ut de eo rectè intellexerint discipuli illud Davidis: *Zelus domus tuæ comedit me*, totumque occupavit: quare indue etiam zelum pro cultu Dei promovendo, & contrariis ei impediendis. 2. *Et dixit illis: Nolite facere domum Patris mei domum negotiationis.* Ubi Conf. Si in templo Christus ita castigaverit committentes aliena atque indecentia, quanto magis castigationi obnoxij sint committentes etiam absolute illicita in templis nostris longè illo sanctioribus; ubi ipse jam gloriosus in Eucharistia præsens semper est cum multitudine Angelorum: quare discere reverentiam tribuere templis, & fac ex iis domos negotiationis spiritualis, eme ibi dona Dei absque argento, auxilium ejus per orationem, remissionem peccatorum per confessionem, emendationem morum audiendis concionibus, robur animæ usu Eucharistiæ. 3. Sicut Christus cepit hinc prædicationem suam & animorum conversionem à domo Dei ac divino cultu: ita & tu incipe emendationem vitæ ab anima tua & cultu Dei ibi restaurando; *templum enim Dei sanctum est, quod estis vos:* & arrepto flagello pœnitentiæ ejice inde affectus animales ac vitia. *Domum tuam decet sanctitudo Domine.* Psal. 68. 10. 1. Cor. 3. 17. Psal. 95. 5.

Punct. II. Confid. 1. Christum Judæis interrogantibus qua auctoritate hæc faceret, insinuare illis, sed obicure, auctoritatem suam supremam & divinam postea declarandam in resurrectione: *Solvite*, inquit, *templum hoc* (dicebat autem de templo corporis sui, seipsum designans manu pectori admota) & *in tribus diebus excitabo illud*, ostensurus eo signo se Dominum esse, non tantum templi, sed totius universi: ubi attende quoties & tu templum Dei, animam tuam peccando destruxeris, & ille per gratiam resuscitaverit. 2. Cont. discipulos solum post resurrectionem Christi significationem illam percepisse: unde discere divina mysteria, licet minùs subinde capias, tamen reverenter amplecti, postea opportuno tempore manifestanda.

Punct. III. Conf. 1. Christum hinc non aperire iis arcana mysteria, eò quòd sciret eorum infirmitatem & incòstantiam; *ipse enim sciebat quid esset in homine*, atque hanc esse causam cur minùs à Deo illuminemur: quare stude te magis ei probare solidis virtutibus, ad ampliora dona ab eo obtinenda. 2. Magis notà esse Deo infirmitatem nostrà, quàm nobis; unde S. August. *Melius novit artifex quid vitij aut virtutis sit in opere suo, quam ipsummet opus*: quare cave altiora de te præsumere, & inspecta infirmitate tua & aliorum, tibi diffide, & in humilitate te còstine. H 2 F E

# FERIA III. POST DOM. IV. QVADRAG.

*Christus docet in templo. Ioan. 7.*

**Punct. I.** Ascendit Iesus in templum, & docebat, & mirabantur Iudei dicentes: Quomodo hic litteras scit, cum non didicerit? Confid. 1. Christum ubi primum cœpit Jerosolymæ se ostendere, ante omnia adiisse templum, idemque nos docuisse exemplo suo: ascendendū autem in templum & loca sacra mente & moribus, ut ibi cū Deo altissimo de rebus cœlestibus agamus. 2. Conf. Miratos fuisse Judæos, & merito solidam ac sublimem Christi doctrinam, sed odio excæcatis veritatem respuisse. 3. Hoc ipsum illis declarat, dicens: *Mea doctrina, quam vobis trado, non est mea, meo studio acquisita, sed ejus qui misit me, à cœlesti Patre infusa.* Sic quisque studiosus humilitatis opera sua laude digna Deo tribuit: *Non nobis Domine, non nobis, sed nomini tuo da gloriam.* Superbus verò omnia sibi tribuit cum Nabuchodonosore: *Nōne hæc est Babylon magna quam ego ædificavi in robore fortitudinis meæ? & in gloriam decoris mei?* 4. Viam ostendit eis cognoscendi claritatem doctrinæ suæ, & ad experientiam provocat: *Si quis voluerit voluntatem ejus facere, cognoscat de doctrina utrū ex Deo sit, ut nēpe depolito odio & pravo affectu amplectatur studiū virtutis, ac Dei voluntatem; nam in malevol. in animam non introibit sapientia.*

Psal. 113. 9.

Dan. 4. 27.

Sap. 1. 4.

Feb. 6. 6.

Ioan. 5. 9.

Isa. 53. 8.

**Punct. II.** Conf. 1. Christum inspecta maligna eorum voluntate, eos arguere: *Quid me queritis interficere?* atque ita etiamnum exostulare adversus peccatores, rursum crucifigentes sibi metipsis Filium Dei per nova peccata. Respondit turba, & dixit: *Demonium habes, quis te querit interficere?* Conf. & imitare insignem Christi mansuetudinem ad enorme convicium, cui non verbum reponit, sed eadem animi & vocis tranquillitate cœptum sermonem prosequitur. 2. *Vnum opus feci, quod omnes miramini.* Ostendit eos male carpere curationem paralytici à se factam in Sabbato, quasi hujus violationem, cum tamen ipsi passim Sabbatis filios circumciderent, & mihi indignamini, quia totum hominem, secundum animam & corpus, sanum feci in Sabbato, idque solo imperio? 3. Hinc subdit: *Nolite judicare secundum faciem, sed justum judicium judicate,* quo monet eos, ne propter externam speciem paupertatis suæ temerarium de se judiciū ferant, quod & nobis cavendum in aliis, ab illis verò si nobis fiat, parum laborandum cum in judiciis suis sæpè aberrant.

**Punct. III.** Hunc scimus unde sit, Christus autem cum venerit nemo scit unde sit, quod hauserant ex erronea interpretatione Scripturæ: *Generationem ejus qui enarrabit?* nempe quoad naturam divinam, ac proinde discite hinc opinionibus suis etiam sæpè erroneis non firmitus adherere. 2. *Clamabat ergo Iesus in templo, docens: Et me scitis, & unde sim scitis,* nempe quoad externam speciem naturæ humanæ, imò etiam quoad divinam ex operibus & doctrina scire poterant, nisi vitiiis fuissent excæcati. 3. *Quærebant ergo eum apprehendere, sed nemo misit in illum manus, quia nondum venerat hora ejus.* Discite hinc omnia subiecta esse divinæ providentiæ, & ab ea omnia gubernari, ideoque illi te totum committe.



61  
FERIA IV. POST DOM. IV. QVADRA G.

*Christus cæco nato visum restituit. Ioan. 9.*

Anno 33.  
Octob. 7.  
Jerosol.

**P**unct. I. Præteriens Iesus vidit hominem cæcum à nativitate, & interrogaverunt eum discipuli ejus: Rabbi, quis peccavit, hic, aut parentes ejus, ut cæcus nasceretur? Respondit Iesus: Neque hic peccavit, neque parentes ejus; sed ut manifestentur opera Dei in illo. Confid. 1. Licet peccatum originale origo sit omnium malorum generalium, & peccata actualia sæpissimè causæ sint particularium afflictionū; sæpè tamen etiam harū causam esse aliam, ut nempe per eas electorum constantia, Jobi, Tobia, Susannæ, aliorumque, velut per ignem aurum magis resplendeat, ac Dei gloria in eisdem conservandis, protegendis, & liberandis: atque ita hunc cæcum cæcitate afflictum, ut Christi in eo sanando misericordia eluceret. 2. Me oportet operari opera ejus, qui misit me, donec dies est, venit nox, quando nemo potest operari. Confid. hic propensam Christi voluntatem & ardens desiderium laborandi in salute nostra, ac gloria Patris cælestis promovenda, dum tempus meritis hujus vitæ præstiturum conceditur, per mortem deinde velut per noctem subtrahendum, quo & nos exëplo suo hortatur: quare quodcumq; facere potest manus tua, instanter operare. Eccli. 9. 10.

Punct. II. Expuit in terram, & fecit lutum ex sputo, & linxit lutum super oculos ejus, & dixit ei: Vade lava in natatoria Siloë: abiit, lavit, & venit videns. Conf. 1. Cum lutum naturaliter magis excæcet, Christum ostendere voluisse se hic supernaturalem virtutem adhibere; fontem autem Siloë figuram esse baptismi, in quo, ut ait S. Augustinus, genus humanum excæcatum accipit lumen fidei: ubi attende omnes fugere cæcitatem corporis, non verò animi, quia illa sentitur, non hæc. 2. Erat autem Sabbatum, quando lutum fecit Iesus, & aperuit oculos ejus. Conf. Christum plurimas curationes fecisse Sabbatis, ut doceret nos se in nova lege gratiæ maximè curaturum morbos nostros spirituales Dominicis Festisque diebus, per verbum Dei & administrationem Sacramentorum, tum etiam in quiete mentis, dum animus liber à curis reliquis vacat rebus divinis. Ducam eam in solitudinem, & loquar ad cor ejus. 3. Conf. hunc cæcum sanatum adduci ad Phariseos, & ab iis variè tentari & divexari, atque ita etiam sanatum spiritu debere animum comparare ad novam tentationem: sed sicut hic constanter profitetur veritatem, ita & nobis cavendum ne metu aliquo humano animū dejiciamus. Non est vir fontis, cui non crescit animus in ipsa rerum difficultate, ait S. Bernardus.

Punct. II. Conf. 1. Duritiam Phariseorum, qui tam manifesto signo probato per ipsum cæcum curatum, & parentes ejus examinatos, tamen flecti ad credendum noluerunt: veritatem autem, quò magis oppugnata est, hoc magis eluxisse. 2. Ipsi volenti illos Christo conciliare: Numquid vos vultis discipuli ejus fieri? maledixerunt, & dixerunt: Tu discipulus illius sis. Ubi Confid. iustorum esse maledici ab improbis, sed Deum eorum maledictionem convertere in benedictionem.

Anno 34.  
Martio in  
Bethania.

## FERIA VI. POST DOM. IV. QVADRAG.

*Christus Lazarum suscitavit à morte. Ioan. 11.*

**Punct. I.** *Erat quidam languens Lazarus à Bethania, de castello Mariae & Marthae sororis ejus. Confid. 1. Mariam Magdalenam & Martham sorores Lazari, eo gravi infirmitate correpto, post accepta à Christo plura beneficia & benevolentiae argumenta, de eadem confidentes, novum hinc artificiosè postulare, misso ad eum trans Jordanem nuncio, brevi quidem, sed pleno prudentia, modestia, fide, humilitate, & resignatione: Ecce quem amas, infirmatur. Non petunt ut veniat, nec ut sanet eum; malunt expectare quid Christus velit, quam imprudenter petere quod ipse fortè nolit: dicite hinc modum orandi. 2. Respondit Jesus: Infirmitas hac non est ad mortem, permanentem, sed pro gloria Dei, ut glorificetur Filius Dei per eam, in suscitando eo à morte. Quis nolit pro gloria Christi illustranda etiam afflictionem aliquam libenter subire: Invoca me in die tribulationis, eruam te & honorificabis me.*

*Psal. 49. 15.*

**Punct. II.** *Dixit Martha ad Iesum: Domine, si fuisses hic, frater meus non fuisset mortuus. Conf. 1. Martham Christo advenienti occurrere, & alternantes edere motus naturæ & gratiæ, fidei & diffidentiae, spei & desperationis de fratre suscitando: Christum verò distulisse venire, ut rebus desperatis opera ferret; unde S. Augustinus: Distulit sanare, ut posset resuscitare. 2. Dixit ei Iesus: Ego sum resurrectio & vita; qui credit in me, etiamsi mortuus fuerit, vivet. Significans mortuos omnes per se resurrecturos, ac viventes vivere, & iustos æternum victuros, idque ut Martham instruat de sua divinitate, unde & hæc mox subiecit: Tu es Christus Filius Dei vivi, qui in hunc mundum venisti.*

*1. Cor. 9. 22.*

*Rom. 12. 15.*

**Punct. III.** *Iesus ut vidit Mariam plorantem, & Iudeos qui venerant cum ea, infremuit spiritu, & turbavit seipsum. Conf. 1. Christum commotum lachrymis ac dolore sororum, excitasse in se affectum commiserationis, ac simul justæ indignationis contra incredulitatem Iudeorum præsentium. Omnibus omnia factus est, ut omnes faceret salvos, & nos exemplo suo idem doceret; flere cum flentibus, ac potissimum deslere peccata nostra & proximi. 2. Venit ad monumentum, & ait: Tollite lapidem. Dicit ei Martha: Domine jam factus, quatruiduanus est enim. Conf. hoc mortuo quatruiduano adumbrari peccatorem mortuum spiritu, & inveteratum primum delectatione peccati, inde consensu, tum opere externo, denique peccandi consuetudine, qua velut lapide premitur ne resurgat. 3. Christus actis gratiis æterno Patri demiraculo præstando, voce magna clamavit: Lazare veni foras. Clamor hic designat imperium & potentiam Christi in mortuos, ac simul magno impulsu gratiæ opus esse ad peccatorem inveteratum revocandum in vitam gratiæ. 4. Et statim producit qui fuerat mortuus. Conf. hic stuporem præsentium, multorum conversionem ad fidem, aliorum obstinatam animi duritiam; Lazarum verò à Christi pedibus provolutum gratias ei egisse de tanto beneficio, vitamque suam reliquam Christo dicasse.*

S A B.



63

# SABBATO POST DOM. IV. QVADRAG.

*Christus docet se lucem esse mundi. Ioan. 8.*

Anno. 37.  
Oëtbb. 7.  
Jerofol.

**P***Vñt. 1. Ego sum lux mundi. Conf. 1. Sicut lux corporea gratissima est oculis corporis, eaque carere summa est miseria; unde verè Tobias :* *Quale gaudium mihi erit, qui in tenebris sedeo, & lumen cali non video ?* ita & lucem spiritua- Tob. 5. 12.  
lem fidei & gratiæ multò iucundiorẽ & utiliorẽ esse animæ nostræ, eamque à Christo velut Sole in omnes latissimè diffundi: *illuminat om-* Ioan. 1. 9.  
*nem hominem venientem in hunc mundum,* non Judæos tantum, sed & gentiles, parvulos per baptismum, adultos verò libera voluntate ad se acceden-  
tes, neminem ex parte sua destituens: quam Christi erga omnes benevo-  
lentiam ama & imitare. 2. Sicut lux corporea inter qualitates naturales est nobilissima, purissima, & efficacissima, adfert splendorem, calorem, & vigorem cunctis viventibus: ita & hac luce spirituali mentes hominum il-  
luminari, ad amorem accendi, ac suscitari fervorẽ in bonis actibus: quare cave ne hanc lucem tibi oblatam umquam excludas. 3. Licet lux corpo-  
rea Solis nos quotidie in occasu destituat, ejusque abentiam lux ignis supplere possit, lucem hanc, nisi ipsi excludamus, numquam à nobis de-  
fecturam: unde S. Augustinus: *Si non ab illo facis casum, numquam à te ipse facit occasum;* neque hunc occasum suppleri aliunde posse.

*Puncl. II. Qui sequitur me, non ambulat in tenebris, sed habebit lumen vitæ. Conf. 1.*  
Christum hinc invitare omnes ad sequendam doctrinam suam & exem-  
pla, quæ velut faces lucidissimas nobis præfert exterius, intus vero addit  
lumen fidei & gratiæ, ut abducat nos à tenebris errorum, & præcipitiis  
vitiõrum, ac per viam salutis & actus virtutum deducat, recta ad lucem  
cælestis gloriæ, vitamque immortalem. 2. Conf. infelicitatem eorum, qui  
relicta hac luce Christi, sequuntur lucem fallacem diaboli, mundi, & car-  
nis, qua deducuntur per tenebras errorum & præcipitia vitiõrum, in te-  
nebras æternas inferorum; *velut si avis festinet ad laqueum, & nescit quod de pre-* Prov. 7. 23.  
*tio anime illius agitur. Lux venit in mundum, & dilexerunt homines magis tenebras, quam* Ioan. 3. 19.  
*lucẽ. Melius erat illis non cognoscere lumen justitiæ, quam post agnitiõnem retrorsum cõverti.* 2. Pet. 2. 21.

*Puncl. III. Dixerunt ei Pharisei: Tu de teipso testimonium perhibes, testimonium tuum non est verum. Conf. 1. Testimonium de te ex communi hominum judicio non haberi fide dignum, propter philautiam seu amorem sui, qui hominem excæcat, de quo S. Gregorius: Vehementer claudit oculum cordis amor privatus.* 2. Laudem etiam in ore proprio fordescere *Laudet te alienus, non os tuum.* Prov. 27. 2.  
*Non gloriatur sapiens in sapientia sua. Non qui seipsum commendat, ille probatus est, sed quem Deus commendat.* Ier. 9. 23.  
3. Ostendit tamen Christus verum esse suum de se 2. Cor. 10. 19.  
testimonium, eo quod venerit missus legatus à prima Veritate, quæ nec  
falli possit, nec fallere, & in lege scriptum est, *quia duorum hominum testimonium ve-* Deut. 17. 6.  
*rum est:* hinc discẽ & tu hæc testimonia revereri, nec moveri judiciis hu-  
manis, sæpe erroneis: *Homo videt ea quæ parent, Dominus autem intuetur cor.* 1. 7. 8. 16. 7.

DOMI-

# DOMINICA PASSIONIS.

*Christus inter docendum conviciis appetitus patientia sua Passioni  
præluit. Ioan. 8.*

**Punct. I.** *Quis ex vobis arguet me de peccato?* Confid. 1. Insignem innocentiam Christi, qua confusus non veretur etiam juratis hostibus suis iudicium de se committere, ut siquid scirent, proferrent: tu attende quam necessaria sit hæc vitæ innocentia iis potissimum, qui in salutem proximorum incumbunt, quam longè inde absis, & quam in multis argui possis. 2. Licet Christi vita esset innocentissima, & doctrina verissima, tamen Iudeos noluit illi credere, cujus causam assignat: *Qui ex Deo est, verba Dei audit.* Ecce manifestum signum salutis & filiationis Dei, libenter audire & obedire verbo Dei: cave igitur ne in te locum habeat illud quod subdit: *Propter hæc vos non auditis, quia ex Deo non estis,* & consequenter ex diabolo, cujus suggestiones auditis, & impulsus sequimini. Exquire deinde in particulari quid te impediat, quò minus credas & obedias verbo Dei.

**Punct. II.** *Responderunt ei Iudæi: Nonne bene dicimus nos, quia Samaritanus es tu, & demonium habes?* Conf. 1. Gravissimam hanc fuisse utramque contumeliam; nam Samaritani legem Mosaicam novo errore gentilitatis adsperserant, diabolus verò Dei gloriam sibi iniquè arrogaverat, quod utrumque Christo hic impingitur: qui primum silentio modeste dissimulat, nam Samaritano Custos significatur, quod Christo competit: alterum verò simpliciter negat, non regerendo convicium, *responsio mollis frangit iram, & sermo durus suscitatur furorem.* 2. Hanc Christi mansuetudinem à Moyse & Davide adumbratam, Christianis quidem omnibus, sed maxime Ecclesiasticis esse imitandam, nam illa Christo proximè assimilatur. 3. Ostendit Christus signa se habere spiritus non maligni sed sancti, nam inquit: *Honorifico Patrem meum, ex Deo genitus, & ab eo missus, ad honorem ejus omnia dirigo. Non quero gloriam meam in vindicandis potissimum contumeliis vestris. Est qui querat & iudicet cælestis Pater, suo tempore ulturus.* Disce & tu etiam illi curam honoris tui committere.

**Punct. III.** *Siquis sermonem meum servaverit, mortem non videbit in æternum.* Conf. 1. Non desistere hic Christum benefacere ingratis, ac pro contumeliis reponere beneficia, & antidotum contra mortem æternam, nempe observantiam doctrinæ suæ: non igitur audientibus tantum, sed servantibus doctrinam suam Christus vitam æternam promittit. 2. Ostendit etiam vanitatem gloriæ humanæ, quæ ab hominibus quæritur: *Si ego, inquit, glorifico meipsum, gloria mea nihil est,* non magis ac si à pueris vel stultis quæreretur, seu solida cum Christo à Deo petenda est: *Est Pater meus qui glorificat me, cui placuisse tibi sufficiat.* 3. Clariùs insinuat se esse Filium Dei & Messiam: *Abraham pater vester exultavit ut videret diem meum, vidit & gavisus est.* Attende quantum nobis gaudendum sit, qui adventu Christi nunc fruimur, & anhelandum ut in cælesti gloria ipse nos excipiat, F E-



# FERIA II. POST DOM. PASSIONIS.

65

Anno 32.  
Oct. 5. 7.  
Jerosol.

*Missi ad Christum capiendum, convertuntur. Ioan. 7.*

**P**unct. I. Miserunt Principes & Pharisei ministros ut apprehenderent Iesum, qui dixit eis: *Adhuc modicum tempus vobiscum sum, & vado ad eum qui misit me.* Confid. 1. Christum hic ostendere, vanos fore eorum conatus ad se capiendū ante tempus a cælesti Patre constitutum, sed modicum anni medij superesse, ac tunc illis permittendam executionem odij sui & malignæ voluntatis; interim se in prædicatione sua ac miraculis perrecturū: hinc discite etiam æquanimitem, & fiduciam in Deo. 2. Addit seipsum tunc etiam ultrò oblaturum illis ad mortem, idq; libenter, cū per illam transiturus esset ad Patrem, donandus ab eo corona gloriæ. 3. *Quæretis me, & non invenientis,* postquam in cælos ascendero, alij iterum ad mortem, alij etiam ad salutem, sed vana pœnitentia cum Antiocho, qui orabat scelestus Dominum, à quo non esset misericordiam consecuturus. 4. *Et ubi ego sum, vos non potestis venire.* Rationem addit cur frustra ab iis quærendus sit, eò quod quamdiu vitiis suis inhærent, numquam essent perventuri ad gloriam cælestem, ubi ipse esset futurus.

Punct. II. In novissimo autem die magno festivitatis stabat Iesus, & clamabat, dicens: *Siquis sitit, veniat ad me, & bibat.* Confid. 1. Hoc octavo & ultimo ac celeberrimo die festi Tabernaculorum Christum ardentiori affectu omnes invitare & excitare ad doctrinam suam capessendam: si quis sitit, seu desiderat doctrinam cælestem, gratiam, dona, fructus Spiritus sancti, divitias, honores, voluptates veras, atque æternam beatitudinem, veniat ad me fontem aquæ vivæ, hauriat ex me credendo, bibat sperando, delicietur amando. Omnes sitientes venite ad aquas, & qui non habetis argentum, properate, emite absque argento. Haurietis aquas in gaudio de fontibus Salvatoris. 2. *Qui credit in me viva fide, sicut dicit Scriptura, flumina de ventre ejus fluent aquæ vivæ.* Tanta copia replebitur donorum cælestium, ut & per virtutum actus ea sit amplè testaturus, & in alios derivaturus. *Quā magna multitudo dulcedinis tuæ Domine!* 3. Conf. quanto ardore & studio mūdani homines sitiant bona transitoria hujus vitæ. *Venter impiorum insaturabilis. Quid tibi vis in via Egypti, ut bibas aquam turbidam?* Scito & vide, quia malum & amarum est reliquisse te Dominum Deum tuum.

Punct. III. Confid. 1. Ministros ad Christum capiendum missos, solis verbis ejus, nullo miraculo viso, ita permotos fuisse, ut ipsi capti ad salutem fuerint, & re infecta ad suos redeunt, responderint: *Numquam sic locutus est homo: nec Moyses, nec David, nec Salomon cum tanta confidentia, majestate, gratia, potestate cordium, tradidit doctrinam adeò solidam, sublimem, certam, claram, & convincentem: tu Christum roga ut & sic loquatur ad cor tuum.* 2. Confid. fortitudinem animi eorum; qua deposito omni respectu & timore humano, sensum suum illis clare exponunt: hanc & tu imitare in virtutis studio prosequendo.

F E -

Anno 33.  
Septemb.  
in Galilæa.

# FERIA III. POST DOM. PASSIONIS.

*Christus vadit clam Ierosolymam ad Scenopegia. Ioan. 7.*

**P**unct. I. *Erat in proximo dies festus Iudeorum Scenopegia.* Confid. I. Festum hoc Tabernaculorum, quæ sub dio tunc passim struebantur ex ramis arborum, institutum fuisse per octiduum servandum in memoriam vitæ sic olim traductæ in deserto à majoribus petentibus terram promissam: unde & tu discce accepta à Deo beneficia grato animo recolere, atque etiam esse te in hoc mundo velut peregrinum, nec proinde affigendum animū rebus transitoriis. *Non habemus hic manentem civitatem, sed futuram inquirimus.* 2. Et hortabantur Jesum cognati ac propinqui, ut occasione festi conferret Ie Ierosolymam, *ut & discipuli tui videant opera tua quæ facis, nemo quippe in occulto quid facit, & querit ipse in palam esse, si hæc facis, manifesta te ipsum mundo;* ut nempe ibi in omnium concursu editis miraculis innotesceret, ac pro Messia declararetur, in quo ipsi proprium honorem ac promotionem spectabant: tu cave in operibus tuis, similes sinistras intentiones.

**Punct. II** *Dicit eis Iesus: Tempus meum nondum advenit: tempus autem vestrum semper est paratum.* Confid. I. Christum, cum sciret Ierosolymæ strui sibi insidias ad necem, ejusq; tempus à Patre constitutum necdum adesse, nolle se palam eò conferre, ut & nos doceret declinare prudenter pericula corporis & animæ, ac solari nos tempus gloriæ & gaudij nostri etiam necdū advenisse, sed futurum postea: amatores verò mundi nunc deliciis & honoribus affluere, postea tormentis & opprobriis affligendos. 2. Rationem allegat cur Judæis & mundo exosus sit: *Quia, inquit, ego testimonium perhibeo de illo, quod opera ejus mala sunt. Circumveniamus justum, quoniam inutilis est nobis, & contrarius operibus nostris:* ubi attende si & tu propter virtutem ab aliis patiaris te in hoc assimilari Christo. *Si me, persecuti sunt, & vos persequentur: si patrem familiæ Beelzebub vocaverunt, quanto magis domesticos ejus?*

**Punct. III.** *Ut autem ascenderunt fratres ejus, sive cognati, tunc & ipse ascendit ad diem festum, non manifestè, sed quasi in occulto.* Conf. I. Christum deinde subsecutum tuos Ierosolymam, ibique cum prius latuisset, palam comparuisse, ut interim & ira malevolorum defervesceret, & piorum ad se desiderium accresceret, eosque tunc aliis expeditos haberet magis attentos. 2. *Et Iudæi querebant eum, in die festo, & murmur multum erat in turba de eo; quidam enim dicebant: quia bonus est; alij autem dicebant: non, sed seducit turbas.* Confid. eos in die festo quo debuissent Christū quærere ad salutem suam, & doctrinam ejus audiendam, quærere ipsum ad necem, atque ita etiam multos festis diebus cultum Deo debitum convertere in cultum diaboli per peccata. 3. Discce hinc exemplo Christi sequentes eum non evaluos etiam varia hominum de se judicia, fore semper qui probent rectè dicta ac facta, alios etiam qui improbent. *Mihi pro minimo est, ut à vobis judicer aut ab humano die, qui autem indicat me Dominus est. Væ qui dicitis malum bonum, & bonum malum.*

1. Cor. 4. 3.

1. Jo. 5. 10.



# FERIA IV. POST DOM. PASSIONIS.

67

*Christus die encæniorum profitetur se Messiam. Ioan. 10.*

Anno 33.  
Decemb. 7.  
Jerusal.

**Punct. I.** *Facta sunt encænia in Ierosolymis.* Confid. 1. Encænia hæc annuè celebrata in memoriam dedicationis templi factæ per Ducem Judam Machabæorum, cum illud ab Antiocho Rege profanatum ipse triennio post ex purgatum iterum Deo dicasset, ejusque annuam memoriam servandam statuisset: unde & tu disce etiam memoriam servare & colere dedicationis animæ tuæ per baptismum, ac religionis vota Deo factæ: *Templum Dei sanctum est, quid estis vos: ideoq; cave ne illud umquam per peccatum mortale profanetur, & committatur diabolo spoliandū auro caritatis.* 2. Et ambulante Jesu in templi atrio sub porticu Salomosis, circumdederunt eum Iudæi, dicentes: *Quousque animam nostram tollis? si tu es Christus, dic nobis palam.* Conf. hic malignum studium Judæorum, quo conantur Christum inducere ut palam se profiteatur Messiam, unde ipsum de affectato regno possint accusare: ita increduli & superbi vitia sua derivant in Christum, sed sapientia infinita scrutans corda falli non potest.

1. Mach. 4.  
42.

1. Cor. 3. 17.

**Punct. II.** *Respondit eis Iesus: Loquor vobis, & non creditis, opera quæ ego facio in nomine Patris mei testimonium perhibent de me.* Conf. 1. Hic insigne documentum, aliàs sapius à Christo allegatum pro muneris sui veritate comprobanda, & ad instructionem nostram, si Christianus es, religiosus, Ecclesiasticus, sapiens, nobilis, Ecclesiæ Doctor, non verbis id jacta, sed opere præsta, fructus probant de arbore qualis sit, lapis lydius de auro, sic opera de homine. *Non auditor obliuiscus factus, sed factor operis, hic beatus in facto suo erit.* 2. *Sed vos non creditis, quia non estis ex ovibus meis: vres meæ vocem meam audiunt.* Ecce verum signū justorum, obedientiam: peccatores verò velut hædi obfurdescunt ad vocem Christi, instar Pharaonis, & cor suum ut adamantem posuerunt, sed obedire cogentur aliquando extremæ voci Christi ad eos: *Discedite à me maledicti.* 3. Addit solatium fidelibus suis in obedientia perseverantibus, & ego cognosco eos, notitia peculiari approbationis & beneplaciti, & sequuntur me per observantiam mandatorum in gloriam cælestem. Nam & ego vitam æternam do eis, & non peribunt in æternum, & non rapiet eis quisquam de manu mea.

1. Cor. 1. 25.

Exod. 7.  
Zach. 7. 12.  
Matt. 23. 41.

**Punct. III.** *Sustulerunt ergo lapides Iudæi, ut lapidarent eum, qui respondit eis: Multa bona opera ostendi vobis ex Patre meo, sive per ejus potentiam, in curâdis agris, pascendis famelicis, &c. propter quod eorum opus me lapidatis? Hæcine reddis Domino, opule stulte & insipiens?* 2. *Responderunt ei Iudæi: De bono opere non lapidamus te, sed de blasphemia, & quia tu, homo cum sis, facis te ipsum Deum.* Hinc collige ipsos ex verbis Christi satis cognovisse illum se profiteri Messiam, sed avertisse oculos ne agnoscerent veritatem. 3. *Si non facio opera Patris mei, quæ solus ipse facere potest, & per me facit, nolite credere: si autem facio, & si mihi non vultis credere, operibus credite.* Ubi Conf. Christū sapius ad opera sua appellare, tanquam argumenta convincentia; unde & tu ei totum te cum perfecta fide & obedientia submitte.

Deut. 32. 6.

Anno 34.  
Martio Je-  
rosolymæ.

## FERIA VI. POST DOM. PASSIONIS.

Concilium Iudeorum de perdendo Christo. Ioan. 11.

Sap. 2. 12.

August.

**P**unct. I. Collegerunt Pontifices & Pharisei concilium, & dicebant: Quid facimus, quia hic homo multa signa facit: Conf. 1. Principes Sacerdotum & Phariseos, auditis & perspectis pluribus illustribus miraculis à Christo editis, quibus convinci debebant ad eum agnoscendum Messiam, odio tamen & invidia excæcatus animū indurati, & anxios se urgere quorsum differant eum de medio tollere. Circumveniamus iustum, quoniam inutilis est nobis, & contrarius est operibus nostris. Disce hic etiam in rebus gravibus deliberandis non mundum aut carnem consulere, sed Deum, ejusque lucem implorare. 2. Exstimulatos ad hoc fuisse ab inordinato metu perdendi temporalia. Venient Romani, & tollent nostrum locum & gentem, eò quòd alium nobis Regem præter Cæsarem designemus. Ubi Conf. cæcum amorem, quo salutem æternam postponunt temporali. Plus perdit homines cogitabant, quomodo nocerent ut perderent, quàm quomodo sibi consulerent, ne perirent. Temporalia perdere timuerunt, & vitam æternam non cogitaverunt, ac sic utrumque amiserunt.

Punct. II. Vnus autem ex ipsis Caiphas nomine, cum esset Pontifex anni illius, dixit eis: Vos nescitis quicquam; nec cogitatis, quia expedit vobis, ut unus moriatur homo pro populo, & non tota gens pereat. Hoc autem à semetipso non dixit, sed cum esset Pontifex anni illius, prophetavit. Conf. 1. Caipham Concilij Præsidem, auditis aliorum sententiis de Christo perdendo, iisq; superbe discussis, arguere eos, quasi nihil congruum suggererint, cumque ipsi potissimum incumberet justitiam tueri, ipsum prætextu publicæ utilitatis aliis iniquitate antecelluisse. Attende hic maiorem rationem exigendam ab eis, qui cum aliorum peccata ratione officij compescere debuissent, ea ipsi fovent. 2. Spiritum sanctum voluisse hic uti Caipha, quia Pontifice anni illius, tanquam instrumento ad prophetiā: intendebat quidem ille, expedire mortem Christo inferendam, ut mortem temporalem evaderet populus Judaicus; at Spiritus S. ut Christus mortē subiret, & sic totus orbis evaderet mortem æternam. Disce hic etiam Spiritū S. peculiariter regere Ecclesiā, sed potissimum novā, ejusque caput Pontificē, aliosque superiores, licet improbos.

Punct. III. Ab illo ergo die cogitaverunt, ut interficerent eū. Conf. 1. Eos hic communi decreto quasi Senatusconsulto firmasse occisionem Christi, eoque pondus præcipuum addidisse suscitationem Lazari sic ut beneficiis quibus emolliendi fuissent, magis fuerint indurati. Tu agnosce peccata tua Christo causam mortis fuisse: Ego sum qui peccavi, ego iniquē egi. 2. Igitur ergo jam non in palam ambulabat. Ubi Conf. Christum subduxisse se ad breve tempus, quod supere at à Patre constitutum, & recepit se cum discipulis in civitatem Ephrem, id est, fructiferam, ut ibi oratione solitaria animaret se & armaret ad instantem mortem, & arduum duellum cum Judæis & demonibus ineundum.

D O.



# DOMINICA PALMARVM,

Et pridie Sabbato.

69

Anno 34.  
Mart. 20, in  
via Ierosol.

*Christus asinae insidens Hierosolymam honorifice ingreditur. Matt. 21.*

*Marc. 11. Luc. 19. Ioan. 12.*

**P**unct. I. Conf. 1. Christū ad radicem montis Oliveti non longè Hierosolymis, mittere duos ē discipulis ad conquirendā sibi ē vico vicino asinam cum pullo, in quo argumentum edebat & divinitatis suæ in prædicendis absentibus ac futuris, & supremi in res omnes dominij. *Dicite, inquit, quia Dominus his opus habet.* Tu examina te, num quid possideas quod Christo petenti velles recusare, atque omnia illi subijce cum vero affectu paupertatis. 2. Conf. promptam & cæcam horum discipulorum obedientiam, qua mandatum Christi mox feliciter sine ulla molestia executi sunt. 3. Voluisse Christum hac specie triumphi intrare Hierosolymam, ut exemplum nobis daret contemnendi omnem mundi hujus pompam, atque hoc contemptu parandi triumphum in Hierosolymam cælestem. 4. Asinam ad hoc assumi, quia tranquillitatis & pacis amicam, ac laboris maximè patientem, ut ostendat regnum suum hic esse humile, pacificum & mite: *Ecce Rex tuus venit tibi mansuetus*, nunc ut agnus in Zach. 9. 9. commodum tuum, venturus postea ut leo adversus rebelles.

Punct. II. Plurima autem turba straverunt vestimenta sua in via: alij autem cedebant ramos de arboribus, & sternerant in via. Confid. 1. Hæc facta à turbis in signum reverentiæ & observantiæ tanquam Messia suo tot sæculis desiderato: tu illum excipe affectibus virtutum, substerne paupertatem in contemptu vestium, palmas victoriæ de pravis affectibus, ac frondes olivarum pacis cum proximo servandæ. 2. Institutum hunc triumphum disponente Christo, quia aggressurus erat acre certamen adversus diabolum, peccatum, & infernū; & certus de palma victoriæ, atque inde pacem conciliaturus Deū inter & homines, sic triumpho suo præcludere voluit.

Punct. III. Et clamabant, dicentes: Hosanna Filio David. Confid. 1. Faustus his acclamationibus turbas gratulari Christo, ac fausta precari, Salus sit & prosperitas Filio David, ac per illum in nos descendat. Et tu Christo gratulare gloriam non terrenam, sed cælestem, omnesque suas perfectiones, humanas ac divinas, & precare ut cū omnes agnoscant, diligant, & imitentur. 2. Et addunt: *Benedictus qui venit in nomine Domini.* Beatum prædicant, quia missum a Deo ad regnum Israëliticum jam collapsum feliciter restituendū; cujus ut & tu particeps fias, benedictionē ejus implora. 3. Quam grata Christo acciderant hæc præconia & obsequia, tam & acerba tuit, quam prævidit post paucos dies futuram, turpissima inconstantia; hic enim honorant illum vestibus suis, tunc eum propriis spoliatus, & illufuri veste aliena: nunc colunt frondibus & floribus, tunc spinis & flagellis cruciaturi: nunc clamant *Hosanna* & plausus, tunc *crucifigatur* & opprobria.

Anno 34.  
 Mart. 9  
 Bethaniæ.

# FERIA II. MAIORIS HEBDOMADÆ.

*Christus Bethaniæ cœnans, ungitur à Magdalena. Ioan. 12.*

*Matt. 26. Marc. 14.*

*Punct. I. Ante sex dies Paschæ venit Iesus Bethaniam, & fecerunt ei cœnam ibi in domo Simonis Leprosi, & Martha ministrabat. Conf. I. Christum instante morte divertisse Bethaniam, quæ significat domum obedientiæ, ut inde se ad passionem conferret, nosque exemplo suo doceret etiam ardua aggredi ex affectu virtutis obedientiæ: Vir obediens loquetur victorias. 2. Illum ibi benigne exceptum convivio à Simone dicto Leproso, qui à lepra per Christum sanatus, hoc grati animi obsequium exhibere illi voluit, quod & fecit Martha ministrando, & Magdalena ungendo pro fratre Lazaro suscitato, hic etiam simul recumbens laudes Christi palam eloquendo: tu expende beneficia à Christo accepta, & ad gratitudinem te excita: Benedic anima mea Domino, & noli oblivisci omnes retributiones ejus.*

*Punct. II. Conf. I. Magdalenam eò venisse instructam theca alabastrina cum eximio unguento expresso è nardo selecta & spicata, sive ex ipsis spicis, quo designabat internam charitatem è puro corde, & affectum humilitatis solidæ ac medullatæ; unctis verò pedibus Christi reliquum effudit super caput ipsius recubentis. 2. Et domus impleta est ex odore unguenti, & Ecclesia ex fama virtutis; tu stude proximum bono exemplo sic ædificare, ut dicere possis: Christi bonus odor sumus.*

*Punct. III. Dixit unus ex discipulis ejus Judas Iscariotes: Ut quid perditio hæc? potuit enim istud venundari multo, & dari & pauperibus. Conf. I. Opus hoc Magdalene quantumvis pium & optimum, non tamen evasisse obtrectationem Judæ, & aliorum discipulorum: unde discite etiam animum comparare ad terendas obtrectationes in bonis operibus: cave autem tu aliorum facta arguere, argue te cum tempus inutiliter perdis. Ut quid perditio hæc? 2. Dixit autem hoc quia fur erat. Ubi Conf. Judam avaritiam suam & crimen furti voluisse palliare prætextu succurrendi pauperibus, sed non potuisse illudere sapientiæ Christi.*

*Punct. IV. Dixit Iesus: Quid molesti estis huic mulieri? Sinite illam, opus enim bonum operata est in me. Conf. I. Christum hic suscipere causam Magdalene, eamque defendere contra omnes multo potentiùs quam ipsa per se potuisset: unde discite in injuriis illatis etiam illi causam tuam committere. 2. Reddere illum etiam dicti sui rationem, pauperes enim semper habetis vobiscum, me autem non semper habetis, & prævenit ungere corpus meum in sepulturam; nam quia mortuū ungere postea non poterit, prævenit vivum: quo & nos docemur capere occasiones virtutum. 3. Christum hanc obtrectationem Magdalene convertisse in summam ejus gloriam, quando hoc opus ejus per totam Ecclesiam ad finem usq; mundi celebratur; ita honorat Christus suos benefactores.*

F E.



# FERIA IV. MAIORIS HEBDOMADÆ.

Anno 34.  
Mart. 26.  
Jerosol.

*Christus flagellatur, & coronatur.* Matt. 27. Marc. 15. Luc. 23. Ioan. 19.

**Punct. I.** Conf. 1. Christum post durissimas exagitationes nocte tota, falsas accusationes, & illusiones, tradi à Pilato flagellandum, ut satisfaciat furori Judæorum, licet jam aliquoties agnovisset & pronunciasset innocentem: confer cum Christo innocentia tuam, & cave ne cum Pilato ex respectu humano contra cōscientiam tuā pecces. 2. Hanc sententiam Pilati proinde iniquam fuisse, quia sciebat innocentem, ignominiosam, quia ad supplicium servorum, crudelem quia atrocius excipiendā jussit, ut vel sic Judæorū animis ad miserationem flexis, eū morti subduceret.

**Punct. II.** Conf. 1. Christum coram ingenti hominum multitudine vestibus omnibus nudatum, & columnæ alligatum, quanta confusione: idque ad tegendam nuditatem tuam veste gratiæ & gloriæ: quanta benevolentia! ad luenda delicta tua: *Quoniam ego, inquit, in flagella paratus sum. Quæ non rapui tunc exsolverbam.* 2. Quam acerba fuerit Christo hæc flagellatio, tum ab instrumentis quæ feruntur fuisse triplicia, virgæ spinosæ, nervi durati, & catenæ ferreæ: tum ex corporis exhausti tenerrima, complexionem, tum à tortorum sibi succedentiū & tota cohorte sævitia, & diaboli suggestionem ad exprimendā impatientiam: tum à plagarum multitudine, quæ modum omnem excellerūt; unde à *planta pedis usq; ad verticē capitis nō erat in eo sanitas.* Isa. 1. 6.

**Punct. III.** Et exuentes eum chlamydem coccineam circumdederunt ei. Conf. 1. Christum vix resumptis vestibus iterum exutum, easq; plagis recentibus adhærentes cum acerrimo dolore revulsas, & injectam illi chlamydem coccineam seu purpuream, ut quod aliis honoris insigne esset, cederet illi in irrisionem & contumeliam. 2. Et *plectentes coronam de spinis, posuerunt super caput ejus,* non erat satis amoris Christi pati communia & usitata, novis suppliciis castigare in se voluit nova studia nostra in sedandis pravis cupiditatibus. *Egredimini & videte filia Sion Regem Salomonem in diademate quo coronavit eum Mater sua, gens Judaica.* Cant. 3. 11.

**Punct. IV.** Et posuerunt arundinem in dextra ejus, idque pro sceptro in signum regni ejus vani & ludicri, & *genuflexo ante eum illudebant ei, dicentes: Ave Rex Judæorum.* Hic ille Rex regum est, quem reverenter adorant, & coram quo tremunt omnes Principes cælestes. 2. Quem ut vanum Regem irriserant, ut vile mancipium indignè tractant, *expuentes in eum, percutiebant caput ejus arundine, & dabant ei alapis.* Christus vero humiliter & patienter ferebat omnia, nemine compatiēte. 3. Conf. Christum sic miserrime deformatum produci à Pilato foras populo ostentandum: *Ecce homo,* ille speciosus forma præ filiis hominum, jam non habet speciem hominis: *Vidimus eum, & non erat aspectus.* Non tamen hisce mota sunt indurata corda Judæorum: quare tu saltem Christo ab omnibus deserto compatere.

## FERIA V. IN COENA DOMINI.

*Christus lavat pedes Apostolorum. Ioan. 13.*

**P**unct. I. Confid. 1. Christum instante extremo vitæ suæ fine, voluisse nobis relinquere duo singularia ardentissimi & constantis sui erga nos amoris argumenta, quæ expressit in lavandis suorum pedibus, adumbrans se esse qui fordes animæ ablueret, & in institutione Eucharistiæ. O quanto nobilior est amor Christi amore mundi, qui serò inchoat, citò deficit, parum donat! tu sic age, ut amor tuus erga Christum in finem usque perseveret. 2. Quare cæna facta, sciens quia omnia dedit ei Pater in manus, imperium, salutem, & redemptionem orbis, & quia à Deo exivit, ut filius naturalis, & ad Deum vadit, peracturus scenam ultimam, in qua maximè ostenderet, quo esset in Patrem amore ac zelo gloriæ ejus promovendæ. Conf. hîc supremi Domini tui majestatem. 3. Hîc tantus surgit à cæna, & ponit vestimenta sua: & cum accepisset linteum, præcinxit se: deinde mittit aquam in pelvim, & cepit lavare pedes discipulorum, & extergere linteo, quo erat præcinctus. Attende quomodo Christus se prosternat ad pedes vilium piscatorum, etiam Judæ, ac disce cum eo alacriter obire humilia obsequia, & cōdonationem injuriæ.

Punct. II. Venit ergo ad Simonem Petrum, qui dicit ei: Domine, tu mihi lavas pedes? Deus homini, Dominus servo, Rex regum mancipio, sanctissimus peccatori? Et tu confid. distantiam inter supremam illam majestatem, & vilitatem tuam. 2. Christus monet Petrum latere hîc mysterium, nempe puritatis requisitæ ad sumptionem Eucharistiæ, & exemplum humilitatis & caritatis: Quod ego facio, tu nescis modo: & adhuc repugnantem ex studio reverentiæ & humilitatis permovet interminatione separationis à se: Si non laveris te, non habebis partem mecum. Scias virtutes omnes obedientiæ contrarias, minimè Deo placere. 3. Unde percussus Petrus, Non tantum pedes, inquit, sed & manus & caput. Disce & tu nihil magis horrere quam separationem à Christo, atque imitare hanc Petri obedientiam promptam cognita Christi voluntate, & cæcam, cum mysterium ignoraret.

Punct. III. Confid. 1. Christum lotis pedibus Apostolorum, & ad mensam cum iis reversum, pro explicatione mysterij, commendare & inculcare illis obsequia humilitatis & caritatis exemplo suo: Si, inquit, ego lavi pedes vestros Dominus & Magister, & vos debetis alter alterius lavare pedes; ostendens non decere servum aut discipulum, ut dedignetur opus, quod videt Principem ac Magistrum suum facientem. 2. Detecto mysterio stimulum addit: Exemplum enim dedi vobis, ut quemadmodum ego feci vobis, ita & vos faciatis. Hoc nobis dedit morti proximus, ut altius inhæreretur, atque ad omnis virtutis exercitium excitemento esse posset. 3. Subdit denique: Non est servus maior Domino suo, neque Apostolus maior est eo, qui misit illum. Si hæc scitis, beati eritis, si feceritis ea: secus verò infelices; nam servus sciens & non faciens voluntatem domini sui, plagis vapulabit multis.



## FERIA VI. MAIORIS HEBDOMADÆ.

Anno 34.  
Mart. 27. in  
monte Cal-  
var.

*Christus crucē bajulat, illiq; affigitur. Matt. 27. Mar. 15. Luc. 23. Ioan. 19.*

**Punct. I.** Confid. 1. Pilatum iterum victum humano metu Judæorum, sicut damnaverat Christum innocentem ad flagellationem, ita & deinde damnare ad mortem crucis, quam sententiam hic humiliter acceperat: vide tu quo animo injurias sustineas, & scias te frustra cum Pilato innocentiam externam ostentare, nisi intus conscientiam laveris. 2. *Et bajulans sibi crucem exiit.* Conf. gravissimam trabem crucis humeris Christi jam exhaustis impositam, id quod nulli latroni fieri solet, quamquam maxime in ea gravabant peccata nostra: *Posuit Dominus in eo iniquitatem omnium nostrum.* Isa. 53. 6.

**Punct. II.** Confid. 1. Christo sub onere succumbente, Simonem Cyrenæum iussu portare crucem post Iesum, ut scias etiam tibi crucem aliquam ferendam, eaque te sublevandum à Deo in tempore opportuno. 2. Convertit se ad piam turbam sequentem ac plangentem, monens: *Nolite flere super me, sed super vos ipsas flete, & super filios vestros.* Non prohibet lacrymas commiserationis, sed præfert compunctionis, quibus & propria, & aliena peccata eluantur, ac prædicat imminetia illis supplicia: *Quia sicut viridi ligno hæc faciunt, in arido quid fiet?*

**Punct. III.** Confid. 1. Christum, ubi pervenit ad montem Calvariae, iterum vestibibus omnibus exutum, atque ita renovatis cum gravissimo dolore vulneribus sacro sanguine suo reliquo contectum. 2. *Dederunt ei vinum bibere cum felle mixtum,* dum ipse nobis propinat suum sanguinem, & vinum convivij celestis. 3. *Et ibi crucifixerunt eum;* in loco supplicii infami, ad maiorem ignominiam & horrorem, locatur super lignum crucis, velut alter Isaac, sed non subducendus morti, extendit obediens manus innocentes, quæ sicut & pedes nervis pleniores, clavis configuntur *foderunt,* inquit, *manus meas & pedes meos.* O Jesu quid sunt plagæ istæ in medio manuum tuarum? & dicit: *His platus sum in domo eorum, qui diligebant me,* à populo Iudaico mihi præ ceteris dilecto, imo & nunc à Christianis, longe dilectissimis. Psal. 21. 17. Zach. 13. 6.

**Punct. IV.** Conf. 1. Crucem in altum elevatam novo ejus dolore ac ignominia, cum plausu malignorum, & planctu piorum, ubi expende tribus clavis confixum, qui appendit tribus digitis molem terræ, qui à Seraphinis velata facie proclamatur *Sanctus, Sanctus, Sanctus,* qui sacerdos est Magnus, Doctor veritatis, & Dux fortissimus. 2. Inter latrones ipse medius pendet, ut doceat humilitatem: nudus ut paupertatem: clavis confixus, ut constantiam: extensis brachiis, ut te amplectatur: inclinato capite, ut det osculum pacis. 3. Inter subfannationes & blasphemias orat pro illis, ut & tu injurias condones: latronem donat beatitudine, ne quis desperet: Matri afflictissimæ Ioannem in filium substituit, & nos omnes in illo: Tandem in cruce moritur, ut moneat te perseverandum usque in finem.

## SABBATO SANCTO.

## De dolore B. Mariæ Virginis in Passione Domini.

Luc. 2. 35.

**Punct. I.** Conf. 1. B. Virginem Mariam uberrimè in se expertam vaticinium Simeonis olim sibi assertum: *Et tuam ipsius animam pertransibit gladius*, quando tum ex occurso Filij crucem bajulantis jam penitus deformati, tum deinde ex ejusdem in crucem sublatis, cui proxima adstabat, diuturniori spectaculo, tum denique ex mortui & laceri ejus corporis in materno sinu suo recumbentis complexu, acerbissimos animo dolores excepit. 2. Si sanctos deinde aliquos spectaculo absentes sola recordatio Passionis Christi per commiserationem ita affecerit, ut de ea sine gravissimo doloris sensu nec loqui, nec audire, nec cogitare possent, quid de Matre ejus censendum est, præ omnibus impensius Filium amante? 3. Voluit Deus illam Filio suo tam acerbo dolore etiam assimilari, ut ne quis fortè speraret in hac vita se ab afflictione immunem fore, constaretque eam viam omnibus esse calcandam. 4. Mansit tamen Virgo semper animo erecta, sic ut & Filij cruciatus, & dolores suos ardentiamore offerret eterno Patri pro salute nostra, etiam ampliores oblatura, si opus esset.

**Punct. II.** Quantus fuerit Virginis dolor collige ex amore quo in Filiū ferebatur, eoque triplici, 1. *Naturali*, quia in unigenitum suum, forma speciosum, indole amabilem, sensu tenerum, moribus & vitæ integritate eximium, ac Regni heredem. 2. *Ex amore ejus acquisito* per usum 30. annorum, constanti sub uno tecto contubernio, una mensa, congreſſu, & consuetudine, suavissimis alloquiis, & tot myſteriorum communicatione, in quibus paternas simul in amando vices & ipsa explebat, & ipse mutuis amoris argumentis. 3. *Ex amore supernaturali*, cum sciret Deum simul esse & hominem, fontem gratiarum & omnis boni, mundi redemptorem, ac de omnibus semper optimè meritum. Unde S. Augustinus: *Tantum necesse est urat dolor, quantum hæserat amor*. 4. Accendebat dolorem intima cognitio de cruciatuum atrocitate, opprobriorum acerbitate, ac populi sui post tot accepta ab eo beneficia ingratitude, adeo ut quot inde Filius doloris sensus, totidem ipsa doloris gladios animo exciperet, ideoque & *Regina Martyrum* ab Ecclesia merito appelletur.

**Punct. III.** Confid. 1. Apostolos undecim profugos & Magistri sui morte perculſos ex Dei instinctu se ad hanc Virginem, velut unicam salutis anchoram recepisse, veniam deprecatos fugæ suæ, ac nominatim Petrum de sua immani negatione, quos omnes illa velut benigna Mater, ac gallina pullos sub alarum suarum protectione excepit. 2. Roboravit omnes in fide resurrectionis, ut quem jam in crucem adum & mortuum cognoscebant, sicut illis prædixerat; ira etiam proxime reditum similiter crederent ac sperarent, juxta ejusdem promissum.



## IN DIE PASCHÆ.

De Resurrectione Domini. Marc. 16. Matt. 28. Luc. 24. Ioan. 20.

Anno 34.  
Martij 27.  
ad sepulch.  
Domini.

**Punct. I.** Maria Magdalene, & Maria Iosephi, & Salome emerunt aromata, ut venientes ungerent Iesum. Conf. 1. Has pias mulieres postridie Sabbati Paschalis summo mane emptis aromatibus contulisse se ad ungendū corpus Christi mortuum, de more Judæorum: in quo attende ardentem amorem erga Christum jam mortuum, obedientiam legis in servanda quiete Sabbati, diligentiam, & constantiam; tu etiam Christum unge unguento dictarum virtutum. 2. Et dicebant ad invicem: Quis revolvat nobis lapidem ab ostio monumenti? Ubi Confid. fortitudinem amoris, qui nec lapidis mole, nec militum custodia absterrebatur: quare etiam, ubi eò advenissent, viderunt revolutum lapidem; ita Deus pro viribus laborantes & in se confidentes ipse sublevar. Non ego, sed gratia Dei mecum, inquit Apostolus. 1. Cor. 15. 10

**Punct. II.** Conf. 1. Animam Christi post exhibitum Patribus in Limbo desideratissimum tot sæculis sui ac divinæ essentiaē conspectum, cum inexplicabili gaudio beatitudinem consequente, simul etiam animabus ē Purgatorio, & afflictionis suæ merito perpurgatis, venisse cum duplici hoc lætissimo comitatu, die tertio à morte sua, sub ortum Solis ad locū sepulchri, ibiq; corpus suum vulneribus deformatum, quod illis ostendebat, mox assumptum diffusionē gloriæ suæ recreasse, quidquid in eo lacerum erat, servatis tamen 5. vulneribus, restaurasse, & quidquid sordidum deterfuisse, comunicando ei simul dotes gloriosas, *impossibilitatis*, qua ab omni corruptione deinceps liberū esset, *claritatis*, qua Solis etiam radios superaret, *agilitatis*, qua in partes omnes moveri subito posset, & *subtilitatis*, qua sine ullo obstaculo quidvis penetraret: Expende hīc quanta, in eo à triduo, cum in cruce penderet, commutatio. 2. Conf. Christum corpore jam glorioso lapidem sepulchri penetrasse, & cū duabus his turnis velut alterum Jacobum gaudio exultantem; Angelorum insuper multitudine accedente, ante omnia Matri suæ se videndum exhibuisse, quod & acerbior eius dolor, certior fides, firmior spes, & ardentior amor, ac vicissim Filiū in illam postulabat. Expende hīc quæ gaudia animum Matris subito occuparunt, ut dicere posset: Secundum multitudinem dolorum meorum in corde meo, consolationes tuæ lætificaverunt animam meam; quæ inter Matrem & Filiū colloquia. 3. Confid. Causam resurrectionis Christi fuisse, ut nobis ejusdem spem conferret, nam quo præcessit gloria capitis, eò spes vocatur & corporis. Gen. 32. 10. Psal. 93. 19. S. Leo.

**Punct. III.** Conf. Mox post Christi resurrectionem venisse Angelum, qui cū ingenti motu ad excitandos custodes lapidem sepulchralem revolvit, erat autē aspectus ejus sicut fulgur, vestimenta autem ejus sicut nix. Unde custodes territi fugerūt, mulieres verò piæ recreatæ iunt: Nolite expavescere. Timeant qui Christū persequuntur, non vos, qui Iesum queritis Nazarenū crucifixū, surrexit non est hic. Tu sic in posterū vive, ut dici de te possit: Surrexit non est hic. in vitiis, in quibus ante fuit. K 2 F E-

## FERIA II. POST PASCHA.

Anno 34.  
die Resurr.  
in via E-  
maus.

*Christus apparet discipulis euntibus in Emaus. Luc. 24.*

**P**unct. I. *Qui sunt hi sermones quos confertis ad invicem ambulantes, & estis tristes?*  
Conf. I. Duobus discipulis ipso die resurrectionis adhuc afflictis de morte Magistri sui, ideoque ad levandum dolorem Hierosolyma egressis, de ambulantiis versus Emaus Castellum Judee, Christum se socium jungere aliena specie, eorumque sermones suaviter qui sint, exquirere, tum ut afflictos soletur, tum potissimum ut ostendat pia colloquia sibi placere, seque iis libenter interesse, sicut diabolus delectatur & adest colloquiis pravis. 2. Mirantes illi Christum quasi peregrinum & ignarum eorum quæ contigerant, reponunt: *de Iesu Nazareno, qui fuit vir Propheta, potens in opere & sermone, coram Deo & omni populo; talis & tu esse stude, ut exemplo & verbo proximū doceas, Deo & hominibus comprobantibus.* 3. *Nos autem sperabamus, quia ipse esset redempturus Israël, à servitute gentium Romanorum, regnumque in pristinam vel maiorem dignitatem redactus, quam spem indicant jam collapsam: tu cave ne umquam spem abicias, quæ in anima velut sanguis vitæ est, & anchora qua Deo adhæreas.*

**Punct. II.** *O stulti & tardi corde ad credendum!* Confid. I. Reprehendi hic à Christo ut Magistro eorum inscitiam & tarditatem in credenda sua resurrectione, tam illustribus testimoniis per Prophetas prædicta, eoque ut se erigant acrioribus verbis stimulari: tu ne ægre seras superiorum & aliorum monita: *Meliora sunt vulnera diligentis, quam fraudulenta oscula blandientis.* 2. Rationem adfert passionis & mortis suæ: *Nonne hæc oportuit pati Christum, & ita intrare in gloriam suam?* Si oportuerit Christum ex decreto Patris cælestis ea via pervenire in gloriam suam sibi alioqui debitam, quanto magis nos oportebit eadem via in gloriam intrare alienam? quare & nos stulti & tardi corde sumus, si in tribulatione deficimus: *Per multas tribulationes oportet nos intrare in regnum Dei.* 3. *Et incipiens à Moyse & omnibus Prophetis interpretabatur illis in omnibus Scripturis, quæ de ipso erant.* Conf. hic & imitare operam & studiū Christi pro duabus hisce ovibus errantibus reducendis.

**Punct. III.** *Et appropinquaverunt Castello, quò ibant, & ipse finxit se longius ire.* Confid. I. Christum præ se tulisse & composuisse se ad ulteriorem profectiorem, ut excitaret eos ad virtutem hospitalitatis, & sic digni fierent ipsum agnoscere: vult quidem ipse esse nobiscum, sed & rogari vult. 2. *Dū recumberet, aperti sunt oculi eorum, & cognoverunt eum in fractione panis, quem panem credibile est juxta sanctos Patres fuisse Eucharisticum, eoq; illuminatos, ut significaretur vis Eucharistiæ mentem spiritualiter illuminandi.* 3. Disparente deinde Christo, dixerunt ad invicem: *Nonne cor nostrum ardens erat in nobis, dum loqueretur in via, & aperiret nobis Scripturas?* Confid. Christum sic loqui exterius, ut etiam intus corda divino amore succendat, tu sic age cum proximo, ut idem de te dicere possit.

August.  
Chrysost.  
Hieron.



# FERIA III. POST PASCHA.

77

Anno 34.  
die Resurr.  
Jerosolym.

*Christus apparet Apostolis absente Thoma, palpandum se iis exhibet, & confert intelligentiam Scripturæ sacræ. Luc. 24. Marc. 16. Ioan. 20.*

**P**unct. I. Stetit Iesus in medio eorum, & dixit eis: Pax vobis. Confid. 1. Christum Apostolis jam accepto nuncio de sua resurrectione, ac pavidis tum ob dubiam ejus præsentiam, tum ob culpam infidelitatis, tum ob insolentiam Iudæorum, benignè apparere medium inter illos, ut comprobet veritatem dicti sui: *Vbi sunt duo vel tres congregati in nomine meo, ibi sum in medio eorum.* Matt. 18. 20.  
2. Serò venit illis jam recumbentibus, ut interim eorum desideria accenderet: *si moram fecerit, expecta eum, quia veniens veniet & non tardabit.* 3. Cum fores essent clausæ, ut ostenderet se corpus habere gloriosum, quo sine obstaculo penetrare quidvis posset, ac se libenter etiam accedere eos qui clausas habent januas mentis, nempe quinque sensus, atque ita exclusis mundi curis & vanitatibus, intus cum Deo collecti sunt. 4. Dicit eis: Pax vobis. Comuni salutandi formula, qua prosperitatem, & omne bonum iis precatur: roga eum ut & te beare velit pace hîc cum Deo per orationem, cum proximo per caritatem, ac tecum per mortificationem affectuum, eoq; collabora.

Punct. II. Conturbatis adhuc Apostolis de improvisa hac Christi præsentia, & anxiiis num ipse etiam esset, an fortè Spiritus, palpandum se iis exhibet, dicens: *Videte manus meas & pedes, quia ego ipse sum: palpate & videte, quia Spiritus carnem & ossa non habent.* Vbi Confid. 1. Christi benignitatem in Apostolis incredulis in fide firmandis, ut si visui etiam suo non crederent, certiori tactu veritatem explorarent, quæ conjuncta cum promissis Christi, ejusque miraculis, & prophetiis, resurrectionem ejus reddebant infallibilem. 2. Ad augendam eorum fidem & gaudium petit cibum, & cum manducasset coram eis, *sumens reliquias, dedit eis.* Non dedignatur pro eis lucrands hanc manducationem, statui suo glorioso non convenientem: ut & tu de statu & jure tuo nō dedigneris remittere pro salute proximi. 3. Reservasse Christū quinq; sacra vulnera non solum ut certa essent signa ejusdem corporis redivivi, sed ut in cælo apud Patrem essent trophæa victoriæ de morte, peccato, & dæmone, ac pretia nostræ libertatis, quibus quidvis pro nobis impetraret: apud nos vero excitamēta remanerent mutui amoris & gratiarum actionis, ac loca refugij: Judæis denique & omnibus peccatoribus extremo die ingratitude argumenta.

Punct. III. Tunc aperuit illis sensum, ut intelligerent Scripturæ. Confid. 1. Christū hîc illuminasse mentem Apostolorum pro assequendo genuino ac vero sensu Scripturarum, ac potissimum de morte sua & resurrectione, quod donum etiam aliis deinde specialiter communicatum est: unde collige Scripturam sacram non esse per se adeò manifestam, quin altiori lumine indigeat. 2. Si discipulorum euntium in Emaus cor arserit divino amore ex verbis Christi, non minùs hîc existimandū est de Apostolis

## FERIA IV. POST PASCHA.

Anno 34.  
Aprili ad  
mare Gal.

*Christus apparet septem discipulis piscantibus. Ioan. 21.*

**P**unct. I. Manifestari se iterum Iesus discipulis ad mare Tyberiadi. Conf. 1. Christum apparere hic discipulis piscantibus ad vitandum otium & vitium sibi comparandum, ut ostendat se adesse non otiantibus, sed laborantibus: per mare autem significari præsens sæculum, plenum fluctibus tentationum & tribulationum, per littus verò in quo ipse stans apparet, soliditatem quietis æternæ, quàm ipse jam securus ab omni tribulatione & carnis corruptione, sed de nobis sollicitus occupabat. 2. *Et in illa nocte nihil prendiderunt;* ut discerent omnem fructum pascationis animarum ad quam destinabantur pendere à Christo, ab eo dirigendam & benedicendam: *Sine me nihil potestis facere. Nisi Dominus edificaverit domum, in vanum laboraverunt qui adificant eam.*

Ioan. 15. 5.  
Psalm. 126. 1.

Punct. II. Mane autem factò stetit Iesus in litore, non tamen cognoverunt discipuli, quia Iesus est. Confid. 1. Christum hic manè apparere, ideoque nos debere tunc maximè eum in oratione expectare. *Manè exaudies vocem meam. Manè adstabo tibi & videbo. Repleti sumus manè misericordia tua.* 2. Petit ab eis: *Pueri numquid pulmentarium habetis?* sive obsonium, sciebat eos nihil accepisse, petit, tamen ut cogat eos cognoscere suam egestatem, & occasionem det auxilij implorandi. 3. *Dicit eis: Mittite in dextram navigij rete, & invenietis. Miserunt ergo, & jam non valebant illud trahere præ multitudine piscium.* Ecce fructum obedientiæ, vir obediens loquetur victorius. Per dextram vero significatur intentio recta maxime necessaria viris Apostolicis, & studium rerum spiritualium, per sinistram intentio prava, & studium temporalium. *Quærite primum regnum Dei, & iusticiam ejus, & hæc omnia adjicientur vobis.*

Prov. 21. 28.

Matt. 6. 33.

Hieronym.  
Matt. 5. 8.

Punct. III. Dixit discipulus ille, quem diligebat Iesus, Petro: Dominus est. Confid. 1. S. Joannem hic & aliàs sæpè se hoc nomine appellare, ut ostendat se gloriari in favore non humano, sed divino. *Solus autem Virgo Virginitatem agnovit. Beati mundo corde, quoniam ipsi Deum videbunt,* & sicut erat castissimus, ita & erat Christi amantissimus. Hinc collige quò quis Deo virtute similior, & oratione est familiarior, eò magis ipsum ejusque perfectiones agnoscere & penetrare. 2. *Simon Petrus cum audisset quia Dominus est, tunica succinxit se, & misit se in mare,* ut moræ impatiens citius Christo adnataret contemptis periculis: ubi Confid. per Joannem significari lumen vitæ contemplativæ perspicacis ad agnoscendum Deum, per Petrum fervorem vitæ activæ properantis ad Christum. 3. Invitat deinde Christus etiam alios discipulos ad prandium à se miraculosè paratum, tum ut confirmet veritatem suæ resurrectionis, tum ut doceat se nobis etiam post labores hujus vitæ paraturum prandium in cælis, ubi cum eo epule-



## FERIA VI. POST PASCHA.

*Christus apparet Magdalene, & deinde in via aliis mulieribus. Ioan. 20.*

*Matt. 28. Marc. 16.*

Anno 34.  
die Resurre.  
ad sepulch.  
Domini.

**P**unct. I. Maria stabat ad monumentum foris plorans. Confid. 1. Magdalenam cum aliis piis mulieribus post nunciatum Apostolis abesse corpus Christi, cum iisdem pariter ad sepulchrum reversam, eisque iterum inde sine solatio digressis, perstitisse anxiam & sollicitam omnia circūspiciendo. Flebat inquirendo, & amoris sui igne succensa, ejus quem ablatum credidit, ardebat desiderio. 2. Dum inclinavit se, vidit duos Angelos in albis sedentes. Amanti semel aspexisse non sufficit, quia vis amoris intentionem multiplicat inquisitionis, perseveravit ut quæreretur, unde & contigit, ut inveniret, factumque est ut desideria dilata crescerent, & crescentia caperent quod invenissent. 3. Dicunt ei illi mulier: Quid ploras? Dicit eis: Quia tulerunt Dominum meum, & nescio ubi posuerunt eum. Non Angelos querit, sed Angelorum Dominum, quem plorat sublatum, vitam animæ suæ. Examina & tu causas affectuum tuo. um; felices lacrymæ ob Deum amissum per peccatum, vel etiam substractum justis ad exercitium.

Punct. II. Et conversa retrorsum, vidit Iesum stantem, & non sciebat quia Iesus est. Confid. 1. Magdalenam non agnovisse Christum ob fidem adhuc imperfectam, & quia solet Deus saepe sensum & per gradus se fidelium mentibus exhibere. 2. Dicit ei Iesus: Mulier, quid ploras: quem quæris? illa existimans quia hortulanus esset. Dicit ei: Domine si tu sustulisti eum, dicito mihi ubi posuisti eum, & ego eum tollam. Vbi S. Ambrosius: Ploras, quia non vides Christum, crede & videbis, non lacrymis opus est, sed fide. Hortulani speciem assumit Christus, quia ipse agrum Ecclesiæ & animarum nostrarum irrigaverat sanguine suo, evellit spinas vitiorum & fentes tristitiæ atque inserit semina virtutum, & gaudia. Conf. in Magdalena animi magnitudinem cum dicit: Ego eum tollam, etiamsi fuerit in atrio Sacerdotum, vel in domo Pilati, omnia vincit amor, & sibi possibilia imò & facilia reputat. 3. Dicit ei Iesus: Maria. Conversa illa dicit ei: Rabboni, quod dicitur Magister. Dicit ei Iesus: Noli me tangere, nondum enim ascendi ad Patrem meum. Vocat eam Christus sono vocis consueto, & statim conversus est dolor in gaudium, & lacrymæ doloris in lacrymas gaudij & amoris! hic fructus est perseverantiæ.

Punct. III. Conf. 1. Magdalenam abeuntem affecutam in via alias piis socias præcedentes, accendiile eas desiderio videndi Christum narratione apparitionis sibi factæ, nec voluisse Christum has præsentia sua frustrare, tum ob sedulitatem in adeundo sepulchro, tum ob constantiam qua sibi in cruce adhæserant: quare occurrit illis dicens: Ave, sive pax vobis. gaudere, ac simul eas pedibus suis advolutas implevit gaudio & spe simulis resurrectionis. 2. Et ait illis nolite timere, ite nunciate fratribus meis, ut eant in Galileam, ibi me videbunt. Confirmat Christus dictum Angelorum, & jubet suos ire in Galileam, qua transmigratio significatur, nempe à vitiis & tunc ubi Christus se ostendit.

SAB.

Anno 34.  
die Resurr.  
ad sepulch.  
Domini.

## SABBATO IN ALBIS.

SS. Petrus & Ioannes currunt ad sepulchrum Christi. Ioan. 20. Matt. 28.  
Marc. 16. Luc. 24.

Luc. sup.

**P**unct. I. Conf. 1. Mariam Magdalenam cum aliis piis mulieribus viso sepulchro Christi sine corpore, & cognita ex Angelis ejus resurrectione, quam discipulis ac nominatim Petro nunciare jubebantur, venisse festinanter in urbem ad eos cum timore ob stupenda quæ viderant, & gaudio magno, ob lætum nuncium quem acceperant & deferebant, quo etiam priorem tristitiam plurimum mitigarunt. 2. *Et visa sunt ante illos sicut deliramentum verba ista, & non crediderunt illis*: tam ægrè avellitur homo à sensibus, cum tamen illi toties audivissent Christum prædicentem suam mortem & resurrectionem, & illam jam scirent præcessisse, ac Lazarū & alios plures ab eo ad vitam revocatos, ac tot miracula patrata, hærent nihilominus, ut nos ex eorum hæsitacione plenius in fide robaremur: attende hinc cavendam & levitatem in credendo, & duritiem, adeoque signa prudenter investiganda.

**Punct. II.** Petrus autem surgens cucurrit ad monumentum, cum Joanne, currebant autem duo simul. Confid. 1. Utrumque hunc Apostolum accepto hoc nuncio tanquam ceteris ferventiores statim se contulisse ad Christi sepulchrum, nec retardatos timore militum, quos sciebant ibi ad custodiam constitutos: *præ ceteris cucurrerunt qui præ ceteris amaverunt*, inquit S. Gregorius. 2. *Et ille alius discipulus præcucurrit citius Petro*, quia ætate juvenili agilior, & cupidior videndi corpus Christi, quod viderat in cruce deformatum: Petrus verò & senio, & timore offensæ retardatus. *Ille autem non introivit*, correptus sacro horrore corporis sacri, & ut Petro seniori ac digniori reverentiā deferret: sic & tu aliis potissimum dignioribus libenter cede. 3. *Venit Simon Petrus sequens eum & introivit*. Et omnia accurate inspiciens cōfirmabatur in fide de Christi resurrectione. *Tunc introivit & ille discipulus*: Sic fidem sequitur charitas, & utraque roboratur resurrectione Christi.

Rom. 5. 20.

**Punct. III.** Confid. 1. S. Petro cum Joanne à sepulchro redeunti, & solitario, cum esset secum mirans quod factum fuerat, Christum peculiari favore apparuisse: unde collige magnis peccatoribus ob magnum fervorem conversionis peculiaria etiam divini favoris signa non raro exhiberi, cum primum ex mulieribus post matrem apparuit Magdalenzæ, & ex viris Petro, ut ubi abundavit delictum, superabundaret & gratia, & hinc discant peccatores in divina misericordia considerare, si serio resipiscant. 2. Petrum confusione plenum supplicem procidisse Christo, qui illum suavissimis verbis est solatus, & animavit, & iussit ceteros Apostolos in fide resurrectionis confirmare, quod & præstitit, sic ut non atropius eam pro deliramento haberent, sed asseveranter dicerent quia surrexit Dominus verè, & apparuit Simoni.

DOMI.



## DOMINICA IN ALBIS. P. I.

Anno 34.  
die Pâchæ  
Jerofol.

Christus octavo die resurrectionis apparet iterum Apostolis, præsentē Thoma.

Ioan. 20. Marc. 16. Luc. 24.

**Punct. I.** Cum serò esset, & fores essent clausæ, ubi erant discipuli congregati propter merum Iudeorum, venit Iesus, & stetit in medio, & dicit eis: Pax vobis. Conf. 1. Venire Christum velut columbam pacificam post diluvium Passionis suæ cum ramo olivæ apprecantem pacem, non terrenam, sed cælestem, ac perpetuam: tu etiam cum Deo pacem ini, quàm numquam vires. 2. Gavisijunt ergo discipuli viso Domino, & confirmati tam manifestis indiciis ex viso & palpatoejus corpore: tu gaude etiam in hac vita de Deo ac Christo, non verò in rebus terrenis & fluxis, *memor fui Dei, & delectatus sum.* 3. Sic- Psal. 76. 4.  
ut misit me Pater, & ego mitto vos. Simili nempe potestate mihi data, licet non pari, mitto vos ut Legatos Regios, Episcopos, & orbis Doctores, simili amore, ut per multos labores & dolores munus legationis obeatis, simili modo, ut doctrinam meam ac vestram vitæ probitate, ac miraculis etiam confirmetis, sine deniq; eodem ad fidem & salutem omnium hominum quaquersum promovendam: tu etiam sic te missum intellige.

**Punct. II.** Hæc cum dixisset insuspiravit, & dixit eis: Accipite Spiritum sanctum, quorum remiseritis peccata remittantur eis, & quorum retinueritis retenta sicut. Confid. 1. Hoc spiraculo voluisse Christum ostendere naturam Spiritus sancti, eumque a se etiam procedere, ac per eum conferri vitam supernaturalem animæ nostræ, sicut Adamus vitam naturalem spiraculo à se acceperat. 2. Communicari hîc Apostolis potestatem divinam, nam ejus est injurias remittere, cui illatæ sunt, quam neque Angelis, neque Sacerdotibus in lege veteri, communicaverat. 3. Sicut potestas hæc remittendi peccata effectum sortitur infallibilem in ritè dispositis; ita & potestas retinendi in non ritè dispositis, sic ut mancant peccata ea coram Deo debitis suppliciis obnoxia, quæ Sacerdos sibi reservavit.

**Punct. III.** Conf. Infinitam in hoc Christi bonitatem, qua non contentus instituisse Sacramentum Baptismi ad peccatorum omnium ablutionem, quæ ante cum commissæ essent: verum præterea conscius fragilitatis nostræ providere hîc nobis voluit de remedio adversus relapsus, quod instituit 1. *tam amplum*, ut ad peccata quocumque & quantacumq; quorumvis fidelium ad finem usque mundi delenda sufficeret. 2. *Tam efficax*, ut sine mora temporis, in instanti per verba Sacerdotis certò & infallibiliter in ritè dispositis peccata omnia tollerentur. 3. *Tam facile*, ut nō uni, sed cuivis Sacerdoti eam potestatem communicaverit, neque à nobis requiratur nisi humilem cum debito dolore commissorum confessionem. 4. *Fructum* hujus Sacramenti esse non solum remissionem culparum, sed etiam poenæ æternæ, ac sæpe temporalis, in per incrementum gratiæ habituales & actualis, progressum in virtute, & animæ quietem ac pacem.

Anno 34.  
O& Pâschæ  
Jerosol.

# DOMINICA IN ALBIS. P. II.

*Christus sanat incredulitatem Thomæ. Ioan. 20.*

**P**unct. I. *Thomæ unus ex duodecim non erat cum eis quando venit Iesus. Confid. 1.* Thomam non fruitum fuisse jucundum in conspectu Christi cum ceteris Apostolis, ipso die resurrectionis, eo quod se ab eorum consortio separasset: unde dilce quam noxiu sit se à bonis separare. 2. Ubi ab aliis relatum illi est se Christum vidisse, reposuit ille: *Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam.* Quibus verbis peccavit graviter incredulitate, pertinacia, & superbia. Hinc collige humanam fragilitatem, & quam quisque cautè ac circumspectè incedere debeat, ne & sic labatur. 3. Vide num major sit incredulitas tua, dum post plura Christi & Ecclesiæ testimonia non credis practicè bona cælestia digniora esse terrenis, virtutes scientiis, & gratiam Dei gratia hominum: unde erubescere dum hæc illis anteponis.

Punct. II. *Post dies 8. præsentem cum ceteris Thomam, iterum venit Iesus januis clausis, & stetit in medio, & dixit: Pax vobis.* Ubi Confid. 1. Christum se iterum ostendisse discipulis in gratiam Thomæ, ut errantem reduceret, & quidè januis clausis, ut etiam illum doceret se fuisse privilegio corporis gloriosi, eodemque se de sepulchro surrexisse: in quo attende Christi benignitatem, eamque imitare erga eos qui te ostenderunt. 2. Non tantum adit eum Christus, sed & prior alloquitur, jubetque se tangere, ut illi & nobis certiora relinquat argumenta suæ resurrectionis, unde Gregorius: *Plus nobis Thomæ infidelitas ad fidem, quam fides credentium discipulorum profuit, quia dum ille per fidem palpando reducit, nostra mens omni dubitatione posposita, in fide solidatur.* 3. Collige vulnus lateris Christi amplum fuisse, in quod ille jubetur manum inferere, ut per omnia Christus votis ejus obsecundet. 4. Subjicit illi Christus: *Et noli esse incredulus, sed fidelis.* Quæ verba sunt suavis & paternæ monitionis, qualia etiam intus sæpè ad cor nostrum loquitur.

Punct. III. *Respondit Thomæ, & dixit ei: Dominus meus, & Deus meus.* Ubi Confid. 1. Thomam tam manifestis & validis argumentis convictum, intus de peccato suo poenitentem ex magno affectu fidei, spei, & caritatis inelamasse: *Dominus meus*, qui me morte tua redemisti, iterumque perditum, & singulari amore quæsitum invenisti. *Et Deus meus* fons omnis boni, qui me creasti & conservas, te veneror, & super omnia diligo. Idem & tu pari affectu cum Thomæ repete, vel cum S. Francisco: *Deus meus & omnia.* 2. Laudat hic quidem Christus Thomam à fide, quia vidisti me Thomæ, credidisti, at beatos appellat eos qui evidentia illa non adjuti, tamen crediderunt: id quod nobis debet esse solatio, nam ut recte Gregorius: *Ibi fides majus habet meritum, ubi humano ratio non præbet experimentum. Ille autem vere credit, qui exercet operando quod credit.*

DOMI-



## DOMINICA II. POST PASCHA.

Anno 33.  
Octobrii in  
Judæa.*Christus ostendit sibi competere proprietates boni Pastoris. Ioan. 10.*

**P**unct. I. *Ego sum Pastor bonus.* Conf. 1. Christum non dedignari nomen pastoris ovium, quod munus olim per plerosque Patriarchas typos suos expresserat, quo suavius nos ad se attraheret, ideoque sicut pastores suos expresserat, quo suavius nos ad se attraheret, ideoque sicut pastores solent ovium suarum exuvias quandoque assumere, ita & ipsi naturam nostram, qua magis nobis assimilaretur, assumpsisse, de quo amore gratias ei age. 2. Ostendit duas præcipuas proprietates pastoris boni sibi competere, quæ sunt avertere ab ovibus noxia, etiam cum incommodo suo, imò & vitæ jactura, ac providere iis de alimento ceterisque necessariis. Priorem hîc exposuit, dicens: *Bonus Pastor animam suam dat pro ovibus suis.* Ubi Confid. Christum ut nos velut oves suas à morte æterna liberaret, & contra infernalem lupum diabolum defenderet, non solum acerbissima subiisse, sed & vitam suam pretiosissimam, morti minimè obnoxiam objecisse: pondera hunc tantum Christi amorem, & quid tuum sit pro eo reponere, expende. 3. Distinguit Pastorem bonum à mercenario, qui propriis tantum intentus commodis, non verò salutem ovium, videt lupum venientem, & dimittit oves, & fugit, & lupus rapit, & dispergit oves. Ubi Confid. tales mercenarios esse qui circa fidelium animas curæ suæ commissas spectant tantum privatum honorem, gloriam, & commoda, atque occurrente aliqua difficultate, se subducunt, quibus meritò minatur Deus: *Vae pastoribus Israël, qui pascunt semetipsos.*

Ezech. 34.  
30.

Punct. II. *Et cognosco oves meas.* Conf. 1. Hanc alteram proprietatem boni Pastoris etiam Christo competere, dum oves suas cognoscit notitia non simplici aut merè speculativa, qua cognoscit creata omnia, sed approbationis & practica, eas amando, curando, ac liberaliter providendo de bonis pascuis, ceterisque necessariis. 2. Vocat meritò oves suas, quia ejus sunt creatione, redemptione, singulari amore & cura. 3. *Et cognoscunt me me.* notitia etiam practica, oculis fidei spei, & caritatis, eum sequentes, ac diligentes, sicut ab ejus amore divelli nequeant. 4. Confid. Quemlibet etiam esse pastorem respectu suarum facultatum animæ, & sensuum corporis, quos ipse velut oves pastor regere tenetur.

Punct. III. *Et alius oves habet quæ non sunt ex hoc ovili.* Confid. 1. Per has oves designari infideles, qui non erant de ovili Judæorū, sed postea per Apostolos eorumque successores inducti sunt in ovile Christi: ubi gratias age de tua vocatione, non tantum ad ovile Ecclesiæ, sed etiam singulare religionis, & expende quomodo te vocaverit, expectaverit, errantem adduxerit, defendat & foveat. 2. *Et fiet unum ovile,* nempe Ecclesia Catholica, in qua oporteat omnes esse una fide & caritate conjunctos. *Et unus Pastor,* scilicet noster Christus, qui pascit in omnibus superioribus, quibus proinde ut Christo obedientia exhibenda est; nam qui vos, inquit, audit me audit, qui vos spernit, me spernit.

Luc. 10. 16.

## DOMINICA III. POST PASCHA.

Anno 24.  
Mart. 4 in  
cenaculo.

*Christus in sermone ultimo post cenam Apostolos tristes de suo discessu solatur breuitate absentiae suae, & gaudij perpetuitate. Ioan. 16.*

**Punct. I.** *Modicum, & jam non videbitis me.* Conf. 1. Christum conscium mortis sibi imminentis, ac futurae mox resurrectionis, praeconare hic & consolari Apostolos suos breuitate absentiae suae humanae per mortem, post quam, inquit, iterum modicum 40. dierum post meam resurrectionem, & videbitis me redivivum ac gloriosum horis singulis absentiae meae, liberaliter totidem diebus praesentiae compenlatis. 2. Conf. Etiam modicum hoc prius juxta S. Augustinū rectè intelligi de 40. illis diebus post Christi resurrectionem, post quos ipsum non amplius in hac vita essent visuri: sed iterum modicum fore tempus vitae huius mortalis, post quod eum essent conspecturi in caelesti gloria; qua verborum ambiguitate Christus studio acuere voluit eorum desideria ad sensum exquirendum. 3. Rationem addit brevis temporis, quo hic in terra post resurrectionem cum illis esset mansurus; quia, inquit, vado ad Patrem, in gloriam caelestem, ad bonum vestrum, inde enim experiemini quis, qualis, & quantus sim, & quàm benè vobis velim.

*Etiam de Communi Martyrum VIII.*

**Punct. II.** *Plorabitis & flebitis vos.* Conf. 1. Praemoneri eos de luctu ac tristitia, quam percepturi essent tum ex Passione & morte Christi imminente, tum ex persecutionibus & tribulationibus reliquo vitae tempore subeundis. 2. *Mundus autem gaudebit,* nempe Iudaei in morte Christi, ac deinde gentiles & peccatores in mundi vanitatibus ac piorum persecutione. Ubi discite sortem piorum esse affligi in hac vita adversis, impiorum vero exultare in prosperis: contra autem pios gavisuros in morte & aeternitate, atque impios ibi affligendos. Nam 3. *Tristitia vestra vertetur in gaudium.* Quod erit solidum & amplum, exsuperans longè omnia gaudia terrena, idque primum cum me videbitis à morte redivivum, sed potissimum cum postea me videbitis in caelesti gloria, gaudio exultabundi.

**Punct. III.** *Mulier cum parit tristitiam habet, quia venit hora ejus.* Conf. 1. Christum dolorem Apostolorum hic comparare cum doloribus mulieris parturientis, qui licet acerbi sint, & periculosi, tamen breves sunt, & cito gaudio deterguntur. 2. Si gaudent matres post enixum in tantum aliquando moriturum, quem sperant sibi fore in vivis auxilio & solatio, ac in morte successorem: quanto potiori ratione gaudendum est Apostolis & iustis de Christo per resurrectionem quasi nativitatem redivivo, nec amplius morituro, semper intento ad auxilium nostrum, defensionem, & gloriae palmam conferendam. 3. Gaudium illud, non sicut in hac vita, adversis aut à malevolis hominibus impediendum, sed nemo tollet à vobis.

DOMI-



## DOMINICA IV. POST PASCHA.

Anno 34.  
Marc. 24. in  
cenaculo.

*Christus in sermone ultimo post cenam Apostolos tristes de suo discessu  
solatur promisso adventu Spiritus sancti. Ioan. 16.*

**Punct. I.** *Vado ad eum qui misit me, & nemo ex vobis interrogat me: Quo vadis?* Con-  
sid. 1. Christum hinc monere Apostolos suas de minori cura fructus spi-  
ritualis nascituri ex morte sua, & ascensu in caelos ad Patrem, unde fie-  
bat ut nemo peteret quod, qua & quorsum Christus abiret: tu teipsum  
subinde interroga: *Quo vadis?* examinando actiones tuas num ad Deum  
tendant. 2. Arguere eos de majori cura & affectu humani solatij ex cor-  
porali sua praesentia, cujus absentiam inordinatè dolebant: tu disce non  
dolere nisi de damno spirituali; nam sicut Christus hinc illis dicit: *Expedi-  
t vobis ut ego vadam;* ita etiam sapè ad salutem nostram expedit, humana so-  
latia subtrahi, & tribulatione vexari. 3. *Si enim non abiero, paracletus non veniet  
ad vos, si autem abiero mittam eum ad vos,* qui replebit vos omni abundantia gra-  
tiarum, & faciet ex discipulis Magistros atque orbis Doctores: hinc disce  
divina solatia non prius communicanda, quàm te humanis abdicaveris.

**Punct. II.** *Cum venerit ille, arguet mundum de peccato, & de iustitia, & de iudicio.*  
Docet Christus mundanos homines tam gentiles, quàm Judæos incre-  
dulos solide à Spiritu sancto, convincendos trium potissimum errorum,  
ac 1. de peccato, tam originali quàm actuali, sed nominatim incredulitatis,  
quo tamen nolunt nunc agnoscere se infectos. Tu peccata tua humiliter  
& dolenter agnosce. 2. De iustitia, quàm merè legalem in observantia cæ-  
remoniarum non sufficere Judæis Spiritus sanctus ostendet, neque gen-  
tilibus moralem; sed veram & ad salutem necessariam consistere in fide  
& cultu Christi jam in caelos abiituri, ejusque doctrinæ observantia: tu at-  
tende quomodo te huic impendas. 3. Et de iudicio. Cum ostendet judi-  
cium mundi de Christo ejusque doctrina esse falsum, verum autem ju-  
diciū à Christo instituendum, quo omnes suos adversarios exacta sin-  
gule eorum accurata ratione, condemnabit: tu contemne vanum mundi  
judiciū, & justum Dei reverere.

**Punct. III.** *Adhuc multa habeo vobis dicere, sed non potestis portare modo.* Conf. 1.  
Christum non dedisse Apostolis à principio omnem cognitionem my-  
steriorum fidei, sed postea per Spiritum sanctum, neque tunc etiam om-  
nem simul, sed sensim & successive, nam *justorum semita quasi lux splendens pro-  
cedit & crescit,* ut discas dona etiam cælestia non impatienter appetere,  
sed cum desiderio & spe patienter expectare. 2. *Cum venerit ille Spiritus  
veritatis, docebit vos omnem veritatem,* ad Ecclesiæ regimen necessariam; ubi  
attende diabolū spiritum falsitatis & patrem mendacij rōn docere ni-  
si falsitatem & errores: quare ausculta Spiritum veritatis, qui non fal-  
let.

Prov. 4. 18.

## DOMINICA V. POST PASCHA.

Anno 34.  
Matt. 24. in  
cenaculo.

*Christus in sermone ultimo post cœnam Apostolos tristes de suo discessu  
solatur dono ac fructu orationis. Ioan. 16.*

**P**unct. I. *Siquid petieritis Patrem in nomine meo, dabit vobis.* Confid. 1. Christū à suis proximè avellendum relinquere eis clavem thesauri cœlestis, nempe orationem, cuius fructum iis spondet amplissimum, sic ut quæcumque voluerint, per eam possint obtinere. 2. Cum generatim id Christus spondeat, esse ita intelligendum, modo nobis salutare sit, Deoque honorificum; nam quæ noxia sunt ad salutem, ut sæpè sunt bona terrena ac temporalia, hîc minimè comprehenduntur. 3. Cum significat rogandum Patrem cœlestem, nobis intimè præsentem, simul insinuat modum quo rogandus est, nempe qui filios talis potissimum Patris decet, humiliter, amanter, & confidenter. 4. Ut hanc fiduciam iis adaugeat & firmet, docet rogandū in nomine suo, per sua nempe merita totius vitæ & acerbissimæ passionis. 5. Significat se iis in locū suū substituere cœlestem Patrē, non minùs in eos futurū benignū & liberalem, quā ipse fuerit, idcirco; inculcat: *Petite*, modo salutaria sint, ac prout decet, & certò *accipietis* tempore opportuno, idque; *ut gaudiū vestrum sit plenū*, quò terrena bona cōferre nihil possunt.

Punct. II. *Hec in proverbis locutus sum vobis.* Confid. 1. Christum hic significare parum capī ab illis tam ampla dona ac liberalia promissa, idque propter tenebras diffidentiae, tristitiæ, & timoris; quas tamen brevi dissipandas addit, per suam nempe resurrectionem, ac Spiritum sanctum in eos descensurum, quem & tu roga discussis tenebris mentis claritatem. 2. Subdit non opus fore sua in terris præsentia ad rogandum Patrem, sed ideos docendos a Spiritu sancto, *ipse enim Pater amat vos, quia vos me amastis.* Neque solum ipse amantes me redamat, sed ad amorem prævenit, & excitat, præsertim in me confidentes. Hinc discite cum Ecclesia orationes tuas potissimum per Christi merita concludere. 3. Licet Pater cœlestis amet nos, vult tamen rogari dona sua, quia id postulat tum Maiestatis ejus eminentia & conditio vilitatis nostræ, quam decet nos agnoscere, tum rei quæ petitur dignitas, nempe cœlestis gratia & gloria, quam pretio orationis vult emi, tum denique præstantia & fructus orationis, in qua fides, spes, caritas, ceteræque virtutes exercentur.

Punct. III. *Exivi à Patre & veni in mundum: Iterum relinquo mundum & vado ad Patrem.* Confid. 1. Christum licet vilibili humanitate mundum reliquerit, manere tamen nobiscum invisibiliter in Eucharistia, & in justis per gratiam: tu eum roga ne te umquam relinquat, quod fiet, si tu etiam cū illo mundum relinquas terreno affectu, dicens cum Apostolo: *Nam autē conversatio in cœlis est.* 2. Præmonet illos de tribulationibus secuturis: *In mūdo pressuram habebitis, sed confidite, ego vici mundum,* idque per solidam humilitatem, paupertatem, patientiam, & obedientiam, dans vobis normam similiter vincendi.

F E.

Phil. 3. 20.



## FERIIS ROGATIONVM.

*Christus docet perseverandum esse in oratione. Luc. 11.*Annq 33.  
Novemb.  
in Judæa.

**P**unct. I. Conf. 1. Christum ut inculcet nobis perseverantiam in oratione, uti similitudine alicujus, qui media nocte indigens panibus, interpellat amicum, quem licet difficilem inveniat ob temporis importunitatem, tamen *si ille perseveraverit pulsans, propter improbitatem, seu importunitatem ejus surget, & dabit illi quotquot habet necessarios*: quo significat Christus urgeri se velle oratione nostra, & delectari importunitate, qui excubat temper ad preces nostras exaudiendas. 2. Conf. mediam noctem significare etiam tempus tribulationis, quo maximè ad Deum confugiendum est. 3. Venit ille ad amicum pressus penuria panis corporalis, nos ad Patrem pro pane spiritali animæ quo maximè indigemus, non ut commodet, sed ut det, qui *dat omnibus affluenter, & non improperat*. 4. Etiam tres panes ab eo petere nos oportet, bona animi, corporis, & gloriæ cælestis. Iac. 1.

Punct. II. *Petite & dabitur vobis, querite & invenietis, pulsate & aperietur vobis*. Confid. 1. Insinuari simul hic modum in oratione servandum, petendum nempe cum humilitate & fiducia quærendum cum attentione & devotione, pulsandum cum constantia & perseverantia, qui modus si servetur, *dabitur vobis id quod salutare fuerit, tempore magis opportuno*. Sic Elias 3. Reg. 18. rogavit Deum pluviam sexies, nec obtinuit nisi septima vice imbrem copiosum. *Multum valet deprecatio justi assidua*. 2. Confid. Perutilem nobis esse Iac. 5. sæpè dilationem rei petitiæ; nam perseveranti Deus addit gratiam, quæ sæpè excedit rem petitam, hæc deinde obtenta dulcius mentem afficit, & pluris æstimatur; unde S. Augustinus: *Deus quod dare vult, differt, ut amplius desideres dilatum, ne vilescat cito datum*.

Punct. III. *Quis ex vobis Patrem precatur panem, numquid lapidem dabit illi? aut piscem: numquid pro pisce serpentem?* Conf. 1. Sicut pater terrenus non negat filiis petentibus alimenta corporalia, nedum in horum vicem, dabit inania aut noxia: ita nec Patrem cælestem multò amantiorum nostri, ac liberaliorem denegaturum nobis petentibus alimenta spiritalia. 2. Conf. Bona terrena, quia sæpè inania & noxia, meritò nobis à Deo negari; nam velut lapides non alunt animum, sed premunt & exedunt, ac velut serpentes & scorpiones venenum infundunt: quare dum hæc negat, salutis nostræ consulit; unde S. August. *Non exaudiris ad voluntatem, ut exaudiaris ad utilitatem*. 3. Deum dare nobis plus quam petamus, dum dat nobis *spiritum bonum*, seu sanctum, fontem omnis boni & doni creati. 4. Ad supplendum defectum nostrum in oratione, monet nos Ecclesia adhibenda etiam patrocina Sanctorum, idque per Litanias hodie institutas, tum pro conservatione frugum, tum pro aliis necessitatibus, tam publicis, peste, fame, & bello, quam privatis, & cuique propriis, quas hic expende, iisque remedium implora.

88  
Anno 54.  
Mart. 24. in  
cœnaculo.

## 88 IN VIGILIA ASCENSIONIS DOMINI.

*Christus in sermone ultimo post cœnam orat Patrem pro nominis sui*

*diffusione, & Apostolorum conservatione. Ioan. 17.*

**P**unct. I. Iesus subleuatis oculis in cœlū, dixit: *ater, venit hora, clarifica Filium tuum, ut Filius tuus clarificet te.* Conf. 1. Christum instante vitæ suæ fine, rogare hîc Patrem cœlestem nominis sui notitiam & cultum, id quod copiosè factum est per miracula in ejus morte, per resurrectionem, ascensionem in cœlos, ac missionem Spiritus sancti, neq; in hoc aliud ipsum spectasse, quàm ut gloria sua in Patrem redundaret: unde discere tu etiam ad illam gloriam tuam & actiones referre. 2. Rogat Christus hîc etiam gentium conversionem, ut *sicut, inquit, dedisti mihi Filio tuo potestatem omnis carnis, siue in omnes homines dominium; ita & ipse det eis vitam æternam: de quo studio benevolentia Christo gratias age.* 3. Viam eo perveniendi ostendit, dicens: *Hæc est autem vita æterna, siue unica ad eam via, ut cognoscant te solum Deum verum, unum & trinum, non verò idola, mundum, aut carnem, & quem misisti Iesum Christum, mundi Salvatorem.*

**Punct. II.** *Ego te clarificavi super terram.* Conf. 1. Christum illustrasse gloriam Patris cœlestis non tantum doctrina sua, & miraculis, sed potissimum humilitatis, mansuetudinis, ceterarumque virtutum exemplis, quæ nobis sequenda reliquit. 2. *Opus consummavi, quod dedisti mihi, ut faciam, hinc tu discere constantiam in tua vocatione, & perseverantiam usque ad finem, etiam difficultate quacumque, occurrente.* 3. *Et nunc clarifica me tu Pater apud te ipsum, ut nempe gloria mea, quàm ab æterno tecum communem habui, etiam in hanc carnem meam, pro te abjectam & depressam, in posterum diffundatur: ubi observa te etiam Christum glorificare, actibus fidei, spei & caritatis, cultusque ejus apud alios promotione, ac per adversa & ignominiam crucis ad gloriam aditum parari.*

**Punct. III.** *Manifestavi nomen tuum hominibus quos dedisti mihi.* Conf. 1. Christū manifestasse nomen Patris cœlestis declarando potissimum Apostolis suis non naturam tantum ejus, sed & infinitas perfectiones, potentiam, sapientiam, bonitatem, justitiam, & providentiam; id & trinitate circa commissos curæ tuæ. 2. *Tui erāt, per vocationem, & mihi eas dedisti instruendos & curandos, ac salutaribus consiliis & auxiliis utentes; sermonem tuum servaverunt: quod & nobis incumbit pro viribus imitari.* 3. Singulariter orat pro iisdem Apostolis, dicens: *Ego pro eis rogo: ut eos conserves in fide, gratia, & mutua caritate, non pro mundo rogo, pro mundanis hominibus incredulis & peccatoribus, quibus hæc singularia dona nunc non peto, significans non semper omnia pro omnibus esse petenda.* 4. *Et mea omnia tua sunt, & tua mea sunt.* Abiturus commendat Patri Apostolos ab ipso electos, & curæ suæ commissos: tu etiam tua omnia, tibi que committis Deo cōmenda, & cave ne quid ad cōmendam ut gloriam propriam reserves.

FESTO



## FESTO ASCENSIONIS DOMINI. P. I.

Anno 34.  
Maij 5. in  
cœnaculo.*Christus apparens postremò Apostolis in cœnaculo, eos instituit,  
& miracula promittit. Act. 1. Marc. 16.*

**Punct. I.** Conf. 1. Christum post resurrectionem suam mansisse hîc in terris per dies 40. apparentem sæpius Apostolis in multis argumentis, colloquendo, convescendo, atque etiam miracula patrando, tum ad firmandam fidem resurrectionis suæ, tum ad pleniorum eorum instructionem pro regimine Ecclesiæ. 2. Conf. Ipsum die 40<sup>mo</sup> recumbentibus Apostolis postremò apparuisse, exhilarantem omnes ex improvîso sua præsentia, iterumque sermone instituto de regno suo, seu Ecclesia per egs toto orbe extendenda renovare promissum de missione Spiritus sancti, ne velut inermes in campum prodirent. 3. Noluisset tamen Christum hæc dona dare torpentibus, sed ut ad ea accipienda se ritè disponerent per ferventem & constantem orationem.

**Punct. II.** Conf. 1. Apostolos sinistre intelligentes, & interrogantes de regno restituendo Israël, redargutos à Christo: *Non est vestrum nosse tempora vel momenta que pater posuit in sua potestate*, quo repressit vanam eorum curiositatem, simulque monuit nos ac nostra committenda paternæ Dei providentiæ. 2. *Exprobravit incredulitatem eorum, & duritiam cordis*, seu tarditatem in credendo, nominatim sua resurrectione, quem aculeum illis maxime salutarem infixum voluit. 3. Voluit eos tanquam oculatos & auritos testes annunciare omnibus ea quæ ipsi certò cognoverant, *eritis mihi testes*, inquit, *in Ierusalem, & usque ad ultimum terræ*, de sua nempe in omnes benevolentia, innocentia, mansuetudine, humilitate, & patientia, qua conarentur omnes ad ipsum adducere.

**Punct. III.** *Euntes in mundum universum prædicate Evangelium omni creatura.* Conf. 1. Christum hîc impertire auctoritatem Apostolis ubique docendi omnem creaturam rationalem, sine ulla exceptione personarum, ac voluisse zelum eorum ad omnes extendi. 2. Jubet eos, ad quos ituri essent, allici pæmio salutis æternæ: *qui crediderit, & baptizatus fuerit, salvus erit*, ac terreri supplicio: *qui verò non crediderit, condemnabitur*: tu etiam hanc spem & metum tibi propone. 3. Promittit miracula tanquam sigilla divina, non illis tantum ad conciliandam auctoritatem, sed & aliis credituris, quæ licet nascente Ecclesia, prout tunc conveniebat frequentia acciderint, etiamnum tamen quotidie per viros pios spiritualiter patrantur; nam *dæmonia ejiciunt*, qui peccata per quæ diabolus in ipsorum, aliorumq; animis dominabatur ejiciunt; *linguis loquuntur novis*, cum non vana amplius & noxia, sed pia & salutaria proferunt; *serpentes tollunt*, cū prava vitia & affectus domant; *si mortiferum quid biberint, non eis nocebit*, cum tentationes prævæ concupiscentiæ sentiunt, nec tamen consentiunt; *super ægros manus imponunt, & bene habebunt*, cū juvant infirmos spiritu.

Anno 34.  
Maij 9. in  
monte Oli-  
veti.

## FESTO ASCENSIONIS DOMINI. II.

*Christus coram Apostolis alijsq; in cælum ascendit. Act. 1. Mar. 16. Luc. 24.*

**Punct. I.** Conf. 1. Christum post colloquium ultimum habitum in cœnacu-  
culo cum Apostolis, duxisse eos foras in Bethaniam, valedicturum ibi  
Mariæ Magdalenz, Marthæ, ac Lazaro hospitibus suis, quibus hanc ulti-  
mam gratiam etiam præstare voluit, quos & adduxit in montem Olive-  
ti, omnibusque ibi simul congregatis, ferè ad 120. amplexum ultimum  
ac suavissimum: dedit attende quò affectu, nominatim Deiparæ Matri  
suz, ac quænam omnium fuerint interrogata & postulata. 2. *Et elevatis ma-  
nibus benedixit eis*, apprecatus eis opem Patris cœlestis, quo proficerent, a-  
liosque promoverent in virtute; formans signum sanctæ Crucis, quem be-  
nedicendi modum Apostoli deinde secuti etiam ad nos transmiserunt.  
Ora Christum ut & tibi benedicat, ac sacerdotalem benedictionem vel-  
ut a Christo reverenter accipe. 3. *Et factum est, dum benediceret illis, recessit ab  
eis, & ferebatur in cælum*, virtute propria, per dotem agilitatis, via ignota per  
aërem, iter longum, brevissimo tamen spatio confecturus, unde merito  
orat Ecclesia: *Per admirabilem ascensionem tuam.*

**Punct. II.** Confid. 1. Christum ascendente, tẽm in cælum stipatum fuisse  
millibus Angelorum, velut curru triumphali: *Currius Dei decem millibus multi-  
plex, millia lætantium & plaudentium: Cantate Domino canticum novum, Psallite Re-  
gi nostro, psallite.* Atque ita ascendit Deus in jubilatione, & Dominus in voce tubæ.  
Neque Angelorum tantum pompa aderat, sed & millium animarum san-  
ctarum, quas limbi ac purgatorii carcere prius detentas, captivam duxit ca-  
ptivitatem donans eas gloriosa libertate. 2. Conf. Christum transgressum in  
cælo omnes Angelorum ordines, à cœlesti Patre solennissime exceptum,  
in primo solio con- sedit: *Dixit Dominus Domino meo: S. de à dextris meis, ius-  
sorique omnes eum adorare, ut in nomine ejus omne genuf. clatur, acclaman-  
tium: Dignus est Agnus, qui occisus est, accipere virtutem, & divinitatem, & sapien-  
tiam, & fortitudinem, & honorem, & gloriam, & benedicti nem.*

**Punct. III.** Confid. 1. Cũ hærent interrim Apostoli cum alijs adhuc  
intenti oculis in cælum, apparuisse eis duos Angelos de cœlo: Ecce duo  
viri adstiterunt juxta illos in vestibus albis, qui & dixerunt: *Viri Galilæi, quid statis  
aspicientes in cælum? monentur frustra oculis corporis quæri jam sublatum  
in cælos, sed oculis mentis, in quiete, contemplandum.* 2. Solantur  
eos non semper frustrandos corporali ejus conspectu: *Hic Iesus, qui assump-  
tus est à vobis in cælum, sit veniet quemadmodum vidistis eum euntem in cælum. Ve-  
niet in hora mortis cujusque, exacturus rationem de donis acceptis, ac  
d. in de in extremo die, excepturus vos simili gloria, post labores prædi-  
cationum, & tribulationes hujus vitæ constanter toleratis, quibus sic  
finem imponet.*

FESTO



# FESTO ASCENSIONIS DOMINI. III.

91

*Expectatio Spiritus sancti, & post eum Apostolorum profectio.*

*Act. 1. Marc. 16. Luc. 24.*

Anno 34.  
Maij 5.  
Jerolol.

**Punct. I.** Confid. 1. Apostolos cum ceteris fidelibus post Christi in cælum ascensum regressos in Jerusalem *cum gaudio magno*, tum ob firmatam fidem ex glorioso spectaculo Magistri sui in cælum ascendentis, tum ob spem roboratam de Spiritu S. recipiendo, & simili gloria consequenda, post labores prædicationum, tum ob amorem de gloria Christi, quasi de propria. 2. Jerosolymam reversi ibi, *omnes erant perseverantes unanimiter in oratione*, huic uni vacantes, omittis tantisper aliis occupationibus, ut sic aptiores se redderent, tum ad uberiores gratiam Spiritus S. obtinendam, tum ad vacandum deinde salutem animarum majori cum fructu: quò plurimum conferebat, quod in oratione essent *perseverantes*, nam *multum valet deprecatio iusti assidua*, & quod *unanimis*: *Si duo ex vobis consenserint super terram, de omni re, quamcumque petierint, fiet illis à Patre meo*, denique quod simul oraret *Mater Iesu*, quam plurimum interest habere secum, & pro se orantem. 3. In sua oratione ardentibus desideriis postulabant adventum Spiritus sancti, ut per eum, tum à vitiis omnibus purgarentur: *Cor mundum crea in me Deus*; tum ut actiones suas omnes recte ad Dei gloriam instituerent: & *spiritum rectum innova in visceribus meis*; deinde ut gratiam culpa primorum parentum perditam possent recuperare: *Redde mihi letitiam salutaris tui*, de salute æterna per Salvatorem restituenda; tum ut acceptam possent constanter servare: & *spiritu principali*, eximio & Apostolico, qui Principem decet, *confirma me*. *Emitte spiritum tuum operantem in nobis*. & sicut ad ejus operationem in terra nascuntur & homines, & bestię, & fructus terræ: ita, & operatione ejus innovetur anima nostra fructibus virtutum.

*1ac. 5. 16.  
Matt 6. 19.*

*Psal. 50. 12.*

*Psal. 103. 30*

**Funct. II.** Confid. 1. Apostolos accepto Spiritu S. ac composito deinde unanimiter symbolo Apostolico, zelum suum quaquaversum extendisse; nam *perfecti prædicaverunt ubique, Domino cooperante & sermonem confirmante sequentibus signis*. Ubi attende labores, molestias, persecutiones & pericula quæ Apostoli subierunt in Evangelio prædicando, & quæ proinde sectatoribus eorum etiam subeunda sunt, si ad similem cum illis palmam adspicerent, & optent cum Christo etiam ascendere. 2. Hæc tamen omnia non profutura nisi *Domino cooperante*; sine quo vanus est omnis conatus & labor noster: *Nisi Dominus edificaverit domum, in vanum laboraverunt, qui edificant eam*. & Apostolus: *Necque qui plantat est aliquid, neque qui rigat, cum exterius tantum operetur, adeoque parum confert, respectu ejus qui interiora solus attingit, & incrementum dat Deus*, cui proinde laus omnis & gloria tribuenda. 3. Tamen gloriosum nobis esse, cooperari Deo, ejusque, ut gloriatur Paulus, esse adiutorem.

*Psal. 126. 1.*

*1. Cor. 3. 7.*

*1. Cor. 3. 9.*

## DOMINICA INFRA ASCENSIONEM DOMINI.

*Christus prædicit Apostolis suis aduersa & persecutiones. Ioan. 15. & 16.*

**Punct. I.** Cum venerit Paraclitus, quem ego mittam vobis à Patre, Spiritum veritatis, qui à Patre procedit, ille testimonium perhibebit de me. Conf. 1. Spiritum S. hic à Christo appellari Paraclitum, id est, consolatorem, adhortatorem, & advocatum seu patronum; ille enim in omni afflictione dat vera ac solida solatia, quæ mundus nec alius quisquam dare potest, adhortatur ac robur animo addit ad sustinenda fortiter aduersa, & spernendas noxias mundi voluptates, denique advocatum seu patronum pro nobis agit apud Patrem, nosque ad illum excitat. 2. Ut quis testimonium de altero perhibeat, necesse esse ut cognitam sibi habeat rei veritatem, sic ut falli non possit, valeat probitate, qua nolit fallere, & auctoritate, qua talis passim habeatur: quæ cum Spiritui sancto plane convenient, unde & Spiritus veritatis merito dicitur, rectissimum ab illo testimonium de Christo perhiberi posse.

**Punct. II.** Et vos testimonium perhibebitis. Conf. 1. Apostolos etiam testimonium de Christo perhibuisse sua prædicatione, exemplis virtutum, atque etiam sanguinis & vitæ effusione, unde & mortui pro fide *Martyres*, id est, testes, in Ecclesia dicti sunt: ubi attende Christum nos honore afficere, cum à nobis testimonium de se admittit, quod proinde minime erubescendum aut formidandum est. *Non possumus quæ vidimus, & audimus non loqui*, dicebant Apostoli. 2. Sic vive, ut dignus inveniaris, qui de Christo testimonium perhibeas, ne & tibi dicatur: *Quare tu enarras iustitias meas, & assumis testamentum meum, seu promissa, per os tuum? Tu verò odisti disciplinam, & projecisti sermones meos retrorsum.*

**Punct. III.** Haec locutus sum vobis, ut non scandalizemini. Confid. 1. Christum hic prædicere suis tribulationes & persecutiones, ut ne postea imparati animis cadant, nam ut ait S. Gregorius: *Iacula minus feriunt, quæ prævidentur & nos tolerabilius mundi mala suscipimus, si contra hæc per præscientiæ clypeum munimur.* 2. *Absque Synagogis facient vos*, præcident & ejicient vos à cætibz suis tanquam impios & scelestos, sed ego vos colligam, expellent sedibus, sed non cælestibus, spoliabunt bonis, sed non æternis. 3. Neque hoc tantum, sed venit hora, ut omnis qui interficit vos, arbitretur obsequium se præstare Deo; opinione furduta in ignorantia crassa & affectata, quæ eos minime excusabit. 4. Causam addit: *Et hæc facient vobis, quia non noverunt Patrem, neque me*, non noverunt autem, quia cognoscere noluerunt, averte oculos suos ne viderent veritatem. Vobis interim solatio erit, vos pati pro Patre & me, quem utrumque cognoscitis & colitis: nam si solatio sit, & gloriæ pati pro Rege aut patria, longè excellentius est pati pro Deo ac patria cælesti.



# VIGILIA PENTECOSTES.

93

Anno 34.  
Mart. 24. in  
coenaculo.

*Christus promittit Apostolis Spiritum sanctum, & inculcat eis  
dilectionem efficacem. Ioan. 14.*

**P**unct. I. Si diligitis me, mandata mea servate. Confid. 1. Christum hinc commendare suis dilectionem non otiosam aut vanam, in nudis affectibus aut verbis sitam, sed qualem ipse erga nos habebat, beneficam, & opere efficacem, ac proinde ut eam ostenderent in observantia mandatorum, nam ut S. Gregorius ait: *Probatio dilectionis exhibitio est operis, numquam amor Dei est otiosus, operatur enim magna, si est, si verò operari renuit, amor non est.* 2. Addit primum dilectionis: *Ego rogabo Patrem & alium paraclitum dabit vobis*, significans se etiam fuisse eis paraclitum, consolatorem, adhortatorem, & advocatum, sed Spiritum sanctum, plura per eos ac ampliora operaturum, neque ab eis recessurum, nisi ipsi ab eo per peccatum recesserint; *ut maneat vobiscum in aeternum*: quo promittit eis ceterisque fidelibus constantem assistentiam & protectionem Spiritus sancti in tribulationibus hujus vitæ.

Punct. II. Quia ego vivo, & vos vivetis. Confid. 1. Christum significare hinc se à morte citò fore redivivum, atque inde ipsos novo gaudio, & spe similis vitæ, novam vitam spiritualem, ac deinde æternam in cælis assumpturos. 2. *In illo die*, nempe Pentecostes, sed perfectissime post hanc vitam, cognoscetis quia ego sum in Patre meo, & vos in me, & ego in vobis. Significat cognoscendum ab eis mysterium SS. Trinitatis per unitatem divinæ essentiae, & sanctificationis, per quod vos in me estis, ut palmites in vite, per dependentiam, & susceptionem doctrinæ & gratiæ, & ego in vobis, ut vitis in palmitibus, influens in vos vitam doctrinæ & gratiæ. 3. Sunt etiam Apostoli, & iusti omnes in Christo, velut in domo refugij, & turri minutissima. *Esto mihi in Deum protectorem, & in domum refugij*: Christus verò in illis per dilectionem & præsentiam Eucharisticam. Psal. 90. 3.

Punct. III. Qui habet mandata mea, & servat ea, ille est, qui diligit me. Confid. 1. Christum hinc iterum & sæpius inculcare illis ultima sua monita de dilectione efficaci per observantiam mandatorum suorum, de qua explicatius S. Augustinus: *Qui habet in memoria, & servat in vita, qui habet in sermone, & servat in opere, qui habet audiendo, & servat faciendo, qui habet faciendo, & servat perseverando.* 2. Addit alterum primum hujus dilectionis: *Qui autem diligit me, diligitur à Patre meo*, nam mea mandata etiam ipsius sunt, & ego diligam eum, cumulaturus eum amplioribus donis & gratiis in hac vita & in altera, & manifestabo ei me ipsum, in hac vita per clariorem mei & divinatorum mysteriorum cognitionem, non tantum speculativam, sed maxime practicam, qua gustet quam suavis & benignus sit Christus, deinde in altera vita, ipsum clare intuendo: ubi excita affectus gratitudinis, amoris, & laudis.

## DOMINICA PENTECOSTES. 1.

Anno 34.  
Maij 15. in  
cœnaculo.

*Spiritus sanctus cum vento valido & linguis igneis descendit  
in discipulos Christi. Act. 2.*

**Punct. I.** *Cum complerentur dies Pentecostes, erant omnes pariter in eodem loco.* Confid. 1. Solemnitatem Pentecostes sicut olim ex Dei institutione à Judæis peculiari cultu celebratam, tum in memoriam divinæ legis eo die per Moysen datæ, tum in gratiarum actionem pro frugibus terræ, quarum primitias tunc Deo offerebant: ita & longe potiori jure eam a nobis celebrandam propter legem novam gratiæ hodie à Spiritu sancto Apostolis communicatam, & credentium primitias ad tria millia Deo oblatas. 2. Fuisse Apostolos cum Deipara aliisque discipulis universim ad 120. congregatos omnes in eodem loco cœnaculi, ubi & Eucharistiam à Christo sumptierant, & ipsum redivivum die resurrectionis cōspexerant, atque ibi omnes pari animorum consensu, & orationis assiduitate, fervore, ac fiducia se ad excipiendum Spiritum sanctum præparasse.

**Punct. II.** *Et factus est repente de cælo sonus; tanquam advenientis Spiritus vehementis.* Confid. 1. Spiritum sanctum apparere hic primum in specie venti vehementis, quo significet se esse vitam animæ nostræ, & efficaciam prædicationis, qua omnem humanam sapientiam & potentiam essent prostraturi: sono autem velut tuba bellum judici per illos instituentum contra mundum, carnem, & dæmonem. 2. *Et apparuerunt illis dispartitæ lingue, tanquam ignis.* Ubi Confid. apparere eum etiam in specie linguarum, ut significet eos non ferro aut gladio, sed lingua orbem subacturos, sic tamen ut ipse linguam eorum gubernaturus sit: tu cave ne lingua tua sequatur ductum diaboli, nam *1. ors & vita in manu lingue.* 3. Igne verò significari eos hoc Spiritu penitus purgari ab omni culpa & pœna, illuminari intellectum, accendi voluntatem, ac sursum elevari ad sectanda cælestia, atque ipsos etiam hos effectus in aliis producturos. 4. *Seditq; supra singulos eorum,* ut significaret eos, tanquam thronos Dei & Doctores orbis à se auctoratos stabiliter dirigendos in cælesti sapientia & eloquentia, affectuum tranquillitate, & morum gravitate: Eadem & tu sectare ut Spiritum sanctum in te conserves.

**Punct. III.** *Et repleti sunt omnes Spiritu sancto.* Conf. 1. Accepisse eos amplissima incrementa gratiæ, & eximiis donis ornatos pro cuiusque dispositione & munere: tu roga eum ut & repleat omnes potentias animæ tuæ. 2. *Et cœperunt loqui variis linguis, prout Spiritus S. dabat eloqui illis.* Ubi Conf. eos quia ad omnes gentes destinatos, instrui hic dono variarum linguarum. ubi autem *Deus magister est,* cito discitur quod docetur, ait S. Leo: tu hic discere etiam loqui, non prout suggerit prava inclinatio, sed Spiritus S. nempe sua Apostolis magnalia Dei, nam ex abundantia cordis os loquitur.

Luc. 6. 45.

DOMI-



## DOMINICA PENTECOSTES. II.

Anno 34.  
Mart. 24. in  
cœnaculo.*Christus promittit Apostolis suam pleniorē instructionem à Spiritu sancto.**Ioan. 14.*

**P**unct. I. *Siquis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus.* Confid. 1. Christum hîc interrogatum num solis Apostolis, an verò etiam aliis se esset post mortem suam manifestaturus, respondere non se tantum, sed & tres personas sanctissimæ Trinitatis adfuturas peculiari auxilio, favore, & protectione omnibus iustis, qui amorem suum comprobaturi essent per observantiâ mandatorum, imò & stabiliter apud eos velut in domo propria ac templo permansuras. 2. *Qui non diligit me, sermones meos non servat* Conf. sicut observantia mandatorum Dei, seu divinæ voluntatis signum est dilectionis Dei, ita & eorum transgressionem signum esse ibi amorem deesse, nam ut recte S. Bernardus: *Amor ubi est operatur, si operari renuit, amor non est.*

Punct. II. *Paraclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia, quaecumque dixerò vobis.* Confid. 1. Promitti hîc Apostolis atque omnibus fidelibus pleniorē instructionem à Spiritu sancto de rebus ad salutem necessariis, ac simul vividam recordationem auditorum in tempore opportuno: quare ad hunc in dubiis confidenter recurre. 2. Paraclitum, seu consolatorem, hortatorem & advocatum appellari, ut scirent se in afflictionibus & persecutionibus solatio & auxilio ejus non destituendos; nam ut S. Bernardus: *Sine Spiritu sancti unitione asperitatem crucis ferre quis posset: multi fugiunt penitentiam videntes crucem & non unionem.* 3. Hæc solatia longè præstare omnibus mundanis, unde S. Augustinus: *Major est refectio mentis, quam ventris.*

Punct. III. *Pacem relinquo vobis, pacem meam do vobis, non quomodo mundus dat, ego do vobis.* Conf. 1. Christum hîc ante abitum suum precari eis pacem non mundanam, fallacem, & brevem: sed cælestem, solidam & æternam, cum Deo, conscientia sua, ac proximo, licet non sine molestiis, quibus nec ipse caruisset. 2. Peculiariter etiam videri Christum hîc inculcare pacem cum proximo, illas sapius commendatam, de qua S. Augustinus: *Non potest ad hereditatem Domini pervenire, qui testamentum pacis noluerit observare, nec poterit concordiam habere cum Christo, qui discors voluerit esse cum Christiano.* 3. Si diligere-  
tis me, gauderetis utique, quia vado ad Patrem. Hortatur eos Christus ad gaudium ob imminentem discessum suum in cælum, non tantum quod ipse ibi exora mortalitate elict à Patre glorificandus, sed quod & ipsis ibi imperaturus esset Spiritum sanctum ejusque dona, quibus instructi possent omnibus evadere superiores, & nihil timere: quare & eodem desideria tua accende.

FERIA

## FERIA II. PENTECOSTES.

Anno 31.  
Martio  
Jerosol.

*Christus instituit Nicodemum de beneficio Incarnationis. Ioan. 3.*

**P**unct. I. Sic Deus dilexit mundum, ut Filium suum unigenitum daret. Confid. 1. Christum hinc singulis verbis ponderare amorem æterni Patris erga homines exhibitum beneficio Incarnationis: quare expende *quis quem* dilexerit, ille supremus omnium Dominus, infinite potens, dives; & seipso beatus, nullius egens, nullis meritis provocatus, sed plurimis demeritis ad justam punitionem: *quem* dilexit, mundi incolas, homines viles, perditos, ingratos, inimicos Majestatis suæ, reos æternæ damnationis: hæc tibi applica. 2. *Quomodo dilexit? Sic, ut Filium suum unigenitum daret.* Tanta amoris vehementia & excessu, ut hunc non solo affectu aut verbis expresserit, sed factis etiam comprobarit, dando nobis non Angelos aliquos; vel mundum alterum, sed pretiosissimum, & carissimum Filium unigenitum, sibi coæqualem, ac proinde cum eo divinam suam essentiam, & copiam donorum cælestium. Neque hunc nobis dedit ad regnum aut triumphum, sed ad opprobria, flagella, & mortem crucis: quare tu vicissim Deum dilige *non verbo neque lingua, sed opere & veritate.* 3. Conf. *quis finis* hujus tantæ dilectionis, non ut sibi aut Filio fructum, aliquem inde quæreretur; at ut *omnis qui credit in ipsum non pereat, sed habeat vitam æternam*, ut non tantum populum Judaicum, sed omnes ipsum viva fide consistentes liberaret morte sua à morte peccati & æterna, ac sua humilitate eveheret ad vitam gratiæ & gloriæ. *Quid est homo quid memor es ejus? Miseri illi qui se tanto amoris subtrahunt. Certe si amare Deum pigebar, saltem redamare non pigeat.*

**Punct. II.** Lux venit in mundum, & dilexerunt homines magis tenebras quam lucem. Confid. 1. Christum hinc arguere homines plerisque, qui tenebris ignorantiz, ignaviz, ac malitiz obstiti, ad quos illuminandos luce doctrinæ & gratiæ suæ ipse descenderat, eam tamen averfantes, qua ad lucem æternæ gloriæ essent deducendi, tenebris suis pertinaciter inhaerent, unde in æternas inferorum ruunt præcipites: attende & tu quoties hanc lucem excluseris. *Hæcine reddis Domino popule stulte & insipiens? ut quid diligis vanitatem, & quæris mendacium.* Expende quoties hanc lucem tibi oblatam excluseris, intus per inspirationes, foris per conciones, & exempla aliorum. 2. *Omnis enim qui male agit odit lucem, & non venit ad lucem, ut non arguantur opera ejus.* Sic Adam post peccatum se abscondit, & passim peccatores peccati turpitudinem testante conscientia, oculos proborum refugiunt, non attendentes oculos divinæ Majestatis ubique præsentis, templa etiam, conciones, Sacramenta, & salutaria monita averfantur, sicut infirmi rabidi medicinam.

FERIA



# FERIA III. PENTECOSTES.

97

Anno 33.  
Octobri  
Judæa.

*Christus docet fidem in se esse ostium Ecclesiæ. Ioan. 10.*

**P**unct. I. *Qui non intrat per ostium in ovile ovium, sed ascendit aliunde, ille fur est & latro.* Confid. 1. Christum hinc occasione cæci à se illuminati, & propter fidem in se à Phariseis ejedi atque excommunicati, docere fidem hanc adeo non posse cuiquam nocere, ut ea unica sit via, sive ostium, quo in Ecclesiam velut ovile perveniatur, ac proinde fures & latrones merito appellari, qui sine hac fide Ecclesiam ingredi, aut in ea etiam potestatem aliquam usurpare iniquè præsumunt: tu Christo gratias age de beneficio fidei, & juxta eam actiones institue. 2. *Qui autem intrat per ostium, pastor est ovium.* Confid. sicut hæc fides necessaria est omnibus fidelibus, ita eam vel maximè competere pastoribus Ecclesiæ, qui vel gubernando, vel docendo alios curæ suæ commissos susceperunt, quibus proinde in fide ac ceteris virtutibus debent præcellere, sicut caput membris ceteris, & Sol inter stellas minores.

Punct. II. Conf. Notas deinde veri pastoris & ovium à Christo assignari, ac 1. *Huic ostiarius aperit,* quo significatur Spiritus S. tribuens ei legitimam potestatem, quam proinde in eis reverere. 2. *Et oves vocem ejus audiunt,* sicut enim hæc ex pastoralis cura pastorem suum agnoscunt, ejusque sibilum sequuntur, etiam relicto pabulo, ita & Christi fideles par est pastorum suorum sollicitam de se curam attendere, eisque per omnia obedire. 3. *Alienum autem non sequuntur, sed fugiunt ab eo:* ita & veros fideles oportet fugere eos qui etiam in pelle ovina, ut sunt diabolus, mundus, caro, hæretici, ac pravi sodales alia à Christi doctrina suggerunt ac persuadere nituntur. 4. *Et proprius oves vocat nominatim:* quare singulorum singularem curam gerit, neminem quantumvis rudem aut pauperem despiciendo aut negligendo. 5. *Et educit eas,* ad pascua salutariæ doctrinæ, gratiæ, & virtutum. 6. *Et ante eas vadit* exemplo vitæ sanctioris, unde S. Chrysost. *Quanta differentia est inter homines & bruta, tantam esse velim inter eos qui pascunt alios, & qui pascuntur.*

Punct. III. *Ego sum ostium ovium.* Confid. 1. Christum, cum adverteret hanc parabolam suam à quibusdam minus percipi, non dedignatum eam clarius exponere, se nempe sive fidem in se esse velut ostium Ecclesiæ necessarium, non est in alio aliquo salus. 2. Subdit fructum hujus fidei & ob-  
servantiæ doctrinæ suæ, salutem æternam, *per me si quis introierit, salvabitur.* 3. *Et ingreditur, & egreditur, & pascua inveniet.* Nequis absterreatur angustiis ostij aut molestiis ingressus, spondet securitatem in omni actione, sive interna cum Deo per orationem, sive externa propter Deum, ac pascua uberrima, quæ sunt Scriptura sacra, libri pij, conciones, exempla Sanctorum, & maximè Sacramenta, insuper lac & mel diviniæ consolationis, & postea gaudia paradisi, semper virentis, sine defectu, fastidio, ac metu, suavissima & plenissima.

Act. 4. 12.

• • N

FERIA

Anno 33.  
Martio  
Caphernaï.

# FERIA IV. QVAT. TEMP. PENTECOSTES.

*Christus docet donum fidei ad salutem necessarium. Ioan. 6.*

- Punct. I.** Nemo potest venire ad me, nisi Pater, qui misit me, traxerit eum. Conf. 1. Christum significare hîc neminem posse auxiliis naturæ ad se accedere per gressus fidei nisi adjutum à cælesti Patre per internam gratiam intellectum illuminante, & voluntatem alliciente, quam gratiam Patri hîc tribuit tanquam fonti divinitatis: ubi attende imbecillitatem humanæ voluntatis in malum pronæ, ideoque indigentis vehementi impulsu, quo ad bonum alligat, unde Apostolus: *Non quod simus sufficientes cogitare aliquid ex nobis, quasi ex nobis, sed sufficientia nostra ex Deo est.* Quare diffide tibi, & dic: *Trahe me post te, curremus in odorem unguentorum tuorum.* 2. Conf. ea tractione significari efficaciam gratiæ, quæ tamen non cogat, sed alliciat liberam voluntatem etiam renitentem, infirmam roboret, tristem exhilaret, timidam hortetur & animet. *Ecce sto ad ostium & pulso. Aperi soror mea. Surge prope amica mea & veni,* idque ex mera Dei erga nos dilectione. *Charitate perpetua dilexi te, ideo attraxi te miserans.* 3. Confid. Trahere Deum omnes ex parte sua, nam omnes homines vult salvos fieri, ideoque illuminat omnem hominem venientem in hunc mundum, idque variis modis, alios timore novissimorum: *Confige timore tuo carnes meas, à iudiciis enim tuis timui.* Alios dolore temporali: *Imple facies eorum ignominia, & quærent nomen tuum Domine.* Alios bonis temporalibus ac spiritualibus: *Diligam te Domine fortitudo mea, Dominus firmamentum meum, & refugium meum, & liberator meus. Benedic anima mea Domino, qui coronat te in misericordia & miserationibus, qui replet in bonis desiderium tuum.* 4. Hinc collige eos qui non veniunt, id sibi debere tribuere, non Deo qui dicit: *Vocavi, & renuistis. Quoties volui, & noluisti. Vos sen. per Spiritui sancto resistitis.*
- Punct. II.** Et erunt omnes docibiles Dei. Conf. 1. Christum hîc confirmare ex lege veteri omnes sic attractos à Patre velut discipulos instruendos: *Ponam universos filios tuos doctos à Domino, ad quam scholam omnes invitat: Venite, filij, audite me, timorem Domini docebo vos.* De quo S. Leo: *Ubi Deus est Magister, citò discitur quod docetur, ac sine eo frustra laborari, ait S. August. Quos spiritus non docet intus, indocti redeunt.* 2. Significat Christus cælestem Patrem esse Magistrum invisibilem, qui intus loquitur ad aures cordis, foris verò per Christum, Apostolos, eorumque successores, per Concionatores, Superiorum monita, exempla piorum, & punitiones impiorum, per quæ omnia Deus nos docet, ut *dum tempus habemus, operemur bonum.* 3. Allicit proæmio: *Qui credit in me, habet vitam æternam.* Quia vitæ desiderio omnes super omnia trahimur, promittit æternam eamque felicissimam credentibus in se, atque id quod crediderint, per obedientiam & caritatem amplectentibus.



# FERIA V. PENTECOSTES,

Et pro peregrinantibus.

99

Anno 32.  
Julio in  
Galilæa.

*Christus mittit Apostolos ad prædicandum per Galilæam cum potestate  
miraculorum. Luc. 9. Matt. 10. Marc. 6.*

**P**unct. I. Convocatis duodecim Apostolis, dedit illis virtutem & potestatem super omnia demonia, & ut curarent omnem languorem & infirmitatem. *Infirmos curate, mortuos suscite, leprosos mundate.* Ubi Conf. 1. Christum instruere illos non tantum plena auctoritate, sed & potestate miraculorum necessaria ad expugnanda corda Judæorum, in quo attende sollicitam ejus curam pro Judæorum conversione & necessaria instructione Apostolorum; unde confide & tibi danda ab eo præsidia necessaria pro munere ad quod te vocavit. 2. *Et misit illos prædicare regnum Dei.* Materiam illis assignat gratissimam, nempe instare tempus gloriæ cælestis proximè referendæ, utque eò omnes invitent. 3. *Præcepit eis, in viam gentium ne abieritis, sed potius ite ad oves, quæ perierunt domus Israël.* Voluit tempore suo primum per se & Apostolos Judæis prædicari, juxta vaticinia Prophetarum, in quo agnosce ejus in promissis præstandis fidelitatem, non obstante enormi eorum ingratitude.

Punct. II. *Gratis accepistis, gratis date.* Conf. 1. Moneri eos ut liberales sint in potestate exercenda, sine ulla mercede lucri temporalis, vel etiam vanæ gloriæ, sed ut ea quæ liberaliter à Deo acceperunt, etiam liberaliter ad ejus gloriam elargiantur. 2. *Nihil tuleritis in via, &c.* Vetat iis immodicam curam de corporis commodis, sed vult obviis eis contentos, tum ut discant confidere in paterna Dei providentia & ab ea toti dependeant, tum ut illis expediti curam omnem convertant ad munus prædicationis, tum ut aliis dent exemplum paupertatis, sobrietatis, animi excelsi & cælestis, quo omnes trahant non tantum ad Deum, sed in sui etiam amorem & admirationem. 3. Addit nihil illis defuturum; dignus enim est operarius cibo suo. De quo S. Chrysostomus: *Accipiant sustentationem à populo, mercedem à Deo.*

Punct. III. *Intrantes domum, salutate eam, dicentes pax huic domui, & siquidem fuerit domus illa digna, venit pax vestra super eam; sin autem, ad vos revertetur.* Conf. 1. Christum ostendere hinc eminentiam muneris Apostolici, sic ut pro honore statuat, posse illos excipere, à quibus beneficia etiam ampliora recipiant quam præstent, nominatim pacem, sive prosperitatem & salutem temporalem & æternam. 2. *Et quicumque non receperit vos, excuntes de civitate illa, etiam pulverem pedum vestrorum excutite, in testimonium supra illos; quod nihil velitis cum illis habere commune, incutientes illis terrorem divinæ vindictæ.* 3. *Tolerabilis eris terræ Sodomorum & Gomorrhæorum in die judicii, quam illi civitati.* Licet enim horum peccata fuerint gravissima, gravius tamen esse oblata tam liberaliter Dei auxilia respicere, quod & locum habet in respuentibus Dei vocationem: quia vocavi, & renuistis, *Prov. 1. 24.* ego quoque in interitu vestro ridebo.

Annō 34.

Aprili in

monte Gal.

## DOMINICA SS. TRINITATIS.

Et Feria VI. post Pascha.

*Christus docet suos baptizare omnes in nomine SS. Trinitatis. Matt. 28.*

1. Cor. 15 6.

**P**unct. I. Data est mihi omnis potestas in cælo & in terra. Confid. 1. Christum sub extremum suum in cælos discessum hîc iterum Apostolis aliisque fidelibus simul plusquam 500. congregatis in Thabor monte Galilææ apparere, qui, quæ par erat reverentia, eum mox adoraverunt. Prius verò quam eos per orbem mittat, exponere illis potestatem suam, seu supremum dominium in cælo & in terra, debitum quidem ratione naturæ divinæ, & unionis hypostaticæ, sed jam, quod gloriosius erat, passione sua ac morte etiam promeritum: tu eam potestatem Christo gratulare, reverere, & cum fiducia implora. 2. Confid. Quomodo hac sua potestate utatur, non ad puniendos impios & incredulos, quod suo tempore faciet, sed ad omnes sibi subjiciendos vinculis fidei & caritatis; *Docete ergo omnes gentes*: Tu etiam cum Christo potestate tua ac talentis utere in salutem animarum. 3. Conf. non solam etiam fidem cum baptismo sufficere, sed requiri insuper observantiam mandatorum: *Docentes eos servare omnia quæcumque mandavi vobis.*

Psal. 99. 3.

Punct. II. Baptizantes eos in nomine Patris, & Filij, & Spiritus sancti. Conf. 1. Baptismum à Christo institutum, ut significaret per illum, sicut abluitur corpus à sordibus, ita & abluì sordes animæ invocato nomine, auctoritate, ac potentia SS. Trinitatis. 2. Exprimi hîc disertè mysterium Trinitatis in Scriptura veteri obscurè tantum insinuatum; nam esse Deum, & quidem unicum clamant omnes creaturæ, teste S. Augustino: *Ipse fecit nos*; at esse trinum in personis revereri nos oportet, humili fide psallentes cum Ecclesia: *Gloria Patri, & Filio, & Spiritui sancto*, unde spes nobis facta est id postea revelata facie contemplandi. 4. Hinc discite tamen cum cælestis Pater se ab æterno communicaverit, te etiam tuæque libenter aliis communicare: ille cognovit se fontem omnis boni; tu te agnosce fontem omnis mali & imperfectionis: genuit Filiū perfectam sui imaginem; tu imprelām tibi ab illo imaginem per tres animæ potentias, & infusionē gratiæ, adauge & perfice virtutibus Theologicis, vel dicendo cum S. August. *Memnerim tui Domine, intelligam te, diligam te*: Spiritus S. procedit ex amore Patris & Filij; tu stude ut omnes actiones tuæ ex perfecto amore procedāt.

Punct. III. Et ecce ego vobiscum sum omnibus diebus, usque ad consummationem sæculi. Confid. Christum hîc significare, licet visibiliter ab iis recessurus sit, mansurum se tamen cum iis invisibiliter in Eucharistia; insuper cum Patre & Spiritu S. semper iis eorumq; successoribus præsentem aditutum per gratiam suam, directionem, opem, robar, solatium ac liberationem, sicut Rex in met in regno illud dirigens, dux in exercitu roborans milites, pater in familia prospiciens de necessariis, ac velut navarchus in navī perducens ad portum æternæ salutis. **DOMI-**



# DOMINICA I. POST PENTECOSTEN.

101

Anno 32.  
Maio in  
monte Gal.

*Christus dat monita de dilectione proximi. Luc. 6. Matt. 7.*

**P**unct. I. *Estate misericordes sicut & Pater vester misericors est. Confid. 1. Misericordiam esse affectum ad tollendam miseriā proximi: sed secundum legem ordinatæ charitatis ante omnia studendum ad tollendam miseriā animi propriam in corrigendis defectibus, deinde hunc affectum extendendum ad proximum, et condolendo, pro eo orando, infirmitates ferendo, ac pro viribus juvando: 2. Nolite judicare & non judicabimini. nolite condemnare & non condemnabimini.* Vetat igitur gravari miseriā & malum alterius iudicio privato temerario, ac detractorio etiam interno tantum de moribus, verbis, ac factis proximi, cum illud repugnet caritati, iustitiæ, & Deo, cuius officium usurpamus. Præmium autem promittit, & non judicabimini de rigo, e iustitiæ, sed clementer: quare stude defectus proximi potius excusare ab intentione, ignorantia, inadvertentia, quæ soli Deo nota sunt, atque ipsius iudicio hæc relinquens, te ipsum iudica. 3. *Dimitte & dimittemini.* Hunc primum prout misericordiæ actum, remissionem offensæ, quod si facimus, etiam Deum nobis remissurum offensas nostras multo graviore: si autem vindicemus, etiam ipsum nostras vindicaturum.

**Punct. II.** *Date & dabitur vobis. Confid. 1. Hic alterum poni misericordiæ actum, non solum in tollendis malis, sed in bonis præstandis, consilio, auxilio, instructione, solatio, idque liberaliter & gratis, atque omnia nobis amplissime rependenda à Christo, qui suis data, sibi data reputat. 2. Proinde Mensuram bonam & centuplam in bonis temporalibus, & conferam in bonis naturæ, & coarctatam in bonis gratiæ, & superfluentem in bonis gloriæ dabunt in sinum vestrum, plena & secunda possessione, nam oculus non vidit, nec auris audivit, nec in cor hominis ascendit, quæ præparavit Deus iis qui diligunt illum. 3. Eadem quippe mensura qua mensi fueritis, remetietur vobis.* Concludit Christus, qualem te erga proximum exhibebis, benignum, vel severum, talem etiam Deum se erga te exhibiturum, ideoque qualem illum erga te desideras, talem, & te exhibe erga proximum. *Cum electo electus eris, & cum perverso perverteris,* ait Propheta ad Deum.

**Punct. III.** *Quid autem vides festucam in oculo fratris tui, trabem qua in oculo tuo est non consideras: Conf. 1. Vetari hic ne studio carpendi observemus leviores defectus in aliis, ac nostros graviores dissimulemus, unde & sit illos sæpe aggravari, ac nostros extenuari. 2. Aut quomodo potes dicere fratri tuo: Frater sine es etiam festucam de oculo tuo, ipse in oculo tuo trabem non videns: nata iniquum est graviores ac trabales defectus in nobis dissimulare blandiendo, & leviores in aliis severius carpere. Quocirca Hypocrita esice primum trabem de oculo tuo, & tunc perspicies ut educas festucam de oculo fratris tui.* Monet purganda ac tollenda in nobis prius vitia magis noxia, quam emendare studeamus minora in proximo.

IN NOMINE AMEN

## FESTO CORPORIS CHRISTI. 1.

Et Feria V. in Coena Domini.

*Christus instituit Eucharistiam. 1. Cor. 11. & Matt. 16. Marc. 14. Luc. 22. Ioan. 13.*

**Punct. I.** Conf. I. Quotopere Christus anhelavit ad institutionem huius Sacramenti, quod expressit, cum jam post Agni esum, & lotos Apostolorum pedes, ad mensam reversus, ait: *Desiderio desideravi hoc Pascha manducare vobiscum, antequam patiar.* Excita & tu ardens ejus sumendi desiderium; & quidem sic, ac si foret postremum ante mortem tuam. 2. *Pridie quam pateretur*, tempus exprimitur huius institutionis, ut constantia amoris ejus declararetur, cum ipse, aliis parantibus sibi vincula, flagella, & mortem crucis, parat illis ac nobis omnibus Sacramentum ad expianda omnia crimina, & Conviviū quo aleremur in vitam æternam. 3. *Acceptit panem, & gratias agens* æterno Patri de beneficiis antehac collatis tam nobis, quam sibi, ac nominatim de hoc ad salutem nostram destinato, *Benedixit*, invocando Patris potentiam, ut præsto esset tum in illa, tum in aliis omnibus consecrationibus. *Ac fregit* ad significandam corporis sui sub diversis speciebus unitatem & integritatem.

**Punct. II.** *Hoc est enim corpus meum.* Conf. I. Christum hisce verbis convertisse panem corporalem in corpus suum, cui cum unitus esset & sanguis, & anima, cum omnibus donis suis, & divinitas, omnia hæc simul adfuisse destructa penitus substantia panis, & solis ejus speciebus externis remanentibus: in quo infinitam Dei sapientiam bonitatem, & potentiam suspice ac venerare. 2. Christum non contentum se sub specie panis in sacrificium & alimentum nobis instituisse, voluisse id etiam facere sub specie vini, tum ex religione in Patrem ad complendum sacrificium, tum ex amore in nos ad complendum convivium; quare accepto calice, ait: *Hic est enim calix sanguinis mei*, continens, cum sanguine simul & corpus, & animam, & divinitatem, ut supradictum de corpore, *Novi & æterni testamenti*, ut pignus ultimæ voluntatis, de donanda nobis hereditate cælesti, *mysterium fidei*, nam secretum est sola fide percipiendum, *quod pro vobis*, quasi pro singulis, *ac pro multis*, ad fructum efficacem; ad sufficientem verò pro omnibus effundetur copiosè, tum in sacrificio crucis, tum in hoc incruento, in *remissionem peccatorum*, quantumcumque fuerint multa & gravia.

**Punct. III.** Conf. I. Christum, ad conservandam in nobis beneficii huius memoriam, cōferre etiam Apostolis potestatem idem facendi, quod ipse fecerat, eamque potestatem aliis communicandi; uique ad mundi finem: ubi tantam in eo liberalitatem redama. 2. Nihil eum reposcere in compensationem, nisi gratam memoriam, amoris sui erga nos: *Hæc quotiescumque feceritis, in meam memoriam facietis.* 3. Desiderari tamen præviam animi puritatem ac dispositionem, nam *quicumque manducaverit panem hunc vel biberit calicem Domini indigne, reus erit corporis & sanguinis Domini.*

FESTO



## FESTO CORPORIS CHRISTI. II.

Anno 33.  
Martio  
Caphernai.*Christus sub specie panis & vini se nobis donandum significat. Ioan. 6.*

**P**unct. I. Caro mea verè est cibus. Confid. 1. I. infinitam Christi sapientiam in institutione Eucharistiæ; quia enim noverat hominem maxime appetere vitam, & illa quæ ad eam conservandam magis conducunt, ut sunt cibus & potus; hinc volens seipsum nobis communicare, fecit id sub specie cibi & potus, ut nos sic invitaret, & desideria acueret ad conservationem vitæ nobilioris: in quo & ostendit infinitam suam bonitatem, seipsum cum omnibus donis suis intimè communicando, & omnipotentiam qua quæ voluit, paucis verbis effecit, facitq; quotidie, dum se verè, realiter, ac substantialiter sistit ad verba Sacerdotis animamque verè reficit. 2. Sicut cibus & potus tam est homini necessarius, ut sine eo vita naturalis non possit subsistere, ita & usus hujus Sacramenti ad vitam gratiæ, unde præmittit hic Christus: *Nisi manducaveritis carnem Filij hominis & biberitis ejus sanguinem, non habebitis vitam in vobis.* 3. Sicut corporalis pellit famem & sitim, ita & hic extinguit desideria rerum terrenarum, cælestium verò acuit & accendit. 4. Incrementum confert in gratia & omni virtute, ac robur ad decertandum contra mundum, carnem, & dæmonem, atque omnia vitia. *Parasti in conspectu meo mensam adversus eos qui tribulant me.* Vbi *Psalm. 23. 6.* Chrysost. *Qui tribulationes carnis habent, veniant ad mensam potentis & tribulationes fiant consolationes. Tanquam leones ignem spirantes ab illa recedamus, facti demonibus terribiles.*

Punct. II. Confid. 1. Per hunc cibum & potum effici nos quasi unum cum Christo: *Qui manducat meam carnem, inquit, & bibit meum sanguinem, in me manet, & ego in illo;* vivificans, conservans, ac roborans. 2. *Sicut misit me vivens Pater, & ego vivo propter Patrem; Et qui manducat me, & ipse vivet propter me.* Vivit Christus propter Patrem, ut ab eo procedens, ejus similitudinem exprimens, & ad ipsum omnia sua reterens: ita & refectos hoc sacro pane, ut à Christo procedentes, virtutum ejus similitudinem exprimere, atque omnes actiones ad ipsum dirigere oportet. *Act. 4. 32.*

Punct. III. *Hic est panis qui de celo descendit.* Confid. 1. Id factum, ut te eo elevaret ac nunc maxime cor tuum, quod alias amore rerum terrenarum deorsum trahitur. 2. *Non sicut manducaverunt Patres vestri manna, & mortui sunt.* Figura hoc erat hujus panis cælestis, quia in aëre formatum ab Angelis, omne delectamentum in se habebat, & omnem saporis suavitatem: at hic non de aëre, sed de cælo descendit, nec ab Angelis, sed Angelorum Dominus, Deus de Deo procedens, continet omnes delicias quibus & Angelos & Beatos omnes infinite exhilarat. 3. *Qui manducat hunc panem, vivet in æternum.* Confert hic vitam non temporalem, etiam diuturnam, quæ in lege veteri summum erat beneficium, sed æternam. Vnde & mortis sententia per peccatum Parentum in nos lata, & omnibus maxime formidabilis, usu hujus panis penitus extinguitur. *Sap. 16. 20.*

FESTO

## PER OCTAVAM CORPORIS CHRISTI. III.

De Ven. Sacramento Eucharistie, ut est figuratum per Manna. Exod. 16.

**Punct. I.** Confid. 1. Manna cibum fuisse quem Deus pluit populo suo Israëlítico post transitum maris rubri in deserto, è regione aëris, confectum ministerio Angelorum, minutum instar roris, candidum instar pruinæ, mirantibus illis inter se *Man-hu; quid est hoc?* deinde mola ab iis vel in mortario terendum, & igne coquendum: ita & Christum fidelibus suis post baptismum pro deserto hujus vitæ parasse hunc panem sacramentalem, non ex aëre, sed supremo cælo, non Angelorum opera, sed Spiritus sancti, cui Verbi incarnatio tribuitur, primum carne nostra, deinde minori etiam hostia, eaque candida circumscriptum, cujus divinæ & humanæ excellentiæ nobis meritò mirandæ sũnt, contritum laboribus & afflictionibus, ac coctum igne amoris, conterendum etiam à nobis serio dolore peccatorum & pœnitentiis, ac coquendum igne amoris. 2. Confid. *Sap. 16. 21.* Panem illum paratum illis *sine labore* eorum: ita & Christum panem hunc nobis parasse sine labore nostro, conversa in se maledictione Adæ: *Gen. 3. 19.* *in sudore vultus tui vesceris pane,* nam ipse pro hoc cibo nobis parando labores sustinuit, & sanguinem sudavit.

**Punct. II.** Confid. 1. Manna unum tantum habuisse saporem naturalem, sed iustis omne desiderium in se habentem, & omnis saporis suavitatem, eratq; deserviens, uniuscujusque voluntati, ad quod quisque volebat convertebatur: ita panem Eucharisticum unum tantum habere saporem naturalem specierum, in iustis verò excitare saporem spiritualem suavissimum, & pro cujusq; desiderio & exigentia, nam sumentis cum desiderio castitatis, mansuetudinis, aut aliarum virtutum, earum exercitium dulce reddit. 2. Fuisse Manna etiam panem medicinale, qui a morbis præservabat, nam per annos *Psal. 104. 7.* 40. quibus Israëlita eo usi sunt, non erat in tribubus eorum infirmus: sed hunc panem sanare morbos animæ, & præservare à morte plurium peccatorum, & ab æterna, ac suo etiam tempore liberare corpus à morte. *Ioa. 6. 55.* *Qui manducat meam carnem, & bibit meum sanguinem, habet vitam æternam, & ego resuscitabo eum in novissimo die.*

**Punct. III.** Confid. 1. Singulos ex manna collegisse mensuram constitutam quæ sufficeret ad singulorum sustentationem, nec qui plus collegerat vel minùs, reperit ampliùs nec minùs: ita & hunc panem sive in majori sive minori hostia satiare singulorum famem spiritualem, ac tantum esse sub fragmento, quantum toto tegitur: Tu illum roga ut parvum te faciat in oculis tuis, & magnū in suis. 2. Iustos illos colligere Manna *mane ante ortu Solis,* nam cum incaluisset Sol, liquebat in pœnam negligentium, quoniam oportet prævenire Solem ad benedictionem tuam: ita & hunc panem cælestem requirendum à nobis cum diligentia, mane potissimum cum sumendus est, & quæ perfectiones recolendas quotidie in sacrificio Missæ.

PER



## PER OCTAVAM CORPORIS CHRISTI. IV.

*De Ven. Sacramento Euch. ut est figuratū per Agnum Paschalem. Exod. 12.*

**P**unct. I. Confid. 1. Deum in lege veteri permotum tandem iniqua oppressione populi sui in servitute Ægypti, atque infinita sua misericordia, cum jam decrevisset eos, inde liberare, iussisse eos pridie per singulas familias agnum sibi immolare & comedere, ejusque sanguine postes signare, ut hoc signo Angelus percuturus ea nocte primogenitos Ægyptiorum, domos illorum transiret illasas, & ipsi esu illo roborarentur ad viam libertatis postridie ineundam in terram promissam: ita & Christum pridie liberationis nostræ ex servitute diaboli, peccati, & mortis æternæ, obtulisse pro nobis hunc agnum sacramentalem, suis edendum dedisse, ac præcepisse per Ecclesiam deinde a fidelibus sæpius offerendum & sumendū, quo & mortem animæ evaderent & roborarentur ad ineundam viam virtutum ad cælestem patriam. 2. Agnus ille debebat esse *absque macula, masculus, anniculus*: ita & Christum in Eucharistia verè esse Agnum ob puritatem, innocentiam, & mansuetudinem, absque macula etiam minimi defectus, masculū virili animo, & anniculum per teneritudine affectui, quā singulariter gratiosus erat in oculis Patris cælestis: quas virtutes & ipsi gratulabor, & in me, dū eū sumpturus sum, conabor exprimere.

Punct. II. Confid. 1. Alterum præceptum circa agni illius esum, *non comeditis ex eo crudum quid, nec coctum aqua, sed tantum assum igni, nec os illius confringetis*: sic nec Agnum nostrum sumendum sine matura consideratione tantæ majestatis, ejusque perfectionum, neque examinandum frigide & humanis rationibus, sed igne ardentis amoris, quo a Spiritu sancto primum formatus est, & à Christo deinde in salutem nostram institutus; servandam etiam in nobis robur potissimum fidei, sicut & in Christo remanserat robur mentis & virtutum. 2. Agnum illum repræsentasse Christo formam crucifixi, se ita postridie extendendum in ara crucis, assum igne tormentorum & amoris; ita & ejusdem crucifixi memoriam nobis in hujus esu recolendam. 3. Præceptum fuisse cum agno sic præparato edendos *azymos panes cum lactucis agrestibus*, quo designabatur acerba tractatio Christi a Judæis, & nos monemur in agni ejus esu cavere à fermento malitiæ, sed cum puritate animi adhibere amaritudinem doloris de peccatis nostris, ac corporis afflictiones.

Punct. III. *Renes vestros accingetis, & calceamenta habebitis in pedibus, tenentes baculum in manibus, & comedetis festinanter.* Qui ritus præparationem ad iter ac festinationem designat, ac monet nos Agnum nostrum sumere etiam cum fervore spiritus, succindos renes studio castitatis à voluptatibus carnis, affectus terrenos coercendos exemplis Sanctorum, ac nitentes bonis operibus nostris & fiducia in crucem Christi.

Anno 33.  
Decemb.  
Jerofol.

## DOMINICA II. POST PENTECOSTEN.

*Christus parabola de invitatis ad Cœnam venire venientibus, alijq; in eorum locum vocatis, significat gentiles vocandos in locum Iudeorum. Luc. 7.*

**P**unct. I. Homo quidam fecit cœnam magnam. Confid. 1. Per cœnam magnam hic significari doctrinam Christi, ejusque Sacramenta, nominatim Eucharistiam, ac deinde cœlestem gloriam, sive Ecclesiam, in qua hæc tria fercula cœlestis Pater apponit: Magnam autem dicit quia à Magno Domino instituta est, cōvivis numero magnis, & cum ferculis maximis. 2. Vocavit multos ut venirent quia jam parata sunt omnia, per Christi mortem ac resurrectionem; vocavit autem per Christum Filium suum, per Apostolos, miracula, punitiones aliorum, internas motus, &c. attende hic etiam vocationem tuam.

Punct. II. Et cœperunt simul omnes excusare. Confid. 1. Defectum igitur salutis provenire à libera nostra & prava voluntate, per dūto tua Israel, de qua S. Augustinus: *Infelix voluntas, quæ per transitoriam dulcedinem præparat sempiternam amaritudinem.* 2. Argui hic tria vitia, quæ homines passim falso prætextu à via salutis abducunt, quæ sunt superbia, avaritia, & luxuria, atque in verso ordine referuntur a S. Joanne: *Concupiscentia carnis, concupiscentia oculorum & superbia vitæ;* in quibus hominum cæcitatem deplora. 3. *Primus dixit: Illam emi, &c.* In hoc notat S. August. argui superbiam ac dominatum, qui cogitationes de salute animæ excludit. *Alter dixit: Iuga boum emi quinque,* in quo arguitur studium avaritiæ, cui se per quinque sensus totum imperdit: *Et alius dixit: Vxorem duxi,* in quo arguitur voluptas carnis. Attende num hæc tria satis refeceris per tria vota religionis, & quid te ex iis magis impediāt, indeque animum avoca, juxta monitum S. Gregorij: *Res temperales sint in usu, æterna in desiderio.*

Punct. III. Iratus paterfamilias dixit servo suo: *Exi citò in plateas & vicos civitatis, & pauperes ac debiles, & cæcos, & claudos introduce huc.* Confid. 1. Merito iratum Patrem cœlestem in eos qui tam benignè ad tantum bonum à se vocati venire recusent, nullam solidam excusationem allegantes, sed adjumenta salutis convertentes in impedimenta. 2. *Per pauperes ac debiles, &c.* Significari gentiles, qui apud Judæos in contemptu erant: tu nō agnosce vilitatem tuam, & indignitatem ad tantam vocationem, sed infima mundi elegit Deus, ut confundat fortia. 3. Necdum impleto convivio loco, nūllat Dominus: *Compelle intrare;* quo significatur ardens desiderium omnes salvandi, quos quasi trahi cupit per viros Apostolicos verbo & exemplo, ipse præmi, ac timore pœnæ. 4. *Dico autem vobis, quid nunc rogamus illorum, qui vocati sunt, qui habet cœnam meam.* Ita olim Deus noster prædixerat: *Quia vocati & renuistis, extendi manum meam, & nūc erat qui spueret: ego qui pœnam in peritū vestro ridebo.*

DOMI-



107

# DOMINICA III. POST PENTECOSTEN.

*Christus parabola ovīs & drachmæ inventæ, significat gaudium  
de conversione peccatoris. Luc. 15.*

Anno 33.  
Decemb. in  
Bethania ad  
Jord.

**Punct. I.** *Erant appropinquantēs ei Publicani & peccatores, ut audirent illum.* Conf. 1. Hosce per peccatum remotos, velut ægros ad cælestem medicum Christum accessisse, non tantum corpore, sed potissimum animi desiderio, ut audirent illum, & acciperent remedia ad salutem, tales fuere S. Matthæus, Magdalena, Zacchæus, aliiq̃ue peccatores, nunc per gloriam Deo adhærentes: Tu attende qua intentione ad Christum & orationem accedas. 2. Conf. obmurmurasse Phariseos & Scribas, quia hîc peccatores recipit & manducat cum illis. Vbi attende caritatem veram compati peccatoribus & de auxilio eorum esse sollicitam, falsam verò iudignari in eos & scandalizari. 3. Cavenda quidem esse consortia peccatorum iis, quibus inde periculum fo. et ad seductionem, Christo vero ac medicis spiritualibus, minimè, quorum est medicinam iis salutarem impendere.

**Punct. II.** *Quis ex vobis homo, qui habet centum oves, &c.* Confid. 1. Significari hîc Deum suscepisse homines velut oves regendos, atque ex illis perdi, cum in peccatū mortale incidunt, quæri cum moventur ad pœnitentiā, inveniri, cum seriò pœnitent, dicentes: *Erravi sicut oves quæ periit.* 2. Per ovē Psal. 118.  
176. perditam designari hîc totum genus humanum, respectu Angelorum, quibus dimissis Deus hominem quæsit: tum etiam quemlibet peccatorem respectu iustorum, de cuius conversione gaudeant cælites, sicut homines de te sibi cara prius perditā postea inventa, magis quam de cōservata; unde S. Augustinus: *Tu Domine licet in omnibus operibus tuis sis mirabilis, mirabilior tamen crederis esse in operibus pietatis, nullum spernis, nullum abjicis, si pœnitēto parcis, si reverteris suscipis, dum differo præstolaris, revocas errantem, invitās repugnantem, expectas torpentem, amplexaris redeuntem.* 3. Conf. Hoc gaudium Dei & cælitum crescere fervore peccatorum resipiscentium, de quo S. Gregor. *Plerumque gravior est Deo fervens post culpam vita, quam securitate torpens innocentia.*

**Punct. III.** *Aut quæ mulier habens drachmas decem, si perdiderit unam, &c.* Conf. 1. Hac parabola idem intendi quod superiori, sed insuper significari hominem insignitum esse imagine Dei, velut nummum imagine Regis, quæ imago etiam per peccatum deperditur, per pœnitentiam vero restauratur. 2. Per drachmas decem, significari novem choros Angelorum, ac genus humanum, quod perditum divina sapientia accenso Verbo incarnato, velut lucerna, studiosè quæsit per annos 33. ingenti labore & dolore everrens conscientias stimulis æternorum: expende quomodo & quot internis motibus te deinde nominatim quæsierit, quàm te invento, quasi nummo pretioso, gavissus fuerit, ac proinde quàm sollicitè, nunc tibi cavendum, ne te iterum perdas, quod sit non subito sed sensim, captandis viis laxioribus, quæ ducunt ad perditionem.

Anno 32.  
Febr. ad  
mare Gal.

# DOMINICA IV. POST PENTECOSTEN.

*Ch. istus docet è navì Petri, & copiosa captura piscium præsignat  
aggregationem fidelium. Luc. 5. Matt. 4. Marc. 1.*

**P**unct. I. Confid. 1. Christum irruentibus turbis juxta mare Galilææ ad eum audiendum, ascendisse navim Petri, eumque rogasse, à terra reducere, pusillum. Ubi attende & imitare fervorem concurrentium ad Christum audiendum. 2. Per navim a terra redactam, significari vitam & doctrinam Apostolorum debere esse non terrenam, sed cælestem, ac moribus separatam à turba sæculari. 3. *Et sedens docebat de navicula turbas.* Quo significabatur Ecclesiam variis tempestatibus in mari procelloso hujus mundi agitandam, non tamen submergendam, in quo protectionem suam ostenderet.

**Punct. II.** *Duc in altum, & laxate retia vestra in capturam.* Confid. 1. Christum post resurrectionem spiritualem impensam, etiam corporalis beneficiæ argumentum dedisse, requisita tamen ad eam ipsorum cooperatione, quo significabat operam nostram ac studium etiam requiri ad fructum spirituales, ac nominatim pro captura animarum. 2. Respondit Petrus: *Præceptor, per totam noctem laborantes nihil cepimus:* ita homines sæculares in nocte peccati mortalis, aut mundanæ vanitatis, sine fructu laborant, *lassati sumus in via iniquitatis,* etiam religiosi in nocte tepiditatis, ac pervertæ intentionis. 3. Addit tamen: *In verbo autem tuo laxabo rete.* Quo designatur obedientia Petri & fiducia, cujus fructus mox subjungitur: *Et concluserunt piscium multitudinem copiosam;* ita ut & rete rumperetur, & ambæ naviculæ impleantur, quo significabatur & multitudo fidelium Ecclesiæ jungenda, & schismata ac hæreses Ecclesiam laceraturæ: tu si forte laborum tuorum fructibus etiam amaritudo aliqua aut molestia misceatur, paternæ Dei providentiæ adscribe. 4. *Annuerunt sociis, ut venirent & adjuvarent eos, & c. venerunt,* in quo imitare obsequia fraternæ caritatis.

**Punct. III.** *Quod cum videret Petrus, procidit ad genua Iesu, dicens: Exi à me, quia homo peccator sum, Domine.* Conf. 1. Hic profundam Petri humilitatem, qua se indignum agnoscit Christi præsentia: tu pari affectu Christum rogas, non ut ipse à te exeat, sed potius exire à te faciat prava affectus tuos, qui te indignum reddunt tam sancto hospite. 2. Movebat Petrum beneficiū piscium acceptum: expende tu, num longe ampliora à Christo acceperis, & quotidie accipias. 3. Reponit illi Christus: *Noli timere, ex hoc jam homines eris capiens,* non viles pisces dandos morti, sed homines pretiosos in oculis Dei, donandos vita æterna; quantumvis rudis, capies sapientes, pauper opulentos, ac viles Reges & Principes. omnes velut pisces in mari hujus vitæ immerfos voluptatibus, divitiis & peccatis, unde extrahendi sunt. 4. Conf. fructum humilitatis Petri, dum in genua provolutus exaltatur in supremum piscatorem animarum, & indignum se reputans Christi facietate, propius illi & arctius adjungitur.

DOMI-



109

# DOMINICA V. POST PENTECOSTEN.

*Christus corrigit Scribarum justitiam, ac nominatim caritatem  
erga proximum. Matt. 5.*

Anno 32.  
Maio 4n  
monte Gal.

**P**unct. I. *Nisi abundaverit justitia vestra plus quam Scribarum & Phariseorum, non intrabitis in regnum celorum.* Conf. tria hic Christum monere suos, i. strictiorem rationem exigendam ab iis, qui præ ceteris melius instructi ampliora dona à Deo acceperunt: tu expende quæ & quanta præ tot aliis acceperis. 2. Virtutem veram non in externa tantum specie consistere, quam unice curabant Scribæ & Pharisei, sed in cultu animæ interiori, nam *omnis gloria filiae Regis ab intus*, ideoque assuesce internis virtutum affectibus. 3. Addit gravitatem pænæ, sub qua ad duo priora discipulos suos omnes obligat, nempe exclusionem à regno cælesti, & consequenter æternam damnationem: hinc collige quantopere tibi sectandum sit studium veræ virtutis.

*Psal. 44. 14.*

Punct. II. *Omnis qui irascitur fratri suo, reus erit iudicio.* Confid. 1. Christum monere hic, pro perfectione caritatis, non tantum homicidium, sed etiam iram internam, magis vero si in verba probrosa erumpat, pro delicti gravitate à Deo puniendam, ad eum modum quo Iudæorum iudices crimina pledebant, communia in tribunali communi, graviora verò in Magno Concilio: ac proinde iram etiam internam tantum, qua quis ex inordinato appetitu vindictæ alteri grave vel leve malum vult, iudicio divino pro meritis plebendam. 2. Siquis ex simili appetitu exprobet alteri vitium naturæ vel fortunæ, v.g. *Racha*, quod significat hominem vilem vel inanem, nempe scientia, aut honore; tali graviolem pœnam in divino Concilio discernendam. 3. Qui gravius convicium alteri dixerit, compellendo *fauum*, etiam gravio. i. supplicio in igne infernali subijciendum. Hinc time severum Dei tribunal, & disce iræ motus reprimere, & animum præparare ad toleranda opprobria exemplo Christi, ac divinæ clementiæ in dissimulandis delictis tuis gravioribus. 4. Attende nullum tamen subesse peccatum, si ira assumatur ex zelo justitiæ ad extirpanda scelera & scelestos, prout Christus & Sancti fecerunt, juxta illud: *Irascimini, & nolite peccare.*

*Psal. 4. 5.*

Punct. III. *Si ergo offers munus tuum ad altare, &c. vade prius reconciliari fratri tuo.* Confid. 1. Monere hic Christum non fovendam elic iram aut animi aversionem à proximo, sed statim ex animo excutiendam, velut flammam ex sinu, adeo ut cetera virtutum opera illi placitura non sint, ubi rancor in animo residet, unde merito Tertullianus: *Quomodo placabit patrem iratus in fratrem?* 2. Proximo à nobis laeso deberi reconciliationem, præcepto divino ac naturali, ideoque hanc ceteris virtutum operibus præponendam. 3. Si tamen opportunum non fuerit prius externa satisfactione proximo reconciliari, id saltem affectu præstandum monet S. Augustinus.

## DOMINICA VI. POST PENTECOSTEN.

Anno 31.

Matio in deserto Beth-  
saidæ.*Christus pascit quatuor millia hominum septem panibus, & paucis piscibus.*

Marc. 8. Matt. 15.

Sap. 8. 16.

Cant. 3. 8.

**Punct. I.** *Misereor super turbam, quia ecce jam triduo sustinent me, nec habent quod manducant.* Conf. 1. Ardens studium populi ad audiendum Christum, sic ut toto triduo cibi omnis sui que obliti, ipsi intenderent; ac vicissim Christi laborem indefessum, & zelum erga illos, quo sine refectioe & quiete totum se impendebat prædicationi, ac sanandis ægris; ita mens divinis operibus intenta, quia caritate pascitur, famem non sentit. 2. Misereri Christum quotidie omnium etiam peccatorum & infidelium, quibus præbet varia alimenta corpori animæque necessaria: at electis suis secumque perseverantibus præbere eum cibum singularem orationis, gratiæ, & Sacramentorum, sine quo in via hujus vitæ deficerent: quare vide ut cum Christo perseveres. 3. Numerare illum dies omnes nostros, imò & horas, & momenta, gressus, cogitationes, verba & opera bona ac mala, ut iis suo tempore mercedem tribuat. 4. Quàm suave ac jucundum sit Christo adnæscere in hac vita, sed potissimum in altera, non habet amaritudinem conversatio illius, nec tedium convitatus illius, sed lætitiæ & gaudium, ideoque dic cum Sponsa: *Tenui eum nec dimittam.* 5. De longè ad Christum venire peccatores, qui per peccata longè ab eo recesserant, & hos maxime indigere cibo spirituali, ne ob pravos habitus in via deficiant.

**Punct. II.** *Responderunt ei discipuli sui: Unde illos quis poterit hîc saturare panibus in solitudine?* Conf. 1. Opponere discipulos impotentiam suam, & non attendere ad Christi omnipotentiam misericordiæ conjunctam, toties probatam, ideoque cave in bonis operibus exponere defectum vitium aut facultatum, sed in divino auxilio confide. 2. *Interrogavit eos: Quot panes habetis?* qui dixerunt: *Septem, & præcepit turbe discumbere.* Conf. Christum, licet non indigeret, his panibus ad præstandum miraculum; tamen requirere conatum nostrum pro viribus, ut eum ipse adaugeat & promoveat. 3. *Et accipiens septem panes, gratius agens, fregit, & dabat discipulis suis, ut apponerent, atque idem fecit de paucis piscibus.* Conf. docere nos Christum exemplo suo gratias Deo agere etiam pro cibo corporali, quantumvis modico, ut divina benedictione is cedat nobis in augmentum viriæ ad Dei obsequium.

**Punct. III.** *Et manducaverunt, & saturati sunt quasi quatuor millia.* Conf. 1. Multiplicasse Christum hos panes & pisces continuato miraculo in manibus suis, discipulorum, & accumbentium, atque ita omnes saturatos: ubi attende in convivio Dei saturari omnes, in convivio mundi vero omnes fame torqueri, cum nec divitiæ, nec voluptates, nec honores unquam satient. 2. *Et sustulerunt quod superaverat de fragmentis septem sportas* pro oblatis totidem panibus, tum in memoriam miraculi, tum ut agnosceremus copiosum fructum bonorum operum.

DOMI.



## DOMINICA VII. POST PENTECOSTEN.

Anno 32.  
Majo in  
monte Gal.*Christus monet cavendo falsos Doctores, eosq; ex operibus dignoscendos.*

Matt. 7. Luc. 6.

**Punct. I.** Attendite à falsis prophetis, qui veniunt ad vos in vestimentis ovium, intrinsecus autem sunt lupi rapaces. Confid. 1. Christum conficium fraudis & veritatis diaboli, qua magis quam scævitia homines ad interitum trahit, eodemque principio homines pravos velut instrumenta sua ac discipulos imbuunt, præmovere hinc discipulos suos, ut sibi ab iis studiosè caveant, si salvi esse velint. 2. Conf. Fraudes horum seu vestimenta ovium quæ assumunt, quibusque incautos decipiunt, esse ovinam simplicitatem, simulatam pietatem, verba, speciosa, dogmata sensibus grata. 3. In omni sollicitatione ad peccatum similes fraudes præferri, propinari venena, sed melle contexta, offerri oscula, sed recondito gladio ad necandum; ideoque si sapias, cum magna circumspeditione ad ea attende, cave, & pave. 4. Adjungi hic a Christo signum unde dignoscantur, ex fructibus eorum cognoscetis eos, sive ex operibus quæ manifestant latentem intus intentionem.

**Punct. II.** Numquid colligunt de spinis uvas, aut de tribulis ficus? sic omnis arbor bona fructus bonos facit; mala autem arbor malos fructus facit. Confid. 1. Probare hinc Christum doctrinam suam similitudine arboris bonæ ac malæ, quæ sicut ex fructibus dignoscantur, ita & homines dignosci ex operibus. 2. Non potest arbor bona malos fructus facere, neque arbor mala bonos fructus facere. Ostendit signum hoc esse inextinguibile, ideoque voluntatem bonam, dum talis manet, non posse non bene operari, nec malam bene; potest tamen voluntas bona, rejiciendo Dei gratiam, fieri mala, atque ita malos fructus proferre, ac vicissim voluntas mala, si cooperari voluerit gratiæ Dei, fieri potest bona, & proferre fructus bonos. 3. Idem declarat, altera similitudine apud S. Lucam de thesauro, ex quo bono non profertur nisi bonum, ex malo autem non nisi malum, unde & concludit: *Ex abundantia enim cordis os loquitur, igitur & manus operatur, adeoque ex corde bono cogitationes, verba & opera procedunt bona, ex malo vero mala.* Luc. 6. sup.

**Punct. III.** Omnis arbor quæ non facit fructum bonum, excidetur, & in ignem mittetur. Confid. 1. Apponit hic a Christo penam iis qui bona opera non præstant, nec proinde iustificare, ut quis caveat a malo, sed ne, esse esse, ut & faciat bonum; alias velut arbores inutiles excidendos, & in ignem gehennæ rejiciendos. 2. Addit Christus non sufficere etiam nudam fidem, aut invocationem nominis sui, aut proposita bona, quæ velut folia aut flores vento dissipantur, sed requiri fructus, sive executionem mandatorum: *Non enim quis dicit mihi, Domine Domine, & non intrabit in regnum celorum: sed qui facit voluntatem Patris mei qui in celis est, ipse intrabit in regnum celorum.* 3. Conf. diabolum in copiosissimum laborare, ut quibus non potest tollere fidem tollat opera bona & caritatem.

DOMI-

Anno 33.  
Decemb. in  
Bethania  
ad Jord.

112

## DOMINICA VIII. POST PENTECOSTEN.

*Christus parabola villici monet etiam à nobis exigendam rationem, ideoq̃ tempestivè salutem consulendum. Luc. 16.*

**P**unct. I. Homo quidam erat dives, qui habebat villicum, & hic diffamatus est apud illum, quasi dissipasset bona ipsius. Conf. i. Christum docere nunc nos omnes esse non dominos, sed villicos seu administratores donorum ac bonorum nobis commissorum, animi & corporis, naturæ, & gratiæ, & fortunarum, ideoque ea omnia fideliter à nobis administranda. 2. Et Dominus vocavit illum, & ait illi: Quid hoc audio de te? Attende tranquillitatem animi, & æquitatem in iudicando, eamque tu etiam imitare erga proximum in injuriis tibi illatis. 3. Redde rationem villicationis tue. Conf. etiam tibi reddendam rationem de omnibus acceptis, & expensis, etiam de verbo otioso, eoque ampliorem, quò amplior tibi communis est villicatio: quare ut id rectè suo tempore facias, nunc exige sæpius & accurate rationem à te in tribunali mentis per examen conscientiæ, & confessionem sacramentalem, atque ita timendum tibi non erit à tribunali iudicii particularis aut universalis, si nosmetipsos dijudicemus, non utique iudicemur. 4. Iam enim non poteris villicare. Conf. fore etiam aliquando finem villicationis tuæ, seu vitæ terminum, quem Deus etiam prævenit peccatis provocatus, ne impiè agas multum, & noli esse stultus, ne moriaris in tempore non tuo.

**P**unct. II. Quid faciam? quia Dominus aufert à me villicationem. Conf. i. Anxietatem quæ tibi futura est in fine vitæ, quando terrena omnia tibi erunt deferenda, & exactissima eorum reddenda ratio: quare quæ tunc fecisse velles, nunc fac: Dum tempus habemus, operemur bonum. 2. Fodere non valeo, mendicare erubescio. Confid. hæc duo esse præcipua salutis impedimenta, fugam molestiæ & contemptus humani, sive affectu inordinatum erga cōmoda & humanam æstimationem; ideoque stude hæc in te superare. 3. Scio quid faciam. Attende hic cōsideratione finis aperiri oculos mentis, & hominem ad cor redire, ac proinde saluberrimam esse frequentem memoriam mortis.

**P**unct. III. Conf. i. Villicum convocatis debitoribus Domini sui condonasse partem debitorum, & laudavit Dominus villicum iniquitatis, quia prudenter fecisset. Ubi attende laudari, nobisque ad imitandum proponi non injustitiam villici, sed studium ejus & industriam, ut rebus suis etiam in futurum consuleret. 2. Quia filij hujus sæculi prudentiores filiis lucis in generatione sua sunt. Conf. quàm indignum sit homines sæculares plus laboris, studij, ac tolerantiae impendere, consequendis rebus terrenis ac perituris, quàm nos celestibus ac æternis. 3. Et ego vobis dico: Facite vobis amicos de mammona iniquitatis, ut cum defeceritis, recipiant vos in æterna tabernacula. Conf. mammonam sive divitias iniquitatis hic rectè dici, tanquam ejus instrumenta ac peccandi materiam, proinde felicitatem eorum, qui se iis pro Christo abdicant

DOMI-



## DOMINICA IX. POST PENTECOSTEN.

*Christus deplorat peccata civium Hierosolymæ, & ingressus templum  
ejicit vendentes. Luc. 19. Matt. 21. Marc. 1. Ioan. 12.*

Anno 24.  
Mart. 20 in  
via Jerosol.

**P**unct. I. Cum appropinquaret Iesus Hierusalem, videns civitatem, flevit super illam. Conf. I. Christum die Palmarum asino vectum inter discipulos suos, ac faustas turbæ acclamationes, temperasse gaudium inspecto misero statu civium Hierosolymæ, quorum cæcitatem & ingratitude, atque imminuentem severam vindictam miseratus, in lacrymas provocatur: ubi attende benignum Christi in peccatores affectum, statum deinde animæ tuæ, & tot animarum pereuntium, ac disce etiam in prosperis temperare gaudia metu futurorum. 2. *Quia si cognovisses es tn.* Oportet Christum ut aperire velint oculos mentis, & cognoscere bona oblata, ac mala imminuentia, misericordiam præsentem, ac iustitiam futuram. 3. *Et tu.* Exaggerat iniquitatem ab ingratitude: tu præ aliis gentibus adeo à me semper dilecta, instructa, honorata, & locupletata, ac tot beneficiis cumulata: expende & tu beneficia singularia tibi à Deo collata. 4. *Et quidem in hac die tua,* brevi tibi tollenda, ac serò deinde & frustra repetenda: cave ne expectes diem meam, diem iræ, & iusti furoris. 5. *Quæ ad pacem tibi,* media nunc offeruntur, quibus reconciliatus Deo parata tibi ab eo supplicia evadas, & consequaris felicissimam pacem hic ac deinde in cælesti & æterna gloria. 6. *Nunc autem abscondita sunt ab oculis tuis,* & peccata tua, & parata supplicia, & monita mea, quæ omnia noluisti agnoscere, avertens oculos ne videres veritatem, quam si nunc agnosceres, cum Christo fleres, & non perires; sed hanc sequelam dolor Christo interclusit.

Punct. II. *Quia venient dies in te, & circumdabunt te inimici tui vallo, & circumdabunt te.* Confid. I. Christum hinc prædicere eis atrocem punitionem, cuius tempus non exprimit, ut ad illud quantocyùs præveniendum eos permoveat, laxum tamen deinde dedit ad annos 40. quod qui obstinati negligerant, vindicem tandem Dei manū experirentur. 2. *Et coangustabunt te undique,* scilicet numerofo ac robusto exercitu Romanorum, intus per intestina dissidia, & famem extremam. 3. *Et ad terram prosternent te,* nam funditus civitas sic destructa est, ut alio nunc loco sit, quam ante fuerit. Ubi Confid. hæc omnia fuisse quasi præludia & umbram eorum quæ animæ peccatrici in morte obveniunt, cum à dæmonibus cingitur, coangustatur objectis peccatis præteritis, & pœnis futuris, denique prosternitur in desperationis & inferni barathrum. 4. Causam addit Christus tam severæ punitionis: *Eò quod non cognoveris tempus visitationis tuæ,* nunc per misericordiam & beneficentiam, postea visitanda per iustitiam & supplicium: quare *hodie si vocem ejus audieritis, nolite obdurare corda vestra.*

Psal. 94. 6.

Partem II. vide Ter. III. Tom. I. Quadrag.

P.

DOMI.

Anno 34.  
Februar. in  
Bethania ad  
Jord.

# DOMINICA X. POST PENTECOSTEN.

*Christus parabola de Pharisæo & Publicano docet humilitatem. Luc. 18.*

**Punct. I.** Duo homines ascendebant in templum ut orarent, unus Phariseus, & alter Publicanus. **Confid. 1.** Rem in speciem esse piam conferre se in templum adorandum, tanquam locum orationi proprium; sed nisi hæc rectè fiat, fructum nullum colligi, imò injuriam irrogari loco sacro, ac potissimum Christo & Angelis ibi præsentibus. **2.** Phariseus stans hæc apud se orabat, *Deus gratus ago tibi, quia non sum sicut ceteri hominum, raptores, injusti, adulteri, velut etiam hic Publicanus.* Ubi **Confid.** Phariseum quasi in scenam prodire virtutum insignibus gloriantem, sed superbix vitio turpiter infectum, cujus affectus exprimit per confidentiam sui creda cervice, per contemptum aliorum, & hoc cum exaggeratione, ac si omnes essent vitiis infames, & per judicium temerarium de Publicano. **3.** *Iejuno bis in Sabbato, seu hebdomade, decimas do, non tantum juxta legem de frugibus terræ, sed insuper omnium que possideo.* **Confid.** hæc jactantia velut tinea enervari merita & opera bona. *Laudet te alienus, & non os tuum. Non qui seipsum commendat, ille probatus est, sed quem Deus commendat.*

Prov. 27. 2.  
2. Cor. 10.  
17.

**Punct. II.** Et Publicanus à longè stans, nolebat nec oculos ad cælum levare. **Confid. 1.** Publicanum velut in altera scena detestantem & calcantem peccata commissa, totumque ad humilitatem compositum, se & aliorum confortio, & divino conspectu indignum reputare: imitare in hoc odium peccati, pudorem tui, & timorem Dei. **2.** *Sed percutiebat pectus suum dicens: Deus propitius esto mihi peccatori.* **Confid.** eum percussione pectoris designare interam animi pœnitudinem, atque inde inclamare Dei misericordiam: *Propitius esto, condona, placare mihi, cui omne peccatum adscribo, non sociis, non dæmoni, non occasionibus, peccatori, qui toties & tam graviter in te peccavi.* **3.** Sicut Phariseus se super omnes erigebat, ita Publicanum se infra omnes demittere, *non sum sicut ceteri hominum, benigni, justi, casti, velut etiam hic Phariseus.*

**Punct. III.** Dico vobis, descendit hic justificatus in domum suam ab illo, **Confid. 1.** Christum hic velut in tertia scena sententiam de utroque proferre, ac Phariseum se justificantem condemnare, Publicanum verò se condemnantem justificare; unde collige non omnes à templo aut ab oratione redire justificados, neque omnes æqualiter, atque alia esse judicia Dei & hominum. **2.** *Quia omnis qui se exaltat humiliabitur, nempe sæpe in hac vita, semper autem & maxime in altera, ita Lucifer, Nabuchodonosor, Antiochus, &c. dejecisti eos dum alleverantur.* **3.** *Et qui se humiliat, exaltabitur.* Ita Abraham, Moyles, Deipara: Christus, qui humiliavit semetipsum factus obediens usque ad mortem, propter quod & Deus exaltavit illum. *Ac proinde elige superbum sequitur humilis, & humilem sibi suscipiet gloria.*

Prov. 27. 23.

DOMI-



115

# DOMINICA XI. POST PENTECOSTEN.

Anno 33.  
Maioad  
marc Gal.

*Christus sanat mutum & surdum, atque alios plures infirmos:*

Marc. i. Matt. 15.

**P**unct. I. Adducunt ei surdum & mutum, & deprecabantur eum, ut imponat illi manum.  
 Confid. 1. Surdos spiritu, & vitiose esse incbedientes, qui nec mandatis superiorum, nec Dei inspirationibus obtemperant: mutos verò qui reticent & peccata sua, & laudes Dei ex humano respectu. 2. Recte verò spiritu surdos esse & mutos, qui aliorum obloquiis neq; à virtute dimoventur, neque mali quidquam reponunt, sed dicunt cum Christo: Ego autem tanquam surdus non audiebam, & sicut mutus non aperiens os suum. 3. Tunc etiam spiritu infirmos adduc ad Christum verbo & exemplo, atque oratione pro illis apud ipsum deprecare.

*Psal. 37. 14:*

**Punct. II.** Et apprehendens eum de turba seorsum, misit digitos suos in auriculis ejus, & expuens tetigit linguam ejus, & suspiciens in cælum, ingemuit, & ait illi Ephpheta, quod est, adaperire. Confid. 1. Hunc infirmum à Christo seorsum abductum, ut nos doceret recedendum à mundi strepitu ei qui ab ipso animæ sanitatem desiderat. 2. Cum posset eum verbo sanare, quod & deinde fecit, carimonias tamen adhibuit, ut doceret nos eas quæ ab Ecclesia deinde essent instituendæ reverenter venerari. 3. Per immissionem digiti, & tactu sputi ostendere voluit virtutem corporis sui, ac suspiciendo in cælum, medelam inde petendam cunctis infirmitatibus: ingemuit commotus miseriis animæ & corporis, in quas hostis diabolus & peccatum hominem deiecerat, ut nos doceret ex hoc exilio ad cælestem patriam adspirare. 4. Et statim apertæ sunt aures ejus, & solutum est vinculum linguæ ejus, & loquebatur recte. In quo agnosce divinam Christi potentiam, & recte prius apertas esse aures, quam linguam, ut discas prius obedire, quam alios docere, unde S. Gregorius: Ille recte loquitur, qui prius obediendo fecerit, quæ loquendo admonet esse faciendam.

**Punct. III.** Et præcepit illis, ne cui dicerent; quanto autem eis præcipiebat, tantò magis plus prædicabant, & eò ampliùs admirabantur, dicentes: Bene omnia fecit, & surdos fecit audire, & mutos loqui. Confid. 1. Christum non voluisse hic illos ad tacendum obligare, sed palam ostendere, se non teneri desiderio humanæ gloriæ, esseque benefici hanc declinare, grati verò beneficium prædicare. 2. Attende hic etiam laudem & gloriam humanam velut umbram sequi fugientes, cum sequentes fugit. 3. Facile nos judicare Deum bene omnia facere, quando sanat ægros, aut tollit corpori adversa, sed dum hæc immittit, sæpe nos aliter judicare; perfecti verò esse tam in adversis quàm in prosperis Deum laudare, dicendo: Bene omnia fecit. 4. Christum bene omnia fecisse, quia irreprehensibiliter, sic ut jure nihil in vita ejus carpi à quoquam posset, tum etiam quia benefice, nam omnis ejus conversatio fuit velut assidua beneficentia, pertransiit benefaciendo & sanando omnes oppressos à diabolo.

*Act. 10. 38.*

## DOMINICA XII. POST PENTECOSTEN.

Anno 33.  
Oktob in  
Judæa.

*Christus prædicat felicitatem discipulorum suorum, & parabola de Samaritano curato docet caritatem erga proximum. Luc. 10.*

**P**unct. I. Beati oculi qui vident quæ vos videtis. Conf. I. Recte beatos dici oculos videntes mundi Redemptorem, ubi cum oculis corporis conspiciabant oculi mentis seu fidei, quos Judæi, plurimi clausos tenebant; sed & oculi nostri nunc beati qui eundem Christum in Eucharistia licet tectum speciebus vident lumine fidei, ac cetera fidei mysteria, nam  
*beati qui non viderunt & crediderunt.* Attende hinc prærogativam legis novæ præ veteri, ac proinde felicitatem tuam. 2. Multi Prophetæ & Reges voluerunt videre quæ vos videtis, & non viderunt, & audire quæ auditis & non audierunt. Ita testantur ardentia eorum desideria: *Rorate celi desuper. Utinam dirumperes celos & descenderes! Veniet desideratus cupitis gentibus. Excita Domine potentiam tuam & veni.* Jungamus & nos cum illis desideria nostra, ad claram divinæ Majestatis in cælis visionem adspirantes.

Joan. 20. 29.

Isa. 4. 1. 8.

Isa. 64. 1.

Agg. 2. 8.

Psal. 79. 3.

Punct. II. Et ecce quidam Legis peritus surrexit tentans illum, & dicens: Magister, quid faciendo vitam æternam possidebo? Conf. I. Hunc exquirere viam salutis animo non sincero, sed ut inde occasionem captare possit Christum traducendi: tu attende qua intentione feraris in operibus tuis, ac nominatim verbo Dei audiendo. 2. Sicut hunc remittit Christus ad observantiam legis: *In lege quid scriptum est?* ita & nos eodem remittit, atque inde distinctius ad observantiam regularum nostrarum: ac sicut huic subjicit: *Hoc fac, & vires;* ita & nobis idem reponet. 3. Per dilectionem Dei ex toto corde &c. intellige Deum diligendum super omnia & comparative ut nihil diligas Deo contrarium, & appreciative ut paratus sis omnia ejus amore relinquere, & finaliter, ut omnia diligas propter illum. 4. Per dilectionem proximi sicut teipsum, intellige non æqualitatem dilectionis, cum dilectio sui in spiritualibus semper sit ceteris præferenda: sed similitudinem, ut sicut nos ipsos non fecte aut frigide, sed sincere & ardentem diligimus, atque optamus bona corporis & animæ, ita & in proximum feramur.

Punct. III. Homo quidam descendebat ab Ierusalem in Iericho, & incidit in latrones. Confid. I. Christum hac parabola hominis misere in via vulnerati & curati docere quis proximus noster sit, & quæ ei caritas impendenda; illum enim cum præterisset Sacerdos & Levita, non impenso auxilio, Samaritanus Judæis extraneus & hostis deinde accedens, misericordia motus omni caritatis obsequio recreavit, de quo proinde Christus monet: *Vade, & tu fac similiter.* 2. Confid. hinc notari à Christo præposteram religionem Judæorum, nominatim Sacerdotum ac Levitarum, qui toti erant in externis & superfluis cærimoniis, internam verò pietatem negligebant, in qua ab ipsis Samaritanis superabantur: ubi attende quam turpe sit vinci Christianum ab Ethnicis, religiosum à secularibus in operibus pietatis.

DOMI-



## DOMINICA XIII. POST PENTECOSTEN.

Anno 33.  
Septemb.  
per Samari-  
am.*Christus sanat decem leprosos. Luc. 17.*

**P**unct. I. Occurrerunt ei decem viri leprosi. Confid. 1. Leporam fuisse Judæis morbum frequentem, partim naturalem ob calores, partim ex speciali Dei punitione, & communiter incurabilem, cujus effectus & signa erant diffusa per corpus scabies, vultus luridus, & halitus fœtens ac contagiosus; in quo attende designatam fuisse lepram spiritualem animæ, nempe peccatum, cujus effectus cum multo graviores sint, eam etiam magis esse cavendam. 2. *Qui steterunt à longè*, juxta legem, ne alios inficerent: tu etiam cave confortia malorum, & occasiones peccandi; Nam qui *retigerit picem, inquinabitur ab ea*. 3. *Et levaverunt vocem, dicentes: Jesu Præceptor miserere nostri*. Desperato omni alio auxilio, recurrunt ad Christum, cujus misericordiam ardentem, & unanimiter implorant: tu sic etiam ad ipsum in necessitate recurre.

Lev. 13. 46.

Eccli. 13. 1.

Punct. II. Quos ut vidit, dixit: *Ite ostendite vos Sacerdotibus*. Confid. 1. Christum non fugere leprosos, sed quærere, ut eis & animi & corporis sanitatem restituat, in quo benignitatem ejus attende: missos verò ab eo ad Sacerdotes, tum ut ipse hoc mandato suo se legis observandæ studiosum ostenderet, tum ut eos induceret ad simplicem obedientiam, cujus fructum mox perceperunt, nam *dum irent, mundati sunt*: illam & tu imitare. 2. Conf. Christum ea missione ad Sacerdotes præsignasse Sacramentum confessionis à se instituendæ, ubi Sacerdotes potestatem essent habituri non tantum examinandi, sed verè tollendi lepram omnem spiritualem, de quo beneficio gratias illi age, & cave per noxiam erubescerentiam, vel à confessione abstinere, vel peccata celare. 3. Sicut illi cunctati non sunt, ita nec tu cunctare, sed lepra infectus, mox eò accurre. *Non tardes converti ad Dominum, & ne differas de die in diem*.

Lev. 13. 29.

Eccli. 5. 8.

Punct. III. *Vnus autem ex illis, ut vidit quia mundatus est, regressus est, cum magna voce magnificans Deum*. Confid. 1. Plurimum placuisse Christo hujus gratitudinem, tum propter ferventem affectum palam declaratum, tum propter insignem humilitatem, nam *cecidit in faciem ante pedes ejus*, tum potissimum quia *hic erat Samaritanus*, minori notitia Dei imbutus quam ceteri Judæi; & sic fit quandoque sæculares fervore præstare religiosis. 2. Respondit illi Christus: *Nonne decem mundati sunt, & novem ubi sunt? non est inventus qui rediret, & daret gloriam Deo, nisi hic alienigena*. Confid. gravem ingratitude horum Judæorum, qui ne verbum quidem gratiarum pro accepto beneficio sanitatis reponunt. Sic multi in necessitate recurrunt ad eum, sed ea liberati mox obliviscuntur. 5. *Et ait illi: Surge, vade, quia fides tua te salvum fecit*, fides nempe caritate vivida etiam animæ sanitatem restituit. Quare & in te fidem accende, nam *multi sunt vocati, pauci vero electi*.

Matt. 20.

Anno 32.  
Maio in  
monte Gal.

118

## DOMINICA XIV. POST PENTECOSTEN.

*Christus damnat immodicam curam temporalium. Matt. 6.*

**P**unct. I. *Nemo potest duobus Dominis servire. Non potestis servire Deo & Mammonæ.* Confid. 1. Christum ex doctrina generali, quod nemo possit servire duobus dominis non subordinatis, & diversa jubentibus, recte inferre, non posse nos simul Deo servire, & Mammonæ, sive Deo divitiarum in conquirendis divitiis, quæ animum à cultu Dei abstrahunt, sibi quæ penitus vindicant. 2. Cum tamen oporteat servire alicui, an non expediat servire Domino benigno, fidei & liberali Deo, cui, ut ait Bernardus, *servire regnare est*, cui tot titulis servitutem debemus, amplissima deinde mercede in cælis remunerandam; quàm Domino duro & infideli diabolo, qui suos cultores torquebit postea cruciatibus æternis.

Punct. II. *Ideo dico vobis, ne solliciti sitis animæ vestræ quid manducetis, neque corpori vestro quid induamini.* Confid. Christum hîc septem argumentis refutare inordinatum studium divitiarum, ac 1. ex eo quod Deus ultro dederit nobis animam & corpus nobiliora cibis & vestibus, nec proinde subtracturum hæc minora, in quantum sunt necessaria: *Nonne anima plus est quam esca, & corpus plus quam vestimentum?* 2. Ex cura Dei in pascendis avibus: *Respicite volatilia cæli, quoniam non serunt, neque metunt, neque congregant in horrea, & Pater vester cælestis pascit illa: Nonne vos magis pluris estis illis?* 3. Quod curæ nostræ eo sint omnino inutiles: *Quis autem vestrum cogitans potest adjicere ad staturam suam cubitum unum?* Si studiis nostris ne vel ad minimum possimus extendere staturam corporis, frustra angere nos de vita ipsa proroganda. 4. Ex ornatu florum, qui etiam regium superat: *Considerate lilia agri, seu flores in pratis sponte nascentes, quomodo crescunt, non laborant neque nent: dico autem vobis, quoniam nec Salomon in omni gloria sua coopertus est sicut unum ex istis.* 5. Arguit diffidentiam de Deo ac divina providentia, tanquam radicem anxietatis: *Si autem fenum agri quod hodie est, & cras in clibanum mittitur Deus sic vestit, quanto magis vos modicæ fidei?* 6. Diffidentiam illam & anxietatem propriam esse gentilibus, nec proinde convenire filiis Dei & heredibus regni cælestis: *Nolite ergo solliciti esse dicentes: quid manducabimus, aut quid bibemus, ut quo operiemur? hæc enim omnia gentes inquirunt.* 7. A paterna Dei providentia: *scit enim pater vester, quia his omnibus indigetis; ita vos ipse creavit gentes operis suæ, ut eam minime sit subtracturus: vos quæ illius sunt curate, curabit ipse quæ vestra sunt.*

Punct. III. *Querite ergo primum regnum Dei & iustitiam ejus, & hæc omnia adjicientur vobis.* Confid. Christum hîc præcipere ut super omnia, & omni studio, sed sine anxietate quæramus regnum Dei, qui regnet in cordibus nostris per gratiam, ac deinde deducat nos in regnum suum cæleste; cuius etiam obtinendi medium addit, nempe iustitiam, seu observantiam legis divinæ; atque ita studendum divitiis non terrenis sed cælestibus.

DOMI-



## DOMINICA XV. POST PENTECOSTEN.

Anno 3.  
Maior ad ur-  
bem Naim.

Et Feria V. post Dom. IV. Quadrag. &amp; die S. Monica.

*Christus suscitavit à morte filium viduæ ad urbem Naim. Luc. 7.*

**P**unct. I. Cum appropinquaret Iesus portæ civitatis, ecce defunctus efferebatur Filius unicus Matris suæ, & hæc vidua erat. Confid. 1. Occursum hunc Christi non fortuitum sed destinatum, sicut & pluribus aliis, ita & huic defuncto felicem hunc fuisse ac salutare: tu attende quoties ille tibi occurrat in sacro & oratione, atque occasionem arripe. 2. Conf. Adolescentem hunc fuisse in ætate florenti, opulentum, & unicum, eumque efferri extra domum maternam, urbem, divitias, voluptates, honores, iisque omnibus pariter spoliatum. *O mors quam amara est memoria tua homini pacem habenti in substantiis suis!* Quare ne fide vitæ fugaci instar avis volantis, cursoris, navis, sagittæ, &c. & quod tunc factum velles, nunc statue. 3. Licet Judæi tunc de more extra urbem suos sepelirent; postea tamen rectè statutum ab Ecclesia, ut fideles intra urbem in templis aut propè ea sepelirentur, ut nempe templum ingressuri ibi pro defunctis orarent, & stimulum ibi conciperent sanctioris vitæ, attendentes sepulchra mortuorum esse monumenta vivorum, quos monent idem sibi expectandum.

Eccli. 41.1.

Sap. 9.

Punct. II. Quam cum vidisset Dominus, misericordia motus super eam, dixit illi: Noli flere. Confid. 1. Misericordiam Christi commoti lacrymis viduæ lugentis mortem corporalem Filij, ac proinde longè magis eum commovendum lacrymis tuis, cum lugebis animam tuam vel proximi peccato mortuam. 2. Verat lacrymas illas, quia vanas: tuas verò provocat quia utiles & quæ postea vertentur in gaudium. 3. Tetigit loculum, & stetit, ut ostenderet se habere imperium etiam in mortem. Tangit etiam peccatorem, priusquam suscitaret, excitando in eo affectus fidei, timoris, spei, & pœnitentiæ. 4. Hi autem qui portabant, steterunt. Sic vitia quæ deducunt peccatorem in consuetudinem peccandi velut sepulchrum, sistuntur à Christo, dum cor tangit, & movet ad emendationem vitæ.

Punct. III. Adolescens tibi dicit: Surge, & resedit qui erat mortuus, & cepit loqui. Confid. 1. Christi in hoc potentiam, dum solo imperio mortuum suscitavit, & attende quoties & tibi in anima idem inclamet, ut surgas è vitiis & languore tuo, nec tamen commoveris. 2. Et dedit illum Matri suæ. Ut nempe hæc illo fruere, & ille Matri obsequeretur ita peccatorem justificatum restituit Ecclesiæ, ut ejus se verum filium vitæ sanctitate deinceps exhibeat. 3. Accepit autem omnes timor, & magnificabant Deum dicentes: quia Propheta magnus surrexit in nobis, & quia Deus visitavit plebem suam. Omnes illi sacro horrore & reverentia correpti in gratias Deo eruperunt, sed præ reliquis mater & filius redivivus: & tu de suscitatione animæ tuæ, & aliorum a peccatis, Deo, ut par est, gratias repende.

anabacolsq misi it ER 14

Anno 32.  
Aug. 7. ad  
montem  
Thabor.

120

## FERIA IV. QVAT. TEMP. SEPTEMB.

*Christus eiecit demonium, quod Apostoli non potuerant.*

Marc. 9. Mat. 17. Luc. 9.

**Punct. I.** Magister attulit filium meum ad te, habentem spiritum mutum, qui ubicumque eum apprehenderit, alludit illum, & spumat, & stridet dentibus, & arescit. Confid. 1. Christo è monte Thabor descendenti inter ceteros occurrisse unum, & genibus ejus provolutum opem ardentem implorasse pro filio unico energumeno liberando: ubi attende odium dæmonis erga hominem in affligendo corpore, quotidie magis exerceri in affligendis animis. 2. Et dixit discipulis tuis, ut ejicerent illum, & non potuerunt. Derivat hic defectum curationis in impotentiam discipulorum, cum debuisset potius derivare in suam incredulitatem. 3. Qui respondens eis, dixit: O generatio incredula & perversa, quousque ero vobiscum? usquequo patiar vos? Sic Christus non superatus tædio, sed velut medicus cujus præcepta ab ægro non servantur, meritò expostulat se vitio eorum nihil apud eos proficere ut beneficiis, tot miraculis frustra profusis: cave ne & hæc querela in te locum habeat.

Hab. 1. 3.  
Isa. 12. 1.

**Punct. II.** Afferte illum ad me. Conf. 1. Christum hîc post justam increpationem mox assumere consuetam misericordiam & mansuetudinem: cum iratus fueris, misericordia recordaberis: Conversus est furor tuus, & consolatus es me. 2. Et cum vidisset eum, statim spiritus conturbavit illum, & elisus in terram volutabatur spumans. Conf. sic eum, qui ad Christum convertitur, acrius à dæmone in anima divexari, distrahi ad alia, & in priora vitia ac pusillanimitatem inclinari. 3. Et interrogavit patrem ejus: quantum temporis est, ex quo ei hoc accidit? at ille ait: Ab infantia, & frequenter eum in ignem, & in aquas misit ut eum perderet. Conf. valde difficulter expelli vitia quibus quis d. u. assuevit, ideoque ea quamprimum forti animo superanda, & quò magis differuntur, difficilius curanda. 4. Sed siquid potes, adjuva nos, misertus nostri. Prodit hîc infirmam fidem, sensim tamen Christi gratia crescentem.

**Punct. III.** Iesus autem ait illi: Si potes credere, omnia possibilia sunt credenti. Ubi Conf. 1. efficaciam fidei. Et continuo exclamans pater pueri cum lacrymis dicebat: Credo Domine, adjuva incredulitatem meam. Sic & tu Christum precare: 2. Et ad dæmonem conversus, dicit illi: Surde, & mute spiritus, ego precipio tibi, exi ab eo, & amplius ne introeas in eum. Et exclamans, & multum discerpens eum, exiit ab eo. Conf. hîc potentiam & imperium Christi in dæmones, & superabundantem misericordiam, cum non tantum à dæmone liberat, sed & cavet ne ab eo amplius infestetur: sic & tu cave maxime relapsus in priora vitia. 3. Et cum introisset in domum, discipuli ejus secretò interrogabant eum: Quare non posuimus ejicere eum, & dixit illis: hoc genus in nullo potest exire, nisi in oratione & jejuniis. Confid. Christum hîc indicare graviores tentationes & afflictiones non superandas nisi oratione & jejuniis seu poenitentia, ac sic efficacius Dei offensi iram placandam.

SABBA.



Feria VI. Quat. Temp. Septemb. vide Festum S. Mariæ Magdalene 22. Julij.

## SABBATO QVAT. TEMP. SEPT. EMB.

Anno 35.  
Novemb. 11.  
Judæa.*Christus hortatur ad pœnitentiam parabola ficus, & sanat  
mulierem contractam. Luc. 13.*

**Punct. I.** Arborem fici habebat quidam plantatam in vinea sua, & venit querens fructum in illa, & non invenit. Dixit autem ad cultorem vineæ: Ecce anni tres sunt, ex quo venio querens fructum in ficulnea hac, & non invenio; succide ergo illam, ut quid etiam terram occupat? Conf. 1. Dominum vineæ hujus esse Deum, cultorem verò Christum, etiam Prophetas & Apostolos: ficum verò esse populum Judaicum, à Deo plantatum, atque innumeris beneficiis corporalibus ac spiritualibus, velut pluvia & Sole adjutum & provocatum ad ferendos fructus bonorum operum, sed frustra: ac proinde jussisse populum illum excindi; nam *omnis arbor quæ non facit fructum bonum, excindetur & in ignem mittetur*: cave & tu sterilitatem bonorum operum, quæ Deus à te post tot collata beneficia patienter expectat. 2. At ille, cultor vineæ Christus, respondens dicit illi: Domine, dimitte illam & hoc anno, usque dum fodiam circa illam, & mittam stercora, & siquidem fecerit fructum, salva erit: sin autem, in futurum succides eam. Confid. misericordiam & clementiam Christi erga peccatores, intercedentis apud Patrem, ut tempus eis proroget pœnitentiæ, interim operam ipse suam promittit, ut fodiat circa illos, proposita ob oculos morte, & peccatorum velut stercoreum fœditate: cave autem tu ne misericordiæ Christi & clementiæ reponas ingratitudinem, & duritiam cordis, ne concessum tempus ad opera bona, convertas ad mala, unde fiet, ut & ipse collata beneficia conversurus sit, in æterna supplicia. *Deus ju-* Psal. 7. 12.  
*dex justus, fortis, & patiens. Dissimulans peccata hominum propter pœnitentiam. Pa-* Sap. 11. 24.  
*tienter agit propter vos, nolens aliquos perire, sed omnes ad pœnitentiam reverti. Terra* 2. Pet. 3. 9.  
*sepe venientem super se bibens imbrem: proferens autem spinas ac tribulos, reprobæ est,* Hebr. 6. 7.  
*& maledicto proxima.*

**Punct. II.** Et ecce mulier quæ habebat spiritum infirmitatis annis decem & octo, & erat inclinata, nec omnino poterat sursum respicere, quam Christus impositione manuum suarum, subito sanavit, & illa erecta glorificabat Deum. Confid. 1. Mulierem hanc à maligno spiritu obsessam, atque ab eo morbis multo tempore miserè divexatam typum fuisse animæ peccatricis, terrenis rebus afixæ, & in peccatis inveteratæ, quo diabolus potissimum adlaborat, ac ne sursum ad cœlestia respiciat; hinc tamen Christum peccatoribus omnibus ipem subicere sanitatis spiritualis obtinendæ, sicut mulieri huic contulit corporalem: impositione manuum designans potestatem suam, & imperium in dæmones atque omnes morbos. 2. Disce hinc frænare affectum ad terrena. Peccator dum desideria inferior, sequitur, à S. Gregor. mentis suæ rectitudine curvatur. Declina verunt oculos suos, ut non viderent cælum, neque recordarentur judiciorum Dei. Dan. 13. 9.

DOMI-

Anno 33.  
Decemb.  
Jerofol.

## DOMINICA XVI. POST PENTECOSTEN.

*Christus sanat hydropicum in Sabbato, & parabola invitati ad nuptias docet humilitatem. Luc. 14.*

**Punct. I.** Cum intraret Iesus in domum cuiusdam Phariseorum Sabbato manducare panem, & ipsi observabant eum. Confid. 1. Christum hinc Sabbato invitatum, die opportuno ad pietatis & caritatis opera exercenda, contraria in ipsis expertum, qui ex verbis & actionibus ejus agere studebant quod carperent, ubi ipse intentus erat in ipsorum salutem: tu cave ne in aliis nominatim superioribus observes & carpas zelum disciplinæ, vel ea quæ laudanda potius sunt, ac defectus tuos observa. 2. Christum non tam spectasse convivij apparatus, quam malignam eorum intentionem, ac nominatim venenata fercula invidiæ & ambitionis, quibus ipse præter virtutes suas, opponebat miraculum & instructionem: quare scias parum profutura opera bona sinistra intentione condita. 3. Cave ne dies festos transigas in vitiis Phariseorum, sed cum Christo in exercitiis virtutum, pietatis, caritatis, zeli, patientiæ, &c.

**Punct. II.** Et ecce homo quidam hydropicus erat, ante illum. Confid. 1. Hunc hydropicum cum non auderet ob metum Judæorum Christi opem implorare, stitisse se ante eum, ut conspectu morbi sui ad commiserationem permoveret: tu etiam infirmitates tuas Christo exponere, eumque inspectorem tibi in omnibus statue; ac sic benignam & auxiliarem ejus manum submissè implora. 2. Conf. Hydropem spiritualem recte appellari avaritiam & superbiam, nam sicut in corporali quod plus sunt potæ, plus sitiuntur aquæ: ita & in his crescit assidue sitis habendi, inflantur opibus fluidis velut aqua, nec nisi abstinentia curantur: quare opulentiam avari & fastum superbi morbum potius esse scias, quam felicitatem.

**Punct. III.** Cum invitatus fueris ad nuptias, non discumbas in primo loco. Confid. 1. Christum observata superbia, qua turgebant Pharisei in captando primo loco convivij, captasse inde occasionem eos instruendi ex motivo humano parabolæ de invitatis ad nuptias, ubi is qui primum locum malè occupaverat, jubetur cum rubore recedere ad novissimum; alter verò è novissimo loco jubetur cum gloria ascendere ad superiorem: unde discant superbos etiam ab hominibus hujus sæculi deprimi, humiles verò ac modestos honorari. 2. Studendum tibi ut occupes primum locum non in terris, sed in cælis, ad quem via rectissima, exemplo Christi est locus hic novissimus, ideoque infirmitates tuas tibi ob oculos pone, ceteris te viliores æstima, & quanto magnus es, humilia te in omnibus, & coram Deo invenies gloriam. 3. Concludit Christus quia omnis qui se exultat humiliabitur, & qui se humiliat exaltabitur, si non in hac vita, saltem in altera. Nimis honorificati sunt amici tui Deus, nimis confortatus est principatus eorum.

Ecclesi. 3. 10.

Psal. 138. 17.

DOMI-



## DOMINICA XVII. POST PENTECOSTEN.

*Christus respondet ad questionem de præcipuo mandato. Matt. 22. Mar. 12.*

**P**unct. I. *Diliges Dominum Deum tuum ex toto corde tuo, & ex tota anima tua, & ex tota mente tua.* Confid. 1. Phariseos videntes Christum in confutandis Sadducæis hæreticis victoriam retulisse, aliud in ipsum hic telum torquere de mandato præcipuo legis, quod cum aliqui male instructi interpretarentur eide oblationem sacrificij, Christus postposito respectu humano, ac dissimulato eorum malignandi studio, docuit id consistere in caritate: tu in hoc confidentiam Christi pro Dei gloria imitare. 2. Per dilectionem Dei ex toto corde, &c. non significari aliud, quam Deum super omnia diligendum, sic ut paratus sis ejus dilectioni divitias, honores, & vitam postponere: vel etiam per *cor, animam, & mentem* intellige tres animæ potentias, voluntatem, intellectum, & memoriam. Addit S. Marcus: *Ex tota virtute tua*, seu conatu exteriori, sic ut ex corde diligatur Deus suaviter, ex anima sapienter, ex mente constanter, ex virtute fortiter. 3. Vult Deus ex toto corde diligi, sic ut affectus voluntatis non in alias creaturas nisi propter se dividatur.

Punct. II. *Hoc est maximum & primum mandatum.* Confid. Mandatum hoc dilectionis rectè à Christo appellari maximum, 1. capacitate, quia continet cetera omnia mandata & virtutes, quas velut radix, mater, & regina, generat, alit, & roborat. 2. Meritis, quia sicut aurum præstat metallis ceteris, eaque exornat: ita & hæc facit opera omnia meritoria. 3. Nobilitate, quia facit suos maximos, nempe filios Dei. 4. Victoria, quia vincit omnia quantumvis dura & aspera, etiam mortis tormenta. 5. Facilitate, quia nihil facilius nec jucundius, atque omni tempore & loco exerceri potest. Denique sine ea nihil cetera omnia ad salutem profunt.

Punct. III. *Secundum autem simile huic: Diliges proximum tuum sicut teipsum.* Confid. 1. Hoc præceptum de dilectione proximi hîc adjungi priori, & simile dici ob dignitatem & idem objectum formale, quod est Deus; nam proximus referens imaginem Dei propter Deum diligendus est, qui præstita illi bene vel male, sibi attribuit. 2. Proximum dici omnem hominem extra statum damnationis, qui omnes fratres nostri sunt natura ab eodem Patre Deo accepta, fideles verò insuper à Christo omnes in baptismo regenerati, corpore ejus & sanguine in Eucharistia aluntur ad vitam gloriæ cælestis. 3. Modus autem diligendi proximum est, *sicut teipsum*, non æque nec quantum, sed simili amore, sincero & solido, optando ei bonum sicut tibi, ac pro viribus præstando, malum nolendo ac avertendo. 4. Licet proximus omnis diligendus sit, tamen juxta legem dilectionis ordinatæ, magis diligendos eos, qui natura aut spiritu conjunctiores sunt, atque una fide, aut etiam religione copulantur.

## DOMINICA XVIII. POST PENTECOSTEN.

Et Feria VI. Pentecostes.

*Christus sanat paralyticum demissum per tectum.* Matt. 9. Marc. 2. Luc. 5.

**P**unct. I. Et ecce offerebant ei paralyticum jacentem in lecto. Confid. 1. Cum Christus esset Capharnai, ubi sæpius versabatur, ad mores istius temporis corruptissimos corrigendos, fuisse paralyticum à 4. viris in lecto delatum, eo quod præ turba per januam induci non posset, ac demissum è superiore tecto domus ante Christum, cui licet gratum acciderit hoc caritatis obsequium, multo tamen gratius illi esse, cum offers illi verbo, vitæ exemplo, aut oratione curandum peccatorem. 2. Cave tibi à paralyti spirituali quæ est acedia, nam sicut corporalis oritur ex frigore, dissolvit nervos, calore curatur & exercitio: ita & acedia oritur ex frigore spirituali, ubi prima devotio deferbuit, dissolvit amorem & timorem Dei, nec cūlatur nisi fervore pietatis, & exercitio spirituali. 3. Cupientibus ad Christum accedere occurrunt impedimenta, quibus pusillanimes deterrentur, accenduntur magnanimi: quare tu obloquia, & incommoda via ad Christum stude superare, portatores adhibe sanctos Patronos, & memoriam novissimorum.

*Pun. II. Videns Iesus fidem illorum, dixit paralytico: Confide fili, remittuntur tibi peccata tua.* Confid. 1. Quàm bonum sit esse in societate piorum, quorum precibus impetres bona desiderata, sic Paulus virtute sua omnes secum navigantes meruit periculo eripere. 2. Paralyticum, hunc quem Pharisei averfabantur, quia pauperem & afflictum, vel ideo à Christo benignè admittum, & pœnitentem mox in filium susceptum: tu non labora de hominum à te aversione, modò Christi favorem obtineas. 3. Christum plus dare quam petatur, dum peccatum morbi fontem ostendit & tollit, ut discas prius ac potius quærere sanitatem animæ quam corporis, & afflictiones communiter esse pœnas peccati, ut vitam nostram in melius commutemus.

*Punct. II. Et cum discesset Iesus cogitationes eorum, dixit: Ut quid cogitatis mala in cordibus vestris.* Co. fid. 1. Christum tribus certis indicis hîc probare suam divinitatem dum se ostendit inspectorem cordium, dum peccata remittit & paralyticum imperio sanat sine alterius invocatione; his tamen Phariseos nimine permotos: tu attende Deum tibi præsentem & inspectorem, ad eoque pravæ cogitationes in corde tuo coëce. 2. *Ait paralytico: Surge, tolle lectum tuum, & vade in domum tuam.* Ubi Conf. Christum non solum contulisse sanitatem paralytico, sed etiam vires ac robur ad portandum lectum, & ambulandum, ita perfecta sunt Dei opera, ubi conatus ioster accesserit. 3. *Et tibi dicitur: Surge ex defectibus tuis per propositum emendationis, tolle corpus tuum ut serviat iustitiæ & spiritui, quod prius serviebat iniquitati, & vade in domum conscientiæ tuæ, & orationis ad Patrem cælestem.*

DOMI-



125

# DOMINICA XIX. POST PENTECOSTEN.

*Christus exponit parabolam de nuptiis filij Regis. Matt. 22.*

Anno 34.  
Martij 22.  
Jerosol.

**Punct. I.** Simile factum est regnum celorum homini Regi, qui fecit nuptias filio suo.

**Confid. I.** Christum declarare hic cælestis Patris sui studium omnes salvandi, exemplo Regis, qui propinquis excusantibus se à convivio nuptiali, quosvis è platea accersit, modo allumant vestem nuptialem: ita & cælestem Patrem nuptias parasse Filio suo per Incarnationem cum Ecclesia, & quavis anima fideli: ubi agnosce felicitatem & dignitatem tuam, tantique sponsi potentiam, gloriam, & majestatem, teque ad amorem ejus excita. 2. Invitados eo primum fuisse Judæos per Prophetas, per Joannem Baptistam, ac tandem per ipsum Christum, sed *nolebant venire*, quorum ingratitudinem dum miraris: cave ne & tibi dicatur: *Tu es ille vir*, toties vocatus ad pœnitentiam, & vitæ emendationem. 3. Denuò enixius invitatos neglexisse, alios prætextu villæ, alios negotiationis, alios vero Regis servos contumeliis affectos occidisse: vide quam multi studia voluptatum & divitiarum præponant vocationi Dei.

2 Reg. 14.  
17.

**Punct. II.** Rex cum audisset, iratus est, & missis exercitibus perdidit homicidæ illos.

**Confid. I.** Justam licet tardam Dei justitiam in puniendâ ingratitudinè Judæorum, quando anno post mortem Filij 40. per Romanum exercitum eos tam severè gladio & fame perdidit, ac civitatem evertit. 2. **Confid.** ejusdem Regis benignitatem, quando misit iterum servos ad exitus viarum, ut quoscumque invenirent, convocarent: ita & missos Apostolos ac viros Apostolicos ad extrema mundi, qui gentiles toto orbe diffusos ad Ecclesiam & salutem vocarent, ejus nomine *qui omnes homines vult salvos fieri*, gentiles, hæreticos, peccatores, excitatque conscientia stimulis, monitis, exemplis.

1 Tim. 2. 4.

**Punct. III.** Intravit Rex, ut videret discumbentes, & vidit ibi hominem non vestitum veste nuptiali.

**Confid. I.** Intrare ad nos cælestem Regem in judicio particulari, & universali, ac sub uno homine destituto veste nuptiali designari omnes fideles peccatores, destitutos veste gratiæ ac caritatis Dei. 2. Rex hunc redarguens amicè compellat, quo significatur Dei in puniendo tranquillitas, neque ex odio, sed zelo justitiæ peccatores condemnare. 3. Reprehensus *obmutuit*, ut significetur peccator testem sibi habere conscientiam, neque ullam excusationem apud Deum locum habiturum. 4. Jubetur proinde *ligatis manibus & pedibus* muti in tenebris exteriores, abstrusi carceris; *ibi erit fletus, & stridor dentium*, dolor & tormentum: ut scias post hanc vitam decile potentiam ad resistendum, vel defectus corrigendos: quare *dum tempus habemus, operemur bonum*. 5. Concludit Christus: *Multi enim* sunt vocati, imo omnes ad fidem & salutem, pauci verò electi ad gloriam, quia eligi noluerunt: tu stude te inter paucos conservare, & electionis tuæ signa stabilire, ne cum pluribus excidas.

Gal. 6. 10.

Anno 32.  
Febr. in  
Cana Gal.

# DOMINICA XX. POST PENTECOSTEN.

*Christus sanat filium reguli. Ioan. 4.*

Thren 4. 8.

Matt. 25. 12.

Luc. 16. 22.

**P**unct. I. *Erat quidam regulus cuius filius infirmabatur Capharnaum. Ubi Confid. I. infirmitatem hanc, ut subdit parens, fuisse morti proximam, unde nec divitiæ, nec potentia liberare eum poterant, ut discas nihil in hac vita cuiquam cuiusvis ætatis, aut conditionis certum aut stabile esse, ac proinde ad meliorem vitam adspirandum. 2. Confid. & te esse regulum à cælesti Rege sub ipso constitutum, qui regendas habes potentias internas & externas, corporis sensus, & membra, filius tuus est voluntas ad bonum infirma, cui cave ne in mortem vel infirmitatem gravem labatur, quod si fiat, recurrere mox ad cælestem medicum. 3. Febrim nostram esse concupiscentiam malam, quæ sitim excitat rerum terrenarum, fastidium cælestium, animam Dei gratia prius exornatam, per peccatum ea privat, adeoq; deformat, ut super carbones denigretur, nec à Deo, nec ab Angelis cognoscatur, n. scio vos, atque ad mortem æternam tandem deducat. Sic mortuus est dives, & sepultus est in inferno.*

Matt. 9. 7.

*Punct. II. Nisi signa & prodigia videritis, non creditis. Confid. I. Corripi hinc à Christo regulum, tum propter fidem imperfectam, qua corporalem Christi præsentiam necessariam credebatur pro sanitate restituenda, tum quia divites hinc suas habent consolationes: quare Centurioni, ut notat August. pro servo sanitatem petenti, adventum suum hic denegatum, ibi ultro obtulit, docens pauperes majori cura complectendos. Tu argue tuam in credendo duritiem post tot signa à Christo & Sanctis edita, tot impiorum, qui male perierunt, exempla, & roga fidem tibi adaugeri. 2. Ubi tamen regulus in oratione perseveravit, mox à Christo exauditus est, filio sanitati restituto, ut discas in oratione cum illo persistere, sed fide viva & spiritu humilitatis clamando: Domine descende, per affectum commiserationis ad vilitatem meam. 3. Confid. quanta diligentia procuretur agris sanitas corporis, & quæ molestiæ pro ea subeantur, portiones amaræ sumuntur, funditur sanguis, sumptus erogantur: pro salute verò animæ quam tardè & parum fiat.*

*Punct. III. Et credidit ipse, & domus ejus tota. Ubi Confid. Dei sapientiam & bonitatem in pertrahendo homine ad salutem variis mediis, prout hinc occasione morbi lethalis, & parentem minùs de Deo cogitantem, & filium, & familiam integram ad se convertit: unde discas morbos inter dona Dei meritò munerandos, ut rectè August. sicut res prospera donum est Dei consolentis, ita adversa donum Dei admonentis. 2. Attende exempla plurima eorum qui per morbos & adversa salutem consecuti sunt, quæ alij per prosperitatem exciderunt: æquo igitur animo & grato animo adversa excipe, atque inde proficere in virtute studè.*

DOMI.



## DOMINICA XXI. POST PENTECOSTEN.

Anno 35.  
Septemb.  
Caphernaï.*Christus hortatur ad condonationem injuriæ, parabola Regis ponentis  
rationem cum servis. Matt. 18.*

**P**unct. I. Simile est regnum calorum homini Regi, qui voluit rationem ponere cum suis. Confid. 1. Moneri nos hîc, regem cælestem, à nobis instar regis terreni, à servis suis, exacturum rationem, non tantum in fine vitæ, ubi nullus dabitur deprecandi locus, sed & sæpè etiam in hac vita, tum de beneficiis acceptis, tum de debitis per peccata contractis: quare tu ipse prior sapius à te rationem exposce, imò quotidie per accuratum examen conscientiæ. 2. Peccatorem hîc comparari cum eo qui debebat Regi suo enormem summam 144. millionum auri, quibus præstandis minime sufficiebat: per peccatum verò etiam unicum mortale longè gravius debitum contrahi, quia injurium infinitæ majestati, sic ut nec omnes simul creaturæ pro eo possint satisfacere, sed opus fuerit incarnatione Filij Dei; quare tu ad tam immanis debiti onus assumendum exhorresce. 3. Si fortè cum servo illo infideli hoc debitum contraxeris, procide cum eo supplex, & ora: *Patientiam habe in me & omnia reddam tibi*, redde vires animi & corporis ab eo acceptas, ad ejus obsequium, atque abundanter omnia ex meritis Christi.

**Punct. II.** Misertus autem Dominus servi illius, dimisit eum, & debitum dimisit ei. Confid. 1. Significari hîc quanta sit Dei in peccatores supplices clementia & misericordia, ut statim non tantum temporis prorogationem quæ petebatur, sed etiam plenam tanti debiti condonationem pro brevi supplicatione cõcesserit: disce tu ad hanc infinitam Dei misericordiam, si in peccatum lapsus es, recurrere, ac minores proximi offensas etiam facile condonare. 2. Conf. Servi hujus ingratitudinem, qui immemor clementiæ sibi exhibitæ, unum de conservis suis, ob minus longe debitum atrocius insectatur: ubi disce peccatores vitiis assuetos, communiter de malo in pejus ruere, ac licet emendationem subinde spondeant, mox tamen ad ingenium redire. *Iusti ibunt de virtute in virtutem: peccatores verò de malo ad malum egressi sunt.* Psalm. 8. 9.  
Ier 9. 3.

**Punct. III.** Serve nequam, omne debitum dimisi tibi, quoniam rogasti me. Confid. 1. Quam merito redarguatur hic servus propter inclementiam in conservum, postquam tantam in se Regis sui clementiam & liberalitatem expertus fuerat: quare cave ne & tu post acceptam à Deo toties, & tam gravium offensarum condonationem, proximum ob leves offensas acerbius persequaris. 2. Sicut servus ille inclementiam in conservum exhibitam, merito deinde in se à Rege suo expertus est, sic, inquit Christus, & Pater meus cælestis faciet vobis, si non remiseritis unusquisque fratri suo de cordibus vestris. Vult remissionem proximo fieri non ore simulatam, sed de corde sinceram & solidam. Alias: *Indicium sine misericordia illi, qui non facit misericordiam* Mat. 2. 17.

DOMI.

Anno 34.  
Mart. 2.  
Jerosol.

# DOMINICA XXII. POST PENTECOSTEN.

*Questio de tributo dando Cæsari. Matt. 22. Marc. 12. Luc. 20.*

**Punct. I.** *Abeuntes Pharisei consilium inierunt, ut caperent Iesum in sermone.* Confid. 1. Phariseos hic cum Herodianis conspirantes ut infinitam Christi sapientiam in sermone suo illaqueent, proponere ei quæstionem captiosam & cornutam, sic ut quidquid responderit, carpendum existimarent: ita dum Christus consilium inquit de ipsis salvandis, ipsi agunt de Christo perdendo: tu vide quæ consilia in eas pro animæ tuæ salute. 2. Premittunt adulatoriè blandam præfationem cum dotibus insignis Doctoris: *Magister scimus quia verax es, & viam Dei in veritate doces, & non est tibi cura de aliquo.* Vide ut tu has laudes, quas ipsi fictè Christo tribuunt, reverenter ei impendas, easque in te exprimere stude, ut verax sis in verbis absque mendacio aut dolo, viam Dei doceas, sicut Christus, verbo & exemplo, nec respectus timoris, nec personarum acceptio te impediat: sed pauperes ac divites, milites, rusticos, ægros, sanos, omnes pariter juvare stude.

**Punct. II.** *Cognita autem Iesus nequitia eorum, ait: Quid me tentatis hypocrite.* Confid. 1. Christum cum intima etiam cordis inspicit, ab humana sapientia eludi minimè posse, quantumvis ut lupi veniant in pelle ovina, *non enim est sapientia, non est prudentia, non est consilium contra Dominum:* quare & simulatores appellat, eò quòd se amicos, & studiosos legis simularent, cum utriusque hostes in animo essent: tu sic tua in animo intus dispone, ut nihil ab eo reprehendi meritò possit. 2. Christum postulato sibi nummo, petiisse ab eis: *Cujus est imago hæc & superscriptio?* & sic divertendo à responso, eos in sua quæstione capere, quo prudentiam nos doceat in sermone temperando, ne quempiam offendamus. 3. Inquire etiam de te, *cujus est imago hæc?* nempe Dei, tum naturalis per naturam, tum supernaturalis per gratiam: cave igitur ne hanc per peccatum deturpes, & superinducas imaginem diaboli, aut bestię, pavonis per superbiam, vulturis avaritia, hirci luxuria, canis invidia, porci gula, leonis ira, asini accidia: sed potius Dei imaginem virtutibus exorna.

**Punct. III.** *Reddite ergo quæ sunt Cæsari Cæsari, & quæ sunt Dei Deo.* Conf. 1. Eò redactos Phariseos ut ex nummi, quo utebantur imagine, subjecti esse Cæsari vinceretur, ideoque moneri eos de obedientia Cæsari præstanda, *omnis anima potestatibus sublimioribus subdita sit:* & tu redde superioribus debitam obedientiam, timorem, amorem, honorem, & observantiam, ubi præcepta eorum divinis non adversantur. 2. *Et quæ sunt Dei, Deo.* Huic cum totos nos debeamus pluribus titulis, creationis, redemptionis, conservationis, justificationis, ac denique, cælestis gloriæ mercede conductos, sequitur impensè nobis ad laborandum, ut tot titulis faciamus satis.

DOMI-



## DOMINICA XXIII. POST PENTECOSTEN. I.

*Christus suscitatur à morte filiam Principis. Matt. 9. Marc. 5. Luc. 8.*

Anno 32.  
Martio Ca-  
phernai.

**P**unct. I. Domine, filia mea modo defuncta est, sed veni impone manum tuam super eam, & vivet. Confid. 1. Principi nomine Jairo Præfecto Synagogæ filiam fuisse unicam annorum 12. lethali morbo correptam, pro quo depellendo ad supremum medicum Christum recurrit, supplex eum adorans, ac licet mox intelligeret eam obiisse, institit orationi: ubi adverte quid hunc Principem ad Christum, adduxerit, nisi morbus ac mors filia, ita *rexatio dat intellectum*. 2. Imperfectionem fidei in Principe hinc suppletam insigni ejus & publica submissione. 3. Singulis etiam nominibus filiam esse unicam, & unice dilectam animam, quæ si periclitetur aut morbum contraxerit, statim recurrendum esse ad medicum Christum, ac Sacerdotem illi substitutum, qui enim differt pœnitentiam, sæpius cadit, & quò sæpius cadit, difficilius resurgit.

Luc. sup.

Isa. 28. 19.

*In itinere mulierem sanat à fluxu sanguinis, de quo Meditatione sequenti.*

Punct. II. Non est mortua puella, sed dormit. Confid. 1. Christum ingressum domum Principis jussisse turbam recedere etiam tibicines, quorum erat amicos ad dolorem provocare, ut doceret nos nō quærere gloriam apud eos, à quibus fructus non speratur, ac si & tu velis animam tuam suscitari à Christo ad pietatis obsequia, ejiciendam turbam curarum, & cogitationum sæcularium, mentemque vagam per orationem colligendam. 2. Non assumit præter utrumque parentem, è discipulis suis nisi tres, Petrum, & Jacobum, & Joannem, quia hos ceteris ferventiores confcios esse voluit præcipuorum mysteriorum, & gloriæ suæ in transfiguratione, & passionis in horto. 3. Non est mortua, inquit, nempe mihi, cui omnia ac si viverent & intelligerent, obediunt, sed dormit; nam quasi à somno per me mox suscitanda, ubi Confid. mortem justorum rectè foris appellari, quia *quies est à labore, jucunditas de novitate, securitas de æ-*

Mar. } sup.  
Luc. }

Bern.

*ternitate*

Punct. II. Et cum ejecta esset turba, intravit, & tenuit manum ejus, & surrexit puella. Confid. 1. Hanc primam narrari à Christo resuscitatam, idque ad preces parentis: tu precibus tuis vitam gratiæ peccatoribus, & vitam gloriæ defunctis impetrare stude. 2. Notat August. tres tantum ab Evangelistis referri mortuos per Christum resuscitados, puellam hanc, filium viduæ, & Lazarum, iisque significari tria genera mortuorum spiritualiter alios per peccatum internum, quod necdum in actum externum prodiit, morte hujus puellæ: alios per actum externum, ut filium viduæ, qui mortuus efferebatur: alios denique consuetudine peccandi quasi sepultos jacere ut Lazarum; omnes tamen à Christo vitam gratiæ recipere, si ad vocem ejus assurgant. 3. Et ait illi: Puella tibi dico, surge. Quoties & te vocat, ut surgas ex aedia & imperfectionibus ad opera bona, ac velaris pane celesti.

Mar. } sup.  
Luc. }

Anno. 32.  
Martio  
Caphernaï.

# DOMINICA XXIII. POST PENTECOSTEN. II.

*Christus sanat mulierem, à fluxu sanguinis. Matt. 9. Marc. 5. Luc. 8.*

Marc. sup.

**P**unct. I. Si tetigero tantum vestimentum ejus, salva ero. Confid. I. Morbum hujus mulieris hæmorrhoiisæ, natum ex debilitate actionis vitalis, pudendum fuisse, & contagiosum, quare nec palam accedere, nec Christum rogare ausa fuit: tu cave ne morbos animæ fortè pudendos aperire erubescas, & auxilium implorare. 2. Laboraverat illa hoc morbo per annos 12. & multa fuerat perpeffa à pluribus medicis, & erogaverat omnia sua: Tu attende fluxum passionum tuarum, ac quæ sit causa morbi hujus spiritualis diuturnioris, quò, & in quid operam tuam ac studium convertas, frustra totum fore, nisi ad statutum à Christo medicum recurras. 3. Tetigit illa extremitatem vestis Christi, sed insigni fiducia: tu quoties non vestem, sed ipsum Christum jam gloriosum in Eucharistia, non tangis tantum, sed & in te recipis: vide qua fiducia de tanta bonitate, qua reverentia de tanta majestate, & quo fructu id facias. 4. Totam vitam Christi esse quasi vestem pretiosam, sed extremitatem ejus, nempe passionem & mortem apparere ornatiorē, quam si tu, meditando & imitando tetigeris, etiam auxilium invenies adversus omnem infirmitatem.

Mar. }  
Luc. } sup.

Punct. II. Confide filia, fides tua te salvam fecit. Conf. I. Christum licet à turba undique premeretur, petiisse tamen: *Quis me tetigit?* atque ita laudare palam voluisse insignem fiduciam hujus mulieris: tangunt multi Christum in Eucharistia, sed minori fructu, quia minori fiducia. 2. Licet sciret Christus factum mulieris, voluit tamen eam se prius manifestare, ut doceret nos superare timorem & pudorem noxium in morbis spiritualibus detegendis. 3. Benigno responso suo, *confide filia*, ostendit quantum sibi placeat fiducia in Deo, cum dissidentia sui, ac gratius sibi esse, ut quis cum humili fiducia, qui proprius est Spiritus Filiorum Dei se accedat in Eucharistia, quàm ut ex timore absterneat. 4. Subdit: *fides tua te salvam fecit*, ubi sanitatem tribuit non virtuti suæ, sed fidei illius caritate roboratæ, tum ut nos eodem excitaret, tum ut doceret in operibus bonis non quærendam gloriam nostram, sed Dei. Interim illa in patriam reversa Cæsariæ Philippi mox gratam se ibi exhibuit erecta publicè Christo in memoriam beneficii ænea statua, miraculis deinde celeberrima. 5. Christum varios varie curasse, oculi aspectu Zachæum, & Petrum, digito surdum, & mutum, saliva cæcum natum, voce Lazarum, manu hydropicum: hic simbriæ contactu hæmorrhoiisam: unde discere omnem cum Christo communicationem esse salutiferam. *Omnis turba quærebat eum tangere, quia virtus de illo exibat & sanabat omnes. Quotquot vel simbriam vestimenti ejus tangebant, salvi fiebant.*

Luc. 6. 19.  
Marc. 5. 56.



## DOMINICA VLTIMA POST PENTECOSTEN. I.

Anno 34.  
Martij 22 in  
monte Oliv.*Christus prædicit excidium urbis Hierosolymitanæ, ac demum totius mundi.*

Matt. 24. Marc. 13. Luc. 21.

**Punct. I.** *Cum videritis abominationem desolationis, quæ dicta est à Daniele Prophe-* Dan. 9. 27.  
*ta, stantem in loco sancto, qui legit intelligat.* Confid. 1. Christum hîc propo-  
 nere discipulis suis calamitates hujus excidij, ut illos aliosque deinde  
 per illos saluari timore ad se tempestivè converteret, magisque excita-  
 ret, ideoque, inquit, *qui hæc legit, audit, & videt, intelligat*, atque ad animæ  
 suæ salutem maturè expendat. 2. Abominandam templi profanatio-  
 nem, celerem & anxiam fugam, inclementiam in omnes etiam feminas  
 & infantes indicare gravitatem tribulationis, propter gravitatem crimi-  
 nis in occidendo Salvatore: scias autem etiam quovis peccato lethali  
 animam in baptismo Deo dicatam, gratia ejus destitui, ideoque tunc &  
 in omni tribulatione ne differas pœnitentiam, sed fuge ad montes, in  
 cælestibus spem fige, ne discedas affectu ad terrena, remane in agro, ac  
 vinea Domini constanter excolenda, nec de victu aut vestitu anxius  
 esto.

**Punct. II.** *Propter electos seu eximie Sanctos breviabuntur dies illi maxime*  
*calamitosi in ardenti persecutione tam Judæorum à Romanis, quam*  
*Christianorum deinde ab Antichristo: quare Sanctorum patrocinia tum*  
*viventium in terra, tum cælestium magni æstima & enixè implora.* 2. Si in  
 veteri lege Deus paratus fuerit parcere Sodomæ, modò vel decem ibi fuif- Gen. 18. 32.  
 sent electi: si propter Abraham, Isaac, & Iacob toties pepercerit Israelitis: Exod. 32. 13.  
 si ob unius Moysis preces toti populo placatus sit: potentiora nunc ap- Exod. 32. 14.  
 pud ipsum fore patrocinia Deiparæ, & illustrium Sanctorum cum ipso  
 in cælis regnantium, ac super omnia Christi, quem vulnera sua quinque 1. Ioan. 2. 1.  
 exhibentem advocatum habemus apud Patrem.

**Punct. III.** *Surgent pseudo-Christi & pseudo-Prophetae.* Confid. 1. Proprium  
 esse dæmoni, ut cum liberam hominum voluntatem vi expugnare non  
 possit, ea dolis ac fraudibus & fictis prodigiis ad se allicere studeat,  
 ideoque se etiam transfigurare non raro in Angelum lucis, objiciendo  
 speciem virtutis in operibus aliàs bonis contra superiorum mandata,  
 quas fraudes non nisi humili ad Deum per orationem recursum, ac tui  
 manifestatione apud confessorium superabis. 2. Pseudo-christos etiam  
 rectè drci eos, qui Christianam humilitatem, modestiam, observantiam  
 & simplicitatem à Christo & Sanctis verbo & exemplo traditas, in aliis  
 irrident aut carpunt, qui proinde tanquam noxij evitandi, iisque oppo-  
 nendum illud Pauli: *Si hominibus placerem, Christi servus non essem.*

Gal. 1. 10.

Anno 34.  
Martij 22. in  
monte Oli-  
varum.

## DOMINICA VLTIMA POST PENTECOSTEN. II.

*De postremo Excidio orbis. Matt. 24. Marc. 13. Luc. 21.*

**Punct. I.** *Sicut fulgur exit ab oriente, & paret usque ad occidentem, ita erit adventus Filij hominis.* Confid. 1. Instruere nos hîc Christum de postremo suo adventu, futuro instar fulguris, quod sicut venit subito, omnibus conspicuum, & ea efficacia ut resistere ei nihil possit: ita nec adventui suo subito & manifesto nullam creatam potentiam sufficientem fore, ut se opponat, ideoque vigilandum, ut paratus tunc inveniaris. 2. Quamvis fulgur in instanti transeat, non ita Christum transiturum, sed post accuratam conscientiae cujusque discussionem, proborum laudem, & improborum increpationem, debitam felicitis vel infelicitis æternitatis mercedem singulis retributurum.

**Punct. II.** *Ubi cumque fuerit corpus, illuc congregabuntur & aquilæ.* Confid. 1. Sicut ut aquilæ naturali instinctu & impetu feruntur ad optatam escam, ita & electos è morte redivivos, percepta Christi præsentia, ei obviam in aëra processuros, ut cui in vita conjuncti fuere spiritu & affectu, tunc etiam visibiliter in glorioso corpore adsint. 2. Comparat electos aquilæ, quæ, ut avium regina, volat altissimè, firma visu Solem intuetur, ætatem renovat, ac diutissimè vivit: ita & electos præ ceteris hominibus eminentes, ad cælestia affectu transcendere, Christum justitiæ solem in Venerabili Eucharistia, ac doctrinam ejus firma fide cognoscere, ac naturæ vitiis quotidie renovatis, ad vitam æternam sibi viam parare.

Signa prævia adventus Christi, & universalis judicii seriem, vide Dominica I. Adventus.

**Punct. III.** *Ab arbore fici discite parabolam.* Confid. 1. Sicut ficus, aliæque arbores cum frondes fructusque proferunt, signa sunt ætatis citò. & certo secuturæ, ita Christum voluisse ex certis signis, quorum jam multa præcesserunt, inquit Gregorius, cognosci adventum suum. ad quem justi omnes adspirent, improbi verò merito contremiscant. 2. Christum tunc tibi fore viciniorem favore suo, cum abund. bis virore pietatis, & fructu bonorum operum. 3. Fructus hosce à te ferendos esse copiosos, proximo salutares, ac Deo & Angelis jucundos. 4. Aculeum denique Christus infigit infallibilitate suæ prædictionis: *Calum & terra transibunt, in alium statum, non amplius generationi, corruptioni, aut motibus obnoxia, verba autem mea non præteribunt, nec mutationem minimam subibunt.* *Lota unum, aut unus apex non præteribit, donec omnia fiant.* Quare ne frustra nunc nobis blandiamur ob temporis dilationem: *Hodie si vocem ejus audieritis, nolite obdurare corda vestra. Cum exarserit in brevi ira ejus, beati omnes qui confidunt in eo.*

Mal 3.

Psalm. 94. v.

Isaiah 2. v.

FINIS PARTIS PRIMÆ.



MEDITATIONUM  
PARS II.  
IN PRÆCIPVA  
FESTA  
SANCTORUM  
ILLVSTRIVM.

MUSEUM  
ANTIQUE  
ET  
HISTORIQUE  
MUSEUM  
ANTIQUE



# PRÆFATIO

## AD PIVM

### LECTOREM.



*Abes hîc, amice Lector, Acta aliquot Sanctorum, ordine temporis, quo nobis ab Ecclesia proponuntur, tum ut illos caelesti gloria nunc fruantes, eo die singulari hoc pietatis cultu veneremur, tum ut eos ad patrocinia ac fautores nostros tunc inflectamus, tum potissimum ut nos ex inspectis eorum virtutibus ad eas imitandas excitemus. Licet enim Christus, cujus vita priori Parte proposita est, perfectissimum sit virtutum omnium exemplar; quia tamen exemplar hoc videri possit aliquibus sublimius, eo quod Deus fuerit pariter & homo, ostenderunt Sancti quomodo ipsi perfectiones ejus in se exprimere potuerint, & consequenter nos etiam cum divina gratia possimus. Pro-vocant nos ipsi exemplis suis cum Apostolo: Imitatores mei estote, sicut & ego Christi. Sci-mus S. Ignatium Societatis Iesu Fundatorem ex Sanctorum actis sibi propositis prima altioris vita desideria concepisse, imò & magnum illud Ecclesie lumen*

1. Cor. 11. 1.

Lib. 8. Conf.  
c. 11.

*lumen S. Augustinum his stimulis permotum: Tu non poteris quod isti & istæ? an verò isti & istæ in semetipso possunt, ac non in Domino? Non tamen hinc intendo singula singulorum Sanctorum acta ab omnibus exprimenda, sed ut ea quæ ipsi in altiori ac subinde peculiari virtutis gradu gesserunt & sustinuerunt, nos pro gradus cuiusque opportunitate saltem per inferiora consequemur. Porro eos Sanctos hic subjicio, quos Ecclesia per annum populo colendos præcipit, tum eos de quibus peculiare proponit Evangelium, tum quos in Litaniis suis nominatim implorat, alios denique quosdam pro peculiari quorundam pietate, è quibus omnibus si qua aliquibus fortè minùs placeant, prætermitti poterunt. Et sicut in Evangeliiis adjeci ad frontem annum Christi & locum, quo ea gesta sunt; ita & in actis Sanctorum adjeci ad calcem annum Christi, quo vitam gloriosè concluderunt, & annum ætatis, ubi assequi licuit, secutus in his traditam communius historiam.*



# MEDITATIO PROOEMI ALIS.

137

## *De cultu Sanctorum.*

**P***unct. I.* Conf. immensam Dei liberalitatem erga talem sanctum, cuius anniversarius dies per Ecclesiam agitur, exhibitam i. ab æterno, illū prædestinando ex gratuita sua misericordia ad talem gloriam, præ tot aliis. 2. Vocando eū ad fidem & Sacramentū baptismi tam suaviter & efficaciter. 3. Præservando ac liberando eum à tot peccatis, periculis salutis, tentationibus, ac miseriis animæ & corporis. 4. Evehendo ad talem statum, in quo non tantum salvari posset, sed etiam insignem gloriæ coronam promereri. 5. Suppeditando ei media suavia & efficacia ad consequendam eximiam sanctitatem, ad alios plurimos verbo & exemplo lucrandos Christo, atque obtinendum tandem donum perseverantiæ: Expende & confer cum hac tuam à Deo electionem, vocationem, & justificationem, atque inde excita gratiarum actionem, amorem, & zelum, ac gratulare sancto de tot prærogativis gratiæ.

*Punct. II.* Conf. Quam strenuetalis Sanctus contenderit ad rectè utendum talentis acceptis, gratiæ & naturæ, seque vicissim pro iis gratum Deo exhibuerit 1. proficiendo indies assiduo & constanti studio per triplicem viam perfectionis, ad eximiam mentis puritatem, soliditatem virtutum, & unionem cum Deo, atque excitando alios verbo & exemplo ad similem perfectionem. 2. Singulari studio perfectæ abnegationis mundi & sui, invictæ patientiæ & magnanimitatis, in arduis quibusvis pro Dei gloria & animarum salute aggrediendis ac tolerandis, & eximiæ imitationis heroicarum virtutum Christi. 3. Ardenti zelo excellendi in continuo exercitio certarum virtutum, quibus ipse maximè claruit. His ponderatis, congratulabor Sancto de tam strenua cooperatione cum divina gratia, & imitari statuam.

*Punct. III.* Conf. Quam liberaliter Deus remuneratus fuerit Sancti huius labores & dolores, tam in hac vita, quam in altera. 1. In hac vita tot extraordinariis præfidiis gratiæ, tot cælestibus solatiis, tanta gratia miraculorum, tot animarū per ipsum conversione, tam paterna protectione per totam vitam, denique peculiari assistentia in morte, vel in martyrio feliciter consummando. 2. Post mortem, tam celebri ejus memoria per Ecclesiam, gloria etiam miraculorum, honore & laudis encomio ei exhibendo coram toto mundo in universali iudicio, in cælis cumulando eum tot præ eminentiis gloriæ essentialis & accidentalis, retribuendo singulis ejus operibus ac suspiriis meritoriis peculiare gradus gloriæ, exornando eum peculiari laureola Martyrum, vel Doctorum, vel Virginum, ac peculiaribus dotibus & gaudiis animæ & corporis gloriosi. Unde gratias Deo agam de beneficiis illi exhibitis, & excitabo in me spem ac desiderium similis gloriæ similibus mediis consequendi.

Anno 31.  
Mart. 3 in  
Bethania ad  
Jordanem.

# IN VIGILIA S. ANDREÆ APOSTOLI 29. Novemb.

*Discipuli aliqui primum ad Christum accedunt. Ioan. 1.*

**P**unct. I. Audierunt Ioannem duo discipuli ejus loquentem, & secuti sunt Iesum. Confid. 1. Joannem conspecto Christo ostendisse eum mox discipulis suis sibi adstantibus, ecce agnus Dei, & ex his Andream cum socio statim fuisse Christum secutum: tu vide an tam promptè Christum tibi ostensum sequaris, utque eum aliis ad imitandum ostendere possis, magnam de eo æstimationem & affectum cum Joanne concipe. 2. Christum statim convertisse oculos in hos discipulos, & interrogasse: *Quid queritis?* ut discant ij qui relicto mundo Christum sequuntur, non despondere animum, propter molestias aut incommoda, sed sciant Christum de se sollicitum, & ex divinæ providentiæ ejus respectu fiduciam sumant.

Punct. II. Reponunt illi: *Magister, ubi habitas?* qui dicit eis: *Venite, & videte.* Ubi Confid. 1. quanto promptior sit Christus ad dandum, quàm nos ad petendum, petebant illi tantum scire locum habitationis ejus, & ipse mox eos invitat, paratum se offert ut sine mora eos ducat & introducat in domum suam: pete & tu à Christo, ubi habitet, & invitabit te, ut mente in cælum ascendas, ibique exclames: *Quàm dilecta tabernacula tua Domine virtutum!* vel etiam invitabit ad templum, ubi in Venerabili in Eucharistia habitat. 2. *Venerunt & viderunt.* Tu ne moram nectas, dum Deus te vocat, neque sufficiat tibi scire domum Dei, sed fubeunda & cognoscenda est, qui enim cognoscit cælestia & divina, eorum pulchritudine capitur. 3. *Et apud eum manserunt die illo,* nam licet instaret jam solis occasus, neque Christo intempestivum erat illos invitare, neque illis Christum sequi, ubi expende quæ & quam fructuosa ac jucunda habuerint eo vespere cum Christo colloquia.

Punct. III. Postridie Andreas invenit primum fratrem suum Simonem, & dicit ei: *Invenimus Messiam, & adduxit eum ad Iesum.* Confid. 1. Ita & Philippum altero die vocatum à Christo adduxisse Nathanaëlem: unde discce tu à Christo vocatus etiam alios ad ipsum adducere, & inventum thesaurum aliis sine jactura, imò cum lucro tuo communicare, sicut una candela plures etiam centenas accendit. 2. Christum conspecto Petro, mox murato nomine ejus designasse eum Ecclesiæ suæ fundamentum, cum dixit illi: *Tu es Simon filius Iona,* seu Joannis (nam singulos nominatim, imò & intima Christus noverat) *tu vocaberis Cephæ, sive Petrus.* Ubi agnosce Dei providentiam non scrutandam præponentis Petrum, quem videbat animo forti & magno ad difficultates superandas ac dura toleranda, fratri suo And. eæ, licet vocatione, atque etiam ætate priori, neque hunc hac sui postpõsitione commotum: idem & tu imitare dum aliis fortè postpõneris.

FESTO



## FESTO S. ANDRÆ 30. Novemb. I.

**Punct. I.** Confid. 1. S. Andream natum Bethsaidæ in vico Galilææ, fratrem Petri, arte piscatorem, discipulum Joannis Baptistæ, cujus demonstratione Christum secutus, etiam Petrum adduxit ad Christi cognitionem: postea verò cum Petro ad sequelam stabilem à Christo vocatum è mari Galilææ, promptèque relictis omnibus obsecutum, constantem se semper, & ferventem in sua vocatione exhibuisse. 2. Post Christi in cælos ascensionem profectum in Scythiam, inde Epirum ac Thraciam peragrassè, innumerabiles homines ad Christum convertendo: ubi expende neque Christum defuisse gratiæ promissæ, neque illum laboribus aut incommodis subeundis.

**Punct. II.** Confid. 1. Eum inde Patras Achaïæ perrexisse, ubi plurimis ad veritatem Euangelicam perductis, Ægeam Proconsulem Euangelio resistentem liberrimè increpuit, quod qui iudex hominum haberi veller, Christum Deum omnium iudicem, à demonibus illusum, non agnosceret: mirare & sequere generosam pro causâ Christi confidentiam. 2. Conf. Cum ab eodem tyranno in malitia obstinato urgeretur ad diis immolandum: Ego, inquit, *omnipotens in Deo qui vivus & verus est, immolo quotidie, non taurorum carnes, sed immaculatum agnum in altari, cujus carnem posteaquam omnis populus credentium manducaverit, agnus qui sacrificatus est, integer perseverat, & vivus.* Unde discite Andream ex hoc quotidiano sacrificio ac pane cælesti tantum animi robur hausisse. Offic. Eccl.

**Punct. III.** Confid. 1. Coniectum jam in carcerem, atque inde etiam, ad locum supplicij progressum, cum populus rara ejus virtute permotus omnibus viribus liberare apud Præconsulem niteretur, & instaret: *Concede nobis hominem justum, redde nobis hominem sanctum, ne interficius hominem Deo charum, justum, mansuetum, & pium*, ipsum tumultuanti populo se opposuisse, atque enixius rogasse, ne se ad martyrij coronam properantem impedirent: vide num eo desiderio feraris patiendi pro Christo. 2. Cum propter crucis & crucifixi præconia fortiter deprædicata, & ipse cruci adjudicatus esset, eam eminus conspicatus, exclamare cepit: *O bona crux! quæ decorem ex membris Domini suscepisti, diu desiderata, sollicitè amata, sine intermissione quesita, & aliquando cupienti animo præparata, accipe me ab hominibus, & redde me magistro meo, ut per te me recipiat, qui per te me redemit.* Quare & merito de eo subdit Ecclesia: *Dilexit Andream Dominus in odorem suavitatis.* 3. Cruci affixus, in ea biduum vivus pendens populum docere, ac Christi fidem prædicare non intermittebat, dum ad eum migraret, cujus similitudinem concupierat. Exprime in te cum eo amorem erga Christum crucifixum, & imitare zelum ejus & constantiam. An. Chr. 70

Anno 32.  
Febr. ad  
marc Gal.

140

## FESTO S. ANDREÆ 30. Novemb. 11.

*Christus colligit discipulos, Petrum & Andream, Iacobum, & Ioannem.*

*Matt. 4. Marc. 1. Luc. 5.*

**P**unct. I. *Venite post me, faciam vos fieri piscatores hominum.* Confid. 1. Christum collecturum Doctores orbis ac Legatos suos, non petiisse eos ex sapientum seminariis, vel aulis Principum, sed è mari Galilææ, ubi vidit duos fratres, Simonem, qui vocatur Petrus, & Andream: roga & tu Christum, ut misericordiæ oculo te benignè aspiciat. 2. Fratres erant germani, quia voluit Ecclesiæ capita esse maximè caritate conjuncta: laboriosi etiam erant, mittentes rete in mare, nam desides inepti sunt ad salutem animarum: piscatores erant rudes & pauperes, ut memores conditionis suæ fundarentur in humilitate, & Christi gloria inde magis claresceret. 3. *Venite*, inquit, *hæst me*, meum sequentes vitæ institutum, & allicit lucro pretioso, cum ait: *Faciam vos fieri piscatores hominum*, pro quibus capiendis ego Dei Filius, homo factus sum, quos in mari hujus vitæ, immersos divitiis, voluptatibus, & honoribus, mecum capietis reti prædicationis, non ad mortem, sed ad vitam æternam: ubi expensæ eminentiam Apostolicæ vocationis, ac simul quàm suaviter & fortiter te Christus vocaverit, quis, quem, unde, & quò.

Punct. II. *At illi continuo relictiis retibus secuti sunt eum.* Confid. 1. Suscipientibus munus Apostolicum insigne hîc tradi exemplum perfectæ obedientiæ, tum in intellectu rejectis iis quæ adversari poterant, tum in voluntate exuto penitus affectu erga possessa, tum in executione externa prompta & alacri, quam & tu imitari stude. 2. Confid. eos in præmium tam perfectæ obedientiæ assumptos à Christo in familiares & consocios divinatorum secretorum, ornatos uberiori gratia sanctificante, & aliis donis, virtute miraculorum, ac sapientia super omnes Sanctos testamenti veteris, mittendos postea per orbem legatos ac deinde iudices secum asfessuros in adventu secundo.

Punct. III. *Et procedens inde vidit alios duos fratres Iacobum, & Ioannem, reficientes retia, & vocavit eos.* Confid. 1. Hos reficientes retia docere piscatores spirituales, ut & ipsi relicta subinde piscatione, vacent colligendo ac restaurando spiritui, & defectibus corrigendis, ut postea ampliorem fructum facere possint. 2. *Illi autem statim relictiis retibus secuti sunt eum*, ubi & horum expende perfectam obedientiam, & potentem Christi traditionem, & argue tarditatem tuam in sequendo. 3. Hos quatuor Apostolos etiam nominis sui significatione nos instruere, nam *Simon* obedientiam sonat, quam Christo vocanti debemus, *Andreas* fortitudinem in vocatione viriliter profèquenda, *Iacobus* supplantare docet adversarios, & *Ioannes* gratiam Dei in se copiosè effusam, monet nos crebris precibus à Deo flagitandam, ad hæc constanter adimplenda.

FESTO



## FESTO S. FRANCISCI XAVERIO 2. Decemb. I.

**P**unct. I. Conf. I. S. Franciscum Xaverium in Castello Xaverio non procul Pampelone urbe regia Navarra natū, parentibus nobilitate claris, fratrum suorum natum minimum, velut alterum Davidem, à prima ætate in pietate & litterarum studiis educatum, Philosophiæ cursu Parisiis cōfecto, eaq; deinde ibi etiam aliis publicæ tradita, jam Theologiæ studiis vacantem à S. Ignatio primū aliquamdiu oblectantem, postea tamen constanti ejus benevolentia, virtutum exemplis, ac fuis ad Deum precibus mitigatū, manus ei ac Deo dedisse, anno ætatis suæ 37. unde discere qua ratione Ignatius, Xaverium Societati Jesu ad Ecclesiæ bonum pepererit. 2. Eum deinde cum Ignatio & aliis sociis se Deo totū devovisse in monte vicino Martyrum pro salute animarum, novoque sed pio more quotannis ibi ea vota cum sociis renovasse: quam votorum renovationem postea privatim quotidie retinuit, sociisque commendavit, optime expertus mentis suæ juventutem inde velut aquilæ renovari. 3. Veneriis in valetudinano ægris deserviens, cū ab uno ibi præ ceteris lue ac tabe cōfecto horrere naturā deprehenderet, hanc ut generosè vinceret, manantem ex ulceribus saniem semel iterumq; sui victor exfluxit, quæ victoria omni reliquo vitæ tēpore animū ejus adversus ejusmodi ministeria ita munivit, ut ea etiam cū voluptate obiret, tanti refert vel semel se egregiè vincere.

Punct. II. Conf. I. Postulante operas Lusitaniæ Rege ab Ignatio ad Indorum gentes Christiana fide imbuendas, Xaverium divino consilio, & ingenti suo gaudio eò destinatū, in itinere ne ad matrem quidem ac propinquos salutandos ut paulisper diverteret, adduci potuisse, hoc pio odio verum se Christi discipulū exhibentem. 2. In Indica navigatione semper intētus in Christianæ caritatis munia nautas ac milites & vectores ceteros Christianis præceptis imbuebat, & ad vitæ emendationē hortabatur.

Punct. III. Conf. I. Eum jam centenis aliquot millibus in Indiis feliciter ad Christi fidem perductis, in Japoniam ultimi orientis regionem profectum, ibi pari zelo & constantia in animarū salute defudasse, plures Reges ac Regna Christo conciliasse, sic ut universim supra decies centena millia per baptismi Sacramentum ad ovile Ecclesiæ adduxerit. 2. Hisce non cōtentum, etiam in Sinarum regnum amplissimum exteris omnibus pridem severis & antiquis legibus occlusum, sibi ac fidei omni studio aditum parasse, sed divino consilio id frustra tentantem, in Sanciana Insula Sinis proxima, humano destitutū solatio & auxilio, deserto in colle ac vili tugurio, morbo ac morte præoccupatum, venturis sociis, eam palmam reliquisse, in quo sicut & in expetita frustra martyrij palma, divino beneplacito acquievit. 3. Conf. Deum singulares hujus viri virtutes comprobasse plurimis ab eo editis vaticiniis, ac miraculis, tum in vita, tum post mortem, nominatim 25. mortuis ad vitam revocatis.

Anno 1552.

Al. 55.

## FESTO S. FRANCISCI XAVERIO 2. Decemb. II.

**Punct. I.** Confid. Qua ratione S. Xaverius ad tantum perfectionis gradum, & tam ampla animarum lucra pervenerit, nempe 1. & ante omnia, magna ac seria animi resolutione assurgendi ad perfectionem, tam in mediis opportunis adhibendis, quàm in impedimentis superandis: quò eum juvabat & excitabat animi ardor & magnitudo, qua sibi cum Apostolo persuadebat: *Omnia possum in eo qui me confortat.* 2. Huic resolutioni iungebat parem constantiam, sic ut nihil eum à cœptis detereret, quantumvis arduum vel abjectum, modo divinæ gloriæ aut animarum salutis promovendæ spes affulgeret.

**Punct. II.** Confid. Eum huic fundamento duo addidisse media, studium nempe mortificationis, & orationis, ac 1. quoad externam mortificationem, statuebat carnem spiritui planè subjciendam jejuniis, ciliiciis, verberibus, aliisque afflictionibus, etiam inter itinerum molestias, quibus hoc consecutus est, ut castitatis, cui intimè afficiebatur, florem ad extremum usque vitæ spiritum, illibatum servaverit, eo interim studio & cautela, ac si contrario vitio, cuius ne nomen quidem audire poterat, maximè fuisset obnoxius. 2. Internos animi motus diligenter observabat, quosque à rationis regula deficere cognoverat, sedulo ac fortiter cum insigni sui victoria reprimebat. 3. Ex hoc sui vincendi studio abjecta & vilia ministeria avide amplectebatur, honores verò, vel quæ honorum speciem præferrent, omnino averfabatur, ut solidius sic in vera humilitate consisteret. 4. Hinc nascebatur amor paupertatis, qua in victu & vestitu vilissima sectabatur, oblatas pecunias vel respuebat, vel in pauperes erogabat, in Deo, cuius fiducia plenus erat, curam omnem reponens. In laboribus & ærumnis nihil supra vires ratus, majora pro Dei gloria expetebat, inclamans: *Amplius Domine, amplius.* 5. Obedientiæ, licet rarior in Indiis exercendæ usus esset, tamen eam de se jam ante apud Ignatium opinionem excitaverat, ut hic eum una littera I. relicto amplissimo animarum fructu, perpellendum quocumque judicaret.

**Punct. III.** Confid. Alterum medium perfectionis allequendæ fuisse ei studium singulare orationis, idque 1. functionibus spiritualibus accurate obeundis, quotidiana meditatione ex Christi vita & passione potissimum deprompta, conscientiæ examine non bis tantum, sed sæpius per diem instituto, confessione, ubi copia erat confessorij, etiam quotidiana, Missæ sacrificio, & officio divino. 2. Locum sacrū, ubi opportunitas erat, orandi causā captabat, sciens Deū ibi & sanctius coli, & benignius preces exaudire. 3. In fervore orationis ea perfundebatur cælestium donorum copia, ut deducto etiam vestimento, exclamare aliquando cogeretur: *Satis est Domine, satis est.* 4. In omni alia occupatione studebat servare semper mentem cum Deo cōjunctam, sic ut & propter Deū, & coram Deo ageret omnia.

FESTO



## FESTO S. BARBARÆ 4. Decemb.

**Punct. I.** Confid. 1. S. Barbaram Nicomediæ natam, prolem unicam, Patre nobili quidem & opulento, sed gentili ac moribus barbaro, ab eo jam adolescentem turri inclusam, ne cui ob formæ vèhustatem imparibus nuptiis jungeretur, in hac clausuræ solitudine à terrenarum rerum strepitu liberam, animum cælestibus intendisse, atque à Deo illuminatam Christum sibi in sponsum immortalem delegisse. 2. Parentem cognitis procorum nobilium ac Principum erga filiam desideriis, ea ipsi exposuisse, ut de delectu deliberaret, sed illam generosè respondisse, nefas eïse mortali viro conjungi, quæ jam immortalis sponso Christo esset conjuncta: unde disce fidelem observantiam voti castitatis.

**Punct. II.** Confid. 1. Parentem peregre profecturum, jussisse ad turrim thermas ædificari, ad aliquâ filiæ relaxationem, & in eis fenestras duas, quibus illa tertiam adjici jussit in honorem SS. Trinitatis, ac plorans parentis cæcitatem, vidit lacrymas suas in gemmas converti: unde collige piorum lacrymas à Deo æstimari, *posuisti lacrymas meas in conspectu tuo.* *Psal. 55. 9.* 2. Parente domum reverso, & observante in ædificio fenestram tertiam, filiam de hoc interrogatam, arripuisse inde occasionem exponendi ei mysteriû SS. Trinitatis, unde ille ira exardens, ferrum stringit in filiam, eam percipiturus, nisi fugientem vicina rupes divinitus dissiliens ac mox coalescens eam Patris conspectui simul & furori eripuisset. *Dominus* *Psal. 17. 1.* *refugium meum & liberator meus.* 3. Parentem hoc miraculo minimè emollitû, sed rupe durior em, in filiam deinde deprehensam diris modis sæviisse, ac deinde apud Præsidentem plectendam detulisse.

**Punct. III.** Confid. 1. Præsidentem blanditiis primùm Barbaram aggressum, cum videret se nihil iis prolicere, conversa comitate in ferociam, jussisse eam nervis boum crudeliter cædi, & inflicta vulnera asperis ciliis confricari, sed quæ Christus nocte sequenti ei claritate conspicuus omnia persanavit, & stabilem protectionem promisit. 2. Præsides postridie miratû eam persanatam, idque tribuens opî falsorum Deorum, cum ad eorum cultum illam frustra hortaretur, jussit ei latera ferreis pectinibus dilaniari, & accensis facibus ustulari, caput malleorum ictibus contundi, ac mammillas præscindi, inter quæ stabat illa oculis ac mente in cælum erecta. 3. Parentem his spectaculis præsentem, mixto furori gaudio, tandem petiisse à Præsidente filiam sibi tradi suis manibus obtruncandam, quo obtento illa extra urbem educata, flexis genibus, actûque Deo gratiis, eum rogavit, ut precibus postulantium favorem suum veller annuere, quo annuente, lapsa de cælo voce, ac simul ad paratam Virginitatis & Martyrij coronâ invitata, inclinato capite, barbari parentis jamq; carissimis manu obtruncata, gloriosa victima Deo occidit, benefica deinde è cælo in cultores suos, nominatim ne sacramentis frustrati ex hac vita discedant

Anno 136.

FESTO

## FESTO S. NICOLAI EPISCOPI 6. Decemb.

**Punct. I.** Confid. 1. S. Nicolaum Pataræ in Lycia natum, parentibus non minus virtute Christiana, quam sanguine illustribus, ab infantia futuræ sanctitatis specimen dedisse, cum à materno lacte FERIA IV. & VI. in vesperam usque abstinuit, quam jejunandi consuetudinem reliqua vita constanter servavit: tanti est à teneris rectè cœpisse. 2. Litterarum studiis cum operam daret, eum non minorem virtutis quam doctrinæ curam habuisse. Omnem dissolutionem ac pravorum societatem averfatus, sicut ingenij felicitate, ita & morum modestia & orationis studio ceteris præcellebat, carnem jejuniis ac ciliciis macerabat, cunctisque in amore erat & veneratione.

**Punct. II.** Confid. 1. Eum deinde sacerdotio initiatum, ac parentibus orbatum, statim sollicitum fuisse ut facultatibus bene amplis sibi relictis cæleste regnum cœmeret: quare eas in pauperes liberaliter erogavit, cumque cognovisset inter ceteros civem honoratum jam ad inopiam reductum, sic ut tres filias nobiles defectu dotis prostituere cogitaret, Nicolaus noctu per fenestram tantum pecuniæ in domum ejus injecit, quantum unius virginis doti satis esset, quod cum iterum, ac tertio fecisset, illarum pudicitia simul & saluti consuluit: excita & hinc affectum in te erga pauperes juvandos. 2. Parentem perspecta hac paterna Dei in suos providentia, ac deprehenso tandem Nicolao benefactore, genibus ejus advolutū, ipsum salutis suæ ac filiarū post Deū auctorem agnovisse, & postulata à Deo delictorum venia, Nicolai exemplis ac monitis sanctiorem vivendi rationem exinceps tenuisse. 3. In Palæstinā profectus, ut loca sacra præsens veneraretur, cū captus ea pietate ibi vitā ducere cogitaret, simul ac cognovit divinā volūtatē, ut in provinciā rediret, pròpte paruit: unde disce etiam privatos pietatis affectus divinæ voluntati postponere.

**Punct. III.** Conf. 1. In Lyciam reversum, Dei monitu se Myram Lyciæ metropolim contulisse, ubi cum extra patriam tutius sibi futurum existimaret à strepitu & honoribus, mortuo ejus urbis Episcopo, ac Provincia- libus Episcopis de successore deliberantibus, ipse mirabiliter à Deo designatur, monitis illis, ut eū assumerent, qui postridie mane prius in Ecclesiam ingrederetur Nicolaus nomine: unde ille deprehensus, summo omniū consensu Episcopus creatur. 2. In Episcopali munere castitatem, quam semper coluerat, orationis assiduitatem, abstinentiam, paupertatem, zelū, aliasque virtutes cum magna omniū edificatione perpetuò adhibuit, exilij ac carceris molestias sub Diocletiano Imperatore fortiter sustinuit, dum tandem Myram reversus, contracto morbo, ac morti proximus, videretque Angelos sibi de cælo occurrentes, illo Psalmo pronuntiato: *In te Domine speravi, usque ad versum: In manus tuas commendo spiritum meum, in cælestem patriam migravit, profectus è cælo beneficentiam in ægros oleo è tumulo perenniter fluente.*



## FESTO S. AMBROSII 7. Decemb.

**Punct. I.** Confid. 1. S. Ambrosium nobilis Romani Præfeti Galliarum, liberalibus disciplinis Romæ eruditum, inde Cis-Alpinæ Galliarum Præfectum, & cum potestate missum Mediolanum ad sedandos tumultus exortos potissimum per mortem Episcopi Arriani, in quo dū laborat, puero Ambrosium Episcopum exclamante, universi populi voce in Episcopum expetitur. Ubi attende paternam curam divinæ providentiæ opportunè providentis Ecclesiæ suæ de Prælati idoneis. 2. Ambrosiū hanc dignitatem variis modis studuisse subterfugere, sed accedente ad studium populi voluntate Imperatoris, ac supremi Numinis, è latebris proditum, primum sacro fonte baptismi ablutum, per communes Ordinum gradus ex Ecclesiæ instituto, die octavo, quo ab Ecclesia colitur, præsentem Imperatorem in Episcopum consecratum: disce ex hoc studium humilitatis, & fugam singularitatum.

**Punct. II.** Confid. 1. Eum muneri Episcopali obeundo statim strenuè se impendisse, & inprimis cura sui per fervens studium virtutum omnibus præposita, inde clerum pariter hortatum ut sicut vitæ statu, ita & sanctitate populo præcellere studerent; atque hinc operam omnem convertisse ad subiectum sibi gregem in fide & præceptorum Dei observantia continendum, aberrantes verò per hæresim ad ovile Ecclesiæ reducendos, inter quos & S. Augustinum, clarissimum Ecclesiæ lumen Christo lucratus est. 2. In Romano itinere à viro opulento exceptum hospitio, Dei instinctu socios monuisse ut se quamprimum ultioni divinæ imminenti subducerent; qui vix egressi domum cum domesticis subito terræ motu absorptam conspexerunt: unde collige fidendum non esse mundanæ felicitati, eamque esse non rarò occultum Dei flagellum.

**Punct. III.** Confid. 1. Singulariter in eo eminuisse zelum divini honoris, omni humano respectu & timore postposito; unde cum urgeretur ut hæreticis Mediolani Ecclesiam permetteret, induci numquam potuit, minisque intentatis respondit: *Carnem occidere potes, non animam; vitam corporis auferre, non æteritum.* Theodosium Imperatorem publicæ cædis reum non nisi post publicam pœnitentiam pedem templo inferre permisit, ei que Davidis Regis exemplo se tuenti subiecit: *Qui secutus es peccantem, sequere pœnitentem.* 2. Tandem gravissimis laboribus, periculis, & curis pro Ecclesia perfunctus, extremo morbo correptus, rogatusque à suis ut pro Ecclesiæ bono vitæ confirmationem à Deo impetraret, respondit: *Non ita inter vos vixi, ut vixisse me pudeat, nec mori timeo, quia bonum Dominum habemus.* Inde morti proximum S. Honoratus Vercellensis Episcopus cælesti voce ter monitus accurrens sacro viatico refecit, quo ille singulari pietate percepto, confirmatis in crucis similitudinem manibus spiritum suo reddidit creatori. *Beati mortui qui in Domino moriuntur, opera enim illorum sequuntur illos.*

Anno 397.  
4. Aprilis  
æ. 64.  
1 pœc. 14. 13.

FESTO

## FESTO CONCEPTIONIS B. VIRGINIS. 8. Decemb.

Gal. 4. 4.

**P**unc. I. Confid. 1. *Vbi venit plenitudo temporis* à Deo decreti, ut Virgo, conciperetur quæ Verbum Dei incarnatum tot sæculis expetitum tandem esset paritura, hanc sanctorum parentum Joachimi & Annæ filiam ad hoc delectam: quanto gaudio Angelorum, & Patrum in limbo id cognoscentium, cum secutura inde generis humani liberatione, & Angelorum ruinis restaurandis, tecum expende, ac Deo gratias age, & Virgini, ejusque parentibus gratulare. 2. Si palatium, quod venturo Regi paratur, eximius ac pretiosissimis ornamentis instruitur, quidni hæc Virgo cælestem Regem utero complexura & mundo genitura eximius planè gratiarum donis à Filio suo fuerit decorata? quare in his cum Ecclesia & sanctis Patribus amplissima animo concipe, & *quantum potes, tantum aude, quia major omni laude, nec laudare sufficit.*

Luc. 7. 49.

Punc. II. Confid. Prærogativas quibus quasi gemmis hæc beatissima Virgo à primo instanti suæ Conceptionis in utero Matris ex communi Ecclesiæ sentu decorata est, ac 1. quod parentum sterculum, non tam libidine, quam constanti ad Deum oratione impetrata sit, isque per Angelum prænunciata. 2. Fuit infusio gratiæ copiosissime cū exclusionem peccati originalis. 3. Usus rationis cum actu ardentissimi amoris & nobilissimarum virtutum. 4. Confirmatio in gratia cum extinctione fomitis: quæ dona ei gratulare, & merito *beatam prædica, quia fecit illi magna qui potens est.*

Punc. III. Confid. 1. Si tot donis exornata fuerit B. Virgo, eò quod esset utero gestura Filium Dei, quibus & te instrui oporteat, qui eundem toties recipis in Ven. Eucharistia. 2. Conf. abundantiam gratiæ primo instanti Virgini infusæ per modum infinitatis & abyssi à Doctores expressam rectè dici transcendisse gratiam omnia Angelorum & Sanctorum, sic ut sola ipsa ampliorem contineret, quam ceteri simul: adeoque tunc etiam compellari merito potuerit, *gratia plena.* 3. Immunitatem ab originali peccato multum approbatam videri ex Ecclesiæ sententia: dum ejus Conceptionem ut *sanctam & immaculatam* colendam omnibus quotannis proponit. 4. Facit ea plurimum ad honorem Matris & Filij, numquam vel momento fuisse macula ulla fœdatam, ac per illam damoni subiectam: auget & honorem Filij Matrem suam eo liberalius & præstantius redimentis, quo promptius eam ne in communem cum ceteris turpitudinem laberetur, præoccupavit. 5. Cum exempta fuerit hæc Virgo deinde à communi lege perdendi virginitatem: in concipiendo Filio, pariendi cum dolore, revertendi in cinerem, quidni & peccatis originalis incurrendi? Quare cum Deus omnem maculā ab ea abesse voluerit, atque ea etiam minimā maxime avefata sit, ut rectè illam colas, excita te ad sectandā cordis munditiam, erubescere de tua turpitudine, & auxilium ejus implora ut perfectissimè munderis, atque in oculis Dei aliquando totus mundus appareas.

Vide alteram Medit. ref. 5. Nativit. is ejusdem 8. Septemb.

FESTO



## FESTO S. LUCIÆ. 13. Decemb.

**P**unct. I. Confid. 1. S. Luciam Syracusis in Sicilia genere & Christiana fide ab infantia nobilem, à matre, Eutychia contra voluntatem juveni nobili desponsatam, per morbum cum fluxu sanguinis matri à Deo immissum occasionem accepisse virginittis conservandæ: unde collige ad majora bona animi sæpe morbos corporales, à Deo immitti. 2. Eam proinde profectam cum matre Cataniam, diei itinere, pro impetranda ibi ei sanitate ad tumulum S. Agathæ, miraculis tunc inclarescentis, ab illa & matri sanitatem, & sibi exoptatum nuncium de propinqua mart<sup>r</sup>ij & virginittis corona obtinuisse; quippe orante S. Lucia, apparuit ei B. Agatha, & *Offic. Eccl.* consolabatur ancillam Christi: *Lucia Virgo quid à me petis, quod ipsa poteris præstare continuo matri tuæ?* Hinc discce Sanctos erga clientes suos esse beneficos, ac proinde eorum patrocinia in necessitatibus imploranda.

**Punct. II.** Confid. 1. Luciam obtenta matri sanitate, exorasse eam ut destinatam sibi dotem sineret in pauperes erogari, gratiores enim Deo esse eleemosynas in vita quam in morte donatas, sicut faces prælucentes rectius viam dirigunt. 2. Ipsam hoc studio paupertatis & exercitio caritatis hoc potissimum spectasse, ut sic viam sibi occluderet ad carnales nuptias, & ad cælestes aperiret, cælestisque Sponso sic speciosior appareret: unde & in te excita paupertatis affectum.

**Punct. III.** Confid. 1. Hinc accusatam illam à Sponso de Catholica fide, à qua cum nec blanditiis, nec minis dimoveri posset: *Cessabunt*, inquit *Præfectus, verba, cum ventum erit ad verbera.* Cui Virgo: *Dei servis verba deesse* *Matt. 10. 19* *non possunt, quibus à Christo dictum est: eum steteritis ante Reges & Præsides nolite cogitare quomodo aut quid loquamini, dabitur enim vobis in illa hora quid loquamini; non enim vos estis qui loquimini, sed Spiritus S. qui loquitur in vobis.* Discce hinc in difficultatibus Deo confidere: *Dominus mihi adiutor, non timebo quid faciat mihi* *Ps. 117. 6.* *homo.* 2. Interrogata autem à Præfecto, num igitur in se haberet Spiritum S. respondit: *Castè & pie viventes templum sunt Spiritus S.* Cumque ille instaret fugaturum se ab ea Spiritum sanctum per corporis violationem, subjecit: *Si irritam jufferis virginitatem, castitas mihi duplicabitur ad coronam;* nam ut *Offic. Eccl.* rectè S. Augustinus: *Non necesse est si desit consensus.* 3. Cum Præfectus nihilominus juberet eam abduci, blandum, tanto pondere eam fixit Spiritus S. ut velut columna immobilis permaneret. Quare imperat ille circum ipsam, pice, resina, ac ferventi oleo perfusam, ignem accendi, sed eam nec hic eam læderet, gladio guttur transfixa, & tranquillitatem Ecclesiæ prædicens, non prius ad cælestem Sponsum evolavit, quam cælesti cibo per Sacerdotem esset roborata. Benefica deinde in clientes potentissimum oculis ægros: tu imitæ generosum in Virgine constantiam, & implora ab ea sanos oculos mentis, quibus supremam lucem aspicias.

## FESTO S. THOMÆ Decemb. 21.

*Christus sanat incredulitatem Thomæ. Ioan. 20.*

**Punct. I.** *Thomæ unus ex duodecim non erat cum eis quando venit Iesus.* Confid. 1. S. Thomam frustratum conspectu Christi die resurrectionis ejus, eò quod se ab Apostolorum consortio separasset; ea verò deinde ab illis intellecta, addidisse alterum vitium incredulitatis: *Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam.* Hinc cave te à pia societate separare, & fragilitatem tuam agnosce. 2. Post dies 8. præsentem cum ceteris Thomæ, iterum venit Iesus januis clausis & stetit in medio, & dixit: Pax vobis. Ubi Conf. Christum in gratiam Thomæ hinc iterum se ostendere Apostolis, ut errantem reduceret; & quidem januis clausis, ut doceret illum se frui privilegio corporis gloriosi; in quo benignitatem Christi attende, & imitare erga eos qui te offenderunt. 3. Christum se Thomæ adjungere, sequæ illi tangendum offerre & jubere ad ipsius & nostram fidem firmandam: unde S. Gregorius: *Plus nobis Thomæ infidelitas ad fidem, quàm fides credentium discipulorum profuit:* & subjicit illi: *Noli esse incredulus, sed fidelis:* quæ verba sunt suavis & paternæ admonitionis.

**Punct. II.** *Respondit Thomæ, & dixit ei: Dominus meus & Deus meus.* Ubi Conf. 1. Thomam tam manifestis & validis argumentis convictum intimè de peccato suo pœnitentem ex magno affectu fidei, spei, & caritatis inclamasse: *Dominus meus*, qui me morte tua redemisti, iterumquæ perditum, & singulari amore quæsitum invenisti, *Et Deus meus*, fons omnis boni, qui me creasti & conservas, te veneror, & super omnia diligo: idem & tu pari affectu ingemina. 2. Laudat hinc quidem Christus Thomam à fide, *quia vidisti me Thomæ, credidisti;* at beatos appellat eos qui evidentia illa non adjuti tamen crediderunt id quod nobis debet esse majori solatio.

**Punct. III.** Confid. 1. Thomam natione Galilæum post acceptum Spiritum sanctum insigniter compensasse prius suum delictum, quando zelo accensus divinæ gloriæ propagandæ, & aberrantes à via veritatis ad Christum reducendi, vasta maria & remotas regiones peragavit, ac Parthis, Medis, Persis, Hyrcanis & Bactris Christianæ fidei & vitæ præcepta tradidit. Vide num & tu eo zelo satagas expiare priores culpas. 2. Ad Indos postremò se conferens, non minori ibi labore, periculis, ac fructu Euangelium annuntiavit, exoptans sapius pro Christo sanguinem fundere, quo aliquando ante Christi passionem ceteros Apostolos fuerat cohortatus: *Eamus & nos, & moriamur cum illo:* donec tandem Calaminæ Regem frustra ad fidem hortatus, jussu ejus, dum ante sacram crucem precatur, telis ac lancea confossus, Apostolatus honorem gloriosa martyrij pulma decoravit. Disce & tu accepta à Christo beneficia insigni & constanti virtutum studio compensare.



## IN NOCTE NATIUITATIS DOMINI Decemb. 25. I.

Anno 1.  
Decemb. 25  
in Beth-  
lem.*Maria cum Iosepho tendit in Bethleem, ibiq; Christū parit in stabulo. Luc. 2.*

**P**unct. I. Exiit edictum à Cæsare Augusto ut describeretur uniuersus orbis. Conf. 1. Cū Augustus Romanus Imperator subiecto sibi toto ferè orbe terrarum, & pace constituta iuberet omnes conuenire ad auitam civitatem, unde familia ducebat originem, ad pendendum tributum, Christum omnium Dominum uenisse, ut pace oblata omnes scriberet in libro vitæ. Ubi attende quàm diversæ sint cogitationes Dei à cogitationibus hominum. 2. *Ascendit autem & Ioseph à Galilea de ciuitate Nazareth in Bethleem, ut profiteretur cum Maria desponsata sibi uxore prægnante.* Ubi Conf. utriusq; obedientiam in suscipiendo tridui itinere, incōmodo, & hiemali tempore, ac Virgine partui vicina. 3. Quàm pia inter se misceant colloquia, quomodo inuicē solentur, inq; te comitem iunge gressibus amoris.

Punct. II. *Et peperit filium suum primogenitum.* Confid. 1. Mariam cum Iosepho media nocte variè oberrantem, & ubique rejectam, compulsam tandem in speluncam, stabulum bestiarum se recipere, ubi ex diuinæ providentiæ dispositione, in oratione ac piis desideriis absorpta, ex purissimo utero, sine ulla læsione aut doloris sensu, peperit mundi Salvatorem. Attende hic supremi Regis aulam in paupertate & humilitate fundatam; talem & tu ei præpara in anima tua, & cum illo has virtutes libenter amplectere. 2. Quanta hic fuerint Mariæ & Iosephi gaudia, quæ adorationes & oscula certatim impressa, quæ gratiarum actiones pro privato & communi beneficio, & quàm benignè utrumque parentem Christus respexerit. 3. Quomodo Christus æterno Patri gratias agat, offerat se ad perficiendum opus redemptionis, clamet ad nos tremens frigore & plorans: discite à me paupertatem, & humilitatem. 4. *Et Virgo pannis eum involuit,* non pretiosis, sed mundis quos ipsa secum detulerat: tu Christū excipe corde mundo, & fove affectibus seruentibus amoris. 5. *Et reclinavit eum in præsepio.* Ecce thronum veri Salomonis, quem tot Patriarchæ videre concupierant, tot Prophetæ prædixerant: quare cū vilissimū terræ locū ambiat Altissimus, tu cū illo etiā novissimū elige & viliora amplectere.

Punct. III. *Non erat eis locus in diversorio.* Confid. 1. Quàm molestum & durum fuerit Mariæ jam partui vicinæ cū Iosepho in tenebris plateas omnes oberrare, & ab omni hospitio repulsam ferre, quomodo dolenter hinc inde laxo insideat, num quis fortè misereatur: in quo modestiam & patientiam utriusque imitare, cū & tu ab aliis contemneris aliisque postponeris. 2. Quoties & tu Christum ad te divertere cupientem excluseris. Offer ei proinde nunc cor tuum, invita illum, ut veniat & cælestibus bonis te cumulet: exclude affectus pravyos, & Iosephum ac Mariam patronos adhibe.

Anno 7.  
Decemb. 25.  
in Bethleem.  
Incarnatio  
Christi.

150

IN NOCTE NATIVITATIS DOMINI. 25. Decemb. II.

*Christus natus pastoribus ab Angelo revelatur. Luc. 2.*

1. Pet. 5. 2.

**P**unct. I. Pastores erant in regione eadem vigilantes. Confid. 1. Non ad Herodem Regem aut Magnates Judæorum; sed ad pastores pauperes ac simplices mitti Angelum celestem cum latissimo nuncio optatæ salutis: talem & tu te exhibe; ac cum talibus libenter conversare. si Angelica conversatione frui volueris. 2. Etiam vigilandum tibi esse super actiones tuas, ne ab infernali lupo qui semper vigilat, & circuit quærens quem devoret, opprimantur. 3. Vide etiam quomodo custodias commissum tibi à Deo gregem, sensus corporis, potentias animæ, ac deinde proximum, nomen domesticos; quomodo eos bonæ vitæ exemplo conserves & promoveas.

**Punct. II.** Evangelizabo vobis gaudium magnum quod erit omni populo, quia natus est vobis hodie Salvator. Confid. 1. Esse verè m. iterum gaudij magni, cum nunciatur adventus Salvatoris depulsuri omne malum, & allaturi omne bonum, idque non uni tantum genti Judæicæ, sed orbi universo: gaudium verò de rebus terrenis esse vanum & breve, neque eo proinde animum occupandum. 2. Gaudium hoc spirituale posse unumquemque sibi majus reddere, prout studuerit de bono per Christi adventum collato magis participare. 3. Subdit Angelus signum Salvatoris nati, nempe humilitatem & paupertatem: *Invenietis infantem pannis involutum, & positum in præsepio*: vide num in te hæc signa Christi nati deprehendas, & exprimere studeas.

**Punct. III.** Et facta est cum Angelo multitudo militie celestis, laudantium Deum. Confid. 1. Ad gelos de cælo à cælesti Patre submissos, qui Filio ita humiliato omnem cultum & honorem deferant, eoque nos suo exemplo excitent. 2. Et dicentium: *Gloria in altissimis Deo*. Si gloria & laus Deo canenda sit ab Angelis in cælo propter hanc Filij ejus nativitatem, potiori jure hic in terra id à nobis præstandum, propter quos venit, ideoque cum Ecclesia æterno Patri & Filio succinendum: *Laudamus te, benedicimus te, adoramus te, etc.* 3. *Et in terra pax hominibus bonæ voluntatis*. His nempe quibus Deus benignè vult, voluntas Dei sanctificatio vestra, & qui vicissim sunt bonæ voluntatis erga Deum ejusque mandatum & voluntatis observantiam: non igitur his pax nunciatur qui sunt boni intellectus, sanitatis, nobilitatis aut potentie. 4. *Pacem hic nuntiata haberi cum Deo per remissionem peccatorum, secum per subjectionem praverum affectuum, & cum proximo per concordiam voluntatum*: Pax multa diligentibus legem tuam, & non est illis scandalum. Bellum verò & quidem ære, fore, qui manent obdurati in voluntate mala, neque bonæ ac benignæ voluntati Dei respondere student: *Quis resistit ei, & pacem habuit? Non est pax impiis, dicit Dominus.*

Psal. 118.  
165.

Iob 9. 4.  
Isa 48. 22.

IN



## IN AVRORA NATIVITATIS DOMINI 25. Decemb. III.

Et Octava Nativitatis ejusdem.

Anno 1.  
Decemb. 25.  
in Beth-  
leem.*Pastores inveniunt Christum natum in stabulo. Luc. 2.*

**P**er 7 I. Pastores loquebantur ad invicem: Transeamus usque Bethleem, & videamus hoc Verbum, quod factum est. Confid. 1. Licet nullum mandatum Angeli apud pastores intercesserit de Christo quærendo, tamen nutum eis sufficere, atque inde eos hortari se invicem ad quærendum bonum sibi nunciatum: videtur ut & tu pari promptitudine angelicas inspirationes sequaris. 2. Ut Salvatorem invenias, transeundum tibi etiam à curis secularibus, à mundo, domo famis, qui satiare non potest, ad Bethleem domum panis satiantis, à vita veteri ad novam, a tenebris ad lucem.

**Punct. II.** Et venerunt festinantes; & invenerunt Mariam & Ioseph, & infantem positum in praesepe. Confid. 1. Quanto studio quærantur ab hominibus huius sæculi bona caduca; divitiæ, honores, voluptates, & sanitas, quanto rectius hi Pastores festinant, & inveniunt Salvatorem, in quo sunt omnes thesauri sapientiæ & scientiæ absconditi: quare & illis te junge. 2. Ubi stabulum ingressi sunt, illuminati intus a Deo, & emicante forte splendore e vultu parvuli, quantâ reverentia eum inaudi Salvatorem adorarunt, quam piæ manus pedesque deosculati, quo gaudio perfusi, quas gratias egerunt de accepto primo nuncio, & quæ munera Pastoralia obtulerunt: Tu vide quem cultum; quas gratias, & quod munus ei offeras, quo affectum ejus tibi devincias. 3. Gratulantur parentibus de tali prole, & enarrant quæ ab Angelis de ea viderant & audierant: tu accine cum Elizabetha: Benedicite in inter mulieres; & benedicite fructus ventris cuius.

**Punct. III.** Maria autem conservabat omnia verba hæc conservans in corde suo. Confid. 1. Multos auditis vel visis ad salutem nihil aut parum commoveri, aliorum vero morum pium cito evanescere: sed Deo parum in qua quid diebus, & videbat attente & piè excipere, accurate secum expendere & revolvere, conferre infantem cum imminente majestate, pannos eumque in ore, cum paupertate, rem eum divinis, stabulum cum caelo, prosepium cum throno Dei, cum Scraphinis, Prophëtarum denique oracula cum rei veritate, atque inde in affectus stuporis, gratitudinis, & amoris se eidundere: tu collata tibi a Deo beneficiis pariter expende, & cognoscas in eis cum tua ariditate, pauperem cum tuis commodis, humilitatem cum superbia. 2. Reversæ sunt pastores glorificantes & laudantes Deum in omnibus quæ audierant & viderant. Ubi Conf. sicut ipsi acceptum à Deo beneficium in se aliisque cum gratiarum actione prædicarunt, ita & tibi præstandum. 3. Conf. Ex ipsorum relatione paucos fide viva excitatos, reverentiam & pietatem eorum imitatos: eximium illud fructum, atque in tua salutem retulisse: tuis te junge, sed adhuc infansulo cum Deo parum & Iosepho affectu, fidei, spem, & charitatis, ac cetera obsequia in serendis constantem ejus non præceptis tantum, sed & consiliis.

Et quotidie per annum.

*De divina ac humana Christi generatione. Ioan. 1. P. 1.*

**Punct. I.** *In principio erat Verbum.* Confid. 1. Sicut inter homines verbum dicitur id, per quod aliquid vel alteri ore manifestamus, quod verbum oris dicitur, vel ipsi mente cognoscimus, estque verbum mentis: unde & S. Bernardus ait: Verbum tuum consideratio tua: ita & in S. Scriptura Verbum divinum dici cognitionem, qua Deus se aliaque cognoscit, estque ea unigenitus Filius Dei. Confid. 2. Verbum hoc fuisse in principio ante omnem creaturam: unde & tu discere verbum seu considerationem tuam debere esse 1. in principio status suscepti tanquam via securioris ad æternam beatitudinem tibi à Deo destinata, ut in ea progrediaris, considerando in purgativa peccatorum damna, ac mundanarum voluptatum vanitatem; in illuminativa, virtutum præmia, & Christi, ac Sanctorum exempla; in unitiva, Dei beneficia, ac nominatim celestis gloriæ mercedem præparatam perseverantibus constanter in divina vocatione. 2. Considerationem hanc debere esse vel fuisse in principio votorum, attendendo hinc vilitatem tuam, ob eamque te undecumque divino conspectu indignissimum: inde verò pietatem ac misericordiam Dei infinitam, in cuius fiducia per statum Ecclesiasticum; vel etiam magis per tria religionis vota te totum in holocaustum Deo obtulisti. 3. In principio cuiusque diei debere esse considerationem tuam, mane quotidie in oratione, cognoscendo te ipsum, & Deum; te ut fontem omnis mali, illum ut fontem omnis boni; deinde cur ad religionem veneris, & quomodo diem istum perfectius transigere statuas.

**Punct. II.** *Omnia per ipsum facta sunt.* Confid. 1. Non tantum in principio cuiusque diei, sed & cuiusque actionis, considerandum an tibi id agere liceat, num Deo gratum, cur & quomodo agendum, juxta illud Sapientis: *Palpebra tua præcedant gressus tuos.* 2. Sicut quæcumque per Verbum divinum facta sunt, bona fuerunt; nam vidit Deus cuncta quæ fecerat, & erant valde bona; ita & actiones tuas omnes prævia consideratione, bonas fore, illius verò defectu vanas & inutiles ad gloriam cælestem.

**Punct. III.** *Quod factum est, in ipso vita erat.* Confid. 1. Sicut creaturæ omnes in Verbo divino vivere dicuntur, non solum quia in ipso vivide repræsentantur, sed & quia per ipsum omnes nobis cooperantur in vitam æternam; ita & per hanc tuam considerationem præviam fieri omnes posse meritorias vitæ æternæ, sive sanitas sit, sive morbus; sive cōmoda, sive incōmoda; sive speciosa, sive vilia; quidquid acciderit, conferet ad vitam æternam. 2. Cum Deus per Verbum suum non tantum ut causam efficientem, sed & exemplarem omnia creaverit; ita & te debere ad Christi exemplar & similitudinem actiones tuas omnes efformare, imitando in omnibus ejus paupertatem, humilitatem, patientiam, & reliquas virtutes.

IN



153

# IN DIE NATIVITATIS DOMINI. 25. Decemb. V.

Et quotidie per annum.

*De divina ac humana Christi generatione. Ioan. I. P. II.*

**P**unct. I. *Lux in tenebris lucet, & tenebræ eam non comprehenderunt.* - Confid. 1. Christum ejusque gratiam hîc luci comparari; peccatores vero ac peccata tenebris, eo quod sicut lux inter qualitates naturales nobilissima, purissima, & efficacissima splendorem adfert, calorem, & vigorem cunctis viventibus; ita & Christus per doctrinam suam & gratiæ inspirationes mentem hominum Dei cognitione illuminet, ad amorem accendat, & fervorem in actionibus bonis suscitet, ac tandem suos ad lucem cælestis gloriæ perducatur: contra verò peccatores se in æternas tenebras præcipitent. 2. Licet tenebræ luci accedenti naturaliter cedant, Judæos tamen infidelitatis & malitiæ tenebris obsessos Christum ejusque doctrinam & gratiam quavis luce fulgentiorem noluisse admittere, neque ad hoc etiam Joannis à Deo missi testimonio permotos fuisse: tu expende quoties hanc cælestem lucem excluseris, etiam per Ecclesiam & Concionatores tibi demonstratam.

*Punct. II. Erat lux vera, quæ illuminat omnem hominem venientem in hunc mundum.*

Confid. 1. Christum hîc *lucem veram* appellari, ut distinguatur ipse lux in creata tum à luce Joannis aliunde accepta, tum à luce fucata & fallaci mundi, hereticorum & demonum, quæ ad interitum viam dirigit. 2. Quomodo Christus non Judæis tantum, sed & omnibus hominibus cujuscumque nationis offerat lucem gratiæ suæ, parvulis per baptismum, adultis verò per actus liberos ad se accedentibus: quam Christi erga omnes benevolentiam tu lauda, gratias age, & imitare. 3. Offerri hanc lucem non quidem omni loco & tempore, sed frequentissimè pro Dei beneplacito: unde discas oblatam gratiam captare, ne sublatam postea frustra doleas. 4. Argui hîc ingratitudinis nominatim Judæos, ad quos tanquam ad populum præ ceteris electum ac dilectum, & innumeris beneficiis sibi peculiariter obstrictum Christus, velut *in propria venit*, & tamen *sui eum non receperunt*: vide ne tu præ tot infidelibus ad veram fidem vocatus, imò etiam ad altiorem in ea gradum, parem incurras ingratitudinis notam.

*Punct. III. Quotquot autem receperunt eum, dedit eis potestatem filios Dei fieri.*

Confid. 1. Altissimam dignitatem & honoris gradum quod extolluntur ij qui viva fide Christum ejusque doctrinam admittunt, ut nempe in filios Dei adoptentur, & non carne, sed spiritu per baptismum regenerati, heredes constituentur regni cælestis, de quo gratias illi animitus age. 2. Vide proinde ut exprimas etiam in te mores ac virtutes cælestis Patris, ac Christi velut fratris primogeniti, ut voluas animo cælestia, terrena despicias, nec quidquam eo statu indignum in te admittas.

Et quotidie per annum.

De divina ac humana Christi generatione. Ioan. 1. P. III.

**P**unct. I. Et Verbum caro factum est. Confid. 1. Excessum amoris & humilitatis Filij Dei in tanta maiestate, quo non dedignatus est naturam nostram humanam, atque etiam id quod in ea vilissimum est, carnem assumere, ut in carne nostra pro nobis ipse satisfaceret, ac de diabolo triumpharet, ac sic qui nos per carnem vicerat, per carnem quoque vinceretur. 2. Ut nos naturæ suæ divinæ consortes faceret, ad quod Chrysostomus: *Factus est Filius Dei filius hominis, ut filios hominis faceret filios Dei*, de quo gratias ei age. 3. Ut & doceret nos in natura nostra, rectissimam viam ad salutem, non jam ut olim per Prophetas, aut cum terrore in monte Sinai, sed per se cum amore in carne nostra verbo & exemplo.

*Baruch 3 28* Punct. II. Et habitavit in nobis. Confid. 1. Christum non obiter transeundo nobis apparuisse, sed per annos 33. conversando inter homines mansionem fixisse, subeundo communes vitæ nostræ miseras, quo plenius nos doceret, & ad pleniorē fidem susceptæ carnis excitaret. 2. Elegisse ipsum non vitam solitariam remotam ab oculis hominum, sed in terris visus est, & cum hominibus conversatus est. 3. Licet deinde in cælos ascenderit; tamen etiamnum manere nobiscum, tum in Ven. Sacramento, tum per Vicarium suum Romadum Pontificem in Ecclesiæ gubernatione, tum peculiari affectu adhærendo animæ iusti, velut sponsum sponsæ, eam beneficiis cumulando, & à malis protegendo: stude igitur sic cum eo habitare ut numquam ab eo separeris.

*Ioan 10. 29.* Punct. III. Et vidimus gloriam ejus, gloriam quasi unigeniti à Patre. Confid. 1. Christum in assumpta natura nostra edidisse palam signa plurima & certissima suæ divinitatis, splendore miraculorum, fulgore transfigurationis, claritate resurrectionis, & gloria ascensionis, quæ, inquit Joannes, quasi in theatro clarè spectavimus, & convincebant eum esse Filium Dei: ubi expe de licet beati essent oculi qui hæc viderent, beatiore tamen eos qui non viderunt, & crediderunt: ideoque vivam ei fidem & reverentiam impende. 2. Venisse Christum non instructum terrenis divitiis, aut honoribus: sed plenum gratiæ & veritatis, utramque nobis liberaliter & gratis communicaturum; & gratiam quidem ad actiones omnes nostras Deo gratas reddendas: veritatem verò ad dispellendas errorum tenebras, & promissâ olim Patribus fideliter præstanda: ideoque de hac plenitudine velut fonte largiter nobis hauriendum. 3. Quidquid habemus nos gratiæ aut veritatis, quantumvis multis imperfectionibus obnoxium, agnoscamus cum submissione & gratiarum actione nos totum inde velut ex uberrimo fonte accepisse.

FESTO



## FESTO S. ANASTASIE. 25. Decemb.

**P**unct. I. Confid. i. S. Anastasiam Virginem Romanam, generis splendore, divitiarum abundantia, & formæ venustate, sed potissimum Christianis virtutibus insignem, in his à matre Catholica rectè institutam, sub instructione S. Chrysogoni, amplissimos fecisse progressus, sic ut jam nubilis, non mundi vanitatibus, sed operibus pietatis, charitatis, & humilitatis totam se impenderet, in visendis carceribus, ibique vindictis pro Christo solandis, alendis, roborandis ad martyrium, pedibus eorum abluendis, & vulneribus mundandis. 2. Deinde quantumvis invitam nuptui traditam cuidam Publio juveni paris quidem nobilitatis, sed gentili ac feroci, ideoq; ab illo maximè jam spe sua frustrato in fide Christi expugnanda, durissimè habitam, atque ita amplam habuisse occasionem insignis patientiæ quotidie exercendæ, &, quod unicè cordi habuerat, Virginitatis servandæ. 3. Conjugem deinde ab Imperatore missum legatum in Persidem, reliquisse illam vinculis mancipatam, ibi vel miseriis interim conficiendam, vel si redux superstitem & in priori sententia invenisset, suis manibus interficiendam; sed ipsum in itinere à divina justitia ex hac vita ad debitas scelerum pœnas persolvendas evocatum: unde disce in adversis Dei auxilium patienter expectare.

Punct. II. Confid. i. Eam per mortem conjugis vinculis liberatam, sibiq; restitutam, statim facultates omnes, prout Deo promiserat, in pauperes Christianos erogasse, & quasi plenis velis se prioribus obsequiis pietatis, caritatis, & humilitatis impendisse: unde disce etiam captare tempus & opportunitatem bonorum operum. 2. Deum propter hunc insignem fervorem, & obsequia Martyribus impensa, etiam voluisse illi dare occasionem & coronam Martyrij: unde collige opera virtutum semper ad altiorem gradum perfectionis viam sternere.

Punct. III. Confid. i. Eam proinde comprehensam, & à Præfecto interrogatam de suis facultatibus, quibus inhiabat, generosè respondisse, eas à se per manus pauperum in cælum præmissas, quo & speraret se brevi secuturam. 2. Inde reclusam in carcerem ærumnis conficiendam, ibi cælestibus solatiis recreatam, ac toto bimestri sustentatam cibo è cælis delato à S. Theodora, cum qua sæpius Martyrij desideria foverat, & quæ jam cum tribus filiabus igne coronâ illâ fuerat assecuta. 3. Postea in fide constantem cum fidelibus viris 200. ac feminis 70. navigio undique perforato impositam, fluctibus absumendam: sed Spiritu S. navim conservante, ac dirigente omnes incolumes in Insulam pervenisse: ubi ipsa pro Christi fide palis alligata, igne circumstructo exusta, ad cælestem sponsum, & æterna gaudia purior evolavit, reliquis etiam per varia tormenta martyrium consummantibus. *Non sunt condigna passionis hujus temporis ad futuram gloriam, quæ revelabitur in nobis.*

Anno 303.

Rom. 8. 18.

## De ejus Vita. Actorum 6. &amp; 7.

**P**unct. I. Stephanus autem plenus gratia & fortitudine, faciebat prodigia & signa magna in populo. Confid. 1. Stephanum ob insignes virtutes electum ab Apostolis, & quidem primum inter septem Diaconos, qui mentis tam sacræ quam prophanæ deserviret, laudari hinc plenum gratia, quæ in dictis & factis ejus elucebat; & fortitudine, qua confidenter & intrepide agebat pro Christi causa in prædicando, disputando, ac miraculis patrando; sustinendis etiam adversis, ac tandem ipsa morte: quam fortitudinem tu etiam imitari stude. 2. Confid. Eum ostendisse potissimum zelum suum in arguendis Judæis, qui ex variis regionibus Hierosolymam convenierant, nec poterant resistere sapientiæ & spiritui qui loquebatur. 3. Intuentes eum omnes qui sedebant in Concilio, viderunt faciem ejus tanquam faciem Angeli. Addiderat enim Deus vultui ejus splendorem, ut internam mentis ejus pulchritudinem indicaret, qua Angelorum puritatem, innocentiam, sapientiam, & zelum referebat.

Punct. II. Intendens in cælum vidit gloriam Dei, & Jesum stantem à dextris Dei. Confid. 1. Stephanum oculis mentis & corporis in cælum intentis eoque anhelantem, vidisse gloriosam Dei imaginem instar Regis majestate fulgentis, & Jesum a dextris ejus stantem instar Ducis militem suum animantis, protegentis, ac palmam offerentis. 2. Subdit: Ecce video cælum apertum. Significans se non timere eorum minas, verbera, aut tormenta, cui cælum pateat, quo & ipsos invitat, si voluerint resipiscere: ora ut & tibi innoxio extremo cælum pateat.

Punct. III. Ejicientes eum extra civitatem, ne eam contaminaret, lapidabant eum. Lev. 24. 14. tanquam blasphemum, ocludentes aures suas ne salutaria monita & inreparationes perciperent; quam duritiam detestare, & imitare Stephani patientiam, qui nec falsis accusationibus, nec ejectione e Synagoga velut nota excommunicationis, nec lapidatione qua vitam perdidit, a Christi atque etiam ipsorum sincero amore separari potuit. 2. Jam in extremis clamabat: Domine Iesu accipe spiritum meum, quem ab aliis reje- cum tibi Creatori ac Redemptori meo integrum & inviolatum restituo: ubi discere rationem piæ moriendi cum actibus fidei & spei in Salvatorem, ac condonatione injuriarum, de qua subdit: 3. Domine Iesu ne statuas illis hoc peccatum, quo nempe impænitentes intereant. Attende hinc illustre exemplum remissionis injuriæ, quam etiam à Deo obtinuit Paulo, aliisque pluribus, cum pro iis ferventiùs, etiam positis genibus Deum exoraret: de quo Hilarius: Nesciebat iis irasci, per quos videbat aulam regni celestis sibi aperiri: ubi & coronam martyrij nomine suo præsignatam, etiam Doctoratus ac Virginitatis primus obsequit: tu illi gratulare, ac virtutes imitare.



157

FESTO S. STEPHANI PROTO-MARTYR. 26. Dec. II.

Anno 34.  
Martij 22.  
Jeiold.

*Christus arguit impietatem Iudeorum in occidendis Prophetis,  
eamq; puniendam à Deo prædicit. Matr. 23.*

**P**unct. I. Ecce ego mitto ad vos Prophetas, & Sapientes, & Scribas, & ex illis occideris. Confid. 1. Christum hic arguere impietatem Iudeorum, quod non sibi tantum Messiae suo, sed & aliis pluribus mox a se legandis Apostolis, virisque Apostolicis, dono prophetiae, sapientiae, & scientiae legis instruendis mortem essent illaturi: ubi expende horum Martyrum insignem constantiam, & persecutorum saevitiam, ac quam disparem deinde mercedem retulerint. 2. Cum dicat Christus se eos viros mittere, se: proxime missurum, attende dignitatem ac reverentiam viris Apostolicis debitam tanquam Dei legatis, & ad salutem tuam excitatis. 3. Prædicit Christus Iudeorum punitionem: *Ut, inquit, veniat super vos omnis sanguis iustus*: quo significat temporalem poenam debitam peccatis majorum, tandem impleta mensura ab ipsis luendam, quod olim comminatus fuerat: quare cave ne & tu aliquando impleas præstitutam tibi a Deo peccatorum mensuram.

Deut. 32.9.

Punct. II. Hierusalem, Hierusalem, quæ occidis Prophetas, & lapidas eos qui ad te missi sunt. Confid. 1. Christum hic se convertere ad populum, ac maxime Magistratum Hierosolymitanum, ingeminata voce ex abundantia & vehementia affectus amoris & misericordiae, cum exprobratione ingratitude post tot beneficia accepta: ubi & tu expende exiguum gratitudinem tuam. 2. *Quoties volui congregare filios tuos, quemadmodum gallina congregat pullos suos sub alas*. Ubi significat non raro, sed frequenter se eorum saluti studuisse per Prophetas diversis temporibus submissos, per Angelos, inspirationes internas, externas illecebras, punitiones aliorum, ac tandem etiam per se ad hoc à caelesti Patre missum. 3. Comparat amorem & studium suum gallinae singulariter pullos suos diligentis & protegentis. 4. Opponit pervicaciam illorum, & *noluisti*: significans malum omne provenire ex libera nostra voluntate, cui soli perditio nostra adscribenda sit: Tu expende quoties vocanti Deo restiteris.

Punct. III. Ecce relinquetur vobis domus vestra deserta. Confid. 1. Enunciari hic clarius à Christo eorum punitionem, nempe destituendos non solum corporali sua praesentia, ac donis gratiae, sed & templum, civitatem, imo regionem totam deferendam ab incolis, ac divino favore & praesidio, omnesque, qui occisi non fuerint, dispergendos toto orbe, expositos hostibus corporalibus, & spiritualibus: cave ne & tu unquam à Deo deseras. 3. Adjicit tamen eos qui in fine mundi supererunt, convertendos ad poenitentiam, & acclamatuos: *Hosanna Benedictus qui venit in nomine Domini*, id quod majores eorum in pueris subannaverant: tu utere tempore poenitentiae cum offerretur.

## FESTO S. IOANNIS EVANGELISTÆ. 27. Decemb.

*Christus Petrum de morte sua præmonitum, ob curiositatem  
de Ioanne reprehendit. Ioan. 21.*

**P**unct. I. Dixit Iesus Petro: Sequere me. Confid. 1. Petrum juberi hîc à Christo sequi se, non tantum præsentia corporali, sed etiam in Pastoralis munere, ac cura ovium, modoque eas regendi verbo & exemplo, ac potissimum caritate, prout ipse præcesserat, ac tandem etiam se subsequi in morte sibi simili per supplicium crucis. 2. Petrum curiosius inquirentem de morte Joannis, hic autem quid? reprehendi à Christo, ut discas etiam in te reprimere vitium curiositatis, ne in multis sint actus tui.

Eccl. 11. 10.

Punct. II. Sic eum volo manere donec veniam. Confid. 1. Christum repressa curiositate Petri, sub obscure indicare Joannem non violenta morte è vita evocandum, sed permansurum, dum ipse Christus veniret excidium Hierosolymæ allaturus, eumque deinde ad se morte naturali evocaturus: interim superstitem Christus voluit, tum ut Judæos metu excidij tempestivè ad Deum converteret, tum ut hæc longevitas esset ei loco martyrij, cum ad Christi præsentiam summè aphelaret. 2. Confid. Joannem verè tamen Martyrem fuisse, cum pro Christi fide Romæ prius fustibus de more percussus, inde in ferventis olei dolium missus ea tormenta passus est quæ mortem naturaliter intulissent, nisi miraculo præservatus fuisset: quare cum constantia ei minimè defuerit, nec præmium, aut martyrij coronam illi deesse.

Anno 42.

Punct. III. Confid. 1. Joannem natione Galilæum natum Bethsaidæ, arte piscatorem cum fratre Jacobo à Christo vocatum, & singulariter dilectum, tum ob insignem castitatem: Quoniam specialis prærogativa castitatis ampliori dilectione eum fecerat dignum: tum caritatem, cujus studium aliis unicè commendabat, tum denique zelum & constantiam in bene cœptis: Tu has virtutes imitare, quibus Christi erga te dilectionem adaugeas. 2. Confid. eum proinde appellatum etiam à Christo Filium conitutum, assumptum secum in transfiguratione, & horto Oliveti, atque in Cœna ultima in Christi sinu recubuisse; ubi, ait Augustinus, è Christi pectore arcana divine Sapientiæ, & fluentia gratiarum altius præ ceteris hausit, denique in passione & morte Christi solum perstitisse, ibique Deiparæ à Christo moriente pro se in Filium substitutum, Ecce Filius tuus: ecce Mater tua. 3. Expende solatia, documenta, ac fructum quem hausit deinde Joannes ex diuturna familiaritate, ac colloquiis cum Deipara. 4. In Patmos Insulam relegatus plurimos ibi ad Christi fidem convertit: inde post plures per Asiam fundatas, & insigni cum fructu administratas Ecclesias, Ephesum reversus, ibi tandem Apostolorum postremus in Domino obdormivit, unus omnium aliorum Sanctorum laureas consecutus.

An. Chr. 99.  
et. 92.

FESTO



159

Anno 2.  
Martii in  
Nazareth.

FESTO SANCTORVM INNOCENTIVM. 28. Dec.

*Christus in Ægyptum abducitur, & Innocentes ab Herode occiduntur.*

Matt. 2.

**P**unct. I. Angelus Domini apparuit in somnis Ioseph, dicens: Surge, & accipe Puerum & Matrem ejus, & fuge in Ægyptum. Confid. 1. Christum in prima infantia pati persecutionem, ideoque juberi deferre patriæ commoda, ac secedere cum Matre sua & Iosepho in Ægyptum, regionem barbaram, 12. dierum itinere: ut discas & tu, Christi exemplo parare animum ad incommoda & persecutiones, nec affixus esse patriæ, sed ad cælestem patriam adspirare, atque hinc interim omne solum, ubi Deum Patrem invenis, pro patria habere. 2. Attende in hoc Christi humilitatem, qui licet sine fuga potuisset manus Herodis evadere, tamen tanquam illo debiliior, non sine obloquiis hominum, fugam elegit tui causâ, ut & tu aliorum de te ac talentis tuis judicia amoris sui postponeres. 3. Deum suos licet adversis exerceri sinat, tamen minime delerere, ac submissis etiam Angelo periculis eripere; moneri quæ etiam nos de fugienda persecutione dæmonis, & remediis humanis adhibendis.

Punct. II. Et esto ibi usque dum dicam tibi. Confid. 1. Insignem resignationem hinc per Angelum requisitam, quam & tu imitare, atque in paterna Dei cura securus acquiesce, quidquid de te statuerit, esto ibi, in eo munere, & loco, labore, molestia, & afflictione, hoc vel illud age, ac patere, usque dum dicetur tibi. 2. Confid. promptam & cæcam obedientiam Iosephi & Mariæ media nocte cum Christo consurgentium, ac paucis reculis collectis iter arduum ingredientium: non opposuerunt itineris ignorantiam, distantiam, aut molestiam, non rerum inopiam, non pericula perdendi infantem, sed simpliciter obedientes curam omnem Deo commiserunt: sufficiat etiam tibi inter incommoda esse cum Jesu, Maria, & Ioseph.

Punct. III. Herodes videns quoniam illusus esset à Magis, iratus est valde, & mittens occidit omnes pueros &c. Conf. 1. Quam periculosum sit ambitioni aut iracundiæ scilicet laxare, dum hinc ad tam crudele consilium Herodes processit, ut teneros infantes ad 14. millia necandos curaverit, ampliando locum ad omnes etiam fines Bethleem, & infantiam ad bimatum, pro majori securitate criminis: attende lamenta matrum, & infantium ejulatus, expressa olim in Rachele posteros deplorante. 2. Voluisse Christum hac strage nativitatem suam magis divulgare, simulque justitiam ostendere in puniendis matribus Bethleemitis, quæ Genitrici suæ nocte Natalis hospitium denegassent: bonitatem verò in beandis infantibus corona martyrij; nam, *Miscebatur lamentatio matrum, & ad cælum transibat oblatio parvulorum.* Ambros. 3. Conf. Dæmonem quasi alterum Herodem oppugnare in nobis masculos, & virtutū initia, quæ servanda & fovenda sunt: tu verò peccatorū & tentationū initia oppugna, & deplora tot animas per illum intereuntes.

FESTO

## FESTO S. SILVESTRI PONTIF. 31. Decemb.

*Punct. I. Confid. 1.* S. Silvestrum Romanum à prima ætate in pietate instructum, cum ætatis & graduum incrementis pariter in virtutibus progrediatur fecisse. *Iustorum semita quasi lux splendens procedit, & crescit usque ad perfectam diem.* Inde Cardinalitia dignitate auctum cœpisse magis inter omnes virtutibus inclarescere, sic ut propter eminentem vitæ sanctitatē, S. Melchadi Pontifici defuncto omnium votis suffectus fuerit. 2. Saviente Romæ in Christianos persecutione, dum in montem Soracten, confugiens ibi precibus suis Ecclesiæ pacem & quietem enixè efflagitat, Constantinum Magnum Imperatorem incurabili lepra à Deo percussam viam Silvestro ad postulata consequenda aperuisse.

*Punct. II. Confid. 1.* Constantinum, cum ad curandam lepram impium medicorum consilium admisisset de parando sibi balneo ex infantium sanguine, permotum tamen deinde lamentatione matrum, atque hanc impietatem detestatum, nocte sequenti mitius ac certius e cælo remedium accepisse: unde cave in adversis ad illicita media confugere, sed cum licitis operem Dei implora. 2. Apparuisse ei illa nocte in quiete Sanctos Apostolos Petrum & Paulum præcipientes ei, ut si ex lepra liberari vellet, omissa impij balnei immanitate, Silvestrum in Soracte monte latitantem accerferet, à quo baptisatus imperaret per omnem ditionem Romani Imperij templa Christiano more ædificari, sublatisque inanum Deorum simulachris, vero Deo cultum adhiberet: unde collige corporalis morbi utilitatem, qui & Imperatori huic sanitatem animi, & Ecclesiæ pacem peperit. 3. Imperatorem cælestibus monitis obsequentem, Silvestrum conquisitum ad se evocasse, qui ratus se evocari ad martyrium, Imperatorem sibi supplicem invenit, velut alterum Saulum, & cognita ejus visione, Deo gratias actis, ipsum prius fidei mysteriis instructum, ac pœnitentem baptismo regenerat: unde ille corpore & animo perfanatus, Deo pariter gratias persolvens, totum se ad tuendam & propagandam Christi religionem devovet: tu discas hinc etiam gratias Deo referre pro tua ad fidem vocatione.

*Punct. III. Confid. 1.* Imperatorem accepti beneficii memoriam, auctore Silvestro mox toto imperio Catholicam religionem propagasse, & everfis idolorum templis, nova eaque magnifica Christianis extruxisse, donis ac muneribus exornasse, ac proventibus etiam ad alendos Sacerdotes dotasse: unde excita etiam in te affectum pietatis. 2. Silvestrum tandem post exorientem Arrii hæresim in Nicæno & Romano Concilio condemnatam, post roboratam Romanæ Sedis potentiam, qua & hæreticos reprimeret, & gentilibus resistere posset, post multa salubriter decreta pro Ecclesiæ bono & Ecclesiastica libertate, ad laborum præmia in cælos

*Psal. 125. 5. exhortat. Qui seminant in lacrymis, in exultatione metent.*

FESTO



## FESTO CIRCUMCISIONIS DOMINI. 1. Ianuarij.

Anno 1.  
Januar. 1.  
in Beth-  
leem.*Christus circumciditur, & nomen Iesu ei imponitur. Luc. 2.*

**P**unct. I. *Postquam consummati sunt dies octo, ut circumcidetur puer. Confid. 1.* Licet parentes Christi summè anhelarent ad imponendum ei nomen toti mundo salutare, ab Angelo prænunciatum; tamen moram oculi à lege præscriptam eos patienter & æquanimiter tolerasse: ut dicas & tu non urgere importune temporis accelerationem, sed constitutum à Deo, sive in afflictione, sive in optati boni dilatione patienter expectare. 2. Confid. In hac Christi circumcisione plures eximias virtutes elucen-tes, obedientiam licet legi subjectus minimè esset, humilitatem in assu-menda nota peccatoris, patientiam in corpore tenero cum acerrimo do-loris sensu, caritatem, qua festinabat hunc sanguinem suum, velut primi-tias, pro redemptione nostra æterno Patri offerre: stude & tu easdem vir-tutes cum gratiarum actione imitari. 3. Quomodo exemplo hoc suo exe-gerit à nobis Christus spiritualem circumcisionem in pravis affectibus potissimum carnis præscindendis, idque non semel, sed, quoniam assidue repullulant, quotidie iteratò fervore, sciasque non participaturum te de effectu salutiferi ejus nominis, nisi prævia hac circumcisione.

**Punct. II.** *Vocatum est nomen ejus Iesus. Confid. 1.* Fuisse quidem in veteri le-ge aliquibus nomen hoc inditum, sed velut umbris imperfectè exprimen-tibus hanc Christi excellentiam, cui id à Deo per Angelum impositum, cum solus ipse nosset finem & officium Filij incarnati, nempe liberatio-nem ab omni malo, & collationem omnis boni. 2. Confid. Hoc nomen ef-se quasi compendium omnium aliorum nominum, & continere officia Patris, Magistri, Medici, Pastoris, Advocati, Protectoris, adeoque esse no-men amoris, misericordiæ, clementiæ, sapientiæ, & potentiæ plenissi-mum, scutum adversus omnes dæmonis machinationes, ac proinde in omni tentatione ac adversitate corde & ore cum reverentia & fiducia inelamandum, atque aliis cum zelo annunciandum. 3. Quàm sit venerandum cultu interno & externo, in cujus invocatione *omne genu flectatur caelestium, Phil. 2. 10.* terrestrium, & infernorum. 4. Vide num & tu nomen hoc & Christiani à Christo acceptum ita expleas imitatione virtutum: *Noli, inquit Nysse-nus, vanum ferre nomen, sed plenum.* Et Augustinus: *Non sufficit nobis nomen Christiani, si opera non fecerimus.*

**Punct. III.** Confid. 1. Ab hoc die, novi anni initium desumi; ut & tu no-vam vitam auspiceris & decurras cum circumcisione spirituali, seu stu-dio mortificationis, & nominis sancti hujus frequenti invocatione. 2. Sta-tue te coram Jesu, & expende beneficia ab eo tibi toto superiore anno collata, ingratitudinem tuam, languorem, & exiguum protec-tum, atque offer illi in strenam pro effusione sanguinis, vitij alicujus magis noxij constantem peculiari examine oppugnationem.

VIGI-

## VIGILIA EPIPHANIE. 5. Ian.

*Christus ex Ægypto reducitur. Matt. 2.*

**P**unct. I. Angelus Domini apparuit in somnis Joseph in Ægypto, dicens: Surge, & accipe Puerum & Matrem ejus, & vade in terram Israël. Confid. 1. Paternam Dei providentiam de suis sollicitam, & opportuno tempore incommodis ac tribulatione eripientis, qua permiserat per plures annos dilectum Filium suum cum Matre ac Josepho in extera regione affligi: quare cave ne animum despondeas in adversis, sed cum patientia expecta auxilium Dei. 2. Rationem subdit: *Defuncti sunt enim qui querebant animam Pueri.* Non Herodes tantum, sed & alij in persecutione illi adhaerentes: ubi Confid. potentiam impiorum non esse diurnam, ac concidere saltem in morte, piorum verò gloriam etiam per tribulationes crescere. 3. Quanto gaudio perfusus fuerit Joseph cum Deipara, accepto hoc nuncio de sublato periculo, & Jesu servato: vide nū tu tam sollicitus sis de Christo servando.

Punct. II. Qui consurgens accepit Puerum, & Matrem ejus, & venit in terram Israël. Confid. 1. Qua alacritate in viam se dederint Joseph & Maria, ducentes medium Puerum Jesum jam novennem, & pedibus inambulantem, quas gratias Deo egerint, quantum adauxerint fiduciam in ejus paterna providentia, cui videbant se tantopere curæ esse: attende & tu quot & quanta expertus in te sis divinæ providentiæ argumenta, ideoque æquum esse, ut te totum illi committas. 2. Confid. Ægyptios aliquos jam ad Christi fidem conversos, tenerimè sensisse ejus cum parentibus discessum, precibus ac lacrymis mansionem expetentes, sed quævis opera bona, imò mundi totius conversionem postponendā obedientiæ, dū aliò nos vocat.

Punct. III. Audiens autem quod Archelaus regnaret in Judæa pro Herode patre suo, timuit illò ire, & admonitus in somnis secessit in partes Galilææ. Confid. 1. Statuisse Josephum Hierosolymam divertere ad persolvendas Deo grates in templo pro felici reditu, sed iterum in somnis ab Angelo admonitum de Herodis filio ibi regnante, rectā perrexisse Nazarethum: ita Deus aliquando in solis desiderijs bonis, efficacibus tamen ex patre nostra acquiescit. 2. Sicut Joseph prudenter declinavit Hierosolymam, ac Judæam propter Herodis filium ibi regnantem: ita & tibi declinanda esse pericula & occasiones peccandi; nam *qui amat periculum, in illo peribit.* 3. Quoniam Nazareus vocabitur, non solum quia conceptus & enutritus in civitate Nazareth, sed potissimum propter hujus significationem in eo expressam, qua *floridus* significatur. *Et flos de radice ejus ascendet,* speciosissimus & immarcescibilis. Significatur insuper nomine Nazaræi *Sanctus, Deo consecratus, & coronatus,* quæ Christo perfectissime cōveniunt. Erant Nazaræi velut religiosi inter Judæos, abstinentes ab omni quod potest inebriare, & à cōtactu cadaveris, nec deponentes Cēsariem capitis: nos studeamus cū Christo esse Nazaræi spirituales, abstinentes ab omni amore inordinato, & à peccatis, nec deponentes affectus spirituales.

FESTO



## FESTO EPIPHANIE DOMINI. 6. Ian. P. I.

Anno 1.  
Jan 6. in  
Bethleem.

*Magi per stellam evocati Christum querunt. Matt. 2.*

**P**unct. I. *Vidimus stellam ejus in oriente, & venimus adorare eum.* Confid. 1. Magos hos fuisse Reges gentiles, astrologiæ peritos, ideoque Magos seu sapientes de more dictos, tres numero, qui in orientalibus regionibus conspecta stella, secundum scientiam tum ex libris Sibyllinis, tum ex Scriptura Sacra, tum potissimum ex interna Spiritus sancti illustratione acceptâ, cognoscentes Regem populi Israëliti, ac mundi Redemptorem in Judæa natû, mox se cum muneribus & honesto comitatu in viam dederunt versùs Hierosolymam: ubi attende ardentem Pueri Jesu caritatem in trahendis statim hominibus ad salutem, pastoribus è vicino per Angelum, Regibus è longinquo per stellam, singulis per media congrua, te quod viis ac modis? ubi felicitatem tuam præ tot aliis expendere. 2. Conf. Obedientiam horum Regum, dum iter arduum ac longum in exteram regionem magnis incommodis & molestiis aggre- diuntur: vide num & tu ea promptitudine sequaris Dei inspiratio- nes, ejusque voluntatem per superiores ac regulas quasi per stellam tibi propositam, audire cum Regibus possis: *Vidi, & veni.*

Punct. II. *Herodes Rex turbatus est, & omnis Hierosolyma cum illo.* Confid. 1. Turbari Herodeni unde maximè gaudere debebat, sed ambitione excæ- catus non capiebat animæ salutaria: frustra etiam regno suo timebat à Christo, quippe *non eripit mortalia, qui regna dat celestia.* 2. Cogit Conci- lium Magnum 70. seniorum, ex quibus veritatem inquit: ubi attende aliquos veritatem inquirere ut alios doceant, quales erant scribæ, alios ut oppugnent, qualis hîc Herodes, alios ut agnitam sequantur, & tales hi tres Reges: Tu vide qua intentione scire studeas. 3. Instituto exami- ne etiam cum Regibus, tandem eos dimittit, & cum inveneris renunciat *mihi*, inquit, *ut & ego veniens adorem eum.* Simulatores virtutum detestatur Deus, cui imponere minimè possunt. Cave etiam ne aliis viam salutis ostendas, quam ipse negligas.

Punct. III. *Videntes stellam Magi gavisii sunt gaudio magno valde.* Confid. 1. Stellam Hierosolymæ non apparuisse, ut scias in hominum strepitu di- vinas inspirationes minùs communicari, sed extra eum in silentio & secessu. Quia tamen constanter ejus ductum secuti fuerant, iterum eis apparet, ducitque rectà ad Christum. Attende stellas à Deo tibi missas, præter pias inspirationes, esse etiam exhortationes, exempla Sancto- rum, Regulas, ac mandata Superiorum. 2. Confid. Etiam tibi meritò valde gaudendum, si expenderis felicitatem tuam, dum egredienti tibi è seculo stella divinæ lucis apparuit, quam si constanter sequaris, Chri- stum invenies.

Anno 1.  
Januar. 6.  
in Beth-  
lem.

164

## FESTO EPIPHANIE DOMINI. 6. Jan. II.

*Magi per stellam evocati Christum inveniunt & adorant. Matt. 2.*

**P**unct. I. *Intrantes domum invenerunt Puerum cum Maria Matre ejus.* Confid. 1. Domum hanc, super qua viderunt hærere stellam, fuisse stabulum, ubi in præsepio invenerunt Christum, cujus regnum agnoscebant non terrenum esse, sed spirituale: *Invenerunt autem Puerum cum Maria Matre ejus:* tu stude ut Jesum & Mariam semper affectu tuo conjunctos habeas. 2. Confid. Majestatem divinitatis occultæ ex vultu & oculis Pueri reluxisse: unde & agnoverunt esse supremum Regem, Deum simul & hominem, Matrem & Virginem. 3. *Et procidentes adoraverunt eum,* prono corpore prostrati & animo, cultu latræ coluerunt, quem verum Deum, mundi Redemptorem agnoscebant, externa vilitate præsepis aut stabuli, quæ fides non spectat, minimè retardati: tu in oratione ad Deum, junge etiam, reverentiam externam cum interna.

Punct. II. *Et apertis thesauris suis obtulerunt ei munera.* Confid. 1. Eos prius adoratione se ipsos obtulisse, & inde munera, ut scias ante omnia te ipsum, cor & voluntatem Deo offerendam. 2. Singulos verosimilius munera terna obtulisse, copiosius tamen de eo quod in regione illa nativum erat, atque ita Melchior ex Arabia felici aurum obtulisse ut Regi, Gasparem ex Perfide myrrham ut homini mortali, Balthazarem ex Saba metropoli Ethiopiæ thus ut Deo; unde Juvencus: *Thus, aurum, myrrham, Regi, Homini, Deo, dona ferunt.*

Punct. III. Confid. 1. Quam modestia & gratiarum actione Deipara hæc munera acceperit, eaque mox partim divino cultui, partim usibus pauperum consecravit, reliquum in domesticas necessitates reservans. 2. Christum etiam æterno Patri obtulisse aurum caritatis, thus cultus & religionis, myrrham passionis. 3. Tu offer etiam Christo tres virtutes Theologicas, tria vota Religionis, item aurum caritatis, thus orationis, myrrham mortificationis: tres insuper animæ potentias, quasi tria vasa vacua ab ipso implenda. 4. Christum minimè passum se ab his Regibus liberalitate superari, sed pro Majestatis suæ excellentia reddidisse singulis pro auro cælestem sapientiam, pro thure affectum devotionis, pro myrrha incorruptionem à peccato deinceps saltem graviori, atque ita cum ampla benedictione, porrectis ad osculum manibus eos dimississe.

Punct. IV. *Responsio accepto in somnis ne redirent ad Herodem, per aliam viam reversi sunt in regionem suam.* Conf. 1. Hunc, inter cetera, Reges hos fructum referre visitationis suæ ac munerum, nempe Angelicam monitionem de insidiis Herodis sibi paratis declinandis: quare cum hisce etiam fuge tu occasiones lapsus. 2. Sicut illi *per aliam viam reversi sunt;* ita & tu à Deo illuminatus non amplius per viam latam mundi ac priora peccata, sed per arctam & initiationem virtutum Christi ad cælestem patriam tende.

OCTA-



# OCTAVA EPIPHANIE. 13. Ian.

165

*Alterum Ioannis de Christo baptizato testimonium. Ioan. 1.*

Anno 31.  
Mart. 2. in  
Bethani: ad  
Jordanem.

**P**unct. I. Vidit Ioannes Iesum venientē ad se, & ait: *Ecce agnus Dei, ecce qui tollit peccatū mundi.* Conf. 1. Christum post die ad Joannem iterum prædicantem trans-Jordanem, & in eo turbas undique ad se confluentes baptizantem, iteratō accessisse, ut scias eum suis opere pio occupatis & solatio & auxilio sæpè adesse. 2. Joannem conspecto Christo, mox digito eum palam omnibus demonstrasse, *Ecce, inquit, agnus Dei*, agnum compellat ob vitæ innocentiam, & mansuetudinem. 3. *Qui tollit peccatum mundi.* Significat Joannes Christum velut innocentem victimam immolandum pro peccatis non unius gentis, sed mundi totius, atque omnium pœnās in se expiaturum, *posuit Dominus in eo iniquitatem omnium nostrum*, & ita divinæ justitiæ pro nobis satisfactorum, atque insuper remedia efficacia allaturum, quæ & quotidie præstat adversus omne peccatum originale, mortale & veniale, cordis, oris, & operis: hinc & Sacerdos quotidie in Sacrificio Missæ idem tertiō repetit, quo & significat triplicem Christi statum, agniamabilis in pueritia, patientis in cruce, & regnantis in cælo, cui proinde gratias age. Isa 53, 6.

Punct. II. *Hic est de quo dixi: Post me venit vir, qui ante me factus est, quia prior me erat.* Confid. 1. Joannem hīc iterum excurrere in laudes Christi, ac se deprimere, excellentiam & opera ejus celebrare, ac sua extenuare, unde & tu discas idem faceret erga proximum: & dum asserit eum sibi ab æterno Patre præpositum in gradu honoris, rationem subdit: *Quia prior me erat*, nempe dignitate in utraque natura, & æternitate divinæ. 2. *Et ego nesciebam eum.* significat Joannes se non habuisse notitiam de Christo, nequidem de facie, antequam eum baptizaret, aliam quā tunc divinitus de eo accepisset, idque ne cognationi, familiaritati, gratiæ, vel affectui dare aliquid videretur: sic & tu lauda in veritate virtutes ac talenta aliena, citra adulationem. 3. *De plenitudine ejus nos omnes accepimus*, velut à fonte fluente donorum cælestium, *gratiam pro gratia*, ob gratiam ejus & merita, & nos accepimus gratiam singulis propriam, pro gratia legis veteris gratiam legis novæ, accepturi deinde pro gratia fidei & caritatis gratiam gloriæ cælestis.

Punct. III. *Et testimonium perhibuit Ioannes dicens, quia vidi Spiritum descendantem quasi columbam de cælo, & mansit super eum.* Confid. 1. Christum licet triplici illustri signo à cælesti Patre palam declaratus esset Messias, apertione cæli, voce cælesti, & descensu columbæ, ac nunc iterum & sapius deinde per Joannem, quem ut Prophetam suspiciebant, tamen à Judæis, neglectum, rejectum, & odio habitum fuisse. 2. Confid. Significari hic, nos etiam per baptismum Spiritu sancto ejusque donis cumulandos, assumendos in filios Patris cælestis, ac cælum nobis aperiendum.

FESTO

## FESTO S. PAVLI PRIMI EREMITÆ. 15. Ian.

**P**unct. I. Confid. 1. S. Paulum Thebæum Eremitarum auctorem & magistrum anno ætatis 15. parentibus orbatum, lautoque instructum patrimonio, faviente persecutione fidelium, relictis omnibus, se in Ægypti eremo spelunca abdidisse, ibi Deo ac cælestibus divitiis colligendis liberius vacaturum: unde collige vitam eremiticam tot Sanctorum ex impia & iniqua persecutione primam originem accepisse. 2. Conf. ejusdem ibi vitæ asperitatem, cum dura humus illi pro cubili esset, fons vicinus potum præberet, palma verò victum & vestitum, inter quæ tamen animus ejus spiritualibus deliciis & solatiis abundabat: disce hinc etiam libenter ferre paupertatis incommoda.

Punct. II. Confid. 1. S. Antonium ætate nonagenarium secum in eremo dubitantem, num quis alius in ea, tamdiu ac tam perfectè Deo serviisset, ab eo monitum ut sanctiorem se in ea eremo degentem viferet, ac Paulum invenisse: ignotos utrimque se proprio nomino consalutasse & ad fontem confidentibus corvum, qui Paulo quotidie panem medium adferre consueverat, tunc integrum detulisse, de quo gratias Deo pariter agentes: *Eia, inquit Paulus, Dominus nobis prandium misit, verè pius, verè misericors, 60. jam anni sunt cum accipio quotidie dimidij panis fragmentum, nunc ad adventum cum militibus suis Christus duplicavit annonam: ubi expende Dei erga suos providentiam, cui in necessitate confide, ac de acceptis beneficiis gratias age.* 2. Eos post sumptum cibum cum humilitatis certamine de fractione panis, persolutis Deo gratiis, totam noctem piis colloquiis ac divinis laudibus transgisse: excita & tuum hic in iisdem fervorem.

Anno 347.  
et. 113.

Punct. III. Confid. 1. Paulum cognita divinitus imminente sibi laborum meta, id Antonio significasse, ac rogasse ut pallium ei ab Athanasio Episcopo relictum sibi adferret pro corpore suo involvendo, quod ille dum promptè exequitur, in reditu videt Pauli animam candore fulgentem inter Angelorum choros, inter Prophetarum & Apostolorum cætus in cælum ascendere, post exactos in eremo annos 98. Hæc si te delectent præmia, etiam asperioris vitæ exempla imitare. 2. Confid. S. Antonium ad speluncam Pauli reversum, invenisse ibi corpus ejus exanime in speciem orantis, flexis genibus, erecta cervice, & extensis in cælum manibus: idque pallio obvolutum, persolutis more Christiano extremis precibus, in foveam à leonibus accurrentibus & complorantibus effossam, reverenter intulisse: disce hinc etiam Sanctorum corpora & reliquias venerari. 3. Tunicam ex palmæ foliis in modum sportæ contextam, ab Antonio deinde servatam, qua non nisi diebus solennioribus indueretur, atque hunc perspectis Pauli virtutibus ita sibi displicuisse, ut suis diceret: *Væ mihi peccatori, qui falsi monachi nomen fero: tu etiam aliorum virtutes suspice, ac vilem vestitum pro Christo ne erubescas.*

FESTO



## FESTO S. ANTONII. 17. Ianuar.

**Punct. I.** Confid. i. S. Antonium Ægyptium nobilibus & Christianis parentibus natum, iisque in adolescentia orbatum, cum ingressus Ecclesiam audivisset ex Evangelio legi: *Si vis perfectus esse, vade, vende quæ habes, & da pauperibus, & habebis thesaurum in celo, & veni sequere me*, mox his monitis Christi tanquam ad se datis obtemperasse: tu vide qua promptitudine pia monita exequaris. 2. Eum erogato in pauperes patrimonio, curisque terrenis liberum, in virutum studia totum incubuisse, sic ut in visendis eremitis varias virtutes, in quibus eos excellere advertebat, instar apes sibi mox exprimendas deligeret. 3. Eum noctes integras sæpè in oratione transigere solitum, cum ea vitæ asperitate, ut non nisi salem ad panem adhiberet, sæpè biduum triduumne jeiunus transigeret, sitim non nisi aqua extingueret, somnum humi ex necessitate tantum caperet: unde discere corporis commoda moderari.

**Punct. II.** Confid. i. Antonium in hoc virtutum studio minimè immuni fuisse à tentationibus dæmonum, sed magis exagitatum: utque adversus eos se magis muniret, etiam in eremi solitudine sedem fixisse, sed nec hinc ab iisdem liberum, erecta semper in Deo fiducia, invictum perstitisse. *Si consistent, inquit, adversus me castra non timebit cor meum.* 2. Eum frequenti victoria in hoc certamine ita in Deo confisum, ut dæmonibus per contemptum imbecillitatem exprobraret: ita sibi dissisum, ut cum omni cautela & circumspeditione adversus eorum insidias sibi incedendum statueret: maximè cum cognovisset laqueos, quibus totum mundum obiectum viderat, humilitate evadi.

**Punct. III.** Confid. i. S. Antonium ita fuisse dæmonibus formidolosum, ut multi per Ægyptum illis agitati, invocato nomine Antonij liberarentur: quid igitur non valebunt sacra nomina Iesu & Mariæ? ac tantam fuisse famam ejus sanctitatis, ut Reges ac Principes, atque in primis Constantinus Imperator ejusque filij se suaque precibus ejus per litteras enixe commendarent, ejusque salutaria monita thesauri instar reservarent. 2. Eum suis pia documenta, quæ sibi utilia cognoverat, studiosè inculcasse, nominatim ut quemvis diem velut conversionis suæ primū, & vitæ ultimum instituerent, perfectionem sectantes magis exolos esse dæmonibus, adversus quos remedia suggerens: *Mihi credite, inquit, fratres, perterritus est Satanas prorum vigiliis, orationes, jejunia, voluntariam paupertatem, misericordiam, & humilitatem, maximè verò ardentem amorem in Christum, cujus unico crucis signo debilitatus aufugit.* 3. Eum tandem indicto sibi à Deo militiæ fine, post annos 90. divino cultui constanter impensos, cum hilaritate vultus inter præsentem Angelos expirantem, ab eis ad cælestes triumphos gloriose deductum: ubi expende illud Apostoli: *Non coronatur, nisi qui legitime certaverit.*

FESTO

## FESTO CATHEDRÆ S. PETRI ROMÆ. 18. Ian.

&amp; Antiochiæ. 22. Februar.

**Punct. I.** Conf. 1. S. Petrum post cōmunicatam primū Judæis, exemplo Christi Magistri sui, lucem Euangelicam, sed à paucioribus receptam, & distributas reliquas orbis partes in Apostolos, se in Syriam, ibique ceterarum urbium Principem Antiochiam contulisse, ut dum electus à Deo populus veritatem rejicit, ea infideles illustrentur: in quo Dei simul & iustitiam erga Judæos, & misericordiam erga gentiles agnosce.

*Anno 36.* 2. Fixa igitur sede Antiochiæ, eum ibi in principio varias ærumnas perpeſsum, vinctum, illuſum, contumeliis & opprobriis laceſſitum, constanti mansuetudine ac zelo, sensim disculis errorum tenebris, plurimos ad Christi fidem perduxisse, conversis maledictis in obsequia & venerationem, *ita ut cognominarentur primū Antiochiæ discipuli, Christiani*: hinc collige in salute animarum procuranda non cedendum difficultatibus occurrentibus.

*Act. 11. 26.* 3. Solennitate Cathedræ reſcolli annuam memoriā collati à Christo in Petri Principatus Ecclesiæ, quem cœpit Antiochiæ per orientē in infidelium cōversionem & salutē extendere, de qua illi & Christo gratulare.

**Punct. II.** Conf. 1. S. Petrum post exactos Antiochiæ annos 7. in Ecclesiæ regimine, divino monitu Romam progressum, ibique fixam sedem, post 25. annorum indefessos labores & molestias, etiam sanguine suo successoribus in perpetuum firmasse, ut ea quæ Caput fuerat orbis imperio Politico, emineret etiam imperio sacro; unde per orbem reliquum jura diffunderet, ac nominatim Occidentem de propinquo clariù illustraret: in quo & fidei tibi collatæ beneficium agnosce.

*Anno 43.* 2. Romam tunc fuisse à Dei cultu maximè alienam, cum ipsa omnium gentium Domina, omnium serviret erroribus, unde facta est, Dei commiseratione, prima discipula veritatis: hinc collige neminem esse adeò vitiis immerſum, quin accedente benigno Dei aspectu possit resurgere, si collaboraverit.

3. Sicut Christus in titulo Crucis suæ litteris Hebræis, Græcis, & Latinis Rex fuerat promulgatus: ita & voluisse eum in regnum Ecclesiæ suæ primū Judæos, Græcos, & Latinos tanquam nationum Principes adducere.

**Punct. III.** Conf. 1. Ab hoc Romano & supremo Capite spiritualement vitam in omnes subditos derivandam, sic ut si quis se ab eo separaverit, vita gratiæ frui non possit.

2. Caput hoc Ecclesiæ esse unicum, ita ut sicut humanum corpus uno regitur capite, grex uno pastore, navis uno navarcho, exercitus uno Imperatore, regnum uno Rege, aliàs omnibus perturbandis: ita & Ecclesia unius Romani Pontificis aspectabili præſentia & sapientia regatur, cui omnes debitam obedientiam & reverentiam præſtent.

3. Nec tantū unicum esse sed & perpetuum, perpetua posterorum succēſſione ad finem usque mundi continuandum: *Ecce ego vobiscum sum omnibus diebus usque ad consummationem sæculi.*

*Matt. 28. 20.*

Vide alteram de Euang. Festo Cath. Antiochiæ. 22. Febr.

FESTO



## FESTO SS. FABIANI ET SEBASTIANI. 20. Ianuar.

**Punct. I.** Confid. 1. S. Fabianum patria Romanum, pietatis obsequiis inprimis deditum, cum forte Ecclesiam S. Petri Romæ ingrederetur, ubi de novo Pontifice in defuncti locum surrogando agebatur, columba de cælo in caput ejus delapsa, visum divinitus ad id munus designatum, adeo ut conversis in eum omnium oculis & animis uno ore Pontifex proclamatus, & unanimi consensu creatus sit: unde collige divinæ providentiæ singulariter curæ esse electionem supremi Capitis Ecclesiæ, atque etiam inferiorum Prælatorum, ut idonei substituuntur. 2. Ostendisse eum in munere suo zelum divini honoris erga Philippum Imperatorem, quem in Paschali solemnitate Ecclesiam lubire parantem vetuit progredi, nisi publica sua peccata prius publica pœnitentia expiasset, quod ille non minori submissione præstitit. 3. Eundem zelum impendit in pluribus templis eversis restaurandis, & novis erigendis, pluribus etiam decretis ad salutem fidelium: dum tandem Decio Imperium occupante, & in Christianos sæviante, ipse inter alios plurimos anno Pontificatus sui xv. martyrij lauream consecutus est.

Anno 250.

**Punct. II.** Confid. 1. S. Sebastianum natum in Gallia patre Gallo, & matre Mediolanensi, ibique postea educatum, ob sanguinis nobilitatem, militarem fortitudinem, & prudentiam Imperatori Diocletiano inprimis charum, ideoque ab eo dignitate Tribunitia atque urbis Præfectura donatum, Christianam fidem aliasque virtutes militari sago texisse: unde disce etiam virtutes tuas prudenter tegere, suo tempore pro Dei gloria declarandas. 2. Quamvis Martyrij pro Christo subeundi desiderio summè flagraret, tamen cum magis è divina gloria futurum existimaret, si affectui huic suo ad tempus moderaretur, zelum hunc suum erga proximi salutem strenuè impendisse, potissimum in Christianis pro fide Christi vincis solatio & opibus sublevandis, ac nutantibus cōfirmandis.

**Punct. III.** Confid. 1. Eum de his tandem delatum ad Imperatorem, atque ab eo accersitum, cum nec minis, nec promissis, nec exprobrata ingratitude post tot beneficia ab eo accepta, de fide Christi à quo ampliora accepisse se meminerat & expectabat, dimoveri posset, jussu palo alligatum à suis militibus, quibus cum potestate præfuerat, sagittis configi, interim psalmos & hymnos Deo canentem pro parata sibi martyrij palma. 2. Inde omnium opinione mortuus, tamen sibi infra paucos dies restitutus, Imperatori obviam progressus, eum impietatis & erroris confidenter redarguit: qui ad conspectum illius velut redivivi percussus, novoque furore mox succensus, imperat eum fustibus atrociter cædi, dum spiritum exhalaret: atque ita velut bis Martyr martyrij coronam obtinuit, beneficus deinde è cælo in clientes suos ægros, ac nominatim peste infectos sanitati restituendos.

Anno 287.

FESTO

**P**unt. I. Confid. I. S. Agnetem Virginem Romanam à prima ætate in Christiana fide educatam, luculenta futuræ sanctitatis jam tum dedisse præludia; certabat namque in ea cum nobilitate modestia, cum divitiis studium paupertatis, cum gravitate comitas, cum tenera ætate prudentia ac magnanimitas. 2. In Christi passione ac doloribus recolendis cum singulari pietatis affectu assidue versabatur; unde illum oblato virginitatis voto jam sibi in Sponsum delegerat, cui ut & fidem suam effuso sanguine probare posset unice anhelabat: ac vicissim ab eo velut Sponsi cælestibus donis & gaudiis cumulabatur.

Punt. II. Confid. I. Eam deinde à Romani Prætoris filio in matrimonium enixe expetitam, & ipsum, & conjecta ab eo in sinum suum plurima pretiosa munera, velut ignem aut anguem generosè rejecisse: *Discede, inquit, à me pabulum mortis, quia jam ab alio amatore præventa sum, qui annulo fidei sue subarrhavit me, & tanquam sponsam decoravit me corona, & immensis monilibus ornavit me: atque hinc disce terrena præ cælestibus contemnere.* 2. Exponebat hujus sponsi sui potentiam, ac venustatem: *Ipsi sum desponsata, cui Angeli serviunt, cujus pulchritudinem sol & luna mirantur. Verborum suavitatem: Mel & lac ex ejus ore suscepi, & sanguis ejus ornavit genus meum. Divitias: Ostendit mihi thesauros incomparabiles, quos mihi se daturum respondit. Unde & concludit: Id oq; ipsi soli servo fidem, ipsi me tota devotione committo, quem cum amavero casta sum, cum recigro munda sum, cum accepero Virgo sum: ubi expende quàm indignum sit à tali Sponso recedere.* 3. Prætori verò, suscepta causa filij, novis machinis tum blandis tum minacibus pudicitiam suam tentanti pari constantia reposcit. *Et hac sponsi injuria est expectare placituram.*

Punt. III. Confid. I. Eam machinis omnibus superiorem, jussam primum os pugnis contundi, inde ad prostibulum, ut violaretur, damnatam, intrepidè respondisse: *Mecum habeo custodem corporis mei Angelum Domini, ac mox ingressi turpitudinis locum Angelum Domini præparatum invenit: hinc disce Angelo custodi curæ esse observantiam castitatis.* 2. Ingresses ad se affectu libidinis, ad Christi fidem & castitatis amorem convertit, procul verò quia in malo obstinatum ab Angelo morte percussum, ipsa vitæ restituit, qui & inde vitæ auctorem Christum palam agnovit. 3. Parente licet miraculis commoto, tamen ex metu humano Vicarium munus alteri cedente, ab hoc flammis adjudicata, dum ab his læduntur adstantes, ipsa illæsa exansis manibus Deo gratias agit. 4. Tandem jussa gladio guttur transfigi, tremante ac pallente carnifice, ipsa impavida stetit. oravit. cervicem inflexit: ubi expende in tam tenera ætate soliditatem virtutis. 5. Consecam octavo post die parentibus suis ad tumulum in laetitia & oratione persistentibus apparuisse cum Virginū choro, & agnosq; solatam: *Congaudete mecum, & congratulamini quia cum his omnibus lucida sedis accepi.*

Anno 260.

41. 23.

FESTO



## FESTO SS. VINCENTII ET ANASTASII. 22. Ianuar.

**Punct. I.** Confid. 1. S. Vincentium Hispanum à prima ætate virtutum ac litterarum studiis deditum, atque inde sacrarum litterarum scientia excultum, sub S. Valerio Cæsar Augustæ Episcopo Diaconum, ei in concionibus potissimum strenuum fuisse auxiliatorem, & acerrimum Christianæ fidei propugnatorem, ideoque cum ipso pariter comprehensum & victum Valenciam abductum, à lictoribus in itinere diris modis divexatum, insigni patientia constantiæ ampliori prælusisse. 2. Eos Valentiæ in tætrum carcerem coniectos, inedia conficiendos, sed ibi cælestibus deliciis à Deo refectos, qui quò magis sæviebat tyranni immanitas, eò suam in eos benignitatem plenius effundebat, ac velut aurum in igne integrum magis illustrabat.

**Punct. II.** Confid. 1. S. Valerio Episcopo grandævo in exilium relegato, omnem tyranni furorem se in Vincentium effudisse, ac proinde primum in equuleo atrociter extensum, & membris omnibus laceratum, inde toto corpore velut incudem fustibus perculsum, Deo interim laudes decantasse, ac lictorum derisisse segnitiam, de quo S. August. *Siconsideretur in ista passione humana patientia, incipit esse incredibilis, si agnoscatur divina potentia, desinit esse mirabilis.* 2. Invalescens tyranni rabie, in ardentem subiectis prunis cratem conjicitur, inde cruci suffixus accensis facibus ustulatur: hinc acutis testarum fragmentis instratus, cælesti luce carcerem illustrante, pristinae sanitati restituitur, & Angelorum conspectu ac concentu recreatur. 3. Quem tormenta nulla vincere potuerant, tyrannus iterum blanditiis aggressus in molli culcitra jubet collocari; unde etiam invictus ad cælestia gaudia evolavit: disce cum hoc etiam mundi machinias generosè vincere, qui ut ait S. August. *Blāditur ut decipiat, terret ut frāgat.* Anno 303.

**Punct. III.** Confid. 1. S. Anastasium Persam à parente mago etiam magicis artibus institutum, ex delato in Persidem à Rege Chosroa spolio sanctæ crucis, inter plura miracula inde patrata, etiam ipsum ejus vim salutarem expertum, sic ut ex Christiano aliquo fidei instructionem exposcens, eam avidis auribus & animis amplexus, deinde sacro baptismatis fonte ablutus sit. 2. Cum cognovisset Christianorum aliquos perfectiorem vivendi normam in religione sectari, eò & ipse adspirans, per annos septem Jerosolymæ vitam monasticam insigni submissione, pietate, & diligentia in abjectis potissimum muniis excoluit: inde Cæsaræ Philippi ut Christianus agnitus, & ad latomiam damnatus, post crudelia flagra cælesti etiam luce, & Angelorum præsentia recreatur, dum in Persidem missus, ibi post plures gravissimos cruciatus, cum aliis 70. Christianis strangulatus, & securi perculsus martyrij palmam obtinuit: unde *Anno 628.* quivis etiam peccator, si serio resipuerit, ad salutis ac gloriæ æternæ spem provocatur.

Anno 36.  
Jan. 25 in  
via Damasc.

172

## FESTO CONVERSIONIS S. PAVLI. 25. Ian. P.I.

*Paulus à Christo è cælo in via Damascena prostratus convertitur. Act. 9.*

**P**unct. I. Confid. 1. Quis & qualis fuerit Paulus ante conversionem, nobili Judæorum genere de tribu Benjamin natus in Tarso Ciliciæ metropoli, secta Phariseus, indole excelsa, ideoque ad virtutes heroicas magis idonea. Annorum jam 35. erat Hierosolymæ spirans minarum, & cædis in discipulos Domini, quo excitabat eum zelus insincerus pro lege Mosaica, odium Christi, & invidia de constantia ac gloria Stephani: unde collige divinam bonitatem in tam indigno ad se vocando. 2. *Accessit ad Principem Sacerdotum Caiphæ, & petiit ab eo epistolas in Damascum ad Synagogas, ut si quos invenisset hujus via viros ac mulieres, vinctos perduceret in Hierusalem, ibi nempe percellendos.* Attende curas ejus ac labores, ad legem Christi & se pariter percellendum, suscipit iter sex dierum, militum comitatu ductor ipse stipatus, ita vitia non sinunt hominem quiescere, sed semper ad graviora, ac tandem ad interitum propellunt, nisi divina bonitas occurrat.

Punct. II. *Cum iter faceret, contigit ut appropinquaret Damasco, & subito circumfulsit eum lux de cælo.* Confid. 1. Hac luce quasi vibranti fulmine Paulum cum militibus perstrictum in terram prostratum fuisse, ut furorem ejus Christus pariter prosterneret, ad audiendam attentius vocem suam. 2. *Et cædens in terram audit vocem dicentem sibi: Saule, Saule, quid me persequeris?* Ubi Confid. Christi curam & affectum pro nova sua Ecclesia ac fidelibus defendendis, non ait: Quid hos, mihi vita cariores, sed me in ipsis persequeris? quare confide de tam benigni & potenti protectione. 3. *Qui dixit: Quis es Domine?* & ille: *Ego sum Iesus quem tu persequeris.* Ego sum Dominus tuus, tui amantissimus, pro te factus homo & cruci affixus, qui in nullo te læssi, imò quem persequor ego ad vitam cælestem ac regnum: & tu me in meis ad mortem? 4. *Durum est tibi contra stimulum calcitrare.* Pupugi te haec natus velut equum rebellem ac cervicosum tot miraculis, monitis, argumentis Stephani, inspirationibus internis, remorsu conscientiae, & semper frustra, imò cum tuo damno, recalcitras potentiori te: quare nunc tandem cede.

Punct. III. *Et tremens ob culpas promeritas, ac stupens ob tantam majestatem & potentiam, dixit: Domine, quid me vis facere?* Ecce habes compunctum, subiectum, & resignatum tibi servum, libens succumbo, & transeo in castra tua. 2. *Et Dominus ad eum: Surge, & ingredere civitatem, & ibi dicetur tibi, quid te oporteat facere.* Noluit Christus Paulo per se ostendere viam salutis, sed per Ananiam Damasci discipulum, ut doceret nos, alios ab aliis instruendos, ad exercitium humilitatis, obedientiae, & caritatis. 3. *Et surgens apertis oculis nihil videbat, excitate percussus, ut cognosceret quanta esset gloria & potentia Christi, & oculum mentis colligeret ad ea quæ sunt salutis.*

FESTO



## FESTO CONVERSIONIS S. PAVLI. 25. Ian. P.II.

Anno 36.  
Jan. 25. in  
via Damasc.

**Punct. I.** Confid. 1. Constans & accuratum Christi studium pto conversione Pauli, dum monet Ananiam Damasci discipulum, ut eum conveniat in fide instructurus: & opponenti sevitiā Pauli ex communi fama Christianis formidandi, reponit Christus: *Vade, quoniam vis electionis est mihi iste*, instrumentum singulariter à me ex tot millibus, & prae omnibus Apostolis electum, idque propter generosam indolem ad ardua ferenda, & fortia agenda in fidei propagatione maximè idoneam, tum ob virginitatis adhuc servatæ integritatem. 2. Ad quid eligitur? *Vt portet nomen meum*, velut legatus nomen Regis sui, Doctor Auctoris, & vexillifer insigne sui Imperatoris. Quomodo? in corde per ardentem amorem, in ore per potens eloquium, in scriptis per solidam sapientiam, in opere per continuos & gravissimos labores ac passiones: idque apud populum tam gentilem, quàm Judaicum, apud Reges, Principes, & Magistratus, æque ac apud plebem, & subditos. 3. *Ego enim ostendam illi, concedam, & experiri faciam, quanta, quam duca & aspera, oporteat eum pro nomine meo pati*; nam summa gloria est dilectis concessa pati pro Deo, potius quam agere. 4. Quanta autem ipse deinde passus sit, *in laboribus plurimis, in carceribus abundantius, in plagis supra modum, in mortibus frequenter*, refert ipse, & verbo complectitur cum ait: *Gratia ejus in me vacua non fuit, sed abundantius plus omnibus laboravi*. 1. Cor. 7. 7.  
1. Cor. II. 24  
1. Cor. 15. 10

**Punct. II.** Confid. 1. Recepto deinde per baptismum visu, & per cibum confortatus, *continuo in Synagogis prædicabat Iesum*, aliisque mirantibus subitam mutationem, ipse multo magis convalescebat & confundeat Iudeos, affirmans *quoniam hic est Christus*. 2. Confid. Implevisse etiam Paulum vaticinium de se dictum à Patriarcha Jacob: *Benjamin lupus rapax*, qui ut fuit ultimus Patriarcharum, ita & Paulus, ex eadem tribu, & ut ille à fratre Joseph singularibus privilegiis præ aliis fratribus affectus fuit, ita & hic à Christo præ aliis Apostolis. *Mane comedet prædam*, quando initio crescentis Ecclesiæ in eam sæviit velut lupus spirans minas & cædes, at *vesperi dividet spolia*, cum postea fideles Ecclesiæ restituit, ipse velut agnus subiectus. Gen. 49. 27.

**Punct. III.** Confid. 1. Hic schema dari peccatoris seriò conversi; nam lux de cælo delapsa gratiam excitantem significat, prostratio adversitatem, vox Domini reprehensionem, stimulus remorsum conscientiæ, Ananias confessorium, cæcitas clausuram mentis circa terrena, receptio luminis agnitionem cælestium, jejunium triduanum satisfactionem pro peccatis, cibus denique confortans usum Eucharistiæ. 2. Confid. Coli peculiariter ab Ecclesia hanc conversionem, ut proponat eam peccatoribus in exemplum conversionis seriæ, utque pro ea Deo gratias agat, atque ipse etiam aliis eam impetret.

## FESTO S. IOANNIS CHRYSOSTOMI. 27. Ian.

**Punct. I.** Confid. 1. S. Joannem cognomento Chrysostomum, sic dictum ob aureum eloquentiæ flumen, natum Antiochiæ, parentibus nobilibus ac opulentis, ab Episcopo ejus loci Christiana fide imbutum, hanc etiam parentibus suis persuasisse, sic ut eos multò nobiliori, quàm ab illis accepisset, vita donaverit. 2. Religiosæ vitæ stimulo sibi à Deo indito, nec fortunæ amplioris illecebras, nec matris viduæ preces, aut lacrymas moratum, Deo vocanti obsecutum, in monasterio humilitatem, vitæ austeritatem, mansuetudinem, orationis, ceterarumque virtutum studia cum sacræ scientiæ studiis ita junxisse, ut & miraculorum splendore, ac doctrinæ fama pariter inclaresceret, ac cælesti visione ad Sacerdotium vocaretur. 3. Mortuo interim Constantinopoli Patriarcha, in locum ejus, communi cleri ac populi rogatu, & Imperatoris Arcadij jussu, invitus & obluctans assumitur: ita sancti plerique præ munerum splendore, humilitatis latebras maluerunt.

**Punct. II.** Confid. 1. Quomodo suscepto muneri impendere se strenuè cœperit, nominatim in depravatis moribus & nobilium vivendi licentia acrius perstringenda, etiam Eudoxiæ Imperatricis injustitia, cujus proinde & plurium odium incurrit: unde discere ferventem zelum, & cave respectui humano Dei gloriam postponere. 2. Coacto deinde Episcoporum aliquot pravo conventui cum interesse fortiter recusaret, nitente inprimis Eudoxia, in exilium ablegatur: unde discere libenter etiam innocens calumnias, ac injustam depressionem pro Christo, & cum Christo pati. 3. Deo causam suscipiente pij Præsulis sui, & ingratham urbem horrendo motu concutiente, probis omnibus adnitentibus, ingenti plausu ac solenni pompa ab exilio revocatur. Ita divina providentia suos ad tempus afflictos in lucem evehit.

**Punct. III.** Confid. 1. Joannem nec plausu solennis reditus inflatū, nec exilij incommodis deterritum, quidquam de zeli fervore aut constantia remittere in vitiis increpādis, etiam Eudoxiæ ambitione: quare cu ingenti priorū luctu iterum exulare cogitur. Imitare & tu in virtute cōstantiam, sic ut nec prosperis animum extollas, nec adversis remittas. 2. Ad S. Basilisci Martyris tumulū enixiūs precatus, lætissimum ab eo accepit nuntium: *Ioannes frater crastinus dies nos loco conjungeret*: quare postridie Eucharistiæ Sacramento refectus, & crucis signo se muniens, animam Deo reddidit laborum præmio donandam. 3. Impietatem in piissimū Præsulem Deus mox Constantinopoli pluvia lapidea ad communem horrorem, vindicavit, & quatrduo post morte Eudoxiæ. *Mihi vindicta, & ego retribuam*: quibus aliisq; p̄m̄ motus deinde Theodosius Arcadij filius, sancti corpus insigni pompa Constantinopolim deportandū, & honorificè sepeliendū curavit, quo quo nunc in Ecclesia colitur die, ibique pro parentum suorum delictis supplex veniam petit.

FESTO

Anno 407.  
14. Sept.

Hebr. 10. 30.



## FESTO PURIFICATIONIS B. MARIE. 2. Febr.

*Christus in templo offertur die quadragesimo, & à Simeone cognoscitur  
ac prædicatur. Luc. 2.*

Anno 1.  
Febr. 2.  
Jerosol.

**P**unct. I. Postquam impleti sunt dies purgationis ejus, secundum legem Moysi, tulerunt illum in Hierusalem, ut sisterent eum Domino. Conf. 1. Licet parentes Christi unicè optarent illum, atque ille etiam se offerre æterno Patri in templo pro mundi redemptione; tamen expectasse eos patienter tempus à lege præscriptum, licet ea, sicut nec de oblatione facienda, minime tenerentur: sed ut exemplum nobis darent ultroneæ humilitatis & obedientiæ, sine exemptione ulla aut excusatione: tu etiam in iis à quæ anhelas, expecta tempus constitutum, & imple dies purgationis pro peccatis tuis hic potius, quam in purgatorio. 2. Obtulerunt illū Domino, in gratam memoriam pro interfectis primogenitis Ægyptiorum, secundum legem, & 5. siclis seu florenis redemerunt: tu offer Deo cor tuum; cum iis quæ maximè diligis, & custodiam 5. sensuum, ut sistere te aliquando possis in templo gloriæ. 3. Addiderunt hostiam purificatoriam similiter præscriptam, per turturum, aut duos pullos columbarum, quod cum munus esset pauperum, ditiores verò agnum offerrent, non erubuit Deipara paupertatem suam, ut ne & tu erubesceres tuam, in qua offer Deo cultum internum & externum, cum simplicitate, innocentia, ac fecunditate bonorum operum per columbas designata.

Lev. 12. 6.

Exod. 13. 12.

Num. 3. 47.

Num. 18. 16.

Punct. II. Et ecce homo erat in Hierusalem, cui nomen Simeon. Confid. 1. Ob quas virtutes hic Simeon Sacerdos meruerit Christum videre, nempe quia erat iustus, liber à peccato graviore, & gratia ac caritate Dei & proximi præditus. deinde timoratus timens Deum offendere, quem credebat ubique præsentem, atque expectans consolationem Israël, non inanem aut transeuntem, sed solidam ac permanentem à mundi Salvatore præstandam, non sibi tantum, sed omni populo Israëlítico, ad quam accensis desideriis sæpius anhelaverat. 2. Ideo etiam responsum acceperat à Spiritu sancto, non visurum se mortem, nisi videret Christum Domini. Tu quot mandata Dei, quot inspirationes, quot regulas accepisti, totidem fuere responsa non visutum te mortem si ea oberves, nam hæc fac, & vives.

Punct. III. Et ipse accepit eum in ulnas suas. Confid. 1. Quanta reverentia illū exceperit, quo gaudio pectori admovent, & oscula iuxerit, & benedixit Deū; gratias agens, & laudans de promisso jam præstito: petierat tantum videre Christum, & obinet contrectare & amplecti: ita Deus excedit suorum desideria: at tibi insuper conceditur illum etiam ore, & corde excipere in Ven. Eucharistia. 2. Subjecit: Nunc dimittis servum tuum Domine, secundum verbum tuum in pace. Paratus mori conspecto mundi Salvatore; nam facilius vitam & temporalia contemnit, qui gustat quam suavis sit Dominus: ac similes in pace moriuntur: peccatores vero in bello cum Deo, & demonibus æternū duraturo.

FESTO

## FESTO S. AGATHÆ. 5. Februarij.

Offic. Eccl.

**P**unct. I. Confid. I. S. Agatham Panormi in Sicilia natam, nobilitatis, opulentia, ac formæ, sed in primis castitatis & Christianarum virtutum laude florentem, ardentibus apud Deum precibus hæc duo beneficia sæpius expetiisse, ut & virginitatis florem integrum semper illi servare, & sanguinem pro fide ac amore ejus effundere aliquando posset, quod utrumque gloriosè consecuta est. 2. Eam à Quintiano Siciliæ Prætorè Catanæ ad nuptias expetitam, & evocatam comparuisse, sed precibus ac fiducia in Deum præmunitam, nullis ejus technis, aut blanditijs à proposito dimoveri potuisse. 3. Quare Prætor Virginem iterum ad se adductam aggreditur: *Nonne te pudet nobili genere natam humilem & servilem Christianorum vitam agere? cui illa: Multo præstantior est Christiana humilitas & servitus regum opibus ac superbia.*

Punct. II. Confid. I. Prætorè amore in furorè converfo, optionem ei dedisse, vel ad cultum idolorum, vel ad tormentorum vim subeundam: cui illa cum se ad tormenta quævis subeunda paratam promptè responderet, collapsis cæsam jussam in vincula conjici: illa autem *latissimè & gloriantè ibat ad carcerem, quasi ad epulis invitata.* 2. E carcereeducta cum in sententia persisteret, in equuleo torquetur, admotis candentibus laminis: inde cum ei mammilla abscinderetur, ad Prætorè conversa, eum virili animo sævitia arguit: *Impie, crudelis, & dire Tyranne, non es confusus amputare in femina, quod ipse in matre suxisti:* atque ita virgineo sanguine suo perfusa in carcerem retruditur, ibi inedia conficienda. 3. Hic nocte sequenti spectabilem se illi exhibuit S. Petrus Apostolus, laudans ejus constantiam, & curationem offerens: cui illa: *Quis es tu qui venisti curare vulnera mea? ad quæ ille persona ignoti deposita: Ego sum Apostolus Christi, nihil in me dubites filia, ipse me misit ad te, quem dilexisti mente & puro corde, & in nomine ejus scias te esse curandam:* atque ita, abeunte hoc, illa sentiens sibi mammillam & vires restitutas, Deo gratias persolvit.

Punct. III. Confid. I. Eam quarto die integram è carcere reducam ad Prætorè, cum ei miranti & exquirenti, se ope Christi per Apostolum Petrum sanata respondisset, jussam in acutis testulis & candentibus carbonibus volutari. Quo tempore ingens terræ motus urbem concutiens duos intimos Prætoris familiares, supplicij auctores oppressit: in quo vindicem Dei manum etiam gentiles agnoverunt. 2. Prætor proinde veritus populi seditionem, jubet Agatham semi-mortuam in carcerem reduci, ubi illa expansis manibus sic Deum precata est: *Domine qui me custodisti ab infantia, qui abstulisti à me amorem sæculi, qui me carnificum tormentis superiorem præstitisti, accipe animam meam:* in qua oratione ad duplicem virginitatis & martyrij coronam evolavit. Tu disc ex Virgine castitatis amorem, & constantiam in ferendis pro Christo adversis.

Anno 251.

FESTO



177

# FESTO BB. PAULI, IOANNIS, ET IACOBI

Soc. IESU, sociorumque Martyrum Iaponensium. 5 Febr.

**P**unct. I. Confid. 1. Japoniam regna amplius 60. Sparfis insulis sub u-  
no Imperatore complexam, lumen fidei primùm per S. Franc. Xa Anno 1548.  
verum accepiſſe: ſed deinde Imperatorem à dæmone proſperis ejus ſuc-  
ceſſibus inſenſo inſtigatum ad fidem illam invaleſcentem ſupprimen-  
dam: atque hanc perſecutionem per decennium, ſine ſanguinis tamen  
effuſione protractam. 2. Acriùs verò ſævitum poſteà ab Imperatore  
Taicoſama, qui Chriſtianos omnes publico edicto quaquaverſum ap-  
prehendi & morte multari juſſit, ad quam illi ſupra 300. millia velut ad  
nuptias anhelabant.

Punct. II. Confid. 1. Apprehenſos Meaci univerſim 26. ex iis 6. profef-  
ſos Ordinem S. Frãciſci, tres de Societate Jeſu, ceteros pios fideles, om-  
nes mox è carcere per civitatem carris devectos eſſe, prælata inſtabula  
ſententia & cauſa mortis, ingenti ſolatio ſuo & gaudio, commiſeratione  
Chriſtianorum, atque Ethnicorum ludibrio. 2. Ad ſupplicij locum dedu-  
ctos ibi priùs de more tanquam infames abſciſſa aure multatos. Inde  
itinere dierum 20. potiſſimùm terreſtri, per nives & glacialia frigora, va-  
riaſque incommoda Nangazachum urbem Regiam deductos, inſigni  
animi alacritate, Bongiis Japonum Sacerdotibus præ ſtupore & indigna-  
tione frendentibus ad rarum illud fortitudinis ſpectaculum. 3. Aſſulgen-  
te tandem optatiſſima illis luce, omnes numero 26. extra muros Nanga-  
zachi, in collis planitie, velut Calvarie monte, crucibus totidem erectis,  
magna animi exultatione aſſixos, ac mox lanceis per latera tranſcuſſis,  
glorioſo pro fuſo ſanguine martyrij palmam primos obtinuiſſe, quàm iis Anno 1597.  
gratulare, & patrocinium implorare ad imitandam eorum conſtantiam.

Punct. III. Confid. 1. Ex tribus de Societate, primum *Paulum Michi* nobi-  
li loco in Japonia natum, poſt Theologica ſtudia, & militaria exercitia  
Societatem ingreſſum, exactis in ea annis xi. ætate 33. Concionatorem  
eximium, ac zelo ferventi celebrem. jam cruci aſſixum, ex ea quaſi nobi-  
liſſimo ſuggeſtu, ſe Japonem ac de Soc. Jeſu conſeſtatũ, atque ob annun-  
ciatã Chriſti fidem morti addiçtũ, Deo de tam eximio beneficio non poſſe  
ſufficienter gratias agere, hanc unicam eſſe ad ſalutem viã, & ſecundũ  
illam ſe libenter mortis ſuæ auctoris & miniſtris ignoſcere. 2. Alter  
*Joannes Gotho* juvenis annos natus 19. in flore innocentie, indole candida,  
moribus integris, magnæ erat expectationis, & ardentis in omnes carita-  
tis. Tertius *Iacobus Chizai*, annos natus 64. vir optimæ ædificationis, uni-  
que Deo in omnibus placere ſtudens, meditationi paſſionis & crucis  
Chriſti ſingulariter addiçtus, uterque non à multo tempore Societati ad-  
ſcriptus fervore ſuo conſummati multa tempora in brevi expleverunt,  
ſpectantes illud Chriſti: *Qui perdiderit animam ſuam propter me, inveniet eam.* Matt. 16. 25.

## FESTO S. APOLLONIÆ. 9. Februarij.

**P**unct. I. Confid. I. S. Apolloniam Virginem Alexandrinam, integerri-  
 mis moribus inclytam, singulari exemplo pietatis, modestiæ ac pru-  
 dentiæ, omnisque virtutis palam prælucentem, apud omnes gentiles æ-  
 què ac Christianos in veneratione & auctoritate fuisse: tanta est solidæ  
 virtutis efficacia, ut etiam hostium animos penetret sibi que conciliet.  
 2. Sed ut nihil in humanis stabile, magum deinde ibi aliquem malignis  
 sociis instructum cives passim ad evertendam Christianæ fidei religio-  
 nem, & adstruendum vanum deorum cultum seditiosè concitasse, at-  
 que inde Christianos gravibus procellis jactatos, alios direptis possessio-  
 nibus in exilium actos, *rapinam bonorum cum gaudio sustinentes, scientes se habere*  
*meliolem & manentem substantiam*, alios vario cruciatuum genere imperterri-  
 tos ad meliorem vitam translatos: mirare hîc illorum constantiam,  
 eamque in minoribus pro Christo ferendis imitare.

Feb. 10. 34.

Punct. II. Confid. I. Inter hos Apolloniam ætate non minùs quàm vir-  
 tutibus maturam, quòd Christiana esset, comprehensam, cum ad idola  
 fisteretur, eisque venerationem abhibere juberetur, generoso ac constan-  
 ti animo unicum ac verum Deum Christum Jesum ab omnibus colen-  
 dam prædicasse, ab hujus cultu numquam se recessuram, aliorum verò  
 deorum falsa ac vana esse numina & nomina. 2. Hinc eam probrosis pu-  
 gnis atque alapis peracerbè cæsam, sic ut omnes ei dentes contunde-  
 rentur, ac revellerentur: cave tu illata tibi probra mox vindicare, ac di-  
 fce Christianam mansuetudinem, quam Deus huic etiam in hac vita ho-  
 nore peculiari remunerari voluit, clientibus ejus pro dentium dolore pa-  
 trocinium supplicantibus, opem & solatium impertiendo, prout innume-  
 ri deinde per Ecclesiam tot retrò sæculis experti sunt.

Punct. III. Confid. I. Cùm nec probris ullis aut verberibus Virginis hu-  
 jus constantia labefactari posset, impios carnifices incenso rogo commi-  
 natos ei, ut vivam in flammis injicerent, nisi à Christianæ fidei cultu re-  
 cedens deos suos veneraretur; sed ipsam eadem constantia respōdisse,  
 se mortem quantumvis atrocem pro Christi sui amore subire paratam: &  
 tu tam levia subinde pro eo subire detrectas? 2. Eam deinde animo præ-  
 senti, quasi deliberabundam quid sibi agendum, proposuisse inferorū in-  
 cendia longè actiora ac perpetua, & Christi pro nobis in crucem acti tor-  
 menta acerbissima, atque hinc majori Spiritus S. flamma intus accen-  
 sam, carnificum manibus elapsam, alacrem se in paratum sibi ignem in-  
 jecisse, promptiorem ad mortem subeundam, quàm illi essent ad interen-  
 dam; unde brevi consumpto corpore purissimus Spiritus ejus instar Phœ-  
 nicis rediit in cælestem gloriam sibi ab æterno præparatam ad du-  
 plicem martyrij ac virginitatis palmam evolavit: sic & tu sequere Spi-  
 ritus S. directionem, ubi te ad agendum quid aut sustinendum pro Christo  
 impulerit.

anno 149.

FESTO



179

FESTO CATHEDRÆ S. PETRI ANTIOCHIÆ. 22. Feb. Anno 35.

& Romæ 18. Jan. & SS Petri & Pauli 29. Jun. & S Petri ad vincula 1. Aug.

Julio Cæ-  
sareæ Phil.

*Christus Petro confitenti se promittit Principatum Ecclesiæ.*

Matt. 16. Marc. 8. Luc. 9.

**P**unct. I. Interrogabat Iesus discipulos suos, dicens: *Quem dicunt homines esse Filium hominis?* At illi dixerunt, alij Ioannem Baptistam, ob morum vitæq; innocentiam, alij autem Eliam, ob prædicandi libertatem & miracula, alij verò Ieremiam, ob caritatis & patientiæ præstantiam, aut unum ex Prophetis: Unde collige Christum ob raras virtutes passim apud homines in admiratione & veneratione fuisse. 2. Dicit illis Iesus: *Vos autem quem me esse dicitis?* quo ostendit, ut observat S. Hieronymus, discipulos esse plus quàm homines, ac maiorem se ab iis scientiam requirere, ob meliorem instructionem, & diuturnam secum familiaritatem: hinc collige eminentiam status religiosi, & ab iis qui ad curam animarum destinantur, etiam requiri maiorem scientiam & doctrinam.

Punct. II. Respondens Simon Petrus, dixit: *Tu es Christus Filius Dei vivi.* Ubi Confid. 1. Petrum tanquam destinatum à Christo Caput Ordinis Apostolici: ita & zelo præcellentem, suo & aliorum nomine, promptè, clarè, & confidenter respondere: Tu es ille promissus à tot sæculis Messias, unctus unione hypostatica, & consecratus in supremum Regem cæli & terræ, Pontificem, ac Prophetam, nec proinde purus homo, sed simul naturalis Filius Dei, æternum viventis. 2. Respondens Iesus, dixit ei: *Beatus es Simon Bar-Iona, seu filius Joannis, quia caro & sanguis non revelavit tibi, sed Pater meus, qui in cælis est.* Ubi Confid. Petrum hîc à Christo singulariter beatum prædicari, propter factam illi non humana aliqua traditione, sed à cælesti Patre revelationem tanti mysterij, eamque non ociosam, sed fructuosam generosa confessione: tu hîc tuam etiam beatitudinem expende in Christi consiliis tibi manifestatis sequendis.

Punct. III. *Et ego dico tibi, quia tu es Petrus, & super hanc Petram ædificabo Ecclesiam meam.* Confid. 1. Christum Petro in compensationem tam generosæ libertatis in cõfitemda sua excellentia, vicissim exponere illi excellentiam & dignitatem à se decretam, ob quam aliàs nomen ejus Simonis in Petrum commutaverat, eò quòd super illo, velut petra immobili Ecclesiam suam esset fundaturus. 2. Exponit Christus petræ hujus perpetuam firmitatem: & *portæ inferi, omnis inferorū frequentia, potentia, & insidiæ, non prævalebunt adversus eam:* unde collige non defuturos hostes, qui Ecclesiam & fideles sint persecuturi, sed constanti resistentia, cum Dei auxiliantis gratia victoriam certò reportandam. 3. *Et tibi dabo claves regni cælorum;* ubi decretam dignitatem explicat metaphora clavium, per quas Regibus oblatas, suprema eorū potestas in regendis urbibus designatur; ita & illi cõferendam absolutam potestatem regendi Ecclesiam, & aperiendi fidelibus januam regni cælestis.

Anno 34.  
Maio Jero-  
sol.

S. Matthias in locum Judæ Apostoli sorte eligitur. Act. 1.

**P**unct. I. Confid. 1. Turpem & horrendum lapsum Judæ, qui electus à Carillo ad munus Apostolatus, in quo tanquam Christi domesticus ac familiaris sermones ejus sapissimè audiverat, in schola ejus per plures annos instructus, præsentia ejus, quotidiana conversatione & colloquiis ad virtutem excitatus, ipse etiam aliis prædicaverat, miracula patravérat, ac dæmōnes e corporibus ejecerat; tamen avaritiæ vitio sensim magis succumbens, Magistrum sui amantissimum 30. argenteis vendidit, ac hostibus tradidit, docens nos exemplo suo non præsumere de donis acceptis, sed ea majori cautela & studio conservare. 2. Hinc docemur nullum esse, extra statum beatitudinis, ordinem aut locum adeò sacrum, ubi securitas à peccato sit, cum & in cælo Angeli, & in paradiso primi parentes, & in Christi familia Judas turpissime lapsi sint. 3. Confid. Eos qui pluribus gratiis à Deo exornati fuerūt, cū deficere incipiunt, in graviora deinde crimina labi, ac fieri cōmuniter ceteris deteriores, sicut Judas factus est dux eorū qui cōprehenderunt Iesum, ac deinde desperās laqueo se suspendit: ita ruina ex alto nocentior est, & ex vino optimo acetū pessimū. 4. Suspensus crepuit medius, & diffusa sunt omnia viscera ejus. Hic fructus est avaritiæ, ut qui argentum immodicè concupierat, illud cōservare minimè potuerit, sed cum eo animam pariter & viscera æternū crucianda effuderit.

Punct. II. Et statuerunt duos Ioseph, qui vocabatur Barsabas, qui cognominatus est Justus, & Matthiam. Ubi Confid. 1. duos hīc proponi Christi discipulos, ex quibus unus in locum Judæ sorte assumatur, quam sortitionem Deo probandam, atque ab ipso dirigendam, peculiari instinctu cognoverant, sortes mittuntur in sinum, sed à Domino temperantur. Quare orantes dixerunt: Tu Domine qui nosti corda omnium, ostende quem elegeris. Unde & tu discere rebus deliberandis potissimum gravioris momenti orationem præmittere, atque homines sæpè falli in suis electionibus, vel ex pravo affectu, vel ex ignorantia interiorū, quæ Deus ab omni vitio liber, in omnibus scrutatur, & penetrat. 2. Et cecidit sors super Matthiā; qui licet orationis & mortificationis studio, zelo, ac prudentia excelleret, alteri tamen non multū præstare videbatur; sed cum is esset Christo cōsanguineus, testatū Deus omnibus voluit, in Ecclesiasticis dignitatibus, non spectandū affectum carnis, sed merita. 3. Conf. quemque debere à Deo vocationem suā expedare, eaq; contentū strenuè se muneri impendere, licet aliis postponatur: sic Barsabas licet postpositus, prædicationi tamen Verbi Dei insistens, atque in Palæstina Episcopus, post graves persecutiones à Judæis martyrium consummavit. 4. Matthiam post Judæam Apostolico labore exultantem, in Æthiopiam profectum, ibi ab idololatriis post duras etiam persecutiones, lapidibus primum obrutum, inde securi obruncatum, martyrij palmam obtinuisse.

Vide alt. de Euang. Com. Matt. xi.

FESTO



## FESTO S. THOMÆ AQVINATIS. 7. Martij.

**Punct. I.** Confid. 1. S. Thomam illustri Comitum Aquinatum in Neapolitano Regno genere natum, à prima ætate pietati deditum, inde Neapoli humaniorum litterarum studis insigni excellentiâ absolutis, ibi spreta mundi vanitate, Ordinem S. Dominici ardenti pietatis studio, ac divinæ gloriæ zelo amplexum. 2. Missum inde Parisios ad evitandas propinquorum hostiles machinas, in itinere à fratribus per vim raptum, & in castrum perductum, per biennium durè ac variè exagitarum, constantiam suam sic probasse, ut nec matris precibus aut lacrymis, nec sororum blanditiis, nec fratrum minis à divina vocatione abduci potuerit. 3. Castitatis insuper præclarum ibidem specimen dedisse, quando mulierem ad peccatum pellicientem arrepto titione generose fugavit, eoque mox cruce in pariete formata, flexis ante eam genibus enixius Deum rogans, per quietem visus est sibi ab Angelo lumbos constringi: quo ex tempore omni postea libidinis sensu caruit: disce hinc fortiter etiam tentationi resistere.

**Punct. II.** Confid. 1. E biennali certamine tandem gloriosum, Coloniam pervenisse, ubi sub Alberto Magno Philosophiæ ac Theologiæ studiis vacans, non doctrinæ tantum præ omnibus palmam tulit, sed & omnis religiosæ virtutis, pietatis, obedientiæ, submissionis, caritatis, modestiæ, & silentij. 2. Inde Parisiis annos jam natum 25. Doctorali laurea insignitum, utramque illam scientiam aliis tradere cœpit, cum omnium admiratione, cujus adeo eximiæ doctrinæ causam attende: numquam se lectioni aut scriptioni dabat, nisi post orationem; in difficultatibus locorum Sacræ Scripturæ etiam jejupium adhibebat, unde & quandoque factus est se quidquid sciret, non tam studio aut labore suo, quam divinitus accepisse.

**Punct. III.** Confid. 1. Eundem plures Academiæ Parisiis, Bononiæ, Romæ. Neapoli, doctrinæ suæ excellentia, subtilitate, ac splendore illustrasse, cujus deinde radij per universam Ecclesiam diffusi sunt: sic ut Angelici Doctoris nomen meritò consecutus sit. 2. Neapoli cum ad imaginem crucifixi vehementius oraret, hanc vocem audivit: *Bene scripsisti de me Thoma, quam ergo mercedem accipies? cui ille non aliam Domine, nisi reipsum:* quæ divina approbatio secundo, etiam in doctrina & officio de Ven. Sacramento, ei legitur accidisse: disce hinc magni æstimare hujus Sancti doctrinam, & cum eo non humana aliqua præmia doctrinæ tuæ sperare, sed divinæ ac Deum ipsum. 3. Tandem à Gregorio X. missus ad Concilium Lugdunense, in itinere æger ad monasterium S. Bernardi divertit, ubi imminentem sibi mortem præsentiens, *hec requies mea*, inquit *in seculum* Psalm. 114. *seculi*, animam Deo reddidit, pluribus miraculis in vita & post mortem clarus. Anno 1274.

**Punct. I.** Confid. 1. S. Gregorium senatoris Romani filium re & cognomine verè Magnum, ob fortunarum, virtutum, gestorum, ac munerum magnitudinem, Philosophiæ ac Juris-prudentiæ scientiis prius excultum, Prætorio munere Romæ functum : in vita sæculari ita se pietatis officiis impendisse, ut monasteria sex in Sicilia construxerit, & proventibus dotaverit, septimum verò Romæ in ædibus suis, ubi & ipse spreta mundi vanitate, divitiis reliquis in pauperes distributis religiosam vitam amplexus, singulari exemplo humilitatis, & observantiæ aliis præluxit. 2. Inde primùm in Abbatem quantumvis reluctans, deinde in Cardinalem assumptus, à Pontifice ad Imperatorem Legatus Constantinopolim, ibi Eutychium Episcopum resurrectioni corporum renitentem ita convicit; ut hic paulò post in morbum letalem lapsus, instante morte, pellem manu accipiens palam assereret : *Confiteor quia omnes in hac carne resurgemus.* 3. Romam reversus, in demortui Põtificis successorem unanimi omnium consensu adlectus, omnibus quibus potuit studiis eam dignitatem subterfugit, dum tandem alieno vestitu in spelunca delitescens, indicio igneæ colunæ divinitus deprehensus, Põtifex consecratur.

**Punct. II.** Confid. 1. Eum in principio muneris Pontificalis Civitatem Romanam gravi ac diuturna lue propè exhaustam feliciter liberasse, quando indicta solemni cum Litanis supplicatione, Deiparæ imaginem ipse circumferens, ad Castrum ubi pervenit, vidit Angelum ibi gladium vaginæ reddentem, in signum placati minimis, unde & Litanias majores per Ecclesiam deinceps indixit, ut offensum peccatis Deum B. Virginis & Sanctorum patrocinio placare, omnes addicerent. 2. Primam deinde illi curam fuisse sui ipsius in virtutum studio promovendi, ac nominatim humilitatem & modestiam cum zelo ac fortitudine jungendi, inde in familiam suam pietatis exercitia inducere, pravis vitiis civitatem expurgare, Schismaticos conciliare, Hæreticos in Africa, Hispania, Gallia, & Anglia Ecclesiæ restituere indefesso labore, atq; uberrimo cum fructu studuit: unde & discere divinæ gloriæ zelum à te ad alios extendere.

**Punct. III.** Confid. 1. Eum graves persecutiones ab Imperatore Mauritio, calumnias, ægritudines, & quæcumque adversa semper peccatis suis adscribere solitum, cum hæc etiam minima ob majora tamen accepta à Deo beneficia maximè ponderaret. 2. Honoris titulos omnes averfatus, *servum servorum Dei* se appellabat & in litteris præfigebat, quod & successores exinde secuti sunt: Ecclesiam sanctissimis institutis & legibus exornabat: studia ejus Deus etiam singulariter comprobavit, quando Spiritus sanctus in specie columbæ relidere in capite ejus scribentis visus est. 3. Ea quæ scripsit & egit infirma semper & ægra valetudine, superant captum humanum: unde tandem plurimis miraculis editis, laborum præmia cum æternâ quiete est consecutus.

F E.



# FESTO S. IOSEPHI. 19. Martij.

Et Vigilia Nativitatis Domini. 24. Decemb.

183.

In Nazareth.

*Ioseph ab Angelo instruitur de Virgineo conceptu. Matth. 1.*

**P**unct. I. Cum esset desponsata mater Iesu Maria Ioseph, antequam convenirent, inventa est in utero habens de Spiritu sancto. Confid. 1. Deum, cum jam decrevisset ex Virgine carnem assumere, voluisse eam matrimonio jungi illæsa virginitate, tū ne hujus violatæ infamia adureretur, tum ut fugiens deinde in Ægyptū comitem haberet & solatium: unde collige paternam Dei providentiam omnia in bonum nostrum dirigentis. 2. Delegisse Deum ad Virginis hujus conjugem, ac Filij Nutricium, S. Iosephum ætate florentem, vitæ verò sanctitate omnibus legis veteris præcellentem; nam sicut Mariæ eximia sanctitas rectè colligitur ex munere Deiparæ, ita & Iosephi ex munere conjugis Deiparæ ac Nutricij ipsius Christi. 3. Mariam, cum adverteret Virgineum uterum à divina prole grandescente sensim intumescere, consciam sibi innocentia suæ, eventum omnem divinæ providentiæ commisisse, ut discas etiam nec laudes tuas jactare, nec aliorum de te sinistras suspiciones, aut falsas accusationes operosè purgare, sed cum fiducia Deo committere.

Punct. II. Ioseph vir ejus cū esset justus, & nollet eam traducere, voluit occultè dimittere eam. Confid. 1. Eluxisse in hoc insignem Iosephi virtutem, quod, cum videret conjugem suam gravidam, nec tamen à se, qui virginitatem Deo pariter voto obtulerat, anxius & nescius quid suspicari, nollet tamen eam traducere in jus vocando, imò nec eam exostulando aut quærendo affligere, sed consulto sapius in precibus Deo, decerneret tandem se subducere: Hinc discas defectus proximi non temerè & sine fructu referre, nedum aggravare, neque in dubiis præcipitare, sed Dei nutum oratione exquirere. 2. Hac eo cogitante, ecce Angelus apparuit in somnis ei dicens: Ioseph Fili David noli timere accipere Mariam conjugem tuam. Ubi Confid. Deum permittere quidem suis ad tempus tribulationes & anxietates, sed postea, probata constantia, quasi discussis nubibus serenitatem adferre.

Punct. III. Pariet autem Filium, & vocabis nomen eius Iesum. Confid. 1. Quanta mysteria hic Angelus aperiat Iosepho, nam præter conceptionem conjugis miraculosam, subdit ex ea filium nasciturum tot sæculis expetitum Messiam, unigenitum cælestis Patris, cui & ipse ex officio paterno nomen inditurus sit Salvatoris. 2. Confid. Quanto gaudio plenius Iosephus accepto hoc nuncio ad Virginem accesserit, veniam de suspitione simplex rogaverit, & cum ea Deo pariter gratias egerit. 3. Hinc collige maximam fuisse auctoritatem Iosephi, paternam nempe circa personam Filij Dei, maritalem vero circa Matrem Dei: qui si ante hoc conjugium tam singulari sanctitate cluxerit, quantum profecisse existimandus erit ex tam diuturno tot annorum consortio cum Christo & Virgine, inspector virtutum utriusque & imitator?

FESTO

## FESTO S. BENEDICTI. 21. Martij.

**Punct. I.** Confid. 1. S. Benedictum nobili genere in Italia natum, Romæ liberalibus disciplinis eruditum, ibique mundi vanitatibus & periculis, quæ prospiciebat, rejectis, ut virtutum studiis totus vacaret, se in solitudinem ac speluncam recepisse, ibique triennio asperam quidem, sed celestibus deliciis suavem vitam egisse. 2. Non defuisse tamen ibi diaboli machinas, subjicientis ei acres stimulos carnis, quos ut superaret, se in vepris tamdiu volutavit, dum lacerato corpore, voluptatis sensus dolore opprimeretur, unde vita reliqua ab iis planè immunis remansit: tanti est vel semel fortiter tentationi resistere. 3. Inde in vicini Monasterij Abbatem, post reluctantiam ægrè assumptus, cum eorum vivendi licentiam verbis & exemplis paternè corrigere studeret, hi ex prava consuetudine medicinam respuentes, venenum illi in potione offerunt, quod ipse, se, crucis signo poculum confringens, dissipavit, ac solitudinem repetiit: ubi adverte efficaciam signi Crucis.

**Punct. II.** Confid. 1. Increbescente fama ejus sanctitatis, undique plurimos vitæ vanitatem pertractos, ad eum confluisse, monasticam sub eo vitam amplectentes, sic ut brevi 12. Monasteria exstrueret, eaque sanctis legibus communiret; imò & primates ac nobiles viros filios suos ad eum misisse in pietate ac litteris instruendos, quibus operam ipse suam perlibenter magno labore, zelo, ac fructu impendit. 2. Hinc in Cassinum montem profectum, destructo, quod adhuc ibi vigeat, simulachro Apollinis, incolas omnes Christianis præceptis instituisse, ac singularium virtutum exemplis plurimum ædificasse. 3. Pernocanti in oratione, luce celesti subito exorta, exhibuit Deus in lucis radio totam mundi machinam, quo significabat, ut S. Gregorius ait, ipsum & affectu esse extra mundum, & omnem hujus pompam instar puncti despiciere.

**Punct. III.** Confid. 1. Plurimis ac stupendis miraculis sanctitatem ejus, adhuc in vita à Deo illustratam, inter cetera S. Maurum jussu ab eo succurrere Placido in vicino lacu submerso, ac postea Martyri, accepta paterna benedictione, aquam pedibus calcasse, sociumque incolumem eduxisse. 2. Accedebat donum prophetiæ, quo arcanas suorum cogitationes & affectus iis pandebat, ac Totilæ Gothorum Regi post detectam armigeri simulationem, fata ac mortem prædixit, atque ad vitæ emendationem ferventer est adhortatus. 3. Etiam obitum suum aliquot ante mentibus prædixit, jussuq; sepulchro sex diebus ante parari, die sexto in templum delatus, sumpta ibi Eucharistia, sublati in cælum oculis orans, inter discipulos suos animam efflavit, quam duo ejus religiosi pallio pretioso ornata viderunt in cælum ascendere, strataque inde in cælum viam, quæ Regula ab eo præscripta significabatur, cum hac voce: *Hæc est via, qua dilectus Domino Benedictus in cælum ascendit.*

Anno 542.  
et. 63.

FESTO



185

In Nazareth.

FESTO ANNUNCIATIONIS B. VIRG. 25. Mart. P.I.

& Feria IV. Quar. Temp. in Adventu, Decemb.

*Filius Dei nuncio Gabriele Archangelo in utero Mariæ Virginis  
incarnatur. Luc. 1.*

**P**unct. I. *Missus est Angelus Gabriel à Deo in civitatem Galilææ, &c.* Confid. 1. Advenisse tandem tempus & horam tot sæculis desideratissimam, qua divina bonitas nostri misera, id quod ab æterno decreverat, miseriis nostris gravissimis finem aliquando imponere, nunc per Filij sui incarnationem exequitur: quare gratias ei age de tam benigna cura salutis nostræ, & nominatim quod ante tempora nostra hoc opus peregerit. 2. Delegasse eum ad hoc nunciandum, Archangelum Gabrielem, quod nomine *fortitudo Dei* significatur, necessaria ad nos è dæmonum captivitate vindicandos: quem misit in Nazareth civitatem Galilææ ad Virginem Mariam nomine, quindecim jam annos natam, ac Josepho matrimonio junctam, è regia quidem Davidis stirpe cum conjugē descendente, sed nunc ad interiora pariter redactam: unde collige Deum non tam sanguinis quàm animæ nobilitatem spectare: tu si Angelico solatio frui velis, Virginis virtutes imitare.

Punct. II. *Ave gratia plena.* Conf. 1. Angelum ad eam ingressum uti communi salutandi formula *Ave*, seu *Pax tibi*, sed illam vocem ab Ecclesia assumptam, ut significaretur Virgo miseras nostras ab Eva prima parente invecas in supremam felicitatem conversura, *mutans Eva nomen*: disce hinc Virginem cum Angelica puritate & reverentia salutare. 2. *Gratia plena.* Fuit quidem anima Christi etiam gratia plena, sed velut fons eam in omnes diffundens, Maria verò velut fluvius fonti proximus, ceteri sancti ut rivuli pro varia capacitāte & munere. Hac autem Virginis plenitudine provocamur, ut ad eam in necessitatibus nostris confidenter recurramus.

Punct. III. *Dominus tecum.* Conf. 1. Adesse quidem Deum per immensitatem suam omnibus præsentem, sed favore ac beneficentiæ studio non nisi cum justis: singulariter autem hæc significari esse cum Virgine, propter singulare ac excellentissimum munus Deiparæ, ad quod eam delegerat: stude & tu, ut Deus favore ac protectione tua tecum sit, & permaneat: erit autem ipse tecum, quamdiu tu fueris cum eo per ferventem orationem, & observantiam voluntatis ejus. Etiam Virginem roga ut & ipsa in omni afflictione tecum sit. 2. *Benedicta in mulieribus.* Ab hominibus hujus sæculi benedicti ac beati prædicantur ij, qui divitiis, honoribus, ac voluptatibus terrenis putantur abundare, verum hæc Virgo ab Angelo supra omnes beata prædicatur, quia virtutibus emicat, ideoque in cælestis Regis Matrem electa est. Gratulare ei hanc tantam felicitatem, eamque roga, ut & te benedictionis suæ participem faciat.

FESTO

## FESTO ANNUNCIATIONIS B. VIRG. 25. Martij. P. II.

Et Feria IV. Quat. Temporum in Adventu.

*Filius Dei nuncio Gabriele Archangelo in utero Mariæ Virginis  
carnem assumit. Luc. 1.*

**Punct. I.** Confid. 1. Mariam ab Angelo salutata non verbis, sed verecundia respondere, idque proprium esse submisit de se sentientibus, ad laudes suas erubescere, ac virtutum suarum præconiis turbari, quæ uni Deo bonorum omnium fonti tribuenda agnoscunt. 2. Angelum depulso ejus timore causam exponere præconij sui, ac simul legationis: *Ecce, inquit, concipies & paries filium*, re ac nomine mundi Salvatorem: *Hic erit Magnus*, quia natura Deus, & officio Mediator Deum inter & homines, regnaturus in domo Jacob spirituali sive Ecclesia in æternum: Roga eum, ut & tu Magnus sis virtutibus coram illo, ac cum illo regnare deinde possis in cælo.

**Punct. II.** Confid. 1. Qua modestia Virgo ausculet, qua prudentia expendat verba singula, ac sollicita de Virginitate sua Deo per votum oblata, *Quomodo, inquit, fiet istud, quoniam virum non cognosco?* præferens observantiam voti sui dignitati ac titulo Matris Dei: disce & tu castitatem constanter colere, ac pro nulla re mundi Deum offendere. 2. Reponit ei Angelus, hanc conceptionem & partum fore opus non humanum, sed divinum, purissimum ac sanctissimum, cum ipse Deus potentia sua eam salva Virginitate sua sit secundam effecturus: quo & nobis ipse fons puritatis, exemplum proponere voluit amandæ & amplectendæ castitatis.

**Punct. III.** Confid. 1. Illam, cum nihil minus cogitaret quam se in Matrem Dei assumendam, felicem se ratâ, si vel lambere vestigia talis Matris sibi liceret, hoc honoris nuncio nihil magis elatâ: ancillam se vocat, velut omnium minimam, talemque se obsequiis exhibere parata, non Deo tantum, sed & omnibus domesticis ac subditis ejus. 2. *Fiat mihi secundum verbum tuum.* Confid. Promptam obedientiam, qua se submitte divinæ voluntati, simul atque eam cognovit, idque in mysterio maxime arcano, & supra omnem captum humanum: unde & tu disce promptam & cæcam obedientiam, & offer te divinæ voluntati ad omnia sive prospera, sive adversa. 3. Confid. Dato hoc consensu, mox opera Spiritus sancti, cui divinæ erga nos bonitatis opera attribui solent, momento temporis formatum in utero Virginis ex purissimo ejus sanguine corpus humanum, membris suis omnibus instructum, eique infusam animam rationalem, ac Dei Verbum utrique unitum, atque ita hominem simul & Deum, Mediatorem nostrum apud cælestem Patrem extitisse: Pro quo adeo exinjo beneficio tu cum ipsa Virgine Deo instantè gratias age, ac sic vive, ut illud tibi ad salutem æternam proficiat.

FESTO



## FESTO S. FRANCISCI DE PAVLA. 2. Aprilis.

**Punct. I.** Confid. 1. S. Franciscum de Paula, Paulæ Calebriæ oppido, loco humili natum, parentibus facto voto, patrocínio S. Francisci Minorum Patriarchæ à Deo datum : inde à prima ætate in pietate educatum, in adolescentia perfectionis Christianæ desiderio se in eremum recepiſſe, ibique annos ſex orationum exercitiis ac vitæ austeritate Angelicam magis quàm humanam vitam duxiſſe. 2. Deinde multis ad eum, diſſuſa virtutis fama, concurrentibus, permotum fuiſſe, ut animarũ ſalutem ſolitudini præponeret; unde egreſſus cùm propè Paulam Eccleſiam cœpiſſet exſtruere, in ejus area amplianda S. Franciſcum patronum ſuum ſibi apparentem hortatorem habuit, fiducia non vana : ubi etiam diſce in operibus pietatis Deo confidere.

**Punct. II.** Confid. 1. Eum ibi etiam monaſterium inſtituiſſe, ſociis aliquot adlectis, illudque in humilitate potiffimùm & caritate erga proximum & inter ſe fundaſſe. In quo ut ipſe aliis eſſet exemplo, omnium ſe minimum exiſtimabat, appellabat, & gerebat, atque ad infima humilitatis obſequia demittebat, ſuosque etiam Minimorum nomine appellari voluit: Tu hîc etiam indue affectum humilitatis. 2. Confid. Ejus vitæ austeritatem, nominatim in religione : rudi amiçtu, nudis pedibus incedens, humi cubabat, omni nocte flagris corpus ſeverè excipiebat : ea erat abſtinentia, ut ſemel in die tantùm poſt ſolis occaſum corpus reficeret, ac tunc ad panem & aquam vix aliquid obſonij Quadrageſimalis adhiberet, quam conſuetudinem ut fratres ſui toto anni tempore ſervarent, quarto eos voto adſtrinxit. 3. Conf. Cum hac vitæ austeritate, quam ad ultimam uſque ſenectutem produxit, ſingularem jungebat comitatem ac benignitatem erga omnes; unde omnibus ſe gratum exhibebat, ac nominatim Ludovico XI. Francorum Regi, à quo expetitus ut ægro ſibi ſanitatē reſtitueret, facile ei perſuaſit, ut divinæ voluntati in ea ægritudine ac morte ſecutura acquieſceret.

**Punct. III.** Confid. 1. Multis ac ſtupendis miraculis ſanctitatem ejus adhuc viventis à Deo teſtatam fuiſſe, è quibus hoc celebre quoddam à nautis ob defectum nauli rejeçtus, cum ſocio è Calabria Siciliæ fretum ſtrate pallio trajecerit: alias per medias flammas tranſivit innoxius, cæcis viſum, mutis loquelam, ægris variis ſanitatē, mortuis etiam vitam reddidit. 2. Tandem Turoni agnoſcens paratam ſibi laborum palmam, in templum delatus, ac ſacra communione reſectus, adhortatus ſuos ad virtutum ſtudia, ac nominatim humilitatis & fraternæ caritatis, dictis illis verbis, *In manus tuas Domine &c.* ſpiritum Deo reddidit, ipſo die veneris ſacro, ac hora qua Chriſtus ſuum Patri cæleſti reddidit: Corpus verò ejus licet dies undecim inhumatum, Deus in teſtimonium perpetuæ virginitatis integrum ſervavit, etiam cum ſuavi odoris fragrantia.

Anno 1507.

41.91.

## FESTO S. MARCI EVANGELISTÆ. 25. April. I.

**Punct. I.** Confid. 1. S. Marcum unum è 72. Christi discipulis, individuum S. Petri comitem, & cum eo Romam profectum, hujus monitu, sociorumque rogatu propter eloquentiæ facultatem scripsisse Romæ Latino sermone breve Euangelium, a S. Petro probatum, ejusque auctoritate per Ecclesias prælegi jussum: ita & tu ne difficilem te præbeas in his quæ ad proximi salutem præstare pro viribus potes. 2. Confid. Eum post operam annis aliquot S. Petro, ut Patri ac Magistro strenuè impensam, missum ab eo in Ægyptum, ibique primum Cyrene ac Pentapoli Barbaras illas gentes in superstitionem maxime pronas Euangelij sui luce cum insigni fructu illustrasse, permotas tum doctrinæ efficacia, tum vitæ sanctimonia, tum stupendis, quæ per eam Deus patrabat, miraculis.

**Punct. II.** Confid. 1. Eum deinde Pentapoli Alexandriam Ægypti Metropolim profectum, ibi Christianam fidem primum prædicasse, & iisdem præsidis uberrimum fidelium fructum tum ex gentilibus, tum ex Judæis collegisse, primamque Ecclesiam S. Petri Magistri sui nomine insignitam extruxisse: attende hic & imitare singularem ejus zelum & labores, quibus Deus singulariter benedixit. 2. Ex novis hisce Christianis plurimos sanctioris vitæ ejus exemplo excitatos non acquievisse communi gradu Christianæ virtutis, sed de ejus directione in silvas & ardua montium se recepisse, ut ibi quietius ac perfectius uni Deo atque animæ suæ saluti vacarent. 3. Illos ibi primos sub ejus disciplina vitam instituisse Monasticam, cum observantia trium votorum, possessionibus in commune collatis, prout Jerosolymæ inter primos Christianos actum refert S. Lucas: eratque eis etiam *cor unum & anima una*, dies integros transigebant in studio orationis, ac piæ lectionis, silentio, modestia, *submissione*, atque ardua abstinencia.

**Punct. III.** Confid. 1. Gliscente invidia de tam felici progressu Christianæ disciplinæ. & idolorum Sacerdotibus in S. Marci necem conjuratis. ipsum Dominicæ Resurrectionis Festo die, ad aram Milisæ Sacrificio intentum, injecto cervicibus laqueo abreptum, & per celebriora urbis compita fœdè raptatum, dum toto corpore laceratus sub vespertam in carcerem detruderetur. 2. Ea nocte ibi Angelico conspectu & solatio, inde etiam Christi præsentia & encomio recreatū, acūs submisit gratis, ad novos cruciatus se fortiter obtulisse, unde mane injecto iterum laqueo, per asperrima urbis loca in mani crudelitate raptatus, gloriosam animam Deo reddidit, cujus corpus Venetias deinde translatum, atque honorificè conditum, ibi eximia pietate colitur. 3. Confid. Indictas hoc die Liturgias majores tum in gratiarum actionem de cessante plaga mortis subita ex sternutatione & oscitatione, tum ad conservandas & promovendas terræ fruges alendis hominibus necessarias.

FESTO

Act. 2. 44.  
Act. 3. 32.

Anno 64.



## FESTO S. MARCI. 25. Aprilis. 11.

Anno 33.  
Octob. in  
Judæa.

&amp; S. Lucæ. 18. Octob.

*Christus mittit & instruit discipulos 72. ad prædicandum. Luc. 2.*

**Punct. I.** *Designavit Dominus & alios 72.* Confid. 1. Sicut olim Moyſes initio principatus ſui, pro regimine neceſſario 12. tribuum, elegit primum ex ſingulis tribubus principes ſeu duces totidem, ac deinde ſubſtituit ſingulis ſenatores ſenos, univerſim 72. ita & Chriſtum pro numero tribuum totidem elegiſſe Apoſtolos, ac pro numero ſenatorum diſcipulos; inde verò ſicut Apoſtoliſ ſucceſſores excitavit Epiſcopos, ita & diſcipuliſ ſacerdotes, ac viros religioſos: quare vocationis hujus dignitatem agnoſce, Deo gratias age, ejuſque miſſionem per ſuperiores venerare & amplectere. 2. *Miſit illos binos*, tum ad mutuam caritatem & pacem, tum etiam ad auctoritatem majorem & fidem, quod & religionum fundatores deinde plerique amplexi ſunt: *Frater qui adjuratur à fratre, quafiſ ſicritus firma. Vaſoli. quia cum ceciderit, non habet ſublevantem ſe.* 3. *Ante faciem ſuam miſit*, ut ſignificaret ſe habere oculos intentos in ipſos, & ipſos debere viciffim oculos habere intentos in ſe, cum Davide: *Oculi mei ſemper ad Dominum, quoniam ipſe erellet de laqueo pedes meos.*

**Punct. II.** *Meſſis quidem multa, operarii autem pauci.* Confid. 1. Chriſtum proponere eis hinc materiam lucrandi animas copioſam, ſed paucos eſſe qui ſe ob laborum & incommodorum moleſtiam ſerò iis impendant: ubi argue acediam tuam, ac Deum roga, ut plures excitet ſalutis ac perfectionis, propriæ & alienæ ſtudioſos, de quorum proſpero ſucceſſu gaude, & dole de adverſo. 2. *Ece ego mitto vos, ſicut agnos inter lupos.* Confid. Chriſtum prædicere hinc ſuis perſecutiones, ne iſ poſtea turbentur, ſuumque iſ exemplum proponere, & auxilium promittere, dum dicit: *Ego mitto vos. Ne timeas à facie eorum, quia tecum ſum, ut eruam te.* Hoſtes quibuſcum certandum eſt, lupis comparat ferocibus & indomitis, ſed ſimul arma ſuggerit, nempe agnorum innocentiam, & manſuetudinem, qua inos non tantum ſuperaturi ſint, ſed & in agnos converſuri.

**Punct. III.** *Nolite portare ſacculum, neque peram.* Confid. 1. Chriſtum docere hic eos modum in miſſionibus ſervandam, atque in primis commendare iſ ſtadium paupertatis, fiduciam in divina providentia, ac diligentiam in opere, rejectis inutilibus diſtractionibus. 2. Promittit pacem ac benedictionem iſ qui ipſos benignè excipient, maledictionem verò iſ qui excipere detrectabunt: interim ipſos non fruſtrandos premio laboris ſui, conferendo non pro numero converſorum, ſed pro caritate & ſtudio impenſo: unde S. Bernardus: *Requiritur à nobis cura non curatio, ſac quod tuum eſt. Deus quod ſuum eſt curabit.* 3. Addit: *Dignus eſt enim operarius mercede ſua*: quæ ſupra principalem in cælis reſervatam, hinc etiam; ut in labore ſubſiſtant, liberaliter adjicitur.

## FESTO S. CATHARINÆ SENENSIS. 30. Aprilis.

**P**unct. I. Conf. 1. S. Catharinam Senis in Hetruria pijs parentibus natam, à prima ætate piorum libellorum lectioni, ac cultui Deiparæ singulariter deditam, sic ut per domesticos gradus scalarum singulos salutationem ejus supplex pronunciaret, & obsequijs, modestiâ, ac morum integritate animos sibi omnium conciliaret. 2. Virginitatis voto perpetuo se Deo obstrinxit, quam ut servaret, vitæ austeritati intentâ, carnem catenâ ferreâ ardè constringebat, & flagris etiam ferreis quotidie ad horam & ultrâ castigabat. jejunijs aliquando à die Cinerum, usque ad Ascensionē Domini protrahitis, solâ Eucharistiæ, cui unicè afficiebatur, refectiōe contenta. 3. S. Dominici institutum amplexa, ampliores in omni virtute progressus fecit, silentij in primis maximè observans: assiduo orationis studio eam cum Christo familiaritatem acquisiverat, ut hic sæpius spectabili forma ei apparens, etiam coram Deipara alijsque cælitibus eam in sponsam singulariter assumere dignatus sit, ac cælestibus favoribus magis quotidie cumlaret.

**Punct. II.** Conf. 1. S. Catharinam à Christo edoctam vacare potissimū notitiæ sui & Christi, suiq; curam ut Christo penitus cōmitteret, quod insigni fiducia præstitit, roborando animum ac prospera omnia hujus mūdi, ac corporis commoda contemnenda: adversa verò, quibus frequenter exercebatur, morbos, ac dæmonis tentationes fortiter superanda. 2. Cum aliquando fœdis tentationibus à dæmone divexata, de eo feliciter triumphasset, mox apud Christum sibi apparentem amanter quæstâ: *Vbi fuisti Domine? cur me solam reliquisti?* responsum ab eo retulit: *In corde tuo fui, certaminis tui spectator & adiutor.* 3. Calumnijs etiam ex impensis caritatis obsequijs impetita, cum se ad Deum innocentia suæ testem per orationem reciperet, Christus ei apparens, duas coronas, dexterâ auream, lævâ spineam ut eligeret, obtulit: illa spineam mox apprehensam capiti suo altè cum gravi cruciatu impressit, dicens: *Volo Domine in hac vita tibi similis esse.*

**Punct. III.** Confid. 1. Eam Christi præsentia & alloquijs sæpius recreatam, justam aliquando cum illo deambulare, & psalmos, quos antè non noverat, simul recitare edoctam. 2. Passioni Christi recolendæ cum impensius aliàs post sumptionem Eucharistiæ vacaret, vidit Christum è quinque vulneribus, totidem radios in manus, pedes & cor suum diffundentem; ipsumque pro modestia sua deprecans, ne eorum in se vestigia relinqueret, solum doloris sensum, eumq; acerrimum retinuit. 3. Salutis proximorum semper fuit amantissima, ac pro viribus studiosa, sic ut nemo illam accesserit, qui non melior ab ea rediret, eosq; religiosos qui se salutis proximorum impendebant, maximè suspiceret, odia & capitales inimicitias prudenter sedaret, etiam Pontificum legationibus feliciter perfuncta: dum tandem Romæ purissimam animam in sponsi manus commendans, Deo reddidit.

FESTO



## FESTO SS. APOST. PHILIPPI ET IACOBI. 1. Maij. I.

**Punct. I.** Confid. 1. S. Philippum natum Bethsaidæ in Galilæa, inter primos Apostolos à Christo vocatum, quem ex frequenti lectione Scripturæ Sacræ, facilius cognovit promissum Orbis Messiam, mox pro zeli sui ardore, vocationis primitias Nathanaëlem Christo instruendum obtulisse: unde & tu disce captare occasionem zeli exercendi. 2. Quàm familiaris ei fuerit cum Christo consuetudo ob sinceram in primis pietatem, colligere licet tum ex eo, quòd Christus turbas in deserto pasturus, Philippum quasi in consilium adhibuerit: *Vnde ememus panes, ut manducent hi?* tum ex eo, quòd gentiles, post suscitatum à morte Lazarum, cupientes videre Christum, ipse ad eum adduxerit, tum quòd in ultimo Christi sermone ad mentionem Patris cælestis, mox ejus videndi desiderio accensus peteret: *Domine ostende nobis Patrem, & sufficit nobis.* 3. Post acceptum Spiritum sanctum, cum illi superioris Asiæ provincia ad prædicandum Christi Evangelium obtigisset, primùm in Scythiam profectus, omnem propè illam gentem ab idolorum cultu ad Christi fidem adduxit: unde pari ardore ac constantiâ Phrygiam excolens, Hierapoli pro Christi nomine flagris primùm concisus, tum cruci affixus, lapidibusque obrutus, gratias Deo egit, quod sibi simili mortis genere cum Domino suo triumphare contingeret.

Ioan. 1. 46.

Ioan. 6. 5.

Ioan. 12. 22.

Ioan. 14. 8.

An. Chri. 54

**Punct. II.** Confid. 1. S. Iacobum dictum Minorem, quia posterius altero Zebedæi filio ad Apostolatam vocatum, Christo sanguine cognatum, ac vultu simillimum, ideoque fratrem Domini appellatum, cognomento iustum, ob singularem vitæ sanctitatem, etiâ perpetuam virginitatem Apostolico muneri junxisse: unde & disce tu vocationem tuam præclaris virtutibus stabilire. 2. Post acceptum Spiritum sanctum, Hierosolymis Episcopum creatum, mox Apostoli & vigilantissimi Pastoris officio strenuè fuisse perfunctum, in Iudæis plurimis ad Christi fidem convertendis. Emicuisse in eo potissimum mortificationis & orationis studium, cui sic assiduebatur, ut ea pasci videretur, atque ex orandi assiduitate, genua illi instar duræ pellis camelorum occalluissent.

**Punct. III.** Confid. 1. S. Iacobum ob hanc vitæ sanctitatem in ea passim fuisse apud homines æstimatione, ut certatim solum vestienti ejus attingere contenderent, & in Sancta sanctorum, soli illi accessus daretur. 2. Eum post Ecclesiam Hierosolymis per anhos 30. insigni zelo & fructu administratam, plurimis miraculis illustrem, propter prædicatum Christi Evangelium, lapidibus primùm, appetitum, inde in templi fastigium adductum, ut suâ de Christo doctrinâ corâ frequenti populo retractaret, cum ardentius eam inculcasset, ex alto præcipitatum, & confectis cunibus semivivum, elatis in cælum manibus, pro salute perculsorum, Christi exemplo, deprecatur: *Ignoscite illis, quia nesciunt quid faciunt;* quia in oratione ful-

An. Chri. 62.

41. 96.

Anno 34.  
Martij 24.  
in coenacu-  
lo.

192

FESTO SS. APOST. PHILIPPI ET IACOBI. 1. Maij. 11.

*Christus Apostolos tristes solatur. Ioan. 14.*

**P**unct. I. Non turbetur cor vestrum, creditis in Deum, & in me credite. Confid. 1. Christum hic Apostolos suos tristes ob ea quæ prædixerat de morte sua instanti, & illorum lapsu, hortari ne animis cadant, sed eos erigant & componant, cum tranquillitas animi fundamentum sit fortitudinis, eo-que remedium addere firmam fidem in Deum & se, qua velut scuto adversus ictus omnes sint muniti. 2. In domo Patris mei mansiones multe sunt. Armatur eos etiam spe cælestis gloriæ, ejusque promissis solatur & excitat, amplitudinem proponit, ac diversos in eo gradus dignitatum, non perituros, sed permanentes, conferendos singulis pro mensura meritorum, sine ulla invidia de præcellentia, sed pari omnium gratulatione. 3. Vado parare vobis locum. Monet se, abire non tam sua causa, quam illorum, quibus per mortem & ascensionem suam referaturus sit cælum, ac missurus Spiritum sanctum, qui ipsos etiam eo paret. Et post hæc: Iterum venio, in morte cujusque & in extremo judicij die, & accipiam vos ad meipsum, ut ubi sum ego, & vos sitis.

Punct. II. Ego sum via, veritas, & vita. Confid. 1. Christum hic docere per observantiam doctrinæ suæ certò vitæ beatitudinem consequendam. Via est non fallax sed vera, ducens ad felicitatem non mundanam sed cælestem, non ad mortem sed ad vitam: via est per doctrinam, per exempla, per merita. 2. Veritas est, qui certò præstet ea quæ promissit: vita, qui non se tantum, sed & suos etiam occisos, vivificet æternum: S. Bernardus: *Via est incipientium, veritas proficientium, vita perfectorum*. 3. Confid. Eum qui per viam graditur, debere semper viam habere ante oculos, ita & nos doctrinam, exempla, & merita Christi, & cavendum ne ab hac via pedes seu affectus animi avertamus: proponere quidem atque etiam spondere speciosa mundum, carnem, & diabolum, sed falsò, iisq; minime credendum.

Punct. III. Dicit ei Philippus: Domine ostende nobis Patrem, & sufficit nobis. Dicit ei Iesus: Tanto tempore vobiscum sum, & non cognovistis me? Confid. 1. Philippum avidum videndi Patrem cælestem primum moneri hic à Christo, quod sub disciplina sua triennali tam parum profecerit, nec cognoverit se esse Filiū Dei ejusdem naturæ cum Patre: hinc etiam collige indignum esse nos tanto tempore fuisse in schola Christi, nec magis profecisse. 2. Philippe qui videt me, videt & Patrem, docet eum qui se videt sive oculis corporeis, sive spiritalibus fidei aut gloriæ, etiam cognoscere Patrem: & rationem subdit, quia ego in Patre, & Pater in me est. 3. Qui credit in me, opera quæ ego facio, & ipse faciet, & majora horum faciet. Excitat eos Christus etiam splendore miraculorum, & roborandam fidem, qua deinde quædam etiam Christi opera superat: cum locuti sunt linguis variis, cum ægros etiam umbra sua sanitati restituerunt, ac multo plures cæcos & mortuos spiritu curarunt, quam Christus corpore. F E S T O

Ab. 2. 8.

Ab. 5. 15.



193  
FESTO S. ATHANASII. 2. Maij.

*Christus instituit Apostolos prædicatores, & monet contemnendam mortem temporalem. Matt. 10.*

Anno 32.  
Julio in  
Galilæa.

**P**unct. I. Cum persequentur vos in civitate ista, fugite in aliam. Confid. 1. Christū hīc prædicere suis persecutiones, ut animum adversus eas præmuniant, & ubi sine proximi scandalo aut periculo poterunt, eas fugiendo declinent: quod & licitum est; nam non negat Christum fugiendo, qui ideo fugit ne neget, inquit Chrysostomus, & quandoque laudabile ac necessarium, ut alio loco uberiores fructus colligat. 2. Non consummabitis civitates Israël, donec veniat Filius hominis. Significat hīc Christus mansuros Judæos in errore suo usque ad extremū suū adventū, interim gentes ad Ecclesiam convertendas: quare gratias Deo age de tua vocatione ad fidem præ multis aliis.

Punct. II. Non est discipulus super Magistrum, nec servus super Dominum suum: sufficit discipulo, ut sit sicut Magister ejus, & servus sicut Dominus ejus. Confid. 1. Christum hīc hortari suos ad tolerantiam persecutionem exemplo suo; neque equum esse, ut ipsi discipuli sui majorem plausum & honorem appetant, quàm Christus eorum Magister & Dominus. 2. Si Patrem-familias Beelzebub vocaverunt, quāto magis domesticos ejus? Ne ergo timueritis eos. Probat etiam ipsis expedanda probra & injurias, eaque exemplo suo fortiter & patienter toleranda.

Punct. III. Nihil opertum, quod non revelabitur: & occultum, quod non sciatur. Confid. 1. Significari hīc & innocentiam piorum, & sævitiam impiorum aliquid quando publicè manifestandam, cum horū ignominia, & illorum gloria. 2. Quod dico vobis in tenebris, dicite in lumine: & quod in aure auditis, prædicate super tecta. Hortatur eos ad generosum zelum, ut quæ à Christo privatim & per mysteria audierunt, ipsi deinde palam & aperte per totum orbem alios confidenter edoceant. 3. Nolite timere eos qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam. Monet, ut timorem mortis temporalis pellant timore mortis æternæ, sicut sensus gravioris mali, leviori opprimitur.

Punct. IV. Confid. 1. S. Athanasium Alexandriæ Metropoli Ægypti nobili familia natum, à prima ætate pietatis officiis deditum, ea deinde sub S. Antonij disciplina plenius hausisse, dum juncto pariter scientiarum studio Alexandrinæ Ecclesiæ Episcopus & Patriarcha, acerrimum se exhibuit contra hæreticos, ac nominatim Arrianos Ecclesiæ defensores. 2. De falsis criminationibus, quæ sæpius contra eum à malevolis adornatæ sunt, gloriosior semper triumphavit; ob varias & graves persecutiones coactus sæpius locum mutare, dum deniq; Alexandriæ multis defunctus periculis, post Ecclesiā illā annis 64. in sūma temporū varietate fortiter administratā, laborū præmia est consecutus: Ex eo discere certissimū esse illud Apostoli: Si Deus pro nobis quis contra nos?

An. Ch. 371.  
Rom. 8. 31.

## FESTO INVĒNTIONIS S. CRVCIS. 3. Maij. I.

**Punct. I.** Confid. 1. S. Helenam post illustrem victoriam filij sui Constantini Imperatoris ab hostibus reportatam, ex conspecto in aëre crucis fig. 10, cum hac Epigraphe: *In hoc signo vinces*, excitatam à Deo fuisse ad thesaurum illum sanctæ Crucis abditum conquirendum, ideoque insigni zelo & pietate se Jerosolymam contulisse: Tu oblatam tibi à Deo crucem saltem æquo animo admitte. 2. Ubi ad locum pervenit Montis Calvariæ, inveniisse in eo Veneris statuam ad memoriam Crucis abolendam, quam generosa animi fortitudine cum evertendam curasset, nullos humanos respectus reverita, alte defossa terra, sacrum thesaurum cum duabus aliis crucibus latronum invenit, eumque miraculo à Deo declaratū, femina à gravi morbo ejus contactu per S. Macarium Jerosolymæ Episcopum subito liberata, quò duæ aliæ crucis prius adhibitæ nihil potuerant, ac pluribus deinde illustribus miraculis idem comprobantibus: Expende hinc gaudium quo perisulm fuit piissimum pectus hujus Imperatricis, ac tu etiam tribulationes, crucis signa disce cum gaudio accipere.

A. Cor. 32. 6.

**Punct. II.** Confid. 1. S. Helenam curasse ibi mox Jerosolymæ magnificum templum extrui, in quo partem hujus sanctæ Crucis gemmis auroque ornatam, ad piorum cultum reliquit; alteram verò secum detulisse ad filium Imperatorem, Romæ deinde in templo, ad hujus sanctæ Crucis memoriam extructo, similiter fidelium venerationi propositam. 2. Confid. Constantinum Imperatorem, accepto hoc sacro pignore, signum ejus in majori deinceps honore habuisse, lege lata nequis in posterum supplicio crucis afficeretur, ut quæ Christo nobisque fuisset quasi currus triumphi & gloriæ, omnibus esset venerationi; unde & Regum coronas exornare cœpit, roborare in prælio milites, & moretis impressa in humano commercio omnia impetrare: quare crucem amplectere, & dic cum Apostolo: *Mihi absit gloriari nisi in cruce Domini nostri Jesu Christi.*

Gal. 6. 14.

**Punct. III.** Confid. 1. Hoc signum crucis debere etiam nobis esse maxime familiare, sicut & fuerat fidelibus a principio Ecclesiæ ad omnem actionem, ac dæmonis insultum; unde & merito illa orat: *Per signum crucis de inimicis nostris libera nos Deus noster.* 2. Quia etiam hoc signum Cruclis erit in celo, cum Dominus ad judicandum venerit, ut docet Ecclesia ex verbis Christi. maximo solatio, gaudio, & gloriæ tunc futurū iis, qui in eo fiduciā habuerint, & tribulationes per crucem designatas hinc fortiter & constanter sustinuerint. 3. Expende encomia Crucis apud S. Chrysostomum: *Cruce, inquit, est spes Christianorum, resurrectio mortuorum, consolatio pauperum, refrenatio divitum, destructio superbiorum, poena malignantium, triumphus adversus demones, spes desperantium, periclitantium portus, requies tribulatorum, consiliarius iustorum, virginum castitas, ægrorum salus.* Et S. Leo: *Cruce tua omnium fons benedictionum, omnium est causa gratiarum, per quam credentibus datur virtus de infirmitate, gloria de opprobrio, vita de morte.*

Matt. 24.  
30.

FESTO



# FESTO INVENTIONIS S. CRVCIS. 3. Maij. II.

195

A. 31. Martij  
28. Jerosol.

*Christus Nicodemū ad se nocte venientē instruit in mysterijs fidei. Ioan. 3.*

**P**unct. I. Confid. 1. Nicodemum miraculis Christi inter alios plures permotum ad credendū in ipsū, retardatū tamen inde fuisse per bona fortunæ ac naturæ; erat enim dignitate præcellens, opulentus, & legis doctor, quare ausus non fuit tum ex pudore, tum ex timore Judæorum palam Christum convenire; unde collige dona humana subinde esse impedimento ad salutem, eoq; per simplicitatem & humilitatem nos melius disponi. 2. Agnoscit Christum Magistrum suum, ac populo suo totique orbi à Deo datum, dicens: *Scimus quoniam à Deo venisti Magister; nemo enim potest hæc signa facere, quæ tu facis, nisi fuerit Deus cum eo.* 3. Attende eum nec rejectum fuisse à Christo ob temporis importunitatem, nec exprobratum ei timorem humanum, sed benignè admissum, & invenisse media nocte lucem quā quærebat, ac viā salutis, quā deinde constanter tenuit.

Punct. II. *Nisi quis renatus fuerit ex aqua, & Spiritu sancto, non potest intrare in regnum Dei.* Confid. 1. Doceri hīc Nicodemum à Christo necessitatem baptismi, ut qui per peccatum originale eramus spiritualiter mortui, per hunc spiritualiter renasceremur, & ex filiis Adæ peccatoris, efficeremur filij Dei, & heredes regni cælestis. 2. Confirmat Christus dictum suum, eò quòd vita & operatio sequatur naturam: *Quod natum est ex carne, caro est: & quod natum est ex spiritu, spiritus est.* Sicut carnalis homo carnalem vitam degit, ita renatus spiritu, spirituale: quare ad laborandum ut hanc vitam conserves, nec perdas per peccatum mortale, aliàs statim per pœnitentiam resuscitandam. 3. Ostendit Christus baptismum, sicut & cetera fidei mysteria, non tam sensu percipienda quàm fide; ideoque nec curiosius esse scrutanda. *Spiritus ubi vult spirat, & vocem ejus audis, sed nescis unde veniat aut quo vadat:* sicut venti origo nobis ignota est, cujus tantum sonus aliquis percipitur, ita & accidere in mysteriis fidei humiliter agnoscendis.

Punct. III. *Sicut Moyses exaltavit serpentem in deserto, ita exaltari oportet Filium hominis.* Confid. 1. Christum statim hīc in principio edocere etiam Nicodemum mysterium crucis, eò quòd sciret nihil esse illa efficacius ad veram conversionem, & vitam sanctæ instituendam. 2. Adfert Christus illustrem ejus figuram datam à Moyse, cum post punitum populum per ignitos serpentes propter murmurationes, pro eo Deum deprecatus, jussus est serpentem æneum in altum erigere, cujus conspectu à venenatis moribus sanarentur: atque ita etiam se in specie peccatoris erigendū in crucē, cujus viva fide sanarentur à morfu serpentis infernalis. 3. Conf. Necessitatem crucis, quam Christus hīc significat ex decreto Patris cælestis, *Oportet exaltari Filium hominis,* etiam nobis incumbere, quæp̃us omnibus dictum est, *ut tollant crucem suam:* nam non est alia via ad vitam, & ad veram internam pacem, nisi via sanctæ crucis & quotidiana mortificationis.

Num. 21. 5.

Matt. 16. 24  
Thom. 2  
Kem.

## FESTO S. MONICÆ VIDUÆ. 4. Maij.

**Punct. I.** Confid. 1. S. Monicam Africanam honoratis & copiosis or-  
tam parentibus, à prima ætate in pietate educatam fuisse, sic ut et-  
iam noctes frequenter orationi impenderet, pauperibus iuuantis mirè  
afficeretur, virginalem integritatem Deo dicare ardentè exoptaret, nisi  
parentum imperio ad matrimonium inflexa fuisset, disponente sic divina  
providentia, ut S. Augustinum Ecclesiæ pareret. 2. Illam moribus co-  
mem. & benignam, maritum nactam durum & ira fervidum ac gentilem;  
unde licet frequentem & propè assiduam haberet Christianæ tolerantia  
& mansuetudinis materiam, nunquam tamen de illo apud alios, teste  
Augustino, vel verbo quæsta est, adeò ut tandem illustrium virtutum ex-  
emplis, ipsum senio confectum etiam Christo conciliaverit. 3. Quan-  
tumvis filium Augustinum in pietate ac Dei timore educare studeret,  
cavere tamen non potuit, quin ille in flore juventutis, multis se vitiis,  
ac nominatim hæresi Manichæorum illaquearet, quæ animum piæ ma-  
tris acerbè cruciabant; unde Augustinus: *Majori sollicitudine me parturiebar  
spiritui, quam carne pepererat.*

**Punct. II.** Confid. 1. S. Monicam exegisse viduitatem in perpetua ca-  
stitate, operibus misericordiæ, & assiduis orationibus ac lacrymis diu  
noctumque pro filij salute, sic ut loci Episcopus etiam ab ea pro filio inter-  
pellatus diceret: *Fieri non potest, ut filius istarum lacrymarum pereat.* Cujus veri-  
tatem ipsa etiam cælesti viso edocta est: tu etiam deplora cæcitatem ac  
miserum statum peccatorum, nominatim qui curæ tuæ commissi sunt.  
2. Augustinum ad altiores honorum gradus Mediolanum profectum  
pia mater secuta, ibique eum S. Ambrosij Episcopi familiaritate devin-  
ctum conspiciens, fiduciam in Domino roboravit: quare & filium horta-  
batur ut porro pergeret Ambrosio adhærere, & hunc, ut in filij salute  
curanda incumberet.

**Punct. III.** Confid. 1. Augustino tandem anno ætatis trigesimo manus  
Deo dante, & ab Ambrosio prævia instructione baptizato, quilibet gaudiis  
mater illa inceserit, longe magis quam unci filij defuncti mater eo ad  
vitam corporalem revocato. 2. Eam cum filio jam bis suo, quem & in un-  
do & cælo pepererat, Africam repeterenti, ad ostia Tiberina, medijs diei  
itinere Romæ, dum navigandi opportunitatem præstolatur, ad felicioris  
æternitatis portum desideria direxisse, de quo suavissimis & ardentibus  
cum filio colloquiis habitis, nihilque jam sibi in hac vita reliquum desi-  
derabile reputans, velut grandævus Simeon completo desiderio in con-  
spectu Salvatoris, febri correpta, ut unquam hoc filium precata, ut de-  
functæ matris animæ ipse suis etiam apud Deum precibus subveniret, ad  
cælestem portum feliciter abiit: unde & tu discas defunctis subvenire,  
nec fiduciam in Deo deponere.

An. 189.  
Æt. 64.

Vide in F. Iang Dom. 15 post Pentec.

FESTO



Festo S. Ioannis ante portam Latinam. 6. Maij. Vide festum S. Iacobi. 25. Iulij.  
**FESTO S. MICHAELIS ARCHANG. 8. Maij. & Sept. 29.**

197

Anno 33.  
Augusto  
Capharnai.

*Christus discipulos de primatu contententes docet humilitatem*

*exemplo parvuli. Matr. 18. Mar. 9. Luc. 9.*

**P**unct. I. Accesserunt discipuli ad Iesum dicentes: *Quis putas, maior est in regno cælorum? Vbi Conf. discipulos Christi adhuc terrenis immersos persuasisse sibi, Christum hinc in terris erecturum sibi suisque regnum splendidum & gloriosum, in quo optabat quisque esse ei proximus honore, dignitate & auctoritate: quam eorum ambitione refutat ipse tribus rationibus, eosque hortatur ad studium humilitatis. 1. Ex pœna superbiorum, quos ait cælesti regno excludendos: Nisi conversi fueritis, ab illo ambitioso desiderio præcellentiae, & efficiamini sicut parvuli, humiles, simplices, & omnibus cedentes, non intrabitis in regnum cælorum. 2. Ex præmio humilium. Quicumque ergo humiliaverit se, sicut parvulus iste, hic est maior in regno cælorum: significans illum fore maiorem in cælis, qui se magis humilitate parvulis assimilaverit. 3. Ex conformitate secum infra omnes humiliato; unde subdit, & qui suscipit unum parvulum talem in nomine meo, me suscipit, eandemque à me mercedem accipiet: quare qui optat esse proximus Christo in gloria, studeat se cum illo hinc infra omnes demittere.*

**Punct. II.** Qui autem scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris. Conf. I. Christum hic ostendere quàm isti humiles spiritu Deo cordi sint, quàmque graviter peccent, qui eos verbo, exemplo, vel iniqua afflictione avertunt à via virtutis, sic ut melius illis sit gravissimò supplicio hanc vitam finire, quam Deum tam graviter offendere. 2. Inculcat peccati huius gravitatem, & simul frequentiam, & a mundo à scandalis, ob mala in hac & altera vita illis impendentia; necesse est enim ut veniant scandala, supposita nempe tanta hominum fragilitate & corruptione, quæ tamen quia libertatem peccandi non tollit, & homini illi, per quem scandalum venit. 3. Subdit quo studio nobis scandala cavenda sint: si autem manus tua vel pes tuus scandalizat te, abscide eam, & proice ab te. Atque idem dicit de oculo eruendo, quo monet eos, qui nos avocant à Dei cultu, & præbent occasionem lapsus, licet alias maximè cari aut utiles nobis sint, tamen omni studio fugiendos.

**Punct. III.** Videte n. contemnatis unum ex his pusillis. Conf. I. inculcare hinc Christum peccatam curam, quam habet humiliu, quos velut pupillam oculi sibi caros, vetat vel externo vel interno actu ab alijs deprimi aut asiligi. 2. Et addit alteram rationem à præsidio Custodis Angelis; dico enim vobis quia angeli eorum in cælis sæpe vident faciem Patris mei, qui in cælis est, quo monet angelos singulis hominibus à Deo adjunctos, cum habitationem fixerint apud illum in curia cælesti, exposituros illi injurias clientibus suis illatas, & acceptas ab eo potestate ulturos.

**Punct. I.** Confid. 1. S. Norbertum nobilissimis parentibus prope Coloniam natum, in adolescentia liberalibus disciplinis eruditum, postea in aula Imperatoris ob morum comitatem ac naturæ dotes omnibus percarum fuisse: sed aulae favoribus ac mundi vanitatibus, in quibus animi pacem minimè inveniebat, rejectis, sacerdotio initiatum, ac splendida veste cum pellicea melote commutatâ, totum se divino cultui & operibus pœnitentiæ tradidisse, atque inde altioribus scientijs excultum, ad populum raro fervore conciones habuisse. 2. Eum deinde Euangelicæ perfectionis studio, abdicatis proventibus Ecclesiasticis, & patrimonio amplo in pauperes erogato, austeriorem vitam instituisse, sic ut semel tantum de die, sub vesperam, cibo quadragesimali uteretur, nudis pedibus, & veste lacerâ, etiam sævienti frigore, incederet.

**Punct. II.** Conf. 1. Eum sic Romam profectum, post expositam ibi & probatam Gelasio Papæ vitæ suæ rationem, ab eo benignè exceptum, atque oblatos favores modestè deprecantem, potestatem, quam petebat verbi Dei ubiq; prædicandi, amplissimam accepisse, qua mox per vicos, & oppida, & urbes, potens verbo & opere ad plurimorum salutem usus est. 2. Eum Coloniam reversum à Deo monitum de novo Ordine religioso instituendo; pro quo & à Deipara vestem candidâ, ad declarandum ipsius ac sociorum vitæ morumq; candorem, & à S. Augustino Regulam litteris aureis exaratam accepit, atque hinc in diœcesi Laudunensi loco deserto, qui Præmonstratus dicebatur, cum socijs 13. Ordinis Præmonstratensis fundamenta jecisse: unde collige religiosæ vitæ instituta Deo singulariter placere & curæ esse. 3. Antuerpiam accersitum, ibi nefariam heresim Tanchelini per se suosque insigniter profligasse, peccatores ad pœnitentiam, dissidentes ad concordiam, quod & ante alibi præstiterat, magno zelo adduxisse.

**Punct. III.** Conf. 1. Eum, plurimis undique socijs confluentibus, iterum Romam profectum pro Ordinis sui confirmatione, quam ab Honorio II. tum Pontifice, cum alijs pluribus favoribus facilè obrinuit: sed cum discessum inde pararet, divinitus Archiepiscopum Magdeburgensem designatum: quo, quantumvis reluctans, profectus, ibique ad Ecclesiam solenni ritu deductus, vili veste, ac nudis pedibus processit, docens medios inter honores humilitatem. 2. In munere hoc pastorali cœpit gregem suum verbo & exemplo pascere, corruptos mores insectari; unde improborum odijs in se concitatis, etiam ad necem à sicarijs subinde expetitus, divinitus ereptus est: ubi tandem post Ecclesiam illam zelo verè Apostolico annos 8. administratam, plenus virtutibus & meritis, clarus miraculis ac dono prophetiæ, candidam animam, quæ sub lilij imagine confecta est, in cælestem paradysum transmisit.



## FESTO S. BARNABÆ. xi. Iunij.

**P**unct. I. Conf. 1. S. Barnabam Levitam, genere Cyprium, aliàs Joseph dictum, missum à parentibus studiorum causa Ierololyntam, ibi sub Gamaliele cum S. Paulo & Stephano legis scientiam hausisse, atq; huic virtutum studia sedulo junxisse; unde cum Christum docentem audivisset, *Vendite quæ possidetis, & date Eleemosynam, &c.* mox amplo, quod habebat, patrimonio in pauperes erogato, à Christo inter 72. discipulos assumptus est: unde discite etiam affectum paupertatis. 2. Conf. Eum de Pauli, sui olim condiscipuli salute sollicitum, multas ac ferventes pro ejus conversione preces Deo obtulisse, quas vanas minimè fuisse evētus edocuit. 3. Missum deinde ab Apostolis Antiochiam Syriæ Metropolim ad fideles ibi in suscepta fide roborandos, id strenuè & ferventer præstitisse, *quia erat vir bonus. & plenus Spiritu sancto & fide.* ubi attende tales maximè idoneos esse ad fructum in proximo operandum. Luc. 12. 3.

**Punct. II.** Conf. 1. Ipso cum Paulo, alijsq; Ecclesiæ primoribus ibi orantibus & jejunantibus, Spiritus sancti oraculum intervenisse: *Segregate mihi Paulum ac Barnabam in opus ad quod assumpsi eos*, nempe ad prædicandum gentibus ubique Euangelium; unde & mox Episcopi consecrati, ac Spiritu Apostolico repleti se in viam dederunt. 2. Antiochiam Pisidiæ ingressi, Iudæos ibi Euangelio Christi contradicentes constanter redarguerunt: *Vobis oportebat primum loqui verbum Dei; sed quoniam repellitis illud, & indignos vos facitis æternæ vitæ, ecce convertimur ad gentes:* Tu cave ne Dei monitis obfurdescas. 3. Concitantibus deinde Iudæis in eos turbas & seditiones, urbe expulsi excusso pulvere pedum in eos, discesserunt: ubi adverte hanc maledictionem fuisse à Christo instituta in eos, qui discipulos suos rejicerent; unde collige Christum esse operatorum suorū patronū ac defensorem. Act. 11. 24.

**Punct. III.** Conf. 1. Barnabam cum Paulo Iconij copiosam multitudinem Christi fidei adjunxisse, intrepidè ac *fiducialiter agentes in Domino*, seu Euangelio ejus prædicando, illudq; pluribus manifestis miraculis comprobando. 2. Lystris cum ob claudum sanatum gentiles ijs tanquam dijs divinos honores & sacrificia deferre cuperent, Paulo ut Mercurio, Barnabæ ut Iovi, ijs se fortiter opposuisse dicentes: *Et nos mortales sumus, similes vobis homines, annunciantes vobis ab his vanis converti ad Deum vivum.* Hinc & tu discce gloriam tuam in operibus non quærere, sed solius Dei. 3. Licet animis conjunctissimi, postea tamen ut pluribus januā salutis aperirent, ab invicè discesserunt: Barnabas verò pluribus regionibus Christi fide illustratis, in Cyprium reversus, Salaminæ à Iudæis, quos jam convicerat Christum esse Messiam, diris tormentis cruciatus, tandem velut blasphemus lapidibus obrutus ad Apostolatus & virginittis perpetuæ palmam, etiam martyrij coronam adjunxit. Act. 13. 2.

Vide alteram Med. de Evang. Co. mens. S. Pauli. 30. Iunij.

FESTO

## FESTO SS. GERVASII ET PROTASII. 19. Iunij.

**Punct. I.** Confid. 1. SS. Gervasium & Protasium fratres geminos, filios SS. Vitalis & Valeriæ, qui cum ambo etiam pro Christi fide martyrium obijissent, ipsos, ut se ad parentum vestigia sectanda disponerent, terrena omnia impedimenta à se removisse, distributo in pauperes patrimonio: tu etiam vide quid te impediatur, tibi que de religiosa paupertate gratulare. 2. Eos deinde, ut plenius Deo vacarent, conclusisse se Mediolani loco angusto, ibique assiduas orationes pia lectione miscentes, ac jejunijs instantes, alijsque corporis incommodis fortiter subeundis decennium perdurasse. Tu constantiam tuam hinc confer, & vide quam cito propter incommoda à bene cæptis aut propositis deficias.

**Punct. II.** Confid. 1. Gentilium sacerdotes non ferentes hanc fratrum pie vivendi rationem, à dæmone incitatos persuasibile Aftasio Comiti in prælium profecturo, frustra eum sperare victoriam, nisi illos ad inmolandum dijs compelleret; unde collige virtutem communiter invidiæ expositam, ac Dei providentia justis tribui materiam amplioris potestatis & coronæ. 2. Evocatum proinde Gervasium, ac iussu à Comite dijs immolare pro felici victoria obtinenda, generose respondere, victoriam non ab idolis vanis & mutis, sed ab uno Deo, qui in cælis est, & à quo omne donum in terris, petendam, atque ab ejus cultu se numquam recessurum; quare plumbatis tamdiu cæsus est, dum inter verbera expiraret.

**Punct. III.** Confid. 1. Evocatum postea etiam Protasium, cui cum miseriam suam Comes exprobraret, pari fortitudine respondisse, se miseria nulla vexari, sed gaudere certa spe supremæ felicitatis, atque æternæ beatitudinis; illum autem verè miserum, qui verum Deum unicum felicitatis fontem non agnosceret. 2. Acrius deinde correptum quasi de pervicacia ac mentis cæcitate reposuisse, nulla se pervicacia aut iracundia in eum commoveri, neque etiam laborare mentis cæcitate, sed ejus induratum, cæcitatem se unicè dolere; pro qua tamen tollenda, exemplo Christi pro crucifixoribus orantis, etiam cælestem Patrè esset precaturus: unde discere etiam injurias & opprobria æquo animo tolerare. 3. Eum propterea iustibus cõtusum, post edita amplissima Christianæ fortitudinis argumenta, securi percussum, cum fratre martyrij palmam consecutum; de quibus meritò *Ann 169.* Ecclesia: *Hæc est vera fraternitas, quæ nunquam potuit violari certamine, qui effuso sanguine secuti sunt Dominum.* 4. Corpora eorum deinde à S. Paulo indicata S. Ambrosio oranti, ut debita veneratione colerentur, pluribus à Deo miraculis honorata fuisse: unde discere Sanctorum reliquias pie venerari, ac Deum honorantes se etiam hinc in terris honorare, & omnibus fidelibus honorandos proponere.



201

FESTO B. ALOYSII GONZAGÆ. 21. Iunij. I.

**Punct. I.** Confid. 1. B. Aloysium Marchionis Castilionensis in Mantuana ditione filium primogenitum, Romani Imperij Principem, à prima ætate pietatis studiis, atque in primis cultui Deiparæ singulariter deditum, observatum aliquando salutationes ejus in singulis scalarum gradibus recitare, de eà libentissimè sermones ferere, & audire, ejusque perfectius imitandæ desiderio, anno ætatis decimo coram miraculosa ejus imagine, virginitatem ei voto dicasse, quam sine ullo libidinis sensu integram semper servavit. 2. Conf. Eum hoc virginitatis tuendæ studium sic orationis præsidio stabiliisse, ut plures ei quotidie horas impenderet, nec ab ea sive deliciis paternæ domus, sive irritamenti aulæ apud ducem Hetruriæ, Mantuæ, Regemque Hispaniæ avocaretur, ubi quinas & ultrà non rarò ei indies dabat; non sine pio ac suavi lacrymarum fluxu. 3. Orationi jungebat vitæ austeritatem, atque in primis abstinèntiam, quot hebdomadis ternam, sic ut feria 6. præter panem & aquam admitteret nihil, idque per annos plures: carnem suam toties etiam per hebdomadam flagris severè excipiebat; ultimis verò annis in sæculo quotidie, ac tandem tertio noctis inter & diei spatium, quo spectaculo parentis animum sibi in Societate inèunda obnitentem, tandem etiam emollivit.

**Punct. II.** Confid. 1. Eum jam Societatem ingressum, anno ætatis 18. abdicato Marchionatu ac fortune avidius, quàm eas alij ambiant, hoc cavisse in primis, ne ulla umquam in re eximius haberetur, omnem singularitatem, in tenera licet valetudine maximè averfatus: imò & humilia officia ea obibat alacritate, ac si in illis semper educatus fuisset. 2. Id etiam à principio studiosissimè cavit, ne quid ex iis, quæ regulis, vel Superiorum statutis præscribebantur, vel levissimum prætermitteret; unde neque umquam visus est, quod jurati plures asseruere, regulam aliquam vel mandatum transgredi; imò neque ipse sub vitæ finem alicujus transgressi conscientiam habuit, sibi aliisque persuadens in eorum observantia, sanctitatis perfectionem consistere.

**Punct. III.** Confid. 1. Eum in Philosophiæ ac Theologiæ deinde studio, ingenij, quæ valebat, præstantiam cū diligentie, pietatis, ac modestiæ studio sic cōjunxisse, ut vel aspectus ejus socios ad virtutem excitaret, juxta illud: *Qui timent te, videbunt me, & latabuntur.* 2. Actiones omnes secundum rationem. Ps. 118. 74. rationes non temporales, sed æternas instituebat, variis virtutum affectibus exornatas. 3. Humilitatis studio in victu, vestitu, & habitatione sibi vilissima deposcebat, ratus hæc sibi ut omnium vilissimo maximè competere. 4. Corporis austeritatem, non nisi ex Superioris præcepto temperabat, dicens ex ejus intermissione naturam egrè in virtutum studio contineri, sed ad veterem hominem deficere: quare jacturam illam aliis pietatis officiis compensare satagebat.

## FESTO B. ALOYSII GONZAGÆ. 21. Iunij. II.

**Punct. I.** Confid. 1. Amorem ejus erga Deum, unde hoc obtinuerat, ut quocumque se verteret, numquam Dei præsentis memoriam depoleret, ac fateretur non minorem sibi fore difficultatem in mente à Deo avocanda, quàm aliis esse possit in ea Deo jungenda; nam verus amor numquam satiatur præsentia ejus quem amat. 2. Hinc recreationis tempore, affectu tanto loquebatur de Deo, ut plures certatim se ei adjungerent, colloquium ejus exposcentes; nam verus amor de nullo libentiùs loquitur, quàm de amato. 3. Hinc etiam studiosissimè cavebat, ne vel levissima culpa Deum offenderet, sic ut socij ejus plures etiam jurati affirmaverint, se numquam in eo vel umbram delicti observare potuisse; nam verus amor cavet in omnibus displicere amato.

**Punct. II.** Confid. 1. Amorem ejus erga Ven. Eucharistiam in hoc imprimis enituisse, ut coram ea orationem fundere singulari pietatis sensu & oblectamento appeteret: quare & eo potissimum habitu illam submisisset adorantis, depingendum in tabulis placuit. 2. Post eam Dominico die receptam, sic hebdomadam quamlibet partiebatur, ut tres ferias proximas tribus SS. Trinitatis personis sigillatim gratias agendis de eo beneficio consecraret, tres verò posteriores auxiliis implorandis ab iisdem divinis personis, pro digniori ad eam præparatione. 3. Pridie ejus diei eo ardore de illa differabat, ut plures sæpiùs asseruerint se nūquam majorem pietatis sensum ex sacra Communione retulisse, quàm cum ipsum de ea pridie differentem audivissent.

**Punct. III.** Confid. 1. Amorem ejus erga Christum patientem, cui se conformare quàm maximè studebat, sic ut capitis dolorem, qui eum tota vita plurimum exercuit, proposito sibi capite Christi spinis coronato, non patienti tantum, sed & læto animo constanter perferret. 2. In extremo morbo, quem ex obsequio ægrorum in hospitali contraxerat, è lecto, dum poterat, ad crucifixi in mensa positi amplexus & oscula adrepebat: morbo deinde ingravescente, cum ad oblatam sibi crucifixi effigiem caput detexisset, monitus de eo tegendo: *Christus, inquit, in cruce moriens capite operto non fuit.* 3. Extremo vitæ triduo crucifixi effigiem perpetuò appressam pectori tenuit, iteratis piissimis affectibus, dū spiritū Deo redderet.

**Punct. IV.** Confid. 1. Quàm jucunda & segura mors vitam piissimè adā exceperit; nam cognito divinitus mortis die, lætum sibi nuncium mox cum socio communicans, eum ad persolvendas Deo pariter grates hortatus est, hymno *Te Deum laudamus.* 2. Alterum deinde in cubiculum ingredientem, ex gaudij plenitudine alloquitur: *Pater mi, lætantes imus, lætantes imus. Cupio dissolvi & esse cum Christo.* Dum tandem viatico atque indulgentia Plenaria à Pontifice munitus, anno religionis sexto, ingeminans illud: *In manus tuas Domine, spiritum illi redderet.*

Phil. 1. 23.

Ps 39. 6.

A. Chr. 1591.

Æt. 44.

VIGILIA



VIGILIA S. IOANNIS BAPTISTÆ. 22 Junij. <sup>24 Septem.  
in Hebron.</sup>

*Nunciatur ab Angelo natiuitas Ioannis, cum ejusdem elegijs. Luc. 1.*

**Punct. I.** Confid. 1. Vitæ sanctitatem Zachariæ & Elisabethæ parentum Joannis Baptistæ, hîc nobis ad imitandum propositam. *Erant justiambo ante Deum, incedentes in omnibus mandatis & justificationibus Domini, sine querela:* quare tu etiam sectare virtutes non coràm hominibus tantùm, ut hypocritæ faciunt, sed coràm Deo inspectore cordium; observa ejus præcepta, nō aliqua, sed ut ipsi, omnia, nec tantùm graviora, sed & leviora, etiam ceremonias, regulas, ordinata, ac nutus Superiorū, idq; sine justa cuiusquā querela, nemini præbens causam offensę. 2. Post plures annos ab eis in ea vitæ sanctitate constanter transactos sine prole, apparuisse Angelum Gabrielem Zachariæ in templo ad altare intento, ac discusso timore, lætum nuncium significasse, *Exaudita est deprecatio tua*, non tantùm pro filio nascituro, sed & tali qui eximiis prerogativis compensabit diuturnam patientiam: Tu si orationes tuas velis a Deo exaudiri, vitam istorum imitare. 3. Subdit: *Et erit gaudium tibi & exultatio, & multi in nativitate ejus gaudebunt:* Cave igitur ne animum despondeas in afflictione, sed patienter expecta cæleste auxilium, quo luctus tuus vertatur in gaudium.

**Punct. II.** *Erit enim magnus coram Domino.* Confid. 1. Enunciari hîc etiam ab Angelo peculiare gaudij causam, eò quòd filius ille potiturus sit magnitudine atque excellentia, ad quam omnes adspirant, non vana sita in hominum æstimatione, sed verà apud Deum & Angelos: talem etiam magnitudinem tu sectare; nam, ut rectè S. Franciscus, *tantus quisque est, quantus coram Deo est, & non amplius.* 2. *Et vinum & siceram non biber.* Addit vitæ ejus asperitatem, sic ut abstenturus etiam sit ab omni quo posset inebriari: unde & tu discite mortificationem sensuum. 3. *Et Spiritu sancto replebitur adhuc ex utero matris sue.* Declarat affluentiam opū ejus cælestium, quibus non solum, sed etiam ante nativitatem suam ditabitur: iis opibus etiam tu stude ad exortum cujusque diēi.

**Punct. III.** *Et multos filiorum Israël convertet ad Dominum Deum ipsorum.* Confid. 1. Hîc quartam gaudij causam, nempe singularem zelum honoris divini, quem & in te excita. 2. *Et ipse precedet ante illum in spiritu & virtute Elie.* Ecce quintam causam officium Præcursoris, quod sicut obibit Elias ante postremum Messię adventum in fine mundi terribilem, ita & hic ante primum ac benignum, pari cum Elia fervore spiritus, & animi fortitudine; quem fervorem & fortitudinem etiam in te suscita. 3. *Ut convertat corda patrum in filios, & incredulos ad prudentiam justorum.* Hic finis & scopus est quò collimabit, ut fidem & affectum Patrum erga Messiam omnibus inculcet, atque ita eos disponat ad eum dignè & cum fructu excipiendum: eodem & te excita.

## IN NATIVITATE S. IOANNIS BAPTISTÆ. 24. Iunij. I.

*Nascitur Ioannes, & parens eius loquelam recipit. Luc. 1.*

**Punct. I.** *Ioannes est nomen ejus.* Confid. 1. Nato Joanne advenisse vicinos & cognatos ejus parentibus congratulantes; unde disce etiam gratulari aliis dona Dei tam corporalia, quam spiritualia, quod proprie Sanctorum est, & cave invidere, quod dæmonibus est proprium. 2. Cum nomen esset imponendum, placuisse amicis nomen parentis Zachariæ, sed & hunc & matrem prætulisse nomen Joannis ab Angelo datum: ubi disce sequi voces non mundi aut amicorum, sed Dei & Angelorum. 3. Merito impositum ei nomen *Ioannes*, quod gratiam significat, eò quod ipse nuntiaturus esset fontem gratiæ in totum genus humanum diffundendæ, atque in hunc finem ea copiosius super omnes Prophetas esset replendus adhuc in utero, eamque; deinde constanter aucturus per exercitia virtutum: unde etiam disce nomen Christiani ac patroni tui virtutibus exprimere.

**Punct. II.** *Quis, putis, puer iste erit?* Confid. 1. Rationes admirationis fuisse stupenda miracula; nempe conceptionem à matre sterili in ætate senili, eamque ab Angelo cum singularibus præconiis prænunciatam, sanctificationem ejus & exultationem in utero, linguam patris prius impeditam, atque in nativitate solutam: ubi attende quomodo ipse expectationi de se concitata deinde responderit. 2. Laudatum fuisse Joannem non tantum à propinquis, sed à Propheta *Angelum* appellatum, ab Angelo Gabriele *Magnum coram Domino*, ac potissimum à Christo de constantia, non esse *arundinem vento agitatam*; de vitæ austeritate, non esse *hominem molibus vestitum*, ac munere præcursoris superare Prophetas; denique quo *non surrexit inter natos mulierum major*. 3. *Etenim manus Domini erat cum illo*: ubi attende exprimi fontem hujus benedictionis in Joannem; nempe, paternam Dei providentiam, curam, & favorem: quo affulgente magna merito expectanda sunt, ubi quis strenuè eis fuerit cooperatus.

**Punct. III.** *Puer autem crescebat & confortabatur spiritu.* Confid. 1. Crevisse Joannem statim ab ipsa sanctificatione magnis incrementis per ferventes actus virtutum, cum simul donatus esset usu rationis, quem & deinde retinuit. 2. Sic confortatum in spiritu, ut ne vel levi culpa toto vitæ spatio Deum offenderit. 3. *Et erat in deserto usque in diem ostensionis suæ ad Israël.* Ubi Confid. Abductum eò à matre adhuc infantem ob persecutionem Herodis, eoque deinde ablactatum recessisse, ubi cælestem cum solo Deo & Angelis vitam instituit, singulari asperitate in victu, vestitu, ac somno. 4. Tandem anno ætatis 30. progressus, Doctor populi, timore gehennæ, ac spe cælestis gloriæ exstimulavit omnes ad fidem & amorem erga Messiam; virginitatem voto firmatam servavit illibatam. Martyr denique pro castitate & fide, triplici aureola insignis jam fulget in cælis: quare stude quotidie exempla virtutum ejus imitari.



## IN NATIVITATE S. IOANNIS BAPTISTÆ. 24. Iunij. II.

*Zacharias recepto usu linguae Deum laudat de adventu**Messiae, & filio præcurfore. LUC. I.*

**P**unct. I. *Benedictus Dominus Deus Israel.* Conf. Zachariam hîc recepta lo-  
 quela, ac spiritu prophetiæ donatum, primitias loquelæ suæ Deo of-  
 ferre, eiq; gratias agere, primùm de salute præstanda humano generi per  
 adventum Messiae, deinde de filio sibi dato in ejus præcurforem. Tu etiam  
 offer Deo primitias actionum, eiq; gratias age de collatis tibi beneficijs.  
*Quia visitavit, & fecit redemptionem plebi suæ.* Ipse non per angelum aut lega-  
 tum, sed per seipsum venit visitare electum populum suum, tanquã me-  
 dicus ægrum destitutum, ac captivum sub jugo peccati. *Et erexit cornu sa-  
 lutis nobis in domo David pueri sui.* Potentiam in familia Davidica prius vigen-  
 tem, sed deinde collapsam, ipse nobilius ac melius restauravit ad nostrã  
 salutem. *Sicut locutus est per os sanctorum, qui à sæculo sunt, prophetarum ejus.* Idque  
 secundum promissã suã per prophetas inde à multis sæculis data, *Salutem  
 ex inimicis nostris, & de manu omnium qui oderunt nos.* protecturus nos contra ini-  
 micos omnes dæmones, & homines improbos; parum enim prodesset  
 hostes aliquos, aut vitia superare, nisi omnia superentur, idque ad fa-  
 ciendam misericordiam cum patribus nostris, & memorari testamenti sui. Causã Gen 12. 16.  
 subdit, nempe singularem Dei misericordiam, ac fidelitatem in præ-  
 stando pacto cum Abrahamo & Patriarchis inito, etiam juramento  
 firmato. *Ut sine timore de manu inimicorum nostrorum liberati, serviamus illi.*  
 Ecce bona ex adventu Messiae secutura; nempe perfectam liberta-  
 tem, qua depulso acerbissimo jugo hostium nostrorum, securi respire-  
 mus, sub tutela supremi Regis, in sanctitate erga ipsum per orationem, &  
 iustitia erga proximum per caritatem, & erga nos per affectuum mortifi-  
 cationem, coram ipso omnibus diebus nostris, cum perseverantia usque ad vi-  
 tæ finem.

Punct. II. *Et tu Puer propheta Altissimi vocaberis: præibis enim ante faciem Domini  
 parare vias ejus.* Alloquitur infantem, quia ratione utentem, ei que signifi-  
 cat demandatum munus præcursoris Messiae. *Ad dandam scientiam salutis ple-  
 bi ejus, ut doceat eos à solo Messia salutem sperare & quærere.* Per viscera  
 misericordiae Dei nostri, in quibus visitavit nos oriens ex alto. Quæ eximia beneficia  
 tribuenda non sunt meritis nostris, sed puræ misericordiae Dei. *Illuminare  
 his qui in tenebris, & in umbra mortis sedent, ad dirigendos pedes nostros in viam pacis.*  
 Venit ille velut sol ex alto, ut nos errorum tenebris atque extremis mise-  
 rijs immeris, illuminaret, ac liberaret, viamque securam ostenderet, ac  
 præiret nobis ad cælestem beatitudinem.

## FESTO SS. IOANNIS ET PAULI. 26. Iunij.

**P**unct. I. Conf. 1. SS. Ioannem & Paulum Romanos, fratres germanos, domesticos pijsimę virginis Cōstantię Cōstātini Imp. filię, comites deinde dātos Gallicano exercitus Cæsarei Præfecto ad bellum Scythicum profecturo, cui ab hoste ibi arctissimè obfesso & in manifesto discrimine versanti fratres illi pro sua in Deū fiducia ac zelo suaserunt: & persuaserunt fidem Christi amplectendam, dicentes: *Fac votum Deo cali, & eris victor melius quàm fuisti.* 2. Eum edito voto de fide amplectenda, mox hujus virtutem illustri & inexpectata victoria prodigiosè expertum; quam fidem proinde adeò ardentè amplexus est, ut victor in urbem reversus, abdicatis honoribus, Xenodochio ac duobus templis splendidè exstructis ac dotatis, patrimonium reliquū amplissimum in pauperes erogaret, illis & peregrinis ministraret, ac pedes ablueret, Deo interim hæc humilitatis obsequia miraculis illustrante, dum tandē sub Iuliano Imperatore ob susceptā fidem securi percussus, martyrij coronam obtinuit, pridie obitus horum Martyrū: imitemur & nos hujus in Christiana fide fervorem.

Offic. Eccl.

Punct. II. Confid. 1. Hos fratres, cū facultates amplas sibi à Constantia in morte relictas etiam in pauperes erogare cōpissent, mox à Iuliano Imperatore ijs opibus inhiantē invitatos in numerum suorum familiarium, sed libere negasse se apud eum esse velle, qui à Iesu Christo defecerat, neque propolitis sibi ab eo favoribus aut minis dimoveri à sententia potuisse, dicentes: *Nos unum Deum colimus, qui fecit cælum & terram.* Hinc disce etiā favores & minas humanas divinis postponere. 2. Præfinito eis deinde decem dierum spatio ad deliberandum, eos interim reliquas omnes facultates in pauperes distribuisse, ut sic ad iter in cælum essent expeditiores: ubi etiam in te excita amorem & studium paupertatis. 3. Terentiano Prætoriae cohortis Præfecto die decimo ad eos misso cum Iovis effigie, ut eam jussu Iuliani Imperatoris venerentur, aliās morte multandos, eos pari constantia, prout erant orantes, respondisse: *Si tuus Dominus est Iulianus, habeto pacem cum illo, nobis alius non est, nisi Dominus Iesus Christus.*

Anno 362.

Punct. III. Conf. 1. Terentianum veritum sibi à commotione populi, si publicè necarentur, cū ob singulares virtutes passim in amore essent & æstimatione, jussisse eos domi suę privatim capite plecti, ibique sepultis, rumorem sparsisse, eos in exilium amandatos: ubi attende nequitiam semper esse timidam, nec esse consilium contra Dominum. 2. Hinc mortem eorum à malignis spiritibus in obfessis corporibus evulgatam; cumque inter hos esset etiam Terentiani filius unicus à dæmone obfessus, perductus ad Martyrum horum corpora, ac mox liberatus, & ipse, & parens ejus hoc miraculo permoti, fidem Christi amplectentes, delictorum veniam supplices precati sunt: attende & tu qua promptitudine Dei mōnitis obsequaris.

VIGILIA



## VIGILIA SS. APOST. PETRI ET PAVLI. 28. Iunij.

*Christus Petro commendat oves, & mortem prædicit. Ioan. 21.*Anno 34.  
Aprili ad  
mare Gal.

**P**unct. I. *Simon Ioannis diligis me plus his?* Conf. 1. Christum commissurum Petro prælaturam universalem Ecclesiæ, prius examinare eum in charitate, ut ostendat prælatos hac debere alijs præcellere, nec velle se cuiquam committere fideles suos nisi amanti. 2. *Dicit ei: Etiam Domine, tu scis quia amo te.* Petrus edoctus infirmitatem suam recenti lapsu modestius respondet, nec audet se alijs in amore præponere, sed eum refert ad Christum; vide an & tu cum Petro idem dicere possis. 3. *Dicit ei Iesus: Pasce agnos meos.* significans amorem erga se exhibendum esse in cura suorum fidelium, quos inquit *pasce*, teu rege ut pastor bonus, cuius est exponere etiam vitam temporalem pro eorum spirituali. *Agnos*, vocat fideles ex materno in eos affectu, ob vitæ novitatem & innocentiam, dum per baptismum regenerantur.

Punct. II. *Dicit ei iterum: Simon Ioannis diligis me?* atq; idem ut supra utrimque reponitur. Conf. 1. Christum iterum exigere à Petro declarationem amoris sui, & inculcare ut hunc impendat erga suos fideles, in quo ostendit suam erga nos omnes dilectionem. 2. *Dicit ei tertio: Simon Ioannis amas me?* voluit Christus palam ostendere, Petrum hac trina declaratione amoris abundè eluisse maculas trine negationis, & prælaturam animarum debere esse fundatam in vera charitate per triplicem viam, purgativam, illuminativam, & unitivam. 3. *Contristatus est Petrus, quia dixit ei tertio: amas me? & dixit ei: Domine tu omnia nosti, tu scis quia amo te.* Redditur negationi trina trina confessio, ne minus amoris lingua serviat, quam timori, & plus vocis elicuisse videatur mors imminens, quam vita præsens. 4. *Et dixit eis Pasce oves meas.* Per oves intellige robustos in fide & aliorum curæ sub universali pastore præpositos, ut sunt ceteri Apostoli, & discipuli, successuri deinde pastores & religiosi, omnes velut matres fidelium. Hinc collige primatum Petri in omnes fideles. Trina autem illa commendatione fidelium monet Christus *Pasce mente, ore, & opere; animi oratione, verbi exhortatione, & exempli exhibitione.* August.

Punct. III. *Cum esses junior, cingebas te, & ambulabas ubi volebas: cum autem senueris, extends manus tuas, & alius te cingat, & ducet quod tu non vis.* Conf. 1. Christum hinc consolari Petrum tristem & sibi de amore diffidentem, eiq; promittere in præmium curæ Pastoralis mortem sui amore & exemplo in cruce obeundam. 2. Ostendit duo genera passionum, alias sponte susceptas, ut voluntarias mortificationes, quas, inquit, prius suscepisti, alias verò ab alijs inferendas, quæ manent te in supplicio crucis, gratæ quidem spiritui, sed carni contrariæ. 3. *Hoc autem dixit significans qua morte esset clarificatus Deum.* Vnde collige gloriosum esse, pati & mori pro Christo, & discere gaudere cum te participem facit crucis suæ per afflictiones, morbos, & tribulationes.

FESTO

## FESTO SS. PETRI ET PAULI 29. Iunij.

**Punct. I.** Confid. i. S. Petrum natione Galilæum, Bethsaidæ piscatorem, primùm ab Andrea fratre natu majore ad Christum fuisse adductum, qui perispecta ejus animi fortitudine in rebus arduis perfringendis, id quod ab æterno decreverat, commutato nomine ejus Simonis in Petrum, ostendit jam tum se eum in fundamentum Ecclesiæ suæ destinare : deinde cum utrumque ad sequelam suam vocaret, *illi continuo relictis retibus secuti sunt eum.* Tu etiam Christianum nomen virtutibus exprime, Deumque vocantem sequere. 2. Conf. Eum postea individuum comitem Christo constanter adhæsisse, etiam ad arcana spectanda præ ceteris assumptum, tum in transfiguratione Christi, tum in suscitatione filii Principis à morte, tum in extrema agonia: unde discite etiam Christo per rationem & virtutum studia constanter adhærere, ut particeps etiam esse possis arcanorum.

**Punct. II.** Confid. i. Profundam Petri humilitatem, cum in piscatu Christum agnoscens, *procidit ad genua ejus, dicens: Exi à me, quia homo peccator sum Domine.* Et cum in cæna ultima Christo volenti sibi pedes lavare ait: *Domine tu mihi laus pedes:* Idem & tu applica tibi, cum Christus in Eucharistia ad te descendit. 2. Conf. Firmam ejus fidem, cum in eodem piscatu dixit Christo: *In verbo tuo laxabo rete.* Cum ad vocem ejus: *Veni, descendens de navicula ambulabat super aquam:* ac potissimum cum hanc fidem suam palam intrepidè professus est dicens: *Tu es Christus filius Dei vivi.* qua & meruit tunc Principatum Ecclesiæ sibi promitti. 3. Confid. Ferventem amorem ejus erga Christum, quem ostendit, cum Christo ob aliquorum defectionem interroganti: *Numquid & vos vultis abire?* reposuit: *Domine ad quem ibimus? verba vite æternæ habes.* Cum lapsus suum ad vocem ancillæ assiduus lachrymis reliqua deinde vita deslevit; ac potissimum cum rogatus tertio à Christo num se plus ceteris Apostolis diligeret, respondit: *Domine tu scis quia amo te.*

**Punct. III.** Confid. i. Ardentem zelum S. Petri, quò post acceptum Spiritum sanctum, ipso die primus omnium mysterium crucis Judæis exposuit tanto ardore, ut ad tria millia fidei Christi adjungeret, & altero die quinque millia: prohibentibus verò Principibus Judæorum hanc Christi prædicationem, Apostolicâ libertate respondit: *Si justum est in conspectu Dei vos potius audire quam Deum, judicate; non enim possumus quæ vidimus, & audivimus non loqui.* 2. Hunc zelum ejus stupendis miraculis à Deo illustratum, ita ut in plateis ejicerent infirmos & ponerent in lectulis ac grabatis, ut veniente Petro, saltem in brachiis obumbraret quemquam illorum, & liberarentur ab infirmitatibus suis, qui cæci abantur omnes.

Vide alteram de Evangelio Festo Cathedræ Antiochiæ, 22. Februarij.



## FESTO SS. APOST. PETRI ET PAULI. 29. Iunij. II.

**P**unct. I. Confid. 1. S. Petrum Romæ in culmine politici imperij fixa pariter sede Christiani Principatus, inde in totius Ecclesiæ curam sedulo incubuisse, eamque insigni prudentia, zelo, ac fortitudine gubernasse, missis Sacerdotibus & Episcopis in varias orbis provincias ad Christi fidem propagandam. 2. Acre illi certamen ibi fuisse cum Simone Mago, cœptum jam inde à pluribus annis in Samaria, ubi eum potentem etiam oblato pretio facultatem conferendi Spiritum sanctum, Petrus redarguit: *Pecunia tua tecum sit in perditionem, quia donum Dei existimasti pecunia possideri.* Inde magicis artibus se altiora, imò & divinam gloriam superbo volatu sectantem Petrus oratione sua in terram publicè prostravit, unde fractis cruribus altero die infelicem spiritum exhalavit: Attende hinc fervorem & efficaciam orationis Petri, & exitum superbiz. Act 8 19.

**Punct. II.** Confid. 1. Hunc lapsum Simonis Magi permovisse Nerone Imperatorem, cui is percarus fuerat, ad Petrum & Paulum tanquam capita Christianæ religionis custodiæ mancipandos, eoque pondus addidisse duas pellices per ipsos à Nerone ad Christi fidem, & castitatis observantiâ adductas; adeoq; non pro fide tantum, sed & castitate tuenda, exemplo Joannis Baptistæ, martyrij palmam consecutos. 2. Confid. Petrum in carcere nihil de solito fervore remisisse, sed & ibi assignatos sibi custodes ad Christi fidem, quam postea præcipui suo sanguine firmarunt, convertisse, eosque fonte ibi de petra subito scaturiente baptisasse. 3. Confid. Eum, cum victus suorum precibus, quantumvis martyrij cupidissimus, se è carcere subduxisset, & Christum sibi mox obvium interrogasset: *Domine quò vadis?* respondente illo: *Venio Romam iterum crucifigi:* cognita inde Christi voluntate de se tanquam in membro suo crucifixione, carcerem ultro repetiisse: unde disce etiam in arduis exequi divinam voluntatem.

**Punct. III.** Confid. 1. Lata tandem post novem mensium captivitatem in utrumque sententia mortis, crucis in Petrum ut Judæum, gladij verò in Paulum ut civem Romanum, utrumque prius de more acriter virgis casum, propinquæ palmæ prælusisse. 2. Extra portam deductos ad supplicium, propter fidelium aïluxum, iustos separari diverso loco plectendos, ibi dato mutuo amplexu, jucundum vale invicem dixisse, mox in cælesti gloria sibi adventum pariter & victoriæ palmam gratulatu- Anno 67.

3. Petrum in editiore colle Montis Vaticani, qui mons Aureus dicitur, crucifixum, gaudio cælesti perfusum, eò quòd liceret sibi in mortis supplicio Dominum ac Magistrum suum imitari, sed ex modestiæ studio li-ctores exorasse, ut se pedibus sursum porrectis, versoque deorsum capite in crucem agerent, ut sic saltem corporis situ servus à Domino discreparet: disce hinc humilitatis exercitia etiam cum incommodo obire.

## COMMEM. PAULI. 30. Iunij. I.

**Punct. I.** Confid. 1. S. Paulum jam vocatum à Christo è cælis glorioso, in via Damascena, ac subito è lupo in agnum conversum, post acceptam instructionem aliquam ab Anania, mox impensè cooperatum fuisse divinæ gratiæ; nam continuo convalescebat & confundebar Iudeos, & bene cœptis insistens ait: *Gratia ejus in me vacua non fuit, sed abundantius illis omnibus laboravi.* 2. Confid. Quantos labores, afflictiones, & pericula semper alacer pro Christo sustinuerit: *In laboribus plurimis, in carceribus abundantius, in plagis supra modum, in mortibus frequenter, à Judæis quinquies, à Romanis ter virgis cæsus, semel lapidatus, ter naufragium fecit, &c.* unde disce saltem leviora pro Christo pati.

**Punct. II** Confid. 1. Ejusdem singulares virtutes, ac I. humilitatem; unde ait: *Ego sum minimus Apostolorum, qui non sum dignus vocari Apostolus, quoniam persecutus sum Ecclesiam Dei.* Christus venit in hunc mundum peccatores salvos facere, quorum primus ego sum. 2. Patientiam: *Maledicimur & benedicimus, persecutionem patimur & sustinemus, blasphemamur & obsecramus.* 3. Peritiam: *Castigo corpus meum, & in servitutem redigo: In fame & siti, in jejuniis multis, in frigore & nuditate.* 4. Castitatem: *Volo omnes vos esse sicut meipsum.* 5. Contemptum respectus humani: *Si adhuc hominibus placere, Christi servus non essem: Mihi pro minimo est ut à vobis judicer, aut ab humano die.* 6. Caritatem in proximum: *Optabam ego ipse anathema esse à Christo pro fratribus meis: eamque puram: Non quero vestra, sed vos.* & universalem: *Omnibus omnia factus sum, ut omnes facerem salvos.* 7. Denique caritatem erga Christum: *Quis nos separabit à caritate Christi? tribulatio, an angustia, an fames? &c.*

**Punct. III.** Confid. Ad has singulares virtutes etiam singularia Dei dona accessisse, ac I. doctrinam non ab homine, sed divinitus acceptam; nam raptus ad tertium cælum audivit arcana verba, quæ non licet homini loqui. 2. Eloquentiam, de qua ait: *Sermo meus, & prædicatio mea non in persuasibilibus humana sapientiæ verbis, sed in ostensione spiritus & virtutis;* unde quot verba tot sagittas & tonitrua in corda movebat. 3. Miracula stupenda & propè innumera, ita ut etiam sudaria ejus & lintea tactu suo morbos & malignos spiritus è corporibus depellerent. 4. Conscientiæ securitatem, qua post omnes propè orbis provincias Evangelij luce illustratas, instante laborum mora ait: *Bonum certamen certavi, cursum consummavi, fidem servavi, in reliquo reposita est mihi corona justitiæ.* 5. Causam mortis eandem illi fuisse cum S. Petro; propter si sem nempe & castitatem; in ipso autem supplicio, id singulare accidisse, ut è præciso capite pro sanguine lac flueret, in symbolum innocentiae, & castitatis, illudque tertio sacrum Jesu nomen palam proclamaret, & toties è terra subsiliens, totidem ibi fontes excitaverit, eamdem miraculis celebres: Imitare ex eo Apostolicas ejus virtutes, si præmia secteris.

COMMEM.



# COMMEM. S. PAULI. 30. Iunij. II.

Et S. Barnabæ 17. Junij.

211

Anno 22.  
Julio id.  
Galilæa.

*Christus prædicat Apostolis persecutiones. Matt. 10.*

**P**unct. I. *Ecce ego mitto vos sicut oves in medio luporum.* Confid. 1. Christum Apostolis jam instructis à se cælesti armatura cum potestate miraculorum hic patentes tradere suæ missionis, *Ecce ego mitto vos.* Ego, qui mihi Prophetas, eos dirigens, protegens, ac feliciter promovens, idem & vos mitto, non minùs vobis, quàm illis adfuturus; quò humanum timorem illis excutit, & fiduciam in se provocat. 2. Modum tradit, quò se gerere debeant, nempe *sicut oves*, non cum lupo uno alteròve, sed *in medio luporum*, ac proinde ut allumant exemplo suo ovium innocentiam, & mansuetudinem, qua adversarios omnes sicut lupos indomitos non solum superaturi sint, sed etiam in oves converturi: id quod Christi potentiam & gloriam, atque etiam suorum maximè illustravit. 3. Insuper inquit *Estote prudentes sicut serpentes, & simplices sicut columbæ*: sicut serpens valet calliditate ut noceat aliis, & sibi caveat, caput defendat objectu corporis, obturet aures còtra incantatores: ita ut & ipsi valeant ad alios salvandos, ac spiritui suo ante omnia caveant ne lædantur vel seducantur: deinde ut sicut columbæ careant felle amaritudinis, sint sinceri, simplices, & veraces sine fuco ac dolo.

**Punct. II.** *Tradent vos in Conciliis, & in Synagogis suis flagellabunt vos, & ad Reges & Præsides ducemini propter me.* Ubi Confid. 1. Christum prædicere eis etiam sigillatim adversa, ne ab iis incauti opprimantur, nec putent hæc ex ignorantia aut infirmitate Christi accidere; mitigat tamen cum addit *propter me*; nam ingens est solatium pati pro Christo. *Ibant Apostoli gaudentes à conspectu concilij*, quoniam digni habiti sunt pro nomine Iesu contumeliam pati. 2. Cum autem tradent vos, nolite cogitare quomodo, aut quid loquamini. Verat iis non diligentem præparationem aut prudentem præmeditationem, sed anxietatem & pusillanimitatem, ac commendat fiduciam in Deo, maximè sub tempus dictionis: *dabitur enim vobis in illa hora quid loquamini; non enim vos estis qui loquamini ex humana sapientia & affectu, sed Spiritus Patris vestri qui loquitur in vobis*, suggerens sapientiam & eloquentiam, & animi robur.

**Punct. III.** *Tradet autem frater fratrem in mortem, & pater filium, & eritis odio omnibus propter nomen meum.* Conf. 1. Augeri hic iterum persecutiones tum à consanguineis, à quibus major benevolentia erat expectanda, tum ab hostium multitudine, sed Dei timorem & amorem omnibus esse anteponendum: *Quis est qui vobis noceat, si boni emulatores fueritis?* Attende hic etiam quemvis posse spirituale martyrium subire resistendo pravis affectibus, qui nos velut tyranni persequuntur. 2. *Qui autem perseveraverit usque in finem, hic salvus erit.* De quo Bernardus: *Tolle perseverantiam, neque quibet mercedem, neque beneficium gratiam, neque locum fortitudinis.*

De 2

FESTO

## FESTO S. RUMOLDI. 1. Julij.

**P**unct. I. Confid. 1. S. Rumoldum Regis Scotiæ filium unicum ab ipsa infantia futuræ sanctitatis dedisse præludia, cum etiam tum ter in hebdomade maternis uberibus abstineret; quam jejunandi consuetudinem reliquo vitæ tempore constanter servavit. 2. Eum primum sub Episcopi Dublinensis disciplina in pietate instructum, inde anno ætatis 15. ad patris regiam evocatum, omnem regni pompam, & aulæ vanitates aspernantem, totum se orationi cum Deo & misericordiæ operibus impendisse. 3. Accedente mox matrimonij illecebra, illudque urgentibus cum parente regni primoribus generose respondisse, fixum sibi esse, spretis mundi honoribus & carnis voluptatibus in paupertate & castitate Christo servire, ejusque regnum hinc in terra pro viribus promovere.

**Punct. II.** Confid. 1. Mortuo deinde Episcopo, eum divino monitu à clero in succellorem unanimiter electum: quod licet præ modestia primum detrectaret, agnita tamen Dei voluntate se ei submisisse, & suscepto muneri insigni zelo in pascendis ovibus verbo & exemplo respondisse. 2. Mortuo autem patre iterum à regni primoribus sollicitatum ad regnum capessendum, sed ab Angelo monitum se fuga inde subduxisse, ac per Angliam, Galliam, Germaniam doctrina & miraculis Christi fidem propagasse: Hinc Romam ad pia loca veneranda profectum, ibique salutis animarum promovendæ ac martyrij desiderio magis æstuantem, monitum iterum ab Angelo de petenda Brabantia, ibi eum utrumque, quod optabat, reperiunt. 3. Mechliniam igitur in Brabantiam appulsum, homines ibi rudes & incultos ad Dei cognitionem, Christi que fidem & amorem plurimos adduxisse, ac cum S. Gummaro viro vitæ sanctitate & nobilitate inclyto, haud longè inde commorante consilia communicaſſe, ac frequentes de mundi vanitatibus ac divino cultu promovendo sermones habuisse.

**Punct. III.** Confid. 1. Eum post filium Adonis Comitis, quem ei precibus suis à Deo obtinuerat, submersum, jamque iteratis precibus licet triduanum litorrat vitæ restitutum, reſectis amplis muneribus sibi ab eo oblatis, non nisi exiguum locum pro Dei cultu admisisse. 2. Intentum deinde templo ibi exſtruendo, cum operarios mercede donaturus læpius verbotalentis pasceret, & à viriſ ad virtutem hortaretur, odium incurſſe aliquorum non ferentium ſalutaria monita, adeo ut in necem ejus conſpiraverint. 3. Operas deinde de more luſtrantem, ab uno eorum ſabuli ſtrumento in capite graviter percuſſum, ex inſuſſo amplo vulnere mortuum concidiſſe, atque inde triplici aureola Martyrij, Virginitatis, & Doctoratus insignem ad celeſte regnum evolaiſſe: corpus vero in ſilmen deſectum caſtellum demonſtratum, & invertum, plurimis miraculis à Deo illuſtratum, prout, orum, um venerationi ſuſſe expoſitum.

Anno. 771.

FESTO



## FESTO VISITATIONIS B. MARIE. 2. Iulij. I. In Hebron.

Et Feria 6. 4. temporum in Adventu.

*Maria prægnans visitat cognatam Elizabetham. Luc. 1.*

**P**unct. I. *Exurgens Maria abiit in montana cum festinatione.* Confid. 1. Mariam statim à discessu cælestis nuncij, jam Deo gravidam, & ab hoc excitatam, conferre se Nazaretho in Hebron civitatem montanam Iuda, 5. dierum itinere, tum ad gratulandum cognatæ Elizabethæ conceptam prolem, & obsequia caritatis & humilitatis ei impendenda, tum ad ipsam prolem, filij sui præcursores, in utero sanctificandam. Quare & tu exurge etiam ad montana & fastigia perfectionis, libenter te junge inferioribus te, nec dedignare humilitatis obsequia. 2. *Abiit cum festinatione.* Nescit enim tarda molimina Spiritus sancti gratia. Disce & tu divinos instinctus, dum exequi potes, non differre, ac festinare potissimum ad depellendum peccatum.

**Punct. II.** *Vt audivit salutationem Mariæ Elizabeth, exultavit infans in utero ejus.* Conf. 1. insignem fructum hujus visitationis Mariæ, per filium utero conclusum; nam Elizabetham cognatam replet Spiritu sancto, & dono prophetiæ: Ioannem verò etiam utero matris clausum abluit à peccato originali, gratia exornat, & usu rationis exinde retento. Disce hinc quàm beati sint qui à Christo & Maria visitantur, & confide te ab ijs etiam quævis obtenturum. 2. Confid. Ioannem in utero jam sanctificatum præ gaudio miraculosè exultantem, convertere se ad Dominum suum in carne præsentem, eum adorare, & cum ardenti amore, & humilitate gratias agere.

**Punct. III.** Confid. 1. Elizabetham cognoscentem divina illustratione Mariam cognatam suam Deo gravidam, exclamare gratulabundam, *Benedicta tu inter mulieres*, super omnes quas terra umquam tulit felicissima, imò & cæli Domina & Regina: idque quia *benedictus fructus ventris tui*, Mundi Salvator, benedictionem suam non in te tantum, sed & in omnes nationes copiosè effusus. 2. *Vnde hæc mihi ut veniat Mater Domini mei ad me?* Ita merito Elizabetha, sed quod tu potiori jure dicere potes, cum toties non mater Domini, sed ipse Dominus Iesus Christus, & quidem jam gloriosus in Ven. Sacramento, ad te & in te descendit. 3. *Magnificat anima mea Dominum.* Confid. 1. Mariam à cognata laudatam non vices reddere in ea laudanda more sæculi, neque sibi etiam laudem arrogare, sed eam Deo, à quo omne bonum, penitus tribuere. Idem & tu imitare, ac fuge omnem adulationem & gloriam inanem. 2. Mansisse eam cum cognata quasi mensibus tribus, deserviendo ei in domesticis obsequijs, in quibus adverte quomodo invicem certatim prævenerint, quàm pia inter se colloquia miscuerint, & quantum Elizabetha ex tam diuturno Matris confortio profecerit.

## FESTO VISITATIONIS B. VIRGINIS. 2. Iulij. II.

In Canticum B. Mariæ Deum laudantis de beneficijs sibi ac  
humano generi collatis. Luc. 1.

**P**unct. I. Magnificat anima mea Dominum. Conf. B. Virginem alias in verbis parcam, hinc effusam esse in Dei laudes, & in hoc Canticum decem versuum, quasi psalterio 10. chordarum, non voce tantum, sed & spiritu exultare, ejusque gaudij ac gratitudinis decem causas exponere, tres sibi proprias, reliquas 7. omnibus communes. Equibus 1. est, *quia*, inquit, *respexit humilitatem ancillæ suæ*. Miratur Deum tantæ majestatis in se adeo vilem & abjectam benignos oculos coniecisse. 2. Quod se tot tantisque donis adimpleverit, propter quæ, inquit, *beatam me dicent omnes generationes*. Vide igitur ne tu in hac Marianæ laudis prædicatione deficias. 3. *Quia fecit mihi magna qui potens est*. Prius præparando sibi in me ab ipsa conceptione insignibus prærogativis purum habitaculum, in quo deinde carnem nostram ipse fons sanctitatis assumere dignatus est, ideoque merito ab omnibus colendus & adorandus.

Punct. II. Subenit deinde Virgo hinc alias causas omnibus communes; neque enim, inquit, in me tantum Deus liberalis fuit, aut erit, sed (quæ 4. est causa) *miserericordia ejus à progenie in progenies timentibus eum*, diffundet misericordiæ suæ radios instar Solis latissime per omnia tempora in omnes sibi non obsoletos. 5. Ob *potentiam*, quam *fecit in brachio suo*, cum ultra mirabilia ante patrata in mundi creatione, gubernatione, alijsque signis mirabilibus, nunc omnium maxime stupendum effecit, Unigeniti sui incarnationem. 6. Ob Justitiam in superbis omnibus Luciferi, Pharaone, Nabuchodonosore, alijsque superandis & illaqueandis in suis consilijs; nam *dispersit superbos mente cordis sui*.

Punct. III. Adfert 7. & 8. causam ob justitiam simul & misericordiam, cum *deposuit potentes de sede & exaltavit humiles*. Nam potentes de cælo deturbavit, & viles homines eo exexit: Iudæos etiam religione & opibus florentes potentia sua exuit, quibus ethnicos substituit. 9. Ob Paternam providentiam, qua in tempore opportuno *esurientibus implevit bonis*, cum sicut olim populum Israeliticum paverat manna in deserto, & ditaverat bonis hostium in terra promissa: ita nunc quoscumque cujuscumque nationis, avidos bonorum spiritualium implebit, alios vero sibi atque in divitijs suis confidentes spoliabit, ac nudatos dimittet. 10. Denique ob fidelitatem in præstandis promissis Abraham ejusque posteris factis, cum nunc *suscepit Israel puerum suum*, hunc populum quasi filium sibi dilectum amplexus est per Unigeniti sui ex eo incarnationem. De quo eximio beneficio nobis potissimum gratiæ quotidie agendæ circumbunt.



## OCTAVA SS. APOST. PETRI ET PAVLI. Iulij. 6.

Et Sabbato post cineres.

33. Marc' 6  
in mari Ga-  
lilææ.*Christus ambulat super aquas. Matt. 14. Mar. 6. Ioan. 6.*

**P**unct. I. Compulsi Iesus discipulos ascendere in naviculam, & precedere eum trans fretum. Confid. 1. Christum post satiatas turbas pane miraculoso, præmittere discipulos suos, ut novi miraculi patrandi occasionem inde accipiat, illos verò invitos ab eo avulsos, tum ex amore in ipsum, tum quod sibi sine eo dissiderent. 2. Et dimissa turba ascendit in montem solus orare, idque ut nos doceret etiam secessum mentis in oratione, & strepitum fugere, gratias Deo agere pro beneficijs, atque ipsi omnia tribuere.

Punct. II. Vespere autem facto, navicula in medio mari jaclabatur fluctibus; erat enim contrarius ventus. Conf. 1. Christum permisisse hanc tempestatem, tum ut suos adversis subeundis alluefaceret, tum ut eorum fiduciam & orationem provocaret. Ubi, ut notat S. Augustinus, navicula est Ecclesia, mare hoc sæculum, venti & fluctus persecutiones; illis turbatur navicula, sed non mergitur, quia mox adstet Christus. 2. Quartâ autem vigilia noctis videns eos laborantes in remigando, venit ad eos ambulans super mare. Differt Christus ad eos venire usque ad finem noctis, ut doceat etiam nos adversa constanter tolerare, adfuturum se in tempore opportuno, & tunc gratius fore auxilium. Ad punctum in medico Isa 54. 7. dereliqui te, & in miserationibus magnis congregabo te. 3. Statimque locutus est eis dicens: Habete fiduciam, ego sum, nolite timere. Ego sum Magister vester, quem nostis, cujus potentiam & beneficentiam tot miraculis experti estis: adsum vobis liberator, non everfor.

Punct. III. Respondens autem Petrus dixit: Domine si tu es, jube me ad te venire super aquas. At ipse ait: veni. Et descendens Petrus de navicula, ambulabat super aquam, ut veniret ad Iesum. Conf. 1. Petrum ex ardentiori amore & fide petiisse citius ante alios adesse Christo, atque in verbo ipsius mare calcasse. Tu calcato mundo perge ad Christum vocantem, & in verbo ejus confide, dic cum Augustino: Da Domine quod jubes, & jube quod vis. 2. Videns verò ventum validum, timuit, & cum cepisset mergi, clamavit dicens: Domine saluum me fac. Validus ventus induxit Petrum ad timorem, timor in diffidentiam, & hæc in lapsum, quo significantur infirmi in fide & spiritu. Tu cum Petro in omni difficultate clama cum fiducia: Domine saluum me fac. 3. Et continuo Iesus extendens manum, apprehendit eum, & ait illi: Modicæ fidei quare dubitasti? Hæc & tibi vacillanti applica. Et cum ascendisset in naviculam, cessavit ventus. Tu Christum invita & excipe in animam tuam cum fiducia ac reverentia, qui discussis ventis temptationum adferet serenitatem, securitatem, & gaudium, ac deducet te in portum æternæ felicitatis. Impulsus exorsus sum ut cederem, & Dominus suscepit me. Mirabiles elationes maris, mirabilis in altis Dominus.

Ps. 92. 6.

## FESTO S. BONAVENTURÆ. 14. Iulij.

**P**unct. I. Conf. 1. S. Bonaventuram in Etruria parentibus nobilitate & opibus inclytis natum, cum infans in vitæ periculum incidisset, à matre facto voto dicatum religioni S. Francisci, si sanitatem obtineret; eâ obtenta pro accepto beneficio gratum, exinceps S. Franciscum singulari pietatis affectu coluisse, ac deinde liberalibus disciplinis eruditum, abdicatis mundi illecebris, religiosum ejus institutum amplectendū, mater-num votum persolvisse. 2. In religione fuisse eum orationis ac silentij singulariter studiosum, humilitate etiam ac comitate omnibus charum, sic ut de eo pronunciaret Magister ejus in Theologia Alexander de Ales: *Hic est verè Israelita, in quo non videtur Adam peccasse.* 3. In studijs suis ad felicitatem ingenij addidisse eum & laboris & orationis constantiam, qua tantum profecit, ut post septennium Theologiam Parisijs publicè summa cum laude docuerit, & doctoratus laurea cum D. Thoma solenniter sit inauguratus. 4. Amicitiam coluit cum D. Thoma in virtutum ac doctrinæ studijs fundatam; rogatus ab eo undenam potissimum tam sublimia dogmata sua erueret, ostendit crucifixum, ad cujus pedes, & Missæ ministerium agebat se plus luminis accipere, quàm ex labore studendi. Tu attende ut & tales sint amicitia tua & studia.

**Punct. II.** Conf. 1. Vulgata fama doctrinæ ejus & sanctitatis, delatum sibi à Pontifice Archiepiscopatum Eboracensem in Britannia enixè deprecatur, præposita illi religiosa paupertate & humilitate. 2. In Generalem Ordinis sui, quantumvis invitum assumptum, anno ætatis 35. singulari prudentia zelum religiosæ disciplinæ eum spiritu mäsuetudinis temperasse, atq; in omni difficultate ad Deiparam velut cōmune per fugium cōfidenter recurrisse. 3. Cum dies aliquot Eucharistiæ sacramento ex humilitate abstinuisset, sacrificio præsens post fractionē hostiæ, hujus parte per Angelos ori suo imposita, gratijsq; Deo actis, didicit magis placere Deo usum hujus sacramenti ex amore, quàm abstinentiam ex reverentia aut timore, cum *delicia ejus sint esse cum filiis hominum*: quare eodē etiā te excita.

Prov. 8. 31.

**Punct. III.** Conf. 1. Eum in scriptis suis sic illuminare intellectum, ut & simul pietatis ardore accendat voluntatem; unde & *Seraphici Doctoris* nomen obtinuit. 2. Post ordinem suū pluribus annis felicissime administratum, missum à Pontifice ad Concilium Lugdunense in Galliam, atque ad hoc ab eodem Cardinalem & Episcopū Albanum creatū, ut illi majori auctoritate interesset: ibi prudentia sua, doctrina & eloquentia cōtroverfias plerasque sopivisse, ac Græcos Pontifici, qui Concilio præsidebat, cōciliasse. 3. Sub finem Concilij morbo correptū, gravi omnium sensu ad laborum præmia in cēlos evocatum, pluribus miraculis editis, quem adhuc vivente: D. Thomas sanctum appellaverat; cum enim vitam S. Francisci scribentem comperisset, *Sinamus*, inquit, *sanctum pro sancto laborare.*

Anno 1274.

Ætat. 53.

FESTO



217

FESTO S. MARIE MAGDALENÆ. 22. Iulij, P.I.

& Feria V. post Dom. Passionis, & Fer. VI. Quat. Temp. Sept.

Anno 31.  
Junio in  
Naim.

*Conversio Mariæ Magdalene. Luc. 7.*

**Punct. I.** Rogabat Iesum quidam de Phariseis ut manducaret cum illo, & ingressus domum ejus discubuit. Confid. i. Benignitatem Christi & promptitudinem in capianda occasione instruendi & convertendi ad se etiam superbos Phariseos: tu attende quo affectu illum invites ad te in Eucharistia, & quonam ille ad te veniat. 2. *Et ecce mulier quæ erat in civitate peccatrix.* Confid. Mulierem hanc fuisse Mariam Magdalenam, origine Judæam, opulentam ac nobilem, sed vitiis infamem, è qua Christus septem dæmonia Luc. 8. ejecit: quare meritò Ecce dicitur, velut rem miram cum ex inveterata peccandi consuetudine resurgit, in speculum omnibus pœnitentiæ, amoris, & constantiæ, ut qui non cecidit, ne cadat; qui verò ceciderit, ut cum illa resurgat.

**Punct. II.** *Ut cognovit quod accubisset Iesus in domo Pharisei, attulit alabastrum unguenti.* Confid. i. Eam audita fortè concione Christi, ac potissimum intuitus ab eo illuminatam, ut miserum animæ suæ statum agnosceret, non differre moras, sed statim ad eum recurrere firma fide, qua ipsum Messiam Dei Filium credebat, dolore de commissis, ac spe veniæ obtinendæ. 2. *Attulit alabastrum unguenti.* Non vacuis manibus venit, sed cum theca unguentaria, qua & designabat, cor suum repletum unguento fidei, spei, caritatis, humilitatis, & contritionis. 3. Sic instructa irruit non invitata in convivium, & alienam mensam, contemnens humana judicia, quæ prius contempserat divina, nec pudore cœrcita, quo in peccatis committendis cœrceri non potuerat, ea publicè nunc detestatur, quia illis prius publica scandala dederat.

**Punct. III.** *Et stans retrò secus pedes ejus.* Confid. i. Profundam ejus humilitatem, qua indignam se existimans divino ac purissimo Christi conspectu, ad pedes ejus se confert, sciens hinc petendum salutis initium. 2. *Lacrymis cepit rigare pedes ejus.* Confid. vim amoris, qui dolore pariter accensus ex oculis illis in peccata obduratis, & quibus ipsa plures ad peccandum illexerat, copiosos fontes elicit lacrymarum ad eluendas copiosas maculas delictorum. 3. *Et capillis capitis sui tergebat.* Non deerant illi lintea, sed voluit capillos capitis sui prius vanitati & peccato impensos, nunc pietati & Christo dicare. 4. *Et osculabatur pedes ejus.* detestata iniquos gressus suos, vestigia Christi recta amplectebatur, & osculis premebat, optans ab eo osculū pacis & reconciliationis. 5. *Et unguento ungebat,* ut & ipsa ab illo ungeretur meliori unguento virtutū. Unge & tu Christum unguento optimo contritionis de recordatione peccatorum, ac devotionis de recordatione beneficiorum. 6. Eam hinc non verbis ullis loqui, sed intimis suspiriis ac profundo cordis altū clamare, ac veniam postulare ab eo quem cogitatum cordium scrutatorem.

Ee

FESTO

## FESTO S. MARIE MAGDALENÆ. 22. Iulij. P. II.

*Conversio ejusdem.*

**P**unct. I. Confid. 1. Christum inspecto interno murmure, ac temerario judicio Pharisei de se ac Magdalena: *Hic si esset Propheta, sciret utique quæ & qualis est mulier quæ tangit eum, quia peccatrix est*: remedium rei adhibere non asperum, sed lene, quo eum & erroris sui convicit, & ad se convertit. 2. Parabolam prius allegatam de duobus debitoribus obtenta condonatione, rectè eum mox explicare de ipso ac Magdalena, qui cum ambo debitores essent Christo, ac rei pænæ de commissis peccatis; hanc tamen eo quod amplius deliquisset, agnoscere se plura debere, ac pro eorum remissione consequenda Christum ardentiori amore, & pietatis obsequiis demereri. 3. Confid. Christum duos habere debitores in hac vita, innocentem & pœnitentem; illum debere Christo innocentiam servatam, hunc verò peccata remissa: majus quidem esse donum Dei in se innocentiam, remissionem verò esse majus donum respectu personæ indignæ cui confertur, ac proinde utrumque certare debere de gratiis referendis.

*Punct. II.* Confid. 1. Ostendere Christum quanti faciat obsequia sibi à Magdalena exhibita, dum eis sigillatim enumerandis, ac ponderandis insistit, nihilque prætermittit, ut scias etiam singula opera tua bona ab eo observari & notari præmianda in cælis. 2. *Remittuntur ei peccata multa, quoniam dilexit multum.* Significat Christus causam remissionis, & quidem plenissimæ, etiam quoad omnem pœnam, fuisse ardentem ejus amorem piis illis obsequiis expressum, quem postea remissione obtenta longè magis accendit. Atque hinc attende magnos peccatores non rarò per ferventem conversionem assurgere ad altiores gradum amoris, quàm tepidos per actus similes; unde S. Gregorius: *Gratior est Deo fervens post culpam vita, quàm securitate torpens innocentia.*

*Punct. III.* Confid. 1. Eam magno labore & constantia Christum velut discipulam pedibus secutam, aluisse ipsum & Apostolos de sua substantia, ideoque Christum & precibus ejus fratrem Lazarum à morte suscitasse, defendisse eam doctrinæ suæ intentam ab otio contra Martham fororem, & contra Judā à profusione unguenti. Ubi attende felicitatem ejus qui Christum habet advocatum. 2. Etiam in crucis ignominia eam Christo adhæsisse, venisse tertio die ad ungendum mortuum, nec acquievisse in solatio Angelorum sed perseverasse, dum quem unicè diligebat, invenisset. 3. Post Christi ascensionem eam à Judæis cum sorore & Lazaro aliisque fidelibus navigio male instructo expositam fluctibus hauriendam, sed Deo dirigente Massiliam Galliæ portum appulsam, ibi post plurimos Christianæ fidei adjunctos, in solitudine vitæ reliquum per annos 30. orationi ac corporis afflictioni impendisse; unde quotidie septies ab Angelis in altum sublata, canticum cantus percipiebat, dum tandem ad cælum sponsum ac Magistrum suum Christum evolavit. F E-

Luc. 8. 3.

Ioan. 11. 43.

Luc. 10. 41.

Matt. 26. 10

Matt. 27. 56

Luc. 24. 1.

Ioan. 20. 13

An. 80.



## FESTO S. APOLLINARIS. 23. Iulij.

*Christus reprehendit certamen Apostolorum de primatu. Luc. 22.*Anno 34.  
Martij 24.  
in coenaculo.  
10.

**P**unct. I. *Facta est contentio inter eos, quiseorum videretur esse maior. Confid. 1.* Peracta cœna Christi cum discipulis, motum inter eos certamen de primatu, tempore importuno: unde apparet quàm parum illis cordi esset periculum Christi, & huic quàm parum solatij ab illis; sedat tamen hic eorum contentionem, non insultando nec exprobrando, sed suaviter corripiendo & instruendo. 2. *Dixit autem eis: Reges gentium dominantur eorum, & qui potestatem habent super eos, benefici vocantur. Vos autem non sic: sed qui major est in vobis, fiat sicut minor, & qui præcessor est, sicut ministrator.* Monet eos Christus appetentiam illam excellentiæ, honorum, & dignitatum non decere discipulos suos, licet in gentilibus Dei notitia desitutis tolerandam: illis verò maxime competere humilitatem, eoque magis quò in altiori sunt gradu. *Quanto magnus es, humilia te in omnibus, & coram Domino invenies gratiam. Eccl. 3. 20.* & Augustinus. *Quanto majus est ædificium, tanto altius est fundamentum, & quanto arbor excelsior, tanto est profundior.*

**Punct. II.** *Quis major est, qui recumbit, an qui ministrat? nonne qui recumbit? Ego autem in medio vestrum sum sicut qui ministrat. Confid. 1.* Christum hîc monitionem suam confirmare exemplo suo, quomodo se in omnibus coram ipsis demiserit, & ostendere humiliationem, seu sui abjectionem esse viam ad humilitatem, hanc autem certam & securam viam ad cælestem gloriam. *Se-metipsum exinanivit formam servi accipiens. 2. Vos autem estis, qui permansistis mecum Phil. 2. 7.* in tentationibus meis. Laudat eos de constantia, sed laudando suaviter monet ne in fine deficiant, nam absq; perseverantia neque qui pugnat, victoriam, neque **Bernard.** palmam victor consequetur. 3. *Et ego dispono vobis, sicut disposuit mihi Pater meus, regnum, ut edatis & bibatis super mensam meam in regno meo.* Promittit illis Christus veros honores & voluptates, si fucata contempserint; sicut autem, inquit, Pater cælestis mihi paravit & decrevit regnum cæleste per humilitatem, labores, dolores, & tormenta: ita & ego vobis nunc moriturus, quasi testamento decerno; atque idem de nobis pari modo decrevit.

**Punct. III.** *Ait autem Dominus: Simon, Simon, ecce satanas expetivit vos, ut cribra-ret sicut triticum. Confid. 1.* Christum hîc præmonere eos, ut se præmuniant adversus tentationes diaboli, qui, ut agricola agitando triticum paleas excutit, ita & ipsos tentatione sua velut cribro, agitando, & affligendo sit exercitaturus, ut minùs solidos excutiat. 2. *Ego autem rogavi pro te, ut non deficiat fides tua.* Ostendit Christus se duplex beneficiû Petro oratione sua à cælesti Patre obtinuisse; alterum personale, ut in fide nunquam deficiat ipse; alterum commune succentoribus, ne umquam decederent in regimine Ecclesiæ; unde & nunc dicta est *Columna & firmamentum veritatis, a qua qui defecerit, salvus esse non possit. 1. Tim. 3. 15.*

## FESTO S. IACOBI MAIORIS, APOSTOLI. 25. Iulij. 1.

**Punct. I.** Confid. 1. Jacobum filium Zebedæi ac Mariæ Salomes, fratrem natu majorem Joannis, natione Galilæum, opificio piscatorem; inter primos Apostolos à Christo vocatum, mox *relictis retibus & patre* secutum, ideoque Majorem seu priorem dictum respectu alterius Jacobi postea vocati. Imitare hîc promptam obedientiam in sequendo Christo vocante. 2. Confid. ipsum cum fratre Joanne ob singularem fervorem appellatû à Christo *Boanerges*, seu filios tonitru, eò quod tanquam principales duces exercitus prædicatione sua, atque ardenti zelo quasi tuba & tonitru fidem Christi essent propagaturi: quare zelum eorum tibi imitandum propone. 3. Cum in hoc zelo deerrarent, rejecti à Samaritanis, ad quos prædicandi caussa à Christo missi fuerant, ideoque eis ignem de cælo imprecarentur, statim correctos à Christo fuisse: *Nescitis cujus spiritus sit*: competere eis spiritum non vindictæ, sed mansuetudinis sibi proprium.

**Punct. II.** Confid. 1. Eum cum Joanne & Petro præ ceteris Apostolis assumptum tanquam conscium & testem arcanorum in transfiguratione, in suscitatione filix Principis Synagogæ à morte, & in extrema agonia. Attende hîc quomodo etiam majorem familiaritatem cum Christo consequi possis. 2. Post Christi in cælos ascensum, accepta uberiore Spiritus sancti gratia, hanc mox insigni fervore & fructu per Judæam ac Samariam impendisse: inde in Hispaniam profectum per novem, quos ibi tantum ad Christi fidem adducere potuerat (è quibus à S. Petro septem Episcopi creati) Hispaniæ provincias deinde Christiana fide feliciter illustrasse: unde discas successum laborum Deo committere, quod requirit à nobis, ut ait S. Bernardus, *curam, non curationem*.

**Punct. III.** Confid. 1. Eum ex Hispania reversum Jerosolymam, à fide Christi non minori zelo, sed majori fructu promovisse, à Judæis accusatum, & ab Herode capitis damnatum, primus inter Apostolos Martyrij coronam obtinuisse, Virginitatis & Apostolatus laurea decoratam: ubi & ductorem suum ad supplicium, ea animi fortitudine permotum, ejusdem pro Christo martyrij focium habuit. 2. Eum postea de cælo sæpius Hispanis in auxilium contra hostes adfuisse, ac nominatim sub Rege Raymiro, cum juxta promissum ei factum palam spectabilis, equo candido vectus & candidum vexillum præferens septuaginta millia Maurorum prosligavit: tu ora eum, ut etiam contra hostes spirituales nobis velit succurrere. 3. Confid. Corpus ejus Compostellam translatum maxima ibi veneratione à consuetibus undique coli, sic ut hunc diem translationis Ecclesia colendum assumpsit, pro die martyrij 30. Aprilis. Ita Deus honorat honorantes se. *Nimis honorificati sunt amici tui Deus, nimis confortatus est principatus eorum.*

FESTO



221

FESTO S. IACOBI MAIORIS, APCSTOLI. 25. Iulij. II.

& S. Ioannis ante portam Latinam. 6. Maij.

Ann. 34. I  
Martij in  
via Ierosol.

*Christus docet filios Zebedæi primatum regni sui non cognitioni,  
sed meritis tribuendum. Matt. 20. Marc. 10.*

**P**unct. I. Dic ut sedeant hi duo filij mei, unus ad dextram tuam, & unus ad sinistram in regno tuo. Conf. I. Mariam Salome uxorem Zebedæi, matrem Iacobi & Ioannis Apostolorum, Christo sanguine conjunctam, & à filiis instructam occasione promissi à Christo facti, *Sedebitis & vos super sedes* 12. &c. Christum rogare primum in genere, ut petitioni suæ proponendæ velit annuere, inde iussam exprimere: *Quid vis?* petere ijs primatum in ejus regno; ubi attende errorem matris & filiorum, vel quod regnum Christi putarent carnale fore ac terrenum, vel si spirituale & cæleste, ignorarent illud meritis, nō verò cognitioni sanguinis tribuendum. Hic te examina quid à Deo velis, & cave vel terrena simpliciter appetere, vel cælestia indebito modo. 2. Hinc rectè ijs à Christo responsum: *Nescitis quid petatis.* Nesciebant enim terreni regni pericula, molestias, curas, & vanitatem, & regnum Christi non esse de hoc mundo: cælestis verò obtinendi modum & viam. Ioan. 18. 36.

Matt. 19. 28

Punct. II. Potestis bibere calicem, quem ego bibiturus sum? Conf. I. Christum hīc docere eos viam qua regnum cæleste obtinendum sit, nempe per passionem & tribulationem, ad quam invitat eos & specioso nomine calicis, & exemplo suo: hinc discite malè peti triumphum ante victoriam, aut victoriam sine certamine. *Regnum calorum vim patitur.* 2. Conf. Calicem Christi parum habere amaritudinis, sed deinde æterna dulcedine animum recreare; contra verò calicem mundi seu Babylonicum parum habere dulcedinis, sed postea æterna amaritudine torquere: elige ex his uter placeat. 3. Dicunt ei: *Possumus.* Offerant se illi ad ardua subeunda & amplectenda, offer & te, sed cum intentione recta, & animi fortitudine; atque ita dic cum illis: *Possumus,* & cum Apostolo: *Omnia possum in eo qui me confortat.* Phil. 4. 13.

Ioan. 18. 36.

Matt. 11. 12.

Apo. 17. 4.

Phil. 4. 13.

Punct. III. Calicem quidem meum bibetis. Confid. I. Christum prædicere hīc utrique martyrium tanquam calicem honoris & amoris illis dilectis suis à se propinandum, ac proinde plura illis donare quàm petijissent, nempe pro excellentia terrena similitudinem suæ passionis. *Vobis donatum est pro Christo, non solum ut in eum credatis, sed ut etiam pro illo patiamini.* 2. Sedere autem ad dextram meam, vel sinistram non est meum dare vobis, docet eos & nos Christus ob sanguinis conjunctionem non desistere à regula virtutis aut rationis. 3. Sed quibus paratum est à Patre meo. Vbi Confid. primatum in cælo paratum ijs qui hīc fortius certaverint, & primi fuerint in humilitate; unde subdit: *Quicumque voluerit inter vos major fieri, sit vester minister, sicut filius hominis non venit ministrari, sed ministrare, docens eos etiam in munere altiori constitutos modestè ac demissè se gerere.*

Phil. 1. 29.

Ee 3

FESTO

## FESTO S. ANNÆ. 26. Iulij.

**P**unct. I. Conf. 1. S. Annam Bethleemitidem, uxorem S. Ioachimi Nazarethani, cum illo pariter de tribu Iuda, ac regia Davidis stirpe, sed nunc ad inferiora pariter redactam, in ea status depressione se insigni humilitate & magnanimitate gessisse, atq; avitam nobilitatem eximijs virtutibus illustrasse. 2. Totam se impendisse in accurata observantia divine legis, assiduis orationibus, jejunijs, alijsque operibus pietatis & caritatis, sic ut temporales proventus trifariam partiretur, in templum ejusque ministros, in pauperes, ac familiæ sustentationem. 3. Post diuturnam 20. annorum patientiam in conjugij sterilitate, ac frequentes preces, tandem amplissimè à Deo exauditam, nunciante Angelo eam parituram filiam Mariæ nomine nuncupandam, quæ omnes superiorum ætatum illustres heroinas longè esset superatura. Attende hinc quanta fuerint hujus Annæ gaudia, maximè ubi vidit eventum promisso respondere, & quo pietatis sensu repetierit Canticum illud alterius Annæ de nato illi Samuele: *Exultavit cor meum in Domino*. Disce hinc etiam dilata desideria in patientia & spe sustinere.

1. Reg. 2. 1.

**Punct. II.** Conf. 1. Eam partu hujus filiæ & Angelos in cælo, & Patres in limbo plurimum exhilarasse, ac quod de Præcurfore Domini dictum est, *Multi in nativitate ejus gaudebunt*, in ea vel maximè locum habuisse. 2. Eam ex filia hujus nomine felicissima omnia concepisse, fore illam velut stellam maris in periculis commune perfugium, perducturam errantes luce sua in portum salutis, dominam fore ac reginam, ac proximam imitatricem Dei altissimi: quare has Filiæ dotes Matri gratulare, tibi que ut profint, precare. 3. Conf. Quomodo hanc Filiam suam anno ætatis tertio ablactatam mox cum conjugè Ioachimo Ierosolymam ad templum duxerit Deo offerendam, quantumvis durum illi esset à tam charo pignore avelli, idque tum ut voti sui obligationi satisfaceret, tum ut juxta divinam inspirationem, eam potius cælestis, quàm terreni Regis aulæ consecraret: unde disce etiam promptè, licet cum incommodo, obligationi voti, & divino inspirationi satisfacere.

Luc. 1. 14.

**Punct. III.** Confid. 1. Sicut constat nobis Filiam ejus Mariam eximijs donis à Deo cumulata, eò quod in Dei Matrem esset evehenda; ita & Annam, quia in hujus Deiparæ Matrem electa erat, à proportionem etiam singularibus donis fuisse à Deo ornatam, ac nos proinde ei singularem cultum & gratias debere. 2. Conf. Fuisse Annam velut radicem, è qua virga prodijt cælesti flore Christo decorata, velut templum & sanctum sanctorum, ex quo arca prodijt complexa supremum legislatorem; denique velut cælum quod auroram nobis protulit nobilioris Solis prænunciam: quare Matrem hanc pijs obsequijs venerare, & apud Filiam maxime de se pronam, patronam adhibere.

2. Reg. 17.

FESTO



## FESTO S. MARTHÆ. 29. Iulij.

**P**unct. I. Confid. I. S. Martham Virginem natione Hebræam, nobilibus & copiosis parentibus natam, sed hospitio Christi clariorem, eum sæpius, & quidem cum Apostolis suis non solum perbenignè ac reverenter excepisse, & de facultatibus suis aluisse; sed etiam voluisse ei ex affectus amplitudine suis manibus cibos parare ac ministrare. 2. Licet totam se Christi obsequijs impenderet, nihil tamen dignum satis tanto Domino, & pro suo in eum amore reputans, petijt & sororem sibi in ministerio sociam auxiliarem adjungi, de quo etiam monitionem Christi, sorore collaudata, æquissimo animo accepit. 3. Licet sciret etiam omnes Christo adhærentes, & vel maximè eum excipientes esse exosos apud primates Judæorum, propter odium quo in Christum flagrabant, nihil tamen illam de affectu suo in illum, vel obsequijs remisisse; nam Christi amicitiam omnium in se odijs præponebat.

Luc. 10. 40.

Punct. II. Conf. I. Fratre ejus Lazaro de vita periclitante, eam nuncium hunc paucis verbis ad Christum absentem misisse: *Domine, ecce quem amas, infirmatur*: in quo attende & imitare ejus resignationem & fiduciã, quam Christus deinde tanto beneficio resuscitati fratris compensavit. 2. Advenienti deinde Christo ipsam extra Castellum primam occurrisse, & dolenter simul & amanter questam de fratris obitu, accendisse fiduciam: *Sed & nunc scio quia quacumque poposceris à Deo, dabit tibi Deus*. Et roborasse fidem, *Ego credidi, quia tu es Christus filius Dei vivi, qui in hunc mundum venisti*.

Joan. 11. 3.

Punct. III. Conf. I. Post Christi in cælos ascensum, Judæis in Christi fideles faventibus, Martham cum sorore, & fratre Lazaro cōprehensam, & in carcerem conjectam, facultatibus omnibus exutam, nihil de constantia remisisse: *Rapinam bonorum vestrorum cum gaudio suscepistis, cognoscetes vos habere meliorem & manentem substantiam*. 2. Deinde navi sine velo ac remis, vastissimo mari commissam, cum alijs Christianis ad certum naufragium, Spiritu sancto dirigente Massiliam feciliter appulsam. Ubi eo miraculo, vitæ exemplis, & prædicatione permoti plures Christi fidem amplexi sunt: sic & te tuaque Deo committe. 3. Magdalena pro commodiori contemplatione solitudinem amplexa, & Lazaro Massiliensem Episcopo creato, Martham vitæ sanctitate omnium in se oculis convertis, virginittis vexillum hic primam erexisse, ac plures honestissimas virgines, contemptis sæculi vanitatibus, & virginitate Deo dicata, ad ferventioris ejus cultum induxisse. 4. Tandem ultimo vitæ octiduo, suavissima musica cælesti canentium Angelorum recreatam, dum Christus ei cum sorore Magdalena jam defuncta apparens, illam pro hospitalitate sibi hic in terris exhibita, in cæleste regnum suum invitavit.

Heb. 10. 34.

Mat. 23. 30.

Vide in Evang. Festo Assumpt. B. Mariæ. 15. Aug. 14.

FESTO

## FESTO S. IGNATII CONF. 31. Iulij. I.

**Punct. I.** Conf. 1. Sanctum Ignatium ex strenuo milite sæculari assumptum à Christo in militem ac ducem spiritualem, suggestâ ei occasione illati vulneris & lectionis piæ; unde disce occasiones à Deo datas captare, & per corporis incommoda, ac lectionem piam sterni viam ad Christum. 2. Ad Deum conversum, cœpisse insigni fervore tres illos Christi ac fidelium adversarios, appositis armis impugnare, mundum per studium humilitatis, carnem per corporis afflictionem & affectuum mortificationem, dæmonem per exercitium constantis orationis; unde disce ad novâ militiam vitæ spiritualis plurimum conferre generosa initia, atque hæc potissimum studia.

**Punct. II.** Conf. 1. Humilitati velut virtutum omnium fundamento Ignatium seriò animû adiecisse, ideoque mox relictâ splendidâ parentum domo; pretiosas vestes cum vilioribus cōmutasse, mendicato victum quesivisse, & cum mendicis familiariter, quasi unû de illis conversatû: in opprobrijs, calumnijs, & carceribus ferendis non æquum tantum, sed & hilarem animum exhibuisse. 2. De collatis sibi donis naturæ aut gratiæ nihil umquam ad sui laudem loqui solitum. Aliorû virtutes imitandas sibi proponebat, seque omnibus interiorum reputabat, ex quo humilitatis studio sensim eò pervenit, ut multis ante obitum annis nullum in se inanis gloriæ motum agnosceret.

**Punct. III.** Conf. 1. Carnem domitam ab Ignatio primû Manresæ per annum integrum ternâ per diem flagellatione, quotidiano jejunio (Dominicos dies si excipias) victu tenui in pane & aqua, humicubatione, veste aspera, ac frequenti cilicio, quibus austeritatibus carnem eò adegerat, ut nullum exinceps motum ejus in se senserit. 2. Animi etiam affectus studio mortificationis ita subegerat, ut eos pro libitu assumeret, ac deponeret, pace plena frueretur, nec leviter etiam corporis membra nisi ex ratione moveret; in verbis parcus maximè & circûspectus, neq; in acerrimis morbi doloribus gemitum, vel ullum afflictî animi signum ederet.

**Punct. IV.** Conf. 1. Eum dæmonis conatus per orationis frequentis studiû faciliùs repressisse, cum duos ejus asseclas mundû & carnem impugnare acriter non cessaret: quotidie Manresæ septem minimû horas flexis genibus Deo in oratione impendebat, sæpius cælesti solatio & lacrymis perfusus, aliàs etiam adversis ac scrupulis exagitatus, constâti in Christû ejusq; matrem fiducia, & conscientiæ manifestatione victor evadebat. 2. Horis deinde singulis mentem ad Deum colligere assueverat, nihil umquam alicujus momenti statuere, nisi præmissâ oratione; Deû in re omni præsentem cernere, voluntatem suam divinæ in omnibus accōmodare, & ad cælestia adspirare. *Quàm sordet mihi terra dum cælû adspicio! Quid mihi est in cælo, & à te quid volui super terram? Deus cordis mei, & pars mea Deus in æternum.*

*Ps. 72. 25.*

FESTO



## FESTO S. IGNATII CONF. 31. Julij. II.

**Punct. I.** Confid. 1. Paternam curam divinæ providentiæ erga S. Ignatium inde ab exordio conversionis, cum illi nocte meliora animo volventi Deipara cum Filio suo se exhibuit, velut approbans concepta desideria, & extincto omnium caducarum rerum affectu, singulari piæ voluntatis sensu animum perfudit. Deinde Venetiis, dum navigandi opportunitatem in Palæstinam præstolans, noctu sub dio quiescit, excitat Deus è strato virum nobilem Senatoriū, ut hunc servum suum sub fori porticu quiescentem hospitio & solatio excipiat. Redeuntem verò ex Palæstina cymba lacera, per mare incolumem in portu sistit, aliis duabus navibus firmis & optimè instructis, unde rejectus ipse fuerat, demersis: unde diffice etiam te tuæque Deo committere. 2. Confid. quomodo Deus illum jam maturiori ætate, Parisiis potissimum cum Judæorum molestiis & paupertate luctantem direxerit, aluerit piorum eleemosynis, adversus iniquorum calumnias protexerit, imò & sociis auxerit. 3. In Romano itinere cum solus desertam ædiculam ingressus, precibusque ardentius insistens, vidit cælestem Patrem Christo Filio suo crucem gestanti Ignatium ac socios suavissimè commendantem, Filiumque Patri annuentem, & ad se conversum ore amoris pleno sibi dicere: *Ego vobis Romæ propitius ero*: quod visum sociis mox communicatum, omnes gaudio cumulavit, animosque auxit ad quævis ardua subeunda.

**Punct. II.** Confid. 1. Ignatium Societatis fundatæ Præpositum Generalem, quantumvis invitum renunciatum, mox in sedulam executionem impositi muneris incumbere, imprimis assiduis precibus, velut fulcris Societatem firmando, prudentia regendo, spiritus magnitudine defendendo, socios ad heroicas virtutes verbis & exemplis inflammando, quos crescente indies numero in varias civitates & provincias distribuebat. 2. Confid. eum licet omnibus præpositum, tamen omnibus se sinceram consuetudinem æquare, imò & velut postremum ad inferiora obsequia se demittere, & hoc humilitatis studium sociis maximè inculcare tanquam validius ad salutem proximi, quam auctoritatem.

**Punct. III.** Conf. 1. Amorem S. Ignatij erga proximū, quem testabantur assidui ejus labores & curæ pro eorū salute promovenda. In quibus omnibus magnum se operæ suæ pretium laturum dicebat, si vel unicū mortale peccatum impedivisset. 2. Conf. Amorem ejus erga Deum; unde dicebat non posse animo majus gaudium accidere, quam ex perferendis pro Christo adversis, his se omnia mundi gaudia postponere, eam esse expeditiorem ad perfectionem viam. 3. Eum tandem laboribus fractum, post annos 35. vitæ sanctioris, gubernatam Societatem annis 15. distributam per provincias 12. domicilia centum, ad æterni numinis conspectum anhelantem, ibi laborum præmia consecutum.

Anno 1556.  
Æt. 65.

FESTO

## FESTO S. PETRI AD VINCULA. 1. Augusti,

*De ejus liberatione è vinculis Hierosolymæ, atque eorum  
cum Romanis miraculosa connexionione.*

*Act. 12. 1.*

**P**unct. I. Confid. 1. S. Petrum pro fidelium instructione & solatio Jero-  
solymam profectum, ibi ab Herode fideles persequente, post occisum  
S. Jacobum, etiam comprehensum & in vincula coniectum, quibus ipse  
magis quam omnibus mundi vanis insignibus exultabat, eò quòd hæc  
sibi pro Christo contingerent. 2. *Oratio autem fiebat sine intermissione ab Ecclesia  
ad Deum pro eo, tanquam pro universali pastore, ne eo percusso imbecillus  
adhuc fidelium grex pateretur.* 3. *Cum producturus eum esset Herodes, in ipsa  
nocte, erat Petrus dormiens inter duos milites vinctus catenis duabus, & custodes ante  
ostium custodiebant carcerem.* Ubi Confid. quietem securæ conscientiæ com-  
mittentis se divinæ providentiæ, & hanc permittere quidem suos sæpè  
deduci ad extrema, ut inde eos illustriori auxilio liberet.

**Punct. II.** Et ecce Angelus Domini adstetit, & lumen refulsit in habitaculo: percussus  
latere Petri, excitavit eum, dicens: Surge velociter. Et ceciderunt catenæ de manibus ejus.  
Confid. 1. Veloces Angelos requirere à nobis velocem obedientiam, &  
excussio torpore experturos nos potentiam opis divinæ. 2. Et jussit eum  
Angelus assumpto vestimento sequi se, à quo deductus per duplicem  
custodiam, & portam ferream, quæ ultro aperta est eis, disparente deinde  
Angelo, Petrus ad se reversus, dixit: Nunc scio verè quia misit Dominus Angelum  
suum, & eripuit me de manu Herodis, & de omni expectatione plebis Judæorum. Spe-  
raverant hi se in Petro extincturos fidem Christi, & Deus eorum cona-  
tus, in gloriam Christi, Petri ac fidelium convertit: discite hinc etiam so-  
licitam, benignam, & potentem curam Angeli custodis.

*Anno 439.*

**Punct. III.** Confid. hæc vincula à fidelibus deinde piè asservata, infi-  
gni miraculo à Deo illustrata fuisse, cum Eudoxia Imperatrix Jerosoly-  
mam profecta, inter plura munera ibi accepta, etiam unam ex his cate-  
nis sibi donatam piè venerata, Romam ad filiam Eudoxiam misit, quæ  
cum illam Pontifici exhiberet, & hic vicissim illi alteram, qua Petrus  
Romæ sub Nerone vinctus fuerat, subito ambæ illæ, inter se ita coalue-  
runt, ut non nisi una catena videretur, & esset: quo miraculo hæc vin-  
cula in publica veneratione habita, & erecta in eorum memoriam Ec-  
clesia, & annua solennitate instituta, exinceps multis ægris sanitatem,  
& energumenis liberationem attulerunt: unde collige velle Deum suo-  
rum afflictiones hinc etiam in terris honorari, & si tam potentia sint Pe-  
tri vincula, ejusque umbra fuerit hinc in terris, multò potentiora fore ejus  
jam in cæli gloriosi patrocina, quæ tanquam Capitis pro membris con-  
fidenter nobis sunt imploranda.

*Vide alteram Meditationem de Eulog. festo Cathedræ Antiochiæ, 22. Februarii.*

FESTO



## FESTO S. DOMINICI. 4. Augusti. 1

**Punct. I.** Confid. 1. S. Dominicum illustri Gufmannorum familia in Tarraconensi ditione sub regno Hispaniæ oriundum, è matris utero futuram sanctitatem & doctrinam, qua orbem aliquando illuminaturus & accensurus esset, divino prognostico præmonstrasse, cùm matri visus est velut catulus faciem ore præferre, & natus deinde radianti stella in fronte illustris; quam veritatem ipse postea sua suorumque opera comprobavit. 2. Eum deinde post humaniorum litterarum studia, Philosophiæ atque etiam Theologiæ scientiis excultum in Canonicorum Collegium, atque inde mox ad Archidiaconi dignitatem evectum, utpote qui ad Ecclesiasticæ disciplinæ observantiam ceteros exemplo suo plurimum esset promoturus: hinc & tu disce socios exemplo virtutum bene ædificare, atque ad virtutum studia etiam scientiarum esse jungenda, ei, qui proximorum salutem intendit. 3. Ab Episcopo in Gallias Legato socium assumptum, Tolosanam, qua transibat, ditionem hæresi maximè infectam expurgare aggressum, in reditu deinde per annos septem nec laboribus nec periculis deterritum, ibi supra centum millia ab hæresi ad rectam fidem adduxisse.

**Punct. II.** Confid. 1. Dominicum Tolosæ sociis aliquot collectis, spiritus pariter ardentis, & in verbo Dei prædicando indefessis, Romam profectum ibi Innocentio III. Pontifici suam suorumque operam obtulisse, sub novi Ordinis religioso instituto, ad prædicandum ubique Euangelium, & hæreticos ac peccatores in viam salutis reducendos: quod licet tunc & diaboli communis adversarij machinis, & occultis divinæ providentiæ consiliis, differretur; minime tamen ipsum conceptam de Deo fiduciam deposuisse: unde disce etiam in adversis animum non despondere. *In Domino sperans non infirmabor. Spes autem non confundit.* 2. Adfuisse proinde Deum generoso athletæ suo, cùm Pontifici in somno objecit Lateranensem Ecclesiam velut labentem, sed à Dominico totis viribus sustentatam: unde cognovit ipse hunc tanquam Ecclesiæ Romanæ columnem à Deo datum: quare mox ad se vocatum jubet Regulam à se probandam concipere; sed eo interim morte præoccupato, id à successore ejus Honorio ibidem III. feliciter confectum, atque Ordinem confirmatum: ubi attende Deum actoribus causæ suæ adesse, cùm se apta reddiderint instrumenta, & constantiam probaverint. 3. Etiam illi spem cælesti viso fuisse roboratam, cùm in templo S. Petri nocte orans coram Ven. Sacramento, vidit Christum in regio solio, peccatorum gravitate ac multitudine exasperatum, tribus lanceis instructum, excidium Mundi minitantem, sed Deiparam supplicem exhibitis Dominico & Francisco, qui in peccatoribus reducendis strenuè essent collaboraturi, iram Filij placasse: ubi attende efficaciam patrocinij Deiparæ.

*Psal. 25. 1.  
Rom. 5. 2.*

## FESTO S. DOMINICI. 4. Augusti. II.

**Punct. I.** Confid. 1. Quibus mediis S. Dominicus tantam vitæ sanctitatem & Ordinis sui claritatem sit consecutus : in Deiparæ patrocínio tantum ponebat fiduciæ, ut nihil gravioris momenti inciperet aut abolveret, nisi peculiari ad eam recurso, nec quidquam per eam pereret, quod non impetraret: quare & cultum ejus per Rosarij recitationem, tanquam singulare ad salutem præsidium, passim omnibus maximo cum fructu inculcabat. 2. Ut eidem Virgini ipse & actiones suæ magis placerent, castitatem velut thesaurum cælestem sibi omni studio conservandam decreverat, ideoque tres ejus capitales hostes, intemperantiam in victu, otium, & familiaritatem cum altero sexu maxime aversabatur, adeo ut sub vitæ finem suis palam significaverit, se castitatem illam toto vitæ tempore, peculiari Dei favore, & vigilantia sua integram & illibatam constanter servasse.

**Punct. II.** Confid. 1. Ipsum orationis tam mentalis quàm vocalis exercitiis noctes diesque, extra occupationes pro salute proximi, eo pietatis sensu intentum fuisse, ut in ea aliquando corpore in altum elevatus videretur, & falsus sit se in oratione nihil à Deo postulasse, quod non obtinuerit. 2. Ad carnem coercendam, eam aspero cilicio & catena ferrea stringebat: sæpè quotidie, sæpè ter noctibus singulis in se ferreis flagris, non sine copiosa sanguinis effusione, sæviebat, quæ Deo offerebat pro peccatis tum suis, tum proximi, tum animarum in Purgatorio: lectus illi erat dura humus, vel pauci asseres, victus tenuis, nec nisi quadragesimalis: unde cave tu carnem tuam molliùs tractare. 3. In his omnibus plurimum juvabatur à contemptu sui, quo malebat iis locis degere ubi opprobriis magis divexaretur, ac vilissima in omnibus velut postremus ipse confectabatur: stipem mendicato petere non erubescibat, quam & flexis genibus excipiebat, ea se indignum ratus, honorifica sibi loca & munia declinabat, tres Episcopatus sibi delatos constanter respuit; quem sui contemptum Deus inter cetera miracula, tribus mortuis ad ejus orationem vitæ restitutis, illustrem reddidit.

**Punct. III.** Conf. 1. Eundem peragratissimum pluribus regionibus Hispaniæ, Galliæ, & Italiæ, ubique cum amplissimo fructu animarum, & Ordinis sui incremento, tandem Bononiæ à Christo ad cæli gaudia possidenda invitatum; inde mox morbo correptum, quem sibi lethalem fore cognoverat, non potuisse exultantis animi lætitiâ dissimulare, sed convocatis fratribus exposuisse hunc fructum esse sæculi pro Christo contempti; jacturam vitæ præseatis levem esse, ut potiamur æterna. 2. Cum illis postremo caritatem, humilitatem, paupertatem, & castitatem, tanquam certum patrimonium testamento reliquisset, orantibus, in illis verbis,

*Sancti Dei,  
Angeles,*

*sub specie Sancti Dei, occurrere Angeli,*

laborum præmia est consecutus.

FESTO



## FESTO S. AVGVSTINI. 28. Augusti. I.

**P**unct. I. Conf. I. S. Augustinum natum Tagaste, tenui, ut ipse ait, municipio in Africa, parentibus tamen honoratis, inde à prima etate ingenij præstantia inter coætaneos suos excelluisse; unde ipse, inquit, *Omnes libros artium liberalium per me legi & intellexi. Celeritas intelligendi & acumen disputandi donum tuum est, sed non inde sacrificabam tibi.* Hinc collige divinam providentiam prævenisse Augustinum tam præclaris naturæ talentis, ut illis Ecclesiam deinde insigniter illustraret; quamquam ijs per annos plures ipse pessimè abusus est. 2. Eum deinde Carthagine prava societate in plura vitia, nominatim carnis & hereseos Manichæorum abreptum, quod dolenter ipse postea deplorat: *ô nimis inimica amicitia, seductio mentis? cum dicitur: eamus & faciamus, & pudet inter impudentes non esse impudentem. Ne vituperarer vitiosior fiebam, & ubi non suberat, quo admissa aquarer perditis, fingebar me fecisse quæ non feceram, ne viderer abjectior quàm eram innocentior.* Attende hic damna pravæ aut laxioris Societatis.

**Punct. II. Conf. I.** Non destituisse interim divinam misericordiam, multum permotam assiduis precibus & lacrymis pijsimæ Matris ejus Monicæ, in urgendo & compellendo illo velut ovis errante ad viam salutis. *Oculus tuus, inquit, non excludit cor clausum, nec manus tua repellit duritiam hominum. Irruebat in me ipsa vis veri, & avertebam palpitantem mentem. Institisti crebrescens multimodis vocibus, ut audirem de longinquo.* Confer hic etiam eandem Dei erga te misericordiam. 2. Inhæsisse nihilominus Augustinum vitijs suis, à prava consuetudine velut catenis detentum. *Rapiebar, inquit, decore tuo, maxq; diripiebar abs te pondere meo, & ruebam in ista cum gemitu, & pondus hoc consuetudo carnalis. Suspirabam ligatus, non ferro alieno, sed ferrea mea voluntate.*

**Punct. III. Conf. I.** Quomodo divina bonitas præter internos impulsus, varias externas occasiones illi objecerit seriè resipiscentiæ, ac primum mortem apici ab eo perversi, quam animitus lugebat: conversionem Victorini Oratoris celeberrimi in etate senili: tum etiam trium familiarium Imperatoris, qui ex lectione vitæ S. Antonij, Christi fidem & monasticam vitam amplegi crant. 2. Conciones S. Ambrosij, & privata cum eo colloquia, sed quia facundiam in ijs magis spectabat quam fructum, allurgere non poterat. 3. Denique claram de cælo vocem crebrius repetitam: *Tolle Rom. 13. 13 lege, tolle lege, ad quam accepto quod ad manum erat volumine, legit: Non in comessationibus & ebrietatibus, non in cubilibus & impudicijs, non in contentione & emulatione: sed induimini Dominum Iesum Christum. Unde exurgens ruptis vinculis manus dat Deo, exhilarat Matrem & Ambrosium, à quo annos jam natus 30. Sacro baptismi fonte abluitur, & Eucharisticum hymnum: Te Deum laudamus, pariter decantant: Expende hæc gaudia Angelorum in cælis super hac insigni drachma, & ovis inventa, redigo filio recepto, cum quo & tu gratias Deo persolve.*

## FESTO S. AVGVSTINI. 28. Augusti II.

**P**unct. I. Confid. I. S. Augustinum jam sacro Baptismi fonte Christo renatum cum gaudio Angelorum, & Ecclesiæ, & piæ Matris suæ, dū eam in patriam reducit, in portu navem conscensurum, ea fuisse orbaturum, post piissima simul habita de cælesti beatitudine colloquia ac desideria. 2. Eum in Africam reversum, ibi mox ut Christianæ vitæ perfectionem sectaretur, Sacerdotio initiatum, & exstructo monasterio, familiam religiosorum instituisse, quibus virtutum omnium exemplis prælucebat. 3. Humilitate in primis, in qua virtutes cæteras fundandas existimabat; honores omnes & dignitates, earumque occasiones studiosè declinasse, sic tamen ut impedire non potuerit, quin divina bonitas, quæ exaltat humiles, ipsum ad altiora eveheret.

Punct. II. Confid. Eum vitæ sanctitate pariter & doctrina, zelo & Apostolico eloquio in concionibus ser. sim magis inclarescentem, Hippone ab Episcopo prius in adiutorem, inde etiam in succedentem assumptum, zelum suum mox illustrius exercuisse, tum in disciplina Ecclesiastica reformanda, tum in vitiis populi corrigendis, tum vel maxime in hæreticis confutandis, quod & cum uberrimo fructu consecit. 2. Ut in Episcopali dignitate religiosæ vitæ tenorem commodius servaret, exstruxisse cum in suo Episcopio alterum monasterium Clericorum Regularium, quos ad Apostolicæ vitæ normam dirigebat, mensam pia semper lectione vel disputatione condiens, ea temperantia, ut ipse testatur: *hoc me Domine docuisti, ut quemadmodū medicamenta, sic alimenta sumpturus accedam*. 3. Pro castitate tuenda, post delicta juventutis, familiaritatem cum altero sexu, etiā proximè consanguineis omnino evitabat, eamque insuper assiduis apud Deum precibus efflagitabat, sciens esse donum Dei. 4. Conf. amorem, ejus erga Deum *sero te amari pulchritudo tam antiqua, tam nova. Minus te amat qui tecum aliquid amat, quod non propter te amat. Omnis copia, quæ Deus meus non est egestas est.*

Punct. III. Conf. I. Eum scriptis etiam suis eruditissimis & piissimis Ecclesiam singulariter illustrasse, ut merita appelletur à Pontificibus, Conciliis, & Ecclesiæ Doctoribus: *Sapientia fons, Ecclesiæ columnem, fidei scutum, malleus hæreticorum, exemplum Prælatorum, Doctor Doctorum*. 2. Cū hac eminenti doctrina summam habuisset modestiam & humilitatem; unde non erubuit delicta sua libris 13. Confessionum palam exponere, non inquit quod ea amem, sed ut amem te Deus meus; ut agantur tibi gratia de me, & rogetis pro me. 3. Eum tandem Hippone febri correptum, cū cognovisset sibi mortem instare, curasse sibi septem psalmos pænitentiales in conspectu poni, quos cum lacrymis piissimè legebat, dicere solitus, neminem, et si nullus criminis sibi conscius esset, committere debere, ut sine pænitentia migraret à vita



Festo transfigurationis Christi. 6. Augusti. Vide Dom. 2. Quādrag.

## FESTO S. LAURENTII. 10. Augusti.

**P**unct. I. Conf. 1. S. Laurentium natione Hispanum, in Aragoniæ regno à parentibus pijs & sanctis pietatis studijs excultum, Romæ deinde sub Sixto Pontifice secundo Archidiaconum, commissio sibi munere fideliter obeundo viam sibi stravisse ad tam illustres martyrij palmam. 2. Se-viente in Christianos Imperatore Valeriano, etiam Sixtum Pontificem comprehensum, cui ad carcerem pertracto obuius Laurentius suum mar-tyrij desiderium dolenter exponit: *Quò progredieris sine filio pater? quò sacerdos sancte sine diacono properas? tu numquam sine ministro sacrificium offerre consueveras.* 3. Postridie Sixto ad supplicium ducto, Laurentius interim ejus iussu di-tributis in pauperes Ecclesiæ facultatibus, iterum obuius, urget: *Noli me derelinquere, Pater sancte; jam enim expendi thesauros quos tradidisti mihi.* Ubi Conf. promptam & fidem ejus operā in mandato imposito exequendo. 4. Reponit ei in solatium Pontifex: *Non ego te desero fili, neque derelinquo, sed ma-jora tibi debentur pro Christi fide certamina: nos quasi senes levioris pugnae cursum recipi-mus, te quasi juvenem gloriosior manet de tyranno triumphus: post triduum me sequeris sa-cerdote levita: ubi attēde viris zelosis solatio & gaudio esse, pati pro Christo.*

Punct. II. Conf. 1. Laurentium mox etiam comprehensum, Hippolyto militum præfecto de thesauris Ecclesiæ interroganti, captata inde occa-sione de thesauris cælestibus, Catholicam fidem persuasisse, *Si credideris in Dominum Iesum Christum, & thesauros tibi ostendo, & vitam æternam promitto.* Cujus exemplum domestici ceteri universum 19. amplexi sunt. Disce hinc in-ter adversa zelum non remittere. 2. Deinde tyranno etiam thesauros po-scenti, cum addixisset se eos proximè exhibiturum, sistit postridiè paupe-rum greges, in quorum victum & amicum thesauros erogaverat. 3. Ty-rannus, quia præda frustratus, ira exardescens, jubet mox Laurentium toto corpore conscindi, ferreis laminis ustulari, plumbatis, & scorpionibus cædē; sed ille ridens tyranni sævitiam, *Deum meum colo,* inquit, *& illi soli servo, & ideo non timeo tormenta tua: cumque nova illi & atrociora nocte se- quente subeunda tyrannus intentat, ille animo placido subdit: Mea nox ob-scurum non habet, sed omnia in luce clarescunt.*

Punct. III. Conf. 1. Post varia tormenta frustra adhibita, adinventam à tyranno ingentem craterem ferream, cui penitus ignitæ lacera membra in-victi athletæ imponi jubet, ut eò mors esset atrocior, quò pœna produ-ctior; sed hinc ille velut ex rosis tyranno insultat: *Assatum est jam, versa & manduca.* De quo S. Ambrosius: *Ardebat extrinsecus tyranni saeculis incendijs, sed major illum intrinsecus Christi amoris flāma torquebat.* 2. Videns præda sibi in-cælis præmia, orabat: *Gratus tibi ago Domine, quia januis tuis ingressus sum.* Ubi deterfo omni dolore, in æterna gaudia est exceptus.

De Euang. V. de Comm. Matt. V.

Anno Chri-  
sti 259.

## FESTO S. CLARÆ. 12. Augusti.

**P**unct. I. Conf. 1. S. Claram Virginem familia nobili Assisij Italię oppido parentibus opulentis natam, & quidem precibus à Deo peculiari-ter obtentam, ac preñunciatam fore, ut instar clari sideris orbem aliquādo illustrāret; unde & nomen sortita postea vitę sanctitate prædictionem implevit. 2. Eam ab annis teneris mox omni virtutum genere cœpisse clarere, orationis tam mentalis quā vocalis studijs singulariter additā, in qua cælestibus delicijs affluebat, potissimū cū Christi vitam & cruciatus recoleret: preces ad Deiparam, cū Rosarium deesset, lapillis congestis definiebat. 3. Mundi vanitates, ut verē inanes, divinoq; cultui contrarias aspernabatur; unde virginitatem suam Christo cælesti sponso consecravit, & sub veste splendida, qua parentū voluntati morem gerere jubebatur, asperū ad carnis mortificationem occultabat cilicium.

Punct. II. Confid. 1. Cū sub id tempus S. Franciscus cælestem ignem Divini Amoris sibi communicatum ibidem spargeret, illam pro desiderio ejus vidēdi & alloquendi accensam, voto mox potitam, ab eo in repudiandis mundi vanitatibus insigniter roboratam, ad sanctioris vitę institutum magis exarsisse, pro quo ipsū ducem sibi ac moderatorem deligebat. 2. Eam deinde hujus consilio in vicino cænobio S. Marię de Portiuncula, omni sæculi pompa rejectā, atque opibus in pauperes distributis, vilem vestem assumpsisse, qua uni cælesti sponso magis placeret, qui sicut Franciscum elegerat tot illustriū filiorum sub crucis signo sibi militantiū parentem: ita & illam Virginum adeo spiritu viventū Matrem. 3. Eam Assisium reversam, ibi in principio sanctioris vitę varijs modis à diabolo impugnatā, sed cū illustriori gloria victicem semper evasisse.

Punct. III. Conf. 1. Eam in hoc sancto secessu in corporis castigationem sedulo incubuisse, sic ut toto tempore sacri Adventus & Quadragesimę non nisi pane & aqua vesceretur, ac ternis per hebdomadam diebus nihil omnino sumeret; lūbos aspero stringebat cingulo, corpus cilicio premebat: humus ei lectus erat, & ligni trūcus pro pulvino capitis. 2. Noces in oratione sæpē insomnes exiebat: erga Sāctissimi Sacramenti venerationem miro affectu & fiducia ferebatur; unde Saracenis Assisium, ipsumq; monasterium obsidentibus, ægram se ad portam deferri curavit cum vase sanctissimi Sacramenti; ubi cū orasset: *Ne tradas bestiis animas confitentes tibi, & custodi famulus tuus, quis pretioso sanguine redemisti*, hæc vox audita est, *Ego vos semper custodiam*. Et mox hostes omnes partim dissipati, partim oculis capti è muro præcipientes deciderunt. 3. Singulares ejus virtutes præclaris miraculis etiam in hac vita à Deo comprobata, sæpius signo crucis dæmones è corporibus exactos, & morbos graves depulso, dū post illuaria patientiæ exempla in diuturna ac molesta ægitudine per annos 28. & exactos in monasterio 42. meritis plena in manus cælestis spōsi sibi cū Deipara & cælestium virginum choro apparentis, spiritū reddiderit. FESTO



## FESTO B. STANISLAI KOSTKÆ. 14. Augusti.

**Punct. I.** Conf. 1. B. Stanislaum ex illustri Kostkarum familia in Polonia natum, natura vividum, ab omni tamen levitate & immodestia semper abhorruisse; unde cum fratre natu majore studiorum causa Vienne missus, annis adolescentem, prudentia virum referebat; molestus erat nemini, carus omnibus, & pietatis ac constantiæ exemplum. 2. Duriorem ibi in se fratrem expertus, captabat patientiæ ceterarumque virtutum illustrem materiam, preveniendo eum obsequijs benigne caritatis ut fratrem, & sedulæ humilitatis ut famulus Dominum.

**Punct. II.** Conf. 1. Eum studiorum tempore, cum perverti à dæmone non posset, saltem terribilamentis divexatum, quem in forma tetri canis cubiculum ingressum, & lecto apertis faucibus tertio adsilientem, toties crucis signo victor fugavit. Disce & eisdem armis machinas ejus superare. 2. Hinc cælestis pabuli ardēs desiderio, cujus spem hereticus hospes succiderat, invocata ope S. Barbaræ, quam cognoverat clientes suos non destituere extremis præsijs, eam duobus stipatam angelis præsentem habuit, qui S. Hostiam ei reverenter porrexerunt, quam ipse prius submisit veneratus, pari gaudio suscepit. 3. Ingravescens deinde morbus novo beneficio locum dedit, cum Deipara, cujus cultui eximie deditus erat, spectandam se ei præbuit, parvulum filium sinu gestans, eumque illi ad solatium in lecto offerens, morbo ad contactum evanescente, monensque ut ejus Societati nomen daret, salutem suam in ea asserturus. Expende hic dulcissima cum Christo, ejusque Matre colloquia, quam & suam deinde Matrem filiali affectu appellare solet.

**Punct. III.** Conf. 1. Cum patientia ejus à fratre magis quotidie exerceretur, eum occasionem inde accepisse divina monita exequendi; quare in veste rustica fugam arripiens, etiam insequentium conatus miraculo elusit. 2. Eum jam Romæ in tyrocinum Societatis admissum, quasi ad eam natus & factus esset, ita in legum omnium, ac domesticæ disciplinæ observantia excelluisse: modestia vultus, motuumque omnium erat singulari, parcus in verbis, non tetricus, floridam illi ætatem non tam adolescentia, quam animus cælestibus pastus delicijs reddebat. 3. In oratione eo fervebat amoris ardore, ut opus esset frigida pectus recreare. In castigando corpore etiam freno egebat: quæ in alijs virtutum exempla videbat, mox sibi exprimenda statuebat; unde & in Angelorum cœtu se eo indignum vivere asserbat. 4. Hoc virtutum studio tempore brevi ampla spatia emensus, ad immortalem vitam jam maturus evocatur; quare morbo correptus, atque extremis munus præsijs, patronis potissimum mensuris in auxilium imploratis, suavissima miscens cum Christo crucifixo, ejusque Matre colloquia, inter sacra utriusque nomina, animam nullam umquam lethali labe infectam à Virgineo corpore, suo reddidit creatori. Venerare & tu in venerare fervorem virilem, nec pigeat imitari.

FESTO

Anno Christi.  
1583.  
Ætat. 19.

## FESTO ASSVMPTIONIS B. MARIE. 15. Augusti. I.

## De glorioso ejus obitu.

**P**unct. I. Conf. 1. B. Virginem Deiparam, post Filij in cælos ascensum, hîc in terris relictam, ne Ecclesia quasi parente duplici simul orbareretur, sed ut illa velut benigna Mater eam adhuc teneram foveret, instruendo Apostolos & Euangelistas, roborando Martyres, animando Confessores, & accendendo Virgines ad amorem castitatis. 2. Eam exhibuisse se exemplar post Christum perfectissimum omnis perfectionis, per accuratam observantiam consiliorum, per studium singulare orationis erga Deum, zelum animarum erga proximum, & modestiam internam ac externam erga se, cum continuo & ardenti progressu in virtutibus. 3. Tandem post frequentia ad Filium cum ardore & resignatione suspiria, optatissimum nuncium accepisse ab Archangelo Gabriele de migratione ad ipsum, & explendis cælitum desiderijs ad ejus conspectum anhelantium. Expende hîc ejus gaudium resignatione temperatum: *Fiat mihi secundum verbum tuum. Letata sum in his quæ dicta sunt mihi.* Et hinc disce, etiam inflammatis desiderijs ac resignatione te ad mortem præparare.

Luc. 1. 38.

Ps. 121. 1.

**Punct. II.** Conf. 1. Christum voluisse Apostolos suos Matri morienti adesse, tum ad ipsius honorem, tum ad illorum solatium; quos proinde prodigiosè Ierosolymam translatos, mæstos pariter ac sperâtes de potentiori ejus in cælis patrocínio, ipsa extremis monitis instructos, benedictione donavit. 2. Adfuisse etiam morienti Christum de cælo cum amplo comitatu Angelorum blandè eam invitantem: *Surge propterea amica mea, forma mea, & veni; jam enim hiems transiit, imber abiit & recessit, veni de Libano sponsa mea, de excelso culmine perfectionis, veni, coronaberis.* 3. Illam conspectu Filij mirè exhilaratam ultima ejus in morte verba hîc etiam repetisse: *Fili in manus tuas commendo spiritum meum:* atque ita sine ullo doloris sensu, quem sub cruce abundè sustinuerat, sola amoris vi absorptam expirasse. *Fortis est ut mors dilectio.* Nos ut similem etiam mortem assequi possimus, vitam ejus imitemur, & opem imploremus, *Tu nos ab hoste protege, & hora mortis suscipe.*

Cant. 2. 10.

Cant. 4. 8.

Ps. 30. 6.

Anno Christi.

An. 48.

Ætat. 63.

Cant. 8. 6.

Eccl. Offic.

Num. 23. 10.

Fama mea ejus similia.

FESTO



233

FESTO ASSUMPTIONIS B. MARIE. 15. Aug. II.

*De assumptione animæ ejus in cælum.*

**Punct. I.** Confid. 1. Christum animam purissimam Matris suæ corpore egressam suavissimo amore excepisse, mutuo hinc inde amplexu, cum ineffabili ejus gaudio, ut dicere posset: *Læva ejus sub capite meo, & dextera illius amplexabitur me.* Inveni quem diligit anima mea: tenui eum nec dimittam. 2. Occurrisse ei millia Angelorum ex omnibus choris gratulabunda, præcinente Gabriele: *Ave gratia plena, Dominus tecum, benedicta tu in mulieribus:* accinamus & nos quod ad Judith Hebræi: *Tu gloria Ierusalem, militantis & triumphantis, tu lætitia Israël, tu honorificentia populi nostri: benedicta tu in æternum,* & per te benedicti erunt quos tu protegeris. 3. Eam non Angelorum manibus, sed à Christo, quem ipsa aliquando infantem utero & ulnis portaverat, deduci triumphabundam, & omnium sanctorum claritatem gloriæ suæ radiis exsuperantem, stupentibus Angelis: *Quæ est ista quæ ascendit de deserto, deliciis affluens, innixa super dilectum suum?* Hinc & disce tu affectu mundana deferere, & virtute proficere, ac fiduciam in Deo collocare.

**Punct. II.** Confid. 1. Animam illam cælum empyreum ingressam ibi omnium cælestium spirituum lætitia, & Sanctissimæ Trinitatis gaudio exceptam, à Patre æterno ut filiam dilectissimam, à Filio ut Matrem, à Spiritu S. ut Sponsam: expende hinc & silentio ac admiratione venerare pacis oscula, amplexus, & amantissima colloquia & honores exhibitos. 2. Quanta fuerit gloria illius animæ; si enim justis omnibus Christus promiserit gloriæ *mensuram bonam, & confertam & coagitatam, & supereffluentem,* quantam dederit Matri suæ, quæ sine mensura amaverat & gratiam acceperat: unde & existimatur Angelorum & beatorum omnium gloriam simul collectam longè excessisse.

**Punct. III.** Confid. 1. Eam à tribus divinis Personis ineffabili honore cumulata, longè excellentius quàm mater Regis Salomonis à filio ad dextram in throno collocata sit. *Adjicit regina à dextris tuis in vestitu de auro, circumdata varietate: vestis ejus aurea fuit ardentissima charitas, omnium virtutum velut gemmarum varietate distincta.* 2. Eam multiplici corona decoratam, ab æterno Patre corona potestatis supra omnes creaturas post Christum, à Filio corona sapientiæ, à Spiritu sancto corona charitatis, qua omnium salutem ardentius promoveret. 3. Donatam eam tribus laureolis sive accidentalibus gloriæ coronis laureis; Virginitatis, quia virginem virginum; Martyrij, quia Reginam martyrum in Filij passione; Doctoratus, quia Magistram Apostolorum in materia religionis. 4. Accessit *corona stellarum* 12. quia una omnium Sanctorum excellentias superavit. *Mulce filie congregaverunt divitias, tu supergressa es universis.* Defer illi & tu in hac triumphali pompa pios affectus & humilia obsequia.

G g

FESTO

## FESTO ASSUMPTIONIS B. MARIE. 15. Aug. III.

*De Assumptione ejus cum corpore glorioso.*

**Punct. I.** Confid. 1. Noluisset Christum permittere, ut corpus Matris suæ communem corruptionem subiret, idque in præmium singulare virginitatis etiam voto adhuc inusitato firmatæ, ac puritatis animæ nulla umquam labe peccati infectæ, tum etiam ad honorem suū, quem non decebat carnem, ex qua ipse suā sumpserat, corruptioni subicere. *Non dabis sanctum tuum videre corruptionem.* Arca erat illa novi testamenti ex lignis incorruptibilibus. *Surge Domine in requiem tuam, tu & arca sanctificationis tuæ:* unde & tu eam roga, ut te ab omni culpæ corruptione conservet. 2. Voluisse Christum eam cum corpore glorioso secum esse statim in cælo, tum ut naturale desiderium animæ ejus expleret, & quoniam hæc cum corpore semper conspirasset in complenda Dei voluntate, etiam pariter in cælis eum laudarent: tum ad spem nostram futuræ resurrectionis confirmandam: tum ut ipsa in cælis nomen & officium Matris sic plenius impleret, interpellando pro nobis apud Filium, exhibendo ubera quæ lactavit, & corpus; unde ipse suum acceperat.

**Punct. II.** Confid. 1. Christum die tertio, iterum descendisse de cælo in terram cum anima Matris suæ, & amplissimo comitatu cælestium spirituum ad ejus corpus, ibique animam purissimo corpori reunitam suaviissimo utriusque partis amplexu. 2. A gloria animæ mox diffusas in corpus dotes gloriosas, claritatis super omnem splendorem solis, agilitatis quæ se in omnem mundi partem momento posset transferre, impassibilitatis ab omni corruptione, & subtilitatis ad omne corpus penetrandum.

**Punct. III.** Confid. 1. Deiparam sicut arcam à cælesti Salomone cum jubilis & canticis deductam super omnes choros Angelorum, & beatorum in locum altissimum templi cælestis, & ab ea omnia nova claritate resplendens, ibique ad thronum Sanctissimæ Trinitatis impositam ei coronam pro cinere, oleum gaudij pro luctu, & pallium laudis pro spiritu mærois. Fac ô Mater, ut ubi est corpus tuum, ibi congregentur & aquilæ, filij tui, te æternum laudantes. 2. Confid. Gaudia & plausus cælitum, tum ad virtutum fragrantiam: *Quæ est ista quæ ascendit, sicut virgula fumi ex aromaticis myrhæ & thuris, & universi pulveris pigmentarij?* tum ad corporis claritatem: *Quæ est ista quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata:* stupuere Seraphim ardorem amoris, Cherubim cælestem sapientiam, Throni pacem mentis Deo unite, & sic omnes chori eximias excellentias, quas ei gratulati sunt, gaudentes subsellia sua per eam restauranda: denique cum plurima dona variis Sanctis seorsim à Deo collata, ad corporis vel animi infirmitates tollendas, vel beneficia impetrandi, in hanc unam Deum liberaliter effuderit, provocamur & nos ut in omni necessitate ad eam promptè & confidenter recurramus.

FESTO



## FESTO ASSVMP. B. MARIE VIRGINIS. 15. Aug. IV.

Anno 33.  
Novemb.  
in Betha-  
nia.

Et S. Marthæ 29. Julij.

*Christus à Martha & Magdalena benigne hospitio excipitur. Luc. 10.*

**Punct. I.** Intravit Iesus in quoddam castellum, & mulier quædam Martha nomine excepit illum in domum suam. Confid. 1. Christum, ubi venit cum Apostolis suis in Castellum Bethaniæ, media leuca Jerosolymis distitum, ibi exceptum omni studio benevolentia à Martha virgine nobili & opulenta; *Excepit*, inquit Augustinus, *famula Dominum, agra Salvatorem, creatura Creatorem, pascenda spiritu, pascendum in carne*: tu attende quo studio & reverentia Christum jam gloriosum in Eucharistia excipias. 2. Christum mox captasse occasionem dicendi verbum salutis ad sororem ejus Magdalenam, tum ut Apostolos exemplo suo doceret idem facere in congressibus, atque operam illam, etiam uni animæ, fore rectè impensam, tum ut Magdalenam in melioris vitæ studio confirmaret. 3. Magdalenam interim animum eò composuisse; nam etiam *sedens secus pedes Domini audiebat verbum illius*, ubi per sessionem animus attentus, per pedes Domini humilitas designatur, de qua S. Augustinus: *Quanto humilior illa sedebat, tanto amplius capiebat, ut discas quo animo & te Verbum Dei audire oporteat.*

**Punct. II.** Martha autem satagebat circa frequens ministerium: quæ stetit & ait: Domine, non est tibi curæ, quod soror mea reliquit me solam ministrare? dic ergo illi ut me adjuvet. Ubi Confid. 1. Per duas has sorores, quarum una externis, altera internis ministeriis Christo vacabat, significari vitam activam & contemplativam, quarum licet hæc sit multo perfectior illa, perfectissimam tamen esse vitam mixtam, quæ actionem contemplationi conjungit, & quæ studia externarum occupationum fulcit auxilio interiorum affectuum. 2. Christum ad hæc monere suaviter Martham de excessu actionis externæ: *Sollicita es, inquit, & turbaris erga plurima. Porro unum est necessarium, Maria optimam partem elegit, quæ non auferetur ab ea.* Ubi attende Christum præferre opera interna & spiritualia externis & corporalibus, ac docere pluri esse faciendam refectionem mentis, sitam in Dei voluntate cognoscenda & adimplenda, cui vacabat Magdalena, quàm corporis, de qua tantum sollicita erat Martha.

**Punct. III.** Conf. 1. B. Virginem Mariam fuisse primam, quæ in hoc mundo Christum hospitio virginalis aulae suæ excepit summa reverentia & amoris affectu, eique sic impendisse externa ministeria Marthæ, ut interna Magdalene omnibus semper præferret; ideoque præ omnibus placuisse. 2. Ideo & illam sub vitæ finem invitata à Christo in aulam regni cælestis, de qua meritò exultabunda canebat: *Latata sum in his quæ dicta sunt mihi: In domum Domini ibimus*; ibique super omnes Angelorum choros assumptam, ut quæ hîc in terra se infra omnes demiserat, ac velut ancilla Dominum officiosissimè exceperat, ibi super omnes exaltata, primum illi locum occuparet.

## FESTO S. BERNARDI. 20. Augusti.

**P***unct. I.* Confid. 1. S. Bernardum in Burgundia honesto loco natum, inde ab adolescentia, propter egregiam formam variè sollicitatum, numquam de sententia colendæ castitatis dimoveri potuisse; contra quâ cum fortè incautus oculos in feminam defixisset, sui ipse delicti vindex, in stagnum glaciale se collo tenus immerfit, unde reliquo vitæ tempore ab omni carnis stimulo immunis permansit: Excita & hinc in te amorem castitatis. 2. Ut tamen castitatem ac salutem suam in tuto collocaret, cum monasterium Cisterciense sub regula S. Benedicti ingredi decrevisset, fratres suos huic decreto obstrictos ipsè eloquentior, & illos & alios juvenes universim 30. in eandem secum sententiam, ad religiosæ vitæ destinatum portum feliciter deduxit: expende hîc & illorum, & tuam felicitatem. 3. In religione totus erat in afflicto corpore, & sensibus coercendis, jejuniis ita deditus, ut quoties sumendus esset cibus, toties tormentum subire videretur, hunc sibi in virtutum exercitiis crebrò stimulum subiciens: *Bernardus ad quid venisti?*

*Punct. II.* Confid. 1. Eluxisse in eo singulare studium humilitatis, quâ nō humilis videri, sed vilis desiderabat, se servū & inutilem, & infructuosam arborem appellans, unde & Episcopatus Genuensem, Mediolanensem, aliosque sibi oblatos fortiter recusavit, iis se indignum asserens. 2. Hinc & in gravi morbo visus sibi tribunali Christi, accusante diabolo, assistere, reposuit fateri se meritis suis non deberi cælestem gloriam, sed hæc cum duplici jure deberetur Christo, hæreditatis, & passionis, illum priori titulo gaudere, posteritæri verò sibi donatam; unde inquit non confundar: quare & tu in eadem Christi passione confide.

*Punct. III.* Confid. 1. Eum postea assumptum Abbatem in Clara-valle, quantumvis invitum, singulari prudentia, mansuetudine, ac religiosæ disciplinæ zelo monasterium rexisse: aliquando coram crucifixo ferventiùs orantem, ab eo brachium miraculosè exerente in amplexum Christo adjunctum, amoris dulcedine perfusum fuisse. 2. Cultui Dei paræ singulariter fuisse addictum, ac vicissim ab ea cælestibus favoribus cumulaturn, ita ut etiam virgineo ejus lacte potari meruerit. 3. Doctrinam cum pietate in scriptis elucens ferebatur se oratione potissimum in solitudine ac silvis accepisse, adeoque quercus & fagos sibi magistros fuisse; libroad Eugenium tertium Pontificem, suum olim discipulum, de sui consideratione dato, id potissimum inculcat, ne in salute proximi promovenda, salus propria negligatur. 4. Post plures hæreticos & schismaticos ad Ecclesiam reductos, atque inter illos etiam Guilielmum Aquitanie Principem, miraculis ac dono prophetiæ clarus, monasteriis extructis 160. atque in suo Clara-vallente 770. religiosos complectens, inter suos purissimam animam suo reddidit creatori.

An. 1153.  
Æt. 64.

quodammodo FESTO



237

FESTO S. BARTHOLOMÆI. 24. Augusti.

*Christus in monte seligit 12. Apostolos, & infirmos sanat. L. 6. Mar. 5. Mar. 3.*

Anno 32.  
Maio in  
monte Ga-  
lilææ.

**P**unct. I. Exijt Iesus in montem orare. Conf. 1. Quomodo Christus se subducatur à consortio turbarum, atque etiam discipulorum suorum, ne à quopiam interpelletur, & recipiat se in montis verticem ad orandum, ut doceat nos etiam exire & subducere nos à curis ordinarijs, & terrenis affectibus ad vacandum Deo in oratione. 2. *Et erat pernoctans in oratione Dei.* Conf. Christi hinc in oratione fervorem, reverentiam, & constantiam, eamque institui potissimum pro felici delectu Apostolorum, ut discas res agendas, potissimum gravioris momenti prius Deo in oratione commendare. 3. Mane *vocavit discipulos suos, & elegit 12. ex ipsis, quos & Apostolos nominavit.* Ubi Conf. Licet discipuli hi omnes pietate, zelo, varijsque virtutibus insignes essent, tamen Christum non nisi 12. juxta typum 12. filiorum Israël ex illis elegisse, quos præ ceteris ad munus Apostolicum aptiores iudicavit; unde discce & tu cum discipulis æquo animo ferre, si quando alij tibi preponantur, & cum Apostolis Deo gratias agere, si præ alijs eo assumaris. 4. Christum hos Apostolos junxisse sibi individuos socios ac domesticos, & testes didorum ac factorum suorum, ut post mortem suam committeret eis curam totius Ecclesiæ colligendæ ac regendæ, tanquam legatis suo nomine missis, architectis Ecclesiæ novæ, ac doctoribus per totum orbem.

Punct. II. *Et omnis turba querebat eum tangere, quia virtus de illo exibat, & sanabat omnes.* Ubi Con. 1. Convenisse ad Christum in montis descensu multitudinem copiosam ab omnibus vicinis regionibus, *ut audirent eum & sanarentur à languoribus suis.* Vide tu qua aviditate ad Christum recurras, ut eum loquentem intus audias, ac sanitatem animi ab eo obtineas. 2. Quoties hanc ab ipso obtinueris, & quam parum te gratum illi exhibeas. 3. Quæ causa sit cur in Ven. Eucharistia, ubi paratus est & promptus tibi opem conferre, tam exigua tamen experiaris.

Punct. III. Conf. 1. S. Bartholomæum natione Galilæum inter 12. Apostolos à Christo assumptum, in eorum divisione primum in Lycaoniam Asiæ provinciâ cum Philippo, atque hinc in Indiâ citeriorem, quæ illi in sortitione obtiguit, profectum, mox strenuè in annunciandum omnibus Christi adventum incubuisse, arduis quidem laboribus & calamitatibus subeundis, sed uberrimo animarum fructu. 2. Inde in Armeniâ majorem progressum, cum oblitteratâ ibi à dæmonio Regis Polymij filiam, missos ad se à Rege onustos auro gemmisque camelos, generose remisisset, dicens se non hæc, sed animas querere, & Regem, & Reginam cum filia ad Christi fidem amplectendam permovisse, quorum exempla 12. Civitates pari successu secute sunt: sed hinc idolorum sacrificulos invidia incitatos Regis fratrem Atyagæ, alterius provinciæ Dominum in Apostolum adeo concitasse, ut is vivo pellic crudeliter detrahi, caputque abscindi jussisset, quo glorioso Martyrio, Anno 40.

FESTO

## FESTO S. LUDOVICI. 25. Augusti.

**P**unct. I. Conf. 1. S. Ludovicum Gallia Regem ejus nominis nonum, ab anno ætatis 12. patre orbatum, sub Blanche matris sanctissima disciplina educatum, salutaria ejus monita avidè apprehendisse, & altè imbibisse, nominatim id quod sæpè illi inculcaverat, malle se eum mortuum videre, quàm mortali peccato obnoxium; unde & se omni vitæ tempore ab eo integrum servavit. 2. Fuisse eum singulariter deditum orationi, ac piæ lectioni, jejunijs, ac corporis afflictioni, sic ut aspero cilicio plerumque carnem domaret: fidem in S. Eucharistiam ita firmasse, ut cum Parisijs Christus in Eucharistia sub infantis specie spectabilis appareret, plurimis eò confluentibus, negaret ille posse fidei suæ firmitatem miraculo magis roborari: unde & tuam fidem exstimula.

Punct. II. Confid. 1. Eum anno ætatis 20. morbo correptum, desiderium concepissee de recuperanda possessione Ierosolymorum, Christi quæ fide ibi restituenda; sibi quæ redditum, mox quæ in morbo conceperat, strenuè aggressum: unde & zelum disce, & in proposito constantiam. 2. Trajecto igitur mari cum valido exercitu, hostes Saracenos primo prælio fugasse, sed tempestate ac pestilentia exercitu prope deletum, ipsum superatum & captum: ubi attende voluisse Deum hac calamitate piissimum Regem, velut aurum in fornace, magis purgare, & illustrare; ipsum verò eam æquissimo animo accepisse, nec verbum alieni sensus reposuisse, sed palam professum eam peccatis suis debitam fuisse. 3. Rebus compositis cum Saracenis, liberum cum exercitu dimissum, & ad omnem Dei nutum paratum, annos 5. in Oriente commoratum, non minori studio se pietatis operibus impendisse, infideles plurimos verbo & exemplo ad Christi fidem perduxisse, & Christianos à Barbarorum servitute redemisse.

Punct. III. Conf. 1. Eum ob matris Blanche mortem in Galliam reversum, de pristino pietatis fervore nihil remisisse, sed post multa monasteria ac pauperum hospitalia erecta & dotata, atque alia plurima luculenta Christianæ pietatis & humilitatis exempla, iterum cum novo exercitu mare conscendisse, bellum Saracenis illaturum, sed fixis in eorum conspectu castris, pestilentia ad cælestis gloriæ coronam evocatum: ubi attende eum, licet terena victoria frustratum, multo tamen illustriorem in cælis assecutum: unde disce etiam te tuaque in adversis Deo committere. 2. Mortem ejus vitæ piissimè actæ respondisse, quando gratias Deo egit de sua liberatione ex hac valle miseriorum, illud sæpè ingeminans: *Fac nos Domine prospera mundi despicere, & nulla ejus adversa formidare.* Ac tandem purissimam animam Deo tradidit, in illa oratione:

Anno 1270.

P. 5. 3.

Ps. 137. 2.

Introibo in domum tuam, adorabo ad templum sanctum tuum, & confitebor nomini tuo.

IN DE.



## IN DECOLLAT. S. IOANNIS BAPTISTÆ. 29. Augusti.

Anno 32.  
Aug. 29 in  
extremo  
Galilææ.

S. Ioannes ab Herode incarceratur & decollatur. Mat. 14. Mar. 6. 1. u. c. 3.

**P**unct. I. Conf. 1. S. Ioannes ardentem zelum & animi fortitudinem in arguendo Herode de adulterio palam notorio ac scandaloso, sic ut nec humano metu, nec favoris illecebra cohibitus, confidenter eum aggressus sit: *Non licet tibi habere uxorem fratris tui.* In quo etiam zelum ejus erga proximum imitare, sed potissimum erga teipsum, dum ad peccatum provocaris, argue te, & dic: *Non licet tibi hæc vel illa cogitare, dicere, aut facere.* 2. Eum propterea ab Herode coniectum in carcerem de fervore suo nihil remisisse, imò convertisse carcerem in domum orationis, nec destitisse etiam ibi à prædicando & proclamando adventu Christi. Ita Deus voluit illum ea iniqua afflictione, velut aurum in fornace, magis illustrare. 3. Conf. Virtutem etiam apud improbos esse in æstimatione & reverentia; unde *Herodes metuebat Ioannem, sciens eum virum justum, & sanctum, & audito eo multa faciebat;* sed quid prodest, dum quis interim inhæret vitijs capitalibus, & in uno factus est omnium reus? & libenter eum audiebat, neque etiam prodest audire, nisi accedat executio operum. Iac. 2. 10.

**Punct. II.** Et cum dies opportunus accidisset, Herodes natalis sui cenam fecit. Conf. 1. Tantum à duobus, ijsque impijs, Pharaone & Herode, in S. Scriptura legi celebratum diem natalem, miseriarum exordium, ac multis æternarum: quare tu celebra potius cum Ecclesia natales dies Sanctorum in cælis: vel qui etiam gratia exornati mundum ingressi sunt, ut Christus, Deipara, & S. Ioannes: ac tuum etiam ad vitam meliorem, de quo gratias Deo age. 2. Cumque introisset filia ipsius Herodiadis & saltasset, & placuisset Herodi, simulque recumbentibus, rex ait puellæ: *Pete à me quod vis, & dabo tibi, & iuravit illi: Quia quidquid petieris dabo tibi, licet dimidium regni mei.* Ubi Conf. Herodem captum eâ vanitate & lascivia saltus, procedere ad enormem temeritatem in promisso ac juramento sibi maximè pernicioso: quare in verbis vide ut sis circumspectus.

**Punct. III.** Et contristatus est rex propter iurandum, & propter simul discumbentes noluit eam contristare, sed misso spiculatore præcepit adferri caput ejus in disco. Et decollavit eum in carcere. Conf. 1. Tristitiam hanc regis non fuisse ad pœnitentiam, sed quod videret probrosum sibi fore, dare caput innocentis in præmium saltanti; cessisse nihilominus humano respectui, licet scirer se juramento temerario, nec sine impietate implendo, minimè obligari: unde collige peccatores, dum aures occludunt divinis inspirationibus, continuo in pejus ruere. 2. Conf. Ioannem in carcere excepisse cum gaudio sententiam mortis, & anhelasse, sicut multos exhilarerat in sua natiuitate, ut & moriens Patres in limbo posset exhilarare felici nuncio de adventu Messie, ideoque jugulum percussori fortiter præbuisse, ac pro eo & auctoribus mortis suæ Deum orasse.

Anno 2.  
Mat. 32.

## FESTO NATIVITATIS B. Mariæ. 8. Septemb. I.

&amp; Conceptionis ejusdem. 8. Decemb.

*Genealogia Christi. Matth. 1.*

**P**unct. I. *Liber generationis Iesu Christi filij David, filij Abraham.* Conf. I. In hac Christi genealogia contexta à S. Matthæo, descendendo ab Abrahamo ad Christum, proponi nobis benignum ejus ad nos descensum; in altera verò à S. Luca contexta, ascendendo à Christo ad Deum proponi felicissimum nostrum per illum ad Deum & cælestem patriam ascensum, eoque proinde spem nostram dirigendam. 2. Plures hîc longa seriè genitores præmitti, dilata interim Christi incarnatione, tum ut illi velut ministri prævij venturo Regi viam sternerent, tum ut hac morâ piorum fidelium desideria ad Christum crescerent, ejusque unius necessitas, velut in morbis post tentata cetera, magis appareret. 3. Dividi hanc seriè in tres tessera-decades, Iudicum, Regum, & Pontificum, quibus populus Iudaicus successivè subfuit ijsque significari amplam ac vetustam Christi nobilitatem, ipsumque unum in se eorum omnium potestatem continere. 4. Parentes Christi nobilissimo ejus partu longe majorem splendorem majoribus addidisse, quàm ad ijs acceperint; unde disce verà nobilitatem in virtute, ac conjunctione cum Christo consistere. 5. Exprimi hîc etiam mulieres quatuor, easque omnes infideles vel peccatrices, eoque significari Christum ex infidelibus & peccatoribus Ecclesiam collecturum, ipsumque neminem averfari, modò sibi vera fide & caritate conjungi velit.

*Punct. II. Iacob genuit Ioseph virum Mariæ, de qua natus est Iesus.* Conf. I. Ex illustri stemmate Iosephi liquere etiàm de stemmate B. Virginis, quam constat juxta legem viro ejusdem tribus nupsisse. 2. Cùm dicitur: *de qua natus est Iesus*, insinuari hunc ex sola virgine natum sine viri cognitione, adeoque singularem ejus in hoc divino partu virginitatem. 3. Potuisse quidem Deum formare sibi corpus, ut fecerat Adamo sine matre, sed hanc assumere voluisse, tum ut & nobis illa esset loco Matris, & apud Filium Advocata, tum ut ex ea ipse genitus, ei que subditus præberet nobis exemplum subjectionis. 4. Conf. Altissimam dignitatem, ad quam elevata est Maria cùm facta est *Mater Dei*, ideoque prius eam omni gratiarum genere copiosè fuisse instructam, ac deinde pluribus refertam; quare gratulare ei tantum bonum, ac pia obsequia & cultum impendere statue. 5. Gratias Deo age de nato nobis tandem mundi Salvatore, tot votis expetito, per quem jugum servitutis nostrę sublatum est, & portæ regni cælestis reclusæ; ideoque per Deiparam quæ apud Filium potest omnia, & *Ianua celi* meritò appellatur, stude eò aditum impetare.

FESTO



FESTO NATIVITATIS R. MARIAE. 8. Septemb. II.

De ejus nomine.

**Punct. I.** Confid. Nomen hoc inditum fuisse sorori Moyſis in lege veteri, tanquam illuſtri typo Virginis Deiparæ, cujus perfectiones nominis hujus ſignificatione adumbrantur, ac primò quòd ſit *Maris ſtella*, ubi attende vitam hanc noſtram eſſe velut mare ventis tentationum, fluctibus pravorum affectuum, plurimis ac graviffimis periculis, & aſſiduis viciffitudinibus obnoxium, ac naufragiis indies pereuntium infame: quare prudenter time, ſecuriorem viam ſeu vitam ſectare, & in omni tempeſtate ad Mariam velut Maris ſtellam reſpice, ſecundùm illud Bernardi, *Ne avertas oculos à fulgore hujus ſideris, ſi non vis obrui procellis.*

Ex. 15. 20.

**Punct. II.** Confid. 1. Significari etiam hoc nomine *Amarum Mare*, & rectè illam mare dici; nam ſicut Deus *congregationes aquarum vocavit maria*, ita & congregationes gratiarum ac donorum cæleſtium vocavit Mariam. 2. Eam nihil magis cupere, quàm ut nobis dona illa de ſua plenitudine communicet. 3. Eſſe amarum mare ex acerbiffimis doloribus tum de Filij ſui dilecti paſſione, tum de infirmitatibus & miſeriis omnium noſtrum, quas in ſe etiam velut pia mater commiſeratione ſuſtinuit; amarum etiam fuit dæmonibus, quorum poteſtatem extinxit.

Gen. 1. 10.

**Punct. III.** Confid. 1. Inſuper *Reginam* ſeu *Dominam* ſignificari; nam ſicut Chriſto filio ejus, quia ſe ad mortem crucis humiliaverat, Pater cæleſtis *donavit nomen ſuper omne nomen*, ita & huic infra ceteros mortales depreſſæ, merito nomen hoc inditum *Reginæ*, ſeu *Dominæ*, *cæleſtium*, *terreſtrium*, & *infernorum*. 2. Confid. Eam, licet omnium ſit Regina, quia tamen ſingulariter nobis nata & data eſt, petere à nobis debitum honorem & cultum: quare vide quid ad honorem ejus facias, vel facere ſtatuas.

Phil. 2. 9.

**Punct. IV.** Confid. 1. Significari etiam *illuminatam* ob plenitudinem cæleſtis ſapientiæ ſibi copioſiſſimè communicatæ, atque etiam *illuminantem*; neque enim ſibi tantum lucem illam reſervat, ſed & nobis ardet communicare, prout fecit primùm Apoſtolis & Euangeliftis, deinde innumeris ſui cultoribus, radios lucis ſuæ implorantibus. 2. Diſce etiam ejus exemplo libenter lucem Chriſtianæ doctrinæ proximo, idque gratis, *communicare*.

**Punct. V.** Denique *Aſſimilatrix* ſeu *Imitatrix Dei* ſignificatur. Ubi Confid. Cùm omnis noſtra perfectio conſiſtat in aſſimilatione divinarum virtutum, præter eas quas ipſa à primo instanti Conceptionis infuſas pleniffimè habuit. quantum in iis deinde progreſſum continuo fecerit, potiſſimum ex aſſidua per annos 30. cum ſuo ac Dei Filio conſuetudine: quare in ipſam velut perfectiſſimum poſt Chriſtum exemplar, & nobiliſſimum, & auxilio dirigens frequenter reſpice.

Hh

FESTO

Anno 34.  
Martij 20.  
Je soly-  
mæ.

242

## IN EXALTATIONE SANCTÆ CRVCIS. 14. Septemb.

*Christus significat fructus mortis suæ in cruce. Ioan. 12.*

Pf. 44. 4.

**P**unct. I. *Nunc iudicium est mundi.* Confid. 1. Christum hîc docere tres nobilissimos fructus mortis suæ in cruce, quorum primus sit liberatio mundi à tyrannide diaboli, peccati, & mortis: cave proinde ne tanto pretio in libertatem restitutus iterum te vilissima voluptate in eandem servituti mancipes. 2. *Nunc Princeps hujus mundi ejicietur foras.* Hic alter fructus est, nempè expulsio diaboli non tantùm è templis gentilium per destructum cultum idolorum, sed etiam ex animis & corporibus hominum, ac potentia ejus in hominibus divexandis plurimùm repressa; quam victoriam per crucem velut gladium & arcum Christo gratulare: *Accingere gladio tuo super femur tuum potentiissime. Intende arcum tuum, prospere procede in hoste nostro conterendo, & regna in animis justorum.*

Colloff. 1. 24.

*Punct. II. Et ego si exaltatus fuero à terra, omnia traham ad meipsum.* Confid. 1. Hic tertium fructum crucis, qui est omnium attractus: appellat autem mortem suam in cruce exaltationem, tãquam sibi maximè gloriosam, nobis omnibus salutarem, & ad imitandum ac redamandum propositam. 2. Traxit Christus per eam ad se omnia spolia diaboli, corpus & animam, omnia hominum genera, ex omni natione, conditione, ætate, & sexu: traxit omnia elementa, solem & lunam, ac petras, quæ ei in morte complanxerunt: deniq; Patrem cælestem ad reconciliationem cû hominibus. 3. Quomodo traxit? vinculis amoris, ideoque non nisi volentes: quare licet ex parte sua sufficienter, ut tamen efficaciter, studium & cooperationem nostram requirit. *Alimpleo ea quæ de sunt passionum Christi, in carne mea.* 4. Ad quid traxit? ut assumeret nos in fratres & filios, ad fidem, spem, caritatem, pœnitentiam, adversa subeunda, ac deinde in cælestem gloriam.

Gal. 6. 10.

*Punct. III. Ambulate dum lucem habetis.* Conf. Christum hîc hortari Judæos ad fructus hos sanctissimæ Crucis suæ sibi conquirendos, ut dum lucem habent hujus vitæ, & ipsum, qui lux mundi est, ad manum habent, à quo in dubiis illuminentur: attendant, credant, interrogent, & intelligere ac observare studeant doctrinam suam; nam post discessum suum ea opportunitate privandos, atque etiam tempore post tenebras mortis: quare *dum tempus habemus, operemur bonum.*

Anno 628.  
Off. Eccl.

*Punct. IV.* Confid. Memoriam sanctissimæ Crucis hodie singulari pietate in Ecclesia illustratam, cû eam Heraclius Imperator à Choroa Persarum Rege per annos 14. occupatam, jam gloriosè recuperatam in priorem Calvariæ locum humeris suis deferre parans, auro & gemmis ornatus, progredi è porta non potuit, dum monitis Antistitis. deposito triumphali ornatu, ac paupertatem & modestiam Christi allumens, nudipes reliquum viæ facile confecit. *Per signum Crucis de inimicis nostris libera nos Deus noster.*

FESTO



243

FESTO S. MATTHÆI APOS. EIVSQVE VIGI. 21. Sep.

Anno 32.  
Martio  
Caphernai.

*Christus vocat Matthæum è telonio ad Apostolatam.*

Matt. 9. Mar. 2. Luc. 5.

**Punct. I.** Vidit Iesus hominem sedentem in telonio, Matthæum nomine. Confid. 1. Matthæum aliter Levi dictum, natione Galilæum, officio telonarium seu publicatum Caphernai, qualem ipse se appellare non erubescit, ut peccatoribus omnibus etiam conversionis spem subjiciat, hinc à benigno aspectu Christi transeuntis initium salutis accepisse. 2. Et ait illi: *Sequere me. Et surgens sequebatur eum, relictis omnibus.* Ubi Conf. Efficaciam verborum Christi, in extrahendo Matthæo vitiis immerso, & promptam illius in sequendo obedientiam.

Matt. 12. 3.

Luc. sup.

**Punct. II.** Et fecit ei convivium magnum Levi in domo sua. Ubi Conf. 1. Matthæum à Christo deinde remissum ut rationes componeret, & injustè possessa restitueret: iis peractis instruxisse eum Christo amplum convivium, invitatis pluribus Publicanis, ut eos hac occasione etiam ad Christum alliceret. 2. In hoc convivio à Matthæo proposita fuisse Christo dulcissima fercula, generosa desideria perpetuæ paupertatis, castitatis, & obedientiæ, cum perfecta sui ablatione: tu etiam Christum excipe in anima tua affectibus virtutum.

Luc. sup.

**Punct. III.** Et videntes Pharisei dicebant discipulis ejus: Quare cum publicanis & peccatoribus manducat Magister vester? Confid. 1. Munus hoc publicanorum fuisse apud Judæos passim infame, ac proinde non interrogandi, sed conviciandi animo hæc à Phariseis dicta; in quo Christi charitatem & patientiam imitare. 2. At Iesus audiens ait: *Non est opus valentibus medicus, sed male habentibus.* Ostendit se medicum esse non tantum corporum, sed potissimum animorum, ideoque se illos visere ut plenam sanitatem conferat. 3. Et subdit ex lege: *Misericordiam volo, & non sacrificium,* probans beneficentiam erga miseros etiam lege esse sancitam, & sacrificiis præstare. 4. Concludit: *Nec enim veni vocare justos, qui se tales ex superbia ostendant, sed peccatores, qui se tales submisisse agnoscunt, quos ipse non deserit, sed quærit & vocat velut pastor oves errantes.*

Os. 6. 6.

**Punct. IV.** Confid. 1. Matthæum non tantum Apostolum fuisse, sed & Evangelistam; imò primum præ ceteris Evangelium scripsisse in Judæa ad instructionem fidelium, postea in Æthiopiam profectum, ibi prædicatione, vitæ exemplis, ac pluribus miraculis, inter cetera, etiam Regis filia Iphigenia à mortuis excitata, & Regem, & Reginam, atque universam provinciam Christianæ fidei suavi iugo submisisse. 2. Rege deinde mortuo cum Hirtacus ejus successor filiam illam sibi in matrimonium deposceret, Matthæum illi in hoc obsistentem, fuisse jussu ejus a satellitibus ad altare peracto sacrificio lanceis confoissum, atque ita Apostoli & Evangelistæ munus martyrij gloria illustrasse; tu imitare in hoc zelum ejus & constantiam.

4. Chri. 5. 2.

Hh 2

FESTO

## FESTO SS. COSMÆ ET DAMIANI. 27. Septemb.

**Punct. I.** Confid. 1. Sanctos Cosmam & Damianum fratres germanos & geminos, in Ægæa Arabiæ urbe parentibus Christianis natos, post litterarum studia, etiam Medicinæ scientiam sic virtuti junxisse, ut omnes oppressos a diabolo, & ægros ab aliis medicis depositos, morboque insanabiles ipsi passim sanarent, non tam scientiæ virtute, quàm fiducia in Christum. 2. In curationibus illis licet essent tota Arabia celeberrimi, in hoc tamen illustriores eminusse, quod lucrum aut mercedem temporalem ex iis nullam admitterent, sed spectarent solum spirituale, & *Matt. 10. 8.* mercedem apud Deum, juxta illud Christi: *Gratis accepistis, gratis date.*

**Punct. II.** Confid. 1. Deum, ut horum fratrum virtus magis inclaresceret, permisisset ibi tyrannidem Lyfiæ Præsidis hominis crudelissimi sub Diocletiano Imperatore, etiam in hos deservire; à quo proinde evocati, ac de religione sua interrogati, cum se Christianos esse, & hanc fidem ad salutem necessariam asseruissent, omnes ejus minas ac terribilia tormenta forti ac constanti animo contempserunt. 2. Eos proinde verberibus crudeliter cæsos, ac diris suppliciis tortos, inter ea Deo laudes cecinisse: *Pf. 9. 1.* *Domine refugium factus es nobis,* & tyranno insultasse, ut graviora, si posset, inferret, nihil ea sibi nocitura, Christo protegente. 3. Post die viotis manibus & pedibus in mare demersos, sed mox inde salvos & incolumes, *Pf. 17. 20.* solutis vinculis, Dei ope in litore collocatos: *Misit de summo, & accepit me, & assumpsit me de aquis multis.*

**Punct. III.** Confid. 1. Tyrannum hæc auxilia non divinæ virtuti, sed magicæ arti tribuentem, ad nova perrexisse supplicia, eosque in ardentissimam fornacem demississe; sed & hic in mediis flammis penitus illæsi Deo laudes canebant: *Pf. 22. 4.* *Si ambulavero in medio umbræ mortis, non timebo mala, quoniam tu mecum es,* & erumpentes flammarum globi proximos absumebant. 2. Ipse Tyrannus cum ob blasphemias à dæmonibus cederetur, opem eorum exposcit: obtinet, & induratus persistit, ac vice gratitudinis jubet eos in equuleo distendi, artusque omnes luxari; sed & in his illi pariter illæsi Deum laudant. 3. Inde Tyrannus laxans furori habenas jubet eos cruci alligatos primum lapidibus, inde sagittis velut imbre peti; sed hæc utraque ipso illæsis in percussores retorta ceciderunt. *Qui in altum mittit lapidem, super eum caderet. Converteretur dolor ejus in caput ejus, & in verticem ipsius iniquitas ejus descenderet.* Unde collige justorum à Deo protectionem, atque in ipsos nocentes redire mala, quæ in justos machinantur. Et attende divina providentia hoc die confirmatam primum Societatem Jesu per Pontificem Paulum III. ut significaretur probra adversus eam ab improbis jacerent in ipsos relapsura. 4. Eos tandem cum tribus fratribus germanis gladii palmam Martyrij consecutos, ac veram illam esse charitatem fraternam, quæ in virtute fundatur.

FESTO



## FESTO S. MICHAELIS ARCHANGELI. 29. Septemb.

**P**unct. I. Conf. 1. Ecclesiam excitare nos hodie ad cultum S. Michaelis, ac simul cum eo omniū Ordinum Angelicorum, eò quod ipse in primis velut ductor cælestis exercitus contra Luciferum aliosque superbos spiritus Dei honorē sibi arrogantes ardentius decertarit; unde & nomen retulit Michaelis, *Quis ut Deus?* De quo S. Ioannes: *Michael & Angeli ejus præliabantur cum dracone, & draco pugnabat, & Angeli ejus, & non valuerunt, neque inventus est locus eorum amplius in celo.* Ubi horum superbiam detestare, lapsum time, & cum S. Michael zelum indue divinæ gloriæ propagandæ. 2. Et potissimum, quia ipse sicut olim Ecclesiæ Judaicæ singularis defensor à Deo constitutus est, ita & nunc Christianæ, cujus fidelibus sæpe beneficis apparuit, ac nominatim in Gargano monte Apuliæ, ubi Ecclesiam ad sui & Angelorum memoriam exstrui jussit, hodie Deo dicatam, atque illustribus deinde miraculis celebrem: quare & tu te tuæque illi ut summo Principi confidenter committe. 3. Hanc fidelium defensionem ab eo potissimum impendi in extremo vitæ nostræ agone contra diabolicos spiritus; quare eum cum Ecclesia precare: *Princeps gloriosissime Michael Archangele defende nos in prælio, ut non pereamus in tremendo judicio.* 4. Sicut S. Michael a zelo divinæ gloriæ nomen accepit, ita & Gabriel à fortitudine Dei, quæ in annunciarando incarnationis mysterio eminuit, & Raphael à medicina Dei, in impensa sanitate Tobiae: Tu ab hoc etiam sanitatem mentis, ab illo animi fortitudinem implora.

Apoc. 12. 7.

Maij. 8.

Ann. 493.

**Punct. II.** Confid. 1. Omnes cælestes Spiritus numero propè infinito, & naturæ excellentia ceteris creaturis longè præstantes, mira ac gratissima varietate in novem choros seu ordines distributos, è quibus 1<sup>o</sup>. occupant *Seraphim*, à flagrantiamore Dei sic appellati, 2. *Cherubim*, à plenitudine divinæ scientiæ seu cognitione mysteriorum Dei, 3. *Throni*, à conjunctione cum Deo, atque hi primam Hierarchiam seu Sacram Aulam constituunt, quos omnes roga ut & tibi perfectionum illarū participationem à Deo obtineant. 2. Alteram constituit 4<sup>o</sup>. *ordo Dominationum*, qui in duos ordines sibi inferiores directione ad salutem nostram dominatum exercentia quibus & tu pote in partes animæ inferiores dominari. 5. *Virtutum*, quorum pro salute fidelium mirabilia in terris operantur, 6. *Potestatum*, quorum est machinationes demonum comprimere, à quibus & tu auxilium esflagita, 3. Hierarchiam tertiam constituunt, 7<sup>o</sup>. *Principatus* Principibus & regnis curandis ac promovendis a Deo destinati, 8. *Archangeli* illustribus personis, communitatibus, ac publicis ad salutem nostram commodis additi, 9. *Angeli* ad privata singulorum commoda, curam & defensionem, singulis ab ipsa nativitate, utque ad vitæ finem perpetui instructores & adjuvatores a Deo adjuncti; quare & illis honorem ac reverentiam impende, & Deo pro tam paterna in nos cura gratias age, ac sic vive ut eorū nobilissima & jucundissima Societate gaudere aliquando in celis possis.

Vide alteram Med. de Evang. Festo Apparitionis eiusdem. 8. Maii.

FESTO

## FESTO S. HIERONYMI. 30. Septemb.

**P**unct. I. Conf. 1. S. Hieronymum in Dalmatia parentibus nobilibus & opulentis, ijsque Christianis natum, adolescentem Romæ liberalibus disciplinis, inde in Græcia eloquentiæ ac Philosophiæ, Constantinopoli verò Theologiæ ac Sacrarum litterarum scientia sub Gregorio Nazianzeno instructum, cum singularis ingenij acumine & diligentia & virtutum studia constanter junxisse. 2. Hinc religionis causa Christi incunabula, aliaque pia loca Palæstinæ visentem, adhibitis ibi Iudæorum peritissimis, plurimum se ad S. Scripturæ intelligentiam, insigni animi sui solatio, & Ecclesiæ bono perfecisse. 3. Inde in Syria permotum exemplari vita & sanctitate monachorum, abdicatis mundi vanitatibus, fluxisque bonis, quibus ad summa in sæculo eniti potuisset, in vasta solitudine singulari vitæ asperitate, sibi ac Deo, pijsque studiis vacantem annos 4. exegisse.

Punct. II. Conf. 1. Eum deinde Antiochiæ Sacerdotio initiatum, ac Romam repetentem, ibi S. Damaso Pontifici in pluribus ad Ecclesiæ salutem ritè ordinandis, singulari auxilio fuisse: sed spreta mox curiæ Romanæ pompa, vitæque religiosæ percupidum, in Palæstinam reversum, exstructo monasterio in Bethleem ad præsepe Domini, caelestem ibi vitæ rationem instituisse, adlectis socijs aliquot eodem Dei spiritu excitatis. 2. Licet morbis doloribusque variè tentaretur, tamen corporis incommoda pijs laboribus, & perpetua lectione ac scriptione superasse, atque inde Ecclesiam præclaris ingenij sui monumentis plurimum illustrasse. 3. Ad perfectionem & constantiam in virtutum exercitijs solitum se supremi iudicii timore stimulare: *Quoties, inquit, diem illum considero, toto corpore contremisco; sive enim comedo, sive bibo, sive aliud aliquid facio, semper videtur tuba illa terribilis sonare in auribus meis: Surgite mortui, venite ad iudicium.*

Punct. III. Conf. 1. Cum propter singularem ejus doctrinam, & linguæ non solum Latinæ & Græcæ, sed & Hebraicæ ac Chaldaicæ intelligentiam, ex omnibus terræ partibus, à viris gravissimis, ad ipsum tanquam ad oraculum S. Scripturæ quæstiones explicandæ mitterentur, tamen humilitate sua se omnibus magis admirabilem præstitisse, unde ait: *Nihil ita à pueritia conatus sum vitare, quam tumentem animum, & cervicem erectam, Dei contra se odium provocantem.* 2. Zeli fortitudinem singulariter ostendit, cum ab Episcopo Hierosolymitano hæretico divexatus, nihil magis optaret quam pati pro Christo, dicens *Ecclesiam fundendo sanguinem & patiendo magis quam faciendo fundatam.* 3. In plena senectute, lethali morbo correptus, postquam suos ad Dei timorem pariter ac amorem fuerat cohortatus, sanctitate & doctrina illustris, ubi Christus infans vivere cæpit, ipse desijt, æternam in celis vitam auspicaturus, nobis hîc relinquens illustre exemplum doctrinæ studia cum virtute jungendi.

Ep. 32.

Ep. 61. in  
Ruffinum.Anno Chri-  
sti 420.  
Ætat. 78.

FESTO



## FESTO B. FRANCISCI BORGIAE. 1. Octob. I.

**Punct. I.** Confid. 1. B. Franciscum Borgiam electum à Deo ex illustri, & antiqua Ducum Gandiæ familia, à prima ætate ad divinum cultum: quem frequenti oratione, corporis afflictione, alijsque pijs exercitijs fovere, & promovere continuo studuit, unde facilius deinde ad tam sublimem sanctitatis gradum, quem nunc Ecclesia veneratur, ascendit: disce & tu bona ejus initia, ac progressus imitari. 2. Conf. Plurimum referre in re omni recte cœpisse; sicut in vita ineunda, ita & in vitæ gradu, ac die quovis, progressum ac finem à principio potissimum dependere.

**Punct. II.** Conf. 1. Tam pijs ejus initijs ac progressibus objectam à Deo occasionem ex morte Isabellæ Imperatricis, altius assurgendi: ubi enim illam, prius ob corporis speciem omnibus admirabilem, paucis post diebus, vidit ad omniū horrorem deformatam, Deo promisit, ubi liceret soluto matrimonij vinculo, abdicatis sæculi pompis, altiore se vitæ statum amplexurum. 2. Ubi penitiùs secum coram Deo expendit humanam potentiam, honorem, & gloriam, ac reliquam mundi vanitatem, tam cito evanescere, nihil magis concupivit, quàm eterna perituris præponere, dicens: *Sat principi mortali datum, nunc te sequar immortalem.*

**Punct. III.** Confid. 1. Quomodo in cœpto piæ vitæ cursu constanter progressus sit, adeò ut à Carolo Quinto Imperatore auctus, novo titulo Proregis Catalauniæ, in eo munere varijs vanitatibus obnoxio, & quinque horas quotidie flexis genibus orationi impenderet, & abstinentia, & cilicio, ceterisque afflictionibus carnem subigere non desisteret. 2. Conf. Quomodo Deus ei deinde per mortem uxoris aditum ad religiosum statum ineundum aperuerit, quam mortem licet pro naturæ sensu deprecaretur, ubi tamen cognovit sibi ad salutem expedire, de paterna Dei manu promptè & patienter excepit: disce & tu multa, licet sensui contraria, **patienter ab eadem Dei manu excipere.**

**Punct. IV.** Confid. 1. Quomodo per spiritualia Exercitia à P. Petro Fabro excultus, ad eligendâ Soc. hac potissimum ratione permotus fuerit, tum quòd videret eam non propriæ tantum, sed & alienæ saluti fructuosè studere, tum quòd sciret in ea omni dignitati atque ambitioni aditum interclusum, ac proinde speraret se in ea inglorium & obscurum commodius sibi & proximo vacaturum. 2. Conf. Quomodo Soc. ingressus, maximè sollicitus fuerit de fundamento ponendo altissimæ humilitatis; unde & abjecte semper de se sentire & loqui, vilissimis ministerijs in juvando coquo, fabris murarijs, ægris in Xenodochio, stipe etiam publice proeis coactâ se impendere, dignitatem Cardinalatus sibi à diversis Pontificibus aliquoties oblatam excutere, ac Generalatus etiam in Societate sibi demandatam enixè deprecari studuit, honori sibi ducens, cum Christo Rege suo despici & contemni: tu vide quomodo eadem studia imitari.

FESTO

## FESTO B. FRANCISCI BORGIAE. 1. Octob. II.

*De ejus studio paupertatis, obedientiae, & orationis.*

**Punct. I.** Confid. 1. B. Franciscum Borgiam jacto altissimo fundamento humilitatis, ante omnia incubuisse in singulare studium paupertatis, ejusque effectus & incommoda in victu, vestitu, & habitatione sic sibi delegisse, ut ea velut amicos sibi & appellaret, & amplecteretur. Conf. 2. Ipsum eò potissimum excitatum ex vilissima illa sui aestimatione, & Christi, quem imitandum sibi proposuerat, exemplo. 3. Cum sibi ab homine saeculari & vano improperaretur hæc terrenorum commodorum abdicatio, & paupertatis exercitium, respondisse, se majora bona in religione consecutum, quam in saeculo reliquisset, significando animi tranquillitatem, & centuplum à Christo promissum. 4. Eum hæc religiosæ vitæ bona ita gustasse, ut dicere soleret, si ut vina gustatu, ita religionis bona cognoscerebuntur, neminem quantumvis in saeculo potentem & principem fore, qui non relicto mundo, ea mox avidè amplecteretur.

*Matt. 19. 29.*

**Punct. II.** Conf. 1. Obedientiam ejus in hoc præcipuè eluxisse, quod in quocumque superiore, etiam subordinato, imò & ipso coquo, cui pro tempore operam dare contingeret, Christum Dominum agnosceret, nullo facto in persona, per quam Christus insperaret, discrimine. 2. Dicere solitum, fore ut Societas tribus potissimum medijs vigeret & crederet; nempè oppugnatione ab adversarijs, eò quod hæc affectum à saeculo abduceret; deinde obedientia, quod hæc omnes velut membra inter se & cum capite cōnecteret; deniq; oratione, quod hæc nos Deo conjungeret.

**Punct. III.** Confid. 1. Eum orationi tempus omne à ceteris occupationibus liberum avidè impendisse, eo fervore, ut non rarò visus sit vultus ejus radios solis instar emittere. 2. Cum aliquoties à dæmone, terribili specie, tempore orationis interturbaretur, minimè illis terriculamentis permotum respondisse, illis vel erudiri malos ad emendationem, vel bonos ad majus præmium. 3. Eum manè orationem inchoare solitum ab oculo terræ ter impresso, nempè in memoriam corporis è terra conditi, & eodem reversuri; deinde in gratiarum actionem Christi pro salute nostra in terram delapsi; denique ut in terra sic viveret, ut inde cælo transcribi mereretur. Conf. 4. Eum libentiùs coram venerabili Sacramento orare solitum, locaque eo opportuna captasse, eo sensu pietatis, ut sæpiùs nictantibus oculis, altiore lucem inde sibi radiantem testaretur. 5. Pro animabus è purgatorij flammis liberandis eo zelo & caritate preces atq; alia pia opera obtulisse, ut sæpiùs illi apparuerint inde liberæ, gratias agentes de auxilio præstito. 6. Ad cultum Sanctorum, inducnam ab eo in Societatem piam consuetudinem, in gentilitia Borgiæ fan ilia pridem usitata, assumendi quot mensibus sorte Sanctum aliquem sibi colendum, dum tandem ad eorum consortium meritis plenus gloriose migravit.

*Ann. 1572.**Æ. Mt. 62.*

FESTO



## FESTO S. ANGELI CVSTODIS. 1. Octob.

**Punct. I.** Confid. Cum S. Bernardo miram Dei erga homines benig-  
 nitatem in attribuendo singulis Angelo custode, in quatuor hisce  
 potissimum elucere, contentis versu illo Daudico: *Angelis suis Deus manda-* p. 30. r. c.  
*vit de te, ut custodiant te in omnibus viis tuis;* nempe *quis, quibus, de quo, quid manda-*  
*verit.* Ac 1. *Quis.* Suprema illa Dei majestas, nec bonorum nostrorum, nec  
 ullius egens, tons omnis beatitudinis, cui millia millium assistunt, & mi-  
 nistrant. 2. *Quibus.* Angelis, sublimibus illis spiritibus, & naturæ, & gratiæ,  
 & gloriæ donis te longè excellentioribus, domesticis suis, suamq; faciem  
 semper cum gaudio contemplantibus. 3. *De quo.* De te, qui pulvis es &  
 cinis, plurimis & animi & corporis miseriis ac defectibus obnoxius, imò  
 & de omni quantumvis infideli & peccatore. 4. *Quid.* Ut hunc custodiant  
 à principio natiuitatis, in omni loco & actione, exterius removendo peri-  
 cula animi & corporis, ac potissimum dæmonis machinas coercendo;  
 interiùs verò sanis consiliis instruendo, excitando ad bonum, dehortan-  
 do à malo, orationes nostras ac bona opera, imò & suas pro nobis Deo  
 offerendo, in lucta ultima confortando, atque inde ad cælum vel purga-  
 torium, si opus fuerit, deducendo.

**Punct. II.** Confid. Munus tuum erga hunc custodem cum eodem S.  
 Bernardo, ac 1. *Quantam illi debeas reverentiam pro præsentia:* quare quod  
 in Dei conspectu non auderes, verbo, opere, cogitatione, cave ne præsên-  
 te ubique Angelo tuo admittas. Non distrahuntur illi in ministeriis suis  
 à Dei conspectu: nec tu in opere tuo à Dei & Angeli præsentia distraha-  
 ris, at vitam ipsius ac mores in te exprime. 2. *Devotionem pro benevolentia.*  
*Quid ipsum tam sublimem spiritum eo & quidem lubentem dimittit, ad*  
*tui curam & ministerium?* nihil nisi purus amor salutis tuæ ac Dei vo-  
 luntas: quare gratus ei esse stude. 3. *Fiduciam pro custodia.* Quid eo custode  
 timeas? qui nec superari potest, nec seduci, minùs autem seducere; fide-  
 lis est, prudens, & potens: quare confidenter te ei committe, ejus ductum  
 sequere, in dubiis consule, de beneficiis gratias age, & in omni tribulatio-  
 ne ac tentatione opem ejus implora.

**Punct. III.** Confid. Munus tuum erga proximum tali custodia honora-  
 tum, ac 1. Ne illū verbo aut opere lædas, imò ne quantumvis pusillū vel  
 in animo contemnas, aut vindices, aliàs Angeli ejus manus experturus,  
 de quo S. Hilarius: *Periculose ille contemnitur, cujus desideria & postulationes ad*  
*eternum & invisibilem Deum ambizioso Angelorum famulatu ac ministerio pervehuntur.*  
 2. Stude etiam, Angelorum exemplo, te demittere ad viliora obsequia  
 proximi tui, quantumvis inferioris, & abjecti, sine ulla personarum acce-  
 ptione, aut discrimine: atque ex puro & sincero in eum amore, salutem  
 ejus procura, & perfectionem pro viribus promove.

## FESTO S. FRANCISCI. 4. Octob.

**Punct. I.** Confid. 1. S. Franciscum Assisij in Umbria Italiae provinciae natum, à parente mercatore etiam mercaturæ deinde admotum, cœpisse mox felicius thesaurizare in cælis liberalitate erga pauperes, atque hinc conversionis suæ originem accepisse: ubi enim pauperem eleemosynam poscentem præter morem repulisset, mox facti pœnitens eum inlecutus larga eleemosyna donavit, voto addito, se nulli umquam eleemosynam poscenti negaturum: hinc & tu affectum excita ad pauperes juvandos. 2. Cùm de excessu in hoc apud Episcopum à parente accusaretur, prompte fortunis omnibus, ultra quàm rogaretur, cessit, etiam vestibus rejectis, subjungens sibi in posterum majorem fore facultatem dicendi: *Pater noster qui es in cælis*; unde & tu discere moderato affectu erga parentes & temporalia subsidia, in cælesti Patre fiduciam collocare.

**Punct. II.** Confid. 1. Eum deinde in Portiunculæ vico, mille passibus Assisio dissito, cùm in Ecclesia Reginae Angelorum dicata, ex Euangelio *Matt. 10. 9.* Mulsæ audivisset illud, *Nolite possidere aurum, &c.* monito Christi mox obsecutum, ac detractis sibi calceis, & una contentum tunica, 12. adlectis focis, ibi Ordinis sui, quem Minorum appellari voluit, fundamenta jecisse: discere hinc eo exemplo paupertatis effectus libenter experiri. 2. Romam profectum pro instituti sui confirmatione, primùm à Pontifice Innocentio tertio rejectum, post ubi ab illo in somnis visus est Ecclesiam Lateranensem collabentem sustinere, accersitum, & benignè exceptum, quam petierat Ordinis confirmationem obtinuisse, atque auxilium hoc deinde per se, suosque in variis orbis partes ad prædicandum Christi Euangelium missos, Romanæ Ecclesiæ strenuè impendisse.

**Punct. III.** Confid. 1. Eum mira vitæ asperitate carnem suam, quam asinum appellare solet, ideoque durius tractandam, constanter domuisse, aliquando in altis nivibus volutasse, quibus pravæ libidinis ignes exstingueret. 2. Humilitatis ac modestiæ fuisse maximè studiosum; unde aiebat: *Tantus quisque est, quantus in oculis Dei, nec major*; & cum Paulo peccatorem se primum asseribat; illos enim si Deus pari gratia, qua ipsum, prævenisset, multò gratiores se ei exhibituros.

**Punct. IV.** Confid. 1. Eum, exstructis multis familiæ suæ domiciliis, se contulisse in solitudinem, ibique vacanti 40. dierum jejunio, festo exaltationis sanctæ Crucis apparuisse Seraphim crucifixi effigiem inter alas continentem, ac lateri ejus, manibus ac pedibus vulnerum vestigia impressisse, annua deinde memoria per Ecclesiam celebrata. 2. Tandem meritis plenum, prophetiæ dono ac miraculis celebrem, ubi suos ad paupertatem, patientiam, ac S. Romanæ Ecclesiæ fidem cohortatus fuerat, recitantem Psalmum illum, *Voce mea, in versu ultimo, Ade expectant justi, apud Reginam Angelorum*, ubi ab annis 20. sanctioris vitæ spiritum primè hauserat, Deo reddidisse:

FESTO

Vide alt, de Euang. Com. Mart. XI.



## FESTO S. BRUNONIS. 6. Octob. .

**Punct. I.** Confid. 1. S. Brunonem natum Colonia parentibus genere ac virtute claris, inde à prima ætate pietatis studio ac morum gravitate, declinando illius ætatis levitates, præclara dedisse futuræ sanctitatis argumenta; tanti est à teneris rectè cœpisse. 2. Maturiore verò deinde Parisiis in Philosophiæ ac Theologiæ studiis tantum profecisse, ut Doctoratus ac Magistri lauream in utraque facultate adeptus, nec multò post ob egregias virtutes Ecclesiæ Rhemenfis canonicatu donatus sit: disce hinc etiam diligentia in studiis, ac pietatis fervore te quotidie perficere, quò aptius te reddas ad Dei gloriam instrumentum.

**Punct. II.** Confid. 1. Eum ad arctius vitæ genus postea capeßendum permotum ibi fuisse tristi spectaculo viri, cum viveret, doctrinæ & virtutis existimatione celebris: sed cum defuncto exequiæ persolvuntur, ad carentis vocem illam: *Responde mihi, ecce è capulo cadaver assurgens,* cum ferali gemitu palam omnibus proclamat: *Iusto Dei iudicio iudicatus sum.* Postridie verò majori turba redeunte, *Iusto Dei iudicio iudicatus sum.* Tertio demum die *Iusto Dei iudicio condemnatus sum.* Cave & tu ficta virtute Deo servire, ac salutem tuam consideratione futurorum in tuto colloca. 2. Adit proinde Bruno cum 6. quos elegerat, sociis, hoc spectaculo pariter permotis, S. Hugonem Gratianopoli Episcopum, qui cognoscens eosdem esse, quos præcedenti nocte velut 7. stellas ad pedes suos corruentes in somnis viderat, benignè exceptos, ad montes, quos Carthusianos vocant, diocesis suæ asperrimos deduxit, ibi cælestium rerum meditationi vacaturos: Hinc collige Deum obsequentes vocationi suæ mirabiliter promoveri, ac religiosi velut stellis Ecclesiam exornari: quare stude & tu ut ardeas igne divini amoris, & proximo etiam inter tenebras adversitatum, vitæ exemplo præluceas.

**Punct. III.** Confid. 1. Eum deinde ab Urbano II. Pontifice, suo olim discipulo Romam evocatum, ut sibi in variis Ecclesiæ calamitatibus consilio ac doctrina adesset; cum id per annos aliquot non minus modeste quam præclare præstitisset, averfatum curiæ Romanæ pericula, recusato etiam Rhegiensi Archiepiscopatu, ac solitudinis amore, discedendi facultatem flagitasse & obtinuisse. Hinc disce etiam curis reliquis subinde sepositis, salutis tuæ ac Deo magis vacare. 2. Inde in Calabriæ deserta secedentem, cum regionis illius Principi paratam prodicionem Deo revelante per visum aperuisset, quantumvis oblata sibi ab eo ampla dona ac munera constanter repudiaret, monasterium tamen cum fundis pro suorum usibus coactum admisisse: unde disce Deum suorum necessitatibus opportunè prospicere. 3. Ipsum ibi reliquum vitæ Deo in terrenarum rerum contemptu, ac cælestium meditatione consecrasse, dum meritis plenus ac miraculis illustris, ad æterna gaudia est evocatus.

Anno 1162

## FESTO S. BIRGITTÆ. 8. Octob.

**Punct. I.** Confid. 1. S. Birgittam in Suecia è regio sanguine illustribus & piis parentibus natam, a prima ætate pietatis studiis deditam, cum decennis pro concione exponentem Christi cruciatus audivisset, hos tam altè menti suæ impressisse, ut meruerit nocte sequenti Christum videre quasi recenter cruci affixum, & sanguine perfusum, atque audire dicentem sibi, se tam immaniter exceptum à peccatoribus; quo ex tempore ita dedita fuit passioni Christi recolendæ, ut de ea sine lacrymis cogitare numquam posset. 2. Eam deinde à parentibus quantumvis invitam, Ulfoi Nericiæ Principi nuptui traditam, tum optimis exemplis pietatis & mansuetudinis, tum verbis efficacibus virum pariter ad virtutum amorem & studia ita excitasse, ut hic Cisterciensem religionem amplexus, ibi insigni sanctitate vitam finierit.

**Punct. II.** Confid. 1. Eam deinde marito defuncto, & arctiori vitæ forma assumpta, à Christo sibi apparente in sponsam cooptatam, addente, velle se cum ea sæpius miscere colloquia, eique multa arcana cælestia revelare, non solum ad ejus privatum solatium, sed potissimum ad aliorum salutem; in quibus omnibus ne deerraret, ut ex confessarij directione tota penderet. 2. Confid. Eam magis quotidie in frequentis orationis & mortificationis studia incubuisse, sic ut carnem aspero cilicio & nodosis funibus per annos 30. assidue maceraret; in honorem verò Dominicæ Passionis, feriis sextis ignitas guttas ardentis cerei carne exciperet, & amarissimam herbam ore retineret, qua fellis amaritudinem Christo in passione sua oblati re coleret. 3. Pauperibus & infirmis, exstructa eis domo, sedulo ministrabat, pedibus eorum lavandis ipsa Princeps humiliter advoluta, & pie deosculata; cumque ob hæc probris & conviciis ab impiis laceraretur, respondit: *Nec propter vos cæpi, nec propter vos desinam*, probe gnara, conscientiam rectam minime lædi conviciis vituperantium, sicut nec prava laudantium præconiis sanatur.

**Punct. III.** Conf. 1. Eam ex Christi mandato, licet affectu alienam, varias ac difficiles peregrinationes suscepisse, nominatim Romam, & in terram italicam, ibique pia loca suavissimo pietatis sensu lustrasse, atque itinerum molestias magna animi fortitudine & constantia superasse. 2. In agendo cum aliis, si quis mortali peccato infectus esset, ipsa mox tantum inde fetorem sulphureum percipiebat, ut nares cogeretur comprimere, nec loqui posset: quo plurimum internam conscientiam male affectam declarabat. 3. Tandem instituto à se monasterio secundum regulam à Christo acceptam, virtutibus, miraculis, ac potissimum revelationibus per annos 28. illustris, post insignem patientiam in morbo per annum integrum, Romæ a Christo cælesti sponso invitata ad purissimos



## FESTO S. TERESIAE. 15. Octob.

**Punct. I.** Conf. 1. S. Teresiam Virginem Abulæ in Hispania natam, parentibus genere & pietate claris, à prima ætate ex actis potissimum Sanctorum Martyrum legendis adeò in eorum imitationem exarsisse, ut paterna domo relicta, in Africam martyrij desiderio trajceret. 2. Inde revocata, & matre orbatam, cum à B. Virgine petijffet, ut se Matrem esse monstraret, pij desiderij compotem effectam, maternam ejus curam & affectum singulariter semper cognovisse. 3. Ætatis suæ anno 20. monasterium de Monte Carmelo amplexam, ibi per annos 18. gravissimis afflictionibus, tentationibus, & morbis vexatam constanter perseverasse, sine ullo pabulo cælestium consolationum; quam ejus constantiam in spiritali desolatione imitare.

**Punct. II.** Conf. 1. Eam deinde ardenti zelo pro salute proximi succensam, severiorem veterum Carmelitarum regulam mulieribus ac viris observandam proposuisse, approbante Pio IV. Pontifice, ac Deo ipso singulari benedictione, cum inter adversa plurima, ipsa virgo inops 32. monasteria ædificavit; unde & zelum tuum fiducia in Deum exstimula. 2. In oratione tanto divini amoris igne accendi solet, ut Angelum sibi ignito jaculo præcordia transverberantem viderit, & Christum sibi ut sponsæ coronam imponentem, dataque dextera sibi dicentem audierit: *Deinceps ut vera sponsa meum zelabis honorem. Iam tota mea es, & ego totus tuus.* 3. In cælum empyreum aliquando instar Pauli rapta, Sanctorum gloriam & gaudia atque inter illos etiam parentes suos spectavit, Deumque sibi dicentem audijt: *Ecce quantis bonis se privent peccatores.* 4. Hinc illos & precibus & consilijs in viam reducere satagebat, & pro infidelium conversione etiam carnis macerationes Deo frequenter offerebat.

**Punct. III.** Conf. 1. Eam Superioris ac confessorij judicio plurimum semper tribuisse, sic ut nefas sibi judicaret etiam in manifestis revelationibus ab eo ducere, dicens se in his decipi posse. in obedientia verò non posse. 2. Perfectionis in primis erat in omnibus studiosa, quò ut magis indies assurgeret, votum maxime arduum emisit, faciendi semper quidquid perfectius esse intelligeret. 3. Corpus licet varijs morbis afflictum, tamen castigare flagellis, catenis, cilicijs non cessabat, sic Deum alloqui solita: *Domine aut pati, aut mori.* 4. Tantis denique post priores desolationes solatijs divinis perfundebatur, ut sæpè exclamans peteret à Deo modum ijs imponi: dum tandem suos ad pacem, caritatem, & regularum observantiam cohortata, visa est Christo inter Angelos præsentem purissimam animam sub columbæ specie reddere, Albæ, ubi eam primum hauserat. Ad hujus mortis similitudinem dum adspiras, etiam vitam imitare.

Ann. Christi  
1582.  
Ætat. 67.

## FESTO S. LVCÆ EVANGELISTÆ. 18. Octob.

**P**unct. I. Confid. 1. S. Lucam Antiochiæ Metropoli Syriæ nobilibus ac opulentis parentibus natum, à prima ætate virtutis studiosum, ac scientiarum avidum, litteris Græcis, Latinis, Hebraicis, & Ægyptijs imbutum, post Philosophiæ studia se Medicinæ ac Pictoriæ arti ad privatum exercitium impendisse, quæ illi postea ad Christi fidem promovendam non levi fuere adjumento; in quo agnosce divinam providentiam, suos, quos vocat, occultè & suaviter dirigentem. 2. Post Christi mortem ad ejus cognitionem & fidem à S. Paulo conversus, in Deiparæ Virginis ipse semper Virgo familiaritatem se dedit, ex qua velut optimè conscia didicit & solus conscripsit præcipua mysteria Verbi incarnati. Expende hîc, quanta virtutum incrementa ex Virginis hujus consortio sumpserit. 3. Ut hujus Deiparæ ac Christi frequentem memoriam, amorem, & cultum fidelium animis impressum relinqueret, pinxisse eum plures utriusque imagines, per Ecclesiam distributas, ac singulari veneratione exceptas. Tu eorum virtutes in corde tuo depinge, & moribus exprime.

2. Tim. 4. 11.  
2. Cor. 8. 18.

**Punct. II.** Conf. 1. Eum S. Paulo fidum comitem & indefessum adjutorem adhæsisse, in verbo Dei prædicando, alijsque functionibus pro animarum salute, in peregrinationibus, laboribus, afflictionibus & vinculis; cum quo deinde Romam profectus est, adeoque ab Apostolo virtutum ejus quotidiano inspectore meritò laudatus: *Lucas est mecum solus. Cujus laus est in Evangelio per omnes Ecclesias.* Expende hîc quantum hausta incrementa virtutum ex consortio Deiparæ, roboraverit quotidiano & tam diuturno convictu cum Apostolo Paulo, & quantopere zelû ejus imbiberit. 2. Eum labores Apostolicos non tantum oratione ac pia lectione, sed & scriptione temperasse, cum in Achaia potissimum scripsit Evangelium suum sermone Græco, secundum ea quæ ex S. Paulo alijsque Apostolis, atque inprimis ex Deipara cognoverat: Acta etiam Apostolorum à Christi in cælos ascensu; in quibus & tu Apostolicum ejus zelum imitare.

Anno 61.  
Æt. 84.

**Punct. III.** Conf. 1. S. Paulo tandem Romæ in vinculis detento, Lucam inde peragratis Gallijs reversum in orientem, ibique plures provincias, Macedoniam, Græciam, Libyam, Ægyptum evangelizando transiisse, & corporalis Medicinæ illecebra spiritualem animæ sanitatem pluribus contulisse: in Thebaide deinde plures annos subsistentem, Episcopali munere strenuè perfunctum, subversis idolis, ac novis templis Deo erectis, consecratis sacerdotibus & Episcopis, quos in alias regiones pro animarum salute trans mittebat. 2. Tandem apud Patras Achaia urbem Apostolatam suam ac Virginitatem glorioso suspendij Martyrio complevisse, post mortem etiam in ægros clientes suos fluente oleo è tumulo beneficium. Poterat is cum Apostolo rectè subjungere: *Bonum certamen certavi. ad quod & te excita.*

2. Tim. 4. 7.

Vide alteram de Euang. Festo S. Marci, 25. Aprilis.

FESTO



## FESTO S. VRSVLÆ ET SOCIARVM. 21. Octob.

**Punct. I.** Conf. 1. S. Vrsulam Hiberniæ Regis filiam unicam, in Catholica fide à parentibus educatam, ab alterius in Britannia Regis filio ethnico in matrimonium expetitam, cum ex Dei revelatione cognovisset consensum suum salva virginitate ad Dei gloriam ac plurimum salutem cœliurum, facile annuisse, adjecta conditione, ut sponsus prius Catholicam fidem amplecteretur, ac sibi decem Virgines jungerentur, quibus singulis, & sibi totidem millenę comites adderentur ad undena millia, fide Catholica, quæ necdum essent, imbuenda; quod & præstitum est. Disce hinc in humanis rebus Dei nutum observare & sequi. 2. Cum classem hæc virginum tandem instructam oborta tempestas per Rheni ostia Coloniam trajecisset, Vrsulam elato Sanctæ Crucis vexillo hortatam omnes, ut contemptis patrię & aulæ commodis Romanam peregrinationem secum pietatis causa instituerent, non defutura divinę providentię media opportuna ad promovendam famularum suarum profectio- nem; prout etiam omnes omnino annuentes feliciter expertæ sunt. Disce hinc in necessitatibus Deo confidere. *Iacta super Dominum curam tuam, & ipse te enutriet.* Ps. 54. 23.

**Punct. II.** Conf. 1. Has Colonia (prout probati auctores referunt) partim navigijs. partim pedibus iter aggressas, illudque magno pietatis fervore & gaudio confecisse, sic ut non tam progredi quàm ferri alis amoris viderentur, Vrsula Crucis vexillum præferente, & Christianis ubique necessaria Dei instinctu suppeditantibus, dum omnes incolumes, Romam feliciter pervenerunt: unde collige nihil tam arduum quod generosus amor pro Christo non superet. 2. Romæ omnes benignè & honorificè exceptas inprimis ab ipso Pontifice, alijsque Principibus ibi pietati indul- sisse in visendis locis sacris, ac potissimum Martyrum sepulchris; unde & se ad paria certamina accendebant. 3. Persolutis pietatis obsequijs, eas cum pluribus nobilibus ac Principibus, sacerdotibus, etiam ac Episcopis comitantibus Coloniam repetiisse, Christo itineris duce delecto.

**Punct. III.** Conf. 1. Præximo hoc agmine Coloniam appropinquante, & Hunnis ac Barbaris duce Attila omnia circumquaque vastantibus, & Christianum sanguinem sitientibus, Vrsulam virili pectore omnes adhortatam ad mortem pro Christo fortiter subeundam, ad quam omnes intrepidæ se obrulerunt. 2. Ubi tandem Coloniæ & in utramque ripam exscenderunt, anhelantes ad sanguinem pro Christo fundendum, aucto paulatim numero ad 14. millia, superveniens hostium exercitus omnes crudeliter occidavit; in Rhenum præcipitant, & sagittis conficiunt, atque inter ceteras ipsa Vrsula Crucis vexillo illustris etiam sagitta pectus traiecitur. Imitare & hanc in virginibus animi fortitudinem, & stude cum Vrsula etiam alios verbo & exemplo ad Christum adducere.

Anno 34.  
Martij 24.  
in Coena-  
culo

# FESTO SS. APOST. SIMONIS ET IUDÆ. 28. Octob.

*Christus in ultima cœna hortatur suos ad ferenda fortiter adversa. Ioan. 15.*

**P**unct. I. Hæc mando vobis, ut diligatis invicem. Conf. I. Christum hîc Apostolos suos ad ferenda adversa, ante omnia instruere ac munire mutua caritate, quam veluti murum aut clypeum hostibus opponant, & sic invidi permaneant. Proprietates autem hujus caritatis tradit Apostolus: 1. Cor. 13. 4. *Caritas patiens est, benigna est, non amulatur, non agit perperam, non inflatur, &c.* 2. Hortatur illos exemplo suo: *Si mundus vos odit, scitote quia me priorem vobis odio habuit.* Ego inquit dux vester præcessi, excipiens hostium tela & furorem, viam calcavi ac complanavi, ut faciles sequamini; quod & monet August. *Recusis esse in corpore, si non vis odium mundi sustinere cum capite.* 3. Causam tradit persecutionum & odij à mundo sustinendi, nempe morum dissimilitudinem cum mundo, ac similitudinem cum Christo: *Quia, inquit, de mundo non estis, sed ego elegi vos de mundo, adeoque signum virtutis esse, à mundo pati & odio haberi.*

Punct. II. Conf. I. Christum hortari eos deinde à majori ad minus. *Non est servus, inquit, major domino suo: si me persecuti sunt, & vos persequentur, si doctrinam meam ipsi carperint, & vestram carpent; quare grave non debet esse servis subire conditionem domini.* 2. Hortatur eos à gloria, eò quòd propter Christum passuri sint, quod gloriosum illis esse debet: *Hæc omnia facient vobis propter nomen meum, quia mei estis & vocamini; sed ego de illis triumphare vos faciam.* 3. Monet adversarios, cum ex ignorantia procedant crassa & affectata, imò ex mero odio erga se & Patrem, non obstantibus tot signis adeò manifestis, rationibus convincentibus, ac miraculis certis, eos paternæ ultioni obnoxios fore; quandoquidem *excusationem non habent de peccato suo.*

Punct. III. Conf. I. Simonem & Iudam, quorum illi Cananæi, ut à Simone Petro, huic Thaddæi, ut ab Iscariote distingueretur, nomen adjunctum est, à Christo ad Apostolatam electos, vocationi suæ strenuè, insigni zelo ac fortitudine respondisse, quando potissimum accepta Spiritus sancti plenitudine, Apostolis alijs alias mundi partes ad prædicandum Christi Evangelium amplectentibus, Simon Ægyptum, Iudas Mesopotamiam occuparunt; quas regiones quantūvis barbaras, ipsi indefesso labore, patientia, & caritate, Deo etiam labores miraculis comprobante, Christianæ fidei jugo submiserunt. 2. Conf. Eos inde in Persidem junctis copijs convenientes, cum ibi iterum in vastissimis illis & efferatis regionibus, innumerales filios prædicatione Evangelij, virtutum exemplo, & miraculis Christo præperisset, ambos simul ob contrita idola à furibus sacrificulis interfectos, martyrij palma Apostolatam illustrasse. Tu Apostolicum eorum zelum, patientiam, & caritatem imitare, ut & palmam assequaris.

Ann. Chri-  
sti 34.

FESTO



## FESTO SANCTORVM OMNIVM. 1. Novemb. I.

## De gloria celesti Sanctorum.

**Punct. I.** Confid. 1. Cælestem gloriam describi à Theologis cum Boetio & D. Thoma: *Statum omnium bonorum aggregatione perfectum.* Status autem perpetuitatem designat non obnoxiam mutationi, & hic complectitur bona omnia quæ animo concipi possunt. *Nec oculus vidit, nec auris audit, nec in cor hominis ascendit, quæ preparavit Deus iis qui diligunt illum.* 2. Clare ibi agnoscere mundi hujus bona esse mera inania & fallacia. *Popule meus qui te beatum dicunt, ipsi te decipiunt. Beatum dixerunt populum cui hæc sunt. Beatus populus, cujus Dominus Deus ejus.* 3. Et quia bonum opponitur malo, nullum erit ibi malum animæ aut corporis, culpæ vel pænæ, sed *absterget Deus omnem lacrymam ab oculis eorum.*

**Punct. II.** Conf. 1. Locum cæli esse amplissimum, clarissimum jucunda luce sine occasu, temperatissimum sine vicissitudine aut tedio, amœnissimum, ac pretiosissimum; ideoque adumbratum in S. Scriptura similitudine regni, civitatis, paradisi, & convivij nuptialis, quem commutabunt beati cum hoc exilio, quod cum Christiana patientia sustinuerunt. 2. Esse etiam locum nulli corruptioni aut vastationi expositum, in se firmissimum, & beatos pariter in illo, securos sine metu umquam excidendi: quis nolit hinc angusto, incommodo, & vili loco ad breve tempus concludi, ut eò possit pervenire?

**Punct. III.** Confid. Societatem Angelorum ac hominum beatorum fore jucundissimam, 1. quia erunt omnes numero propè infinito, & quidem de Angelis. *Millia millium ministrabant ei, & decies millies centena millia assistebant ei,* omnes velut Reges ac Principes omni virtutum splendore ornatissimi. 2. Delectabunt varietate gloriæ pro cuiusque meritis, omnes tamen gaudio pleni, sicut *stella à stella differt in claritate.* 3. Neque in tanto numero erit confusio, neque in varietate discordia, sed singuli cognoscent singulos, & familiarissimè inter se agent, & diligent purissimè, summa consensione animorum, sine præsumptione in superioribus, aut æmulatione in inferioribus, sed quisque contentus gloria sua gaudebit de aliena tanquam de sua, & de divina plusquam de sua. 4. Inter 9. choros Angelorum sic ruinas lapsum implebunt homines beati, ut mira ordinum distinctione elegantiam addituri sint. Patriarchæ, Prophetæ, Apostoli, Martyres, Doctores, Confessores, Virgines, & Viduæ. 5. Peculiaribus etiam honoris & gloriæ insignibus, quæ Aureolæ dicuntur, à Christo ob generosam sui imitationem decretis, fulgebunt Martyres, Doctores, & Virgines. Quare desideria nostra eò dirigamus: *Quis ascendet in montem Domini, aut quis stabit in loco sancto ejus: Innocens manibus, & mundo corde.*

## FESTO OMNIVM SANCTORVM. 1. Novemb. II.

## De gloria Beatorum, animæ &amp; corporis.

**Punct. I.** Confid. 1. Essentialem animæ beatitudinem consistere in clara Dei visione ac fruitione; unde David: *Adimplebis me lætitia cum vultu tuo.* & S. Joannes: *Videbimus eum sicuti est.* Videbunt autem beati clare Dei essentiam, personas, perfectiones, ac nominatim arcana ejus consilia ac providentiæ seriem in se eò dirigendis. 2. Ex visione nascitur amor summi boni, cui tanquam filij aut sponsi omnem perfectionem gratulantur, cum summo gaudio & exultatione. 3. Reliquæ etiam virtutes inde pariter emanant, ac memoria tot tantisque acceptis à Deo beneficiis cum delectatione occupatur; itaque omnes animæ potentiæ Deo replentur. Quare stude hîc in exercitio orationis potentias animæ sic Deo occupare, ut postea aliquando perfectè eo repleantur.

**Punct. II.** Confid. Corpus, quia particeps fuit in hac vita laborum & dolorum, ita & de gloria participaturum, ac nominatim quatuor dotibus velut Sponsam à Christo exornandam, 1. *Impassibilitatis* ab omni corruptione; nam, teste Apostolo, *seminatur, seu sepelitur, in corruptione, surget in incorruptione. Non esurient, neque sitient, mors ultra non erit.* 2. *Claritatis*, nam ignobile surget in gloria, seu claritate. *Fulgebunt justi sicut Sol.* 3. *Agilitatis*, nam quod est in infirmitate, surget in virtute, qua se quocumque voluerint transferre, subito poterunt, & tanquam scintille in arundinetis discurrent. 4. *Subtilitatis*, nam animale surget spiritale, sine ullo obstaculo potens quidvis penetrare, sicut Christus per sepulchrum & clausas januas. Quare corpus nunc imitatione Christi & Sanctorum diuice sic mortificare, ut dotibus illis frui æternum possit.

**Punct. III.** Confid. Sensus, sicut in damnatis singuli peculiaria habebunt tormenta, ita & in beatis propria habituros oblectamenta; ideoque 1. *Visus* recreabitur aspectu tot corporum beatorum, nominatim Christi ac Deiparæ, & totius palatii cælestis. Spectare etiam poterunt theatrum terræ hujus, carcerem damnatorum, ac mundi reliquum. 2. *Auditus*, suavissima melodia, canentium *Alleluia. Exaltationes Dei in faucibus eorum.* 3. *Odoratus*, tum ex ipso loco, tum ex corporibus beatorum, quæ spirabunt odorem suavissimum, *florebunt sicut lilium.* 4. *Gustus*. Absque cibo, percipiet omne delectamentum suavitatis, adeoque *inebriabuntur ab ubertate domus tuæ.* 5. *Tactus*, toto corpore diffusus jucundissimo etiam sensu perfruetur. Quare stude nunc sensus tuos mortificare, & privare vanis ac brevibus solatiis, ut solidis & æternis postea fruantur, & dic cum Ecclesia: *Ibi nostra fixa sint corda, ubi vera sunt gaudia.* Stude etiam Sanctos illos, quæ à Deo tantoperè honorantur, honore & cultu prosequi, implorare eorum auxilia, ac potissimum virtutes imitari.

FESTO



## FESTO SANCTORVM OMNIVM. i. Novemb. III.

*Proponuntur iusti immunes ab extremis mundi calamitatibus;*

*& perfruentes gloria celesti. Ex Epist. Missæ. Apoc 7.*

**P**unct. I. *Vidi alterum Angelum ascendentem ab ortu solis habentem signum Dei vivi.* Confid. I. S. Joanni inter cetera secreta cælestia revelata, hic proponi Archangelum Michaellem Ecclesiæ defensores, qui fideles omnes non tantum tempore vitæ suæ, & maximè in morte confirmat, & protegit signo Christi crucifixi, excitando eos ad affectus fidei, spei, & caritatis in illum, quibus quasi signis muniti, communes dæmonum machinas evadant: sed ardentius sub mundi finem eò omnes provocaturus sit & exstimulaturus: unde discite nunc sapius S. Michaelis opem implorare, ac dæmonum tentationes per affectus fidei, spei, & amoris in Christum reprimere. 2. Conf. Affectus hos velut signa esse & pignus salutis æternæ, omni studio servandum, firmandum, & augendum: *Qui signavit nos,* 2. Cor. 1. 22, *& dedit pignus Spiritus in cordibus nostris.*

Punct. II. *Et audi vi numerum signatorum, 144. millia signati ex omni tribu filiorum Israël.* Confid. I. Significari hic ingentem numerum beatorum ex 12. tribubus Israël, sed potissimum ex 12. Apostolis spiritualiter procedentium, qui duodenarius numerus & inter se multiplicatur ad designandam eorum concordiam, & deinde millenario augetur ad multitudinis abundantiam: tu eò adspira, & sic vive, nominatim per concordiam animorum & pacem cum proximo, ut in numero illo locum invenias, ac æternum iis jungaris in gloria. *Inquire pacem & persequere eam. Cum omnibus pacem habentes.* 2. Confid. Singulas tribus speciali nomine & numero exprimi, ut constet singulas, imò & animas singulorum singulariter Deo curæ esse velut oculi pupillam, & ac si solæ essent, earumque electione & numero Deum delectari.

Punct. III. *Post hæc vidi turbam magnam, quam dinumerare nemo poterat.* Confid. I. Declarari hic iterum numeri amplitudinem, nulla natione, sexu, ætate, aut conditione exclusa: quare argue socordiam tuam de tam facili ac plana via neglecta. 2. Apparent beati illi stantes ante thronum, tanquam stabiles in cælesti gloria, & omnes velut Principes cælestes Deum & Christum clarè intuentes. *Nimis honorificati sunt amici tui Deus: nimis confortatus est principatus eorum. Sic honorabitur quemcumque Rex voluerit honorare.* 3. *Amisti stolis albis, tanquam puri ab omni macula, quia non intrabit in eam aliquid coinquinatum: & cum gaudio perpetua solennia celebrantes. Quare stude nunc vestem gratiæ mundam conservare, ac minores etiam maculas studiosè cavere, & prompte eluere.* 4. *Et palmæ in manibus eorum, tanquam qui victoriam de hostibus suis mundo, carne & dæmonibus retulerunt. Ubi Confid. folia palmæ formam gladij habere, ut significetur, non obtineri palma victoriæ, nisi pugna spirituali. Non coronatur, nisi legitime cor-* 1. Tim. 2. 8.

*torerit.*

K k 2

FESTO

## IN DIE COMMEMORATIONIS DEFVN. 2. Novem.

## De Purgatorio.

*Trid. S. 6. Cap. 30.* **Punct. I.** Confid. 1. Fide certum esse, & ex principiis S. Scripturæ, ratione evidens, dari purgatorium, in quo animæ a peccatorum reliquiis prius purgentur, quam in cælestem gloriam admittantur: cum enim constat peccatis venialibus decretam esse tantum pœnam temporalem, & remissis etiam mortalibus non semper remitti omnem pœnam, & interim tamen aliquos ante plenam satisfactionem ex hac vita evocari; sequitur post hanc vitam locum esse, in quo animæ illæ a peccatorum debitis expurgentur, qui purgatorium appellatur; nam in cælestem gloriam *Apoc. 21. 27.* non intrabit aliquid conquinatum. 2. Conf. Animas illas eò ab Angelo custode deductas, duplicem ibi pœnam subire, damni, & sensus, propter duplicem malitiam in omni peccato contentam, aversionem à Deo, & conversionem inordinatam ad creaturas; damni pœnam consistere in privatione summi boni; unde merito clamant: *Pf. 119. 5.* *Heu mihi! quia incolatus meus prolongatus est:* Pœnam vero sensus graviolem esse, quàm ulli scelesti ob crimina, vel Martyres ob virtutem umquam in hac vita passi sint, ac nominatim ex tormento ignis, qui sicut & infernalis cruciat difformiter pro ratione pœnæ debitæ, ut instrumentum divinæ justitiæ.

*Punct. II.* Confid. 1. Animas illas licet incapaces meriti ac demeriti, quorum tempus hac vita concluditur, tamen ibi perpetuò laudare Deum & Caritatem, cum tormenta illa rationem minimè perturbent. 2. Conformare se in his penitus divinæ ejus voluntati, ac beneplacito. *Iustus es Domine & rectum judicium tuum. Iram Domini portabo, quoniam peccavi ei.* 3. Elicere etiam varios & ferventes actus virtutum. 4. Erigere implorare opem nostram pro liberatione, aut pœnæ diminutione: *Miseremini mei, miseremini mei, saltem vos amici mei.*

*Punct. III.* Confid. 1. Ac time justitiam Dei qua in peccata etiam leviora tam severe animadvertit post hanc vitam, sic ut nequidem justos amicos suos ad conspectum suum admittat, nisi prius tam atrocibus tormentis penitus purgatos: quare studiosè cave etiam levia peccata admittere; admittenda verò potius hic ipse castiga spontaneis pœnitentiis, vel tribulationibus patienter toleratis, quam ut reserves pœnis adeo acerbis expianda. 2. Ad juvandas illas permovere nos debet acerbitas pœnarum, quibus non moveri crudele est; lex caritatis, quæ quod nobis factum vellemus, illis fratribus, & cohæredibus nostris regni cælestis præstari dum dicat; gratitudo illarum, quam certò præstabunt. pro nobis obsecrando, ubi ad Dei conspectum admittæ fuerint: denique quia pergratum Deo hoc misericordiæ obsequium, quod exhibentes & ipsi ab eo misericordiam consequentur.

De Evang. V. Com. defunc. 1.

FESTO



# FESTO SANCTORVM OMMIVM. 1. Novemb. IV.

Et in Communi Martyrum. X.

261

Anno 32.

Maio 15

monte

Galilææ.

*Christus in monte tradit documenta beatitudinis. Mat. 5. Mar. 3. Luc. 6. P. I.*

**P**un. I. *Videns Iesus turbas, ascendit in montem.* Confid. Christum conscen-  
so monte in Galilæa, ibique nocte integra in ferventi oratione con-  
stanter, transacta, ut & nos doceret rebus agendis orationem præmittere,  
mane ex discipulis convocatis selegisse 12. pro munere Apostolico, nu-  
mero illo totidem Patriarchis olim adumbrato: ut sicut ex illis populus Gen. 35. 23.  
Iudaicus carnaliter processerat, ita & ex his Christianus spiritualiter gi-  
gneretur. Inde verò descendente ad planitiem montis declivis, ibique  
plurimis ægris, qui eò undique confluerant, miraculo perfanatis, tradi-  
disse compendium vite Christianæ, sive breves ac certas semitas beatitu-  
dinis consequendæ: ac 1. inquit, *Beati pauperes spiritu.* Non ij quos mun-  
dus beatos estimat, divitijs, voluptatibus, honoribus affluentes, sed terre-  
narum rerum commodis destituti, non vi aut necessitate, sed *spiritu* volun-  
tario, Christi amore & imitatione à Spiritu sancto excitato. 2. Conf. Inci-  
pere Christum à paupertate, quia tollit cupiditatem seu avaritiam, quæ  
*radix est omnium malorum*, & ipsa radix est omnium bonorum, atque Euan- 1. Tim. 6. 10  
gelicæ perfectionis. gignit humilitatem, mansuetudinem, ceterasque vir-  
tutes, liberat hominem mille curis & distractionibus, ac transfert affe-  
ctum à terrenis ad cælestia, quæ spe certa ex Christi promisso concepit;  
*quoniam ipsorum est regnum celorum*: nunc illis competit beatitudo cælestis,  
sicut primogenito hereditas adeunda. Expende igitur hic, sicut & in ce-  
teris, virtutis hujus præmia, vitij oppositi pœnas, & exempla Christi, Dei-  
paræ, Apostolorum, ac plurimorum Sanctorum, qui se voluntariè rebus  
terrenis abdicantes, etiam libenter paupertatis effectus & incommoda  
in victu, vestitu, & habitatione amplexi sunt.

**Pun. II. Beati mites.** Confid. 1. Mites esse eos qui dominantur motibus  
iræ, ne quos verbo vel opere ostendant, aut corde foveant, sive erga Deum  
punientem aut exercentem sive erga homines iniq; agentes, sive quem-  
cumque casum adversum; *nulli malum pro malo readentes*, sed *cum omni humili-* Rom. 12. 17.  
*tate, & mansuetudine, cum patientia supportantes invicem in caritate*, atque iræ mo- Eph. 4. 2.  
tibus statim suppressis, ut *sol non occidat super iracundiam vestram*. 2. Confid.  
Præmium, *quoniam ipsi possidebunt terram*, ubi etiam his sicut & ceteris bea Eph. 4. 26.  
tudo cælestis promittitur, varijs nominibus expressa, pro congruentia  
virtutum: peculiariter autem hi in hac vita possidebunt terrenam sub-  
stantiam, qua utuntur, in pace & sine contentione; deinde carnem suam,  
ut ait Bernardus: corda hominū, ut Chrysost. ac postea terram viventium  
in cælis promissam. Hinc 3. Conf. mites gratos esse Deo & hominibus,  
similes Christo, castos, magnanimos, ac præ ceteris aptiores ad cælestem  
sapientiā, & salutē animæ, iracundos vero & impatientes sibi esse ac, alijs  
molestos, & ineptos se reddere ad dona Spiritus sancti recipiendā.

Anno 32.  
Malo in  
monte  
Galilææ.

# FESTO OMNIVM SANCTORVM. 1. Novemb. V.

Et in Communi Martyrum: X.

## De Oâto Beatitudinibus. P. II.

**Punct. I. Beati qui lugent.** Conf. I. Luctum Christianis omnibus salutarem extendere se posse ad mala præterita, præsentia, & futura, atque esse vel compunctionis ob peccata propria, vel compassionis ob peccata aliena, ac Christi passionem, vel devotionis ob absentiam seu privationem summi boni, ac misérias hujus vitæ, animæ & corporis; ideoque ad cælestem ac meliorem adspirandum: hinc etiam vitam hanc recte vallem lacrymarum & exilium appellari. 2. Præmium subdit Christus sic pie lugentibus: *Quoniam ipsi consolabuntur.* Nam *absterget Deus omnem lacrymam ab oculis eorum, & mors ultra non erit, neque luctus, neque clamor, neque dolor erit ultra.* 3. Majori solatio & gaudio perfundentur illi, & in istis, in quibus magis passi fuerint. 4. Christus risisse numquam, flevisse verò sæpius in S. Scriptura legitur, ita & viri sancti exemplo Davidis: *Lavabo per singulas noctes lectum meum, lacrymis meis stratum meum rigabo.*

**Punct. II. Beati qui esuriunt & sitiunt justitiam.** Conf. I. Commendari hîc vehementer & ardens desiderium promovendi in se alijsque id quod justum seu Deo gratum est, quò suæ atque alienæ saluti & perfectioni impensè student. 2. Etiam ij significantur qui propter virtutem libenter patiuntur famem ac sitim, & cetera corporis incommoda. 3. Conf. Corporea fame & siti tolli homini vires ad labores & pugnam; spiritali verò augeri, eamque se extendere ad omnes beatitudines appetendas, paupertatem, mansuetudinem, luctum, &c. 4. Præmium subdit: *Quoniam ipsi saturabuntur.* nam Deus in hac vita liberaliter gratiam tribuit desiderantibus, ac pro desiderij vehementia uberiores, in altera verò desiderium adimplebit æterna felicitate. *Imebriabuntur ab ubertate domus tuæ, & torrente voluptatis tuæ potabis eos.*

**Punct. III. Beati misericordes.** Conf. I. Eos significari, qui ex cordis condoleantia commoventur ad sublevandas misérias proximi propter Deum, sive corporales, sive spirituales; idque non verbo tantum, sed & opere, prout potuerint, præstant. 2. Præmium Christus subdit: *Quoniam ipsi misericordiam consequentur.* Igitur misericordiæ humanæ promittit divinam, pro minimis maxima rependentem. 3. Conf. Iudicem nos habere Deum justissimum, quem placare nunc misericordia possumus, non vero postea; nam *judicium sine misericordia illi qui non fecit misericordiam: superexaltat autem misericordia judicium,* illa humana huic divino præponderante. 4. Beatos à mundo appellari eos qui multa accipiunt, contra verò à Christo eos qui multa dant; unde & Paulus cum Christo ait: *Beatius est magis dare, quam accipere.* Et ipse Christus *pertransijt benefaciendo & sanando omnes,* eoque ut nos excitaret, sibi impensum refert. *Quod uni ex minimis meis, inquit, fecistis, mihi fecistis.*

FESTO



# FESTO OMNIUM SANCTORUM. 1. Novemb. VI.

Et in communi Martyrum, X.

## De Octo Beatitudinibus. P. III.

Anno 32.  
Maio in  
monte  
Galilææ.

**P**unct. I. *Beati mundo corde.* Conf. 1. Significari eos qui habent voluntatem expurgatam in primis à vitio carnis, & ab omni peccato mortali, ac terrenis affectibus, imò & virtute castitatis nitentem; qui nitor & mundities omni diligentia quærenda & servanda est. 2. Conf. Præmium; *quoniam ipsi Deum videbunt*, cum ineffabili gaudio & voluptate, in quo essentia supremæ beatitudinis sita est. In hac vita Deum, summum bonum nostrum obscure tantum cognoscimus tum per fidem, tum etiam per creaturas quasi *per speculum* in imagine, *tunc autem facie ad faciem*. 3. Sicut sol videri non potest, nisi ab oculo mundo ac puro, ita nec Deus: quem quisque etiam hîc in oratione perfectius cognoscet, quò hanc munditiam magis sectatus fuerit.

1. Cor. 13. 12.

Punct. II. *Beati pacifici.* Conf. 1. Eos significari qui motus animi habent pacatos & subiectos rationi. rationem vero Deo, atque ita pacem habent secum. cum proximo, & cum Deo. 2. Ac potissimum qui hanc pacem nituntur etiam in proximo excitare, conciliando discordes inter se, peccatores & infideles, Deo & Ecclesiæ. 3. Conf. Præmium; *quoniam filij Dei vocabuntur*, singulari nempe titulo, quia Christo Dei Filio in hoc maxime similes, qui in hunc mundum venit, pacem inter nos & cælestem Patrem conciliaturus, tanquam *Princeps pacis*, cujus sicut nunc nomen & officium participant, ita & cælestem cum eo postea cernent hereditatem.

Isa. 9. 6.

Punct. III. *Beati qui persecutionem patiuntur propter justitiam.* Conf. 1. Hac nobilissima virtute, & prærogativa in martyrij insignes postremo loco poni, tanquam fortissimos milites, prioribus beatitudinum virtutibus jam munitos, qua omne genus persecutionum, maledicta, opprobria, calumnias, contumelias, imò & carceres, flagella, tormenta, & mortem, propter Deum ac virtutem ab iniquis patiuntur. 2. Omnes pios Christi fideles persecutioni obnoxios, juxta Apostolum: *Omnes qui pie volunt vivere in Christo Iesu, persecutionem patientur*, à prava concupiscentia sua, carne, mundo, dæmone, & improbis hominibus; qui tamen adversarij omnes nocere non poterunt, nisi quis se per voluntatis consensum ijs subdiderit. 3. Conf. Præmium; *quoniam ipsorum est regnum celorum*, jam nunc hereditate ijs transcriptum, sicut & eodem nomine pauperibus. Inculcat autem hîc Christus dictas persecutiones non tantum patienter & fortiter, sed & cum gaudio & exultatione ferendas, tum propter mercedem in cælis copiosam paratam, tum quia gloria magna est, *sequi Dominum Christum* præeuntem, ac longè nobilius & generosius dura & fortia pati, quam agere.

2. Tim. 3. 12.

Eccli. 28. 38.

FESTO

## FESTO S. MARTINI EPISCOPI. 11. Novemb.

**P**<sup>unct. I.</sup> Confid. 1. S. Martinum in Pannonia, nobilibus, sed gentilibus parentibus natum, anno ætatis suæ decimo invitis parentibus Catechumenorum numero adscriptum, ac tradita sibi Christianæ fidei documenta frequentibus & ferventibus pietatis exercitijs perfecisse. 2. Annos 15. natum, iussu à parente Tribuno militari etiam militiæ nomen dare, cum forte Ambiani in porta à paupere ac nudo eleemosynam. Christi nomine rogaretur, neque aliud suppeteret, partem chlamydis præscissam dedisse, qua Christus sequenti nocte indutus ei apparuit, dicens: *Martinus adhuc Catechumenus hac me veste contexit.* Unde collige quanti à Deo æstinentur opera nostra etiam exigua, præstita ex pura intentione. 3. Anno 18. jam suscepto baptismo, cum profanæ militiæ renunciaret, idque sibi probro & ignaviæ verteretur, notam illam insigni fiducia in Christum averisse: *Ego, inquit, signo Crucis, non clypeo protectus aut galea, hostium cuneos penetrabo securus.*

Offic. Eccl.

1 Pet. 3. 5,  
Tit. 2. 7.

**Punct. II.** Conf. 1. Eum in Christiana humilitate inprimis solida jecisse fundamenta, sic ut etiam famulo suo sæpius inserviret ipse, & calceos detraheret. Zelum exercuit, cum in patriam rediens, ut parentes ad Christi fidem converteret, & incidens in latrones, nec periculis deterritus, unum ex illis convertit, matrem deinde suam etiam Christo lucratus. 2. Ecclesiasticam vitam amplectens, à S. Hilario Pictaviensi Episcopo in Acolythorum numerum redactus, graves sæpius contumelias & verbera ab Arrianis perpeffus, vitæ sanctitate & miraculis magis inclaruit, sic ut etiam tres mortuos ad vitam suscitavit. 3. Episcopus deinde Turonensis, quantumvis invitatus, creatus, *Forma factus gregis, præbuit se exemplum bonorum operum.* 4. Ut salutem suam in Episcopali munere magis stabiliret, religiosam vitam adijcere statuit; quare exstructo monasterio, cum 80. quos assumpserat, religiosi, plures annos ibi in omni virtutum genere singulari exemplo præluxit: unde & excita in te amorem vitæ religioſæ.

Offic. Eccl.

Anno 397.  
Ætat. 81.

**Punct. III.** Conf. 1. Instante morte, quam longè ante præsciverat, ac sæpius concupierat, rogatum à suis: *Cur nos Pater deseris? aut cui nos desolatos relinquis? invadent enim gregem tuum lupi rapaces; scimus quidem desiderare te Christum, sed salva sunt tibi tua præmia, nostri potius miserere quos deseris.* Ea q; oratione commotum, se totum divine voluntati obtulisse: *Domine si adhuc populo tuo sum necessarius, non recuso laborem, fiat voluntas tua.* 2. Morbi tempore, oculis ac manibus in calum semper intentus, invictum ab oratione spiritum non relaxabat. Rogatus ut converso corpore non ita supinus quiesceret, *Sinite me,* inquit, *calum potius quam terram aspicere, ut suo jam itinere iturus ad Dominum spiritus dirigatur.* 3. Instante morte, viso humani generis hoste, ait: *Quid hinc adstus cruenta bestia? nihil in me funeste reperies.* Qua in voce, præſente numeroſo Angelorum cantante choro, animam Deo reddidit.

In Evang. Vide de Com. Conf. Pont. III.

FESTO



## FESTO S. GREGORII THAUMATURGI. 17. Nov.

Anno 84.  
Martij 22.  
in via Je-  
rosc.*Christus hortatur suos ad fiduciam in oratione. Marc. 11. Matt. 21.*

**Punct. I.** Habete fidem Dei, quia quicumque dixerit huic monti: Tolle te, & mittere in mare, & non hesitaverit in corde suo, sed crediderit, quia quodcumque dixerit, Fiat, fiet ei. Confid. 1. Christum cum pridie in itinere Bethania Jerosolymam coram discipulis maledixisset ficui, eò quòd in ea fructus non invenisset; significans eo facto populum Judaicum & omnes peccatores externa tantum specie virtutum velut foliis vestitos, & operibus bonis destitutos reprobandos à se & Patre cælesti; nunc iterum eadem via Jerosolymam cum suis petentem, & mirantibus ficum exaruisse, hortari eos ad roborandam fiduciam in oratione, qua in rebus quantumvis arduis & difficilibus erigant mentem supra humanam potentiam, & à Deo expectent fructum suæ orationis. 2. Confid. in lege veteri plurima patrata miracula à Moyse hominibus exitiosa, nullum verò tale à Christo, sed omnia ejus miracula fuisse beneficentiæ erga homines; cumque tamen etiam docere eos vellet justitiæ suæ severitatem, noluisse exemplum dare in homine, sed in ficu arbore humidissima, quæ Judæos plenos succo cælestium gratiarum sic etiam maledictione plectendos adumbrabat.

**Punct. II.** Confid. 1. Christum in exemplum fiduciæ adferre vicinum montem Olivetum, quem inde ejus virtute in mare Mediterraneum ad novem leucas transferendum promittit; ubi id ad salutem nostram, Dei-que gloriam expedierit. 2. Confid. sapius à nobis, secundum Ven. Bedam, montes spiritualiter transferri, cum dæmones, qui propter superbiam montibus similes se contra Deum erigunt, & similes esse volunt Altissimo, ex nostris & aliorum cordibus divina virtute ejicimus.

**Punct. III.** Confid. 1. Id etiam corporaliter reipsa præstitum à S. Gregorio Neocæsareæ Episcopo sanctitate & doctrina illustri, sed miraculis illustriori: unde & Thaumaturgus dictus est, cum montem, qui Ecclesiæ ædificationem impediabat, sua in oratione fiducia, & exactione promissi à Christo, quantum opus erat, aliò transtulit. 2. Idem paludem inter fratres causam discordiarum exsiccavit, Lycum fluvium perniciosè agros inundantem coercuit, defixo ad ripam quo sustentabatur baculo, qui & statim virentem crevit in arborem, ut postea ultra eum terminum non effluerit. Ubi Confid. eum in his aliisque innumeris miraculis unam semper Dei gloriam, ac animarum, quas sic plurimas Deo lucrabatur, salutem spectasse. 3. Zelum hunc ejus, quantus in vita fuerit, sub finem apparuisse, cum moriturus interrogans quot in civitate ea infideles superessent, & intelligens esse tantum septemdecim, Deo gratias agens: *Totidem*, inquit, *erant fideles cum epi Episcoporum*: unde & tu zelum tuum pro animarum salute, cum fiducia in oratione exstimula.

Anno 266.

## FESTO PRÆSENTATIONIS B. MARIE. 21. Novemb.

**Punct. I.** Confid. 1. SS. Joachim & Annam parentes B. Virginis eam jam ablactatam anno ætatis tertio secum adduxisse Hierosolymam, Deo ibi in templo offerendam, tum ut divinæ inspirationi obsequentes, eam cælestis potius quàm terreni regis aulæ ab infantia consecrarent, tum ut voti sui de hac obligationi satisfacerent: tu attende quæ promptitudine divinis inspirationibus, ac votorum obligationi satisfacias.

2. Confid. quo fervore ipsa virguncula ad templum, quò pridem anhelaverat, perveniens, mox gradus 15. sola conscenderit, & festinans ad sui oblationem, se cum Propheta excitavit: *Letata sum in his quæ dicta sunt mihi: in domum Domini ibimus: ejusque in hoc fervorem ad templum & Dei cultum imitare.* 3. In templum ingressa, ibique in genua provoluta, totam se ardenti & purissimo affectu Deo obtulit, gratissimum præ omnibus quæ umquam oblata fuerant, sacrificium; tum ob præstantiam muneris: Virginis nempe tot virtutum insignibus exornatæ; tum ob affectum offerentis; tum quia à prima ætate; nam *qui vitò dat, bis dat. Odoratusque est Dominus odorem suavitatis.* Agnosce hîc felicitatem eorum qui Dei vocationi ab adolescentia obsecuti sunt, argue tarditatem tuam, & quotidie à diei exortu te Deo offer per illam, ut per eamdem aliquando in templo cælestis gloriæ præsentari merearis.

**Punct. II.** Confid. 1. B. Virginem à Sacerdotibus in ædes templo vicinas adductam, inter ceteras Virgines ibi divino cultui & obsequiis dicatas, ea mox perfectarum virtutum exempla dedisse, quæ omnibus essent admirationi: elucebat in ea oris majestas, morum integritas, incessus gravitas.

2. Mentalia ejus exercitia erant lectio sacra frequens, inde meditatio qua lecta cum affectu expendebat, oratio vocalis qua animi fervorem explicabat, & contemplatio qua Deo per ardentem & purissimam caritatem intimè adhærebat.

3. A mentalibus exercitiis ad manualia artesque puellares descendebat, sic ut inter ea à Dei præsentia & amore non recederet, sed ex plenitudine gratiæ actiones omnes obiens, immensa colligeret incrementa meritorum.

4. Angelorum inter hæc confortio & solatio fruebatur, qui admirabundi tanta in tam ténella ætate virtutum ornamenta merito quærebant: *Quæ est ista quæ progreditur quasi aurora consurgens, quia crescens assidue sine occasu, pulchra ut Luna, quia gratia plena, electa ut Sol, quia sola parem non habens, terribilis ut castrorum acies ordinata, quia omnibus instructa virtutibus sub regimine caritatis.*

5. Votum Virginitatis omnium prima Deo obtulit, cujus voti præstantiam orbi ignotam aperuit, ac posteris deinde plurimisque suo exemplo perscrutavit.

6. Desideria accensa ad Messias adventum crebrius acuebat: *Excita potentiam tuam veni, ut salvos facias nos.*

De Evangelio. vide Sabbato de ea post Purificat.

FESTO



## FESTO S. CÆCILIAE. 22. Novemb.

**P**unct. I. Confid. 1. S. Cæciliam Virginem Romanam, nobili genere natam, à prima ætate Christianæ fidei præcepto institutam, frequenti lectione Euangeliorum, suum erga Christum amorem maxime accendisse, & virginitate ei voto dicata, spretis carnis illecebris, verum ac solidum gaudium tum ex illo, velut cælesti Sponso, tum ex puræ conscientia testimo- nio hausisse. *Cantantibus organis Domino decantabat, dicens: Fiat Domine cor meum. & corpus meum immaculatum, ut non confundar. Juxta illud: Cognovi quod non esset melius nisi facere bene, & letari in vita sua. Et non est oblectamentum super cordis gaudium.* 2. Eam deinde à parentibus, quamvis invitam, nuptiis datam juveni nobili Valeriano, præmissis triduanis precibus ac jejuniis, & cilicio sub pretiosa veste armatam, prima nuptiarum nocte sic eum allocutam: *Ego in Angeli tutela sum, qui virginitatem meam custodit; quare ne quid in me committas, quo ira Dei in te concutitur.* Ubi attende animi constantiam in- tuenda virginitate, & hanc Angelo custodi singulariter curæ esse.

**Punct. II.** Confid. 1. Valerianum verbis Cæciliae commotum, nec ausum eam vel leviter attingere, videndi Angeli desiderio accensum, addixisse se etiam Christi fidem amplexurum, si Angelum illum sibi videre lice- ret: cui cum illa respondisset, Angelum ab eo nisi baptizato videri non posse, recepit ille se baptismum admitturum: unde collige non nisi mundis corde familiaritatem cum Angelo custode tribui. 2. Valeria- num à suscepto baptismo ad Cæciliam reversum, invenisse eam orationi vacantem, & cum ea Angelum cælesti splendore fulgentem, eoque aspe- ctu attonitum, in accepta fide fuisse plurimum confirmatum. 3. Ange- lum imposita utrique corona velut tessera Virginitatis, obtulisse Vale- riano in præmium, ut quod vellet, à se postularet, cui ille se Tiburtij ger- mani fratris conversionem & salutem unice exposcere: quàm & mox primo alloquio obtinuit, sic ut is Cæciliae pedibus advolutus se ad Chri- sti fidem suscipiendam paratum offerret: quam deinde baptizatus, & cum fratre securi percussus, sanguine suo firmavit.

**Punct. III.** Confid. 1. Cæciliam à Præfecto interrogatam de Valeriani & Tiburtij facultatibus, cum eas in pauperes erogatas respondisset, com- prehensam, qua valebat Christiana eloquentia, tum lictoribus, tum aliis adstantibus facile 300. Christi fidem pariter persuasile: imitare zelum in Virgine. 2. Justam deinde domi suæ ferventi balneo comburi, cum ab ea flamma refugeret, Deo laudes decantasse: *Benedicite Pater Domini mei Jesu Christi, quia per Filium tuum ignis exstinctus est à latere meo.* 3. Denique capi- tis damnatam ter securi frustra percussam, cum præscindi à carnifice ca- put non posset, semivivam relictam, triduo post, duplici Virginitatis & martyrij palma decoratam, ad cælestem Sponsum evolasse: discas ex Anno 130. Virgine etiam ardua forti ac libenti animo tolerare.

## FESTO S. CATHARINÆ. 25. Novemb.

**Punct. I.** Confid. 1. S. Catharinam regio sanguine illustrem Alexandria nata, à prima ætate scientias cum fidei ardore jungendas ratam, brevi in iis tum diligentia, tum orationis studio tantum profecisse, ut annos nata 18. cum omnium admiratione peritissimum quemque superaret: tu vide ut eandem viam insistas ad doctrinam virtuti jungendam. 2. Confid. ejus fortitudinem, qua ultrò Maximinum Imperatorem adiit, redarguens ejus crudelitatem in tot Christianis, quos ad supplicia rapi viderat, necandis, ac sapientissimis rationibus suadens ei Christi fidem ad salutem esse necessariam: argue hic vanum timorem tuum, ac languorem in peccatis proximi impediendis, & erubescere. 3. Maximinum Virginis prudentia attonitum, evocatos undique viros doctissimos 50. propositis præmiis, qui eam à Christi fide abducerent, cum illa commisisse; verum hosce ejus disputandi subtilitate, & eloquentia convictos, quam impugnare venerant fidem, tam firmiter amplexos, ut præ hac vitam sibi per ignis supplicium Martyres tolli elegerint: ubi mirare & imitare tum tironum, horum in fide fortitudinem, tum Virginis in Deo fiduciam, præstante promissum suum Christo: *Nos vos estis qui loquimini, sed Spiritus Patris vestri, qui loquitur in vobis.*

Matt. 10. 25.

**Punct. II.** Confid. 1. Maximinum in impietate pertinacem, blanditiis ac promissis Catharinam aggressum, ut eam à sententia deduceret; sed frustra, cum ipsa æterna sibi gaudia in cælis promissa ob oculos haberet. 2. Eam inde verberibus plumbatisque contusam per dies 11. sine cibo ac potu in carcere detentam, non tantum de fidei ardore nihil remisisse, ut etiam Imperatoris uxorem, & Porphyrium belli ducem sui visendæ causæ in greiis, ad eandem fidem amplectendam induxerit, quam & ipsi martyrio postea cum aliis 200. Prætorianis confirmarunt: ubi Virginis hujus zelum pro salute proximi, & patientiam in ferendis adversis imitare. 3. Eam è carcere ad supplicij locumeductam, crudelique machinæ rotarum, interfecantibus gladiis ad corpus dilacerandum expositam, brevi ac ferventi oratione totam machinam subito dissipasse, præsentibus vicinis plurimis oppressis, aliis verò, qui superstites manserant, Christianam fidem amplexis. 4. Obfirmante animum Maximino, Catharinam tandem securi caput fortiter subjecisse, manante vice sanguinis lacte, in signum puritatis, atque ita ad Virginitatis, ac Doctoratus, etiam Martyrij aureolam adjunxisse: corpus deinde ejus, ad majorem venerationem, per Angelos in montem Sina deportatum. Mirare Virginis constantiam, & excita in te desiderium multa etiam & constanter pro Christo patiendi, ac Deum rogo, ut Virginis hujus meritis & intercessione, ad montem, qui Christus est pervenire valeas.

Anno 307.  
Æt 18.



269

DE COMMUNI SANCTORVM.  
VIGILIA VNIVS APOSTOLI.

*Christus hortatur suos ad dilectionem proximi. Ioan. 15.*

Anno 34.  
Martij. 24.  
in cœna-  
culo.

**P**unct. I. *Hoc est præceptum meum, ut diligatis invicem, sicut dilexi vos.* Confid. 1. Christum hîc iteratò inculcare Apostolis suis mutuam dilectionem, præcepto inter cetera præcipuo & singulariter suo, quod si rectè servaverint, etiam reliqua servaturos, atque hujus dilectionis exemplum statuere seipsum, ut sicut ipse dilexit eos gratuito nullis prævijs meritis, fortiter etiam mortem obeundo, sapienter culpam omnem vitando, purè nil nisi Dei gloriam & proximi salutem spectando: sic & ipsi diligant omnes etiam gentiles & inimicos, sed nominatim Apostolos inter se, ut sic conjuncti uberiores fructum colligant animarum, & maneant adversus omnia invidi. 2. *Majorem hac dilectionem nemo habet, ut animam suam ponat quis pro amicis suis.* Exponit terminum perfectissimæ dilectionis, qua non solum nostra profundamus pro salute proximi, opes & honores, sed etiâ nos ipsos, vitam & sanguinem, idque ut ipsi suo exemplo etiam præstent.

Punct. II. *Vos amici mei estis, si feceritis quæ ego præcipio vobis.* Conf. 1. Christum hîc requirere ab eis in signum & testimonium veræ dilectionis erga se observantiam suorum præceptorum, sed nominatum de hac dilectione mutua, sine qua amicitia secum stare non possit. 2. *Tam non dicam vos servos,* tum quia exemi vos à dura servitute legis veteris, tum quia non ex servili, sed filiali timore proceditis. *Vos autem dixi amicos.* In quo attende amicitia hujus excellentiam & effectus. Hieronymus: *Amicitia aut pares accipit, aut facit.* 3. Confirmat Christus dictum suum, *quia omnia quaecumque audivi à Patre meo, nota feci vobis.* Cum amicorum sint omnia communia, etiam animi arcana, ego vobis tanquam intimis & fidissimis amicis meis omnia quæ à Patre, ut legatus missus cognovi, spectantia salutem & munus vestrum, liberaliter communicavi.

Punct. III. *Non vos me elegistis, in Dominum, Messiam, & Deum vestrum, sed ego elegi vos, viles, abjectos, & rudes in meos discipulos, Apostolos, & Orbis doctores.* Conf. 1. Christum hîc exponere eis suam erga eos gratuitam dilectionem præ tot alijs, & disce cum S. Augustino electionem ad fidem esse gratuitum donum Dei, ac moneri eos, & nos in ipsis, ut sint in fide & dilectione constantes, ac considerantes celsitudinem dignitatis suæ, ne altum sapiant, sed satagant vocationi suæ strenuè & humiliter satisfacere. 2. *Et posui vos, sicut agricola vites in vinea, non ut otiosi quiescatis, sed ut eatis per orbem universum, & fructum afferatis animarum.* Utque in hoc eos ad fervorem excitet, addit & *ut fructus vester maneat, non transeat sicut fructus & bona terrena; sed animæ illæ immortales ad Deum conversa ipsi, ac vobis de impensa opera, laudem, ac gratiarum actionem persolvant tota æternitate.*

Anno 133.  
Decemb.  
Ieroso-  
lymæ.

# DE COMMUNI MARTYRIS. I.

*Christus invitatur ad sui sequelam. Luc. 13.*

**Punct. I.** *Siquis venit ad me, & non odit patrem suum, & matrem, &c. Adhuc autem & animam suam, non potest meus esse discipulus.* Conf. 1. Christum hinc invitare omnes ad Evangelicam perfectionem consilijs suis comprehensam, ac monere opus ad hoc esse, ut parentes ac carnis cognatione propinquos deferant, & obistentes velut odio dignos contemnant; licet enim parentes honorandi sint, velut auctores vite naturalis post Deum; si tamen divine vocationi, & vite suorum meliori in cælis adversati fuerint, etiam odiendo & fugiendo illis adversandum. *Qui amat patrem aut matrem plus quam me, non est me dignus.* 2. *Et animam suam, vitam nempe temporalem etiam monet contemnendam ac morti obijciendam, ubi fides erit propugnanda, ut vitam consequamur æternam, similiter & pravis animæ concupiscentijs, ubi quid suggererint contrarium divine voluntati, adversandum.* 3. *Et qui non bajulat crucem suam, & venit post me, non potest meus esse discipulus.* Monet etiam mortem quantumvis acerbam & ignominiosam, ac quævis incommoda exemplo suo libenter amplectenda, & constanter subeunda, ut & eum deinde sic in cælestem gloriam sequantur. *Delectat mentem magnitudo præmiorum, sed non deterreat certamen laborum.*

Gregor.

**Punct. II.** *Quis ex vobis volens turrim ædificare, non prius sedens computat sumptus qui necessarij sunt, si habeat ad perficiendum? ne posteaquam posuerit fundamentum, & non potuerit perficere, omnes qui vident, incipiant illudere ei, dicentes: Quia hic homo cepit ædificare, & non potuit consummare.* Conf. 1. Christum monere hoc exemplo non temere deligendum esse vite perfectioris statum, sed cautè, ac proinde prius pertentandum robur animi & corporis, an par sit ferendis laboribus & periculis ibi occurrentibus, ne si postea se debilioremprehenderit, cogatur vel cum ignominia recedere, vel cum damno succumbere. 2. Monet officium esse viri religiosi & Ecclesiastici, ferventi & constanti studio laborare in exstruenda turri perfectionis, alta & magna, cujus fundamentum est fides & humilitas; parietes virtutes cardinales, tectum caritas erga Deum & proximum cum perseverantia, sumptus necessarij sunt conatus noster, & gratia Dei.

**Punct. III.** *Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se?* Conf. Christum hinc altero exemplo eam maturam deliberationem inculcare, & monere alterum munus eorum esse, ut bellum suscipiant implacabile adversus hostes salutis sue & perfectionis, Carnem, Mundum, & dæmonem, atque ubi vires animi & corporis coram Deo sæpius maturè probatæ fuerint, fervorem suum divine gratiæ confidenter jungendum. *Non ego, sed gratia Dei mecum. Omnia possum in eo qui me confortat.*

3. Cor. 15. 10  
Phil. 4. 13.



## DE COMMUNI MARTYRIS. II.

*Christus monet ferendam crucem. Matth. 16. Marc. 8. Luc. 9.*

Annō 30  
Iulio Cæsare  
Phil.

**Punct. I.** *Siquis vult post me venire, abneget semetipsum, & tollat crucem suam, & sequatur me.* Conf. I. Christum hinc invitare omnes ad sui sequelam, seu doctrinæ suæ fidem & observantiam, nec requirere ad eam coactos, sed volentes, ut sacrificium eorum sit voluntarium, eosque monere necesse esse, ut quicumque is fuerit, *abneget semetipsum*, non tantum sua, sed & se, proprium iudicium, voluntatem, desideria, & affectus repugnantes divinæ voluntati, religiosos verò etiam repugnantes Christi consilijs; ita ut possit dicere: *Vivo ego, jam non ego, vivit verò in me Christus.* 2. *Et tollat crucem suam.* Admittat & ferat omnem molestiā, afflictionem, etiam ipsam mortem, quantumvis acerbam & ignominiosam: suam sibi propriam, tanquam medicamentum morbo suo ac viribus à divina manu attemperatum, per amicos, inimicos, æmulos. Idque quotidie, quia multorum diurnæ sunt afflictiones in hac vita, & una alterā excipit ad augmentum meritorum. 3. *Et sequatur me* cum hac sua cruce, exemplo meo, libenter, fortiter, & constanter, atque ita mecum adeat beatam immortalitatem & cœli gaudia. *Hec est via, ambulate in ea, & non declinetis ab ea, nec ad dextram, nec ad sinistram.*

Luc. 9.

1. Cor. 13.

**Punct. II.** *Qui enim voluerit animam suam salvam facere, perdet eam.* Confid. I. Christum hinc monere eum qui vitam temporalem voluerit conservare, sectando pravit affectus, & afflictiones malè declinando, incursum mortem æternam & cruciatus inferni. 2. *Qui autem perdidit animam suam propter me,* mortem temporalem oppetendo, ac pravit affectus mortificando, non propter vanitates, ut Philosophi gentiles ac homines mundani martyres diaboli, nec propter crimina ut latrones, sed *propter me:* inveniet eam in cœlesti gloria omnibus bonis cumulatam; unde collige aliud martyrium inferri à tyrannis, aliud inferendum à nobis per mortificationem affectuum.

**Punct. III.** *Quid enim prodest homini, si universum mundum lucretur, animæ verò sue detrimentum patiatur?* Conf. I. Christum monere hinc frustra nos studere conquirendis opibus, honoribus, voluptatibus, scientijs, imò & animabus aliorum Deo lucrandis, si interim nostram perdamus, æternis ignibus cruciandam. Quare omnia si perdis, animam servare memento. 2. *Aut quam dabit homo commutationem pro anima sua?* Nullam; nam anima pretioso Christi sanguine redempta, semel divino iudicio ad infernum damnata, nullo deinde pretio redimi poterit. 3. *Filius enim hominis venturus est in gloria Patris sui, cum angelis suis, & tunc reddet unicuique secundum opera ejus.* Significat Christus se, licet à Iudeis agendum in crucem, tamen venturum suo tempore ad universale iudicium o. bis cum summa gloria ac maiestate, & daturum tunc singulis mercedem, non scientiæ, sed operum. *Que seminaverit homo, hæc & metet.* Gloria & honor omni operanti bonum. *Pluet super peccatores lapides.* Momentaneum & leve tribulationis nostræ, æternæ gloriæ pondus operatur in nobis.

Gal. 6. 8.

Ro. 2. 10.

Ps. 10. 7.

2. Cor. 4. 17.

D-E

## DE COMMUNI MARTYRIS. III.

*Christus hortatur suos ad ferenda adversa. Matth. 10.*

**P**unct. I. *Nolite arbitrari, quia pacem venerim mittere in terram: non veni pacem mittere, sed gladium.* Conf. 1. Duplicem hominibus in hac vita pacem obvenire, alteram veram & sanctam, quæ nos conciliat Deo, proximo, ac conscientiæ nostræ per observantiam divinæ voluntatis, ac deinde deducit ad perfectam pacem in cælesti beatitudine, & hanc Christus venit mittere in terram, omnes eò provocans & invitans, sed non nisi certamine obtinendam adversus alteram pacem fallacem & perniciosam, quæ est cum mundo, carne, ac dæmone, Deoque adversatur, suosque deducit ad æternos cruciatus, quam Christus venit evertere generoso certamine & gladio mortificationis. 2. *Veni enim separare hominem adversus Patrem suum.* Monet divisionem faciendam à parentibus & maximè charis, si hi cultum Dei impedierint. *Et inimici hominis domestici ejus*, nam per hos dæmon nos conatur evertere, sicut olim Adamum per Evam. 3. *Qui amat Patrem aut Matrem plusquam me, non est me dignus.* Non igitur vetat amare parentes, quod alias jubet, sed vetat amare eos plusquam Deum, doctrinā, præcepta & consilia sua, quibus secundum ordinem caritatis cetera omnia postponenda sunt; quod qui non facit, dignus non est Christi consortio, promissis, & regno.

Mich. 7. 6.

**P**unct. II. *Qui non accipit crucem suam & sequitur me, non est me dignus.* Conf. 1. Hic moneri eos ut parati sint exemplo suo, & propter se etiam infamem mortem libenter & constanter subire, insuper opprobria, verbera, carceres, injurias, ac quævis adversa sibi à Deo destinata; quare ad ea etiam te excita. 2. *Qui invenit animam suam, perdet illam:* qui vitam suam temporalem subducendo adversis propter Deum obeundis intendit conservare, perdet æternam, atque æterna morte cruciabitur: *Et qui perdiderit animam suam propter me, propter fidem, doctrinam, & consilia mea, vitam exponendo, inveniet eam in cælesti gloria, numquā defecturam.* *Visi sunt oculi insipientium mori: illi autem sunt in pace.* Prudens est negotitatio, perdere peritura, ut lucreris æterna, per breves cruciatus rēdere ad gaudia sine fine duratura.

Sap. 3. 2.

**P**unct. III. *Qui recipit vos, me recipit, & qui me recipit, recipit eum qui me misit.* Conf. 1. Christum hic omnes invitare ad Apostolos suos eorumque successores benignè excipiendos tanquam legatos divinæ Majestatis, & tanquam se. *Nimis honorificati sunt amici tui Deus.* 2. *Qui recipit Prophetam in nomine Prophetæ, mercedem Prophetæ accipiet,* & sic de quovis justo; nam sicut qui alieno peccato cooperatur, pariter plectitur; sic & qui virtuti, cum illo præmium accipiet secundum mensuram benevolentiae & caritatis. 3. *Et qui cumque posum dederit uni ex minimis istis, calicem aquæ frigide tantum in nomine discipuli, non perdet mercedem suam.* Promittit etiam minimum beneficium suis propter se impensum remuneraturum se mercede cælestis gloriæ; ubi attende felicitatem tum discipulorum Christi ac vestigijs eorum insistentium, tum illorum qui ipsis benefaciunt.

Pf. 138. 17.



# DE COMMUNI MARTYRIS. IV. <sup>273</sup>

*Christus instruit Apostolos predicaturos, & monet non timendam mortem temporalem. Matt. 10.*

Anno 42  
Julio in  
Galilæa.

**Punct. I.** Nihil est opertum, quod non revelabitur: & occultum, quod non fietur. Confid. i. Significari hic à Christo, suorum innocentiam & tyrannorum sævitiam aliquando publicè manifestandam, cum horum castigatione & ignominia, atque illorum gloria. 2. *Quod dico vobis in tenebris, dicite in lumine, & quod in aure auditis, predicare super tecta.* Hortatur eos ad generosum zelum, ut quæ à Christo privatim in Judæa & per mysteria audierunt, ipsi deinde palàm & apertè per totum orbem alios confidenter edoceant: atque ita doctrinam suam instar luminis solaris diffundendam, & ipsos velut cælestes nuncios excipiendos & audiendos.

**Punct. II.** Nolite timere eos qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam. Confid. i. Hortari hic Christum suos, ut timorem mortis temporalis pellant timore mortis æternæ, sicut sensus doloris acerbioris leviolem opprimit; posse homines nocere tantum corpori ac privare vita temporali, Deum verò posse corpus & animam plectere morte æterna: unde S. Chrysostomus: *Pueris similes sumus, qui larvas timent, ignem verò non timent.* 2. Disce hinc aliquando cogitatione descendere ex hac vita ad pœnas inferni, ut eas postea evadas; nam rectè S. Chrysostomus: *Qui gehennam continuo timet, nunquam in gehennâ ignem decider.* 3. Peccatores in se crudeliùs sævire ipsis tyrannis; hos enim tantum corpus impetere, illos verò perimere etiam animam morte æterna. Quare si secundum carnem vixeritis, moriemini: si autem spiritu facta carnis mortificaveritis, vivetis. Rom. 8. 13.

**Punct. III.** Nonne duo passeressè asse videntur, & unus ex illis non cadet super terram, sine Patre vestro? Vestri autem capilli capitis omnes numerati sunt. Confid. i. Christum inculcare hic suis, gubernari omnia divina providentia, cui non solum graviora negotia ut Regibus, sed etiam minima curæ sint, magis tamen homines, atque ex his iusti sui cultores, quod illis meritò solatiu addit, & animi robur. 2. Nolite ergo timere: multis passeribus meliores estis vos. Hortatur eos, ut securi acquiescant in sinu divinæ providentiæ, quidquid adversi obvenerit, cum ipsi præsentent vilissimis avibus, quastamen ipse sedulo curat, quanto magis inquit vos, qui Dei providentiam creditis, & quotidie experimini, causam eius agitis, & cultum propagatis. 3. Concludit Christus: *Omnis ergo qui confitebitur me coram hominibus, confitebor & ego cum coram me qui in celis est.* Proponit pramium iis, qui se supremum Dominum ac Redemptorem libera confessione agnoverint, & ut talem coluerint, suamque doctrinam etiam veriti non fuerit sanguine firmare: quibus promittit se vicissim eos agiturum pro discipulis suis, & augustinus Martyrij illustres summo honore & gloria excepturum.

M m

D E

Anno 34.  
 Martij 22.  
 Jerosol.

*Christus docet se suosq; instar grani mortui meliori vita donandos. Ioan. 12.*

*Punct. I. Nisi granum frumenti cadens in terram mortuum fuerit, ipsum solum monet: si autem mortuum fuerit, multum fructum affert. Confid. I. Christum instante tempore passionis suæ, se hic ad eam excitare tanquam sibi maximè gloriosam, & nobis omnibus salutarem, noi que etiam exemplo suo eodem hortari, similitudine grani, quod sicut terræ mandatum, ibique destructum exsurgit cum amplo incremento, proiescens plura grana sibi similia, ita & se licet malignitate Judæorum occideretur, surrecturum tamen deinde cum majori gloria, & uberrimo fructu fidelium. Si posuerit pro peccato animam suam, videbit semen longævum. 2. Confid. etiam tibi amplectendam mortem cum Christo, & mortificationis affectuum, ut sic aptiorem te reddas ad plures animas Christo lucrandas, & cum gloria assurgas ad horreum cæleste: sterilem vero fore te, & inglorium sine ea mortificatione.*

Isa. 53. 10.

*Punct. II. Qui amat animam suam, perdet eam: & qui odit animam suam in hoc mundo, in vitam æternam custodit eam. Confid. I. Christum docere nos exemplo suo, etiam temporalem vitam pro sui amore libenter profunderet; nam qui illam amat inordinatè, sic ut præponat illam divinæ fidei, ejusque pravas concupiscentias divinæ voluntati, perdet illam, & incurrit mortem æternam: qui verò illam divinæ fidei & voluntati postponit, fruetur vita beata & æterna in cælesti gloria: unde monet S. Augustinus: Noli amare vitam, ne perdas. 2. Secundum eundem S. Augustinum etiam alio sensu hæc verba intelligi posse, nempe si amas, inquit, vitam perdes, per martyrium, & affectuum mortificationem, si cupis vitam tenere in Christo, noli mortem timere pro Christo: si malè amaveris, tunc odisti; si bene oderis, tunc amasti. Quare dum occasio tollitur martyrij, amplectere mortificationem quotidie offerendam.*

*Punct. III. Siquis mihi ministrat, me sequatur. Confid. I. Christum monere, ut si quis instar fidelis servi, ac probi discipuli adhaerere sibi velit, ut ambulet vias non pravi affectus, sed Christi; nec quærat quæ sua sunt, sed quæ Jesu Christi. 2. Idipsum exprimit & fructum promittit: Vbi ego sum illic & minister meus erit. Erit in hac vita mecum in paupertate, castitate, obedientia, humilitate, & patientia, ac postea erit mecum in cælesti gloria, in possessione & visione Dei, gaudio, & æterna felicitate, discipulus cum Magistro, servus cum Domino, filius adoptivus cum unico naturali. 3. Si quis mihi ministraverit, honorificabit eum Pater meus. Qui se humiliaverit hinc propter me, postea à Patre cælesti summo honore & gloria excipietur coram omnibus Sanctis, inò coram toto mundo in extremo judicij die. Sic honorabitur, qui cumque Rex voluerit honorare. Quicumque honorificaverit me, glorificabo eum; qui autem contemnunt me, erunt ignobiles.*

Esth 6. 9.

1. Reg. 2. 30.



# DE COMMUNI MARTYRIS. VI.

& Vigilia sanctorum Apostolorum Simonis & Jude.

*Christus sub parabola vitis & palmitum hortatur suos ad constantiam in fide sua & caritate. Ioan. 15.*

275

Anno 34.  
Martij 24.  
in cenacu-  
lo.

**P**unct. I. *Ego sum vitis vera.* Confid. 1. Christum hinc comparare se viti, ob fructuum, ita & donorum suorum abundantiam, præstantiam & suavitatem, atque amplitudinem palmitum, quibus fideles comparat, sibi per fidem insitos, succum omnem seu vitam gratiæ à se necessariò haurientes, ac perpetua indigentes cultura, ut fructum efferant bonorum operum; quod si neglexerint, privandos eos & auxilio suo, & cælesti gloria. 2. Palmites vero fructum ferentes, putandos ac purgandos, *ut fructum plus afferant.* Sic in Christo, inquit Bernardus, putata est gloria per ignominiam passionis, potentia per abjectionem, voluptas per dolores, divitiæ per paupertatem, ita & in nobis putandos affectus inordinatos per mortificationem, & purgandos ac maturandos per adversa, instar vitis ardore solis, pluvia, & ventis. 3. Purgatos quidem hinc dicit Christus suos per documenta illis tradita, sed constantiam requirit. *Manete in me*, inquit, per veram fidem, spem, & caritatem, & *ego in vobis* manebo per influxum gratiæ, auxiliij, & solatij.

Punct. II. *Ego sum vitis, vos palmites.* Monet hinc Christus fideles tanquam palmites sibi ut viti debere constanter inhærere per fidem, spem, & caritatem, eoque hortatur 4. rationibus, 1. quia, inquit, *qui manet in me, & ego in eo, hic fert fructum multum* bonorum operum, quibus augeat assidue meritum gratiæ & gloriæ. 2. *Sine me nihil potestis facere*, dignum nempe vita æterna, adeoque nec ullum fructum seu opus meritorium. 3. Pœnam subjungit à se deficientibus, *Mittetur foras*, rejectus à favore, auxilio, & consortio meo, ac sanctorum in cælis, & *arescet*, non tantum virore gratiæ in hac vita, sed & post hanc ceteris Dei donis privatus: & *colligent eum dæmones*, sic ut expedire se non possit, nec boni quidpiam præstare, & *in ignem mittent infernalem*, ibi statim ac perpetuò arsurum. 4. Præmium promittit constantibus, nempe benignâ & facilem in omni petitione exauditionem. *Si mās. ritus in me & verba, seu monita mea in vobis mās. erint* per observantiâ, quodcumq; volueritis ad fructum spiritualem uberiolem ferendū, petetis, & fiet vobis.

Punct. III. *In hoc clarificatus est Pater meus, ut fructum plurimum aff. rati.* Christus novos hinc subdit stimulos ad constantiam in fide & bonis operibus, ac 1. à gloria cælestis Patris inde illustranda. 2. A gratitudine, quia *sicut dilexit me Pater*, eligendo naturam meam humanam præ aliis omnibus creaturis, sine meritis præviis eamque evchendo ad suam filiationem, ac mundi redemptionem, idq; per dura & aspera, sic & *ego dilexi vos*. A solatio seu gaudio tam suo, quam illorū, *ut gaudium meum*, velut parentis ac Magistri, *in vobis sit*, seu de vobis, velut filijs ac discipulis præstantibus, atque ut vicissim gaudium vestrum impleatur.

Annō 34.  
Martij 22. in  
monte Oli-  
varum.

## DE COMMUNI MARTYRIS. VIII.

*Christus rogatus à discipulis de tempore sui adventus, ejus signa prædicit.*

*Matt. 24. Marc. 13. Luc. 21.*

**P**unct. I. Sedente Iesu super montem Oliveti, accesserunt ad eum discipuli secreto, dicentes: Dic nobis quando hæc erunt, & quod signum adventus tui, & consummationis sæculi? Confid. 1. Discipulos aliquos anhelantes ad gloriosum Christi adventum, curiosè hujus signa hic ex ipso inquirere, ac simul destructionis urbis & orbis, quæ simul futura existimabant: quibus respondet Christus: *Videte ne quis vos seducat: multi enim venient in nomine meo, dicentes: Ego sum Christus; & multos seducunt.* Quo monet eos, ut omisso curioso sciendi studio, tum ipsi, tum ceteri fideles solliciti sint, ne incuria sua in errorem seducantur. 2. Confid. hac monitione nos etiam doceri, ne nobis nimium confidamus, cum noverimus ab initio mundi seductos & Angelos in cælo, & Adamum in paradiso, Davidem ac Salomonem, aliosque plurimos nobis & sanctiores & sapientiores, ac proinde circumspicere ambulandum in timore Domini.

*Luc. sup.*

Punct. II. Cum audieritis prælia & seditiones, & opiniones præliorum, seu rumores, qui metu malorum sæpe magis animum affligunt quàm ipsa mala, nolite terri. Confid. 1. Christum prædicere iis mala eventura; nam, ut S. Gregorius, minus jacula feriunt, quæ prævidentur, & nos tolerabilius mundi mala suscipimus, si contra hæc per præsentie clypeum munimur. 2. Mala illa distinctius enumerat: *Surget gens contra gentem, & regnum adversus regnum, & terremotus magni erunt per loca, & pestilentie, & famines, terroresq; de cælo, & signa magna erunt. Hæc autem omnia initia sunt dolorum.* Indicat finem unius mali fore principium gravioris, de quibus S. Gregorius: *Per crebra mala quæ præveniunt indicantur mala perpetua quæ subsequuntur, & qui in cunctis deliquimus in cunctis formur.* 3. Ante hæc omnia, dicit, erunt vobis manus sue & persequentur tradentes in Synagoga & carceres, trahentes ad Reges & Præsides propter nomen meum, sive nominis mei, scilicet & doctrinæ prædicationem, quam tolerantia, & effuso sanguine testabimini.

*Matt. sup.*

Punct. III. Ecce ergo in cordibus vestris non præmeditari quemadmodum respondeatis, ego enim dico vobis & sapientiam, cui non poterunt resistere & contradicere omnes adversarii vestri. Confid. 1. Per illas enumeratas aliquot afflictiones moneri eos, ne cum in anxio solio sint ad refellendas hostium calumnias, dandam illis se de cælo lucem & robur gratiæ, quo prudenter, & fortiter in eis gerant. 2. Tunc enim, ut ait, à parentibus, & fratribus, & cognatis, & amicis, & morte à cunctis vobis, addit augendum dolorem à consanguineis, sed pro solatio subdit hæc eis paucos propter se: *Eritis odio omnibus propter nomen meum, ac fulete eos sicut relinquitur. Et capillus de capite vestro non perdet.* 3. Concludit Christus: *In patientia & patientia facite animas vestras, hic in pace, post hæc gloria: Qui perseveraverit usque in finem, hic salvus erit.*

DE



# DE COMMUNI MARTYRVM. IX.

& Vigilia Omn. Sanctorum.

277

Anno 92.  
Maio in  
monte  
Galilee.

*Christus sanat infirmos in descensu montis, ac tradit docu-  
menta beatitudinis. Luc. 6.*

**P**unct. I. Descendens cum illis, stetit in loco campestri, & omnis turba querebat eum tangere, quia virtus de illo exibat, & sanabat omnes. Conf. I. Convenisse ad Christum in montis descensu multitudinem copiosam ab omnibus vicinis regionibus, ut audirent eum & sanarentur à languoribus suis. Vide tu qua aviditate ad Christum recurras, ut eum loquentem intus audias, ac sanitatem animi ab eo obtineas. 2. Vide quomodo & tu exemplo Christi possis alijs conferre sanitatem animi, eoque te per solidas virtutes aptum reddere, talemque te præbe in conversatione, ut intelligant virtutem sibi salutarem à te exire.

Punct. II. Conf. I. S. Lucam 8. beatitudines à Christo propositas hinc ad 4. per compendium reducere, enarratis ijs quæ iudicio mundi homines maxime miseros & infelices reddunt, iudicio verò Christi beatos; quæ sunt pauperies, fames, luctus, & opprobria. Tu vide cujus iudicium amplectaris. 2. Contineri hisce secundum S. Ambrosium 4. virtutes cardinales omnibus observandas; in voluntaria paupertate iustitiam, quæ ab alienis abstinet, suis contenta; in fame temperantiam, in luctu prudentiam, quæ dicat brevem luctum cum æterno gaudio commutandum, & in opprobrijs fortitudinem. 3. Hortatur illos Christus ad hæc non tantum æquo, sed & lubenti animo ferenda. *Gaudete, inquit, & exultate in illa die: ecce enim merces vestra multa est in cælo.* Quare & hæc stimulum nobis debet subijcere ad dicta incòmoda Christi exemplo & amore fortiter ac libèter toleranda.

Punct. III. Conf. Christum subijcere deinde vix æternæ damnationis ijs qui contraria his virtutibus vitia sectantur, ac I. inquit: *Ve vobis divitibus, qui animo divitijs aucti estis, & in ijs ponitis omnem felicitatem, quia habetis consolationem vestram,* quod & diviti Epuloni seriùs dolenti exprobratum est. 2. *Ve vobis qui saturati estis, indulgentes gulæ, quorum Deus venter est,* unde vitiorum agmina producantur, inquit Gregorius, quia esuritis, nec guttam aquæ cum Epulone obtinebitis, sed replebimini felle & absinthio. 3. *Ve vobis, qui ridetis nunc in illicitis voluptatibus, & omnem molestiam pro cælesti beatitudine obtinenda declinatis, quia lugubris & fletibitis.* Quantum glorificavit se & in delicijs fuit, tantum datur illi tormentum & luctum. 4. *Ve, cum benedixerint vobis omnes, & eorum plausum ac laudes vobis mercedem & finem in actionibus statueritis, postposità divina gloria & animarum salute, ac proinde postea saturandi opprobrijs, de quibus omnibus S. Hieronymus: Impossibile est ut presentibus quibus & futuris fruatur bonis, & hic vivat, & ibi mentem expleat, ut de delicijs transseat ad divitias, ut in utroque sæculo sit primus, ut in cælo & in terra appareat gloriosus.*

Luc. 16. 25.

Phil. 3. 19.

Apoc. 18. 7.

## DE COMMUNI MARTYRVM. XI.

*Christus deprædicat felicitatem discipulorum suorum,  
eoque omnes invitât. Matth. 11.*

**P**unct. I. Abscondisti hæc à sapientibus & prudentibus, & revelasti ea parvulis.  
Conf. 1. Ad capiendâ mysteria doctrinæ Christianæ ostendi hîc necessariam esse humilitatem, qua velut pueri Magistris creduli, Ecclesiæ documenta admittant, & in qua quò magis profecerint, eò altius illa possint penetrare: superbos verò & arrogantes in illis velut noctuas in luce caligare. Quare tu gratias Deo age pro dono fidei, atque etiam altioris in ea gradus, tot alijs relictis in tenebris errorum, ac te in humilitate conserva. 2. Annuit Christus consilio Patris cælestis: *Ita Pater, quoniam sic placitum fuit ante te: quare & tu, si Deo placuerit te in hac vita humiliare, admitte benigni Patris beneplacitum, & annue id tibi placere, quia illi placitum est, idque ad salutem tuam.*

Punct. II. Venite ad me omnes, qui laboratis, & onerati estis, & ego reficiam vos.  
Conf. 1. Quomodo omnes cujuscunque nationis & conditionis invitet ad notitiam & amorem doctrinæ suæ, ut veniant affectibus fidei, spei, & caritatis, quotquot laborant curis hujus sæculi, & infirmitatibus corporis aut animi, quotquot onerati sunt iugo legis veteris, & gravi sarcina peccatorum, quibus omnibus promittit refectionem, quietem, solatia & auxilia, ac postea æternam gloriam in cælis: quare confidenter ad eum in omni necessitate recurre. 2. Conf. Cum S. Bernardo etiam invitari omnes ab hostibus capitalibus anime nostræ. *Clamat mundus: Venite ad me, & ego deficiam. Clamat caro: Venite ad me, & ego inficiam. Clamat diabolus: Venite ad me, & ego decipiam. Clamat Christus: Venite ad me, & ego reficiam; & tamen plurimos neglectâ voce Christi ad salutem, recurrere ad illos in perpetuam animi & corporis perniciem.*

Punct. III. Tollite jugum meum super vos. Conf. 1. Allici hic omnes à Christo ad commutandum jugum grave legis veteris & peccatorum, cum iugo legis suæ: quo contineantur in via salutis, quod non atteret vires, sed roborabit; non retardabit, sed promovebit. 2. *Et discite à me, atque ausu cognoscite, me non esse austerum & superbum: discite nō vindicare injurias, & sectari fumos honorum, sed, propter quod docendum in terras descendendi, quia mitis sum, & humilis corde.* Mansuetudinem requirit & humilitatem, pro observantia legis suæ necessariam. 3. *Et invenietis requiem animabus vestris,* quæ in mundo inveniri non potest, ubi anima velut navis in mari perpetuis affectuum motibus agitur, promittitur quidem illa, sed non præstatur. 4. *Jugum enim meum suave est, & onus meum leve.* De quo S. Bernardus: *Quantò benignior & dulcior est divini clementia homine, tantò etiâ jugum ejus est ceteris suavius.* Quod patet & percipitur ex facilitate & paucitate præceptorum, ex abundantia gratiarum, ex quiete conscientia, atque ex spe certa vitæ æternæ. DE



De Communi Martyrum. XII. Vide II. Festo S. Stephani 25. Decemb.  
**DE COMMUNI MARTYRVM. XII.**

*Christus discipulos ad missionem abeuntes auctoritate instruit,*

*& redeuntes felices prædicat. Luc. 10.*

**P**unct. I. Qui vos audit, me audit, & qui vos spernit, me spernit; qui autem me spernit, spernit eum, qui misit me. Conf. I. Christum discipulis jam ad missionem abituris proponere excellentiam functionis suæ, eò quod vadant legati sui, supremi Regis cælestis, ejusque personam representantes: ac proinde ab omnibus benevolo, attento, & reverenti animo excipiendos & audiendos esse, ubi se reputaturum impensa ijs obsequia, atque etiam injurias & contemptum. Ubi attende dictum hic ad discipulos spectare omnes eos, qui vel docendo, vel gubernando alijs præsumunt, eisque parem obedientiam exhibendam. *Non te abjecerunt, sed me, ne regnem super eos.* 1. Reg. 8. 7.  
2. Conf. Hinc vitæ sanctitatem superioribus, & aliorum instructoribus necessariam, eò quod sustineant personam Christi, cujus proinde virtutes, actiones, & mores exprimere debeant.

Punct. II. Reversi sunt autem 72. cum gaudio, dicentes: Domine etiam demonia subijciuntur nobis in nomine tuo. Conf. I. Discipulos hic docere nos ab opere nostro etiam ad Christum per orationem reverti, ei que tribuere quidquid rectè à nobis actum existimamus. *Ad locum, unde exeunt flumina, revertuntur, ut iterum fluant.* 2. Et ait illis: Videbam satanam sicut fulgur de calo cadentem. Significat Christus novam sibi non accidere hanc victoriam de dæmonibus, cum & ipse in mundi principio eadem potestate Luciferum cum omni superbo comitatu instar fulgaris splendentem summa celeritate, imperu, & vi in abyssum inferni e calo deturbaverit; quo monet & ipsos, & nos, ne in superbiæ elati similiter cadamus. 3. Dedi vobis potestatem calcandi supra serpentes & scorpiones. Confirmat datam eis potestatem innoxie superandi quævis venenata, quibus etiam dæmones significuntur. *Super aspidem & basiliscum ambulabis, & concuties leonem & draconem: & supra omnem virtutem inimici, potentiam hostium tam mundanorum quam infernalium, & nihil vobis nocebit. Et quis est qui vobis noceat, si boni emulatores fueritis?* Ps. 90. 13. 1. Pet. 3. 13.

Punct. III. Ferunt tamen in hoc nolite gaudere, quia spiritus vobis subijciuntur: Gaudete autem quod nomina vestra scripta sunt in calis. Conf. I. Christum non vetare ijs absolute gaudium de potestate in dæmones exercita, sed monere eos magis esse gaudendum de statu gratiæ, juxta quam accepturi essent cælestem beatitudinem, cum potestas illa detur etiam reprobis, hæc non nisi amicis Dei; illa sæpè superbiam generet, hæc vero humilitatem, gratiarum actionem, & studium boni operis. 2. Conf. Non gaudendum nobis de rebus vanis terrenis, ac transitorijs. *Beatum dixerunt populum cui hæc sunt;* Ps. 4. 15. Sed de cælestibus ac æternis. *Lætatus sum in his quæ dicta sunt mihi: in domum Domini ibimus.* Ps. 121. 1.

Anno 33.  
Novemb.  
in Iudaea.

## DE COMMUNI MARTYRIS. XIV.

*Christus monet cavendam fallaciam Phariseorum, nec timendam mortem temporalem. Luc. 12.*

**Punct. I.** Attendite à fermento Phariseorum, quod est hypocrisis. Confid. 1. Phari-  
saos hic comparari a Christo fermento impuro, quod sicut intus la-  
tens massam panis inflat & inficit, ita illos interna vitia per hypocrisim  
tegentes, inflare animum superbia, atque alios etiam quibuscum versan-  
tur inficere. Hinc discite idem fieri à vana gloria, quæ actiones nostras,  
quantumvis in speciem bonas corrumpit; contra verò per humilitatem  
virtutes tegi & conservari. 2. *Nihil autem opertum est, quod non reveletur: neque  
absconditum, quod non sciatur; quoniam quæ in tenebris dixistis, in lumine dicentur, &  
quod in aurem locuti estis in cubiculis, predicabitur in tectis.* Hinc collige omnia a-  
liquando revelanda non tantum in extremo iudicii die, sed sæpè etiam  
in hac vita, nec opera tantum, sed & dicta, & cogitata, tam mala quàm  
bona; illa, nisi emendata fuerint, ad opprobrium: hæc vero ad laudem &  
gloriam, ideoque stude omnia perfecte obire.

**Punct. II.** Ne terreamini ab his, qui occidunt corpus, & post hæc non habent amplius  
quod faciant. Conf. 1. Monere hic Christum exemplo suo non timendam  
mortem temporalem ab hostibus inferendam, eò quod sævitia eorum tã-  
tum ad corpus se possit extendere, anima remanente illæsa: utque eò nos  
hortetur, amicos compellat, tum ut sciamus tormenta hæc esse signa divi-  
næ amicitiae, tum ut vicissim amorem nostrum excitet ad ea superanda.  
2. *Timete eum qui postquam occiderit, habet potestatem mittere in gehennam.* Monet ti-  
morem mortis temporalis inferendæ à tyrannis superandum timore gra-  
vioris mali; nempe mortis æternæ quoad corpus & animam, infligendæ à  
Deo: quare cave Deum tantæ potetiae ad iracundiã provocare. 3. *Osten-  
dit tyrannos etiam nihil posse sine nutu Dei, qui vilissimos etiam passi-  
res & singulos capillos capitis nostri curat, & sævi maris imperus com-  
pescit: Usque huc venies & non procedes amplius, & hic confringes tumentes fluctus  
tuos; unde discite in Deo confidere.*

Job. 38. 11.

**Punct. III.** Quicumque confessus fuerit me coram hominibus, & Filius hominis confite-  
bitur illum coram angelis Dei. Conf. 1. Promitti hic à Christo præmium ijs qui  
libera confessione se Dominum ac redemptorem suum agnoverint, & ut  
talem coluerint, parati pro eius doctrina etiã mortem oppetere; se proin-  
de vicissim eos martyrij laurea coronatos summo honore & gloria exce-  
pturum in cælis: ubi attende eorum felicitatem, qui per brevem crucia-  
tum transeunt ad æterna gaudia. 2. *Qui autem negaverit me coram hominibus, ne-  
gabitur coram Angelis Dei.* Terret horrore extremi supplicij eos, qui vel tor-  
mentorum metu, vel humano respectu à sui cultu defecerint: unde collige,  
qualem se quisque exhibuerit in hac vita erga Christum, talem se eum  
posthanc vitam erga nos exhibiturum.

DE



## DE COMMUNI CONFESSORIS PONTIFICIS. I.

Anno 34.  
Martij 2. in  
monte Oli-  
varum.

*Christus parabola talentorū hortatur suos ad cooperandum gratia. Matt. 15.*

**P**unct. I. Homo peregrinū proficiscens vocavit servos suos, & tradidit illis bona sua. Confid. I. Christum hic comparare se mercatori largienti servis suis pecuniæ summam, aliis majorem, minorem aliis, pro cuiusque capacitate, & beneplacito suo ad lucrum inde negotiatione confidendum: ita & se ac cælestem Patrem dare suis gratias varias animi, corporis, fortunarum, ut lucrum spirituale iis conquirant: in quo agnosce Dei in nos benevolentiam unice spectantis profectum & salutem nostram. 2. Confid. ejusdem providentiam in ea gratiarum varietate variis distribuenda: de collatis tibi gratum te exhibe, & ad ampliora dona recipienda te dispone diligenti cooperatione.

Punct. II. Confid. I. Sicut homo ille data suis pecunia, peregrinū profectus dicitur, ita & Deum gratiæ usum nobis donatæ relinquere quasi absentem libero arbitrio nostro: quod ut strenuè impendas, oculis fidei eum ubique præsentem, & actionum tuarum spectatorem constitue. 2. Sicut servi illi acceptis talentis alij rectè usi sunt, sed unus præ altero, alius verò abiens fodis in terram, & abscondit pecuniam domini sui: ita & nos moneri de strenua cooperatione gratiæ, & incrementis meritorum studiosè augendis, 3. Servum inutilem postea merito severè punitum: quare & cave tu ne ex inertia, rædio, aut pusillanimitate exercitia virtutum subterfugias, vel, quod pejus est, acceptis donis malè utaris.

Punct. III. Post multum verò temporis venit dominus servorum illorum, & posuit rationem cum eis. Confid. I. Ita & Deum venire privatim in morte cuiusque, publicè verò venturum in extremò judicij die, & exacturum à singulis accuratam rationem de donis acceptis & impensis, ac pro meritis euique mercedem redditurum, 2. Hic magis urgeri homines Deo dicatos per altiores statum, ut monet S. Gregorius: Ne nos, inquit, qui plus ceteris in hoc mundo accepisse aliquid credimur, ab auctore mundi gravius inde judicemur; cum enim augentur dona, rationes etiam crescunt donorum, 3. Operarium strenuum collaudat Dominus, & confortem assumit cælestis regni & gaudij: ubi Confid. quanto solatio futurum sit pro exiguis obsequiis fideliter præstitis assumi & hæc vita, quasi è carcere ad regnum. Sic S. Nicolaus Tolentinas in morte vidit & adiecit Christum sibi dicentem: Euge serve bono & fidele ere, cui ipse subiecit: In manus tuas Domine commendo spiritum meum. 4. Quam sapientes & felices sint, qui hanc negotiationem cælestem præ omni terrena cernunt, & maxime lucrosam strenuè ac constanter amplectuntur: quam verò insipientes & infelices, qui Deo, erga servos fideles cum munifico, & erga infideles severo, desidia reponunt. Quare dum tempus habemus, operemur bonum.

Gal. 6. 10.

Anno 34.  
Mat. 22.  
in monte  
Olivarum.

# DE COMMUNI CONFESSORIS PONTIFICIS. II.

*Christus monet vigilandum esse in expectatione sui adventus.*

Matt. 24. Marc. 13. Luc. 21.

**Punct. I.** *Vigilate, quia nescitis qua hora Dominus vester venturus sit.* Confid. 1. Moneri hinc nos omnes, ut assidue attento animo simus expectantes & parati ad sistendum nos & reddendam rationem Christo venturo, tam in iudicio particulari in morte cuiusque; quam pro universali in die extremo. Vigilat autem, qui futura & æterna considerat, qui excussis tenebris torporis & negligentiae, iudicat seipsum, peccata deflet & confitetur, cavet relapsus, ac bonis operibus vacat in timore & spe. 2. Addit S. Marcus: *Et orate*, nempe ad obtinenda auxilia divina contra mala imminentia, ut ea vel evadere, vel illæsi excipere fortiter & cum gloria possimus. 3. Confid. voluisse Christum celare nos diem & horam adventus sui, ut dei ignoratio intentam sollicitudinem suspensæ expectationis exagitet. Unde S. Antonius monebat suos: *Cogita mane te non visurum vespere, & vespere te non visurum mane.* Et S. Hieronymus: *Sic vive quasi quotidie moriturus, & sic stude tanquam semper victurus.*

Hilarius.

**Punct. II.** *Illud autem scitote, quoniam si sciret pater-familias qua hora fur venturus esset, vigilaret utique, & non sineret perfodiri domum suam.* Confid. 1. Christum hinc, ut exstimulet nos, comparare se furi, qui incautum & inopinatum aggreditur, bonisque spoliatur; ita & se venturum, dum minimè expectatur. *Veniam ad te tanquam fur*: spoliaturus nos non tantum bonis omnibus terrenis, sed & vita ipsa nobis maxime chara: quare cavendum ab immoderata & anxia pro his solitudine, quibus sumus aliquando certo privandi. 2. Ipsum præterea, eos quos invenerit non vigilantes, sed per peccatum oppressos somno salutis, spoliaturum vita cælesti ac bonis omnibus supernaturalibus & æternis, quæ jactura erit gravissima & irrecoverabilis.

Apo. 3.3.

**Punct. III.** *Quis putis est fidelis servus & prudens, quem constituit Dominus super familiam suam, ut det illis cibum in tempore?* Confid. 1. Christum hinc se comparare domino, & nos servis, quo titulo nobis gloriandum cum Propheta Regio: *Ego servus tuus, & filius ancillæ tuæ*: ab his requirere eum, sed potissimum à viris Apostolicis, quibus alienæ salutis curam commisit, ut sint fideles & prudentes: *fideles*, ne fallant, ne in cibo verbi Dei administrando quærant gloriam, commodum, aut fructum proprium, sed merè gloriam & honorem Domini sui, ac utilitatem proximi: *prudentes*, ne fallantur aliorum vitiis, iisque se accommodent. 2. *Beatus illi servus, quem cum venerit Dominus, invenerit sic facientem.* Laudat Christus vigilantem, fidelem, & prudentem, cum perseverantia, cui & mercedem addicit: *Super omnia bona sua constituit eum; significans summam dignitatem & honorem, quem in cælo consequetur.* Ego dispono vobis regnum.

Luc. 22.27.

et. 13.



## DE COMMUNI CONFESSORIS PONTIFICIS. III.

Anno 37.  
Novemb. in  
Judæa.*Christus docet puram intentionem in actionibus. Luc. i i.*

**Punct. I.** *Nemo lucernam accendit, & in abscondito ponit, neque sub mōio; sed supra candelabrum, ut qui ingrediuntur, lumen videant.* Confid. i. Christum hīc mōnere suos, ut lumen rationis & fidei, ceteraque talenta accepta recte impendant, ne ea vitio ignaviæ aut pusillanimitatis quasi sub modio supprimant; de quo etiam S. Gregorius cavendum monet: *Ne nos, qui plus ceteris in hoc mundo accepisse aliquid cernimur ab auctore mundi, gravius inde judicemur; cum enim augentur dona, rationes etiam crescunt donorum.* 2. Confid. In iis spectare & intendere nos debere unam Dei gloriam ac salutem proximi, & collocanda illa esse in excelsa virtute, ac candelabro caritatis. *Qui docti fuerint, Dan. 12. 3. fulgebunt quasi splendor firmamenti, & qui ad justitiam erudiunt multos, quasi stelle in perpetuas æternitates.*

**Punct. II.** *Lucerna corporis tui est oculus tuus: si oculus tuus fuerit simplex, totum corpus tuum lucidum erit.* Confid. i. Christum comparare intentionem in agendo, quæ quasi oculus mentis est, cum oculo corporis, qui si fuerit simplex, seu purus ab omni pravo humore, totum corpus, ejusque gressus ac functiones recte diriget: ita & intentionem, si pura fuerit ab omni pravo affectu, & unum spectaverit Dei beneplacitum, omnes functiones inferioris appetitus etiam eò recte directuram, easque meritorias fore gloriæ cælestis. 2. *Si autem nequam fuerit, sive infectus humore pravo, etiam corpus tuum tenebrosum erit,* impinget in tenebris, vacillabit gressus, & functiones aberrabunt: ita & si intentio affectu pravo inanis gloriæ, vel alterius viti j fuerit infecta, etiam actiones omnes à debito fine aberraturas, fore perversas ac demeritorias. 3. Si in oculo corporis non feramus etiam minimam festucam aut pulverem, æquum esse ut ab oculo mentis seu intentione etiam omnem pravam affectum excludamus.

**Punct. III.** *Vide ergo ne lumen quod in te est, tenebræ sint.* Confid. i. Cavendum proinde ne lumen rationis nobis donatum, in sua intentione pravis affectibus obscuretur, & inferiorem appetitum, quem regere deberet, destituat; nam sicut demerso gubernatore navis, capto duce in prælio, deficiente medico in civitate, pereunt ceteri inde opem & directionem expectantes; ita & intentione rationis perversa, omnes facultates, & functiones pervertendas. *Nolite fieri sicut equus & mulus, quibus non est intellectus. Cu- Psal. 31. 9. jus oculos serò postea in tenebris inferni aperient. Ergo erravimus, & Sol ju- Sap. 5. 6. stitiæ non est ortus nobis.* 2. Si verò appetitus inferior à rationali recte dirigatur, actiones omnes fore conformes rationi ac legi divinæ, & remunerandas luce cælestis gloriæ. *Quicumque potum d. derit uni ex minimis istis, calicem a. Matt. 10. 42. quæ frigide, tantum in nomine discipuli, non perdet mercedem suam.*

## DE COMMUNI DOCTORVM.

*Christus triplici similitudine solis, lucis, & civitatis in monte  
monet Apostolos officij sui. Matth. 5.*

**Punct. I.** *Vos estis sal terræ.* Confid. 1. Sicut sal originem trahens ex aqua marina, indeque seorsim collectus ac soli expositus concrefcit, retinetque naturam igneam & aqueam: ita & Apostolos virosque Apostolicos à mundo quasi mari separatos, Christi que veri Solis radius expositos, novum spiritum concipere, igneum quo alios ad Dei amorem accendant, & aqueum quo velut rore divini Verbi aridas mentes irrigent & fecundent. 2. Debere hos proinde exprimere spiritualiter proprietates salis, ut nemde sua sapientia (cujus sal symbolum est) alios à vitiis & erroribus expurgent, incorruptos conservent, Deo & Angelis & hominibus sapidos & gratos efficiant, sitim cælestium in animis eorum excitent, virtutes paupertatis, patientiæ, pœnitentiæ quasi insipidas suo & Christi exemplo proposito condiant. Atque hæc non uno tantum loco, sed per terram universam. 3. Si sal deinde mari iterum immergatur, liquefcit: ita & viri Apostolici mundo ac mundanis rebus immerfi, etiam humanis laudibus, inquit Chrysostomus, citò evanescent. 4. *Quod si autem sal evanuerit, in quo salietur?* Difficultatem significat Christus in ejusmodi viris, ubi lapsi fuerint & vigorem perdiderint, restaurandis & ad priorem sapientiam reducendis: talesque deinde merito quasi lutum à ceteris conculcandos, & contemptibiles fore.

**Punct. II.** *Vos estis lux mundi.* Confid. 1. Sicut lux à sole oritur & continuo dependet: ita & virtutes Apostolorum à Christo, ci que propterea ad hærendum. 2. Oportere eos proinde instar lucis viam salutis aliis ostendere, mundi pericula ac fraudes detegere, mæstos solari, ægros spiritu roborare, ac dormientes excitare. 3. Debere eos non uno loco, sed per totum mundum luere, sine discrimine aut acceptione personarum, pauperibus, rudibus, barbaris. Nec spe temporalis mercedis, sed *gratis accepistis, gratis date.* 4. Sicut lux integra & pura manet in luto & sordibus; ita & horum virtus & conversatio manere debet cum hominibus mundanis.

**Punct. III.** Confid. 1. Sicut non potest civitas abscondi supra montem posita, ita neque horum vita, quæ ratione publici muneris omnibus exposita & conspicua est; unde Apostolus: *Speculaculum facti sumus mundo, & Angelis, & hominibus*, ideoque vitæ sanctitate aliis hos præcellere oportet. 2. Locicelsitudo, inquit Augustinus, non superbiam debet parere, sed considerationem periculi, vigiliantiam, & humilitatem; nam, ut Ambrosius ait, *non a qua de alto est, gravius casu colliditur.* 3. Si tales officio suo rite fungantur, multos ad Christum trahent, sin secus, multos avertent.



# DE COMMUNI CONFESS. NON PONTIF. I.

*Christus monet vigilandum esse in expectatione  
sui adventus. Luc.12.*

**P**unct. I. *Sint lumbi vestri praeincti, & lucernae ardentes in manibus vestris. Conf. 1.*  
Christum hic monere nos de incertitudine vite nostrae, proinde recte nobis vivendum in expectatione adventus sui, exemplo servi expectantis nocte dominum à nuptijs, ut sic & ipse adveniens paratos nos inveniat, compressa in lumbis carnis ac terrenarum rerum concupiscentia; *Lumbos enim praeingimus cum carnis luxuriam per continentiam coarctamus; & instru-* S. Greg.  
*ctos fidei ac caritatis operibus; Lucernae quippe ardentes in manibus tenemus, cum per bona opera proximis nostris lucis exempla monstramus.* Unde nata est pia Ecclesiae consuetudo dandi fidelibus in agone cereos benedictos, ut restentur se Christo occurrere ardenti fide & caritate, eoque excitentur. 2. *Beati servi illi, quos cum venerit Dominus, invenerit vigilantes.* Vigilat qui aeterna ac caelestia considerat; dormit verò qui ijs neglectis, peccato ac terrenorum curis opprimitur: illis promittit Christus praemium caelestis gloriae, ubi illos quasi in nuptiali convivio lautissime, purissime, & honoratissime sit excepturus, ac recreaturus animam & corpus dulcissimis ferculis numquam consumendis; ideoque illis in morte merito gaudendum, eoque anhelandum cum Bernardo: *Desidero te millies, mi Iesu quando venies? & cum Paulo desiderante dissolvi & esse cum Christo.*

Phil. 1. 23.

Punct. II. *Si sciret paterfamilias, qua hora fur veniret, vigilaret utique. Conf. 1.*  
Christum hic hortari nos ad vigilantiam altero exemplo patrisfamilias vigilantis adversus furem, qui illum si dormientem deprehenderit, divitijs multo tempore ac labore collectis spoliabit; ita & se, ubi nos in morte accedens deprehenderit oppressos somno salutis ac rerum aeternarum, spoliaturum nos non tantum congestis opibus ac temporali vita, sed & vita caelesti ac bonis aeternis. *O mors quam amara est memoria tua homini pacem habenti in substantijs suis! Nescit homo finem suum, sed sicut pisces capiuntur hamo, & sicut aves laqueo comprehenduntur, sic capiuntur homines in tempore malo.* 2. Proinde estote parati, instantes considerationi futurorum, & operibus bonis, quia qua hora non putatis, Filius hominis veniet. Certò igitur veniet, sed incertum, qua hora: quae ignoratur, ut praeparationi & expectationi semper vacemus. Ideo non tardes converti ad Dominum, & ne differas de die in diem; subito enim veniet hora illius, & in tempore vindictae disperdat te. Provocat ad vigilantiam primum spe praemij, deinde verò timore damni, & acerbissimae depredationis. *Mors cum venerit vincetur, si priusquam venerit,* Gregor.  
*semper timeatur.*

Ecl. 4. 1.  
Ecl. 9. 12.

Ecl. 5. 8.

## DE COMMUNI CONFESS. NON PONTIF. II.

*Christus hortatur discipulos ad paupertatem. Luc. 12.*

Ps. 17.3.

**P**unct. I. Nolite timere pusillus grex. Conf. 1. Christum hinc discipulos suos appellare pusillum gregem non tantum in numero, facta comparatione cum majori numero reproborum, vel etiam angelorum, sed magis pusillum in oculis atque æstimatione hominum, quia in speciem viles, rudes, & abjectos, ac potissimum in oculis suis per veram humilitatem, qua, ut ait Beda, Christus Ecclesiam suam usque ad mundi finem vult crescere, & ad promissum regnum humilitate pervenire. 2. Iubet eos esse securos depulso omni timore, sive à potentia hostium, sive à defectu temporalium, sed in paternâ Dei providentia fiduciam collocare. Dominus firmamentum meum, & refugium meum, & liberator meus: Deus meus, adiutor meus, & sperabo in eum. 3. Subdit fundamentum fiduciæ: Quia complacuit Patri vestro dare vobis regnum. Cum Patrem habeant cælestem maximè potentem, benignum, & liberalem, hunc, qui eis in suscepta fide, obedientia, & amore ejus perseverantibus daturus sit maxima in cælis, non denegaturum minima in terris; qui daturus sit necessaria ad vitam æternam, etiam daturum ad temporalem.

Mat. 25. 35  
Mar. 10. 30.

**Punct. II.** Vendite quæ possidetis, & date eleemosynam. Conf. 1. Christum hortari eos pro Evangelica perfectione ad amplectendam exemplo suo voluntariam paupertatem, ut abdicent à se omnes opes terrenas, quia fluxas & corruptibiles, mentem obtrebrantes, & illecebras, ac fomenta peccatorum, atque ut illas erogent, non in consanguineos, aut propinquos, sed in pauperes; unde fiduciam suam in Deo roborent, qui sibi impensa reputat, quæ in eos conferuntur. Esurivi & dedistis mihi manducare. Et mihi fecistis. Atque expectent ab eo, senties tantum in tempore hoc, & in seculo futuro vitam æternam: quod à religiosis perfectissimè adimpletur. 2. Facite vobis sacculos, qui non veterascunt, thesaurum non deficientem in cælis, quò fur non appropiat, neque tinea corrumpit. Docet eos opes suas recondere non in marsupijs deficientibus, ubi perire possunt, sed in sinu pauperum; unde transferuntur in thesaurum memoriæ Dei numquam defecturum: ut quæ hinc corruptioni & rapinis erant obnoxia, eo transmittant. ubi illas certò & cum amplissimo incremento sint inventuri; ad quos S. Chrysostomus: Christus te dicare voluit, non nudare; voluit tibi manere tua, non perire; perpetuari, non vacuari transferre, non perdere.

**Punct. III.** Vbi enim thesaurus vester est, ibi & cor vestrum erit. Conf. 1. Christum significare hinc homines passim thesaurum suum maximi æstimare, corde voluere, & diligere; quare si thesaurus in terra sit, etiam cor hæsurum in terra; si in cælo sit, etiam cor sive affectum eò transferendum. 2. Conf. Sicut homines hujus sæculi semper solliciti sunt, ad sine tædio strenuè laborant, ut thesauros suos hinc in terra conservent & augeant; ita & nobis esse agendum pro thesauro cælesti.



## DE COMMUNI CONFESS. NON PONTIF. III.

Anno 34.  
Martij 14  
Iericho. 1*Christus parabola minarum hortatur suos ad  
cooperandum gratiæ. Luc. 19.*

**P**unct. I. Homo quidam nobilis abiit in regionem longinquam accipere sibi regnum, & reverti. Conf. i. Homine hoc designari Christum, verè nobilem, non tantum secundum divinitatem, sed & humanitatem, qui abiit die Ascensionis suæ in regionem cælestem, accepturus ibi possessionem regni, ac reversurus extremo iudicii die, ut regnum hoc electis suis communicet. 2. Vocatis autem decem servis suis, dedit eis decem minas, & ait ad illos: *Negotiamini dum venio.* Valebat mina, sive mina quælibet argentea Florenis belgicis 60. aurea verò 600. quos singulis dicitur distribuere, ut ex eis industria & labore suo lucrum faciant: quo significat Christus velle se ut donis naturæ & gratiæ nobis collatis utamur ad salutem, & otium fugiamus, scientes vitam nostram debere esse studium negotiationis spiritualis, quam confer cum terrena, incerta, fallaci, laboriosa, & quæ suos in morte omnibus destituit, contra verò spiritualement; ad quam te excita.

Punct. II. Et factum est ut rediret accepto regno: & iussit vocari servos, quibus dedit pecuniam, ut sciret quantum quisque negotiatus esset. Conf. i. Significari hinc Christum in extremo iudicii die venturum cum potestate magna & gloria, exacturum à singulis rationem donorum acceptorum. 2. *Venit autem primus dicens: Domine, mina tua decem minas acquisivit.* Et ait illi: *Euge bone servus, quia in modo fuisti fidelis, eris potestatem habens super decem civitates.* Loquitur hic servus humiliter, tribuens cum Apostolo lucrum non sibi, sed gratiæ, à qua habet omne opus quod sit meritorium. *Ego plantavi, Apollo rigavit, sed Deus incrementum dedit.* Et gratulatur ei Christus, præmiū conferens non exiguum, sed liberale, amplum, honorificum, & regium, significans per præfecturam civitatum consortium regni & gloriæ cælestis. 3. Sic & alter lucratus quinque, etiam congruo præmio donatur. Vbi Confid. gratiam Dei licet, parem, pro dispari tamen cooperatione voluntatis dispari fructus facere. *Gratia Dei in me vacua non fuit, sed abundantius illis omnibus laboravi.*

1 Cor. 3. 6.

1 Cor. 15. 10

Punct. III. Et alter venit dicens: Domine, ecce mina tua, quam habui repositam in sudario. Conf. i. Designari hinc hominem inertem, qui acceptis à Deo donis vel male usus est, vel usus non est, sed ea velut sub otio torporis abscondit. Dicit piger: *Leo est in via.* Frustra hunc prætexere vanum timorem, neque excusationes tunc ullas locum habituras. 2. Iubetur plecti & spoliari donis omnibus, alij verò strenui cooperatores amplius ditari: *Quia, inquit, Christus, omni habenti dabitur & abundabit;* nam qui gratiæ cooperatur, novā accipit incrementa gratiæ & gloriæ: *ab eo autem qui non habet, (nam qui non utitur est ac si non haberet,) & quod habet auferetur ab eo.*

Prov. 26. 13

DE

Anno 34.  
Feb. in  
Bethv ad  
Iord.

# DE COMMUNI CONFESS. NON PONTIF. IV.

& Apostolorum, & Abbatum.

*Christus proponit præmium sectantibus vitam Apostolicam.*

Matth. 19. Marc. 10. Luc. 18.

Cant. 8.6.

Luc. 10. 16.

Mar. 5. 4.

Mar. Sup.

**P**unct. I. Petrus dixit Iesu: Ecce nos reliquimus omnia, & secuti sumus te; quid ergo erit nobis? Conf. 1. Petrum hic occasione adu?scens divitis à Christo ad consilia sua sectanda frustra invitati, confidenter suo sociorumque nomine loqui, non de quantitate rerum, quas ipse reliquerat, sed de amplitudine affectûs, quo ea quæcumque habuerat, vel sperare potuisset, reliquerat; unde S. Gregorius: *Multum reliquit qui sibi nihil retinuit, atque etiam habendi desideria reliquit.* 2. Conf. Prudenter relinqui voluntarie in hac vita cum merito ea, quæ necessario in morte sine merito aliquando relinquere oportet. *Fortis est ut mors dilectio.* Spoliat mors hominem omnibus, sed cum mœrore; ita & dilectio, sed cum gaudio. 3. *Et secuti sumus te*, sectantes tuum institutum, comitantes corpore, & animo imitantes virtutem. Sic religiosi omnes Christum sequuntur, dum superiorum suorum, quos Christus sibi substituit, iussis insistant: *Qui vos audit, me audit.*

Punct. II. Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, iudicantes duodecim tribus Israel. Conf. 1. Præmium hæc promissum Apostolis, & Apostolicam vitam sectantibus, illos nempe post labores vitæ hujus, donandos in universali judicio felicissima quiete corporis & animi æternum duratura. 2. Quia etiam in hac vita ipsi ab alijs fuerunt contempti, & velut stulti habiti. *Nos i?sensati vitam illorum æstimabamus insaniam, & finem illorum sine honore*, tunc ipsos de alijs iudicium laturos, non tantum approbationis, quod competet omnibus justis, neque etiam auctoritatis, quod competet soli Christo, sed affectionis, quo ipsi Christo proximi, ab eo interrogati de singulorum præmio ac supplicio, sententiam dicent: ad hanc gloriam tu etiam adspira.

Punct. III. *Et omnis qui reliquerit domum, vel fratres, &c. Propter nomen meum, centuplum accipiet, & vitam æternam possidebit.* Conf. Christum hæc diu?te omnibus consilia sua sectantibus mercedem promittere, non tantum celestis beatitudinis post hanc vitam conferendæ, sed & nunc in tempore hoc centuplum eorum quæ in sæculo reliquerunt, idque non tantum in bonis spiritualibus, interna consolatione, gaudio, & pace, quæ, ut ait S. Hieronymus, *Comparatione & merito sui erunt, quasi si parvo numero centenarias numeras comparetur*: sed etiam in corporalibus, cum à superioribus suis, fratribus, alijsque fidelibus sæpè longè majorem amorem, curam, opem, solatium experiantur, quàm sperare in sæculo potuissent.



# DE COMMUNI VIRGINVM. I.

*Christus monet esse vigilandum, parabola de*

*10. virginibus: Matt. 25.*

289

Anno 33  
Martij 22.  
in monte  
Olivarum.

**P**unct. I. *Simile erit regnum celorum decem Virginibus.* Conf. 1. Christum hinc monere nos, quod & alias sæpius, vigilandum esse in hac vita, exemplo virginum expectantium nocte sponsum, quarum alię vigilantes, & lampadibus accensis instructæ à sponso adveniente inducuntur ad convivium nuptiale, aliæ verò desidiosæ excluduntur. 2. Conf. Omnes fideles hinc comparari virginibus, non tantum quod sicut virginitas conservat corpus a corruptione; ita & fides mentem ab errore; sed ut ad virginitatis & castitatis amorem ac studium omnes excitentur: quia autem sola virginitas non proffit fatuis sine accensis lampadibus, ita nec fidelibus protuturam solam fidem, vel etiam castitatem sine operibus bonis.

Punct. II. *Moram autem faciente sponso dormitaverunt omnes, & dormierunt.* Conf. 1. Moram fieri ac temporis dilationem, ut justî præmia suâ per bona opera adaugeant, peccatores verò ad pœnitentiam expectentur. S. Anselmus: *Qui differt infuturam vitam corrigere, certum bonum dimittit pro incerto, & contemnendo quod perdit. ostendit se non amare quod expectat.* Et Gregorius: *Qui pœnitentibus veniam spondit, peccanti crastinum non promittit.* 2. Somno ægritudinem designari, quæ quis ad mortem disponitur, cujus somnus imago est; quare mortis memoriam revoca cum te ad somnum componis. 3. *Media nocte clamor factus est: Ecce sponsus venit, exite obviam ei.* Conf. Cum minimè cogitas, te ex hac vita evocandum; quare hanc vocem: *Ecce sponsus venit*, tibi insonantem frequenter attende: *Latez autem ultimus dies, ut observentur omnes dies,* inquit Augustinus.

Punct. III. *Fatue autem sapientibus dixerunt: Date nobis de oleo vestro; quia lampades nostræ extinguuntur.* Conf. 1. Peccatores à morte quasi somno exherectos sero cogitare de oleo bonorum operum, quæ in vita neglexerunt, & frustra tunc implorare opem aliorum, qui nec misericordia flectuntur; nec juvare possunt. 2. Iustos cum gaudio occursum sponso, excipiendos ab eo complexu, & osculis purissimi amoris, atque adhibendos delicijs mensæ cœlestis. *Inebriabuntur ab ubertate domus tuæ.* 3. *Et clausa est ianua, tum* Psal. 35. 9. *prudenteribus sive justis, qui numquam ab illa felicitate excidere poterunt, tum fatuis seu peccatoribus, quibus numquam patebit ingressus, obiecto illis quasi pessulo inviolabili: Nescio vos.* Quare ante obitum tuum Prov. 14. 19. *operare iustitiam, quia non est apud inferos invenire cibum.* Pullat dæ fores non posita, sed in hac vita, nec nudis verbis, sed operibus *Quodcumque facere potest,* Ecc. 9. 10. *manus tua, instanter operare.* G. ns absque consilio & sine prudentia, utinam scirent, & Deut. 32. 29. *intelligerent, ac novissima præviderent!* Concludit Christus: *Vigilate itaque, quia nescitis diem neque horam.*

Oo

DE

A. 3. Julio  
ad mare  
Galilææ.

290

## DE VIRGINE ET MARTYRE, VIRGINE TANTVM, ET NON VIRGINE. II

*Parabolæ thesauri, Margaritæ, & sagene. Matt. 13.*

**Punct. I.** Simile est regnum celorum thesauro abscondito in agro, quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Confid. 1. Christum comparare hîc doctrinam suam, ac nominatim consilia Evangelica cum thesauro pretioso, qui etiam omnium temporalium jactura sit comparandus, quod facit, inquit S. Gregorius, qui voluptatibus carnis renunciâns, cuncta sua terrena desideria per disciplinæ celestis custodiam calcât, ut nihil jam quod caro blanditur libeat, nihil quod carnalem vitam trucidat, spiritus perhorrescat. 2. Confid. Intelligi hoc thesauro etiam ipsum Christum, Ecclesiam, animam cujusque, & cælestem gloriam, quæ omnia cælesti ejus doctrina continentur. *Omnia detrimentum feci, & arbitror ut stercora, ut Christum lucrifaciam.* 3. Confid. Paucos tamen huic thesauro conquirendo adlaborare, quia abscondito in agro hujus mundi, ita ut præstantia ejus plurimos lateat. Qui illū invenit, dives est, licet non appareat, & sic religiosus divitias suas solus novit: *Pretium ejus nos sumus, da te Deo, & dabit tibi thesaurū.*

Phil. 3. 8.

Augusti.

Pf. 4. 3.

Cant. 8. 7.

**Punct. II.** Iterum simile est regnum celorum homini negotiatori quærenti bonas margaritas. Confid. 1. Hîc priora comparari à Christo cum pretiosa margarita, etiam venditis omnibus cœmenda, non vitrea ac fallaci, ut quid diligitis vanitatem, & queritis mendacium? sed vera & cælesti à Deo & Angelis probata. *Si dederit homo omnem substantiam domus suæ pro dilectione, quasi nihil despiciet eam.* felices proinde qui fallacia & peritura cum veris & æternis, terrena cum cælestibus commutant. 2. Quia margarita auro includitur, etiam hanc includendam à nobis auro caritatis, gestandam in fronte per apertam professionem fidei, in moribus per observantiam legis & regularum, in collo & pectore per affectum pietatis, in manibus per exercitia bonorum operum, in vestibus denique per externam modestiam.

**Punct. III.** Iterum simile est regnum celorum sagena missa in mare, & ex omni genere piscium congreganti. Confid. 1. Christum hîc ostendere doctrinæ suæ & Ecclesiæ amplitudinem, complectentis omnes gentes ac nationes, cujuscumque gradus, conditionis, ætatis, & sexus, tam bonos quam malos: sed in morte ac judicio seperationem faciendam, rejectis peccatoribus de medio justorum in caminum ignis, ibi erit stertus, & stridor dentium, solos verò justos donandos cælesti gloria: hinc cave tibi ab blandiri, eo quod sis in sagena Ecclesiæ aut religionis, si in ea non rectè vixeris. 2. Moneri Apostolos, virosque Apostolicos, ut sicut prudens pater familias profert de thesauro suo nova & vetera, ita & ipsi de doctrina Christi documenta depomant, singulorum statui & captui accomoda, & tam in veteri, quam in nova lege gratiæ fundata; quorum prudentem zelum etiam imitare.

D E



## DE COMMUNI VIRGINIS. III.

*Christus ex indissolubilitate matrimonij commendat virginitatem.*

Matt. 19. Marc. 10.

An. 33. Dec-  
ember  
in Bethania  
ad Jord.

**Punct. I.** Accesserunt ad Iesum Pharisei tentantes eum, & dicentes: si licet homini di-  
mittere uxorem. Confid. 1. Christum hic docuisse eos primævam à Deo  
institutionem matrimonij, per quod conjuges relictis alienis consortiis,  
etiam parentum, perpetuo inter se amore junguntur, nam propter hoc dimi- Gen. 2. 24.  
tet homo patrem & matrem, & adhaerebit uxori suæ: unde infert: quod ergo Deus con-  
junctum homo non separet. Ubi attende hac indissolubilitate matrimonij præ-  
signatam fuisse conjunctionem verbi æterni cum natura humana, &  
Christi cum Ecclesia, atque anima cujusque ex parte Christi, in quo ejus  
erga te dignationem ac benignitatem expende. 2. Confid. Num tu etiam  
alienis ac illicitis affectibus seriò renuncies, ut familiaritate Christi ple-  
niùs ac suaviùs perfruaris, & quàm puro ac stabili amore illi adhæreas.

**Punct. II.** Confid. 1. Post expositum à Christo distinctiùs matrimonij  
vinculum, recte intulisse ejus discipulos: si ita est causa hominis cum uxore non  
expedit nubere. Ubi attende status illius miseras, incommoda, & curas; nam  
qui cum uxore est, sollicitus est quæ sunt mundi, quomodo placeat uxori, & divisus est, 1. Cor. 7. 33.  
affectu & curis; felicitatem verò eorum qui in castitate Deo deseruiunt,  
qui sine uxore est, sollicitus est, quæ Domini sunt, quomodo placeat Deo, de qua S. Isido-  
rus: Amanda est pulchritudo castitatis, cujus degustata delectatio, dulcior invenitur quàm  
carnis. Omnis ponderatio non est digna continentis animæ. 2. Expedire proinde, ut Ecl. 26. 20  
breves carnis voluptates multis tribulationibus permixtas, æternis ac  
puris gaudiis permutemus.

**Punct. III.** Confid. 1. Responsum Christi ad illos: non omnes capiunt verbum  
istud, sed quibus datum est; rationem verò cur non capiant, esse quòd animum  
ita impleant pravis affectibus, ut cogitationes castitatis non admittant;  
esse quidem illam donum Dei, sciri quoniam aliter non possum esse continens, nisi Sap. 8. 21.  
Deus det; sed paratum omnibus, qui se per orationem, mortificationem sen-  
suum, & fugam periculorum eò depoluerint. Unde S. Augustinus pro-  
positis sibi virginum castris, ait: Tu non poteris quod isti & istæ: an isti & istæ in  
semetipso possunt, & non in Domino Deo suo. 2. Sunt qui se ipsos castraverunt propter  
regnum celorum. Significat Christus abstinentionem ab actu & affectu luxuriæ  
esse in nostra potestate, sed non fieri sine dolore: sicut qui membrum pu-  
tridum, ac corpori noxium ad eis bonum præscindit, quem dolorem ta-  
men mitigat proposito præmio regni cælestis. 3. Concludit: qui potest capere  
capiat, quod S. Chrysostomus explicans ait: qui vult capere, significans non  
esse defectum nisi seriæ nostræ voluntatis. 4. Apostolus eam etiam qui-  
dem arduam sibi agnoscit: datus est mihi stimulus carnis meæ, Angelus satanae qui 2. Cor. 12. 7.  
me colaphis; sed tamen ut possibilem, & animæ maximè salutarem exem-  
plo suo aliis commendat: Volo omnes vos esse, sicut me ipsum. Beatior erit, si sic 1. Cor. 7. 7.  
permanferit. 1. 40.

## DE DEDICATIONE TEMPLI. I.

**Punct. I.** Conf. 1. Qua solennitate, pompa & gaudio omnis populi dedicatum fuerit in lege veteri templum à Rege Salomone. potissimum accedente divino promisso: *Oculi mei erunt aperti, & aures meae erectae ad orationem ejus, qui in loco illo oraverit. Elegi enim & sanctificavi locum illum, ut sit nomen meum ibi sempiternum, & permaneant oculi mei, & cor meum ibi cunctis diebus.* Hinc collige longe certiora & ampliora beneficia expectanda à Deo in templis nostris, quorum illud erat figura & umbra. 2. Conf. Reverentiam pariter & fiduciam in templis excitandam, tum quod Deus ibi peculiariter per consecrationem praesens sit, sed singulariter in Eucharistia, tum quod animae nostrae ibi per verbum Dei, preces, ac Sacramenta sanctificentur, tum quod preces singulorum ibi ob plurium concursum magis exaudiantur, tum ob Angelorum praesentiam preces nostras divinae Majestati offerentium. 3. Christum acrioribus verbis, atque etiam accepto flagello castigasse irreverentiam in templo illo veteri commissam, cum vendentes & ementes inde ejecit, dicens: *Nolite facere domum Patris mei, domum negotiationis.* Et iterum: *Domus mea domus orationis est:* quanto magis castigationi obnoxij erunt, qui non tantum indecentia, sed & illi cita in templis sanctioribus committunt. *Quam terribilis est locus iste! non est hic aliud nisi domus Dei & portaculi.*

**Punct. II.** Conf. 1. Etiam nos ipsos per sacramentum Baptismi, sed magis per vota religionis consecratos esse templa Deo, *Templum enim Dei sanctum est, quod estis vos. An nescitis quoniam membra vestra templum sunt Spiritus sancti, qui in vobis est?* Ideoque cavendum, ut morietur S. Augustin. *Ne Dominus omnium inveniat in nobis, quod oculos suae majestatis offendat, sed habitaculum cordis nostri evacuetur à vitijs, & virtutibus repleatur: claudatur diabolo, & aperiatur Christo.* 2. Sicut honor templis debitus consistit potissimum in offerendis ibi sacrificijs & precibus, in munditie & ornatu pretiosae suppellectilis, in vitandis ibi actionibus indecentibus etiam alias licitis; ita & idem servandum in cultu animae Deo dicatae, de qua dic cum Davide: *Domine, dilexi decorem domus tuae. Domum tuam decet sanctitudo Domine in longitudinem dierum.* 3. Quia structura hujus templi spiritualis perfecta esse non potest in hac vita, continet in ea esse nobis ad laborandum; nam, ut ait S. Augustin. *Aedificatio habet laborem, dedicatio exultationem.* Et Ecclesia: *Scalpri salubris viribus, & tunfione plurima, fabri polita malleo hanc saxa molem construunt.* Atque ita per tolerantiam, & affectuum mortificationem ad aeterna gaudia perveniendum, ubi structura muri est ex lapide Iaspide, ipsi verò civitas opum mundum. *Et Dominus omnipotens templum illius est.*



## IN DEDICATIONE TEMPLI. II.

297

Anno 34.  
Martio in  
Iericho.

*Zacchæus Christum in domum suam excipit. Luc. 19.*

**Punct. I.** Ecce vir nomine Zacchæus, & hic princeps erat publicanorum, & ipse dives, & querebat videre Iesum, quis esset, & non poterat præ turba, quæ statura pusillus erat. Conf. 1. Christum proficiscentem I. iusalem, in Iericho civitate proxima, frequenti turba se sequentium circumdatum, iniecisse ibi etiam Zacchæo sui videndi desiderium, quantumvis statura pusilla, sed potissimum divitiarum pondere & spiritus impedito. Disce hinc pios motus à Deo provenire, eisque prompte obtemperandum. 2. Et præcurrens ascendit in arborem sycomorum, ut videret eum, quia inde erat transiurus. Conf. Iunxisse Zacchæum promptitudinis fervorem ad Christum videndum. Tu accusa languorem tuum in recursum ad Christum, & disce non herendum tibi in turba, sed affectu & per orationem transcendenda tibi esse terrena & humana, ac scandendam arborem fidei, ex qua cognoscas Christi misericordiam & iustitiam, miracula & maiestatem.

**Punct. II.** Et suspiciens Iesus vidit illum, & dixit ad eum: Zacchæe festinans descende, quia hodie in domo tua oportet me manere. Conf. 1. Aspectum Christi non fuisse otiosum, sed fructuosum, mentem ejus immutando; ideoque se non tantum exhibere videndum ei, quod ille desideraverat, sed & hospitio fruendum offerre. Hinc disce Deum excedere desideria nostra, & quod hæc ardentiora sunt, eò magis ab ipso adimpleri. 2. Conf. Mansisse quidem Christum eo die in domo Zacchæi, ipsum omnesque domesticos ejus convertendo, sed insuper mansisse in domo animæ ejus tota vita reliqua, atque etiam æternitate: tu cave ne Christum umquam excludas. 3. Et festinans descendit, & excepit illum gaudens. Imitare promptam obedientiam, quæ meruit Salvatore excipere, & ab eo salutem pro se suisque omnibus obtinere, atque attende quo gaudio Christum in Eucharistia excipias, de quo per fidem ampliora edoculus es.

**Punct. III.** Ecce dimidium bonorum meorum Domine do pauperibus, & si quid aliquem defraudavi, reddo quadruplum. Conf. 1. Zacchæum excitatum à Christo ad vivam fidem, poenitentiam, & Evangelicam perfectionem, mox obsequentem offerre se, ac decernere non solum perfectam iustitiam, sed & ampliam misericordiam in pauperes, sic ut relictis omnibus, Christi discipulis deinde aggregari meruerit. 2. At Iesus ad eum: Quia hodie salus domui huic facta est, eò quod & ipse sit filius Abrahæ, ex posteris nempe ejus non tantum secundum carnem, sed & fidem; quare & promissam illi salutem consecutus constanter stabilivit, dum à S. Petro deinde ordinatus Episcopus Cæsareæ in Palaestina, tam martyrij palma illustravit. Disce vocationi tuæ etiam constanter inherere. 3. Venit enim filius hominis cuerere, & salvam facere, quod perierat. Sicut excellentia medici elucet in curandis morbis corporis maxime desperatis; ita & Christi in morbis animi, quare in eo fiduciam excita.

Anno 31.  
Martio in  
Bethania ad  
Iordanem.

*Christus Nathanaëli aperit se esse Dominum Angelorum. Ioan. 1:*

**P**unct. I. Conf. 1. Christum, licet sciret Nathanaëlem de se ut cive Nazareno vilem habere existimationem, unde dixerat: à Nazareth potest aliquid boni esse: tamen non ideo offensum, benignius eum excepisse, & candorem ejus sine felle malitiæ laudasse: Ecce, inquit, verè Israelita, in quo dolus non est: idem & tu imitare, dum fortè contemneris, & scias eum verè esse Christianum, qui in columbina simplicitate caret fraude & dolo. 2. Nathanaëlem quamvis sincerum & probum, non assumptum tamen à Christo ad Apostolatum, eò quòd esset eruditus & legis doctor, quales 3. Cor. 1. 27. Christus assumere non decreverat, sed rudes & stulti mundi, ut confunderet sapientes. 3. Adjutum interim ipsum doctrina sua ad Christum citius cognoscendū, ubi advertit eum cordis secreta & abdita sibi manifestantem, cum esses sub ficu vidi te: unde collige etiam vacandum tibi sedulò studijs doctrinæ, qua Christum & cælestia facilius cognoscas.

Punct. II. Amen Amen dico vobis, videbitis calum apertum, & angelos Dei ascendentes, & descendentes supra filium hominis. Conf. 1. Christum post declaratam divinitatem suam Nathanaëli ex inspectione secretorum, eundem in fide incipientem plenius instruere, nempe se esse Dominum non solum populi Israelitici aut omnium hominum, sed etiam Angelorum, à quibus exhibenda sibi asserit palam obsequia & cultum: ubi agnosce Christi benignitatem in juvandis incipientibus. 2. Insinuare hinc Christum Angelos hominibus reconciliandos, & reformato cælo mutuam fore inter eos amicitiam ac familiaritatem: quare nunc sectare eorum vitæ puritatem, ut aliquando in cælis nobilissima & iucundissima eorum societate gaudere possis. 3. Eos de gloriæ suæ stabilitate nunc securos, nihil magis expetere, quàm ut lapsorum ruinæ per nos restaurentur, ideoque efficacia desideria eò accende.

Punct. III. Conf. 1. Ex ijs assignatos hominibus singulos præfides & custodes, qui eos tueantur contra dæmones & malorum incurfus, & excitent ad omnem virtutem, deferant ad Deum preces nostras velut ascendendo, & ad nos ejus dona velut descendendo. 2. Expende illud Davidis: Angelis suis Deus mandavit de te, ut custodiant te in omnibus viis, quibus, de quo, & quid mandaverit. 3. Hinc collige quid tam potenti, benigno, & prudenti custodi debeas, nempe reverentiam pro præsentia, devotionem pro benevolentia, & fiduciam pro custodia, cæve illo præsentem quidquam facere quod coram Deo non auderes, invoca opem & auxilium ejus in omni afflictione corporali & spiritali, eumque tibi in omni loco familiarem adhibe, & consule velut cælestem pædagogum, in omni dubitatione & actione, in prosperis & adversis, in speciosis & abjectis, quid, & quomodo agendum aut omittendum.

SABBA-



295

SABBATO DE B. MARIA, POST PVRIE. ET PENT.

*Deipara palam beata prædicatur. LUC. 11.*

Anno 32.  
Julio Ca-  
pherna.

**P***unct. I. Extollens vocem quadam mulier de turba, dixit illi: Beatus venter qui te portavit, & ubera quæ suxisti. Conf. 1. Insignem fortitudinem vulgaris & indoctæ mulieris de turba, quæ inter horrendas scribarum & Phariseorum in Christum blasphemias, mirata ejus doctrinam & miracula, excluso illorum metu & humano respectu, gloriam Christi & Matris ejus palam elata voce tuetur, eligens potius cum Christo contemni, quam consentiendo Phariseis ab ipsis honorari: Imitare & tu hanc in muliere generosam pietatem. 2. Conf. Illam à Spiritu sancto illuminatam fuisse ad agnoscendum Christum Messiam, & excitatam ad ejus laudes. Ex ore infantium & lactentium perfecisti laudem propter inimicos tuos. Disce tu etiam injurias tibi illatas Deo committere, & educet quasi lumen justitiam tuam, & judicium tuum tanquam meridiem.* Psal. 8. 3.  
Ps. 36. 6.

**Punct. II. Conf. 1. B. Virginem hinc beatam prædicari propter Filium fontem omnis beatitudinis, longè potiori jure quam Christus beatos prædicaret oculos Apostolorum: Beati oculi qui vident quæ vos videtis, eo quod datum illi esset Christum non solum per annos 30. quotidie oculis intueri, colloquijs & conversatione ejus sub eodem tecto gaudere, sed & utero concipere, portare, ac lacte uberum potare, unde etiam ipsam seraphinorum superat beatitudinem. 2. Eam cum Christum utero portaret, licet infantem corpore, tamen virum mente sapientissimum, imò & im-** Luc. 10. 22.  
Jer. 31. 22.  
Psal. 18. 6.  
3. Reg. 6. 22.  
3. Reg. 10. 18  
Gen. 2. 9.  
Exod. 16. 32.  
Luc. 1. 49.

**mensum Deum, suum & omnium creatorem portasse, ac circumdedit, ac proinde recte appellari; Thalamum Dei. Templum Salomonis, radians auro caritatis, Thronum Dei eburneum, pulchritudine admirabilem, Paradisum voluptatis, qui protulit lignum vitæ, & Vnam manna celestis, quare & tu eam sapius Angelica salutatione beatam compella, explendo ejus vaticinium: Beati tam me dicunt omnes generationes.**

**Punct. III. Quin imo beati qui audiunt verbum Dei & custodiunt illud. Conf. 1. Grati-  
ssimam Christo accidisse hanc laudem Matris suæ, ideoque relictis alijs se ad mulierem illam convertisse, ejusque pietatem approbasse, atque à beatitudine Matris suæ propria ac singulari transire, & tradere ei alteram omnibus communem sitam in verbo Dei audiendo & custodiendo, ad quam consequendam te excita. 2. Custodiendum verbum Dei non solum mente, sed potissimum opere, in corde bono & optimo audientes verbum retinent, & fructum afferunt in patientia. 3. Deiparam præ omnibus beatam dicendam, non solum quod verbum divinum ventre conceperit, & uberibus nutrierit, sed etiam quod verba Dei super omnes corde optimo exceperit, & ad uberrimum fructum perduxerit, unde S. August. Beatus fuit quod Christum mente, quam quod ventre conceperit.**

A. D.

## AD TOLLENDVM SCHISMA.

*Christus in sermone ultimo post cœnam orat Patrem pro Apostolorum  
& fidelium omnium inter se, & cum ipso conjunctione. Ioan. 17.*

**P**unct. I. Pater sancte serua eos in nomine tuo, quos dedisti mihi; ut sint unum, sicut & nos. Conf. 1. Christum hîc orare cœlestem Patrem, ut Apostolos ab ipso electos, & curę suę commissos potentia sua velit protegere & conservare in mutua caritate, ut sicut ipse cum Patre & Spiritu sancto unum sunt naturę & voluntatis identitate, ita & ipsi inter se sint & maneant per mutuam caritatem & concordiam animorum. 2. Quos dedisti mihi custodiri, & nemo ex ijs perijt, nisi filius perditionis. Expende quomodo tu commissos curę tuę, imo omnem proximum exemplis potissimum, tum oratione & instructione foveas ac promoveas in cultu Dei: & cave nequis ex eis culpa tua, ac tu potissimum annumereris filio perditionis, laxiores vias sectando.

Punct. II. Ego dedi eis sermonem tuum, & mundus eos odio habuit, quia non sunt de mundo. Conf. 1. Illud esse verum signum nos esse discipulos Christi, si ab alijs mundi amatoribus contemnamur, deprimamur, & affligamur; quod proinde nobis cum Christo debet esse solatio. 2. Sanctifica eos in veritate. Petit præterea Apostolis suis, non sapientiam Salomonis, non etiam umbratilem legis Mosaicę, vel inanem Philosophorum veterum, sed vitę sanctitatem, per Spiritum sanctum plenius communicandam, cum vera & perfecta cognitione doctrinę Evangelicę, sic ut verbo & exemplo sint Orbis doctores, sanctitatem suam quasi ignem divinum omnibus afflantes per labores, tribulationes, imò & ipsam mortem subeundam: unde & plures vitę sanctitate, quàm prædicatione ad Christum converterunt. Hinc collige qualem esse oporteat virum Apostolicum. 3. Rationem Christus addit cur singulari vitę sanctitate indigeant, quia nempe proximè per mundum mittendi sunt, ne illius illecebris capiantur, aut perfectionibus prosternantur, utque eum vitijs depravatum expurgent, & ad Deum sanctitatis fontem adjungant.

Punct. III. Non pro eis autem rogo tantum, sed & pro eis qui credituri sunt per verbum eorum in me. Conf. 1. Christum hîc etiam orare pro omnibus fidelibus unquam convertendis, velut omnium Patrem, Regem, & Pontificem, singulos, ac re nominatim, & singulorum necessitates sibi repræsentantem, quibus gratiam singulis propriam precatur. 2. Quid potissimum ijs precetur, subiungit: *Ut omnes unum sint, sicut tu Pater in me, & ego in te, ut & ipsi in nobis unum sint.* Ut nempe omnes inter se sint unanimes pacē & concordia conjuncti, velut membra unius corporis, ac cum Deo per fidem, spem & caritatem. 3. Expende signa hujus unionis cum Deo esse, si tu & omnia ad Deum referas, & cum eo sapius mente conjungaris, effectus esse illuminationem intellectus, inflammationem voluntatis, & complacentiam in voluntate divina.



# IN DIE COMMEMORATIONIS DEFUNCTOR. I.

Anno 31.  
Aprili Je-  
rosol.

*Christus inculcat Iudæis resurrectionem mortuorum. Ioan. 5.*

**P**unct. I. Venit hora, & nunc est, quando mortui audient vocem Filij Dei; & qui au-  
dierint, vivent. Confid. 1. Christum hîc proponere Judæis universa-  
lem resurrectionem mortuorum à se faciendam, tanquam actum judicia-  
riæ suæ potestatis, eamque proximè instare post elapsam legem naturæ  
& scriptam, in hac novissima lege gratiæ; nam & mille anni ante oculos tuos  
tanquam dies hesternæ, quæ præterit: cujus universalis resurrectionis præludia,  
aliqua in privatis ad vitam revocandis proximè daturus sit: ubi adverte  
sicut Christo collata est potestas revocandi ad vitam corporalem, ita  
maximè ad spiritualem: quare vocem ejus ad te nunc clamantis, ut sur-  
gas è vitiis & torpore percipe, & amplectere oblatam vitam gratiæ. 2. Ra-  
tionem addit collatæ potestatis; quia Filius hominis est, ut hoc iudicium Dei  
de hominibus, ipse pro nobis homo factus humano ac visibili modo in-  
stituatur, & qui se infra omnes homines demisit, ibi etiam supra Angelos  
omnes exaltetur: qui injustè ab omnibus, & cum magna humilitate judi-  
catus est, omnes justè & cum magna potestate iudicet: sedeat Judex, qui  
stetit sub iudice: damnet reos qui falsò factus est reus, palam terribilis,  
qui fuit palam contemptibilis. Ubi expende quanto honore Deus remu-  
neretur opera humilitatis, & illustret innocentiam suppressam.

Psal. 89. 4.

Punct. II. Venit hora, in qua omnes qui in monumentis sunt, audient vocem Filij Dei.  
Confid. 1. Christum hîc idem repetere, & inculcare tanquam rationem  
efficacissimam ad seriam pœnitentiam, ac vitæ emendationem; nam in  
omnibus operibus tuis memorare novissimæ tuæ, & in æternum non peccabis. 2. Cum si-  
gnificet hoc iudicium instituendum à se tanquam Dei Filio, ostendit il-  
lud fore justissimum, propter infinitam, quam cum æterno Patre habet  
sapientiam, potentiam, & justitiam, quoad humanam verò voluntatem,  
hanc cū divina consentire: quare hæc expende, & stude nunc vitæ  
sanctitati, vitæ æternæ & gloriæ consequendæ.

Ecclesi. 7. 40.

Punct. III. Et præcedent qui bona fecerunt in resurrectionem vitæ, qui verò mala ege-  
runt, in resurrectionem iudicii. Confid. 1. Significari hîc comparituros om-  
nes è sepulchris, nempe in valle Josaphat prope Jerosolymam: ubi om-  
nes nos manifestari oportet ante tribunal Christi, subituros iudicium discussionis,  
ut loquitur S. Augustinus, quo singulorum acta, dicta, cogitata, quomo-  
do, quo fine, & quoties iterata discutientur. 2. Expedde hîc tristissimam  
separationem impiorum à Deo & Sanctis omnibus, idque æternum si-  
ne ulla spe reconciliationis, eò quòd tempus liberaliter & cū summa  
benignitate concessum toties repudiarint: quare nunc ejus clementiam  
supplex implora: Iuste Iudex ultionis, donum fac remissionis, ante diem rationis.

1. Cor. 3. 2.

2. Cor. 5. 10.

Vide alteram de Purgat. 2. Novemb.

Pp

PRO

Anno 34.  
Martio in  
Berhania.

298

## PRO DEFUNCTIS II. IN DIE OBITU.

*Christus Martham instruit de resurrectione mortuorum. Ioan. 11.*

**P**unct. I. Dixit Martha ad Iesum: Domine, si fuisses hic frater meus non fuisset mortuus. Confid. 1. Martham tristitia afflictam ex morte fratris sui Lazari, Christo deinde advenienti occurrisse, ac dolenter simul & amanter cum eo questam de ejus absentia: in quo ostendit imperfectionem fidei suæ, quali corporalis Christi præsentia necessaria fuisset ad sanitatem conferendam; cum tamen ipse divinitate ubique esset præsens, & humanitate etiam omnia absens cognosceret, & posset: quare tu Christo confidenter in omni loco necessitates tuas exponere. 2. Confid. Christum distulisse venire, ut rebus desperatis opem ferret; unde S. Augustinus: *Distulit sanare, ut posse resuscitare.* Sic finit sæpe crescere afflictiones, ut magis ostendat potentiam suam & benignitatem. 3. Subdit: *Sed et nunc scio, quia quaecumque poposceris à Deo, dabit tibi Deus.* Confid. Martham hic alternantes edere motus, naturæ & gratiæ, fidei & diffidentiae, spei & desperationis de fratre resuscitando: unde & infirmitatem tuam agnosce, ac disce efficax esse patrocinium Christi apud Patrem.

**Punct. II.** Dixit ei Iesus: Ego sum resurrectio & vita. Confid. 1. Christum hic plenius instruere Martham de sua Divinitate, se esse causam resurrectionis omnium mortuorum, & vitæ viventium. Ubi attende Christum causam resurrectionis esse meritoriam, quia eam morte sua nobis promeruit: *Sicut in Adam omnes moriuntur, ita & in Christo omnes vivificabuntur.* Et efficien-  
tem, quia eam ipse pro universalis iudicio efficiet: *Omnes qui in monumento sunt, audient vocem Filij Dei.* Et exemplarem, quia ipsius resurrectio exemplar erit iustorum: *Reformabit corpus humilitatis nostræ, configuratum corpori claritatis suæ.* Et finalem, quia hoc spectat ut iusti in cælesti gloria sibi corpore & animo conformentur. 2. Confid. Christum esse causam etiam vitæ omnium viventium, & naturalis, quam ipse singulis cum Patre donavit, & supernaturalis gratiæ ac gloriæ, quam omnibus morte sua promeruit: tu vide ut vitam gratiæ studiosè conserves, ac si perdidideris, emitaris ad eam quamprimum resurgere. *Surge qui dormis, & exurge à mortuis, & illuminabit te Christus.*

**Punct. III.** Qui credit in me, etiam si mortuus fuerit, vivet: & omnis qui vivit, & credit in me, non morietur in æternum, sive morte æterna. Confid. 1. Promitti hic à Christo iustis, licet temporalem mortem obeant, ab ea tamen ad vitam gloriæ revocandos, omni gaudio & honore cumulandos. 2. Exigere Christum ad hoc à Martha exercitium firmæ fidei, à cujus soliditate & reliquæ virtutes, & salus nostra potissimum dependet: quare cum illa dic exanimè: *Ego credidi, & credo, quia tu es Christus Filius Dei vivi, qui in hunc mundum venisti:* ut doceres nos viam salutis, auxilia conferres, ac deinde dares singulis mercedem juxta opera sua.

PRO



299  
PRO DEFUNCTIS. III. IN ANNIVERSARIO DIE.

*Christus promittit iustis resurrectionem ad vitam æternam. Ioan. 6.*

Anno 33.  
Mactio  
Capherna

**P**unct. I. Omne quod dat mihi Pater, ad me venit; & eum qui venit ad me, non ejiciam foras. Confid. 1. Christum hñc ostendere fidem esse donum Patris cælestis morte sua & obedientia omnibus promerendum: eoquē instructos ad se accedentes gressibus affectus, cujuscumque nationis, conditionis, status, sexus, ætatis, omnes sibi fore gratos & charos, velut hereditatem sibi à Patre traditam olim promissam: *Dabo tibi gentes hereditatem tuam, & possessionem tuam terminos terræ.* Ubi attende felicitatem fidelium sub cura Christi, & infelicitatem infidelium, qui oblatum fidei donum rejiciunt. 2. *Quia de calo descendi, non ut faciam voluntatem meam, sed voluntatem ejus qui misit me.* Exprimit rationem, cur fideles omnes tam benignè sit excepturus, eò quòd hæc sit voluntas Patris cælestis, ad quam implendam in terras descenderit: de quo & gratias illis age, & attende datum hñc nobis exemplum obedientiæ & zeli animarum.

Psal. 2. 8.

Punct. II. Hæc est voluntas ejus qui misit me, Patris, ut omne quod dedit mihi, non perdam ex eo. Confid. 1. Christum hñc exponere voluntatem Patris cælestis, ut nempe fideles omnes ipse, tanquam Pastor oves sibi ab eo commissas, non sinat culpa sua perire, sed errantes quærat, omnes amplectatur, pascat, conservet, protegat, dirigat, ac deducat ad vitam æternam. 2. Addit ejusdem voluntatem esse, *ut eos resuscitet in novissimo die*, ad vitam immortalem, ut corpus quod in hac vita particeps fuit dolorum & molestiarum, etiam particeps deinde sit gaudij & gloriæ cælestis: hinc collige improbos resurrecturos quidem, sed non ad vitam, at morte perpetua in corpore & anima cruciandos, eo quòd vitæ hujus brevia & fugacia bona æternis proposuerint. *Defecerunt in vanitate dies eorum, & anni eorum cum festinatione.* Cor durum malè habebit in novissimo.

Psal. 77. 33.  
Eccl. 3. 27.

Punct. III. Hæc est voluntas Patris mei, qui misit me, ut omnis qui videt, seu cognoscit, eum, & credit in eum, habeat vitam æternam. Confid. 1. Christum hñc iteratò declarare ardens desiderium Patris omnes salvandi per fidem, obedientiam, & caritatem: quare stude desiderio illi cooperari. 2. *Et ego resuscitabo eum in novissimo die.* Promittit fidelibus suis, licet in hac vita tribulationibus & persecutionibus divexentur, seramen deinde eos suscitaturum ad vitam immortalem: ubi absterget omnem lacrymam ab oculis eorum. *Qui seminant in lacrymis, in exultatione metent; & dicent: Secundum multitudinem dolorum meorum in corde meo consolationes tue latificaverunt animam meam.* 3. Stude etiam animas defunctorum necdum plene purgatas eo promovere per pia opera & actus virtutum, sacrificia Missæ, sacram Communionem, orationes, jejunia, corporis afflictiones, & indulgentias; nam *Beati misericordes, quoniam ipsi misericordiam consequentur. Memor esto judicij mei, sit enim erit & tuum, mihi heri, & tibi hodie.*

1. Cor. 21. 4.  
Psal. 185. 3.  
1. Jal. 93. 19.

Matt. 27.  
Ezech. 38. 23

*Christus docet Eucharistiam liberare à morte æterna. Ioan. 6.*

**Punct. I.** Ego sum panis vivus, qui de celo descendi; si quis manducaverit ex hoc pane, vivet in æternum. Confid. 1. Christum hinc inculcare omnibus sumptionem Eucharistiæ à se instituendæ, quæ & vitam contineat divinam, fontem omnis vitæ, & conferat omnibus dignè sumentibus vitam æternam ac beatam in cælis, quam cum omnes super omnia concupiscant, ideo omnes ad panis huius vivifici sumptionem hortatur. 2. *Ei panis quem ego dabo, caro mea est, pro mundi vita.* Declarat quis sit ille panis vivus, nempe *caro mea*, inquit, sive corpus & sanguis animæ ac divinitati unita, pro omnium salute offerenda semel in ara crucis, ac deinde quotidie usque ad mundi finem in Eucharistia sacrificio incruento. 3. Confid. Singularem in hoc Christi erga nos benignitatem; cum in alimentum vitæ nostræ spiritualis præbet nobis non mel aut lac, aut etiam manna, sed carnem suam & sanguinem, id quod nulli parentes faciunt; nam ut alimentum congruum esset naturæ & generationi, quam nobis in baptismo regeneratis confert cælestem ac divinam, voluit & alimentum præbere ejusdem rationis.

**Punct. II.** Confid. 1. Judæis inter se adhuc dubitantibus ac litigantibus de huius mysterij veritate, *quomodo potest hic nobis carnem suam dare ad manducandum?* Christum graviter & constanter respondere: *Nisi manducaveritis carnem Filij hominis, & biberitis ejus sanguinem, non habebitis vitam in vobis;* quo omnibus ætate maturis præcipit huius carnis ac corporis sui in Eucharistia sumptionem, idque sub pœna mortis æternæ, privandos eos vita gratiæ & gloriæ, qui id culpa sua prætermiserint. 2. Hinc excita te ad libenter & frequenter utendum hoc cælesti pane, qui sicut corporalis necessarius est ad conservandam vitam corporis; ita & hic ad vitam animæ, ne in nos crudeles simus, fame ultro pereuntes, & animam occidentes. *Percussus sum ut fenum, & aruit cor meum, quia oblitus sum comedere panem meum.* 3. Cave cum Judæis dubitare de veritate & omnipotentia Christi circa hoc mysterium, quasi ipse non possit plura præstare quam nos intelligere. *Credere oportet accedentes ad Deum. In captivitatem redigeres omnem intellectum in obsequium Christi.*

Psal. 101. 5.  
Heb. 11. 6.  
2. Cor. 10. 5.

**Punct. III.** *Qui manducat meam carnem, & bibit meum sanguinem, habet vitam æternam.* Ub. Confid. 1. non solum promitti vitam æternam dignè communicantibus, sed eo ipso jus pignus, ac tesseram illis præstari, qua de ea consequenda certi reddantur. 2. Sicut, ut quis participet fructum cibi corporalis, necesse est, ut sumatur à vivente sano, & rectè disposito; ita & ad participandum fructum suum cibi spiritualis, necesse esse ut anima sit in statu gratiæ, & amoris fervore excitata.

FINIS PARTIS SECVNDÆ.



# MEDITATIONUM

## PARS III.

- Sectio {
- I. In reliquam vitam Christi.
  - II. In passionem ejusdem.
  - III. In Excellentias B. Virginis.
  - IV. In functiones diei, & varias.

# MEDITATIONUM

PARS III.

- Secutio
- I. In reliquam vitam Christi.
  - II. In passionem ejusdem.
  - III. In Excellentias B. Virginis.
  - IV. In tractationes dicit & varias.



# PRÆFATIO

## AD PARTIS III. SECTIONEM I.

In reliquam vitam Christi.



*Vm vita ac doctrina Christi à quatuor Evangelistis tradita, norma sit omnium nostrarum virtutum & actionum, thesaurus omnium donorum celestium, vita, robur, & lumen anima nostra: ne quid ex ea desideretur, post ea quæ Evangelis per Dominicas & Festa comprehensæ Parte I. & II. proposui, visum fuit ad complementum hæc reliqua collecta at-  
texere, ut eam integram diversis anni diebus ad majorem animæ nostræ fructum, solatium, & salutem communicare nobis possimus, identidem aspicientes <sup>Heb. 12. 2.</sup> in auctorem fidei, & consummatorem: Iesum, ac dicentes cum Apostolo: Vivo ego, jam <sup>Gal. 2. 20.</sup> non ego, vivit verò in me Christus.*

Anno 32.  
Januar.  
in deserto  
Galilææ.

**I. S. Ioannis vita in deserto, & prædicatio. Matt. 3. Marc. 1. Luc. 1.**

**P**unct. I. Confid. 1. Vitam S. Ioannis à prima ætate actam in deserto singulari asperitate, inter assiduas orationes, sic ut vestimentum illi esset cilicium *de pilis camelorum*, illudque zona pellicea, seu cingulo coriaceo carni adstrictum, victus *locustæ*, vilissima animalia, & *mel sylvestre*, insipidum ex apibus sylvestribus, potus aqua, cubile dura humus: ubi attende si ipse in utero sanctificatus eam asperitatem assumpserit, quid nos facere oporteat tot vitiis obnoxios. 2. *Tunc exibat ad eum Ierosolyma, & omnis Iudæa, & omnis regio circa Iordanem.* Confid. omnes circumquaque exciratos fuisse ea vitæ austeritate & sanctimonia Ioannis ad eum audiendum, atque illam fuisse ipsi pro auctoritate loco miraculorū: quare stude etiā ut vita tuā doctrinæ respōdeat, & quod doces verbo testeris exemplo.

**P. punct. II.** Confid. 1. Eum post inculcatam omnibus præparationem cordium per veram pœnitentiam ad Christum dignè excipiendum, convertere se ad superbos Phariseos, & Sadducæos hæreticos, eosque acrius increpare, quos sciebat non spiritu salutis impulsos, ut ceteros, sed maligno ad carpenda aliena, & ostentanda propria eō advenisse: ubi attende improbos cōmuniter misceri probis, & expendi qua intentione verbū Dei audias. 2. *Progenies, genimina viperarum*, sic eos compellat, quia pessimorum parentum pœssimos filios, qui velut viperæ foris speciosi appareant, intus verò pleni veneno vitiorum. *Quis demonstravit vobis fugere à ventura ira?* Monet eos de falsa securitate à se vera punitione supremi Iudicis, quā non credebant Sadducæi, nec timebant Pharisei, ex vana præsumptione allegantes: *Patrem habemus Abraham*, sed necesse esse ut faciant fructus dignos pœnitentiæ, opera nempe virtutum, quæ testentur animum verè pœnitentem: unde collige nec tibi profuturum nomen Christiani, aut religiosi, nisi & vita responderit. 3. Urget eos ab imminente punitione, ne differant pœnitentiam; *jam enim securis ad radicem arborum posita est. Omnis ergo arbor quæ non facit fructum bonum, excidetur, & in ignem mittetur*: unde etiam tu cave differre vitæ emendationem.

**Punct. III.** Confid. 1. Plurimos de turba prædicatione Ioannis permotos, seriò resipiscentes offerre se ad omnem emendationem, ac proinde eum interrogare: *Quid ergo faciemus?* Idem & tecum exquire, quid tibi ad salutem consequendam faciendum sit, & quæ vitia potissimum emendanda. 2. Confid. eum benignius ad illos conversum apta singulis dare monita, & documenta virtutum: ita & stude te attemperare proximo ad eorum salutem, ut cū Apostolo fias *omnibus omnia*. 3. Confid. eum inter hæc seipsum solida humilitate deprimere, & extollere Christū, proximè adfuturū, qui efficaciori baptismo eos plenè purgaturus sit, ac deinde murdos congregabit velut *tritum in horreum cæleste*, peccatores verò velut *p. l. is* combures igni inextinguibili.

II. Chri-



325  
II. Christus à Ioanne baptizatur. Matt. 3. Marc. 1. Luc. 3.

Anno 31.  
Jan. 6.  
in Iord.

**P**unct. I. Venit Iesus à Galilea in Iordanem ad Ioannem, ut baptizaretur ab eo. Confid. 1. Cum Ioannes ad Iordanē coram frequenti populo prædicaret ad v̄tū Christi, ac baptizaret, eumq; sibi lōge præferret, Christum post exactam vitā privatam annis triginta cum matre, deinde publicam auspiciaturum, venisse aspectu, incessu, & habitu humilem ad Ioannem; seq; ei in turba inter ceteros baptizandum obtulisse, & mox ab eo divina inspiratione agnitum fuisse: ubi attende & Christi humilitatem, & Ioannis gaudium, qui adhuc in utero matris ad eius præsentiam præ gaudio exilierat. 2. Ioannes autem prohibebat eum dicens: Ego à te debeo baptizari, & tu venis ad me? Confid. hīc certamen humilitatis inter Christum & Ioannem, quod & tu imitare apud alios, ac gaude in hoc vincere cum Christo, & vinci cum Ioanne: expende etiam cum hoc excellentiam Christi in S. Eucharistia: & tu venis ad me?

Punct. II. Sine modō, sic enim decet nos implere omnem iustitiam. Confid. 1. Christum in hoc pio certamine auctoritate suā prævaluisse, & voluisse à Ioanne baptizari; tum ut exemplo suo auctoritatem tribueret baptismō Ioannis, qui præparationis erat ad baptismum à se instituendum; tum, ut, cum ipse susciperet baptismum servi, nos non dedignaremur accipere baptismum Domini, & ubi ille se subiicit inferiori, nos superiori ac pari libenter nos subderemus. 2. Conf. additam & à Christo rationem: sic enim decet nos implere omnem iustitiam, ut nempe qui alios docere aggreditur studium perfectionis, prius ipse exemplo præeat, & ab humilitatis exercitio incipiat, quo perfectio sanctitatis continetur.

Punct. III. Iesu baptizato & orante apertum est celum. Confid. 1. Patrem cælestem voluisse hanc profundam filij sui humilitatem honorare publico & honorifico testimonio: atque in primis per illustrem cæli hiatum, quo significaretur Christus de cælo, venisse, nobisq; illud proximè reseraturus, eoque proinde affectus & desideria nostra esse excitanda. 2. Per Spiritum sanctum in columbæ specie descendentē ac super eo requiescentem: iuxta vaticinium: Requiescet super eum Spiritus Domini. Est autem columba inter aves, sicut agnus inter animalia, mitis & innocens, atque insuper fecunda, qua Spiritus sancti, & Christi, imò & Christianorum, quales esse debeant, proprietates designantur. 3. Per vocem cælestem æterni Patris, Hic est filius meus dilectus, in quo mihi complacui. Hic in speciem peccator & mortalis, est filius meus, mihi in natura divina consubstantialis, in humana unitus, præ omnibus singulariter dilectus, quia quæ placita sunt mihi, facit semper; in quo proinde mihi complacui, ac ut nihil in eo displiceat, imò & nullus mihi placeat aut placiturus sit, nisi per illum, & propter illum: tu sic vive, ut etiam in te, ac vita tua sibi Deus complaciat.

Anno 32.  
Aprili  
ad Ior-  
danem.

306

### III. Testimonium Ioannis de baptismo Christi. Ioan. 3.

**P**unct. I. Confid. 1. Confluentibus multis ad Christum, ut ab eo baptizarentur, dæmonem pravâ æmulatione excitasse discipulos Ioannis, ut baptismum Christi apud eum invidiose traducerent: unde discite etiâ opera tua quantumvis optimè acta, invidiæ exponenda, & à malignis traducenda, nec te in hoc esse Christo meliorem. 2. Ioannem non admittere, nec fovere suorum æmulatores & adulatores, sed prudenter ostendere Christum sibi esse præferendum. *Non potest, inquit, homo accipere quidquam, nisi fuerit ei datum de celo.* Sibi competere solum munus præcursoris, neque amplius sibi à Deo datum, nec proinde assumere se plus posse sine superbia & ingratitude: unde discite non ambire altiores gradus aut munia, neque aliis invidere, aut divinæ electioni obmurmurare, non audire etiam susurriones & adulatores, sed acquiesce talento tibi à Deo dato, illudque stude bene impendere.

**Punct. II.** *Qui habet sponsam, sponsus est.* Confid. 1. Ioannem docere hîc Christum per Incarnationem sibi despondisse Ecclesiam, & animâ cuiusque fidelis; quare gratias humiliter Christo age ut cælesti sponso de anima tua sibi despôsata, & stude ei deferre omne obsequium, amorē, & cultum, sæpius cum illo agere, ac nominatim cave obligatam ei fidem peccando violare. 2. *Amicus autem sponsi, qui stat & audit eum, gaudio gaudet propter vocem sponsi. Hoc ergo gaudium meum impletum est.* Vbi significat Ioannes se tantum esse amicum & ministrum Christi, gaudere se proinde de ejus honore & conjunctione cum sponsa: unde collige & nobis gaudendum, dum multi ad Christum concurrunt, per quoscumque demum excitati & permoti cave: autem ne in functionibus tuis fideles magis tibi quam Christo concilies.

**Punct. III.** *Illum oportet crescere, me autem minui.* Confid. 1. studium Ioannis pro suâ depreffione, & exaltatione Christi, ideoque significare hîc honorem & existimationem. Messîæ de se falsò conceptam deponendam esse: de Christo verò confirmandam ejus miraculis, celebritate prædicationis, ac deinde toto orbe per Apostolos, atque ita honorem Christi accreturum, suum verò decreturum. Vide & tu, ut Christus eiusque gloria crescat in anima tua & proximorum per ejus perfectiorem cognitionem & amorem, tua verò gloria, ejusque appetitus hîc minuatur, ut postea maior sit in cælo. 2. *Qui de terra est, de terra est, & terrena loquitur: qui de cælo venit, super omnes est.* Significat Ioannes eum, qui originem habet terrenâ, etiam terrenam habere naturam ac terrena loqui; qui verò cælestem, cælestia; unde arguit discipulos suos, quod malint sibi docenti inferiora, ac præparatoria tantum, potius quàm Christum sibi docenti cælestia adherere. Attende hîc etiam servus Dei & religiosi competere, ut de proprijs statui suo libenter loquantur & audiant.

IV. Christus



307  
IV. Christus docet Capharnai in Synagogis & liberat ibi energumenum.

Marc. 1. Luc. 4.

Anno 31.  
Aprilis  
Capharnaum

**P**unct. I. Confid. I. Christum in ingressum Capharnaum civitatem Galilee, statim ibi Sabbatis coepisse publice docere in Synagogis, & stupebant super doctrina ejus; erat enim docens eos quasi potestatem habens, & non sicut scribae. Vbi attende: materiam doctrinae Christi non fuisse aliquas externas ceremonias, quas scribae inculcabant, sed solidissima dogmata: neque explicuisse eum tantum legem veterem, ut illi faciebant, sed & novam velut supremum legislatorem adiecisse; deinde attende docentis modum, cum ardore spiritus, libertate sermonis, sine ullo metu humano, & quæ docebat verbo, interius persuadebat intellectui, eoque voluntatem inclinabat, exterius verò cōprobabat vitæ suæ exemplo, & miraculis stabiliebat: Tu eum roga, ut & similiter te doceat addendo intus auxilia gratiæ pro doctrinae executione. 2. Confid. Obire eum Galilæam prædicando, velut medicum quærentem ægros, atque in hoc formā tradere perfecti pastoris animarum; quare & tu zelum erga omnes ostende, doctrinam trade non vanam aut curiosam, sed animæ salutarem, & captui accommodatam cum ardore spiritus, & quæ doces alios, stude etiam vitæ sanctioris exemplo comprobare.

**Punct. II.** Et erat in Synagoga homo habens dæmonium immundum, & exclamavit voce magna dicens: Quid nobis & tibi Iesu Nazarene? Venisti perdere nos? Confid. I. dæmones immundos appellari, eò quod puritate gratiæ destituti, in sordibus peccatorum toti volutentur, iisque alios non tantum adspargere, sed & involuere pariter studeant. 2. Quid nobis & tibi? sive quid tibi nobiscum negotij, qui te non læcissimus, sed peccatores nobis peccati iure subiectos? Et tu similiter dæmonem tentantem à te rejice: Quid mihi & tibi? Venisti perdere nos. significant perditionem suam, ac maximum malum esse, impediri in hominibus divexadis, & ejici ex eorum corporibus, sed magis animabus, atque unicum studium suum esse in omnibus affligendis. 4. Scio qui sis, sanctus Dei; ille nempe singulariter sanctus, & à Deo missus Messias ad homines sanctificandos, quod dicebant non scientes, sed conijcentes, ad tentandum & adulandum: disce hinc dæmonibus non credere, licet vera dicant, quæ non dicunt, nisi coacti subinde, vel ad fallendum.

**Punct. III.** Et comminatus est ei Iesus dicens: Obmutesce, & exi de homine. Confid. I. Christum noluisse audire laudes à dæmone, ut doceret nos nihil habere cum eo commune, & adulationem fugere, quare in tentatione ei cum fortitudine similiter resiste, & Christi imperium implora. Et discerpens eum, & exclamans voce magna exiit ab eo, contorquens membra cum strepitu & studens nocere quantum posset: unde collige, eum quò viciniùs est Dei auxilium, eò magis sè vire, & cruciari maximè peccatores dum convertuntur.

Qq 2

V. Christus

Anno 32.  
Martio  
ad Mare  
Gal.

306

*V. Tres parati Christum sequi, sed quia non ut oportebat, ab ipso reprehenduntur. Marc. 8. Luc. 9.*

**P**unct. I. Magister, sequar te quocumque ieris. Confid. I. Scribam illum per motum concursu populi ad Christum ob curationes morborum, ac sperantem inde lucrum sibi aliquod ac commodum temporale, vltro se offerre Christo in discipulum: sed hunc, perspecto eius pravo fine, rectius illum instruere & opponere suam paupertatem, propter quam non sublevandam, sed exercendam ad se accedendum sit, *Vulpes foveas habent, & volucres celi nidos: Filius autem hominis non habet ubi caput reclinet*; quare expende hanc Christi paupertatem, eamque tibi imitandam propone, ut affectu à ceteris libero totus vaces Deo, ac proximo propter Deum, atque ab eius paterna providentia dependeas, qui erit *merces tua magna nimis*. 2. Confid. Christum spectare in obsequio suo intentionem cordis, quia hic habebat ad lucra & comoditates; tu tuam expende, num forte eò, vel ad honores tendat, ac pravam corrige. 3. Vocat se *filium hominis*, licet simul esset filius Dei, idque ad maiorem humilitatem, mansuetudinem, & charitatem.

Gen. 15. 1.

Punct. II. Ait Christus ad alterum: *sequere me*, ille autem dixit: *Domine permitte mihi primum ire, & sepelire patrem meum*. Iesus autem ait illi: *Dimitte mortuos sepelire mortuos suos, tu autem vade & annuncia regnum Dei*. Confid. I. Christum monere hic non esse moram neccendam in exequenda voluntate Dei, maxime ubi periculum est recedendi ex affectu, vel remoris subnascētibus: unde S. Ambrosius: *Bonum studium, sed maius impedimentum, qui dividit curam, derivat affectum, & differt profectum*. 2. Vult Christus, ut mortui spiritu sepe liant mortuos carne, hic verò ut moriatur mundo, ac vivat Deo, & mortuos resuscitet in vitam gratiæ & gloriæ, quod longè nobilius est quam sepelire cadavera. 3. Ostendit Christus se fore illi in patrem, & quidem perpetuum, atque altero meliorem, ab hoc accepisse illum vitam corporalem & temporalem, se verò daturum illi spiritualem & æternam; unde S. Augustinus: *Amandus est generator, sed prapponendus est creator*.

Gen. 19.  
26.

Punct. III. Et ait alter: *Sequar te Domine, sed permitte mihi primum renunciare his, qui domi sunt*; Ait ad illum Iesus: *Nemo mittens manum suam ad aratrum, & respiciens retro, aptus est regno Dei*. Confid. I. Monere hic Christum, sicut arans debet ante se respicere, ut arando rectos ducat sulcos, ita & cum qui se consecrat obsequio Dei, non possit respicere, ne fortè specie & affectu eorum quæ retro sunt, retineatur: unde dilce cavenda pericula & moras in sequenda Dei vocatione, ne cum uxore Loth retro respiciēte obdurescas. 2. Si hic à Christo arguitur, quantò magis ij qui sine causa quæruunt propinquos, quos in sæculo reliquerunt, visere, & sic affectu inordinatum erga eos fovere, quæ Christus hic in principio vocationis excindere voluit; quare tu postpone humana divinis, carnalia spiritualibus temporalia æternis.

VI. Christus



*VI. Christus demones eiectos finit ire in porcos. Mat. 8. Mar. 5. Luc. 8.*

Anno 33.  
Matio in  
regione  
Gerasenorum.

**P**unct. I. Cum venisset Iesus transfretum in regionem Gerasenorum, occurrerunt ei duo habentes demonia, de monumentis exeuntes, sevi nimis, ita ut nemo posset transire per viam illam. Horum alter gravius infestabatur, sicut nudus reiectis vestibus, & cōpedes & catenas quibus constringebatur, dirumperet, nec domari à quoquam posset, concidens se lapidibus. Ubi Confid. 1. imaginem hīc proponi peccatoris, qui nudatus veste gratiæ non permittitur quiescere in domo conscientiae suae, versatur in peccatis suis velut sepulchro, iis ipse se cædit, nec domari potest aut liberari nisi à Christo. 2. Et clamaverunt dicentes: Quid nobis, & tibi Iesu fili Dei? Venisti huc ante tēpus torquere nos? Torturam appellant cessationem ab hominibus torquendis; tempus etiam vrgent, tum generale sibi à Deo hīc concessum vsque ad diem iudicij, sed restricta potentia per regnum Christi: tum particulare in puniēdis horum, quos obsidebant, peccatis. 3. Interrogabat illum Iesus: Quod tibi nomen est? & dicit ei: Legio, quia multi sumus. ultra sex millia, quibus legio constabat; unde collige malitiam demonum, tanto numero unum hominem invadentium: deinde ex nomine hoc militari disce eos hīc relinqui ad nos oppugnandos, & ut sic materiam nobis præbeant victoriæ & triumphi.

Punct. II. Erat autem ibi grex porcorum magnus pascens, & demones rogabant eum: Mitte nos in porcos. Ubi Confid. 1. infirmitatem dæmonum, nihil eos posse sine nutu Dei, sine quo si porcis nocere non possunt, minùs poterunt hominibus. Et Iesus permisit illis, ut ostenderet se habere in demones imperiū. 2. Et impetu abiit grex per præcepsum in mare ad duo millia, & mortui sunt in aquis. Hinc apparet dæmonum in illis multitudo & sævitia, eosque non minùs nocituros fuisse hominibus, nisi à Deo fuissent cohibiti, unde S. August. Si posset aliquid diabolus, nemo nostrum remaneret, tantum facit, quantum permittitur: quare non tam illi, quàm Deus, sub cuius potestate sunt, timendus est. 3. Significari hic dæmones etiam dominari in peccatores, qui in voluptatum cœno nunc volutantur; postea præcipitandi in abyssum inferni.

Punct. III. Confid. 1. Pastores porcorum fugientes in villas & civitatem annunciasse omnibus, quæ acciderant. Qui excitati rogaverunt eum, ut discederet de sinibus eorum. Vbi attende eorum miserandam cæcitatem, dum pluris æstimant opes terrenas, quàm salutem animæ, ideoque fontem omnis boni à se abigunt; nec vult etiam Christus adesse aut benefacere invitis, inquit Ambros. 2. Consolideratum à dæmoniis rogasse Christum, ut posset illi adherere, sed non admissum, ne Phariseis occasio esset calumniandi, at vade, inquit Christus, in domum tuam ad tuos, & annuncia illis, quanta tibi Deus fecerit & misertus sit tui, quod & fecit. Non ais Christus: quæ ego tibi feci, sed quæ Deus, ut doceat nos opera bona etiam Deo tribuere.

Anno 310  
Martio  
Capherna  
nai.

310

**VII. Christus defendit discipulos suos reprehensos quod non ieiunent,**

Matth. 9. Marc. 2. Luc. 5.

**Punct. I.** Tunc accesserunt ad eum discipuli Ioannis dicentes: Quare nos & Pharisaei ieiunamus frequenter, discipuli autem tui non ieiunant? Confid. 1. Hanc quaestionem seu potius accusationem suscitata a Phariseis occasione convivij, quod Christo & discipulis Matthaeus iam conversus exhibuerat, atque hinc eos Christum per discipulos criminari tanquam intemperantem, urgendo, quare nos, & non tu? Nos quasi sancti & ex Deo, tu vero cum tuis peccator. Tu cave similes obreptiones Pharisaeas, vel etiam dare alijs obreptandi occasionem, memor interim opera tua etiam a malignis in malam partem interpretanda, & saeculares ab Ecclesiasticis maiorem perfectionem exigere. 2. Conf. Christum hic suorum causam suscipere, eamque triplici similitudine tueri, qua edoceat suos adhuc tirones & infirmos necdum gravandos ejusmodi austeritatibus, sed potius solatio favendos; quo deinde subtrahito, quasi ablactatos, solido cibo mortificationis pascendos; ubi cognosce Christi paternam curam, magis solliciti de suis, quam de se, quare calumnias de te illi committe. Revela

Pf. 36. 5.

**Punct. II.** Et ait illis Iesus: Numquid possunt filij sponsi lugere, quamdiu cum illis

Jo. 3. 29.

29.

est sponsus? Confid. 1. Christum hic alludere ad dictum S. Ioannis, quo Christum ob desponsatam sibi Ecclesiam sponsum appellat, & sicut amicis sponsi non convenit luctus, ita nec convenire discipulis suis, sed hos potius humanis solariis & honestis gaudiis ad tempus fovendos; unde colligere haec Christum etiam suis indulgere, sed vide utaris ijs cum humilitate, & gratiarum actione tanquam ab eo concessis, & cum eo manducans, &

2e Cor. 6. 4.

ambulans, para te ad tempus desolationis. 2. Venient autem dies, cum auferetur ab eis sponsus, & tunc ieiunabunt. quod factum est post Christi mor-

1. Cor. 9.

27.

tem, quam & luxerunt in tribulationibus, in necessitatibus, in angustiis, in plagis, in carceribus: Et tu ad hanc vitam Apostolicam te dispone, dicens cum

1. Col. 3. 4.

Apostolo: Castigo corpus meum & in servitutem redigo. Adimpleo ea quae desunt passionum Christi in carne mea.

**Punct. III.** Nemo immittit commissuram panni rudis in vestimentum vetus.

Confid. 1. Christum hic ostendere, sicut vesti detrita incongrue alluitur pars nova, ita nec discipulis suis vetustate prioris vitae & affectuum necdum exutis congruere novas austeritates, sed has differendas, dum Spiritu sancto renovati eas melius capiant, imò & ultrò sint appetituri tormenta & cruces: quare tu etiam infirmis compatere.

Rom. 14. 3.

Et qui non manducat, manducantem non iudicet. Neque mittunt vinum novum in utres veteres, alioquin rumpuntur utres. Vbi Conf. similiter comparari discipulos utribus, qui multi effervescentis violentiam non capiant, sed in ediffirgantur, atque ira cavendum, ijs adhuc infirmis ne succumbant novis oneribus.

VIII. Christus



VIII. Christus illuminat duos cæcos, & eicit demonium mutum.

Matt. 9.

Anno 3.  
Martio  
Capherna-  
nai.

**P**unct. I. Transeunte Iesu, secuti sunt eum duo cæci clamantes & dicentes: Mi-  
serere nostri Fili David. Conf. I. Hos cæcos fidem & spem recuperandi  
visum à Christo concepisse ex miraculis, quæ ab eo patrata audierant:  
tu verò quot in te miracula expertus es, & manes modicæ fidei, Agno-  
scunt miseriam suæ cæcitatibus, pro qua tollenda misericordiam Christi  
implicant, quæ credunt esse ex stirpe David, & Messia, cui curationes il-  
læ morborum per prophetas promissæ sunt: ubi adverte hos licet cæcos  
oculis corporis, tamen perspicaces fuisse oculis mentis, quibus corpo-  
reum visum impetrarunt: sic sanitas mentis sæpè causa sanitatis  
corporis, & contrà mentis ægrotudo etiam causa ægrotudinis corpora-  
lis 2. Conf. Christum non statim tamen annuisse eorum precibus, sed  
domum interim reversum eos prius interrogasse: *Creditis quia hoc possum  
facere vobis? Dicant Vtq; Domine: Tunc tetigit oculos eorum dicens: Secundum  
fidem vestram fiat vobis; & aperti sunt oculi eorum.* Vnde collige dilatam hic  
aliquantum à Christo curationem, ut fidem eorum magis accenderet, &  
sic etiam ad salutem nostram sæpè beneficia postulata differri. Tu Chri-  
stum roga, ut tollat à te cæcitatem spiritualem, quæ miseria est longè  
gravissima, claudens oculos mentis, sic ut iudicet eligenda sibi esse ter-  
rena præ cœlestibus, transitoria præ æternis, humana præ divinis, atq;  
in particulari peccatum quodlibet præ Deo.

Punct. II Et comminatus est illis Iesus dicens: Videte ne quis sciatur: Illi autem  
exeuntes diffinaverunt eum in tota terra illa. Confid. I. Christum hic vetare  
illis miraculi divulgationem, ut doceat nos cavere ostentationem, & ta-  
cere ea quæ ad laudem nostram faciunt; nam ostentatio illa, inquit Chry-  
sostomus, nos hominibus odiosos, & Deo reddit abominabiles, tacendo verò glo-  
riam apud Deum, & homines consequemur. Si tu occultas, Deus manifestabit.  
2. Confid. Eos interim miraculum divulgasse ac Christi famam ubique  
diffundisse, ex affectu gratitudinis, persuadentes sibi Christum id ve-  
nisse non obligando, sed ex modestia & humilitate, quam simul no-  
bis suo exemplo commendatam volebat: quare & hanc imitare in  
Christo, & gratitudinem in illis.

Punct. III Egressis autem illis, ecce obtulerunt ei hominem mutum, demonium  
habentem, & eiccto demonio locutus est mutus. Vbi Confid. I. propensam  
Christi benignitatem, qua hominem illum non petentem, sed solum ad  
petitionem offerentium restituit sanitati, ut ubi major est calamitas, ap-  
pareat vicinior esse Christi misratio. 2. Confid. mutum spiritualiter  
à Christo curari, cum linguam, quæ prius tenebatur ligata, laxat ad  
peccata confitenda, conscientiam explicandam, ad Deum invocandam  
& laudandam.

XX. Christus

Anno 312  
April  
Ierofol.

312

**X. Christus respondet ad calumnias Iudæorum de violato Sabbato. Ioan. 5.**

**P**unct. I. *Pater meus usque modo operatur, & ego operor.* Confid. 1. Christum hic clarè asserere, prout etiam Iudæi intellexerunt, se esse filium æterni Patris, cum quo in principio mundum creaverit: ac licet inde dicatur quævisse Sabbato, non producendo novas rerum species, tamen se assidue etiam sabbatis cum illo operatum atque etiamnum operari in mundo conservando, gubernando, atque ad finem suum, nempe salutem nostram dirigendo: unde collige, si supremus Dominus tuus non cesset umquam ab opere pro salute tua, tuum etiã esse, excusso torpore & segnitie, numquam cessare ab ejus cultu & obsequio, atque omnibus actionibus tuis ad ejus unius gloriam dirigendis. 2. *Quæbant cum Iudæi interficere, quia non solum solvebat sabbatum, sed & patrem suum dicebat Deum.* Ubi Conf. Iudæos odio & invidia exæccatos, averisse oculos mentis, ne manifestam ac salutarem veritatem, qua Christus se promissum illis in lege Messia assererat, agnoscerent, ideoque esse inexcusabiles: Tu attende quoties etiam divinas inspirationes ad seriam emendationem vitiorum, & prosecutionem virtutum neglexeris ex pravis affectibus. 3. *Non potest Filius à se facere quidquam, nisi quod viderit Patrem facientem.* Significat Christus se nihil facere nisi ex voluntate, consensu, & approbatione Patris cælestis, atque ad ejus exemplum: hinc stude etiam tu opera tua sic facere, ut sint secundum Dei voluntatem, & ad ejus imitationem.

**Punct. II. Pater non iudicat quemquam, sed omne iudicium dedit Filio.** Conf. 1. Christum hic timeris etiam stimulum incutere Iudæis à potestate iudiciaria sibi tamquam Regis primogenito à Patre commissã, quam solus ipse, non Pater, specie visibili, externo ritu, & verbali sententia prolata, exerciturus sit: quare & tu eum stude nunc tibi in S. Eucharistia conciliare humili cultu & affectibus Fidei, Spei, & Charitatis, ut faventem in sententia ferenda experiaris. 2. Rationem subdit collatæ potestatis, *ut omnes honorificent Filium, sicut honorificant Patrem,* tanquam eiusdem cum eo naturæ divinæ, in humana verò ejus legatum; & quoniam in hoc munere obeundo se exinaniverat, *formam servi accipiens,* postea à cælesti Patre exaltaretur, & ab omnibus etiam qui patientem contempserant, in gloria iudicis honoraretur.

Philip. 2.  
6.

**Punct. III. Qui verbum meum audit, & credit ei qui misit me, habet vitam æternam.** Confid. 1. Sicut prius timore, ita & hic spe æternæ vitæ consequendæ eos excitari à Christo, ut sibi atque æterno Patri de se testanti fide vivæ adhæreant, quã doctrinam suam reverenter excipiant, & fideliter observent. 2. Sicut illis confertur jus ad vitam æternam, ita & incredulis ac refractariis decretam mortem æternam, qua Deus fons vite illos æternum desereat, & supplicis millies morte gravioribus æternum plectet.

X. Christus.



X. Christus quatuor testimoniis confirmat se esse Messiam. Ioan. 5.

Anno 325  
Aprili  
Ierusal.

**P**unct. I. Si ego testimonium perhibeo de meipso, testimonium meum non est verum. Alius est qui testimonium perhibet de me. Confid. 1. Christum hic Iudæos manifestè convincere incredulitatis suæ & pertinaciæ, quadruplici testimonio irrefragabili, atque ante omnia monere, nolle se allegare auctoritatem suam, aut dicere testimonium de se apud illos illegitimum & infirmum, quo docet nos etiam non iactare propria; nam laus in ore proprio sordescit, & de falsitate suspecta est: suum cuique pulchrum, quia omnes sui amantes. *Laudet te alienus, & non os tuum.* 2. Confid. Christum testem alium, cuius testimonium allegat, mox exprimere omni exceptione maiorem: *Qui misit me Pater, ipse testimonium perhibet de me.* Quod fecit palam omnibus in baptismo, *Hic est Filius meus dilectus in quo mihi complacui*, ac tot manifestis miraculis, quasi certissimis sigillis, veritatem doctrinæ ejus comprobando. Tu etiam stude habere potius Deum approbatorem actionum tuarum, quàm homines.

Proverb.  
27.2.

Matt. 3.  
17.

Punct. II. Vos misistis ad Joannem, & testimonium perhibuit veritati. Confid. 1. Christum significare illos ex Ioanne, quem omnes ut prophetam sanctum, & fide dignum habebant, ultrò exquisivisse ejus de se iudicium, atque idem ipsum respondiisse, ac propterea ab illis repudiatum, cum tamen id non gratiæ aut amicitiae Christi tribueret, quem numquam viderat, sed nudæ veritati. 2. *Ille erat lucerna ardens & lucens.* significat eum sicut præambulonem sibi lucem prætulisse, quam à Christo acceperat: *ardens* erat in se vitæ austeritate, & amore Dei ac Christi, *lucens* aliis exemplo sanctimonie & zelo liberæ prædicationis; unde discite etiam prius ardere in te rectè vivendo, quam lucere aliis prædicando. *Tantum lucere vanum est, tantum ardere parum, ardere & lucere perfectum*, ait Bernardus.

Punct. III. Opera quæ ego facio, testimonium perhibent de me. Hoc tertium est testimonium etiam infallibile; sicut enim ex fructibus cognoscitur arbor, & homo ex operibus, ita Christus ex suis, quæ præter vitæ sanctitatem, erant miracula illustria, & innumera, omnem humanam & Angelicam potentiam excedentia, quæ non ut alij prophetæ præviâ Dei invocatione, sed propria auctoritate & imperio palam patrabat. Tu etiam sic vive, ut actiones tuæ externæ, & observantia disciplinæ palam testetur internas virtutes, & studium perfectionis.

Punct. IV. Scrutamini scripturas, & ille sunt quæ testimonium perhibent de me.

Hoc quartum est testimonium Scripturæ sacræ, cuius non superficiale lectionem, sed sedulam investigationem requirit, ut velut in aurifodinis latentes in ea de divinis rebus & Messia thesauros ac pretiosos affectus effodiant: nam divina profunda sunt & diligentiam requirunt: Ita & tu diligenter expende sensus Scripturæ sacræ, eorumque affectibus animum pasce.

Anno 32.  
Aprilis 25.  
in itinere  
in Gal.

314

XI. Christus discipulos esurientes, conficantes Sabbato spicas defendit  
contra Phariseos. Matth. 12. Marc. 2. Luc. 6.

**P**unct. I. Abijt Iesus per sata sabbato: discipuli autem ejus esurientes ceperunt vel-  
lere spicas, & manducabant conficantes manibus. Conf. 1. Christum hic à lu-  
dea revertentem in Galileam itinere pedestri cum discipulis, sensim af-  
fuescere eos laboribus postea obeundis, ac temperantiae in cibo, unde hic  
in itinere esuriebant, ut doceat fugiendum cibum immoleratum ijs qui  
volunt esse discipuli tanti Magistri. Modicus citius & temperatus & carni &  
anima utilis est, inquit Hieronymus. 2. Pharisei autem videlicet dixerunt ei: Ecce  
discipuli tui faciunt quod non licet facere sabbato. Conf. id quod faciebant disci-  
puli expressè permissum fuisse, modo falce segetes non demeterent, sed  
captare illos malignè occasionem traducendi eos quasi ex sabbato violato:  
hinc & tu animum præpara ad similes obtrectiones, dum Christum  
sequeris, sed neminem tibi nociturum, dum illum habueris defensorem.

**Punct. II.** Confid. 1. Christum defendere discipulos suos exemplo Davi-  
dis, qui fame pressus cum suis comedit in templo panes sacros, licitos aliàs  
comedere solis sacerdotibus; sed sicut illum excusavit necessitas, ita &  
hos discipulos: 2. Ait quia Sabbato sacerdotes in templo sabbatum violant, & sine  
crimine sunt. Dico autem vobis quia templo maior est hic, sive hoc loco: ubi Conf.  
sacerdotibus licitum fuisse sabbatis obire opera servilia in victimis paran-  
dis, quæ si illos excusaverint eò quod cederet templo, quanto magis ea  
quæ cedunt ministerio filij Dei, Domino templi, dum se pascunt ut illi  
assistant: sic tribue etià verba illa Christo in Eucharistia: Quia templo maior  
est hic. 3. Subdit: Si sciretis quid est: misericordiam volo, & non sacrificium, nunquam  
condemnassetis innocentes. Quo arguit eos inhumanitatis, & monet, si hæc ver-  
ba Scripturæ sacræ rectè expendissent, eos potius misericordia commo-  
vendo fuisse ad pascendos famelicos: hanc & tu exerce ubi potes, operi-  
bus spiritualibus æque ac corporalibus.

**Punct. III.** Sabbatum propter hominem factum est, & non homo propter sabbatum.  
Conf. hic tertiam rationem à Christo pro suorum defensione allegatam,  
nempè finē legis in eis locum non habuisse, qui est ut homo corpus fatiga-  
tum labore 6. dierum quiete sabbati reficiat & mentem applicet ad ea  
quæ sunt salutis ac quietis æternæ, considerando Dei beneficia, gratias  
agendo, voluntatem ejus exquirendo & observando.

**Punct. IV.** Dominus est Filius hominis etiam sabbati. Hæc quarta est ratio,  
qua significat se festa omnia & eorum cultum habere in sua potestate, tan-  
quam supremum omnium Dominum, ac proinde posse se in eorum ob-  
servantiā dispensare, & post labores hujus vitæ, ut par est, susceptos se  
collaturum nobis perpetuum Sabbatum in cælo, ubi erit quies gra-  
tissima. 2. Conf. iustos in hac vita etiam habere perpetuum sabbatum, seu  
cultum mentis, non fatigatæ desiderijs aut affectibus terrenis, malos  
verò nec hic nec postea quiete frui.

XII Christus



XII. Christus manum aridam sanat, & plures morbos.

Matt. 12. Marc. 3. Luc. 6.

315

Anno 30.  
April 30.  
in Gali-  
lea.

**P**unct. I. Venit Iesus alio sabbato in Synagogam, & erat ibi homo habens manum aridam, & observabant eum Scribæ & Pharisei, si in Sabbato curaret, ut invenirent unde accusarent eum, & interrogabant eum dicentes: Si licet sabbatis curare. Confid. 1. Hos malignè Christum interrogare, ejusque actiones observare atque unde mel debuissent fugere, venenum querere, & unde aurum, inde lapides eruere: Tu Christum ejusque actiones observa, ut inde tuum erga eum amorem accendas, easque imiteris 2. Probat exemplo ovis sabbato in foveam lapsæ, etiam hominem tunc ex infirmitate sublevandum. Et circumspiciens eos cum ira, contristatus super cecitate cordis eorum, dicit hominibus: extendite manum tuam, & extendit, & restituta est sanitati sicut altera. Disce hic à Christo zelum erga peccatores sic moderari, ut irascaris eorum peccatis, & peccantibus condoleas. 3. Confid. cum Beda Adamum manum humani generis carpendo pomum vetitum arefecisse, seu privasse facultate boni operis, sed Christum eam nobis restituisse, extendendo manus suas, pro nobis in cruce: iterum verò nos illam aridam reddere, cum non extendimus ad Deum per orationem, nec ad proximum per misericordiam, nec ad nos ipsos per opera bona, quibus merita & præmia in coelis accumulamus.

**Punct. II.** Exeuntes autem Pharisei consilium faciebant adversus eum, quomodo eum perderent. Vbi Confid. 1. hanc primam fuisse conspirationem in necem Christi, & ubi de eo velut Messia suo reverenter excipiendo agere debuissent, agere de eo perdendo. 2. Iesus autem cum discipulis suis sciens, recessit inde, ut doceret nos contentiones modestè declinare, & cedere etiam inferioribus. 3. Et secuta est eum turba multa ex regionibus omnibus circumquaque, ita ut irruerent in eum, ut illum tangerent, quotquot habebant plagas, & curavit eos omnes. Tunc iam illum cum fide & humilitate accede, ut sanitatem perfectam obtineas.

**Punct. III.** Ut adimpleretur quod dictum est per Isaiam prophetam dicentem: Ecce puer meus, quem elegi; dilectus meus, in quo bene complacuit animæ meæ. Non contendet neque irascetur. Vbi Confid. 1. proponi nobis & commendari Christi modestiam & mansuetudinem, tum in agendo, tum in docendo. 2. Arundinem quæ satam non confringet, & linum fumigans non extinguet. Quod gemino proverbio significatur cum infirmos spiritu non opprellurum potentia sua aut iustitia, sed mansuetudine & clementia roboraturum. Vbi attende peccatores esse velut arundinem quassatam, materiam aptam ad ignem infernalem, & linum amisso lumine gratiæ, sed malle Christum eos reficere, quàm perdere, & expende quàm clementer tecum egit, atque ita fac etiam cum aliis.

Per 2

XIII. Chri-

Anno 32.  
Matio  
in monte  
Galilææ.

XIII. Christus exponit præcepta de adulterio, iuramento, & dilectione proximi. Matt. 5. Luc. 6.

**Punct. I.** Confid. 1. Christum docere hîc peccari adversus præcepta decalogi non solum actu externo, sed potissimum interno: & hinc sicut adversus præceptum 5. *Non occides*, peccatur etiam verbis, & affectibus iracundiæ, ita & adversus 6. *Non machaberis*, peccari etiam affectu pravæ concupiscentiæ, & consequenter delectatione ac cogitatione, atque hæc omnia à Deo cordium scrutatore punienda, ac proinde cavenda maxime iis, qui per votum castitatis Deo consecrati sunt, & quàm citissime in primo exertu velut anguem aut ignē è sinu excutienda. 2. Monet occasiones etiā hujus vitij, atq; idē est de ceteris, omni studio cavendas: ut sit in rebus corporalibus, si oculus tuus scandalizat te, erue eū & projice abs te. etiā manū & pedē, ac quævis membra, quantumvis chara & necessaria, si tamen inde corpori periculum creetur, esse refecanda, licet cum gravi doloris sensu: ita & peccandi occasiones noxias animæ, ut sunt consortia, colloquia, contactus, aspectus, etiam cum incommodo, penitus & promptè refecanda. *Qui amat periculum, peribit in eo. Qui tetigerit picem, inquinabitur ab ea. Ascendit mors per fenestras,* seu sensus; oculus meus depredatus est animam meam.

**Punct. II.** Confid. Præcepto secundo de iuramento, ex doctrina Christi, non vetari tantum iuramentum per Deum, sed etiam per creaturas, quia Deo subiectas, quarum dominium tunc nobis iniquè arrogamus: neq; etiā tam vetari tantum si subsit falsum, sed etiam si verum, adeoque illicitum, nisi hæc tria simul concurrant: *in veritate*, cum res vera est: *in iustitia*, cum licita: & *in iudicio*, cum necessaria vel utilis ad bonum nostrum vel proximi. 2. *Sit autem sermo vester: est, est: non, non.* id quod congruit simplicitati Christianæ, ac magis religiosæ, quorum vita conferre debet pondus iuramenti. *Quod autem his abundantius est, à malo est*, nempe diabolo mali omnis auctore; unde collige cavendas etiam omnes immodicas exaggerationes, potissimum in defectibus aliorum referendis.

**Punct. III.** Audistis quia dictum est: *Oculum pro oculo, & dentem pro dente: ego autem dico vobis, non resistere malo.* Vbi Confid. 1. Christum docere hîc legem illam talionis spectare Iudices, non verò subditos, nec proinde privatâ auctoritate iniurias ulciscendas. *Melior est uncia pacis, quam libra victoriæ*, ait Bellarminus, & Chrysostomus: *Non extinguatur ignis igne, sed aqua; sic iniuria mansuetudine, humilitate, & beneficiis.* 2. *Sed si quis te percusserit in dextram maxillam tuam, præbe illi & alteram*, nempe in preparatione animi, ut ait S. Augustinus, sic ut paratus sis potiùs quasvis iniurias etiam repetitas perferre, quàm vel iniquè vindicare, quod præcepti est, vel etiam defensio ē repellere, quod consilij, & amplexi sunt Martyres, insigni patientiâ, mansuetudine, caritate, & magnanimitate.

XIV. Oratio



# XIV. Orationis Dominicæ. Matth. 6 P. 1.

217

Anno 32.  
Majo in  
monte  
Gal.

**P**unct. I. Conf. I. Formam huius orationis præscriptam nobis à Christo, qui optimè noverat eam fore gratiorem Patri suo cælesti, vtiliorem nobis, & ad impetrandum efficaciorē: ideoque ad vocem *Pater* expende officium patris terreni, quod est dare filiis suis vitam temporalem, eos amare, nutrire, necessarijs instruere, erudire, in statu collocare, ac tandem hæreditate donare: & quàm perfectè hæc omnia in nobis adimpleat Pater cælestis, ut meritò dixerit Propheta: *Pater meus, & mater mea dereliquerunt me, Dominus autem assumpsit me.* Nostrium proinde, ut veros filios decet, officium esse, huic Patri deferre gratiarum actionem, amorem, honorem, obedientiam, fiduciam, ac potissimum imitationem virtutum paternarum. 2. *Noster.* Conf. amplam cælestis Patris in omnes liberalitatem, debitumque à te in omnes velut fratres amorem, nullà exceptione conditionis, ætatis, aut gradus, ac fructum ex omnium oratione. 3. *Qui es in celis.* Licet enim ubique præsens sit, quia tamen in cælis gloriam suam beatis manifestat, monemur affectum nostrum à terrenis ad cælestia transferre, inde opem omnem & auxilium implorare, neque habere nos hîc manentem civitatem. sed esse peregrinos & exules.

Heb. 13.

14.

**Punct. II.** *Sanctificetur nomen tuum.* Conf. I. Quid præ ceteris petere debeas, nempe ut honor Patris tui cælestis ubique promoveatur, ac suprema ejus Majestas non à te tantum, sed ab omnibus cognoscatur, adoretur ac prædicetur carmine sanctorum, *Sanctus, Sanctus, Sanctus:* timeatur, & diligatur ut summum bonum, mente, linguâ, & opere. *Tuum* nomen, non nostrum. *Non nobis Domine, non nobis, sed nomini tuo da gloriam.* 2. *Adveniat Regnum tuum.* Cùm Pater ille tuus simul Rex sit supremus, infinitè potens, & liberalis, pete ab eo ut regnet per gratiam suam in corde tuo, & omnium, expulsa inde potestate dæmonis, & pravorum affectuum, ac solus ipse hos sibi subiectos regat & protegat: sic ut & tu deinde ceterique omnes pervenire possint ad regnum eius cæleste, bonis omnibus cumulatum.

Apo. 4. 8.

Ps. 113. 6.

**Punct. III.** *Fiat voluntas tua.* Conf. I. Post honorem & imperium cælestis Patris propagatum, peti hîc ut debita obedientia illi non à te tantum, sed ab omnibus exhibeatur, exequendo eius voluntatem non tantum in præceptis illius, Ecclesiæ, & Superiorum, sed etiam in consilijs ac nutibus. 2. *Tua.* Non igitur propriam voluntatem, non mundi, carnis, aut dæmonis, quæ ad interitum ducit, sed ipsius, quæ ad salutem & veram animæ quietem ducit, implere stude, nec tantum in agendo, sed & patiando, morbos, dolores, iniurias, & quæcumq; adversa. *Sicut in calo & in terrâ.* Non qualiscumque obedientia illi exhibenda est, sed prout decet filios tan benigni Patris, & prout beati in calo ipsi exhibent, promptè, purè, fæstiter, & constanter, ita & ab omnibus in terra, quoad fieri potest, illi præster ir.

Ps. 142.  
10.

*Doce me facere voluntatem tuam, quia Deus meus es tu.*

R r 3

XV Ora-

Anno 32.  
Matio  
in monte  
Galilææ.

**P**unct. I. *Panem nostrum quotidianum da nobis hodie.* Contid. 1. Per panem intelligi quicquid necessarium est ad sustentationem tum corporis, ut sunt victus, vestitus, habitatio; tum animæ, ut sunt divina gratia, verbum Dei, Sacramenta, & oratio: utrumque pete, & humiliter ut mendicus à Rege coelesti. & confidenter ut filius à patre. 2. *Nosstrum*, nempe naturæ nostræ ejusque necessitati sublevandæ convenientem, ad vitam obsequio tuo alacrius impendendam, nobisque etiam comparatum meritis Christi. 3. *Quotidianum*, quotidie, quæ infirmitas nostra est, necessarium, nec peto etiam delicias corpori, neque animæ favores extraordinarios, sed auxilia ordinaria, sine quibus subsistere non possum. 4. *Da*, nam à te uno fonte omnis boni benedictio omnis expectanda est. 5. *Nobis*, non mihi tantum, sed & ijs qui, je ac te persequuntur; nominatim verò ijs qui propter te terrena omnia reliquerant. 6. *Hodie*, nam quovis die voluisti nos dependere à divina tua providentia, nec nos esse anxie sollicitos in crastinum, quod nobis incertum est. Concede igitur hoc die, atque etiam pro vita reliqua, quæ omnis instar diei est comparata æternitati.

**Punct. II.** *Et dimitte nobis debita nostra.* 1. Peccatorem me agnosco, quod celare non possum oculos majestatis tuæ, ac proinde debitorem culpæ & poenæ: utrumque remitti mihi atque alijs supplices petimus, filij à patre, proponentes seriam emendationem. 2. *Sicut & nos dimittimus debitoribus nostris.* Cōmunicasti nobiscum potestatem operis nobiscum: non pō remittendi iniurias, quod & voluisti esse conditionem remissionis à te faciendæ: dimitto igitur ex sincero corde plenè, & prōptè ijs qui me in aliquo offenderunt, ut sol non occidat super iracundiam nostram, neq; vlla signa aversionis, cupio ijs exhibere, imò & paratus sum eos peculiaribus beneficijs prævenire, sensumq; alienum superare contendam: quod ut omnes præstemus, gratia tuâ nos adiuvata.

**Punct. III.** *Et ne nos inducas in tentationem.* Non peto inimicis esse ab omni tentatione; cū sciam eam esse necessariā ad coronam meam & honorem trium: sed gratiam imploro, ne per liberum cōsensum tentationi succumbam. Scio dæmonem velut canem ligatum nihil posse sine pmissu tuo: quare auxilio gratiæ tuæ munitus non est quod timeam; scio etiam non nociturum nisi hærere accessero, sed conscius fragilitatis meæ, & astutiæ dæmonis, gratiam peto, qua pravam voluntatem meam cohibeam.

**Punct. IV.** *Sed libera nos a malo.* & præterito culpæ & poenæ, quod per peccata contraximus, & præsentis, quod nunc sive corpus, sive anima affligentis, sicut item impedit vel imminuit, & futuro quod tam in hoc sæculo occurrere potest, quam in futuro, poenis nempe inferni ac purgatorii, ac postillud à dæmone omnis mali auspice, & impulsore, ne nobis prevaleat. Amen. Ita ut fiat, verè peto, & animitus expeto, ac fiet; nam desiderium imperum exaudiuit Dominus.

XVI Chri-



**P**unct. I. *Queritis me, non quia vidistis signa, sed quia manducastis ex panis meo, & saturati estis.* Confid. I. Hosce de turba satiatos à Christo ita delectato, ne miraculoso, frequentes hic ad ipsam redire non gratitudinis aut iustitiae aeternae studio, sed commodi temporalis ac curiositatis; ideoque placide ab eo argui, quod miraculis suis non uterentur ad salutem. Sic multi amici sunt mensæ potius Christi, quam Christi, neque ipsam quaerunt nisi propter corporis commoda, de quibus Apostolus: *Omnes quæ sunt hæc, non quæ Iesu Christi.* & Augustinus: *Vix quæ itur I. sus propter Iesum.* 2. *Operamini non cibum qui perit, sed qui permanet in vitam æternam.* Monet eos ut solliciti sint de cibo non corporis, qui perit, sed animæ que receduntur immortales, nempe de gratia Dei, virtutibus, Sacramentis, ac nominatim Eucharistiæ à se instituenda.

**Punct. II.** *Dixerunt ad Iesum: Quid faciemus ut operemur opera Dei? Respondit eis Iesus: Hoc est opus Dei, ut credatis in eum, quem misit ille.* Vbi Confid. I. Christum requirere ab eis pro salute consequenda, non ardua aut laboriosa, sed fidem in se tanquam à cœlesti Patre missum, prout tot manifestis miraculis & argumentis sæpius demonstraverat, ac proinde observantiam doctrinæ suæ. 2. *Opponentibus miraculum Moysis de cœlesti manna, quo missionem suam à Deo confirmaverat, respondit Christus: Non Moyses dedit vobis panem de celo.* Vbi advertit antithesin: non Moyses, sed Deus: non vobis dedit, sed Patribus vestris: non de celo, sed de aere. *sed Pater meus dat vobis panem de celo verum.* Is qui dat omnibus panem corporalem, dabit & hunc spiritualem animæ, verum, cuius manna erat tantum typus & signum, verè vivificum, verè cœlestem, eam naturam habeat cœlestem & divinam, ac vitam conferat in cœlis æternam: eò igitur fides nostra & desideria excitanda sunt.

**Punct. III.** Confid. I. Turbis hunc panem petentibus, Christum benignè respondere. *Ego sum panis vitæ, seu vivificans, quo alludit ad arborem vitæ* Gen. 2. 9. *in paradiso, cuius fructus aliaturus erat Adamo ac posteris vitam longævam, sanā, leticem & robustā; quæ omnia longè uberius & efficacius præstantia sunt per hunc panem cœlestem Eucharistiæ.* 2. *Qui venit ad me, gressibus mentis, per fidem, obedientiam & caritatem, non suriet amplius terrena, quia confero illi vitam non deficientem gratiæ & gloriæ, ubi omne desiderium explebitur & erit omne delectamentum suavitatis: Memoriam abundantis servitutis tue cruciabunt, & iustitia tua exultabunt.* 3. *Sed dixi vobis, quia vidistis me, tot tamque stupenda & illustria signa patrantem, ex quibus me Messiam cognoscere poteratis & debebatis, & tamen per animi obstinationem, non credistis.* Nos Christi in ferenda eorum incredulitate patientiam attendamus, & plenius in fide instructi dicamus ei supplices: *Tantum opus, ergo Sacramentum veneremur cernui, & antiquum documentum novo cedimus.*

## XVII. Christus arguit vacillantes in fide Eucharistiae. Ioan. 6.

*Punct. I. Durus est hic sermo, & quis potest eum audire.* Confid. 1. durum fuisse & ingratum incredulis discipulis, ac de eo obmurmurantibus; iucundum verò & pergratum esse fidelibus, ac proinde illos à Christo redargui à quibus præsens post tot recentia miracula, hanc fidē per se obtinere non poterat. 2. *Spiritus est qui vivificat, caro non prodest quidquam.* Exponit Christus vim & potentiam vivificandi non procedere propriè à carne sua, sed à divinitate illi conjuncta, quæ cum omnipotens sit, nihil illi esse denegandum; ac proinde verba sua spiritali sensu accipienda. Unde subdit. 3. *Verba quæ ego locutus sum vobis, spiritus & vita sunt.* significans ea intelligenda non de comestione carnali per partes facienda, sed modo spiritali, quo totum corpus vivum & illæsum sub specie panis & vini invisibiliter, sed realiter, præsens sumitur, in quo Christi veracitatem reverenter adora.

*Punct. II. Ex hoc multi discipulorum ejus abierunt retro.* Confid. 1. multos hinc à Christo defecisse ex superbia, eò quòd nollent in mysterio Eucharistiæ captivare intellectum, & Christo in hoc adversatos fuisse, in quo oportebat esse maximè intentos; humiliter interrogare, non viliter desperare; instructionē patienter expectare, nō superbè reijcere. 2. *Dixit ergo Iesus ad duodecim: Numquid & vos vultis abire?* Vbi Conf. Christum hoc iis proponere tum ut ostendat se relinquere omnes libertati suæ, se nemine egere, illos beneficium potius accipere quàm præstare, tum ut exploret eorum constantiam, & occasionem det fidem suam palam & indubitanter profitendi. 3. *Respondit ei Simon Petrus: Domine ad quem ibimus? verba vite æternæ habes.* Præ omnibus & omnium nomine non solum fidem profitetur, sed & amorem, cum ostendit Christum unicum esse Magistrum qui docere possit viam, ac simul velut manu ducere, & portam aperire ad vitam æternam, ideoq; merito omnibus creaturis etiam parentibus & propinquis debere nobis esse chariorem: vbi attende infelicitatem deficientium à Christo.

*Punct. III. Nonne ego vos duodecim elegi, & ex vobis unus diabolus est?* nempe Judas, qui hinc primam malignandi videtur sumpisse occasionem, diabolus imitatione & similitudine apostasiæ, impænitetiæ, ac damnationis, quæ omnia Christus prævidebat, ac nominatim calumnias ejus quibus non solum apud plebem, sed & apud Principes verba & opera Christi erat impiè traducturus, eumq; post annum proditurus. Vbi attende prolixam Christi patientiam in homine tam perditio, & abominandā prodicionem adornante tam clementer, tanto tempore tolerando, fovendo, & in mensa sua asiendo. 2. Conf. noluisse tamen Christum nominare hinc Judam, tum ut famæ ejus parceret, tum ut omnibus timorem incuteret ne de se superbe præfiderent, tum ut sollicitos redderet, & horrore erigeret ad vigilantiam. Disce hinc cum tremore operari salutem, & in loco etiam sanctissimo, ac gradu alui non timere lapsum, qui è gravior est, quòd gradus in quo stas, est altior.

XVIII. Christus



**XVIII. Christus prehendit petentes nova signa, monet cavendum ab eorum doctrina, & cæcum illuminat.** Mat. 16. Marc. 8.

Anno 33  
Macton  
Macton  
& Beth-  
saida.

**Punct. I.** Accesserunt ad Iesum Pharisei & Sadducei tentantes; & rogaverunt eum ut signum de cælo ostenderet eis. Confid. 1. Christum hîc meritò arguere superbos Phariseos, & Sadduceos Hæreticos, tot evidentibus signis, quæ in terra passim ediderat, necdum permotos, quia animum induraverant; ideoque petentibus nova signa de cælo, opponere ipsos ex nubus rectè colligere auram serenam vel pluviam, iisque signis acquiescere. *Faciem ergo cæli diiudicare nostris, signa autem temporum iam completorum manifesta, & certissima de adventu Messia non potestis scire?* sed sermone eos & frustra agnituros signa adventus sui posterioris. 2. Confid. cum S. Augustino signa præcedentia hunc primum Christi adventum designasse serenitatem gratiæ, præcessura verò adventum posteriore designatura tempestatem vindictæ, quam detonabit in reprobos, cum fulmine maledictionis. Tu stude nunc assequi signa salutis tuæ, tranquillitatem conscientia, cultum Deiparæ, & observantiam legis divinæ, ac religionis.

**Punct. II.** Conf. Christum iterum transferentem cum discipulis monere eos: *Cavete à fermento Phariseorum & Sadduceorum*, quo designabat eorum doctrinam aridam, vitiosam, & superbiâ tumentem: sic & tu cave omnes pravæ suggestiones, siue ab hominibus, siue à dæmonibus. 2. Ipsum discipulos, cum fermenti nomine panes intelligerent, de his anxie sollicitos redarguete, tanquam *modice fidei*. 3. Conf. cum S. Chrysostomo Christum aliàs mansuetudine, aliàs etiam reprehensione, prout hîc facit, suos erudire, eò quod utroque remedio homo indigeat: sic Deus non semper prospera, nec semper etiam immittit adversa, sed noctem dies, & hiemem æstas sequitur, dolor & voluptas, ægrotudo & sanitas sibi succedunt, à divina manu temperata ad nostram salutem.

**Punct. III.** Et veniunt Bethsaidam, & adducunt ei cæcum, & Iesus apprehensa manu ejus, cavit eum extra vicum, & expuens in oculos ejus, imposuit manibus suis; interrogavit eum si quid videret. Et aspiciens ait: *Video homines velut arbores ambulantes.* Confid. 1. Christum ob incredulitatem incolarum Bethsaidæ cæcum hunc inde educere ut beneficium ei conferat extra confortium malorum, & turbam ac strepitum. 2. Deinde iterum imposuit manus super oculos ejus, & cepit videre, & restitutus est, ita ut clarè videret omnia. Confid. Christum sensim hunc cæcum curasse, ut se fidei ac fiducia ejus sensim crescenti attemperaret, atque ita & nos debere sensim in Dei cognitione & cultu proficere ac tunc ampliora nobis etiâ beneficia à Deo conferenda. 3. Cæcum hunc esse animam nostram, quæ non attendit præterita, præsentia, futura: siue dolores Christi pro nobis toleratos; S. doctorum exempla, mundi vanitatem, Dei misericordiam & iustitiam, diem mortis & iudicii, inferni tormenta, & cæli gloria.

Anno. 33.  
Octob. 7.  
Ierofoly.  
maz.

322

XIX. Christus Iudæos credulos hortatur ad constantiam, & arguit incredulos.

Ioan. 8.

**P**unct. I. Si vos manseritis in sermone meo, verè discipuli mei eritis. Conf. I. Christum hinc hortari Iudæos doctrinâ suâ conversos ad constantiam, ne vel pro speris, vel adversis ab ea deficiant, sed quam amplexi iam erant, fortiter ad extremum usque spiritum retineant; atque hac nota constantiæ & fortitudinis ipsos probaturos se veros esse Christi discipulos, atque ab eo velut cœlesti Magistro plenius ac certius quotidie instruendos. 2. Et cognoscetis veritatem. Promittit iis alterum fructum hujus constantiæ; cognituros nempe experienciâ, quàm sua doctrina sit vera, sincera, certa, ac salutaris, se esse primam veritatem infallibilem, ac sublatis umbris legis veteris, se omnes promissiones Patribus eorum factas veraciter adimpleturum. 3. Et veritas liberabit vos. Hunc tertium ponit constantiæ fructum, eripiendos ipsos non tantum servitute legis Mosaicæ, sed & peccati, dæmonis, ac mortis æternæ, atque afferendos in libertatem filiorum Dei. Vbi Confid. quotquot à Christo non liberantur manere sub hac miserrima servitute. Subdit: Omnis qui facit peccatum, servus est peccati. A quo enim quis superatus est, hujus & servus est. Iniquitates sue capiunt impium, & funibus peccatorum suorum constringitur. Stipendia peccati mors. De quo Augustinus: Vnusquisque peccando animam suam diabolo vendit, accepto tanquam pretio dulcedine temporis voluptatis. Non ergo regnet peccatum in vestro mortali corpore.

2. Pet. 2.  
19  
Prov. 5.  
22.  
Rom. 6.  
23.

Punct. II. Si filij Abrahæ estis, opera Abrahæ facite. Conf. I. Christum hinc arguere, eos qui vanè gloriabantur, se secundum carnem originem ducere ex Abrahamo, & interim ab ipsius indole, obedientia, ceterisque virtutibus maximè discrepabant; ac proinde originem illam nihil ipsis profuturam, nisi & imitatio virtutum accesserit: vnde discite & Christianis & Religiosis incumbere, ut se non veste ac nomine, sed vitâ & moribus tales exhibeant. 2. Allegantes deinde se secundum spiritum ex Deo natos, unum Patrem habemus Deum, redarguit Christus: Si Deus Pater vester esset, diligeretis utique me, ego enim ex eo processi, ab æterno secundum divinam naturam, & veni in tempore secundum humanam ab eo missus: hinc discite fidem tuam in Deum probare reverentiâ & amore erga Christum.

Punct. III. Vos ex patre diabolo estis: non natura, sed imitatione, ut ait S. Augustinus, & S. Ambrosius, successionem non carnis sed criminis. Nam desideria patris vestri vultis facere, consentientes diabolo vos ad peccata excitanti: quare tentationibus eius stude fortiter resistere. 2. Exprimit in particulari in quo ipsi diabolum imitentur: Ille homicida erat ab initio, cum occidit primos parentes quod animam & corpus ac totam posteritatem, quod fecit non gladium stringendo, sed peccatum persuadendo. Deinde in veritate non stetit, quo arguit etiam eorum inconstantiam Denique eam loquitur mendacum, ex proprio nuntio, quia mendax est, & pater ejus.

XX. Christus



XX. Christus monet cavendam avaritiam. Luc. 12.

323

Anno 11.  
Novemb.  
in Luca.

**P**unct. I. Magister dic fratri meo, ut divi dat mecum hereditatem: at ille dixit illi: *Homo quis me constituit iudicem aut divisorem super vos?* Confid. 1. Christum hic interpellatum de controversia inter duos fratres circa bona temporalia, non negare sibi competere potestatem de iis iudicandi, cum supremus omnium Rex ac Iudex esset à Patre constitutus, sed noluisse se negotiis secularibus immiscere: *Nemo militans Deo implicat se negotiis secularibus.* Et ut ostenderet munus suum esse curandi omnibus possessionem hereditatis non terrenæ, sed cœlestis. 2. Subdit: *Cavete ab omni avaritia,* quæ est inordinata cupiditas divitiarum, *radix malorum omnium, & idolorum servitus,* eò quod illi tanquam Deo serviant, & omnia ejus causa faciant, premantur ab ea mancipatu miserrimo in bonis conservandis, & augendis, ac curis illis tanquam spinis assidue pungantur.

**Punct. II.** Conf. 1. Christum ostendere vanam sollicitudinem avarorum exemplo divitis, *cujus ager uberes fructus attulit, & cogitabat intra se dicens: Quid faciam, quia non habeo quo congregem fructus meos? Hoc faciam: destruam horrea mea, & maiora faciam.* Attende curas & anxietates divitum. Angitur hic tanquam pauper, quia dives est; eget loco, quia opibus abundat; consilium capit à cupiditate, quod capere deberet à ratione & charitate. 2. *Et dicam anima mea: Anima habes multa bona posita in annos plurimos: requiesce, comede, bibe, epulare.* Multa bona appellat terrena & transitoria, quia non novit cœlestia & æterna; ubi Conf. exilia esse ea bona quæ nobis hic cum impiis & brutis communia sunt, verè magna bona esse quæ possident iusti, nempe gratiam Dei & virtutes. *Beatum dixerunt populum cui hæc sunt: beatus populus cujus Dominus Deus ejus.* 3. Confid. Vitam nostram sæpè nos fallere: apparet longa cum brevis sit. *Quæ est vita vestra? vapor est ad modicum parens, & deinceps exterminabitur.* Ducunt in bonis dies suos, & in puncto ad inferna descendunt. *Quantum glorificavisti se, & in deliciis fuit, tantum date illi tormentum & luctum.*

Ps. 143:  
15.  
Iac. 4. 15.  
Job 21. 11.  
Apoc. 18.  
7.

**Punct. III.** Dixit autem illi Deus: *Stulte hac nocte animam tuam repetent à te.* Confid. Rectè stultum vocari, quia de vita alieno dominio subiecta promittit sibi annos multos, quia de corpore & vita præsentis tantum est sollicitus, non verò de anima & vita futurâ. *Hac nocte,* quia lucem considerationis admittere noluit, *animam tuam,* quæ Dei est, sed tibi instar depositi ab eo concredita, *repetunt Angeli quasi exactores à Deo submissi,* ut tribunali ejus sistatur & rationem reddat acceptorum à te, etiam invito, nec opinante, nec parato. 2. *Quæ autem parasti, cujus erunt?* ne scis an heres futurus amicus, an inimicus, *relinquent alienis divitias suas. Nihil invenerunt carnes viri divitiarum in manibus suis.* Ambros. *Non nostri sunt, quæ non possumus auferre nobiscum: sola virtus comes est defunctorum.* Ope. 3. eorum sequuntur illos,

Ps. 48. 11.  
Ps. 75. 6.  
Apoc. 14.  
13.

A. 10132.  
Decemb.  
in itinere  
Ierofol.

XXI. *Christus docet viam cœli esse angustam.* Luc. 12.

**P** *V. Et. 1. Contendite intrare per angustam portam.* Confid. 1. Christum hîc respondere ad quæstionem sibi propositam: *Domine si pauci sunt qui salvantur?* & ostendere plerosque molestia ac difficultate deterritos à salute excidere, quæ difficultas appellatur *angusta porta*, quia nulli cum sarcina terrenorum affectuum vel alicujus peccati ingressus permittitur, & *arcta via qua ducit ad vitam*, quia ratio vivendi secundum virtutem sita est inter duo præcipitia excessuum & defectuum, & contraria pravæ hominum inclinationi, aded ut contentione & certamine opus sit. *Regnum cœlorum vim patitur, & violenti rapiunt illud.* Quod quia plurimis non lubet, *pauci sunt qui inveniunt eam.* De qua paucitate, comparatione reproborum, sancti Patres, ac nominatim S. Chrysostomus severè pronunciant, ac typum habent, is in uno Loth cum familia sua liberato ex incendio Sodomæ, in uno Nö cum familia ex universali diluvio; in duobus Iosue & Caleb ingressis terram promissam, ex sexcentis millibus; ad laborandum proinde cuilibet, ut inter paucos illos inveniatur. 2. Conf. difficultatem & asperitalem viæ hujus transire, sed remanere deinde perpetuam amœnitatem, & gaudia in adepto felici fine: sicut & transit amœnitas, & gaudia in lata via peccatorum, ac remanent deinde æterni luctus, & tormenta in termino infelicissimo. 3. Recreationem tamen spiritus non deesse in via illa arcta salutis; ex floribus virtutum, arbore crucis, sacramentis velut fontibus sitim reficientibus, & rore cœlestium solationum mitigari molestiam dum mente concipiuntur termini hujus æterna gaudia, & alterius tormenta, mundi vanitas, & virtutum pulchritudo: insuper vestigia Christi & Sanctorum complanare viam & stimulos addere. 4. *Lata porta & spatiosa via est, que ducit ad perditionem, & multi sunt qui intrant per eam;* quia ratio illa vivendi corporis sensibus incunda est; quam proinde plurimi sectantur. De utraque autem S. Hieronymus: *Quanta inter has vias separatio, quantum discrimen! hac ad mortem tendit, illa ad vitam: hac teritur à multis, illa vix invenitur à paucis: hæc vitis per consuetudinem declivior ac mollior, illa insuetæ calle virtutum tristior & horridior.*

*Punct. II. Tunc incipietis dicere: Manducavimus coram te & bibimus, & in plateis nostris docuisti. Et dicet vobis: Nescitis me: discedite à me omnes operarii iniquitatis.* Confid. 1. Christum hîc præmonere eos, non profuturam ipsis familiaritatem secum in terra habitam, ed quod illa ad salutem usi non sint; unde discite nec profuturum etiam Christianis, aut Ecclesiasticis statum suum, si vita & opera non responderint. 2. Minatur eis æterna supplicia, nisi tempestivè resipiscant, *Ibi erit fletus, & stridor dentium,* & successuros in locum eorum gentiles. *Erunt novissimi primi:* nam hi velut caecæ à Judæis contemnebantur, & ultimi ad Dei cognitionem accesserunt, & erunt primi novissimi.



325  
XXII. Christus adolescentem cupidum salutis instruit ad perfectionem.

Anno 34.  
Febr. in.  
Bethania  
a. Lord.

Matt 19. Marc. 10. Luc. 18.

**P**unct. I. Magister bone quid faciens vitam æternam possidebo? Confid. 1. Adolescentem hunc opulentum & Principem, ut ait S. Lucas, commotum fama de doctrina & operibus Christi, eiusque sermone de regno cœlesti, accessisse eum supplicem, genuflexo, ac petijisse non dona temporalia, sed modum seu viam consequendi salutem æternam vide num tua desideria & orationes eò tendant. *Querite primum regnū Dei & iustitiam eius, & hæc omnia adjicientur vobis.* 2. Qui dixit ei: Quid me dicis bonum? nemo bonus nisi solus Deus. 33. Significat Christus solum Deum esse bonum ex natura & essentia, immutabiliter, infinitè, & fontem omnis boni creati, atque ita excitat eum ad se cognoscendum Deum, docetque nos, cum laudamur, laudem omnem in Deum referre. 3. Si autem vis ad vitam ingredi, serva mandata. Vocat beatitudinem vitam simpliciter, quia ut ait S. Gregorius, *temporalis vita æternæ vitæ comparata, mors est potius dicenda quam vita; ipse enim quotidianus defectus corruptionis quid est aliud, quam quedam prolixitas mortis?* Requirit autem pro vita illa felicissima consequenda tanquam medium necessarium observantiam mandatorum. *Si volueris mandata servare, conservabunt te:* velut arx aut moenia urbis, dum à nobis servantur, etiam nos servant. Marc. sup. Matt. 6. 33. Eccl. 19. 16.

Punct. II. Dicit illi adolescens: Omnia hæc custodi vi à iuventute mea: quid adhuc mihi deest? Conf. 1. Si hic illustris adolescens in sæculo, & lege veteri lōgè paucioribus auxiliis gratiæ instructus id fecerit, quid à nobis in tanta gratiarum & mediorum abundantia nunc Christus expectet? expende hic languorem tuum, frequentes transgressionem & inconstantiam. 2. Ait illi Iesus: Si vis perfectus esse, perfectiori modo caritatem exercere, & sic ad altiorem gloriæ gradum perringere, vende quæ habes, omnia, & quantæ sunt, idque statim sine mora ulteriori iniecta, & da, non consanguineis aut propinquis, sed pauperibus: ecce consilium voluntariæ paupertatis, cuius amaritudine ne deterreatur, subdit dulcedinem mercedis: *Ei habebis thesaurum in cælo; non amittes, sed recipies cum certo & amplo incremento ea quæ hic corruptioni & iacturæ obnoxia relinquis.* 3. Addit & *veni, sequere me;* subijce te instituto meo, etiam in consiliis ad salutem, non solum per voluntariam paupertatem, sed etiam castitatem & obedientiam, quæ vox inquit S. Bernard. *implevit claustra monachus, & deserta anachoretis.*

Punct. III. Qui contristatus in verbo abiit mœrens, erat enim habens multas possessiones. Conf. 1. Hunc adolescentem licet salutis atque etiam perfectionis cupidum, tamen impedimenta divitiarum sensisse, quando de iis abdicandis sermo fuit. 2. Et circumspiciens Iesus ait: *Quam difficile qui pecunias habent in regnum Dei introibunt.* Ubi Confid. pericula divitiarum, & felicitatem pauperum pro Christo.

**XXIII. Christus quæstionem Iudæorum de potestate sua retundit alterâ,**  
eosq; parabola duorum filiorum improbitatis convincit. Matth. 21.

Marc. 11. Luc. 20.

**P** *Vnt. I. Accesserunt in templo docentem Principes sacerdotum, & seniores populi dicentes: In qua potestate hac facis? Confid. 1. Christum, licet iam sæpius verbis inculcasset, & miraculis comprobasset missum se esse à Patre cœlesti Messiam ad salutem humani generis, & interim videret holce cum aliis plurimis odio induratos, & invidia excacatos nolle veritatem agnoscere, sed calumniis impugnare, dare hîc nobis exemplum in aliorum impropriis, & calumniis patientet sustinendis, & modestè, ubi opus est, refellendis. 2. Confid. eum malignam eorum quæstionem quæstione alterâ modestè, sed nervosè retundere: Interrogabo vos & ego, inquit, unum sermonem; baptizmus Ioannis unde erat? è cœlo, an ex hominibus? Cum autem scirent Ioannem passim ab omnibus Prophetam habitum, ejusq; doctrinam cœlestem, quâ potissimùm tradiderat Christum esse Messiam & mundi salvatorem, eos advertentes se hac quæstione illaqueatos ad Christum agnoscendum, noluisse sensum suum expromere, sed eum mendacio velasse, Nescimus: in quo attende eorum pervicaciam & confiduritiem tuam. 3. At illis Christus: Nec ego dico vobis, in qua potestate hac facio. Ostendit non posse eos sibi imponere, seque eorum pravos sensus intimè penetrare, ideoque nolle etiam se iterum apud eos idem repetere, apud quos videbat se nihil profecturum: Tu Christum audi, dum ad cor loquitur.*

*Punt. II. Confid. 1. Christum deinde ipsis pervicaciam eorum ob oculos ponere parabolâ duorum filiorum dissimiliter patri obtemperantium, qui cum iuberentur à patre in vinea operari, prior dixit: Nolo. postea autem penitentia motus, abiit. Alter verò ait: Eo Domine, & non iit; unde interrogati ipsi, quis ex duobus fecit voluntatem patris? dicunt ei: Primus. Ab infinita sapientia Christi inducti sunt ad sententiam contra se ferendam, sicut olim*  
*2 Reg. 12. David à Nathano, cum ab eo audivit: Tu es ille vir. 2. Subdit illis Christus: Publicani & meretrices præcedent vos in regnum Dei, significans peccatores hos aliosque similes esse filio priori, qui licet mandata Dei verbis & factis primùm repulissent, postea tamen ad prædicationem Ioannis & Christi relinquerunt, ac proinde in Ecclesia & regno cœlesti ipsos præcessuri sunt; ita Magdalena, Matthæus, Zacchæus, Paulus, aliique à peccatis suis ad Deum seridè conversi, quorum & constantiam tibi propone imitandam. 2. Ipsos verò similes esse filio secundo qui legem Dei frequenter in ore habebant, & illos doceant, ejus observantiam externis ceremoniis profiteantur, & interim factis minimè observent, in quo notat eorum hypocrisim, & nimiam duplicitatem. Vbi Confid. iis etiam similes esse eos, qui statu & vestibus profitentur sanctitatem, quam interim opere non præstant.*

XXIII. Chri-



337

**XXIV. Christus docet Sadducæos resurrectionem carnis, & continentiam**  
*in cælo. Matth. 22. Marc. 12. Luc. 20.*

Anno 34.  
 Martijaz.  
 Ierolimy.  
 mæ.

**Punct. I.** Confid. Sadducæos, qui erant inter Iudæos hæretici, negantes immortalitatem animæ, & corporum resurrectionem, audita aliàs doctrinâ Christi de resurrectione, contra hanc excogitasse quæstionem, quàm putabant inextricabilem, & hîc Christo proponere; cum nempe mulier aliqua pluribus viris morientibus successivè nubit, cui ex illis in resurrectione iungenda sit. Quam quæstionem Christus ostendit in errore fundatam: *Erratis, nescientes scripturas neque virtutem Dei.* Vbi adverte hæreses omnes provenire ex ignorantia Scripturæ sacræ, quam nolunt intelligere ad sensum Ecclesiæ, sed privatum affectum; atque inde ex uno errore in plures delabi. 2. *In resurrectione enim neque nubenti, neque nubentur, sed erunt sicut Angeli Dei in cælo:* non naturâ, sed puritate & incorruptione; ac proinde sicut non indigent cibo, ita nec nuptiis aut generatione ad speciem propagandam; unde collige castitatem virtutem esse maximè Angelicam, eamque similitudinem castos in hac vita inchoare, de qua S. Bernardus: *Differt inter se homo pudicus & Angelus; sed felicitate, non virtute, etsi enim illius castitas felicitior, hujus tamen fortior esse cognoscitur,* ac proinde laudabilior. 3. Conflicet voluptas carnalis post hanc vitam cessatura sit, sanctos tamen omnes beandos in cælo voluptate etiam corporali pura, incomparabiliter maiori, æternum duratura, Deo & Angelis propria, quam ut consequaris, abstinere nunc à carnali, communi cum peccatoribus & brutis. 4. Christum, sicut ab Angelis colitur in cælis, ita & voluisse hîc in terra ab hisce potissimum qui se per castitatem etiam voto firmatam ei dicarunt: velut Angelis peculiariter coli, esse, hos milites coelestes, quibus ipse arma & auxilia abundè subministrat, *Sufficit tibi gratia mea, ad decertandum contra carnem & diabolum, diuturnos martyres, ac gatillimas Deo victimas.* 8.

2. Cor. 12.

Exo. 3. 6.

1. Cor. 13.

1. Cor. 13.

Deut. 32

**Punct. II.** Confid. 1. Christum deinde manifestè ostendere eis futuram resurrectionem ex Moyle, unde ipsi quæstionem suam deprompserant; ubi Deus dicit: *Ego sum Deus Abraham, & Deus Isaac, & Deus Jacob,* unde subdit: *Non est Deus mortuorum, sed viventium.* Cum igitur non possit esse Deus, iudex, & remunerator eorum qui non sunt, sequitur illos saltem secundum animam superesse atque hanc secundum naturalem exigentiam aliquando corpori suo iungendam. 2. Corporum resurrectionem etiam necessariam esse, ut corpus quod in hac vita particeps fuit operum bonorum ac malorum, dolorum ac gaudiorum, in altera etiam particeps sit mercedis: ac proinde corpora iustorum speciosa ac fulgida in omnibus sensibus ac membris, iis nominatim quibus plura pro Deo passi sunt, torrente voluptatum beanda: *Quæ oculus non vidit, nec auris audiit, & corpora verò damnatorum deformia & lurida, in omnibus pariter crucianda.* quæ quis peccat, per hæc & torquetur. Fel draconum vinum eorum.

**XXV. Christus**

Anno 34.  
Martij 21  
Hieroso-  
lymæ.

328

**XXV. Christus inſectatur vitia Scribarum & Pharifeorum. Matth. 23.**

**P**unct. I. Conf. I. Christum, sicut initio doctrinæ suæ posuit octo Beatitudines, compellans & repetens toties beatos cultores variarum virtutum, quibus singulis mercedem cœlestis gloriæ variis nominibus promittit: ita & hic sub finem doctrinæ & vitæ suæ octo maledictionibus inſectari Scribas & Phariseos, eos toties hypocritas compellendo, tanquam simulatores & histriones, qui personam gerant viri probi & sancti; cum sint improbi & iniqui, ac proinde toties detonare in eos horrendum *va*, tanquam fulmina æternæ damnationis tum prædicendo mala eventura, tum condolendo. 1. Igitur eos arguit propter publica scandala populo passim data: *Quia clauditis regnum cœlorum ante homines*, dum in auctoritate & dignitate constituti pessimis vitæ exemplis alios arcetis ab ingressu in Ecclesiam & gloriam cœlestem: *Va mundo à scandalis*. 2. Propter avaritiam velatam externa pietate. *Quia comeditis*, sive exhaustis domos viduarum, orationes longas orantes, & sic illudentes illis, ad ampliora stipendia extorquenda.

Matth. 18.  
7.

**Punct. II.** Conf. I. Tertium vitium in quo eos arguit, amorem proprium velatum amore proximi, *circuitis mare & aridam, ut faciatis unum proselytum*; ut aliquem è gentilismo convertatis ad religionem Iudaicam, idque tantum, ad vanam gloriam & lucrum temporale. quos postea pravis exemplis facitis etiam vobis deteriores. 4. Avaritiam antepositam religioni; quia dicitis: *Quicumque iuraverit per templum, nihil est; qui autem iuraverit in auro templi, debet*. sic ut iuramenta, in quibus Deus non exprimitur, dicerent non obligare, nisi cederent in eorum utilitatem. 5. Neglectum graviorum mandatorum, inhærendo minimis. *Decimatis mentam & anethum, & cuminum*, ex vilissimis herbis urgetis decimas pendi, & reliquistis quæ graviora sunt legis, iudicium, seu iusticiam erga oppressos, & misericordiam erga pauperes, & fidem in Deum & Christum ejus: *Hæc maiora oportuit facere, & illa minora non omittere*, excolantes culicem, camelum autem glutientes, in minimis meticulosi & scrupulosi, in maximis securi & audaces.

**Punct. III.** Conf. Sextum vitium, externam tantum speciem virtutis, & neglectum internæ, *mundatis quod de foris est calicis, & paropsidistis, intus autem pleni estis rapina & immunditia*. cum tamen ante & super omnia sectanda sit mundities conscientiæ. 7. Interna & occulta scelera velata exteriori modestia. *Similes estis sepulchris dealbatis, quæ a foris parent hominibus speciosa, intus verò plena sunt ossibus mortuorum, & omni spurcitia*. Si bonum est, apparere probum, studendum ut simus. 8. Denique intentionem pravam arguit in operibus bonis. *Edificatis sepulchra prophetarum, & ornatis monumenta iustorum*, captantes inde gloriam & favorem populi, & interim *sepelientes imitatores estis eorum qui prophetas occiderunt*, nominatim dum Christo Prophetarum in Domino mortem machinamini.

1680

**XXVI. Iudæi**



## XXVI. Iudai consilium ineunt de Christo occidendo, Iudas paciscitur,

Et agnus Paschalis paratur. *Matt. 16. Marc. 14. Luc. 22.*Anno 34.  
Martij 23.  
Bethaniz  
& Iero-  
solyma.

**P**unct. I. Senis, quia post biduum Pascha fiet, & filius hominis tradetur ut crucifi-  
gatur. Conf. 1. Pascha celebratum quotannis à Iudæis in memoriam  
populi liberati à Deo ex servitute Egypti, cum Angelus ad hoc nocte  
præcedenti percussit omnes primogenitos Egyptiorum, transiens domos  
Israelitarum ætatis; unde dies ille *Phasc*, seu *Paschæ*, id est *transitus Domini*  
nomen accepit. Sed quem diem grati animi memoria colere debuissent, *Ex. 12.*  
quàm horrendo crimine foedarunt! Tu cave dies festos peccatis, vanita-  
tibus, aut otio transigere, sed eos Divino cultui impende. 2. Confid.  
Christum traditum fuisse Iudæis in mortem à diversis diverso affectu; à  
Patre cœlesti ex affectu misericordię erga nos & iustitię, *Pro nobis omnibus*  
*tradidit illum*; à seipso ex eodem affectu. *Tradidit semetipsum pro nobis*; à Iuda  
ex avaricia. *Quid vultis mihi dare, & eum vobis tradam?* à diabolo ex odio. *Cum*  
*diabolus misisset in cor, ut traderet eum Iudas.* denique à Iudæis in manus gen-  
tium ex invidia. *Sæpebat Pilatus quod per invidiam tradidissent eum.* Et hæc omnia  
ad misisse Christum in salutē tuā. 3. Tunc congregati sunt Principes sacerdotum,  
& consilium fecerunt, ut Iesum dolose tenerent, & occiderent. Tunc, cum maxime  
debuissent esse solliciti de gratiis agendis, Magistratus Ecclesiasticus &  
civilis convenerunt in aulam Cayphæ Pontificis, ibique unanimi consen-  
su decreverunt liberatorem suum, ac redemptorem occulte capere &  
occidere, sed Deus consilium pravorum dissipat.

*Ex. 12.**Rom. 8.**32.**Epist. 5. 2.**Matt. 26.**15.**Ioan. 13.**2.**Matt. 27.**18.**Iob 5. 13.*

Punct. II. Intravit autem satanas in Iudam. Conf. 1. Intraße hunc per ostium  
avaritię, per quod ei aditus patebat: tu vide quo vitio diabolus in te  
ingressum sui parare possit, & peculiari examine occurre. 2. Ethic tūc abijt,  
unus de duodecim ad principes sacerdotum, & ait illis: *Quid vultis mihi dare, &*  
*ego vobis eum tradam?* Confid. hic singularem Iudæ ingratitude in erga  
Christum, Magistrum suum, à quo assumptus fuerat ad Apostolatam,  
donatus potestate pellendi dæmones, & morbos, cujus doctrinæ auditor  
& virtutum ac miraculorum spectator fere triennium fuerat. *Tu verò ho-*  
*mo unanims, Aux meus & notus meus:* disce hinc etiam tibi timere: *Qui stat*  
*videat ne cadat.* *Casus maiorum sit tremor minorum.* 3. Confid. Iudam offerre  
Christum velut vile mancipium quovis pretio venalem. *At illi constitue-*  
*runt ei: triginta argenteos, seu florenos, quod pretium erat vitę servi.*  
Tu vide num Christum vendas pretio vilioris voluptatis.

*Pf. 54. 13.**1. Cor. 10.**2.**August.**Ex. 11.**32.*

Punct. III. Confid. 1. Christum pridie Paschæ misisse Petrum & Ioannem  
Ierolimam ad parandum ibi agnum Paschalem secundum legem, quam  
heet sciret ibi mortem sibi strui, tamen servare voluit in exemplum obser-  
vantię, 2. Præmonuit eos de hominis occurso, qui oblaturus esset cana-  
culum grande, quo ostendit se cor hominum in manu habere. Tu affec illi  
cōrtuum, ut apud te faciat Paschā.

*Deut. 16.**6.*

Anno 34.  
Martij 14.  
Ierofoly-  
ma.

330.

XXVII. Christus prædicit se prodendum ab uno suorum. Matt. 26.

Marc. 14. Luc. 22. Ioan. 13.

**P**unct. I. Discumbentibus eis & manducantibus, Iesus turbatus est spiritu & dixit: Amen dico vobis, quia unus vestrum tradet me. Confid. 1. Christum licet animo sibi semper præsentem & constantem, edere hinc signa externa animi turbati, ad declarandam immanitatem criminis proferendi, quod ante institutionem Eucharistiæ proferre noluit, ne præsentium animos affligeret; nunc autem proferre, ut conscius se ostendat, adeoque se ultro passurum, & Iudam hac præscientia ad poenitentiam excitet. 2. Et aspiciant ad invicem discipuli hesitantes de quo diceret, & contristati valde ceperunt singuli dicere: Numquid ego sum Domine? licet scirent se innocentes, tamen quia tristitia percussus ex hoc funesto nuncio, plus credere maluerunt verbis Christi, quam suæ conscientiae. 3. Confid. Noluisset Christum prodere Iudam, ut famæ ejus consuleret ad exemplum perfectæ charitatis, utque eum hac lenitate ad resipiscentiam alliceret, tum ne etiam Apostoli cognoscentes auctorem in eum insurgerent.

**Punct. II.** Iesus respondens ait illis: Qui intingit mecum manum in paropside, hic me tradet. Conf. 1. Christum hinc iteratò, sed occultè monere auctorem prodicionis, & ubi vidit eum nec præscientia sua, nec occulta monitione, nec dulcedine bonitatis in celando auctore commoveri, detonuisset in eum fulmen æternæ damnationis, ut vel sic ad poenitentiam stimularet. **Err. 18.** *Vae homini illi, per quem Filius hominis tradetur: bonum erat ei si natus non fuisset homo ille. Sed impius cum in profundum venerit, contemnit.* 4. Confid. Ipsum Iudam impiè præsumptum de Christi mansuetudine, à quo manifestandus non esset, ausum etiam interrogare: Numquid ego sum Rabbi? Et ait illi: Tu dixisti, ita est, idque voce submissa; in quo observa Christi mansuetudinem. non ait: Tu scelestè, sacrilege, proditor, ingratus. nihil durius reponit. Disce hinc etiam iniurias patienter tolerare.

**Punct. III.** Et erat recubens unus ex discipulis ejus in sinu Iesu, quem diligebat Iesus, cui dilectionis peculiaria signa præ ceteris exhibebat ob eximiam morum probitatem, vitæ innocentiam, corporis castitatem, & excellentem caritatē in Christum & proximum; hic à Petro excitatus petit: Domine quis est? Respondit Iesus: Ille est cui ego intinctum panem porrexero. Vbi Conf. 1. Christum Ioanni ob illas insignes virtutes, inter cetera arcana communicata, etiam hoc singulariter & privatim aperuisse. Tu virtutes Ioannis imitare ut arcanorum Dei conscius esse merearis. 2. Et post buccellam introivit in eum satanas, ad complendam executionem sceleris, & sic ipse simul traditus est penitus dominio diaboli. 3. Et dixi ei Iesus: Quod facis, fac citius, non iubēs aut suadens, sed contemnens, & potestatem concedens exequendi, quod vellet. 4. Et exiit continuò turpillimus transfuga, & apostata ab Apostolatu Christi, ad famulatum satanæ & Iudæorum, percussus verbis Christi, sed non ad poenitentiam.

XXVIII. Chri-



331  
**XXVIII. Christus commendat suis charitatem mutua, & prædicit Apostolo-**

**rum fugam, ac Petri negationem.** Matt. 26. Marc. 14. Luc. 22. Ioan. 13.

Anno 34.  
Matt. 24.  
in cœna-  
culo.

**Punct. I.** *Filioli adhuc modicum vobiscum sum: quæretis me, & quò ego vado, vos non potestis venire.* Conf. 1. Christum hic pridie mortis suæ declarare teneritudinem affectus plusquam materni erga suos Apostolos adhuc imbecilles & parvulos in fide & amore Christi, eisque prædicere: *quæretis me*, & proximè mortuum, & deinde in cælis regnantem, sed necdum posse eos sequi, eò quòd necdum haberent robur spiritus ad mortem pro se obeundam. 2. *Mandatum novum do vobis, ut diligatis invicem sicut dilexi vos.* Novum quod se extendat ad diligendos non tantum Iudæos & amicos, prout volebant scribæ, sed etiam gentiles & inimicos, & sicut ego vos dilexi prior, amore puro & forti ad salutem vestram spiritualem. 3. *In hoc cognoscunt omnes, quia discipuli mei estis, si dilectionem habueritis ad invicem.* quia præ proprium est discipuli insistere principiis Magistri; principium autem Christi fuit dilectionem erga omnes exhibere, ob quam è cælis descendens, homo factus, mortem subiit.

**Punct. II.** Conf. 1. Petrum cæco fervore præ ceteris abreptum vrgere Christum: *Quare non possum te sequi modò? Animam meam pro te ponam.* In quò erravit Petrus nimia præsumptione de viribus suis, quam ut Christus ipsum aliosque dedoceret, subdit: *Omnes vos scandalum patiemini in me in illa nocte: scriptum est enim Percutiam Pastorem, & dispergentur oves gregis.* eà prædictione fugæ simul eos præmunens, ut non planè animis caderent, sed animadverso eventu prædictionis resipiscerent, quare & præsentia suæ solatium citò ad futurum iis promittit: *Postquam autem resurrexero, præcedam vos in Galileam.* Tu time ne etiam aliquando Christum deferas. 2. Petrus autem ait illi: *Etsi omnes scandalizati fuerint, ego numquam scandalizabor, & iterum. Etiam si oportuerit me mori tecum, non te negabo. Similiter & omnes discipuli dixerunt,* exemplo Petri, ne viderentur eo inferiores in fide & amore erga suum Magistrum. Conf. hic duplicem & iteratum errorem Petri, tum animam de se præsumptionem, tum contradictionem verbis Christi, tum arrogantiam super alios, quæ licet cæcus fervor à graviore culpa excusaret, meruit tamen propterea à Christo humiliari denunciatione & permissione lapsus sui: *Quia in hac nocte antequam gallus cantet bis, ter me negabis.* Tu potiùs Dei auxilium humiliter implora, quàm de te præsumas.

Zach. 13.  
7.

**Punct. III.** Conf. 1. Christum deinde præmonere eos de gravissima persecutione instante, & cum hætenus iis præsens de necessariis prospexerit nunc abiturum se permittere, ut sibi prospiciant non tantum de cibariis, sed etiam armis, ne fugæ suæ prætexant se à Christo non fuisse præmonitos. 2. Optima arma ipsis deinde suadere assumenda exemplo suo, nempe orationem.

## S E C T I O II.

## P R Æ F A T I O

## Ad Meditationes in Passionem Christi.

**P**Assio Christi sicut omnibus hominibus ex parte sua profuit ad salutem, ita & omnibus quoties in mente piè proponitur, fructum confert singularem; tum in via purgatiua peccatoribus, ut ad Deum serio convertantur, & incipientibus, ut prauos affectus vincant: tum in illuminatiua proficientibus, ut in virtutum studio strenuè progrediantur: tum in unitiua perfectis, ut affectu puri & ardentis amoris Deo adhæreant. Neque enim ea dolorem tantum excitat & compassionem, sed & gaudium & gratulationem de fructu uberrimo inde in omnes emanante: ideoq; expendenda erit à nobis humiliter, utpote qui tantis cruciatibus causam peccando dederimus, & confidenter ob infinitam ejus clementiam & misericordiam, & constanter exemplo ejus usque ad mortem.



## I. Proœmialis de Passione Domini.

**Punct. I. Conf. I.** *Quis est qui patitur?* dignitate Deus, qui maiestate replet cœlum & terram, homo nobilis ex stirpe Regia Davidis, conceptus de Spiritu sancto in utero Virginis, intellectu doctissimus, voluntate sanctissimus, qui neminem umquam verbo læsit, sed factus nobis omnibus omnia, Pater Magister, Medicus, Redemptor, Pastor, & Sponsus animarum, conversatione integerrimus, forma corporis speciosus præ filiis hominum, complexione tenerimus. 2. *Quid patitur?* in rebus externis, spoliatus vestibus: in honore, contumeliis satiatus: in fama, traductus ut seductor, blasphemus, possessus à dæmone, magus, & ab omnibus desertus: in corpore toto acerbissimè cruciatus per omnia membra, per quinque sensus, à planta pedis usque ad verticem capitis, non est in eo sanitas. Accessere ad hæc dolores interni sine ullo solatio, ut apparuit ex agonia & sudore sanguineo.

**Punct. II. Conf. I.** *Pro quibus hæc patitur, & quare?* Pro omnibus, & singulis hominibus, etiam inimicis suis & crucifixoribus, ut pro illis satisfaceret divinæ iustitiæ, eriperet illos de æternis inferorum supplicijs, ac viam aperiret ad gloriam cœlestem, eoque media certissima & suavissima iis compararet. 2. *A quibus patitur?* ab iis quos præ ceteris in populum sibi charissimum elegerat, quos beneficiis infinitis cumulaverat: à summis, medijs, & infimis: à sacerdotibus, & profanis: quorum ingratitude, internam rabiem, odium, & invidiam inspiciebat. 3. *Quando, & ubi?* Toto tempore vitæ suæ, quo passionis suæ tormenta semper ante oculos habuit: sed potissimum, quando hæc ei illata sunt, in flore & vigore ætatis, pleno die, eoque festo, quo annuam memoriam liberationis à servitute Egypti recolebant: extra urbem, velut eo indignus: in frequentissimo hominum concursu. 4. *Quomodo?* seu quo affectu passus sit, nempe profundæ humilitatis, obedientiæ, mansuetudinis, & ardentissimæ charitatis, qua ultrò se hostibus obtulit, & crucem amplexus est, ac paratus fuit plura sustinere, quàm ipsi licet infestissimi possent inferre.

**Punct. III. Conf. I.** Fructus ex passionis huius memoria, esse pios affectus voluntatis; quales sunt 1. *Compassio*, qua dolores Christi animo nostro percipimus. *Si compatimur, ut & conglorificemur.* 2. *dolor de peccatis*, quæ illi causam attulerunt tam acerbæ passionis. 3. *Imitatio* tum in ferendis similiter adversis, tum in virtutibus consecrandis Christus passus est pro nobis, vobis relinquens exemplum ut sequamini vestigia ejus. 4. *Gratiarum actio*, qua recolentes malum depulsum, & bonum collatum, illum laudemus, veneremur, & caveamus iterum offendere. 5. *Spes* erigitur redemptione ad id copiosa. 6. *Amor* denique, cum ipse nos prior dilexerit, non verbo tantum, sed opere & veritate, amplissima nobis bona contulerit gravissimo suo incommodo, pro quibus omnibus non petit nisi amorem recipi.

Ano 34.  
Martij 24  
in horto.

## II. Oratio Christi in horto. Matth. 26. Marc. 14. Luc. 22. Ioan. 18.

**P**unct. I. Egressus Iesus cum discipulis suis trans torrentem Cedron, venit secundum consuetudinem in pradium, cui nomen Gethsemani, ad radicem montis Olivarum. Confid. 1. Eadem via olim Davidem moestum abiisse fugitium à persecutione filij Absalonis, ac per torrentem designari afflictiones huius vitæ, ad eas in Christo recolendas, & in nobis sustinendas, quòd cum discipulis ab ipso invitamur. 2. Iussis discipulis in villa suofistere, & orare, assumit Petrum, & Iacobum, & Ioannem secum, tres ferventiores, quos prius testes assumpserat suæ transfigurationis; unde apparet chariores Christo præparari ad maiores afflictiones. 3. Et cepit pavere, & tædere, contristari, & moestus esse. Pavor seu formido illi erat mali imminentis, mortis acerbissimæ; tædium seu fastidium, rerum omnium, cum se videret ab omnibus etiam coelesti Patre desertum; tristitia ob peccata Iudæorum, & nostra: moestitia denique seu anxietas, eò quòd videret malum ineluctabile. Tu Christum roga, ut pro his doloribus conferat tibi in afflictione fortitudinē, alacritatem, gaudium, & securitatem. 4. Et ait illis: Tristis est anima mea usque ad mortem. Aperit illis internam animi tristitiam, à qua passionem suam auspicari voluit, eò quòd peccatum communiter ab illicita animi oblectatione exordium capiat.

Punct. II. Et progressus pusillum, positis genibus, procidit in faciem suam super terram. Confid. 1. Reverentiam Christi in oratione ad Patrem coelestem, eumque hinc depresso pondere peccatorum nostrorum, velut reum capitis, & indignum qui coelum suspiciat, exprimere abiectionem conditionem peccatoris. 2. Et ait: Pater mi, si possibile est, transeat à me calix iste; verumtamen non sicut ego volo, sed sicut tu. Ostendit fiduciam in paterna clementia, resignationem in re maximè ardua, ac naturæ infirmitatem. 2. Et iterum secundò & tertio oravit eundem sermonem, eadem fiducia ac resignatione. Vnde disce etiam in afflictione sic ad orationem confugere, nec animum dejicere, si non statim exaudiaris. 3. Et venit ad discipulos suos, & invenit eos dormientes. Conf. quomodo & tu etiam sæpè torpeas in re divina, dum Christus pro salute tua est sollicitus, quare & corripit eos: Sic nō potuisti una hora vigilare mecum? Attingit brevitate temporis, quo hinc nobis laborandum est, & præcavet in futurum; Vigilate & orate, ut non intretis in tentationem, succumbentes peccato.

Punct. III. Et factus in agonia prolixius oravit. Confid. 1. certamen fuisse in Christo inter appetitum superiorē subdentem se nutui Patris, & inferiorē horrentem tormenta mortis, unde disce quomodo etiam tibi certandum sit. 2. Et factus est sudor ejus, sicut gutta sanguinis decurrentis in terrā. Expende hic æstus angoris, qui è membris Christi hunc sanguineum sudorem tam copiosè expressit, ac dole de peccatis tuis sic Christum prementibus. 3. Appareuit autem illi Angelus de cælo confortās eum, proponendo ei voluntatem Patris coelestis, ejus gloriam, & fructum animarum inde secuturum.



### III. Christus Iudæ osculo proditus, comprehenditur. Matt. 26. Marc. 14.

Luc. 22. Ioan. 18.

**Punct. I.** Ecce Iudas unus de 12. cum accepisset cohortem, antecedebat eos, & venit cum laternis, & facibus, & armis. Confid. I. Rem meritò mirandam, discipulum Christi factum ejus proditorem, Principem prius Ecclesiæ nunc latronum, Magistrum virtutis nunc esse nequitiae: quare cave confidere in donis à Deo acceptis, quorum rationem scias à te exigendam, & argue tuam ingratitudinem. 2. Et accedens ad Iesum, dixit: Ave Rabbi. & osculatus est eum, idque de more gentis, in salutatione; sed signo pacis & amicitiae abutitur perfidus ad bellum & proditionē. 3. Dixitq; illi Iesus: Amice, ad quid venisti? Amicum appellat, quia talis antè fuerat, eoq; iterum invitat, ac docet nos, etiam iniurias æquo animo ferre, & inimicos diligere. Ad quid venisti? quò miseriarum redactus es? Osculo Filium hominis tradis? Proponit illi ob oculos suscepti criminis enormitatem, ut fleat ad poenitentiam.

**Punct. II.** Et processit Iesus, & dixit: Quem queritis? Responderunt ei: Iesum Nazarenum. Qui dicit eis: Ego sum. Confid. I. Christum hīc ultrò se hostibus offerre pro salute nostra, nos quæramus dum illum inveniamus, & invento adhæreamus. 2. Vt dixit eis: Ego sum, abierunt retrorsum, & ceciderunt in terram, resupini in tergum repulsi vi vocis Christi, de qua S. August. Quid facies indicaturus, qui iudicandus omnes verbo prosternit? 3. Iterumque eos interrogans, subdit: Si ergo me queritis, sinite hos abire. Vbi Confid. sollicitam boni Pastoris pro ovibus suis curam, quarum salutem præponit suæ.

**Punct. III.** Tunc accesserunt, & manus iniecerunt in Iesum, & tenuerunt, & ligaverunt eum. Conf. I. Eos nec lapsu suo, nec Christi mansuetudine edomitos, velut rabidos canes, lupos, & leones in ipsum infilire, & vincula ei injicere, qui venerat solvere vincula pravitatis nostræ, quibus detinebamur rei mortis æternæ. 2. Discipulos, ac nominatim Petrum pro Magistri defensione pugnantem cohibet pluribus rationibus, tum quia, inquit, omnes qui acceperint gladium, gladio peribunt quare cave à privata vindicta: tum quia confidere se ait in Patre cœlesti. An putas quia non possum rogare patrem meum, & exhibebit mihi pro. 12. discipulis plusquam 12. legiones Angelorū? tum ut impleat ejusdem voluntatem, Calicem, quem dedit mihi Pater, non vis ut bibam illum? cujus voluntas est, ut vincat non feriendo, sed ferendo; quare etiam Malcho Caiphæ servo aurem à Petro abscissam mox tactu, restituit. 3. Et dixit ad turbas: Tanquam ad latronem existis cum gladiis & sustibus comprehendere me: quotidie apud vos sedebam docens in templo, & non me tenuistis: sed hac est hora vestra, tempus breve vobis concessum ad salutem vel, damnationē & potestas tenebrarum, seu malignorum spirituum. 4. Tunc discipuli, omnes relicto eo fugerunt, metu humano, sed inexcusabili, contra promissum suum, & contra officium ac observantiam Magistro debitam. Disce hinc non confidere in hominibus, qui sæpè in hac vita, semper autem in morte, nos deserunt: sed Christum roga ne te nunquam deserat.

IV. Christus

**IV. Christus ducitur ad Annam & Caipham, ibiq; alapa percutitur ;  
& à Petro negatur. Mat. 26. Marc. 14. Luc. 22. Ioan. 18.**

**P**unct. I. Et adduxerunt eum ad Annam primum, focerum Caiphæ Pontificis, idq; in transitu, ut præda, qua gloriabantur, etiam oculos ejus oblectarēt: inde trahentes & petulanter impellentes, duxerunt eū ad Caiphā, ubi scriba & seniores convenerant. Tu Christo compatere, ambulanti vias difficiles, ut complanaret tibi viam regni cœlestis, & cave ne consentias consiliis malignantium. 2. Pontifex autem interrogavit Iesum de discipulis suis, & de doctrina. Qui respondit: Ego palam locutus sum mundo, neminem excludens; & in occulto locutus sum nihil, quia nihil erat quod lucem formidaret: Quid me interrogas? ex fiducia bonæ conscientia remittit eum ad testimonium hostium suorum; attende hîc puritatem doctrinae Christi, ac de ea ex discipulis libenter exquire, ut imiteris. 3. Hæc cum dixisset, unus assistens ministrorum dedit alapam Iesu, dicens: Sic respondes pontifici? Fuit hæc alapa crudelis, ignominiosa Christo, & acerba, quia cum plausu excepta; quare ejus hîc peculiaris sit mentio inter plures Christo inflictas: tu verò Christi & aliorum monita benignè accipe. 4. Respondit ei Iesus: Si malè locutus sum, testimonium perhibe de malo; si autem bene, quid me cadis? Reponit Christus modeste nullo se verbo Pontificis auctoritatem laxasse. Mirare & imitare hanc Christi constantiam, pacem & mansuetudinem.

Punct. II. Petrus verò sedebat foris in atrio deorsum: quem cum vidisset una ancilla calefactentem se, dixit: Et hic cum illo erat. Et tu cum Iesu Galilæo eras. At ille negavit coram omnibus dicens: Non novi illum, neque scio, neque novi quid dicas. Conf. I. hic humanam fragilitatem, & discce non præfidere de viribus tuis, dum vides cecidisse columnam Ecclesiæ: attende etiam non solis verbis,

Tim. 1. 16. sed & maximè factis Christum negari ab iis qui confitentur se nosse Deū, factis autem negant. 2. Et vidit illum, alia ancilla, cui idem obijcienti, negavit cum iuramento: Quia non novi hominem. inde tertium interrogatus, cepit anathematizare, & detestari, quia nescio hominem illum quem dicitis. Vbi Confid. Petrum in peccatum lapsum profundius labi, à simplici negatione, ad periurium, inde ad execrationem: quare cave superari à diabolo, & principis occurre.

Punct. III Et continuo gallus cantavit: & conversus Dominus respexit Petrum, & recordatus est Petrus verbi Iesu quod dixerat: Priusquam gallus cantet bis, ter me negabis. Conf. I. benignitatem Christi in suos, qui tot malis oppressus curam discipuli non deponit, sed cohibet eum ne ulterius ruat in præcipitium, aspiciendo eum oculo misericordiae. 2. Egressus foras Petrus flevit amare, non ex timore, sed amore quod ingratus tam bonum Magistrum tam graviter offendisset; quare in peccatum lapsus noli te excusare cum Adam, sed age poenitentiam cum Petro, qui, teste S. Clemente, toto vitæ tempore semper post primum galli cantum ad orationem confurgens, hominem non amplius indulgit. V. Chri-



337

V. Christus in domo Caiphæ falsò accusatur & condemnatur. Matt. 26.

Marc. 14. Luc. 22. Ioan. 18.

**P**unct. I. Principes sacerdotum, & omne consilium querebant falsum testimonium adversus Iesum, ut eum morti traderent, & non invenerunt. Confid. I. Integritatem vitæ & doctrinæ Christi, in qua nec hostes ejus infensissimi, invidia & ambitione depravati vel apparentem criminis speciem potuerunt deprehendere. *Scrutati sunt iniquitates, defecerunt scrutantes scrutiny: Tu fice* Ps. 63. 7. vive cum Christo, ut nihil etiam in te reprehendi possit, ac nominatim cave ab omni falsitate & detractioe. 2. *Novissimè verò venerunt duo falsi testes, & dixerunt: hic dixit possum destruere templum Dei, & post triduum reedificare illud, & non erat conveniens testimonium illorum.* Tam verba, quam mentem Christi falsificaverant: & de iis inter se dissentiebant, ac neuter dignum quid morte proferebat: *Cogitaverunt consilia, quæ non potuerunt stabilire.* tu cave Christi aut illorum verba in pravam sensum detorquere. Ps. 20. 12.

**P**unct. II. Et exsurgens summus sacerdos in medium, interrogavit Iesum dicens: nihil respondes ad ea, quæ adversum te testificantur? Iesus autem tacebat, & nihil respondit. Confid. I. Tacere Libritum, tum quia nolebat se tueri vi verborum, tum quia videbat conscientiam ipsorum ipsis pro se respondere, ac responsa sua, ut mox patuit, in calumnias trahenda, sed potissimum, ut nobis exemplum daret calumnias in silentio & oratione Deo committere: *Pro eo ut me diligere, detrahebant mihi, ego autem orabam.* 2. *Rursum, interrogavit illos ait illi, adiuro te per Deum vivum, ut dicas nobis, si tu es Christus filius Dei, qui dixit tibi: tu dixisti, ego sum.* Paucis & clarè responderet Christus esse se eum de quo querebant, idque ut reverentiam tribuat tum homini divino, in quo agnoscitur, tum etiam auctoritati Pontificiæ. 3. *Veruntamen à modo videbitis filium hominis sedentem à dextris virtutis Dei, & venientem in nubibus cali.* Confirmat veritatem dicti sui, ne avertantur ob speciem externam viliorē, & significat eos experturos se aliquando supremum Regem & Iudicem. Ps. 108. 4.

**P**unct. III. Tunc summus sacerdos scidit vestimenta sua, dicens: blasphemavit, quid adhuc egemus tibi? Confid. I. Sollemne fuisse Iudæis in malo graviore occurrente testes scindere, quo significabant tum animi dolorem, tum malum illud bonorum & honoris iactura vindicandum: tu pariter animum scinde, dum audis Regem tuum sanctissimum insigniri titulo blasphemii. 2. *At illi omnes respondentes dixerunt: reus est mortis.* Atque hæc prima fuit Christi condemnatio ab his, in quos tot beneficia contulerat: mirare illorum malitiam, & Christi modestiam. 3. *Et illud ebant ei, & expuerunt in faciem ejus, & velaverunt eum, & colaphis eum ceciderunt, & palmas in faciem ejus dederunt, dicentes: Prophetiza nobis Christe, quis est qui te percussit.* Conf. hic soluto concilio, à ministris certatim diris modis sævitum in Christum, ubi dixerat se esse filium Dei, idemque & tibi expectandum, ubi videris: tumque imitatione te filium Dei monstraveris.

## VI. Iudas desperat, &amp; Christus traditur Pilato. Matt. 27. Marc. 15.

Luc. 22. 23. Ioan. 18.

**P**unct. I. Et confestim mane facto conveniunt omnes Principes Sacerdotum, & seniores populi, & scribæ adversus Iesum, ut eum morti traderent. Confid. 1. Summo mane iterum coacto pleno concilio in domo Caiphæ Christum hic iterum examinari, agnoscere se filium Dei, & ob hoc iniquissimè damnari, sic ut unde resipiscere illi debuerant, inde magis obfirmantur, & concludant auctorem vitæ esse reum mortis: ita agunt qui ex Dei misericordia inferunt maiorem peccandi libertatem. 2. Tunc videns Iudas qui eum tradidit, quod damnatus esset, pœnitentia ductus, retulit 30. argenteos Principibus sacerdotum, & senioribus dicens: peccavi tradens sanguinem iustum. Explevit hic tres partes pœnitentiæ, doloris, confessionis, & satisfactionis, sed defuit spes veniæ, eam tu numquam deponere, proposita infinita Dei clementia. 3. At illi dixerunt quid ad nos? tu videris. Hæc merces est eorum qui peccant in gratiam aliorum, qui serviunt mundo, carni, ac dæmoni, nempe ut contempti deserantur. 4. Et proiectis argenteis in templo recessit, & abiens laqueo se suspendit: & suspensus crepuit medius, & diffusa sunt omnia viscera ejus. Hæc fraus est dæmonis, ante peccatum malitiam extenuare, post verò exaggerando in desperationem adducere. Confid. Cruciatum malæ conscientiae, & infelicem exitum eorum qui à fide aut regimine deficiunt, frustrantur cum Iuda cælestibus bonis & terrenis.

Mat. 1.  
28.

Mat. 1.  
24.

Punct. II. Et tradiderunt Iesum Pontio Pilato Præsidi: ipsi autem non introierunt in pratorium, ut non contaminarentur. Conf. 1. Timere eos immunditiam ab ingressu prætorij, & non timere immunditiam ab iniusta occisione Messiae, excolantes culicem, & camelum glutientes. 2. Exiit ergo Pilatus ad eos dicens: quam accusationem adferis adversus hominem hunc? qui responderunt ei: si non esset hic malefactor, non tibi tradidissemus eum. Conf. arrogans responsum Iudæorum, dum suam falsam & inanem accusationem sufficere volunt sine discussione causæ. 3. Ceperunt autem illum accusare dicentes: hunc invenimus subvertentem gentem nostram, & prohibentem tributa dare Cæsari, & dicentes se Christum regem esse, hæc tria erant accusationum capita, è quibus priora duo erant manifestè falsa. Non subvertit ille quemquam sed convertit ab errore ad viam salutis: ac de regno suo iterum à Pilato interrogatus, respondit: regnum meum non est de hoc mundo, simile regnis mundanis, situm in pompa exteriori.

Punct. III. Iterum exiit Pilatus ad Iudæos dicens: ego nullam invenio in eo causam, morte dignam. Conf. 1. Innocentiam Christi à gentili Præsidi probatam, tu sic vive, ut nihil in te inveniatur reprehensibile, & causam in eo unicam agnosce, peccata tua. 2. Conf. Iudæis instantibus accusationi, Pilatum v. gere Christum: non audo quanta adversum te dicunt testimonia? Iesus ait: in amplius nihil respondi, ita ut miraretur præses vehementer.

VII. Christus



VII. Christus ab Herode illuditur & Barrabæ postponitur.

339

Matt. 27. Marc. 15. Luc. 23. Ioan. 18.

**P**unct. I. Pilatus audiens quod Iesus Galilæus esset, remisit eum ad Herodem, qui viso Iesu gavisus est valde; erat enim cupiens ex multo tempore videre eum, eò quod audierat multa de eo, & sperabat signum aliquod videre ab eo fieri. Confid. 1. Herodem valde optasse videre Christum, ex desiderio non salutis sed curiositatis: sic multi malunt audire iucunda quæ sensus oblectant, quam salutaria quæ animum moveant. 2. Interrogabat autem Herodes eum multis sermonibus, at ipse nihil respondit. Quia ille intentione non recta movebatur, noluit Christus curiositati ejus servire: disce hinc non effutire verba inutilia, nec respicere vultum potentis, cum pluris sit apud Deum pannosus humilis, quam purpuratus superbus. 3. Sprevit autem Herodes illum cum exercitu suo, & illussit indutum veste abla, & remisit ad Pilatum, notans eum ambitionis, & stultitiæ, qui coram Rege in defensione causæ suæ nihil diceret: at verum signum vestis illa erat ejus innocentiae, qua meruit nobis vestem immortalitatis, contemptu suo honorem, & illusione cælestem sapientiam: discamus ab illo etiam probra & illusiones patier ter sustinere.

Punct. II. Conf. I. Pilatum remisso Iesu ab Herode, magis incubuisse in ejus liberationem, ideoque contestatâ iterum ejus innocentiam, se ad plebem, cui Christum gratiorem sciebat, convertisse, Est, inquit, consuetudo vobis ut dimittam unum in Paschate, quem vultis dimittam vobis, Barrabam, an Iesum, qui dicitur Christus? ubi attende fuisse eam consuetudinem in lætam & gratam memoriam redempti populi hoc tempore ex servitute Ægypti, quo ipsi liberationis suæ auctorem perdere conantur. 2. Confid. Christum purissimum vitæ omnis fontem, ac publicum benefactorem hîc conferri cum seditioso homicida flagitijs infami, ne tu gravius feras, dum quid de honore tuo detrahitur.

Punct. III. Principes autem sacerdotum, & seniores concitaverunt turbam, & persuaserunt populo, ut peterent Barrabam, Iesum autem perderent. Conf. I. Quantum valeat apud subditos auctoritas superiorum in utramque partem, virtutis aut vitij, atque hinc hos apud illos prævaluisse. 2. Et exclamaverunt omnes simul: tolle hunc, & dimitte nobis Barrabam. Probrosus fuit Christo comparari cum Barraba, sed longe turpius eidem postponi: disce hinc cæcum & perversum populi iudicium, qui spretis summis bonis pessima eligunt: Christum verò neminem habuisse patronum. 3. Quid igitur faciam de Iesu, qui dicitur Christus? verba sunt humani timoris cedentis justitiæ. At illi clamabant crucifigatur, crucifige, crucifige eum. Pilatus verò dixit ad illos tertio: quid enim mali fecit iste? nullam causam mortis invenio in eo: at illi instabant vocibus magnis postulantes ut crucifigeretur. & invalescebant voces eorum. Confid. toties repeti innocentiam Christi, ut memineris eum non sua, sed hæc peccata luisse: expende quàm acriter pupugerint animum ejus hæc voces poscentes eum ad tam crudele & ignominiosum genus mortis.

## VIII. Christus flagellatur. Matt. 27. Marc. 15. Luc. 23. Ioan. 19.

**Punct. I.** Videns Pilatus quia nihil proficeret, sed magis tumultus fieret, accepta aqua, lavit manus coram populo dicens: innocens ego sum à sanguine iusti huius, vos videritis. **Conf. I.** Pilatum cærimonia gentilibus ac Iudæis solemni, contestari innoceptionem suam, eò quod Christum invitum damnet ad mortem; sed innocens esse non potest qui damnat innocentem: nec crimen conscientiae aqua abluitur, sed dolore & lacrymis. **2.** Et respondit universus populus dicens: sanguis eius super nos, & super filios nostros. **Confid.** cæcum furorem Iudæorum, non negant Christum esse iustum, sed qualemcumque poscunt ad mortem, & ut Præsidi timido animos addant, ultro se offerunt ad omnes poenas, quarum gravitatem tunc ignorantes, postea abunde experti sunt: tu imprecare tibi, ut sanguis Christi sit super te, & omnes actiones tuas in sanctificationem & remissionem peccatorum. **3.** Tunc Pilatus volens populo satisfacere, adiud. cavit fieri petitionem eorum. Maluit populo satisfacere, quam iustitiæ & conscientiae suae, sic faciunt qui ex respectu humano in Deum peccant.

**Punct. II.** Et tradidit eis I. sum flagellis casum, ut crucifigeretur. **Conf. I.** Morem fuisse apud Romanos, ut ad mortem damnatos, nominatum crucifigendos prius flagellis caderent, ut hæc nudi corporis deformatio tolleretur in spectatoribus sensum turpitudinis, cum viderent omnia plena miseratione: quæ sententia hic in Christum fuit iniqua, quia lata in innocentem, & ignominiosa quia tantum in mancipia & servos ferri solita, & crudelis quia iussit eum Pilatus sic durius excipi, ut Iudæorum corda flecteret ad misericordiam; acceptavit tamen eam Christus æquo animo. *Quoniam ego in flagella paratus sum. Et quæ non rapui, tunc exsolvebam* **2.** **Conf.** Congregatam ad hoc opus universam cohortem militum 666. qui Christum ab omnibus amicis desertum velut agnum in medio luporum deducunt in atrium Prætorij, ibique vestibibus nudant: expende verecundiam, ut vestiatur te veste gratiæ & gloriæ quam toties reiecasti: inde columnæ astringant, ut solvat te vinculis peccatorum.

**Punct. III.** Quam acerba fuerit Christo hæc flagellatio, tum ab instrumentis, quæ feruntur fuisse triplicia, virgæ spinosæ, nerui indurati, & catenæ ferreae, tum ex corporis exhausti teneerrima complexionem, tunc à tortorum sibi succedentium savitia, & diaboli suggestionem ad exprimentendam impatientiam, tum à verberum multitudine, quæ ad 5400. f. runtur accessisse: unde à planta pedis usque ad verticem capitis non erat in eo sanitas. **2.** **Conf.** Christum, toto corpore lacerum, & sacro sanguine suo velut umbre perfusum, dolenter queri: *Popule meus quid feci tibi, aut in quo contraxisti te, respondet mihi;* & neque ad te conversum subdere, se his flagellis expiare delicta, quæ si loque unum petere, ut caveas in posterum, & minora incommodis pro salute tua patienter suo exemplo sustineas.



341

**XI. Christus spinis coronatur, & palam proponitur. Matt. 27. Marc. 15.**

**Luc. 23. Ioan. 19.**

**P***unct. I. Et exuentes eum, chlamydem coccineam circumdederunt ei.* Confid. I. Christum vix resumptis vestibus iterum exutum, easque plagis recentibus adhaerentes cum acerrimo dolore revulsas, & iniectam illi chlamydem coccineam seu purpuream, ut quod aliis honoris insigne esset, cederet illi in irrisionem & contumeliam. 2. *Et placentes coronam de spinis, posuerunt super caput ejus.* Non erat satis amoris Christi pati communia & utilitata, novis suppliciis castigare in se voluit nova studia nostra in lectandis pravis cupiditatibus. *Egredimini & videte filia Sion Regem Salomonem in diademate, quo coronavit eum mater sua,* gens Iudaica, non tantum ad opprobrium ut Regem vanum, sed etiam ad immanem cruciatum, spinis fortiter impressis fodicantibus sacrum caput, sic ut cranium penetrantes novos sanguinis rivos elicerent: confer hic studia tua honorum & commodorum.

*Punct. II Et posuerunt arundinem in dextra ejus, idque pro sceptro in signum regni ejus vani & ludicri, & genu flexo ante eum illudebant ei, dicentes: ave Rex Iudeorum.* Conf. I. Hunc esse quem coelestes Principes omnes reverenter adorant, & omnes in extremo die omnium dominum agnoscunt. 2. Quem ut vanum regem irriserant, deinde ut vile mancipium indigne tractant: *Expuentes in eum, percutiebant caput ejus arundine, & dabant ei alapas,* ipse vero patienter & humiliter ferebat omnia, nemine compatiente, sed omnibus exspectaculo risum & voluptatem captantibus. 3. Conf. Christum hic miserrime deformatum produci à Pilato sceleris populo ostentandum: *Ecce homo, ille speciosus forma prae filiis hominum:* iam non habet speciem hominis, *Vidimus eum & non erat aspectus.* Non tamen hisce mota sunt indurata corda Iudeorum: quare tu saltem Christo ab omnibus deserto compatere.

*Punct. III.* Conf. I. Pilatum persistentibus Iudæis in poscendo Christo ad supplicium crucis, iterum ipsum interrogasse, cumque responsum ab eo non acciperet indignanter subiecisse: *Mihi non loqueris? Potestatem intentasti Christum non pro se, sed pro Patris gloria reponere:* Non haberes potestatem ad ressum me ullam, nisi tibi datum esset de super. Ab attende superbos facere in iram erumpere. 2. *Iudei autem clamabant dicentes: si hunc dimittis non es amicus Caesaris.* Quod falsis accusationibus obtinere non possunt, minis & incussio neminem extorquent: tu cave humano metui succumbere. 3. Instantibus Iudæis: *Tolle, tolle, crucifige eum, dicit Pilatus: Regem vestrum crucifigam? respondunt: non habemus Regem nisi Caesarem.* Confid. Discrimen inter Christum Regem coelestem, & Reges terrenos, illum benignum & mittem, ac effusa in omnes charitate: hos sèpe difficiles, superbos, ac graves, proinde insanam Iudeorum electionem; Tu Christo totum te regendum trade.

**Punct. I.** Et susceperunt Iesum milites, & exuentes eum chlamyde coccinea, induerunt vestimentis suis. Confid. 1. Pilatum iterum victum humano metu, sicut damnaverat Christum innocentem ad flagellationem, ita & nunc desertum ab omnibus tradere tortoribus ad supplicium crucis, vide quod hominem præcipitet timor humanus: acquievit velut ovis Christus, ne ru desertus à Deo tradereris dæmonibus. 2. Christum iterum nudatum magno castissimi cordis rubore, & purpura à concreto sanguine novo dolore vulnerum revulsa, suis vestibus indui, ut toto vultu sputis, sordibus, & sanguine oppletus, & ignotus, saltem ex vestibus agnosceretur: tu ad portandam crucem Domini exue te prius affectibus inordinatis, & indue mores ac virtutes Christi, ex quibus agnoscaris ejus discipulus.

**Punct. II.** Et baiulans sibi crucem exiit in eum qui dicitur Calvarie locum. Conf. 1. gravissimam trabem crucis humeris Christi teneris & vi tormentorum exhaustis impositam, id quod nulli latroni fieri solet, sed in ea *Isa. 53. 6.* maximè illum præstisse peccata nostra: *Posuit Dominus in eo iniquitatem nostram.* Aspice eum sapius in via tremulis genibus cespitantem, impingentem, & cadentem. 2. Exiit civitate tanquam indignus qui in ea moretur. *Excamus igitur ad eum extra castra, improperium ejus portantes.* Fugiamus *Heb. 12.* sæculi vanitates, & quæramus eum in quiete conscientie, in contemptu, *13.* paupertate, & afflictione. 3. *Exeuntes autem invenerunt hominem quemdam Cyrenæum nomine Simonem: hunc angariaverunt, ut tolleret crucem ejus.* Conf. Iudæos permotos non pietate sed crudelitate, ut Christum graviore supplicio reservarent, eoque iter accelerarent, ad egressum gentilem forte obvium ad ipsum sublevandum, quo significatum est crucem Christi à nobis ex gentilitate converteris etiam ferendam, licet carne relicta, in martyrio, afflictione & tribulatione: *Qui vult venire post me abneget semetipsum, & tollat crucem suam, sibi propriam, & sequatur me, & aequanimitatem meam, & charitatem.*

*Luc. 9. 23.*

**Punct. III.** Sequebatur autem illum multa turba populi & mulierum, quæ plangebant, & lamentabantur eum, ad quas conversus Iesus dixit. *filie Ierusalem nolite flere super me, sed super vos ipsas flete, & super filios vestros.* Conf. 1. Vetare hic Christum lacrymas inutiles humanæ commiserationis, probare verò pias commiserationis Christianæ, sed præferre compunctionis, quibus peccata delentur: tu attende quo affectu Christum sequaris. 2. *Quoniam ecce venient dies, in quibus dicent: beate steriles, & ventres qui non genuerunt.* Significat mortem hanc suam iniustam adeo graviter vindicandam, ut mulieres opatura sint non genuisse, ne cogantur cernere & tolerare mala eventura. 3. *Quia si in piridi ligno hæc faciant, in arido quid fiet?* Si filium innocentem & dilectum excipiat cœlestis Pater ob peccata aliena, quid faciet servo improbo? contumaci ob peccata propria? Timè igitur, & dum tempus est, eum lacrymis placa.



243

**XI. Christus crucifigitur inter latrones. Matt. 27. Marc. 15. Luc. 23.**  
**Ioan. 19.**

**Punct. I.** Et ubi venerunt in locum Calvariae, dederunt ei bibere vinū myrrhatum cum felle mixtum. Confid. 1. Christum ascensum hunc montis, licet corpori exhausto permolestum, tamen constanter perfecisse, ut ne pigeret te cum illo montem hunc, & religiosæ perfectionis ascendere, & hunc elegisse suppliciis infamem ut ostenderet se morte sua mortuos vivificaturum. Attende hinc quomodo carnifices mox crucem adaptent, clavos, malleos, & funes expediant, Christo omnia oculis benignè spectante; sic & tu Christo crucem paras, quoties animæ tuæ ad imaginem ejus creatæ per peccata locum paras in inferno. 2. Oblatum illi poculum de more reorum, non tamen ad solatium, sed novum cruciatum, quia vinum insolentia militum mixtum erat myrrha, felle & aceto: *Dederunt in escam meam felle, & in siti mea potaverunt me aceto*: ut sic nullus sensus dolore vacaret; gustavit, ut absorberet amaritudinem animæ nostræ, eam curaret, & reficeret vino mero gratiæ suæ, & coelestis gloriæ. 3. *Et cum gustasset noluit bibere*, ut ostenderet displicere sibi barbaram crudelitatem, & se solam peccati poenam non verò maculam in se admittere, idemque nos facere doceret: Vinum felle mixtum Christo offerunt, qui opera bona inficiunt prava intentione.

**Pact. II.** Et ibi crucifixerunt eum. Conf. 1. Supplicium hoc crucis, licet verbo tantum expressum ab Evangelistis, plenius tamen colligi posse ex odio Iudeorum, & oraculis prophetarum; nam inclementer vestes illi detrahunt, renovatis vulneribus, nudum exhibent, petulanter in lignum crucis humi positum dejiciunt, manuum unam foramini applicant, eique clauum malleo impingunt, inde & similiter alteram vi extensam, pariter & sacros pedes. *Foderunt manus meas & pedes meos, dinumeraverunt omnia ossa mea*: sic ut locis suis reuulsa, & compage membrorum soluta conspici palam possent. 2. Conf. Arborem crucis hæc sacrâ hostiâ vestitam in altum attolli, & magno impetu in fossam demitti: expende hinc acerbos Christi dolores, & ignominiam, dum omnium oculis nudus pleno die exponitur, aspice defluentes e manibus & pedibus sanguinis rivos, & opta cum ipso cruci affigi.

**Punct. III.** Et crucifixerunt cum eo duos latrones, unum à dextris, & alium, à sinistris, medium autem Iesum, & impleta est scriptura quæ dicit: *Et cum iniquis reputatus est*. Conf. Malitiam Iudeorum, qui hæc ignominia nomen Christi delere studebant, sed Christus convertit eam ad maiorem gloriam suam ac salutem nostram, cum innocentia ejus inter duos latrones clariùs eluxit, & hoc ipso ostendit se imposterum versaturum in medio peccatorum, spem illis se facere reconciliationis, etiam in hora mortis, & penam suam supplices imploraverint.

## XII. De titulo Crucis. Matt. 27. Marc. 15. Luc. 23. Ioan. 19.

**P**unct. I. Scripsit & titulum causæ eius Pilatus, & posuit super crucem eius, Hebraicè, Græcè, & Latine, Iesus Nazarenus Rex Iudeorum. Conf. 1. Pilatum hoc titulo voluisse omnibus exponere causam mortis Christi, quod reus esset læsæ Majestatis, ob regium honorem sibi iniquè arrogatum, ac proinde ipsum se sic purgare voluisse de regni æmulo damnato, si forte apud Cæsarem traduceretur: tu cave cum Pilato placere hominibus contra Deum & conscientiam. 2. Christum verò hunc titulum assumplisse, ut ostenderet se non ut noxium hoc supplicio affectum, sed quia Iesum, omnium Salvatorem, quod nomen in circumcisione impositum hic complevit, quia Nazarenus virtutum omnium floribus ornatum, quia Regem benignissimum ac clementissimum omnium se confitentium: quare illi te regendum totum committe, ac rega ne alium præter se sinat tibi dominari. 3. Sicut Iudimagistri solent valvis domus suæ præfigere titulum disciplinæ quam tradunt, ita & Christum hoc titulo ostendere se è cathedra crucis docere nos viam ad salutem.

Punct. II. Hunc ergo titulum multi Iudeorum legerunt, & eorum Pontifices dicebant Pilato: noli scribere Rex Iudeorum, sed quia ipse dixit: Rex sum Iudeorum, respondit Pilatus: quod scripsi scripsi. Conf. 1. Multos Iudeos hæc sacra verba legisse, sed alios cum risu & contemptu, sicut & nunc hæretici Ecclesiæ caerimonias excipiunt, alios oscitanter & obiter, ut languidi Catholici, paucos verò cum sensu pietatis, qui soli participant de fructu passionis. 2. Quia hic titulus toto orbe erat celebrandus, & crux ipsa Regum frontibus imprimenda, ideo prius risu & contumacijs erat excipienda, sicut vas æneum ac aureum prius luto fædatur quam niteat, sic & tu maiori fulgebis gloria, ubi prius contemptum pro Christo & cum ipso sustinueris. 3. Pilatum titulum quidem hunc posuisse, sed non tu divino, ac propterea non mutandum. Stabit gloria crucis & regnum Christi, quantum vis malevolis obstrepentibus: tu titulum hunc, & signum crucis tibi in Sacramento baptismi & confirmationis impressum constanter retine, vota etiam deo oblata cave infringas, munde, carni ac dæmoni aliud suadentibus similiter responde: quod scripsi, scripsi, ac Deum roga ut nomen suum seruet inscriptum libro vitæ.

Punct. III. Conf. 1. Causam cur Christus hoc genus mortis præ alijs elegerit, nempe quia nullum hoc diuturnius, ignominiosius, & salutis nostre accommodatius: ut velut hostia in altum sublata mediatorem se poneret inter Patrem cœlestem & genus humanum, ut dæmones in aëre regnantes deturbaret aut viribus frangeret, ut nos eminus oculis quæreretur, & venientes expansis brachijs exciperet. 2. Confid. Illum ibi tribus clavis confixum, ut Deum omnium dominum, qui appendit tribus digitis moiem terræ, ut scilicet doctrinam magnum, Principem Pastorum, & Episcopum animarum nostrarum, doctorem veritatis, ducem ac bellatorem fortissimum.



245

XIII. De divisione vestium. Matt. 27. Marc. 15. Luc. 23. Ioan. 19.

**P**unct. I. Milites cum crucifixissent eum, acceperunt vestimenta ejus, & fecerunt quatuor partes, unicuique militi partem. Conf. I. Paupertatem Christi, qui non habebat vestes mutatorias, nec preciosas, sed pauculas & viles, ad tegendam nuditatem, & pellendum frigus necessarias: quare cave in ijs sectari superfluitatem, aut vanum ornatum. 2. Conf. liberalitatem sponsi tui, qui cum iam dedisset tibi corpus, & sanguinem, & florem ætatis, nunc bona externa quæ habet, vestes pauculas etiam donat, nihil sibi reservans nisi clavos & spinas: Ecce divitias sponsi tui, qui non habet ubi caput reclinet, Luc. 9: 58. nisi spinosum cervical: tu nudus etiam ad Christum propera, ac vide quid te detineat. 3. Conf. scommata militum dividendium vestes in partes quatuor, ac rideantium ornatum velut Regis ludicri, eoque significari gratiam ejus sufficere ad quatuor mundi plagas exornandas: tu Christo nuditatem tuam expone.

Punct. II. Erat autem tunica inconsutilis, desuper contexta per totum. Conf. I. Tunica hanc fuisse opus Dei patris, quam filio infantulo contexerat, ipso deinde crescente pariter crescentem, nec diuturno usu detritam, quod utrumque filiis Israël in deserto contigisse Scriptura testatur: unde discere Deut. 29: 5. immodicam curam de vestibus deponere. 2. Hac integritate vestis designari integritatem Ecclesiæ, ad mundi finem in unitate fidei, sub uno visibili Capite perseveraturam; licet enim externa Christi vestimenta dividantur, varia nempe piorum hominum instituta, opiniones, & ritus; Ecclesia tamen Christum proximè attingens separationem non patitur; quare cave ab ea excidere. 3. Confid. duas fuisse militum fortitiones, alteram de tunica inconsutili, alteram de partibus vestium; priore significari donum fidei singulis integrum dari, altera particulares gratias, occulto Dei iudicio velut sorte distributas.

Punct. III. Et milites quidem hæc fecerunt. Confid. I. Christo in tormentis orante, Matre ejus gladium doloris patiente, amicis ejus pie lugentibus; milites aleas & sortes tractare, atque ita etiam nunc subinde improbos genio suo & pravis affectibus indulgere, dum Christi cruciatus ab Ecclesia propoguntur. 2. Sicut militibus illis sacræ Christi vestes permixtæ sunt, ita & nunc impiè contrectari à peccatoribus divina mysteria, & quæ pie videntibus cedunt in salutem, illis cedere in majorem damnationem. 3. Et sedentes servabant eum, caventes ne vel solatio leniretur, vel à discipulis, aut præstigijs dæmonis supplicio eriperetur: tu Christum attente observa, & gratiâ ejus in corde tuo diligenter custodi, ne dæmonis fraude tibi eripiat. 4. Et stabat populus spectans. Alij irridentes, alij oscitanter, pauci pie contemplantes: tu accede promptus ad ejus solatium, & omnem ejus nutum exequendum, specta dolores toto corpore diffusos, audi opprobria, tange vulnera, & gusta absconditum sub illis manna.

X x

XIV. Christus

XIV. *Christus in Cruce illuditur.* Matt. 27. Marc. 15. Luc. 23.

**P**unct. I. *Et praterentes blasphemabant eum moventes capita sua, & dicentes: vah qui destruis templum Dei, & in triduo illud reedificas, salva te ipsum, si filius Dei es, descende de cruce.* Confid. I. Christum in cruce illusum fuisse ab omni hominum genere, à Iudæis & gentilibus, sacerdotibus & laicis, senatu & populo, atque à nobis illudi per quodvis peccatum, cum mandata ejus transgredimur, promissa & minas contemnimus, ac consilia negligimus: sed & ego, inquit, in interitu vestro ridebo, & subsannabo. 2. Blasphemabāt eum, tum gestibus ludicris moventes capita: *Omnes videntes me deriserunt me, locuti sunt labijs, & moverunt caput:* Tum verbis, ludificantes ejus miracula, & personam filij Dei, sic ut cum peccata in eo non inveniret, criminarentur beneficia. 3. Confid. Immensam Christi charitatem, constantiam, & patientiam, qui nec laceffitus impiorum opprobriis, nec provocatus piorum lacrymis induci potuit, ut crucem quam tui amore semel conscenderat, desereret. Vnde & tu disce constantiam, ac cave, ne vel ad iniurias vindicandas, vel ad illicitas voluptates sectandas, crucem Christi amore semel susceptam deseras, quantumvis mundo & carne, & diabolo provocante, cujus hæ voces sunt: *Descende de cruce: mitte te deorsum.*

Prov. I.  
26.  
Ps. 21. 8.

Matt. 4.  
6.

Punct. II. *Similiter & Principes sacerdotum cum scribis & senioribus illudentes ad alterutrum dicebant: alios salvos fecit, seipsum non potest salvum facere, si Rex Israël est descendat nunc de cruce, & credimus ei, confidit in Deo, liberet nunc, si vult, eum, dixit enim, quia filius Dei sum.* Conf. I. Quam graviter hæ voces pupugerint cor Christi, cum soleant maledicta in calamitosos coniecta ipsa calamitate esse acerbiora, & quidem ab iis quos id minimè decebat: ubi attende peccata Ecclesiasticorum, & superiorum exēplo suo alios plures in lapsum trahere. 2. Exprobrant Christo impotentiam se salvandi, præsumptam Regis dignitatem, vanam in deo fiduciam, & inane nomen filij Dei, sic ut ea quæ honorem Christo conciliare debuerant, mahnosè convertant in opprobrium, & quem adhuc infantē Magi gentiles supplices muneribus venerati sunt, Deum, Regem, & Hominem, ipsi iam miraculis celebrem, sannis & contumeliis excipiant. 3. Conf. Erroneas eorum & pessimas collectiones; nam ideo non salvat seipsum, ut morte sua nos salvos faciat: ideo non descendit de ligno crucis, ut ab eo regnet: ideo non liberatur à Patre, ut nos liberemur.

Punct. III. *Illudebant autem ei & milites accedentes, & acetum offerentes ei, & dicentes: Si tu es Rex Iudæorum salvum te fac.* Conf. I. Hos vilissimos milites etiam factis & verbis Christo illudere, propius accedere nudum inspecturos: *ipsi verò consideraverunt, & inspexerunt me.* Ac misericordiæ ejus dulcedinem faceti & peccatorum nostrorum amaritudine aspergere. 2. Conf. Non agnoscere ab impijs salutem nisi temporalem hujus vitæ & corporalem cum vitijs communem: at verò pios spectare salutem spiritualem, & æternam in cœlo cum Angelis.



XV. De Primo verbo Christi in cruce: Pater dimitte illis. Luc. 23.

**P**unct. I. Iesus autem dicebat: Pater dimitte illis. Confid. 1. Christum in extremis tormentis solatio omni destitutum, insuper & probris ac convitijs laceffitum non petere ignem de celo cum Elia, nec maledicere irrisoribus suis cum Noë & Elisæo, sed primum in silentio pro ijs coelestem Patrem interpellare, inde & clara voce, quam in causâ propria iustissima, cum omnium admiratione suppresserat, nunc causam eorum & nostram iniquissimam agere, iuxta præceptum suum: *diligite inimicos vestros, & orate pro persequentibus & calumniantibus vos.* 2. Conf. dixisse cum hîc verba, brevia quidem, sed nervosa, & expende, quise ea dixerit: filius Dei ad Patrem, ubi in ara crucis, quando: proximus morti, quomodo: Expansis manibus, cum clamore valido, lacrymis, & sanguine manante, pro quibus: pro crucifixoribus & omnibus peccatoribus, ac palam omnibus, quid petit: remissionem peccatorum.

**Punct. II.** Expende verba singula. Pater non vitur nomine Domini, quod iustitiæ est, sed Patris, quod est misericordiæ, monetque ipsum esse communem omnium Patrem, & quia infinitè benignus & clemens est, non potest filio suo adeo morigero tam suppliciter & ardentè poscenti remissionem denegare: quam unicam petit obedientiæ suæ, laborum, ac dolorum mercedem. 2. *Dimitte.* Fungitur simul officio sacerdotis, orantis pro peccatis populi, quorum remissionem petit non gratuitam, sed oblata plenâ satisfactione & copiosâ redemptione, nec differi petit, sed nunc concedi ad unicum solatium antequam expiret: *Quia tempus miserendi ejus, quia venit tempus.* Vnde & tu disce proximo absolute, plene, & citò ignoscere. 3. *Illis,* non ait iniquis, scelestis, adversariis, hostibus, crucifixoribus, carnificibus, sed *illis* omnibus, qui peccatis suis causam mortis ei dedissent vel daturi essent, quibus & tu comprehenderis, quare fiduciam in Christo adauge.

**Punct. III.** *Quia nesciunt quid faciunt.* Conf. 1. Christum licet Iudicem omnium à Patre constitutum, & graviter læsum, non tamen hîc Iudicis aut accusatoris partes agere, sed defensoris ac patroni, & dum Iudæi laborant ut inveniant quod accusent, laborare ipsum ut eorum manifesta crimina excuset, nec invenire nisi ignorantiam voluntariam, adeoq; inexcusabilem: unde disce delicta proximi non aggravare, sed extenuare. 2. Licet scirent Iudæi se male agere, nesciebant tamen peccatorum suorum gravitatem, ac debita iis supplicia, quæ si cognovissent nunquam Dominum gloriæ crucifixissent, quod & locum habet in omni peccatore. 3. Christum exaudiri pro sua reverentia, pro merito suæ dignitatis, & submissione qua preces offerebat; nam cohibuit Deus omnes creaturas, ne ad ulciscendam Domini sui necem in hostes inurgerent, & mox plures videntes pectora ad ipsum conversi sunt.

XVI. De secundo verbo Christi in cruce, Domine memento mei.  
Matt. 27. Marc. 15. Luc. 23.

**Punct. I.** *Vnus de his qui pendebant latronibus blasphemabat eum dicens: Si tu es Christus, saluum fac te ipsum, & nos. Respondens autem alter increpabat eum dicens: Neque tu times Deum, qui in eadem damnatione es?* Conf. 1. Blasphemias & opprobria hinc in Christum coniecta, etiam primum ab utroque latrone cum illo pendente, sed uno converso, alterum in malo perseverasse, cuius æternus interitus cor Christi magis affligebat, quam tormenta crucis. *Augst.* Vbi attende eos qui malè viuunt, communiter malè mori: *Vi qui dum viveret, obliuiscatur Dei, etiam moriens obliuiscatur sui.* 2. Confid. in perverso latrone apparere ex ejus verbis defectum veræ fidei, ac spei; non enim quærebat salutem æternam, sed temporalem: tu hac postpositâ ad æternam desideria dirige. 3. Confid. bonum latronem, insigni patientia, & charitate Christi, qua pro crucifixoribus oraverat, permotum, plus profecisse paucis horis in cruce, quam multi per annos plures. 4. Verba ejus expende: *Neque tu times Deum, qui in eadem damnatione es?* Socium peccantem cum charitate corripit, & quidem prius quam sibi aliquid petat, incutit timorem divini iudicii, & peccata ob oculos ponit, inde & sua agnoscit, iisque supplicia debita: *Et nos quidem iuste; nam digna factis recipimus: hic verò nihil mali gessit.* Confer hinc cum cruciatibus Christi innocentissimi, tuos leviores.

**Punct. II.** *Et dicebat ad Iesum: Domine memento mei, dum veneris in regnum tuum.* Confid. 1. Eiusdem crucis & afflictionis varios fructus pro diversa hominum conditione; mali enim dum flagellis indurantur, resipiscunt boni: unde fit Deum sæpè in hac vita pascere malis, ne gravius peccent, & affligere bonos, ut in virtute proficiant. 2. Expende verba: *Domine vox reverentiæ est & submissionis, qua se in mancipium consecrat, memento mei* non petit regnum, sed solum benignam sui memoriam; neque enim meminisse potest Christus, & deesse: *dum veneris in regnum tuum.* Firma fide Regem agnoscit, non terrenum, aut temporalem, sed cœlestem & æternum, cuius favorem sperat.

**Punct. III.** *Dixit illi Iesus: Amen dico tibi, hodie mecum eris in paradiso.* Conf. 1. Christum ad latronis perversi blasphemias nihil respondiisse, ut doceret nos opprobria patienter ferre; boni verò resipiscuntiam palam laudasse, ut omnibus peccatoribus faceret spem veniæ. 2. Expende verba, *Amen dico vobis, ego veritas æterna palam affirmo tibi, serid poenitenti, sed qui poenitenti addixit veniam, non addixit peccanti tempus poenitendi.* Hodie, non differt mercedem, ut appareat crucis efficacia, *meum eris in paradiso,* ut qui in cruce & pugna fuisti socius, sic etiam, socius in gloria, & trisimpho, cum clara contemplatione divinæ naturæ. Attende hinc Christi liberalitatem, qui latroni pro brevi poenitentia, promptè, ultra quam petierat, regnum promittit.



XVII. De tertio verbo Christi, Mater ecce filius tuus. Joan. 19.

**Punct. I.** *Stabant autem iuxta crucem Iesu mater ejus, & soror matris ejus Maria Cleopha, & Magdalena.* Confid. 1. Fugientibus Apostolis; paucas pias mulieres usque ad crucem fuisse Christum secutas, atque inter eas Deiparam ceteris ferventiorē, non curiositate vel levitate permotam, sed puro amore erga dilectum filium, ut ei in extremis, siquid posset, obsequij vel solatij adferret. 2. Voluisse Christū Matrē suam huic spectaculo humanæ redemptionis interessē, ut ipsa in amorem Dei ardentius provocaretur, & nostrum pariter patrocinium susciperet, tum ut ne ipsa Sanctorum omnium Regina tam illustri Martyrij corona fraudaretur. 3. Expende verba, *Stabant iuxta crucem Iesu.* Non igitur virgo desēs sedēbat, nec languida jacebat, nec vaga discurrebat, sed stabat ad reverentiam filij, erecta & forti in eum fide, parata ejus nutus exequi, mortem etiam pro nobis oppetere. Tu roga virginem matrem, ut tibi morienti etiam assistat, tuasque tunc sublevet angustias.

**Punct. II.** *Cum vidisset ergo Iesus Matrem, & discipulum stantem, quem diligebat, dicit Matri suæ: Mulier ecce filius tuus.* Conf. 1. Ordinatam charitatem in verbis Christi; nam primò pro salute peccatorum Patrem oravit, inde bona spiritualia promittit latroni, post hæc Matri temporale præstat solatium: unde discere prius de spirituali solatio proximi sollicitus esse, quam ad temporalia curam convertas. 2. Conf. quibus oculis Christus Matrem amantissimam conspexerit, & hæc vicissim illum, quæ utrumque interna cordis alloquia, quibus & tua iunge. 3. Confid. Ioannem compellare se hîc non proprio nomine, sed *discipulum, quem diligebat Iesus*: ut & tu Dei in te charitatem, & collata beneficia semper grato animo ob oculos habeas. 4. Expende verba, *Mulier*, non Matrem appellat, ne cor ejus hac dulci amoris voce gravius vulneret: *Ecce*, iniqua permutatio; pro filio Dei substituitur filius piscatoris, *filius tuus*, quem ego, & in quo fideles omnes ut filios dilexi, eos & tu mei amore, eodem habebis loco: unde monemur nos ad maternum ejus sinum in necessitate confidenter confugere.

**Punct. III.** *Deinde dixit discipulo: Ecce Mater tua.* Conf. 1. Ioanni, qui amore Christi, patrem & matrem in iuventute deseruerat, longè præstantiorem hîc Matrem substitui, ad complendum centuplum à Christo promissum, & in procemium castitatis, & constantiæ in passione Christi. 2. *Ecce* summum beneficium, ut Deus & homo communem habeat Matrem. *Mater tua*, & omnium fidelium, quam omnes venerentur, diligant, & observent, & per quam omnium preces suscipiam. 3. *Et ex illa hora accepit eam discipulus in sua*, officia nempe & obsequia, sollicitus nequid illi deesset, ac lætus tali Matre.

**XIII. De Quarto verbo Christi. Deus meus, ut quid dereliquisti me?**

Matt. 27. Marc. 15. Luc. 23.

**Punct. I.** A sexta autem hora tenebrae factae sunt super universam terram, usque ad horam nonam, & obscuratus est sol. Confid. 1. Solem in passione Christi obscuratum, & densis tenebris orbem totum involutum, quo significaretur indignitas necis Christi, quam Sol & Luna atque elementa omnia aversearentur ac lugerent, nosque ad luctum pariter provocarent, tum ut significarent Christum verum solem iustitiae occumbere, & tenebras ludæorum interiores, atque exteriores criminibus illorum præparatas. 2. Conf. Modum hujus obscurationis, descriptum à S. Dionysio teste oculato, non solum lunam plenam solique oppositam subito motu ad solem accessisse, seque radiis ejus interposuisse, sed & ipsi soli lumen divinitus subtractum, sic ut pleno die stellæ viderentur, quo significabantur mundani homines instar lunæ mutabiles, deoque per scelera sua oppositi, ad Christi patientis gloriam obscurandam accurisse, eamque etiam à cœlesti Patre per subtractionem omnis humani solatij obscuratam, unde postea gloriosior resurgeret: tu Christum roga ut verum lumen fidei & gratiæ in anima tuâ conservet.

**Punct. II:** Et circa horam nonam clamavit Iesus voce magna, Eli Eli lamma sabachthani, hoc est Deus meus, Deus meus ut quid dereliquisti me? Confid. 1. Christum moribundos & natantes in lacrymis oculos in cœlum attollere, ac clamore suo, voce magna, & divini nominis ingeminatione indicare vehementiam affectus. 2. Deus meus, Deus meus. Non Patrē compellat, ne de eo queri videatur, sed personam exprimit peccatoris, ut & tu deposita superbia addiscas humilitatem. Meus, licet omnis creaturæ Deus sis, meus tamen peculiariter multis nominibus, tum ob peculiaria beneficia à te in me collata, tum ob peculiarem cultum & amorem à me semper erga te vicissim exhibitum. 3. Ut quid dereliquisti me? Non causam quarit, nequi obediendi perfectioni deroget, sed modeste queritur de gravissimo malo, quo premitur, cui ipse causam nullam dederit, idque ut posteris constet de vero atque acerrimo suo doloris sensu, sine ullo humano solatio propter nos vilissimos servos redimendos, solandos, & recreandos: tu Deum ora, ne te in morte potissimum derelinquat, ideoque cave eum in vita derelinquere.

**Punct. III.** Quidam autem illic stantes, & audientes dicebant: Ecce Eliam vocat iste. Confid. 1. Romanos milites Hebraicæ linguæ imperitos audita subinde à Iudæis mentione Eliæ, ac deceptos vocum affinitate existimasse inelamatum ab eo Eliam, indeque novam captasse occasionem ludibrij. 2. Toris illis tribus horis tenebrarum hæsisse omnes ibi attonitos, sine motu & voce, sed sensim luce redeunte, impios ad convicia rediisse.



XIX. De Quinto, & sexto verbo Christi: Sitio. Consummatum est.

Matt. 27. Marc. 15. Ioan. 19.

**Punct. I.** Sciens Iesus, quia omnia consummata sunt, ut consummaret in scriptura, Ps. 68. 12. dixit sitio. Confid. 1. Christum iam tribus horis in cruce pendulum, sub finem tenebrarum & vitæ suæ significasse sitim suam corporalem; cum à càna pridie omnem prope humorem & sanguinem excludasset, ac reliquum in flagellatione & coronatione effudisset; laboribus, ac doloribus exhaustus, unde ait: *aruit tanquam testa virtus mea, & lingua mea adhæsit faucibus meis.* Non petit refocillari, sed tantum necessitatem repræsentat: ita & tu, tuam repræsentat Deo & superiori, ac disce ejus exemplo gulam frenare. 2. Voluisse Christum significare nobis potissimum sitim suam spiritualem, erga salutem animarum, & nostram cuiusque emendationem & perfectionem, quam à vitæ exordio ardentem suscepit, & factis semper prodidit, & verbis declaravit apud Samaritanam: *da mihi bibere.* Secumque in cælum detulit, ibi etiam salutis nostræ negotium acturus; sitiebat insuper pro eadem plures cruciatus sustinere. Ioan. 4. 7.

**Punct. II.** Vas ergo positum erat aceto plenum, & continuo accurrens unus ex eis spongiam plenam aceto, hyssopo circumponens, obtulit ori eius. Conf. 1. pronitatem hominum in malum, qui vel minima occasione oblata continuo accurrunt ad peccandum, diabolo media promptè suggerente: unde hi Christo in extremis negantes & vini solatium, reis tunc dari solitum, & aquæ guttam, acetum porrigunt: quod admittit ipse, ut nobis amara convertat in dulcia, mortem in vitam, opprobria in gloriam. 2. Confid. Christum qui venerat curare superbiam nostram sua confusione, avaritiam paupertate, libidinem tormentis, iram patientia, invidiam charitate, acediam alacritate, voluisse etiam gulæ nostræ hanc medicinam abhibere.

**Punct. III.** Cum ergo accepisset Iesus acetum, dixit consummatum est. Confid. 1. Christum in illis tormentis mente lustrasse scripturas, num quid à se prætermittendum esset ex decretis ab æterno Patre, vel circa ipsum in observatione legis & executione muneris impositi, vel circa se in laboribus & afflictionibus totæ corpore & anima sustinendis, vel circa nos in erectione novæ Ecclesiæ cum novo sacrificio & Sacramentis: ac cognoscentem omnia fideliter adimpleta, nec restare nisi ut cursum suum morte consummaret, palam declarasse, *consummatum est.* Vnde disce etiam in observatione regularum, in sustinendis incommodis, & zelo erga proximum constanter usque ad mortem perseverare. 2. In fine vitæ etiam dicendum tibi: *consummatum est,* transierunt cōmoda, honores, & voluptates, etiam incommoda, & opprobria, expiravit tempus bene merendi. Utinam tunc dicere possis: *bona in certamen certavi, cursum consummavi, fidem servavi,* ut addere possis: *reposita est mihi corona iustitiæ.* 2. Tim. 4. 7.

C. De

## XX De septimo verbo Christi, In manus tuas, &amp; ejus morte.

Matt. 27. Marc. 15. Luc. 23. Ioan. 19.

**P**unct. I. Et iterum clamans voce magna, ait. Confid. 1. Christum iam moribundum iterum vocem attollere ad Patrem cœlestem, ut ostendat vehementiam amoris, obedientiæ, & desiderij erga salutem nostram, ac se esse dominum vitæ & mortis, iamq; peractam victoriam. Tu non tam vocis contentione, quàm cordis affectu in precibus tuis pulsa aures divinas & cum Christi precibus tuas coniuge. 2. Patrem compellat, sicut & in primo verbo orans pro peccatoribus, in signum fiduciæ & filialis affectus, atque hoc postremo insinuat se mansisse filium semper fidelem in tantis tormentis & opprobriis, nec de pietate aut charitate quidquam remississe; redire se iam ex legatione difficili, ex bello cruento victorem, spoliis gravem, atque ad triumphum, gloriam, & regni hereditatem adspirare. 3. In manus tuas, divinæ tuæ misericordiæ & iustitiæ, commendo spiritum meum, non opes terrenas, honores, aut sanitatē, sed spiritum victorem, ut deducas eum ad spoliandos inferos, & coercendos daemones; eumque die tertio resuscites. Ubi attende omnes fideles spiritu Christi imbutos hîc simul commendari, ut divinis quasi manibus conserventur, formentur, & perficiantur, ne quisquam eos rapiat de manibus illis. Et ego bone Iesu spiritum meum in manus tuas quotidie, sed potissimum in extremo agone commendo.

Ps 30. 6.

Punct. II. Et inclinato capite tradidit spiritum. Conf. 1. Solere morientium verba, vultus & gestus ab adstantibus observari, ac postea mente versari; quare & tu, in cuius gratiam filius Dei hanc mortem oppetiit, ad hanc crucem accede, omnia oculis mentis attende, & frequenter recale. 2. Conf. Eum prius caput inclinare tanquam ultro moriturum, idque in signum submissionis, & obedientiæ erga Patrem, & quia gravatum pondere peccatorum meorum, utque offerat mihi amplexum, & osculum pacis, ut in aurem loquatur, commendaturus præcepta sua, & confinia. 3. Prius dedisse eum vestes, honorem, & famam, etiam corpus, & sanguinem; tandem nequid ad plenam felicitatem desit, tradere etiam animam suam, ut totus sit noster, & tu vicissim totus sis ipsius.

Punct. III. Conf. 1. Christum non solum supplicia, sed etiam mortem sustinere voluisse, ut se per mortē Deo sacrificium immolaret, ut per eam novum testamentum suum, & Sacramenta confirmaret, ut mortem æternam tibi debitam à te averteret. 2. Conf. mortuum fuisse ætate florente, ut florida omnia tibi offerret, & vicissim ne tu vitæ emendationem differres in aridam senectam, sed juveniles annos etiam ipsi consecrasses. Expende hîc solatium datum peccatoribus, dum qui ætate, morbo, aut animo languidi gravibus poenitentij pro peccatis suis satisfacere non possunt, habent promptu Christi poenas, sanguinem & mortem, quibus Deum placeant.

XXI. Christus



XXI. De signis in morte Christi Matt. 27. Marc. 15. Luc. 23. Ioan. 19.

*Punct. I. Et ecce velum templi scissum est in duas partes à summo usque deorsum.*

Confid. I. Christo moriente, omnes creaturas velut discipulis tormentis strepitum & fragorem edidisse, quo & gratularentur illi partem de hoste, victoriam, & pertinacibus Iudæorum animis terrorem incuterent, offerentes se ad criminum eorum ultionem. 2. *Velum templi scissum est*, ut significetur mysteria legis veteris nunc tandē sublato velo in aperta luce refulgere, patefactum aditum in sanctum sanctorum, nempe regnum cœleste, tum ut significetur tēplum ipsum lugere Iudæorum crimina, & in eorum detestationem velum seu vestimenta scindere: discamus hinc & nos memoria mortis Christi cor dolore scindere, ac sublato velo excusationum, interiora nostra confessario manifestare, ne ea postea sine ullo fructu ad maiorem confusionem omnibus revelentur.

*Punct. II. Et terra mota est.* Conf. I. Terram contremuisse horrore tanti flagitij, & quia diabolus Princeps hujus mundi magno impetu in gehennam præcipitabatur, sed potissimum ut & terrenum cor nostrum cōmoveretur ad pœnitentiam. 2. *Et petra scisse sunt*, ut significarentur corda nostra saxis duriora, sanguine Christi emollienda, sicut durities adamantis sanguine hirci emollitur: ubi observa completum hic quod Christus respondit Phariseis petentibus suppressi plausus populi die Palmarum: *Quia si hi tacerint, lapides clamabunt*, dum hac sua scissione testimonium dant divinitatis Christi. 3. Si nos, qui quovis peccato mortali Christum crucifigimus, non conteramur, nec Christo patienti compatiamur, ostendere nos esse terrâ magis insensibiles, & petris duriores.

Luc. 18.  
40.

*Punct. III. Et monumenta aperta sunt, & multa corpora sanctorum, qui dormierant, surrexerunt: & post resurrectionem ejus introierunt in sanctam civitatem, & apparuerunt multis.* Conf. I. Significari hic Christum morte sua apertis inferorum portis, sanctos Patres ibi pluribus sæculis detentos liberos emisisse, & iustorum corpora sic etiam surrectura aliquando ad gloriam: 2. Sanctos illos resurgente Christo, etiam resumptis corporibus apparuisse multis, ut essent veri ejus testes, qui eadem facilitate corpus suum recens mortuum, quâ illorum corpora in cineres redacta ad vitam revocavit, ut & tu in omnibus angustiis Deo confideres, ac tuam etiam ab eo resurrectionem sperares. 3. Conf. his quinque signis contineri fructus dominicæ Passionis, quos in anima peccatoris operatur; nam disrupto velo ignorantie & errorum apparet veritas doctrinæ Christi & divini iudicij: terrena corda salutaris timore commoventur ad pœnitentiam, Saxeæ & indurata emolliuntur: aperiuntur intimæ sordes confessario: & animus restitutus vitæ gratiæ dignus sit ingressu in civitatem sanctam cœlestem.

XXII. *Conversio Centurionis, cum suis.* Matt. 27. Matt. 15. Luc. 23.

**P**unct. I. *Videns Centurio qui ex adverso stabat, & qui cum eo erant custodientes Iesum, quia sic clamans expirasset, & viso terra motu, & his quæ fiebant, timuerunt valde.* Conf. I. Quàm cito exerat vires suas mors & sanguis Christi, tam efficaci oratione pro peccatoribus Deo Patri oblatus: unde & tu spem concipe eum tibi in necessitatibus non defuturum, qui carnifices suos ad poenitentiam revocavit. 2. Conf. Quinam primi à morte Christi ad ipsum convertantur, nempe gentiles, quia ad hos Ecclesiam suam transferre statuerat, milites, carnifices, homines infames, ut videas quales ad se primum attraxerit, nec esse flagitium tam grave cui non sit paratus ignoscere: Romani, quia decebat Romanam Religionem, quæ Ecclesiam universam erat moderatura, Christo sub ejus cruce dicari. 3. Conf. & imitare modum conversionis hujus Centurionis: ita ex adverso, attendens diligenter Christi mores, vitam & verba: audi ejus pro te & ad te clamorem, ac desiderium salutis: vide terram ceterasque creaturas motu suo testari divinam ejus Majestatem, ut & te ad poenitentiam commoveat. 4. Cum centurione etiam converti ejus milites, unde collige quantum valeat exemplum superioris apud subditos. Omnes autem *timuerunt valde, quia initium sapientia timor Domini.*

*Ecc. I.  
24*

Punct. II. *Et glorificaverunt Deum dicentes: verè hic homo iustus erat, verè filius Dei erat iste.* Conf. I. Infinitam bonitatem Christi, qua crudelitatem hostium suorum convertit in mansuetudinem, & opprobria, in gloriam suam prædicandam, quod munus est Angelorum. 2. Illos corde credidisse ad justitiam, cum per fidem *timuerunt valde, ore confessos ad salutem* Christum esse hominem iustum & innocentem, ac filium Dei. 3. Conf. Ingens miraculum, dum gentiles eum hominem Deum, & supremum numen agnoscunt, quem videbant infami & atroci morte extinctum, ac præ plagarum immanitate vix referre speciem hominis: quare & tu eum roga, ut mortis suæ merito fidem tuam confirmet & augeat.

*Rom. 10.  
13*

Punct. III. *Et omnis turba eorum, qui simul aderant, ad spectaculum istud, & videbant quæ fiebant, percutientes pectora sua revertebantur.* Conf. I. Hosce terræ motu, aliisque signis permotos, ut venerari & colere inciperent, quem prius spreverant: ut discas plures per adversa ad Deum converti, quàm per prospera. 2. Si ad te derivari volueris fructum Dominicæ Passionis, proposita peccatorum gravitate esse cor dolore tundendum, & assumenda signa poenitentiae. 3. *Stabant autem notæ ejus à longè, & mulieres multæ, quæ secute erant eum à Galilea, ministrantes ei:* Conf. Quomodo Christus amicos suos & benefactores remuneretur, ut nempe tribulationes sustineant, & in iis usque ad mortem perseverent: stant, à longè, quia exigua est crux nostra cum cruce Christi comparetur: tu Christum roga ut te cruce sua agnitum adiungat numero amicorum suorum.

XXIII. De



XXIII. De aperto latere Christi. Ioan. 19.

1355

**P**unct. I. Iudei ergo, quoniam Parasceve erat, ut non remanerent in cruce corpora sabbato, rogaverunt Pilatum, ut frangerentur eorum crura & tollerentur.

Confid. I. Suspectos in ligno de more & lege sub vesperam donari solitos beneficio sepulturæ, quia noverat supremus legislator Deus filium suum eo mortis genere perimendum, ideoque voluit & socios ejus in hoc supplicio ejusdem beneficij esse participes: unde tu disce Christo ac bonis adherere, ut cum ipsis de mercede communices. 2. Ad hoc rogandum permotos Iudæos non observantia legis, sed honoris sui, obsequentis diei festivitatem, & ut Christum citius ac novo tormento extinguerent, atque ex oculis plebis tollerent, quam videbant per prodigia compunctam: ubi adverte malitiam semper crescere, & inde obdurari unde simplices compunguntur. 3. Confid. utrumque latronem commune sustinuisse supplicium & accepisse beneficium, sed bonum peccata sua supplicio delevisse, ac gloriam sibi æternam etiam Martyrij comparasse: alterum verò addidisse æterna supplicia gehennæ: tu exemplo boni latronis afflictiones tuas suscipe in satisfactionem peccatorum, Deumque roga cum S. Augustino. *hic ure hic seca, modo in æternum parcas.*

Punct. II. Ad Iesum autem cum dederunt, ut viderunt eum iam mortuum, non fregerunt ejus crura, sed unus militum lanceâ latus ejus aperuit, & continuo exiit sanguis & aqua. Confid. I. Immanitatem hujus vulneris, quo latus non percussus, sed apertus est, ea amplitudine ut S. Thomas manum suam ei inferere potuerit. Expende hinc causam cur Christus iam mortuus sic excipi voluerit, ut ostenderet se morte sua nihil de amore remisisse, sed paratum iterum & sæpius pro salute nostra pati, ut ad cordis sui intima, quasi per ostium in latere arcæ nos invitaret: quare constituam mihi hic tria tabernacula in pedibus ejus in manibus, & latere ad corrigendos ibi gressus meos, opera & cogitationes. 2. Confid. per sanguinem & aquam significari sacramentum baptismi, in quo corpus abluitur aqua, & anima sacro ejus sanguine.

Punct. III. Facta sunt hæc, ut scriptura impleretur: os non communicetis ex eo. Confid. I. dictum hoc, sed figuratè de Agno Paschali, primariò autem de Christo, significari hic non comminuendum os ejus, nempe divinitatem, neque inhumanitatem ejus animi fortitudinem, patientiam, charitatem, neque Ecclesiam ejus aut fideles, quantumvis affligendos, sed fore in omnibus invictos. *Custodit Dominus omnia ossa eorum, unum ex his non conteretur.* 2. Et alia scriptura: *videbunt in quem transfixerunt*, nempe in extremo Christi adventu, cum omnes etiam impij videbunt venientem Iudicem, bonis exhibentem viscera misericordiæ, ipsis verò impijs exprobrantem & vindicantem crimina: tu ea nunc vide ad conunctionem, ne postea videas ad opprobrium.

Y Y 2

XXIV Scrib

**XXIV. Christus de cruce deponitur.** Matt. 27. Marc. 15. Luc. 23. Ioan. 19.

**Punct. 1.** Cum serò factum esset, venit quidam homo dives, ab Arimathia civitate Iudææ nomine Ioseph, qui erat nobilis decurio, vir bonus & iustus, qui & ipse discipulus erat Iesu, occultus tamen propter metum Iudæorum. Conf. 1. Christum qui hora diei nona, sive tertia pomeridiana spiritum emiserat, minimum tribus horis in cruce pendulum mansisse, ut se cruci affixum non solum vivum, sed etiā mortuum oculis & animis omnium spectandum exponeret, tantumque beneficium numquam ex animo tuo deponeres. 2. Conf. Insignem Dei providentiam, qua deiparæ de filij sepultura sollicitæ, ne sacrum corpus indignè tractaretur, submisit in tempore virum, qui ad hoc polleret opibus, valeret auctoritate, & pietate ferretur. 3. Conf. viri hujus conditiones, erat enim dives, nobilis, & decurio seu senator, & iustus, sed meticulosus: unde collige talenta naturæ sternere quidem viam ad Deum, si quis recte ijs utatur, sed ea sæpe dæmonis fraude metum humanum incurere, quo minùs ausint Deum palam confiteri: tu stude hunc metum humanum superare, memor non carpi rosas divinæ gloriæ, sine puncturis metus humani.

**Punct. II.** Hic non consenserat consilio & actibus eorum, quia expectabat & ipse regnum Dei: & audacter introivit ad Pilatum, & petiit corpus Iesu. Conf. 1. Tres alias insignes dotes in hoc Iosepho, quas convenit & te imitari, si concredi tibi velis corpus Iesu: fuge malorum consortia, adspira sæpius inter afflictiones hujus vitæ ad caelestem patriam, & perfice confidenter ac constanter ea quæ spectant Dei gloriam. 2. Conf. Miram obedientiam Christi, qua sicut ad mandatum Patris, coelestis crucem ascenderat, ita nec deponi inde voluit, nisi annuente Magistratu sæculari. Attende etiam eximium ejus in nos amorem, quo post datum nobis sanguinem, vitam, & animam, etiam corpus post mortem ad solatium nostrum per Iosephum dare voluit.

**Punct. III.** Ioseph autem mercatus sindonem tulit corpus Iesu, & deponens involvit illud in sindone munda. Conf. 1. Quanta veneratione & reverentia pius ille senator ad crucem Christi accesserit, manibus suis clavos evulserit, & sacrum corpus mortuum de cruce sustulerit, S. Ioanne, pijsque mulieribus auxiliantibus; quo sensu pietatis deipara illud in sinum suum excepit, & contemplata fuerit, expende hic hujus singultus, suspiria, lacrymas, & oscula vulneribus impressa. 2. Conf. Sindone munda designari conscientiam mandam à peccatis, qua corpus Christi iam gloriosum in S. Communionem excipiendum est, quam si non habeas, eme pretio poenitentiae. 3. Nullam hic fieri mentionem ministrorum, ut scias viros sanctos opera pietatis laetenter, & per se obire, non verò per manus famulorum, alias cavendum ne ij qui ea per se obire designantur, etiam per se excludantur à caelesti gloria.

**XXV. Christus**



XXV. Christus sepelitur. Matt. 17. Marc. 15. Luc. 23. Ioan. 19.

**P**unct. I. Venit autem & Nicodemus ferens mixturam myrrhæ & alicuius brascentum, & acceperunt corpus Iesu, & ligaverunt illud linteis cum aromatibus, sicut mos est Iudæis sepelire. Confid. 1. Quantum profecerit Nicodemus ex effuso Christi sanguine, prius enim veniebat nocte, nunc palam, tunc præter quaestiones nihil adferebat, nunc pretiosa adfert aromata, & officium exhibet sepulturæ: unde & tu discere ex passione Christi in virtute proficere, omnemque metum humanum superare. 2. Oblata hæc munera à Nicodemo corpori Christi, ei; grata accidisse, ut & tu ea quæ spectant Dei cultum pro viribus præstes, promoveas, ac collaudes, caveas verò cum Iuda carpere: *Vt quid perditio hac?* 3. Confid. coronam spineam militis ramis capiti impressam reverenter evelli, corpus vulneribus lacerum diligenter abluï, subiecta pelui, & sanguinis gramas ut sacras reliquias colligi ac magna cura asservari. 4. Corpus studiose lotum mundatum, & aromatibus conditum linteis involvi, ligari manus ne te puniat, pedes ne ad vindictam properet, velari vultum sudario, ne aspiciat foeditatem peccatorum tuorum.

Punct. II. Erat autem in loco, ubi crucifixus est, hortus & in horto monumentum novum, quod exciderat Ioseph in petra, in quo nondum quisquam positus erat. Ibi ergo posuerunt Iesum, & advoluit Ioseph saxum magnum ad ostium monumenti. Confid. 1. Sacrum hoc corpus deferri ad sepulchram vicinū monti Calvariæ, prosequente matre cum paucis piis mulieribus, comitantibus Angelis pacis amare flentibus, quibus & tu te adiunge. 2. Conf. Quale fuerit hoc sepulchrum, in horto, quia per mortem Christi, patefactus nobis est reditus ad hortum deliciarum, unde per peccatum Adæ excideramus. Excisum è petra, ut perpetuum exstaret monumentum mortis ejus ac resurrectionis. Novum, in quo nondum quisquam positus erat. Vt ipse omnia innovans solus sepulchrum cordis tui possideret, nec alteri in eo locum dares. 3. Confid. Christum in ven. Eucharistia involutum findone specierum, condendum in sepulchro animæ nostræ, quæ per varias virtutes referat horti amœnitatem, per constantiam firmitatem petræ, per puritatem à peccato nulli alteri Domino sit obnoxia.

Punct. III. Erant autem ibi Maria Magdalena, & Maria Ioseph sedentes contra sepulchrum: & mulieres quæ cum eo venerant de Galilæa, aspiciebant ubi poneretur corpus Iesu. Confid. 1. dolorem piarum mulierum, atque imprimis Deiparæ, quando à conspectu suavissimi Domini sui debuerunt avelli, quare & tu etiam ab ipso in oratione cum sensu pietatis recede. 2. Sicut mulieres illæ sederunt contra sepulchrum, attendentes ea quæ gerebantur, ita & tibi in angustiis tuis fugiendum ad corpus Christi in Eucharistia, ibique velut ad sepulchrum, passionem ejus ac mortem piè meditantem, tam quam unicuique afflictionibus tuis remedium & solatium.

## XXVI. De custodia sepulchri. Mat. 27.

**P**unct. I. Altera autem die, quæ est post Pascha, convenerunt Principes Sacerdotum & Pharisei ad Pilatum dicentes: Domine recordati sumus, quia seductor ille dixit adhuc vivens, post tres dies resurgam, iube ergo custodiri sepulchrum, ne veniant discipuli ejus, & furentur eum, & dicant plebi, surrexit à mortuis, & erit novissimus error peior priore. Confid. 1. Impia studia malignorum ad obscurandam gloriam Christi, & quidem in tanta festivitate, qua oportebat illos cum Deo agere, de salute animæ, ac gloria Christi promovenda. 2. Christum vocari hinc seductorem, quasi ipse homines ad errorem aut malum seduxerit, cum tamen omne studium ejus fuerit in abducendis hominibus ab errore ad lucem veritatis, à peccatis ad studia virtutum, à spaciola via inferni ad angustam semitam regni cœlestis: quare novum tibi aut durum non sit cum Christo calumnias pati ob studia virtutum. 3. Christum etiam mortuum timeri ab impijs, quantum magis timebitur vivus, & veniens cum maiestate iudicaturus vivos & mortuos: ubi attende timorem duplicem, alterum salutarem, quo percutientes pectora sua solliciti sunt de vitæ emendatione, illumque in te exprime: alterum vanum & inutilem, quo impij decretis Dei adversantur, eaque nituntur frustra infringere, quem tu declina.

Punct. II. Ait illis Pilatus: Habetis custodiam, ite, custodite, sicut scitis. Confid.

1. Pilatum cum semel cœpisset Iudæis consentire in mortem iniquam Christi, etiam hinc consentire illis in danda custodia: unde collige eum qui semel suggestionibus dæmonis, & consiliis improborum cœpit aures & animum accommodare, ægre deinde se inde subducere, prout experientia quotidie docet. 2. Hac diligenti custodia sepulchri maximè illustratam fuisse gloriam Christi, cum inde rumor resurrectionis deinde latius sparsus sit, & omnis suspicio furti per discipulos sublata: atque ita etiam illustrior fiet virtus tua, dum à malignis impetitur.

Punct. III. Illi autem abeuntes munierunt sepulchrum, signantes lapidem cum custodibus. Conf. 1. & expende hanc adeò diligentem custodiam; nam saxum sigillo munierunt, nequa fraus à quopiam fieret, & copiosum numerum militum adhibuerunt, ut certius vim omnem averterent. 2. Conf. Quo studio & vigilantia oporteat te custodire cor tuum, quo Christus, & cœlestes thesauri latent absconditi, maximè post sacram communionem: quare præserva te non solum ab operibus malis, custodiendo sensus externos, sed etiam cor obsigna signo sanctæ Crucis, & custodi adversus omnem fraudem ac violentiam dæmonum, ne tantus thesaurus tibi eripiat. 3. Mansisse corpus Christi in sepulchro tribus diebus & noctibus, sed non integris: duabus noctibus integris designari mortem & animæ & corporis nostri, die verò uno vitam gratiæ nobis morte ejus acquisitam.



# SECTION III.

## PRÆFATIO AD MEDITATIONES XII.

In Excellentias B. Virginis Mariæ  
per Litanias Lauretanas.

**L**itania, quæ preces sunt ad Deum supplices per Sanctorum intercessionem imploratam, Lauretana dicta sunt illæ, quæ Deipara præ ceteris Sanctis intercessionem implorant, ac multiplices ejus excellentias complexæ, primum in sacra ejus æde Lauretana ad ejus honorem recitatae sunt. Per illas obsecramus ipsam, ut postulatis nostris filium faciat annuere. Ante omnia autem nos ad Deum convertimus fontem omnis boni, & in Personis trinum, ut triplicem miseriam nostram, ignorantia, culpa, & poenæ velit depellere: Inde specialiter ad Christum, Deum & hominem, tanquam nostræ consortem naturæ, quæ ad complenda nostra desideria efficacius flectatur. Hinc Deipara dignitatem, quàm nec verbis, nec mente possumus concipere, pluribus titulis honorificis conamur exprimere, quibus nostrum erga ipsum pietatis affectum, & amorem accendamus, simul & fiduciam, reverentiam, ac gratulationem. Votis omnibus Mariam veneremur, *Bernard.* quia sic est voluntas ejus, qui totum nos habere voluit per Mariam.

I. Sancta

*I. Sancta Maria Sancta Dei Genitrix Sancta Virgo Virginum.*

**P***unct. I. Sancta Maria.* Confid. 1. Virginem Mariam primum hinc nomine suo compellari, quod ipsi & Angelis iucundissimum, nobis utilissimum, & daemonibus formidandum. Huius significationes quinque totidem litteris initialibus expressas expende. ac 1. *Maris stella* significatur, ad quam in procelloso mari huius vitæ, inter fluctus pravorum affectuum, & ventos tentationum nos oportet confugere, velut certam itineris nostri directricem, *Respice stellam, voca Mariam.* 2. significatur. *Amarum mare*, quia sicut continuit plenitudinem gratiæ, ita & dolorum, tum de acerbissima passione filij, tum de nostra ingratitudine & iniquitate: daemonibus insuper amara fuit, cum eorum potentiam contritam demerfit. 3. *Regina, seu domina* cœli & terræ, hominum & Angelorum, cui proinde te regendum penitus cōmitte, ut & doceat te affectus regere freno rationis & virtutis. 4. *Illuminata & illuminans*, quia super homines omnes & Angelos illustrata fuit lumine fidei & cognitionis divinæ, quod & nobis communicat, *cujus vita inclytæ cunctas illustrat Ecclesias.* 5. *Assimilatrix seu imitatrix Dei.* Illa enim divinas perfectiones & virtutes præ ceteris sanctis perfectissime in se velut in speculo expressit, quas & nobis exprimendas proponit.

**Punct. II. Sancta Dei Genitrix.** Confid. 1. Inter omnes Mariæ excellentias hanc longè præcipuam & cæterarum fontem eminere, ac sicut eminentiam Christi hinc colligit Apostolus; *Ad quem enim Angelorum aliquando dixit: fili meus es tu,* ita & Deiparæ: *Mater mea es tu.* 2. Confid. Cum fuerit in arbitrio Christi eligere sibi Matrem, ad pietatem ejus & honorem proprium spectasse, ut eligeret virginitatem nobilissimam: & sicut Christo quia Dei filio competunt omnia dona gratiæ & gloriæ, ita & post eum competere illa Mariæ, tanquā Matri Dei: ubi observa Deum non conferre dignitates, nisi inveniat, vel addat dona & ornamenta competentia. 3. Christum iuxta Præceptum suum de honore parentibus exhibendo, huic Matri suæ tribuisse singularem honorem, pietatem, venerationem, & obedientiam, *& erat subditus illis.*

**Punct. III. Sancta Virgo Virginum.** Confid. 1. Ab hac excellentia Materna præ cæteris præflare decus virginitatis, integræ simul & fecundæ. *Gaudia Maris habens cum virginitatis honore*, ut sicut æternus Pater filium genuit Deum de Deo, salva integritate naturæ divinæ, ita & hæc eundem carne sua purissima vestitum genuerit, sine læsione naturæ humanæ. 2. Confid. Virginem virginum dici seu singularem & perfectissimam, quia animi & corporis puritatem sine labe etiam minima integram semper perfectissime servavit. 3. Quia ad eam prima ab orbe condito se voto obstrinxit, ex perfectissimo Dei amore, atque ita vexillum erexit, quod tot millia virginitatis de utroque sexu in religione & sæculo, insigni pietatis fervore

*Ps. 44. 15. secutæ sunt. Adducentur Regi virgines post eam.*

*II. Mater*



## II. Mater Christi. Mater divinæ gratiæ.

**P**unct. I. *Mater Christi.* Conf. 1. Beatam Virginem Mariam genuisse non solum Deum, nec solum hominem, sed Christum Deum simul & hominem, unctum oleo divinitatis per unionem hypostaticam, & cælestis gratiæ in supremum Regem, Prophetam, & Sacerdotem, quem & nos rogabimus, ut nos pariter ungat in reges spirituales ad moderandos affectus, in prospicienda futura, in sacerdotes ad offerenda ei Sacrificia laudis & orationis. Insuper ut ungat nos in luctatores, ad subeundum fortiter certamen cum mundo, carne, & dæmone, sic ut de ijs triumphemus. 2. Mariam fuisse Matrem Christi non tantum carne, sed maximè spiritu, in adimplenda perfectissimè ejus voluntate. *Quicumque fecerit voluntatem Patris mei, qui in calis est, ille meus frater, & soror, & mater est.* atque hanc maternitatem spirituales longè nobiliorem esse carnali: unde S. Augustinus: *Beatior fuit Maria concipiendo mente, quàm ventre. Felicius gestavit cordo, quàm carne.* quia carnalis maternitas addit dignitatem, spiritualis verò gratiam, virtutem, & amicitiam cum Deo, ad quam te etiam excita. 3. Esse illam etiam Matrem omnium Christianorum, quos à Christo è cruce sibi commendatos in adoptionem recepit; quare rogemus eam: *Monstra te esse Matrem*, ut quos in filios recepit, eos & lactet solatijs, nutriat favoribus, vestiât patrocinijs, protectione defendat ab omni malo, & bonis omnibus cumulet, atque expleat partes muneris materni: sed & nos vicissim adimpleamus partes veri filij, amore, veneratione, & obedientia. *Sicut qui thesaurizat, ita qui honorat Matrem suam.* Mat. 17: 50.

**Punct. II.** *Mater divinæ gratiæ.* Conf. 1. Appellari illam *Matrem divinæ gratiæ*, eò quod fontem omnis gratiæ & gloriæ nostræ Christum in se conceperit, & mundopalàm protulerit, copiosè scaturientem per septem fluentia Sacramentorum, omnemque gratiam tam actualem quàm iustificantem in corda nostra derivantem, de quo beneficio gratias debitas illi studebo persolvere. 2. Quia ad hoc ipsa à SS. Trinitate inde ab æterno gratis electa fuit ad salutem omnium nostrum, & gratiæ fluentis omnibus copiosissimè implet, quæ numquam deinde diminuit, sed amplissimis incrementis assidue auxit. 3. Sicut ab Eva prima parente nostra omnes per peccatum nati sumus *filij iræ*, tanquàm ad eam à Deo sustinendam obnoxij: ita per illam nos in baptismo renasci omnes *filios* seu participes *divinæ gratiæ*; ac proinde rectè dici illam *Matrem cunctorum viventium*: dare illam suis alimentum, non terrenum, sed cæleste, eoque affectum provocare: *Ego Mater pulchra dilectionis* abstrahens amorem à terrenis ad cælestia, & timoris filialis, erga se & Deum, & sanctæ spei. 3. Parentes conferre nobis vitam naturæ, brevem, & multis miserijs obnoxiam; illam verò conferre nobis vitam gratiæ immortalem, & bonis omnibus cumulata. Eph. 2: 3. Gen. 3: 20.

*I. Mater Purissima. Mater Castissima. Mater Inviolata. Mater Intemerata.*

**P**unct. I. *Mater Purissima.* Confid. 1. Deum, sicut elegit sibi habitationem purissimam in coelo empyreo, in mentibus Angelicis, in arca ex lignis incorruptibilibus, in templo Salomonis ex auro puro; ita & Matrem sibi elegisse purissimam, utpote ab omni labe peccati maximè remotam, & sibi fonti omnis puritatis proximè adhærentem per actionem & ardentem amorem. 2. Confid. animam nostram foedari, seu impuritatem contrahere, dum terrenis rebus inordinatè adhæret. *Facti sunt abominabiles sicut ea quæ dilexerunt.* Et S. August. *Si terram amas, terra es; si celum amas, celum es; si Deum amas, Deus es.* Quare cave aliquid amare nisi Deum, vel propter Deum *Beati mundo corde, quoniam ipsi Deum videbunt.* 3. Sicut aurum maximè purificatur per ignem, ita & animam nostram purificari per ignem divini Amoris, & tribulationis.

os. 9.  
9.

Matth. 5.

*Punct. II. Mater Castissima.* Conf. 1. Dicit eam castissimam ob puritatem ab omni motu libidinis, etiam in ipsa conceptione, ut sicut primus Adam formatus est de terra virgine, etiam secundus de virginea carne, castitatem nobis commendaturus, formaretur. 2. Confid. eam, licet libera esset etiam à peccati fomite, & carnis concupiscentia; tamen pro castitate conservanda adhibuisse sedulo studia virtutum, ut sunt in primis castigatio carnis, mortificatio sensuum, oratio frequens, humilitas, modestia, silentium, otij fuga: quæ studia & nos pro eadem virtute conservanda pariter adhibeamus, ac potissimum pium ejusdem Virginis cultum.

*Punct. III. Mater Inviolata.* Conf. 1. Prædicari integritatem carnis Dei-paræ etiam in partu, ut filius ejus, sicut postea rediit in egressus est integro sepulchro, ita primum nasciturus egredieretur integro matris utero, quem transiens instar solaris radij non minuit, sed sacrauit. 2. Sicut filium peperit sine violatione carnis, ita & sine ullo colore, sed flexis genibus, oculis, manibus, ac mente in celum intentis, & castissimi amoris igne accensa filium in lucem edidit, & quem genuit adoravit. 3. Sicut SS. Trinitas & Angeli custodes sollicitè caverunt, ne castissima Virginis caro Deo consecrata ullatenus violaretur; ita & nobis cavendum ne caro nostra pariter Deo consecrata per votum castitatis, ullo modo violetur. *Si*

*quis templum Dei violaverit, disperdet illum Deus.*

1. Cor. 3.

*Punct. IV. Mater Intemerata.* Conf. 1. Eam sicut in conceptione fuit castissima, & in partu inviolata, ita & post partum semper mansisse intemeratam, nullo umquam impuritatis stimulo tentatam. *In æternum permanet virgo.* 2. Eam non solum in se fuisse ab omni motu libidinis immanem, sed & in aliis se injurientibus ejusmodi motus & affectus extinxisse, ac castitatis amorem instillasse: quare & nos imaginem ejus ac vitam crebro intuentes, ad castitatis amorem excitemus.

2. Cor. off.

*IV. Mater*



*IV. Mater Amabilis. Mater Admirabilis. Mater Creatoris. Mater Salvatoris.*

**P**unct. I. *Mater Amabilis.* Confid. 1. B. Virginem fuisse semper, & esse Amabilem à Deo, tum quia ejus incarnati Mater est, tum quia donis omnibus naturæ, gratiæ, & gloriæ copiosissimè est decorata, tum quia divinæ puritatis ac ceterarum ejus perfectionum perfectissimum est simulachrum. 2. Esse eam amabilem à nobis, quia Mater etiam nostra est, quæ nos acerbissimis doloribus sub cruce Filij peperit, & ad salutem nostram ardentiamore, studio, ac patrocinio promovendam est assidue intentæ. Expende hic beneficia particularia tibi per eam collata, ac proinde quomodo tibi debeat esse singulariter amabilis.

*Punct. II. Mater Admirabilis.* Confid. 1. Eam rectè dici admirabilem, non tantum ob singularem excellentiam, sed ob insolentiam & novitatem: dum virgo simul est & fecunda, Mater Dei & hominis, genitrix sui genitoris, quia altissimus simul est & infimus, æternus & temporalis, finitus & infinitus, fortissimus & debilissimus. 2. Renovari in ea omnia mirabilia legis veteris, rubum ardentem & incombustum, columnam ignis per desertum, virginem Moylis & Aaronis, ac memoriam mirabilium Dei. Sanctos alios admirabiles fuisse in virtute particulari, Petrum Apostolum in fide, Paulum in prædicando verbo Dei, Andream in amore crucis, Joannem in castitate, Stephanum in fortitudine, Magdalenam in poenitentia; sed hanc in se omnia longè perfectiùs mirabiliter complexam: 3. Desinamus mirari terrena, velut puerorum crepundia, vana & caduca, contemplemur, æstimemus, & admiremur illam, ejusque dotes, has illi gratulemur, ac, nobis imitandas proponamus.

*Punct. III. Mater Creatoris.* Confid. 1. Eam meritiò admirabilem appellari, dum ipsa creatura suum genuit Creatorem, filia Parentem, stella Solem, rivus fontem, & opus artificem: quare cum omnipotentiam Creatoris ad nutum habuit, tunc gratiæ ejus confidenter accedamus. Conf. 2. Quidquid in creaturis omnibus perfectionis est, quidquid boni honesti, iucundi, aut utilis, id omni perfectissimo modo à Creatore huic Matri suæ communicatum; frustra proinde sectari nos per partes, quod totum, & perfectiùs in illa habere possumus.

*Punct. IV. Mater Salvatoris.* Conf. 1. Cum omnes homines salutem, sive liberationem à malis, & cumulationem bonorum appetant, hanc nobis ab ea donatæ, dum genuit nobis Salvatorem, cui tam proprium est salvare, quàm igni urere, & luci illustrare: unde collige quantum plus debeamus huic Matri, quàm parentibus carnalibus. 2. Illam pariendo nobis Salvatorem, simul etiam peperisse nobis media omnia ad salutem necessaria, dona gratiæ, auxilia, vocationes, inspirationes, Sacramenta, & indulgentias, ac pro omnibus his beneficiis nihil postulare, nisi ut oblata nobis à Salvatore salutem amplectamur.

*V. Virgo Prudentissima. Virgo Veneranda. Virgo Prædicanda.*

**P***unct. I. Virgo Prudentissima.* Conf. 1. Post Excellentiam Maternam elogiis maximè propriis Virgini illustratam, deinde virginalem excellentiam illustrari elogiis propriis Matri, ut hæc omnia inter se connexa, & in utraque illa excellentia Materna ac virginali fundata appareant. In primis verò hîc eam laudari super omnes à prudentia, quæ virtutum Cardinalium prima ceteras dirigit ne defleant, ac Matri-familiâs ante omnia est necessaria, diciturque ab Aristotele *recta ratio agendorum*; ab Augustino *scientia rerum appetendarum & fugiendorum*, dirigens omnia ad regulam rectæ rationis, eoque media ordinans, in quo Deipara omnes viros & feminas superavit. 2. Actus prudentiæ, in quibus pariter emittit, consistere in cavendis malis per custodiam cordis & sensuum, ac eligendis bonis per observantiam divinæ legis, nominatim castitatis, humilitatis, & modestiæ. 3. Prudentiam dirigere media, quæ sunt opera bona, ad finem honestum, seu beatitudinem: *Satagite ut per bona opera certam vestram vocationem, & electionem facialis*: in quibus omnibus illa longè excelluit.

2. Pet. 1.  
10.

*Punct. II. Virgo veneranda.* Confid. 1. Venerationem deberi personis excellentibus, eò maiorem, quò magis naturæ, gratiæ, ac gloriæ donis excellent: quare cùm Deipara in omnibus uno Deo inferior sit, reliquas vero creaturas omnes, longissimè transcendat, eam supra omnes singulari veneratione & honore esse colendam. 2. Si in hac vita veneramur personas doctrina, dignitate, potentia, ac virtutibus præstantes; nam *gloria & honor omni operanti bonum*; quantò magis veneranda sit ea quæ omnium dotes in se perfectissimè continet, quam veneratur Ecclesia universa, omnes Angeli, & beati in cœlo, ac Deus ipse in Matrem suam à se, & omnibus venerandam delegit? quare excita in te amorem ejus & æstimationem. 3. Quomodo veneranda sit: laudibus ejus prædicandis, dotibus congratulandis, reverentia interna & externa, oratione attentâ, & humili, jejunijs, cultu imaginum ejus & festivitatum.

Rom. 2. 1.  
10.

*Punct. III. Virgo Prædicanda.* Conf. 1. Deiparam sicut super omnes creaturas veneranda est, ita & esse super omnes prædicandam, sic ut non sufficiat privatum ei cultum impendere, sed oporteat publica laude virtutes ejus, & accepta beneficia prædicare, qua nos & alios ad eius amorem excitemus. *Felix namque es sacra Virgo Maria, & omni laude dignissima.* 2. Conf. fuisse eam prædicatam à Deo inde ab æterno, cùm eam in Matrem elegit, ac deinde in tempore per tot symbola & figuras adumbravit, per Patriarchas

Gen. 6. 9.

Luc. 1. 42.

Ecc. 1. 7.

9.

Ecc. 24.

31.

& Prophetas celebravit: ab Angelis: *quæ est ista quæ progreditur?* ab hominibus per omnes Ecclesiæ ætates: *Viderunt eam filie Sion, & beatissimam prædicaverunt* & iuxta ejus vaticinium: *Beatam me dicent omnes generationes.* 3. Quomodo prædicanda sit: labijs & corde puro, quia *non est speciosa laus in ore peccatoris*, ac potissimum, virtutum ejus imitatione.

*VI. Virgo*



VI. Virgo Potens. Virgo Clemens. Virgo Fidelis.

**Punct. I. Virgo Potens.** Confid. 1. Potentiam Deiparę eluxisse imprimis, & quotidie elucere apud Deum, qui quantumvis omnipotens, & verbo creaverit cœlum & terram, & omnia quę in eis sunt; tamen ab illa etiam pari verbo *Fiat* de cœlo in terram attractus & carne nostrā inductus est. *Vulnerasti cor meum soror mea sponsa:* atque hinc posse illam omnia apud ipsum, & per ipsum. *Omnia possum in eo qui me confortat & si omnia quę habet Pater dedit Filio, omnia quę habet Filius, non negabit Matri.* 2. Elucere potentiam ejus contra diabolū ejusque suggestiones, quas vel solum nominis sui invocatione frequenter dissipat. *Ipsa conteret caput tuum. Terribilis ut castrorum acies ordinata:* quare in omni tentatione sub ejus præsidium confidenter confugiamus: *Tu nos ab hoste protege & hora mortis suscipe.*

Cant. 4.  
Bernard.  
Phil. 4. 13.  
Ioan. 13.  
Gen. 3. 15.  
Cant. 6. 3.  
Eccl. off.

**Punct. II. Virgo Clemens.** Confid. 1. Prius attributum Potentię timeri potuisse, nisi hoc Clementię iungeretur, quę sublato timore excitat in nobis fiduciam & securitatem, cum inclinet ad moderationem poenę subditis infligendę. Expende hęc quanta supplicia peccatis tuis sæpius commerueris, eaque tibi per clementiam hujus Virginis mitigata. *Os suum aperuit sapientię, & lex clementię in lingua ejus.* 2. Licet omnia peccata ut pote Purissima maximè aversetur, tamē eam peccatores libenter recipere & invitare exemplo Filij sui, cum hoc discrimine quod Filio utpote Iudici severitas iustitię admixta sit, in hac verò remaneat pura clementia. 3. Expende cum S. Bernardo Clementię hujus in hac Virgine dimensiones: *quę sit latitudo* extendens se per totum orbem, & *longitudo* usque ad mundi finem, & *sublimitas* provehens suos usquē ad visionem divinę essentię, & *profundum* penetrans infra terram ad animas in purgatoriis flammis detentas; quare benignum ejus fauorem inclama: *O clemens, ô pia, ô dulcis Virgo Maria.*

Prov. 35.  
26.  
Eph. 3. 18.  
Eccl. off.

**Punct. III. Virgo fidelis.** Confid. 1. Fidelitatem consistere in præstanda fide alteri debita, atque ita Deum imprimis esse fidelem in fide nobis obligata præstanda; *Fidelis Dominus in omnibus verbis suis.* ac vicissim requirere fideles servos. *Oculi mei ad fideles terrę.* Odissē verò ac graviter punire perfidos, seu fidei obligatę violatores. 2. Deiparam fuisse semper præ omnibus maximè fidelem erga Deum, sic ut obligatam illi fidem numquam vel in minimo violaverit, gloriam & honorē ejus numquam sibi arrogaverit, constanter ei semper adhæserit, etiam in morte Filij ignominiosa discipulis omnibus fugientibus. 3. Servare illam etiam fidem erga homines, ac potissimum in afflictione, & in morte: *Amicus certus in re incerta cernitur.* *Ipsi in fraude circumventientium illum adfuit illi, custodivit ab inimicis, & à seducticibus tutavit illum.* Quare studeamus esse fideles illi invitati, & ipsa fidelis erit nobis etiam in morte.

Ennius.  
Sap. 10.  
11.

VII. *Speculum Iustitiæ. Sedes sapientiæ. Causa nostra lætitiæ.*

**Punct. I.** *Speculum Iustitiæ.* Confid. 1. Post excellentias Deiparæ proprijs, non omnibus expressas, alias deinde metaphoricis seu per rerum similitudines exponi, atque imprimis appellari *Speculum Iustitiæ*; licet enim omnes Angeli, & homines, simul & mundus universus speculum sit divinarum perfectionum, Deiparam tamen præ omnibus scilicet speculum esse perfectissimum & purissimum, in quo divinarum perfectiones ac virtutes omnes Theologicæ ac Morales perfectissimè relucunt: quare pro omni virtute tibi magis necessaria vitam ejus tibi sæpius propone. 2. Sicut in speculo convexo seu prominente res apparet exigua, in concavo autem seu profundo ampla; ita in peccatoribus superbia tumidis Deum repræsentari exiguum, magnum verò in iustis per humilitatem & mortificationem depressis; inter quos excellens Deipara ait: *Magnificat anima mea Dominum.* 3. Cum speculum ostendat maculas in vultu eluendas, Deiparam non tantum ostendere nobis maculas animæ, sed etiam iuvare nos ad eas eluendas, ac pulchritudinem obtinendam, quam sæpius nunc in ea attentè contemplare, ut postea totus mundus appareas in conspectu Dei.

Luc. I. 46.

Pf. 104.  
Pf. 79. 2.  
Eccl. 1. 1.

**Punct. II.** *S. des sapientiæ.* Confid. 1. Deiparam rectè appellari *sedem sapientiæ*, eò quòd iam illa velut in throno ac folio regni divina & increata sapientia requieverit, à qua omnis creata sapientia originem habet: quare thronum hunc supplices veneremur, ut de hac sapientia plenius possimus participare. 2. Cum in S. Scriptura cælum sedes Dei nominetur, *Dominus in cælo sedes ejus*, & Angeli, *Qui sedes super Cherubim*, atque anima cujusque iusti, *Veni electa mea, & ponam in te thronum meum*: potiori iure hoc non en competere Deiparæ, quæ cælum superat puritate, Angelos gloria, & iustos omnes gratia. 3. Constat etiam creatam sapientiam illi copiosissime communicatam sic in ea semper mansisse, ut numquàm defecerit: quare & hanc ab ea præ omni humana sapientia petamus, æstimemus, & constanter servemus.

Pf. 8.  
3.

**Punct. 3.** *Causa nostra lætitiæ.* Confid. 1. Cum sapientia Patris in B. Virgine resedit, hanc ab ea tam abundanti lætitiæ fuisse perfusam, ut eam in totum genus humanum diffuderit; nam concipiendo & pariendo Salvatorem mundi, malum nostrum omne depulit, atque æternam salutem omnis lætitiæ nostræ fontem præparavit. 2. Illam hac conceptione & partu Salvatoris causam lætitiæ fuisse Deo, cujus *deliciae sunt esse cum Filiis hominum*, & Angelis, quorum ruinas restauravit, ac nobis potissimum, quos è summis miserijs ad summam felicitatem evexit, & adhuc quotidie intercessione sua in cælis nos ad eam promovet: quare gratos nos ei exhibeamus, obsequijs pietatis, ut lætitiæ hæc nostra non vana & terrena, sed solida & cælestis æternum duret, & gaudia nostra cum illa in decantandis Deo laudibus sine fine celebremus.



VIII. Vas Spirituale. Vas Honorabile. Vas insigne devotionis.

**Punct. I. Vas Spirituale.** Conf. I. Deiparam vasis nomine significari velut receptaculum continens in se peculiari modo Spiritum sanctum, & omnia ejus dona, plenam sibi, superplenam nobis, de cujus plenitudine omnes accipiunt; unde & dicitur gazophylacium divine munificentiae & liberalitatis, de quo hauriunt moesti lætitiā, afflicti solatium, cæci lumen, peccatores veniam, desperantes fiduciam, & iusti omnes incrementa gratiæ ac gloriæ. 2. Conf. dici etiam vas tanquam instrumentum à Deo electum, non ad perditionem aut vindictam; sed ad salutem & misericordiam; de quo ait: *Cum eo eram cuncta componens.* vas quo usus est Deus ad Spiritus S. dona omnibus communicanda, ad fundandam Ecclesiam, ad illuminandos Apostolos, roborandos Martyres, Confessores in pietate, Virgines in corporis & animi puritate conservandas & promovendas; ad excitandos etiam ac dirigendos omnes religiosorum Ordinum fundatores: quare cæve pijs ejus motibus resistere, sed eis promptè ac ferventer insisterè.

**Punct. II. Vas Honorabile.** Conf. I. Vasa sive receptaculi, sive instrumenti nomine significantur, alia esse in honorem, alia verò in contumeliā. Electos omnes esse vasa in honorem, quos Deus hic format per tribulationes, probat per tentationes, exornat gratijs & virtutibus, ut eos deinde inter cælestes thesauros suos ad publicum eorum honorem exponat; inter quos stude ut locum invenias: reprobo, autem, esse vasa in contumeliā, immunda, & perdita, à lætèrnum approbationem culpa sua distinata. 2. Deiparam esse vas electum à Deo in honorem, super omnes creaturas, cum eam ab ætèrno à dignitatem Mariæ suæ elegit: *Domini possedit me in initio viae* rum juvenum & constituit eam exemplar omnis perfectionis sanctorum: Ante omnes colles ego parturiteor: ac promissa à omnibus Sanctis, & nobis potissimum peculiari cultu hyper-dulciæ super omnes Sanctos honorandam. 3. Est illa vas auri, fulgens auro charitatis & divinitatis, solidum nulla demeritis vi aut fraude umquam læsum, ornatum omni lapide pretioso, variis virtutum: *Vas admirabile opus excelsi; non est factum tale opus in universis regnis,* vas immensum, quia quem totus non capit orbis, in tu se clausit viscera factus homo. Mirari in hoc & virginis dignitatem, & Dei dignationem.

**Punct. III. Vas insigne devotionis.** Conf. I. Deiparam vas esse non communi aliquo honore dignum, sed eximium, excellens, & velut signo inter omnia eminens. Ceteris datur gratia per partes, Maria se infudit tota gratiæ plenitudo: Et omnes omnium sanctorum prerogativa. Benedictionem omnium gentium dedit illi. 2. Vas hoc insignitum esse ac fervere imprimis devotione seu promptitudine ad cultum Dei, & omnia opera pietatis, quæ hic expende quæ attentione ac fervore peregerit inde à prima sua conceptione in utero matris, quomodo ea auxerit reliquo vitæ tempore, in divini verbi incarnatione, partu, educatione, & 30. annorum conversatione, assistendo ei in cruce, ac dispositione ad Spiritum S. & mortem.

## IX. Rosa mystica. Turris Davidica. Turris eburnea.

Cant. 2.  
2.Anacr.  
Fol. 24.  
20.Cant. 1.  
15.

Cant. 1. 3.

Apoc. 12.  
1.  
Prov. 21.  
99.2. Reg. 5.  
7.  
Ps 86. 1.  
Cant. 4.  
Eccl. off.

**P**unct. I. Rosa mystica. Confid. 1. Cum Ecclesia sit velut *hortu conclusus*, varijs florum generibus à Deo confitus, lilijs castitatis, violis humilitatis, rosis charitatis, hinc deiparam convenientius significari; nam sicut *Rosa honor decusque* florum est ac regina, ita & hæc decus, ornamentum, & gloria est Ecclesiæ, *quasi plantatio rose in Iericho*: Mysticam, verò dici eo quod Deiparæ excellentia rosæ proprietatibus mysticè adumbretur. 2. Sicut rosæ aliæ candidæ, aliæ rubicundæ sunt, ita & illam esse candidam per virginitatem, rubicundam per charitatem. Rosa inter flores pulcherrima est, hæc *tota pulchra* mente & corpore; ista est fragrantissima, hæc suavem & efficacem virtutum odorem latissime diffundit, quo Dei filium attraxit è cælis, quo recreat cælités, cruciat inferos, & omnem terram oblectat: quare & nos *curramus in odorem unguentorum ejus*. Rosa medicinalis est, arcens humores noxios, sedans tremorem cordis, mitigans dolorem capitis: ita & hæc. Rosa hæc sine spinis peccati est, illæsa neminem læsit. Rosis denique decorantur virgines in vita & morte: quare & nos virgini huic sertum Rosarij quotidie recens pia precatione deferamus, ut & ipsa nobis impetret in morte coronam gloriæ immarcescibilem.

**Punct. II. Turris Davidica.** Confid. 1. Deiparam hic Turri comparari, eò quòd sicut hæc eminet altitudine ex reliqua fabrica, ita illa ex Ecclesia contemplatione cœlestiū, & contemptu terrenorum; *Luna sub pedibus ejus*, præstantia virtutum, & cumulo meritorum: *Multe filie congregaverunt divitias, tu supergressa es universas*, eo & nos adspiciamus. 2. Sicut turris firmitate ac munitione præstat, in qua tuti sint qui se eò recipiunt, imò & hostem ex alto conterant: sic & hanc fundatam in petra Christo, omnes ad se confugientes tutari, ac diaboli vires & potentiam frangere. 3. A Davide Rege extructam turrem ad defensionem Ierosolymæ: ita & hanc à Deo ad defensionem Ecclesiæ; *ipse fundavit eam altissimus*. Mille clypei pendent ex ea, remedia contra quavis mala corporis & animi, & *omnis armatura fortium*, virtus omnium sanctorum in ea continetur: quare, *tu nos ab hoste protege, & hora mortis suscipe*.

**Punct. III. Turris eburnea.** Confid. Protectionem deiparæ etiam eburnæ Turris proprietatibus significari, sicut enim ebur 1. solidum & firmum est, etiam igni resistens: ita Deipara nullo diaboli telo umquam læsa, nec intus impugnata, stabilita dono patientiæ, fortitudinis, ac perseverantiæ. 2. Ebur candidum est & mundum: ita & hæc per fidei antiquitatem, & conscientię puritatem, cujus vbera Christus suxit, & lacte nutritus est Ebur diuturnitate rubescit, & hujus puritas ruborem sectatur martyrij. 3. Frigidum est, & hæc ardorem libidinis etiam in alijs restinguit, & carnis concupiscentiā coercet. 4. Aptissimum est ad omnes colores recipiendos, & hæc ad omnia dona cœlestia recipienda & conservanda. Eadem & nos exprimere studeamus.

X. De



3

**X. Domus aurea. Fœderis arca. Ianuæ cæli. Stella matutina.**

**Punct. I. Domus aurea.** Confid. 1. Cum corpora & mentes justorum templa seu domus Dei appellantur: *Nescitis quoniam membra vestra templum sunt Spiritus sancti: Templum Dei sanctum est, quod estis vos, Deiparam præ omni-* 1. Cor. 6. 15.  
1. Cor. 3. 17.  
*bus templum esse sanctissimum, in quo plenitudo divinitatis corporaliter requie-* Ambros.  
*vit, idecque cum omni reverentia adeundam, domum tuam decet sanctitudo* Psal. 92. 5.  
**Domine.** 2. Eam non templo qualicumque, sed aureo Salomonis designari, in quo sicut nihil erat quod non auro regeretur, & vasa omnia erant ex auro purissimo: 2. Reg. 6. 22  
ita & omnes hujus actiones fuisse exornatas auro charitatis. Idem & nos imitemur, & confidenter eam accedamus. *Oculi mei erunt aperti, & aures meæ erectæ ad orationem ejus qui in loco isto oraverit.* 2. Par. 7. 17

**Punct. II. Fœderis arca.** Confid. 1. Arcam quæ tabulas legis continebat, per quam Deus cum populo suo fœdus percussit, exstructam ex lignis Sethim, seu incomputribilibus, intus & foris deauratam, in domo Dei principem locum occupasse; ita & Deiparam non tabulas legis, sed ipsum supremum legislatorem utero complexam, per quem fœdus pacis initum cum genere humano, nulli corruptioni mentis aut corporis obnoxiam, fulgentem auro charitatis intus in Deum, foris in proximum. 2. Confid. Corona aurea, qua arca illa ornabatur, designari potestatem Regiam Deiparæ; propitiatorio quo tegebatur, gratiam Dei propitiandi, Cherubinis plenitudinem scientiæ; illam in præliis fuisse auxilio suis contra hostes, ita & hanc illam benedixisse domui Obededom, ita & hæc clientes suos beneficiis cumulare.

**Punct. III. Ianuæ cæli.** Confid. 1. Sicut 12. Apostoli vocantur 12. Portæ, Apost. 21. 12.  
Jerusalem cælestis, eò quod meritis & exemplis suis alios fideles in cælum introducant, ita & lōgè potius Deiparam, per quam Dei Filius è cælo in terras descendit, ac nobis è terra in cælum aditum aperuit, *Ianuam cæli* appellari: unde S. Germanus Patr. *Nullus est, qui salvus fiat, o Virgo, nisi per te.* 2. Januam hanc omnibus verè pœnitentibus semper patere, designa- 2. Reg. 6. 32.  
Prov. 8. 35.  
tam ligno Olivarum seu misericordiæ, ex quo janua in Sanctum sanctorum constabat. *Quisne inveniet, invenerit vitam:* quare ad januam hanc cursum omnem nostrum dirigamus.

**Punct. IV. Stella matutina.** Confid. 1. Doctores Ecclesiæ rectè stellas appellari, eò quod pulsis errorū tenebris, inducant lumen veræ scientiæ; sed hoc potissimum competere Deiparæ, quæ à Christo justitiæ sole plenissimum lumen acceptum nobis communicavit. 2. Stellas licet in se magnas, tamen ob altitudinem exiguas apparere; ita & hanc per humilitatem; illas esse *in signa & tempora*, hanc in signum gratiæ præsentis & futuræ gloriæ; illas vires influere, etiam per terræ viscera, hanc in mentibus hominum. 3. Matutinam dici, quia finem attulit noctis peccatorum, & initium diei gratiæ; finem dolorum, & initium gaudij.

**XI. Salus infirmorum. Refugium peccatorum. Consolatrix afflictorum.  
Auxilium Christianorum.**

**Punct. I. Salus infirmorum.** Confid. 1. Omnes homines in hac vita passim variis, infirmitatibus corporis & animi obnoxios, ac pro iis curandis sollicitos implorare artem medicorum, & patrocinia Sanctorum: sed adversus omnes longè certiolem & perfectiolem salutem præstari ab una Deipara, quæ Salvatorelem mundi nobis genuit, de quo sicut *virtus exibat & sanabat omnes*, ita & liberalissimè de illa. 2. Opem & auxilia Deiparæ testari votivas tabulas aris ejus appensas, in signum receptæ per eam sanitatis corporis & animi; unde S. Bernardus: *Omnibus misericordiæ sinum aperit, & de plenitudine ejus accipiunt universi, captivus redemptionem, æger curationem, tristis consolationem, peccator veniam, justus gratiam.*

**Punct. II. Refugium peccatorum.** Confid. 1. Quia peccata infirmitates animæ longè sunt graviore corporis; adversus hæc implorari speciale auxilium Deiparæ, utpote quæ Mater & fons misericordiæ eò sit pronior ad tollendas miseria, quò illæ sunt graviore, Filium imitata, qui *peccatores recipit, & manducat cum illis*. 2. Eam cum in vita etiam peccatoribus gratiam obtinuerit, id nunc ferventiùs præstare in gloria, ubi peccatorum miseria clariùs cognoscit; neque per hoc gloriæ ejus splendorem obscurari, sed illustriùs nitere. 3. Civitates refugij olim azylum præbuisse tantum homicidis ex casu fortuito; illam verò recipere sub tutela sua omnis generis peccatores, quantumvis enorme, modò sint criminum poenitente. *Memor ero Rahab & Babylonis, improborum, scientium me. Erit illis in umbraculum divi ab æstu, & insécurité, & absconsionem à turbine & pluvia.*

**Punct. III. Consolatrix afflictorum.** Confid. 1. In afflictione cognosci amicum fidelem, qui vel auxilium adferat, vel solatium; utrumque autem plenius & promptiùs præstari à Deipara, eamque hîc nominatim à fidelibus perfectionis studiosis invocari, non tam pro liberatione ab ærumnis, quam pro animi robore & solatio in eis sustinendis. *Fiat misericordia tua ut consoletur me.* 2. Ipsam cœpisse etiam in hac vita suis solatia impendere, sed id nunc perfectiùs præstare è cælis, ubi misericordiæ fonti proxima est, sed potissimum in extremo illo agone.

**Punct. IV. Auxilium Christianorum.** Confid. 1. V. Mariam, licet radios misericordiæ suæ instar Solis cum auxilio extendat ad omnes homines, bonos & malos, peculiari tamen amplecti & auxilio prosequi Christianos, tanquam Filio suo per baptismum renatos in spiritu fratres, coheredes regni cælestis; ideoque his peculiari fiducia ad illam in omni necessitate pro auxilio recurrendum. 2. Eam velut Matrem gerere peculiarem curam omnium Christianorum, sed maxime justorum & clientum suorum, quibus etiam non invocata palam & occultè ardet succurrere, maxime cõtra hostes in præliis; unde Ecclesia: *Damihî virtutem contra hostes tuos, ac meos visibiles & invisibiles. Si illa pro nobis, quis contra nos?* **XII. Regiæ.**



## XII. Regina Angelorum, Patriarcharum, Prophetarum, &c.

**Punct. I. Regina Angelorum.** Confid. 1. Sicut Regis est præesse aliis, eoque dignitate, potentia, opibus superare; ita & B. Virginem præesse omnibus Angelorum choris, ad hoc divino jure à Deo electam, & humano per Filij gloriosam victoriam & sanguinis ejus emptione statueram, ideoque & cælestium donorum affluentia, nominatim mentis puritate omnibus præstare, omnes illam ut Reginam suam venerari, & à nobis cultu & honore supra omnes esse venerandam. 2. Ipsam etiã superare omnes Angelorū choros in propriis perfectionibus & functionibus, Angelos in hominū custodia, Archangelos in custodia Regnorū, Principatus in cura Principū, Potestates in coercendis dæmonibus, Virtutes in arduis operandis, Dominationes in inferioribus dirigendis, Thronos conjunctione cū Deo, Cherubinos plenitudine scientiæ, Seraphinos ardore charitatis; ac proinde hæc omnia ab ipsa confidentiùs postulanda, & certiùs consequenda.

**Punct. II. Regina Patriarcharum.** Confid. 1. Eam præesse ac præstare etiam in cælo hominibus beatis, 1. Patriarchis in fide, studio divini cultus, laborū tolerantia, ac desiderio Salvatoris: ubi expende quomodo in his excellerint Adam, Abel, Enoch, Noë, Abraham, aliique, & tamen illi in omnibus penitus supplices deferat. 2. Superare eam Prophetas omnes, Moysen & Davidem, Majores & Minores, in cognoscendis divinis arcanis, in vitæ sanctitate, & miraculis patrandis, atque ipsam esse de qua omnes Prophetæ prophetarunt. 3. Superare eam Apostolos, qui à Filio ejus Christo missi Legati per orbem terrarum, cum auctoritate prædicandi Evangelium, baptizandi, peccata remittendi, & Ecclesias fundandi, eam in functionibus non sociam, sed Magistram & Dominam agnoverunt, ab ea instructi verbo & exemplo, atque animo roborati: atque ab eadem successores illorum Apostolicum spiritum hauserunt.

**Punct. III. Regina Martyrum.** Confid. 4. Eam præstare etiam Martyribus in animi fortitudine & constantia inter acerbissimos dolores sub cruce Filij unice dilecti, nobilissimi, tenerrimi, & innocentissimi, crudelissime & ignominiosissime cruciati, sic ut Martyrū omniū tormenta ibi corde suo exceperit. 5. Præstare eam Confessoribus, qui tum in religione, tum in sæculo singulari vitæ sanctimonia, terrenarum rerum contemptu, ac cælestium desiderio, naturali morte vitam concluderunt. 6. Præstare Virginitas, quæ licet flos sint Ecclesiastici germinis, decus atque ornamentum gratiæ spiritalis, omnes tamen illi deferunt in corporis & animi puritate, cujus primum exemplum in castitate Deo vivenda constanter secute sunt.

**Punct. IV. Regina Sanctorū omniū.** Conf. deniq; eā præesse ac præstare omnibus Sæctis, cujusq; ordinis, gradus, & sexus, in meritis, gratiis, & gloria, sic ut ipsa omnium thesauros, dona, prærogativas, & privilegia multo perfectius in se contineat: ac proinde quidquid per aliorū patrocina à Deo postulatur, certiùs per illā & facilius obtinendū.

# SECTIO IV.

## PRÆFATIO

### AD MEDITATIONES

In Functiones quotidianas,  
& varias per annum.

**C***um perfectio spiritualis exerceri & enitere potissimum debeat in functionibus quotidianis, eas hinc subjeci Meditationibus expressas, cum instructione & motivis eas quam optime obeundi. Sunt igitur Meditationes hæ magis practicae, instructæ intellectum, ac dirigentes voluntatem, imprimis ad orationem recte instituendam, ad Sacrum cum fructu dicendum & audiendum, ad Sacramenta pie frequentanda, aliasq; per diem actiones recte obeundas. Pro recollectione insuper hebdomadaria, menstrua, semestri, & annua, pro quibus omnibus Meditationes proprias hinc expressas assume, & ad usum applica.*



1. De modo surgendi matutini.

**Punct. I.** Confid. 1. Mane surgendum tibi promptè, tanquam ad vocem Christi evocantis te ad dona cælestia sua tibi elargienda in proxima meditatione; quare responde cum Propheta Regio: *Paratum cor meum Deus.* Ps. 56. 2.  
 2. Surgendum fortiter contra conatus dæmonis infestantis hunc obedientiæ & communis orationis fructum, pro quo conservando converte te ad sanctissimam Trinitatem, tibi aperto quasi cælo cum Sanctis omnibus præsentem, à quo benedictionem postula, dicens; *Per signum crucis de inimicis nostris libera nos Deus noster. Benedicta sit sancta Trinitas, &c.* Offic. Eccl.  
 3. Piè, imprefso osculo vesti religiosæ, dic cum gratiarum actione, *Gloria Patri, & Filio, & Spiritui sancto:* vel Psalmum, *Laudate Dominum omnes gentes;* vel Hymnum, *Te Deum laudamus,* atque interim recolle materiam meditationis. Ps. 116. 1.  
 4. Decenter, tanquam in conspectu curiæ cælestis, ac nominatim Angeli custodis, Dei que præsentis. Luc. 9. 58.  
 5. Lecto exscendens, eumque operiens, expende illud Christi, *Vulpes foveas habent, & volucres cæli nidos; Filius autem hominis non habet ubi caput reclinet.* vel illud Isaïæ, *Subter te sternetur tineæ, & operimentum tuum erunt vermes.* Isa. 14. 11.  
 6. Inde cum B. Franc. Borgia terram, communem omnium parentem, ter osculare, tum ut te ex ea conditum memineris: *Pulvis es, & in pulverem reverteris.* Tum ad gratias agendas Christo, qui propter nos homines, & propter nostram salutem in terram de cælis descendit, tum denique ut è terra hac, exilij loco, in cælestem patriam aliquando pervenias. Porro ad lavandas manus, Deum roga: *Amplius lava me Domine ab iniquitate mea. Cor mundum crea in me Deus.* Gen. 3. 19.  
Ps. 50. 4.

**Punct. II.** In loco orationis, flexis genibus, quasi ad Dei monita, exprime in te quinque affectus, usitato versu comprehensos. 1. *Sis gratus,* pro beneficijs omnibus tam liberaliter, à divina manu in te collatis, creationis, redemptionis, conservationis, vocationis ad fidem & religionem, ac nominatim sanitatis animæ & corporis tibi codie, præ multis alijs concessæ. Quare 2. *Cor offer,* sive affectum Deo per tria vota religionis, purgatum circa usum rerum externarum per votum paupertatis, circa voluptates carnis per votum castitatis, circa tui excellentiam & propriam voluntatem per votum obedientiæ. 3. *Opus dispone futurum.* Actiones diei prospice & de Deo sic statue, tanquam moriturus, atque adversus prospera & adversa divino fretus auxilio, stude animum præmunire.

**Punct. III.** Inde ad quartum affectum progredere. *Vita peccatum.* Dole ex intimo corde te umquā divinam bonitatem offendisse, ac firmiter statue nullam eo die culpā deliberatè admittere, cogitatione, verbo, aut opere, nominatim circa defectum, in quo extirpandum nunc peculiariter laboras. 5. *Subsidiumque pete.* Agnosce tuam infirmitatem, viribusque tuis diffidēs implora submissè à Deo auxilium cælestis gratiæ, pro quo obsecra Patrè per merita Filij, hunc per sua & Matris, & hæc denique ac sanctos Patronos et patrocinetur per suū in Deū, Dei que in ipsos amorē, atque ita cum Oratione Dominica, & salutatione Angelica affectus cōclude, vel auspicare. De

De tribus orandi modis traditis à S. Ignatio.

*Pf. 95. 1.*

**Punct. I.** Conf. 1. Cùm appetitus noster spiritualis per peccatum originale corruptus sit, ideoque requirat varietatem cibi spiritualis, rectè proponi nobis à S. Ignatio non tantùm variam orandi materiam per triplicem viam: sed etiam plures modos, ac nominatim præter communem meditandi secundùm tres animæ potentias, tradi hîc insuper, tres faciles & omnibus aptos, subinde pro varia animi, aut corporis dispositione assumendos: *Cantate Domino Canticum novum.* 2. Consider. *Primum*, qui proprius est viæ purgativæ, & ad examen conscientie subseruit, consistere in progressu mentis per præcepta Dei, & Ecclesiæ, per septem peccata capitalia, tres animæ potentias, ac quinque sensus, discutiendo singula, quomodo te in ijs gesseris; si bene, gratias Deo agendo, & implorando gratiam pro perseverantia: si male, de ijs dolendo, precando veniam, & meliora proponendo. Conf. 3. Singula etiam plenius expendi posse, quàm præcepta illa sint iusta & sancta, utilia ac necessaria, quæ præmia observantibus, quæ supplicia transgredientibus proposita: similiter de peccatis, quàm fœda & noxia: de animæ & corporis facultatibus, in quem finem nobis à Deo data, quomodo Christus, B. Virgo, & alij Sancti ijs usi sint. 4. Præterea per regulas instituti, ac tria vota sic licebit procedere; quem orandi modum S. Xaverius omnibus, quos in viam salutis adduxerat, ad profectum in spiritu unicè commendabat.

**Punct. II.** Conf. 1. *Secundum* orandi modum, qui proprius est viæ illuminativæ, & subseruit ad ordinariam meditationem perficiendam, consistere in progressu mentis per Orationem aliquam vocalem, v.g. Dominicam, aut Salutationem Angelicam, Psalmum aut Hymnum, aut Verbum Scripturæ Sacræ, expendendo in singulis partibus ejus significationes, similitudines, rationes motivas, ab utili, honesto, necessario, facili, contrario, &c. Unde affectus deinde conformes eliciantur. 2. In hærendū singulis quamdiu durat in ijs sensus pietatis, seu gustus spiritualis.

*Matt. 6. 7.*

*1. Cor. 14. 15.*

*Pf. 46. 8.*

*Pf. 118. 2.*

**Punct. III.** Conf. 1. *Tertium* Orandi modum, qui proprius est viæ unitivæ, & subseruit ad Orationem vocalem perfectius instituendam, per se differre à secundo modo; nempe quòd tertius hic post singulas orationis partes brevius spatium interponat, magisquæ progrediatur miscendis affectibus orationi vocali; unde ad actionem cum Deo conjunctionem disponit. 2. Fructum omnis orationis non consistere in multiloquio, de quo monet Christus: *Orantes nolite multum loqui.* sed in affectu; unde S. Augustinus: *Plus gemitibus quàm sermonibus peragitur;* & Apostolus: *Orabo spiritu, orabo & mente.* Quare *psallite regi nostro, psallite sapienter. Beati qui scrutantur testimonia ejus, in toto corde exquirunt eum.*

Iuxta secundum orandi modum in Orat. Dominicam, Vide supra pag. 317.

III. Sa-



III. *Salutationis Angelicæ. P. I.*

Juxta secundum modum Orandi S. Ignatii.

**P**unct. I. Conf. 1. Divinam bonitatem de salute nostra, qua passim prope omnes destituebantur, sollicitam delegasse è cælesti clemencia sua Archangelum Gabrielem ad Virginem Mariam, pro salute nostra per Filij sui incarnationem restituenda: ubi expende quam Deo cordi sit salus nostra, nobis eam sæpe negligentibus: *Quid est homo quod memor ejus, aut filius hominis, quoniam visitus eum?* 2. Conf. Mitti Angelum cui nomen Gabriel, id est, *Fortitudo Dei*, ut significetur fortitudine opus esse etiam tibi ad regnum demonis in animo extinguendum. 3. Spectare Deum non mundi hujus principes aut pompam externam, sed internum Virginis cultum, humilitate ceterisque virtutibus emicantem. 4. Angelum assumpto corpore cubiculum ingressum, eoque cælesti lumine ac odoris fragrantia perfuso, invenisse eam orationi vacantem; quare si & tu angelico optas frui solatio, libenter orationi vaca. 5. Ad te quoque cælestes legatos mitti divinas inspirationes, quæ proinde reverenter, & obsequenter excipiendæ.

**Punct. II. Ave, Conf. 1.** Hac salutationis formula Hebræos invicem pacem, Græcos gaudium, Latinos salutem apprecari, quæ & tu Virgini cum omni reverentia & puro corde apprecare. 2. Conf. Significari eam hac salutatione mutaturam matris hujus miseras in lætitiā, juxta hymnum Ecclesię, *Sumens illud Ave, Gabrielis ore, funda nos in pace, mutans Evæ nomen.* 3. Roga eam ut & te vicissim salute impensa salutet. 4. Conf. Omitti ab Angelo nomen Marię præ reverentia, sed à nobis confidenter exprimendum, quia ad salutem nostram data, Salvatorem mundi peperit.

**Punct. III. Gratia plena. 1.** Tum justificante, qua Deo grata existerat à primo conceptionis suæ exordio, tum virtutum omnium, ac ceteris Spiritus sancti donis, in memoria, intellectu, & voluntate. 2. Licet alij etiam Sancti pro ratione muneris sui plenigratia dicantur, tamen Virginem hanc ob munus dignissimum Deiparæ amplissima gratiarum omnium copia velut mare repletam. 3. Eam per virtutum actus quotidie se magis dilatasse, singulariter tamen dilatatam cum hac Verbi æterni incarnatione, quare roga eam ut de plenitudine sua tecum communicet, ac mentem tuam per virtutum studia etiam dilatare stude.

**Punct. IV. Dominus tecum. 1.** Non tantum prout præsens est omni loco, neque etiam prout est cum justis omnibus per gratiam, sed peculiari affectu ac studio benevolentia eam gubernans, dirigens, protegens, ac donis cumulans, semperque cum ea mansurus, imò & carnem mox ex ea assumpturus. 2. Est cum ea Dominus, quia ipsa fuit cum eo per orationem, & mandatorum ac consiliorum observantiam; quare & tu stude similiter cum Deo esse, ac permanere, & cum ipsa Virgine, ut uterque tecum etiam esse, ac permanere dignetur: *Dominus vobiscum, quia fuistis cum eo: si qua sitis. 2. Paral. 13. 2. ritis eum, invenietis: si autem dereliqueritis eum, derelinquet vos.* **IV. Sa-**

## IV. Salutationis Angelicæ. P. II.

Iuxta secundum modum Orandi S. Ignatij.

**Punct. I.** *Benedicta tu in mulieribus.* Confid. 1. Maledictionem in nos transfusam, & prima parente nostra Eva, ope Deiparæ feliciter discussam, nobisque impertitam benedictionem cum copia donorum cælestium, de qua gratias ei age. 2. Gratulare ei hanc plenitudinem benedictionis, quam Deus ipse per Angelum suum Gabrielem, & Cognatam ejus Elizabetham gratulari ei dignatus est, & ipsa ab omnibus præstandum prædixit, cum ait: *Beatam me dicent omnes generationes*: quare hoc ejus vaticinium etiam per te stude adimplere. 3. Conf. Ab hominibus hujus sæculi beatos prædicari eos qui bonis temporalibus abundant: *Beatum dixerunt populum cui hæc sunt*, qui gaudens ad sonitum organi, ducunt in bonis dies suos: at verò à Deo beatos prædicari, qui bonis ac divitijs cælestibus intus in anima splendent, quibus confectandis potissimum stude: *Beatus populus, cujus Dominus Deus ejus.* 4. *Et benedictus fructus ventris tui Iesus.* Conf. Hunc esse fontem omnis benedictionis, seu donorum cælestium, quibus Matrem suam super omnes copiosissimè adimplevit, & nos quoque implere, ac donis cumulare paratus est, *Ecce*, inquit, *sto ad ostium, & pulso*: ideo cor tuum ei aperi, explica sinum mentis, atque opta ut ab omnibus per totum orbem cognoscatur, diligatur, & prædicetur, eoque tu potissimum adlabora: *Gloria, honor, & pax omni operanti bonum. Satagite ut per bona opera certam vestram vocationem & electionem faciatis.*

**Punct. II.** *Sancta Maria Mater Dei.* Conf. 1. Hanc reliquam partem additā, ab Ecclesia, ubi Nestorij hæresim negantis B. Virgini titulū *Matris Dei*, represserat, ut hoc tanquā gratissimo illi & maximè honorifico frequētius etiam de die invocaretur. Deinde roga eam ut ab hoc Filio suo, tibi etiam in filium substituto impetrare velit quæcumque ad salutem tuam conservandam vel promovendam cognoverit magis expedire. 2. *Ora pro nobis peccatoribus.* Agnosce hîc te multiplicibus peccatis, cogitatione, verbo, & opere quotidie obnoxium, de quibus dole, & veniam precare; nec tibi tantum, sed & omnibus peccatoribus, quantumvis induratis, ut ipsa, tuæ peccatorum refugium est, sanio rem mentem ac salutem impetret. 3. *Nunc & in hora mortis nostræ. Amen.* Attende omni tempore, quod in hac vita brevissimum est, opus tibi esse Deiparæ patrocínio, sed hoc implorandum tibi potissimum nunc, dum mens tibi integra est, & vel maximè, in hora mortis, aliquando tibi certò obventura, quantumvis tibi videaris nunc valens ac robustus, imò fortè quando minimè expectabitur: quare cum ac riores tunc esse soleant demonis insultus, nunc Virginem sic cole & venerare, ut adesse tibi tunc velit, & excipere in cœli gaudia cum salute æterna.



V. In Hymnum, Veni creator Spiritus, qui est S. Ambrosij. P. 1

*Iuxta secundum modum orandi S. Ignatij.*

**Punct. I.** *Veni creator Spiritus.* Veni non loci mutatione, sed benignitatis tuæ in nos diffusionem, qui cum Patre & Filio unus Deus, cæli & terra, & omnium quæ in eis sunt, & Creator & Dominus. *Mentes* sive animas nostras, tibi dicatas in creatione per imaginem Sanctissimæ Trinitatis, in redemptione verò per Sacramentum baptismi, *visita*, quia afflictas in hoc exilio multis miseriis animæ & corporis, tuumque solatium & auxilium implorantes. *Imple* eas, quas creasti, gratia tua cælesti, quæ affectus nostros à terrenis ad superna excitet, & qua nos impleti, etiam proximum ad eadem promoveamus.

**Punct. II.** *Qui diceris paracletus*, & reverà es consolator in afflictionibus, adhortator in adversis sustinendis, & prosperis contemnendis, atque advocatus apud Patrem in causa salutis nostræ. *Altissimi donum Dei*, quia à infinita bonitate tua proveniunt in nos bona omnia creata; & ultra hæc te ipsum etiam justorum mentibus singulariter donas. *Fons vivus*, seu vitalis origo cum Patre & Filio omnis boni & perfectionis creatæ, omnis vitæ naturalis ac supernaturalis, fons abluens omnes vitiorum nostrorum fordes, numquam deficiens nec arescens, patens omnibus & nemini occlusus. *Ignis*, peccata nostra consumens, intellectum illuminans, voluntatem inflammans, & memoriam stabiliens, ideoque supra Apostolos in igne apparens, quo succensi illi, & millia Martyrum, velut Seraphini terrestres, nullis tribulationum aquis extinguere potuerunt. *Caritas*, quia ex amore Patris & Filij procedens, eundem in cordibus nostris studeas excitare, quò Deum super omnia diligamus. *Et spiritalis unctio*, qua nos præordinatos in Principes regni cælestis exhilares velut oleo lætitiæ, & robore ad certandum cum adversariis nostris.

**Punct. III.** *Tu septiformis munere*, quia ex bonitate tuâ velut fonte septem flumina donorum in mentes nostras derivantur; *donum sapientiæ*, quo gustemus & sapiamus cælestia; *donum intellectus*, quò eadem clariùs cognoscamus; *donum sciendiæ*, quo dæmonis fraudes & mundi ac carnis fallacias discernamus; *donum consilij*, quo etiam proximo recta suadeamus; *fortitudinis*, quo roboremur ad ferenda fortiter adversa; *pietatis*, ad cultum Deo debitum piè tribuendum; ac *timoris Domini*, quò caveamus ei etiam in minimo displicere. *Dextra Dei tu digitus*, quia interno lumine, quasi digito ostendis quæ ei sint placita, quæ cavenda sint & amplectenda. *Tu ritè promissum Patris*, de quo Christus: *Ego rogabo Patrem, & alium paracletum dabit vobis, ut invivibilis maneat vobiscum in æternum.* *Sermone ditans guttura*, quod & Christus promiserat: *Ego enim dabo vobis os & sapientiam, cui non poterunt resistere & contradicere omnes adversarij vestri: atque ideo in linguis supra Apostolos apparuit, quos rudes & timidos, mox mutavit in viros alios.*

## VI. In Hymnum, Veni Creator Spiritus. P. II.

**Punct. IV.** *Accende lumen sensibus;* Lumen gratiæ tuæ cæleste & indeficiens, radii tuæ divinitatis, quod discussis tenebris ignorantiae & cæcitatibus cognoscamus practicè, & cum fervore omnem veritatem, virtutum præstantiam & in cælis præmia, peccatorum fœditatem & apud inferos supplicia. *Infunde amorem cordibus.* Non igitur tantum peto, ut memoriam excites, & intellectum illumines, sed potissimum ut voluntatem divini amoris melle ad te pellicias, eum infundas copiosè cordibus nostris, verum, purum, & constantem, expulso omni amore mundi & carnis, fallaci, impuro, & instabili, atque illo tibi summo bono firmiter adhæreamus. *Infirma nostri corporis.* Carnis infirmitatem & incōstantiam, semper in malum pronæ, quantumvis recta & meliora ratio suggerat; tamen eam ex acerbo vulnere matris Evæ debilem & languidam in via salutis: *Virtute firmans perpeti.* Tu confirma & corrobora cælesti fortitudine, ad resistendum tentationibus, insistendum constanter benè cœptis: sicut institerunt Apostoli & viri Apostolici, nullis terroribus, periculis, aut suppliciis à recta virtutis semita dimovibiles. *Ego confirmavi columnas ejus.*

*Psalm. 74. 4.*

**Punct. V.** *Hostem repellis longius;* omnibus quidem communem, & crudelissimum adversarium, nil nisi animæ nostræ perniciem assidue molientem, sed maximè electorum, de quibus S. Chrysologus: *Hostis plus ducem, quam militem petit, nec obsidet mortuos, sed impugnat viventes; sic diabolus non peccatores querit capere, sed iustos.* Quare omnes diaboli machinas longe à nobis remove, & cum eo omnes acies visiorum. *Pacemque dones protinus* quam mundus dare non potest; nam *non est pax impiis*, quantumvis clament *Pax pax, & non erat pax*: sed tu veram & certam donabis, nobiscum per mortificationem affectuum, cum proximo per humilitatem & patientiam, & cum Deo per observantiam mandatorum ejus; tum quod ex ea sequitur gaudium mentis. *Ductore sic te prævio*, te gressus nostros dirigente per internas inspirationes, per libros pios, Concionatores, superiorum monita, & aliorum exempla, ut grata mente psallamus: *Tenuisti manum dextram meam, & in voluntate tua deduxisti me. Vitemus omne noxium, præcipitia, ac salutis impedimenta,* ne gressus sensualitatis præveniant gressus rationis.

*Isa. 57. 21.*

*Jer. 6. 14.*

*Psalm. 72.*

**Punct. VI.** *Per te sciamus da Patrem.* Originem primam SS. Trinitatis, qui nos etiam in filios ac regni sui heredes cooptavit, idque per filium ex se genitum ab æterno, & in tempore ex Virgine Matre natum, & per te sancte Spiritus, ex utroque procedentem: hunc Deum unum in natura, & in personis trinum cognoscamus in hac vita nostra, ubi à Domino peregrinamur, per vivam fidem, & observantiam mandatorum & consiliorum ejus, dum postea in cælesti patria eum clare facie ad faciem æternum contemplemur.

VII. In



VII. In Orationem piissimam familiarem S. Ignatio,  
juxta secundum modum ejus orandi.

**Pars I. Anima Christi sanctifica me.** Ad hoc, ô anima mea, prius expoliare te omni mundano affectu, & adora supplex animam Domini tui, eamque; roga ut te sanctificet per fidem vivā & efficacem; per spem roboratam, quam non prosequaris nisi cælestia; per caritatem ardentem, quam humana nulla nec adversa nec prospera ab eo dissolvant. 2. *Corpus Christi salvame.* quod pro salute mea non tantum à tortoribus crudeliter dilaniatum, & cruci ignominiose affixum est, sed insuper in vitæ nostræ cibum, in mortis viaticum, & jube sacrificium quotidie offertur. 3. *Sanguis Christi inebria me.* Imple mentem meam cælesti dulcedine, sic ut spiritali eo multo ebrius obliviscar mei, ac tui unius amore quidvis agam & patiar, paratus pro sanguine tam pretioso, meum viliorē libenter reponere. 4. *Aqua lateris Christi lava me.* Agnosco Domine in sacro pectore tuo fenestram mihi apertam, per quam cordis tui amorem explorem: tu meum vicissim ad te excita, & amorem omnem terrenum in me absterge, atque elue aquis tam salutaribus. 5. *Passio Christi conforta me.* Veneror in opprobrio tuo Dei gloriam, in tua infirmitate Dei virtutem: trahis ad te corda rebellium, inflectis iram Dei ad misericordiam, ac dæmonum potentiam confringis: confirma me contra omnia adversantia, & fac ut in contumeliis & tribulationibus potens fiam.

**Pars II. 6. Bone Iesu exaudi me,** qui Publicanum, & Cananæam, & tot ægros animo & corpore ad te clamantes benignè semper exaudisti, imò jubes omnes laborantes & oneratos ad te venire reficiendos; ecce clamo ad te non tam voce oris, quàm de profundo cordis, affectu valido. 7. *Intra vulnera tua absconde me;* vel in uno eorum me abde, ubi inveniam locum refugij ab ira tua, sanctuaria & templa nutriendæ devotioni: & cur ea Christe referas, nisi ut sint mihi solatio: 8. *Ne permittas me separari à te.* Non quòd timeam ne tu me repellas, sed quia scio quòd nolentem non detines: quare quàm mihi incerta est voluntas mea, ob naturæ corruptelam, tam mihi verior ne mundi vanitatibus, aut carnis susurris me elici inde sinam; quoque obsecro per tuam in cruce cōstantiam, ut numquam fiat. 9. *Ab hoste maligno defende me.* & animā meā erue de ore leonis infernalis, qui circuit querens quem devoret. Quare opem tuam & scutum, quo me protegas contra hostem adeò malignum & potentem confidenter imploro. 10. *In hora mortis meæ voca me.* Hora illa suprema, unde pendet æternitas, ut tunc vitæ meæ finē imponere digneris, cum dealbatus in sanguine Agni, instructus lampade caritatis, tibi animæ meæ spōso occurrā. Tunc jube me venire ad te; pro quo tempore jam nunc spiritum meum in manus tuas commendo, quas pro me in cruce extendisti, ut cū Sanctis tuis laudē te in sæcula sæculorū, cū choris omnibus Angelorū, & ordinibus Beatorū cantē tibi canticū novū laudis & gratiarū actionis tota æternitate.

1. Pet. 5. 8.

## VIII. In Hymnum, Ave maris stella, qui est S. Bernardi. P.I.

Iuxta secundum modum orandi S. Ignatij.

**P**unct. I. Ave maris stella. Mare omnes subimus incommodis & periculis plenum; cum mundum ingredimur, & stabiles hic nobis videmur, licet cum creatis omnibus pariter ad finem assidue volvamur. Navigium nostrum corpus est fragile & imbecillum, sæpè convulsum ac labefactatum; anima ipsa ignorantiae tenebris circumfusa, ac sæpè etiam peccatis saucia. Infestant nos in hoc mari scopuli superbiae, gurgites avaritiae, sirenes luxuriae, monstra invidiae, voragines gulæ, venti iracundiae, remoræ acediae, fluctus perpetui mundanæ spei & metus, gaudij in prosperis, tristitiæ in adversis: obsident hoc mare & incautos adoriuntur maligni spiritus velut piratæ, ut spoliatos & victos trahant secum in perpetuam captivitatem. Et quam multi hic per momenta singula æternum pereunt? quorum damna nos monent, & eorum nomine S. Bernardus inclamat: *Respice stellam, voca Mariam. Ne avertas oculos à fulgore huius sideris, si non vis obrui procellis.* Quare ad te oculos attollo, ut errantem illumines; opem inclamo, ut viriutes influas, ac deducas incolumem ad portum æternæ felicitatis.

Matt. 8. 27.

*Dei Mater alma.* Non Angelum aliquem Deus nobis stellam dedit, sed te Angelorum Reginam, Matrem suam, ut nos & ampliori luce illustrares, & certius ac potentiùs dirigeres: Mater es ejus cui *venti & mare obediunt*, quæ non genuisti tantum, sed & virgineo lacte aluisti & educaisti; quare confido, ut me tibi supplicem etiam non destituas: lacta me uberibus tuis misericordia plenis, inebria vulneribus Filij tui scaturientibus vitam, sic & respuam penitus mundi & carnis ubera ac solatio.

*Atque semper virgo.* Talem decebat ut Deus in Matrem assumeret, cum veniret in terras nobis virginitatem commendaturus: hanc coluisti & servasti ante partum, in partu, post partum, in statu virginali. Matrimoniali, & viduali, domi & foris, ac nominatim in omni conversatione, semper maximè aliena ab omni umbra turpitudinis cogitatione, verbo, & opere; unde S. Ambrosius: *Sit vobis tanquam in imagine descripta virginitas, vitaq; B. Mariæ, in qua velut speculo refulget species castitatis & forma virtutis.* Huius igitur affectum, ô Virgo, in nobis suscita, omni motu contario represso.

Ambrosius

Bernardus.

Prov 8 33.

*Felix celi porta.* Per te enim portam verè humilem descendit in terras Altissimi Filius, tot sæculis expetitus, cumlaturus nos bonis cælestibus, atque æterna felicitate. Per te & nos *accessum habemus ad ipsum*, ut per te nos suscipiat, qui per te datus est nobis. Per te, nec nisi per te ingressus in regnum ejus cælesse omnibus patet, quia sic est voluntas ejus, qui *totum nos habere voluit per Mariam.* Tua igitur, ô Virgo! imploro patrocinia, audio iniquita, & sequor exempla. *Beatus*, ait, qui *vigilat ad fores maris quotidianis, & observat ad postes ostij mei: qui me invenit, inveniet vitam. & hauriet salutem à Domino.*

IX. In



**IX. In Hymnum, Ave maris stella. P. II.**

**P**unct. I. *Sumens illud Ave*, quo salutem, pacem, & gaudium tibi, & per te universo mundo Angelus precatus est; nam cum mundana & terrena gaudia sperneres, cumulata es divinis ac cælestibus. *Iterum hoc Ave* cum Angelica salutatione tibi quotidie sæpius offero: statuo, & huic mundanas salutationes ac consortia libenter postponam. *Gabrielis ore*, qui de cælestibus Principibus in fortitudine electus ad conterendam diaboli potentiam, cupidissimus salutis nostræ, humana fulgens specie, affectu puro, reverentia profunda externa & interna, te orationi intentam convenit, cælestem lucem & odoris fragrantiam diffundens. Opto ut & ego ea puritate, humilitate & reverentia te possim salutare, atque Angeli mei custodis etiam alloquia attendam. *Funda nos in pace*, non in ea quam mundus, caro, ac diabolus suis solet falsò promittere, sed in vera cum Deo per ferventem orationem, cum proximo per sincerā caritatem, cum conscientia per affectuū mortificationem. Hanc pacem enixè concupiscimus, sed stabilem & perpetuam, quæ nulla umquam mortali culpa violetur. *Mutans Evæ nomen*. Illa principium nobis fuit maledictionis & doloris, tu verò per Angelicam salutationem benedictionis & gaudij; quare merito conversum est in te nomen *Eva* in *Ave*. Et nos igitur converte filios iræ, in filios salutis, obnoxios morti æternæ adscribe vitæ æternæ, & abstergens dolorem fac nos gaudere etiam in labore & tribulatione.

*Punct. II. Solve vincla reis*. Nam *funes peccatorum circumplexi sunt me*, per quæ Ps. 118. 67. in diaboli servitutem redactus, reus sum declaratus æterni supplicij. Hinc non est qui liberet nisi solus Deus, & tu cæli Regina, quæ apud ipsum & per ipsum potes omnia. Laxa igitur nobis hæc vincula, & impetra gratiā veræ contritionis, ac confessionis, qua in veterem libertatem restitutus, tibi gratias referam. *Profer lumen cæcis*. In tenebris hîc jacemus miseri, non agnoscetes miseras & pericula nostra: ita obscuratus est intellectus noster, ut dicamus malum bonum, & bonum malum; unde clausis oculis in æterna ruimus præcipitia. Discute igitur tenebras mentis nostræ, & cæleste lumen infunde, quo nos ipsos & terrena nobiscum fluxa agnoscamus, ac sectemur viam salutis æternæ. *Mala nostra pelle*. Hæc sunt perversæ inclinationes per peccatum originale in nos transfusæ, quas deinde auximus per peccata actualia, quæ habitibus pravis trahunt nos ad peccata priora. *Circumferimus hæc ut infirmitates & pondera*, quodcumque pergitur, in quibus pellendis, nā potes, adjuva nos. *Bona cum flā posce*. Contraria contrarijs curantur in corporalibus; ita & in spiritualibus. Exposce igitur nobis a Filio tuo gratias ac virtutum semina, quibus appetitus inordinatos corrigamus, & pravos habitus fortiter superemus. *Bona transitoria non te rogo nisi in quantum profunt ad æterna*, quæ dum primum quæro, confido illa non defutura.

X. In

## X. In Hymnum, Ave maris stella. P. III.

**Punct. I.** *Monstra te esse Matrem.* Haecenus rogavi te, opemque imploravi: nunc obsecro, & obtestor per maternum affectum, sciens quia Filius Matris importunus esse non potest, attende quomodo gignendo nobis Salvatorem, nos omnes in ipso spiritualiter genuisti; quare ipse in cruce moriturus tibi nos omnes in Ioanne commendavit: *Ecce Filius tuus.* Et illi: *Ecce mater tua;* nec Deum Patrem habebit, qui te non habuerit Matrem. Sed vicissim me mones ut monstrem me esse filium: ita cupio, ac tecum, & cum Ioanne Cruci Christi constanter assistere. *Sumat per te preces.* Quia mala & pericula nostra gravia sunt & continua, etiam preces nostras ferventes & continuas esse oporteret: jam verò cum tepidæ sint & raræ, unum superest, ut per manus tuas, & tuis precibus iunctæ offerantur. Placent quidem, quæ & supplex imploro, aliorum sanctorum patrocinia, sed quia te præ omnibus scio auctoritate valere, etiam præ omnibus te enixius obsecro. *Qui pro nobis natus,* qui non durus aut asper est, sed benignus & misericors, qui ut reconciliaret nos æterno Patri, carnem nostram assumere, & ex amoris abundantia ignominiosam mortem obire dignatus est. Venit is ut animas errantes quæreret, quomodo oblatas à te reijciat? *Tulit esse tuus.* Non horruit luterum tuum, tibi que deinde se subdere, unde materna apud eum vales auctoritate. Hanc igitur apud ipsum ad bonum & salutem filiorum tuorum impende. Libenter etiam exemplo ejus subdam ego me superioribus meis, & omnibus propter ipsum.

**Punct. II.** *Virgo singularis;* quia simul Virgo & Mater, atque ab orbe condito prima Deo virginitatem voto dicasti, quæ in te semper singulariter resplenduit; unde & affectum ejus præsentia tua & recordatione asslare cultoribus tuis soles, atque impuros affectus in ijs arcere. *Inter omnes mitis.* Argumentum singulare mansuetudinis ostendisti, in ferendis patienter injurijs dilecto Filio tuo illatis, ac potissimum cum in acerbissima ejus passione etiam petre funderentur, & sol lumen subtraheret, tu tamen inconcussa servasti mentis serenitatem. *Nos culpis solutos,* ut ad virtutum exercitia possimus assurgere, fac nos per seriam detestationem vitiorum vincula disrumpere, cum virtutes simul & vitia in animo regnare non possint, & in libertate spiritus tibi ac Filio tuo deservire. *Mites fac & castos.* Impetra gratiam mansuetudinis, qua exemplo tuo & Filij illatas injurias æquo animo feramus; fac nos attendere nos esse membra unius corporis, unius Matris; tuos inquam, & Filij tui filios, heredes pariter destinatos regni cælestis. Hæc nos etiam castos efficiet, juxta promissum Filij sui: *Beati mites, quoniam ipsi possidebunt terram,* sive carnem suam, ut explicat S. Bernardus. Est quidem castitas donum Dei, sed nemini negatum, maxime ubi tuum accesserit patrocinium.



**XI. In Hymnum, Ave maris stella. P. IV.**

**V**itam præsta puram; ut puritatem in baptismo acceptam servare possim, quam si maculis infecero, eas mox eluam, & contineam me in observantia mandatorum; nam *beati immaculati in via, qui ambulant in lege Domini*. Scio frustra me nomen gerere hominis Christiani ac religiosi, nisi pura vita acceperit, maximè dum agnosco me Deo per religiosa vota singulariter consecratum, *Domum tuam decet sanctitudo Domine in longitudinem dierum*: quare leves etiam culpas vitare statuo. (*Si mei non fuerint dominati, tunc immaculatus ero.*) Et ex intentione pura actiones omnes institue- re ad majorem Filij tui, ac tuam gloriam. *Iter paratutum*. Scio tutum esse iter mandatorum Dei, sed multò tutius esse consiliorum; quare & hoc elegi, fac me in hoc non retro respicere, sed in cœpto constanter progredi. Non desunt hîc mihi adjumenta ad salutem plurima, quæ Bernardus tuus enumerat: Homo in religione *vivit purius, cadit rarius, surgit velocius*, &c. Sed nec desunt pericula, & acres ac continuæ ab acerrimis & dolosis hostibus impugnationes; quare *gressus meos dirige secundum eloquium tuum, ut non dominetur mei omnis injustitia*. Nam *nulla nobis nocebit adversitas, si nulla dominetur iniquitas*, ideoque piæ voluntatis tuæ scuto nos tuere. *Ut videntes Iesum*, quem tu prima in terris natum vidisti, *speciosum forma præ filiis hominum*, quem ut viderent Reges, ex oriente venerunt supplices, experierunt gentiles, *Volumus Iesum videre*. Zacchæus arborem ascendit, & beati oculi qui eum viderunt. Viderunt gloriosum Apostoli aliqui in monte Thabor, unde clamabat Petrus: *Domine bonum est nos hîc esse*. Tu fac nobis, hunc agnoscere hîc per fidem vivam, ut post hanc vitam eum facie ad faciem videamus tecum in throno gloriæ. Tunc satiabitur anima mea, quæ terrenis nullis satiari nunc potest, quæ proinde omnia contemnere, atque ad versa quævis tolerare paratus sum, pro dulcissimo hoc conspectu aliquando obtinendo. *Semper collatemur*, de perfectionibus nature ejus humanæ ac divinæ, clarè contemplantes eum in hac cum Patre & Spiritu sancto unum, ac persona distinctum, tuam insuper, & Angelorum omnium ac beatorum gloriam, nostramque cum illis pariter stabilitam. Cum securi videbimus cruciatus inferorum, ipsque nos tua ope ereptos, cum nullus ibi dolor aut luctus, nec fames neque sitis lætitiâ minuet; imò corporis gloria ubi accesserit, in sensibus omnibus & facultatibus lætitiâ animæ participabit. Latentur mundani in bonis terrenis & fluxis hujus vitæ, quæ & satiare animum non possunt, & acerbissimis supplicijs sunt æternum luenda: mihi omne gaudium & lætitiâ sit, frui hîc ope & favore tuo, ac postea societate in cælesti gloria.

*Pf. 118. 1.*

*Pf. 92. 5.*

*Pf. 118. 14.*

*Pf. 118. 133.*

*Gregor.*

*Pf. 44. 3.*

*Matt. 2. 1.*

*Ioan. 12. 21.*

*Luc. 19. 44.*

*Matt. 17. 4.*

## XII. De Preparatione ad Sacrificium Missæ.

*Pf. 49. 23.  
Pf. 101. 17.*

**P**unct. I. Conf. 1. Sacrificium licet quandoque in Scriptura sacra significet omne opus virtutis: *Sacrificium laudis honorificabit me. Sacrificium Deo Spiritus contritulus;* tamen proprie accipi pro oblatione rei corporeæ facta Deo: quæ ab eo instituta inde à mundi exordio ad agnitionem supremæ ejus Majestatis, & subjectionis nostræ, distinctius deinde cum pluribus caerimonijs præcepta est in lege scripta per Moysen, perfectissimè verò per Christum in lege gratiæ. 2. Conf. Sacrificia omnia legis veteris divisa in quatuor fines; nempe *Holocausta*, quæ integra cremabantur, & Latrentia dicebatur ad agnitionem supremi ejus dominij in omnem creaturam: *Eucharistica* in gratiarum actionem pro beneficijs ab eo acceptis: *Propitiatoria* pro peccatorum venia ab eo obtinenda, & ad eum placandum peccatis nostris offensum: *Impetratoria* denique ad consequenda ab eo nova beneficia corporis & animæ.

*Rom. 8. 34.  
Pf. 109. 4.*

Punct. II. Confid. 1. Quatuor fines supradictos contineri perfectissimè in Sacrificio oblato à Christo, tum in ara crucis, tum pridè in cœna sub speciebus panis & vini; ubi ipse Christus, in quo æternus Pater sibi præ omnibus complacuit, offertur, ejusque fructum applicari nobis non tantum ex opere operantis pro devotione offerentis, sed & ex opere operato, seu virtute Sacrificij. 2. Christum hanc potestatem communicasse omnibus Apostolis presentibus, & per eos eorum successoribus, ut perpetuus hujus usus in Ecclesia ad finem usque mundi remaneret: & cum quotidie labamur, virtute hujus Sacrificij quotidie possemus resurgere. 3. Preceptum offerentem hic semper esse Christum, qui apud Patrem in cœlis pro nobis interpellat: *Sacerdos in æternum secundum ordinem Melchisedech*; deinde Sacerdotem ejus in terris Vicarium, atque etiam ipsam Ecclesiam totam, sed nominatim assistentes ei corpore aut desiderio.

*Pf. 123. 2.*

Punct. III. Confid. 1. Ad uberiolem fructum hujus Sacrificij institutum insuper esse à Christo per Apostolos, ut in eo representarentur nobis præcipua vite sue mortisque mysteria, quæ ipse personaliter in singulis altaribus quasi theatris, spectante æterno Patre ac cœlesti Curia, ad æternum gaudium & salutem nostram exhiberet. 2. Conf. Presentem etiam anni Sacrificio esse multitudinem Angelorum, prout sæpius à diversis Sanctis ad tanti mysterij honorem ac reverentiam conspecti sunt. 3. Rectè hoc Sacrificium Missam appellatum, eò quod hic Hostia ad nos à Deo mittatur, & ad eundem à Sacerdote remittatur. 4. In hunc finem loca pia peculiariter deputari, quæ à sæculari strepitu vacua moneant nos etiam sæculares cogitationes ibi excludere, & ornatu suo commendent nobis internum ornatum animæ: ad ingressum verò labrum habeant. aquæ benedictæ, quo moneant nos etiam minores maculas prius eluere pro tanti mysterij reverentia. *Et in templo ejus omnes dicent gloriam.*

XIII. De



### XIII. De vestibus Sacerdotalibus.

**Punct. I.** Confid. Sicut olim in lege veteri, ita & nunc in lege gratiæ peculiarares vestes Sacerdotibus esse præscriptas, quibus & mysteria sacrificij nostri significarentur, & ipsi, atque omnes illi assistentes ad virtutes congruas excitarentur. Ac 1. per *Amictum* significari veluti quo caput Christi in domo Caiphæ velatum est, nobisque commendari ejus exemplo custodiam sensuum, potissimum oculorum & linguæ. 2. Fiduciam in divino auxilio, quam postulat Sacerdos dicens: *Impone Domine capiti meo galeam* (quam Apostolus spem vocat) *salutis, ad expugnandos diabolicos incursum.* 1. Thess. 5. 8.

**Punct. II.** Confid. per *Albam* significari 1. albam vestem, qua Christus ab Herode illusus est, ejusque exemplo moneri nos opprobria mundi etiam patienter tolerare. 2. Sectandam vitæ puritatem, qua consequamur vestem gloriæ, quam postulat dicens: *De alba me Domine, & mundator meum, ut in sanguine Agni dealbatus gaudiis perfruar sempiternis.* 3. Longitudine vestis moneri nos de perseverantia in ea vitæ puritate, quibuscumque incommodis occurrentibus usque ad finem vitæ.

**Punct. III.** Confid. *Cingulo*, quo Alba constringitur, significari 1. funes quibus Christus in passione constrictus est, qui etiam significantur per manipulum & stolam; ac moneri nos, ut amore ejus etiam libertatem nostram, & sensus vinculis modestiæ & obedientiæ constringamus. 2. Quia ex lumbis, qui constringuntur, originem capiunt motus libidinis, commendari nobis virtutē castitatis, ad tā sublime mysteriū peragendū maximè necessariæ, quam postulat dicens: *Præcinge me Domine cingulo puritatis, & extingue in lumbis meis humorem libidinis, ut mane atque me virtus continentie & castitatis.*

**Punct. IV.** Conf. per *Manipulum* sinistro brachio impositū cōmendari nobis afflictiones & adversa quæcumque hujus vitæ patienter ferenda, illq; nos à Deo honorari, & excitari ad spem gloriæ: unde precatur: *Merear Domine portare manipulum fletus & doloris, ut cum exultatione recipiam mercedem laboris, secundum illud Prophetæ: Qui seminant in lacrymis, in exultatione metent. Euntes ibant & flebant mittentes semina sua: Venientes autem venient cum exultatione portantes manipulos suos.* Psal. 125. 5.

**Punct. V.** Confid. per *Stolam* excitari nos iterum ad spem gloriæ deperditæ per inobedientiam primi parentis, & recuperandæ per obedientiam Christi ac nostram; unde precatur: *Redde mihi Domine Stolam immortalitatis, quam perdi in prævaricatione primi parentis, & quamvis indignus accedo ad tuum sacrum mysterium, merear tamen gaudium sempiternum.*

**Punct. VI.** Confid. per *Casulam* significari vestem purpuream, qua Christus in domo Caiphæ ad illusionem indutus est, ejusque crucem à nobis etiam promptè subeundam, & commendari charitatem erga Deum & proximum, amicos & inimicos; unde precatur: *Domine qui dixisti: Iugum meum suave est & onus meum leve: fac ut istud portare sic valeam, ut consequar tuā gratiā. Amen.*

## XIV. De Sacrificio Missæ. Pars I.

## Quæ est ab ingressu ad altare.

**Punct. I.** Confid. 1. Sacerdotem egrediẽ sacrario in persona Christi è sinu Patris, & utero Virginis exeuntis, notatum corona in capite in signum regis dignitatis, quæ deinde per spineam à Judæis delusa est. 2. Ministrum in persona Angelorum qui ibi invisibiliter assistunt, adesse; ideoque munus hoc Angelicum ob excellentiam & fructum sacrificij plenius participandum, prompte esse amplectendum. 3. Auspicandum cum Sacerdote à signo Sanctæ Crucis in honorem Sanctissimæ Trinitatis, pro auxilio cõtra hostes per Christũ obtinẽdo. 4. Manibus junctis significari Christũ quasi ligatis manibus se offerre æterno Patri ad supplicia pro peccatis nostris, idemq; suo & Ecclesiæ nomine agere Sacerdotem.

**Punct. II.** Confid. 1. Recte hîc adhiberi ab Ecclesia psalmum, quo Prophetæ regius ab hostibus oppressus, nomine suo, & Christi, & Ecclesiæ petit divino cultui cum libertate restitui; quem psalmum iuxta secundum orandi modum expende, ac nominatim quomodo imploret Dei velut æqui judicis auxilium, ut à crudeli hostium oppressione liberetur, cum in ejus fortitudine spem suam omnem collocaverit. 2. *Emitte*, inquit, *lucem tuam misericordiæ, & veritatem* in promissis, juxta quæ confidit se cultui ejus restituendum, renovato mentis vigore. 3. Addit se prædicaturum Dei beneficia, non verbis tantum, sed & operibus, velut cithara, eoque pergit spem excitare, cum solus ipse sit animæ salus. 4. Concludit versu *Gloria Patri &c.* in laudem Sanctissimæ Trinitatis, quo usurpato ab exordio Ecclesiæ, & post devictum Arrium singulis psalmis subjuncto, etiam opera tua omnia conclude. 5. Confid. Recitationem alternis cum ministro, & antiphonas inductas ad similitudinem chori Angelici, illam ab Isaia, has verò à S. Ignatio Martyre perceptas.

Isaia 63

Luc. 19. 13.

**Punct. III.** Confid. 1. Quomodo Sacerdos confirmata fiducia in Dei adjutorio, inclinans se in signum submissi animi, & dolentis de peccatorum pondere, agnoscat ea coram Sanctis, & proximo, sive cogitatione, sive verbo, sive opere commissa. eaque detestans per transfusionem peccatoris cum Publicano, petat sibi per Sanctorum patrocinia cõdonari; quod & minister omnium nomine mox repetit. 2. Quomodo vitam sibi novam à Deo per ejus misericordiam ardentem imploret. 3. Ascendens altare dicit: *Aufer a nobis, quæsumus Domine, iniquitates nostras, ut ad Sancta Sanctorum puris mereamur mentibus introire, per Christum Dominum nostrum.* Inde ibi se inclinans ad osculum altaris dicit: *Oramus te Domine per merita Sanctorum tuorum, quorum reliquæ hîc sunt, & omnium Sanctorum, ut indulgere digneris omnia peccata mea. Amen.* ubi & tu eosdem affectus excita pro animi puritate, & reconciliatione cum Deo ac Sanctis per osculum altaris obtinenda.

Orationes secretas quotidie dicendas vide in fine simul collectas.



XV. De Sacrificio Missæ. P.II.

381

Quæ est ab Introitu.

**Punct. I.** Conf. 1. Sacerdotem accedendo ad cornu dextrū altaris significare Verbum Dei prius Judæis traditū, genti à Deo electū. Unde & tu disce accepto ab eo dona conservare: ipsum deinde paucis versibus recitatis exprimere desideria sanctorum Patrum ad Christum, & laudes Dei ac Sanctorum, quos affectus etiam in te excita, ut sic te ad nova beneficia obtinenda disponas. 2. Conf. implorare eum Dei misericordiam, dicendo novies *Kyrie*, vel *Christe eleysen*, id est Domine miserere, agnoscendo in personis singulis divinam potentiam & misericordiam, qua triplicem miseriam nostram, culpæ, pænæ, & ignorantix velint tollere, precibus nostris quantumvis repetitis minimè fatigabiles. 3. Subdit hymnum *Gloria in excelsis Deo*, quo significat gaudium Angelorum in Christi nativitate, ortamque inde Deo gloriam, & hominibus salutem: attendendā hinc verba ab Ecclesia adiecta plena ferventibus affectibus laudis Dei, adorationis, gratiarum actionis, & petitionis, cum titulis excellentiæ & amoris, ut quod petimus consequamur. 4. Osculatur altare in signum fidei & amoris erga Christum, utque acceptam ab eo pacem omnibus communicet, precatur illis *Dominus vobiscum*, & Christi nati apparitionem factam Regibus designat. Monetur etiam Sacerdos responso Ministri *cum Spiritu tuo*, non tantum lingua, sed potissimum mente & Spiritu orare, quem ut Deus devotione & fervore adimpleat, ipse precatur.

Luc. 2. 14.

**Punct. II.** Conf. 1. Sacerdotem dicendo *Oremus* excitare præsentem ad orandum secum, & extensa manu quasi colligere eorum corda ac desideria ad Deum. 2. Orationibus hisce efficaciam addi non solum à multitudine orantium: (*Si duo ex vobis consenserint super terram, de omni re quamcumque petierint, fiet illis à Patre meo:*) sed etiam à conclusione per Christum, nostrum apud Patrem potentissimum Advocatum; unde & ipse ait: *Quicumque petieritis Patrem in nomine meo, dabit vobis.* 3. Tenere eum manus extensas, tum ad exprimendam vim orationis & desiderium ad cælestia, tum ad similitudinem Christi orantis à cruce. 4. Epistola velut à Spiritu sancto ad fideles missa contineri fidelium instructionem, eamque proinde attentè & reverenter excipiendam, sed & opere exercendam: quare Sacerdos eam legens manum libro applicat: insuper designari ea prædicationem S. Joannis Baptistæ præcursoris Domini.

Matt. 18. 19.

Joan. 16. 23.

**Punct. III.** Conf. 1. Ante Evangelium orare Sacerdotem pro munditiæ cordis ac labiorum ad digne eloquendam doctrinam Christi, ora & tu ut eam cum fructu possis excipere. 2. Conversus ad sinistram partem altaris designat doctrinam Christi repudiatam à Judæis, deinde translatam esse ad gentes. 3. Signat cruce Evangelium ut significet Christum ex doctrina, sua crucem velut præniū retulisse, inde & frõtem suā, os & pectus signat, ne Euāgeliū erubescat: sed ore & corde tueatur.

Ccc 2 XVI. De

## XVI. De Sacrificio Missæ. P. III. Quæ est ab Offertorio.

**P**unct. I. Conf. I. Sacerdotem consueta ad populū salutatione, *Dominus vobiscum*, significare piā cōversationem Christi cū Judæis, & gratiā precari nominatim mutuæ caritatis ad præsens Sacrificiū dignè offerendū. 2. Quia aggreditur apparatū oblationis, præmittit clara voce sacrificiū laudis; unde se convertit ad preces secretas exemplo Christi, qui sapius in vitæ decursu, ac maximè sub tempus passionis Patrem secretò oravit. 3. Præoffert sacrificiū mox immolandū, exemplo etiā Christi, qui ante passionē suā sæpius se Patri obtulit, imò *ingrediens mūdū dixit: Ecce venio*; unde discite etiā sapius te tuāq; opera Deo offerre, atq; hīc potissimū cū Sacerdote offer cor tuū, ut in eo destruat̃ur quidquid terrenū est, & dicere possis cū Apostolo: *Vivo ego, jā non ego, vivit verò in me Christus*. 4. Cōs. per panem ex pluribus granis tritici significari unionem fidelium, per azymū verò puritatem à vitiis, nominatim superbiam; patena in qua offertur, significari latitudinem caritatis, eam deinde in formā crucis deduci, ut significetur oblatio fieri supremo Domino in propitiationem pro quatuor mundi partibus, dicta interim oratione, *Suscipe sancte Pater, &c.*

**Punct. II.** Confid. I. Post oblatum panem, Sacerdotem parare calicem, in quo miscet aquam vino, exemplo iterum Christi, & ex præcepto Ecclesiæ ad significandum aquam cum sanguine fluxisse è Christi latere in cruce, & naturam humanam junctam Verbo, nostramq; hīc per gratiam, ac postea per gloriam ipsi uniendam, quod precatur dicens: *Deus qui humane substantiæ dignitatem &c.* 2. Offerri deinde calicem etiam pro totius mundi salute, & adjungi sacrificium internum verbis Azariæ è fornace Babylonica, *In spiritu humilitatis, & in animo contrito, &c.* ut sic etiam ab offerente sacrificium Deo placeat; nam *respexit Dominus* primū ad Abel, & inde ad munera ejus; & *cum is qui displicet, ad intercedendum mittitur*, irati animus ad d. teriora provocatur. 3. Precatur gratiam à Spiritu sancto fonte omnis sanctitatis pro hac stupenda & salutari conversione facienda dicens: *Veni sanctificator &c.* 4. Signat cruce panem & vinum oblatum, ut Deo repræsentet merita Christi per crucem consummata, ac postulā, imò à Deo conditionem pro salute nostra: *Si posueris pro peccato animam suam*.

**Punct. III.** Cōfid. I. Sacerdotem deinde lavare extremos digitos ad indicandā nuditiem cordis etiā à culpis levioribus pro hoc sacrificio requisitā. 2. Recitare eū partem è psalmo Davidis *Lavabo, &c.* ut sicut ipse ibi inter gētiles exul, ad patriā Deiq; cultū adspirabat, sic & se ostendat eò unicè adspirare. 3. Eū jā à culpis puriorē offerre hostiā ut Eucharisticā, sive in gratiarū actioem pro beneficiis acceptis, dicendo: *Suscipe S. Trinitas &c.* 4. Diffidentem deinde infirmitati suæ, implorare fideiū preces, *Orate fratres*, ut & ipsi ad rē tātū momēti pro totius Ecclesiæ salute pari pietate & fervore conspirent.

XVII. De



289

XVII. De Sacrificio Missæ. P. IV.  
Quæ est Præfatio.

**Punct. I.** Confid. 1. Sacerdotem quò propius accedit ad commemorandam Christi Passionem, eò impensius in ejus laudes incumbere, & hortari omnes ut Christo proximè è cælis in altare descensu, o reverenter occurrant, *sursum corda*, attollendo cogitationes & affectus à terrenis & vanitatibus ad Deum & cælestia, & attende quo spiritu & veritate respondeas: *Habemus ad Dominum*. 2. Monere nos quid menti ad Deum elevata agendum sit: *Gratias agamus Domino* pro beneficio redemptionis, *Deo nostro* pro beneficio creationis. 3. Inde extendendam gratiarum actionem ad reliqua omnia Dei in nos collata beneficia, *verè dignum*, inquit, ob infinitam ejus majestatem & excellentiam, & *justum est* ob nostram vilitatem & subjectionem, *æquum* ob tam multiplicia & eximia ejus in nos collata beneficia, & *salutare*, quia hæc gratitudo nostra maximè provocat in nos Dei beneficentiam, *nos tibi semper & ubique gratias agere*; nullum enim tempus aut locus vacat sine singularibus Dei in nos beneficijs; unde Psaltes: *Semper laus ejus in ore meo; & in omni loco dominationis ejus benedic omnia mea Domino*. 4. Dignis titulis Deum compellat tanquam Ecclesiæ Legatus: *Domine sancte, Pater omnipotens, æterne Deus*, quibus se aliosque ad reverentiam, fiduciam, & a morem excitet.

Ps. 33. 7.  
Ps. 102. 22.

**Punct. II.** Confid. 1. Sacerdotem, ut hos virtutum affectus gratiores Deo reddat, offerre eos *per Christum Dominum nostrum*; unde discamus per eundem nos, & nostra omnia Deo offerre. 2. Eum hortari nos etiam exemplo cælestium spirituum, ut pari cum illis reverentia & gaudio cultum Deo deferamus, *cum quibus & nostras voces, ut admitti jubeas deprecamur, supplici confessione dicentes*. Quare studeamus cunctis omni submissione ardentes illorum affectus imitari. Tremunt illi, columnæ cæli: & nos pulvis & cinis, tot peccatis obstricti, ociosi oscitabimus? *Cum timore & tremore salutem vestram operamini*.

Phil. 2. 12.

**Punct. III.** Conf. 1. Materiam laudis Angelicæ esse sanctitatem & majestatem Dei unius ac trini, ac nominatim Christi redemptoris, cui concunt Hymnum triumphalem, *Sanctus, Sanctus, Sanctus*, quo & nos ad eandem sanctitatem seu perfectionem imitandam hortantur, juxta illud, *Sancti estote, quia ego sanctus sum*. 2. *Dominus Deus Sabaoth*, seu Exercituum. Sic compellat cælestes illos spiritus, ob eorum fortitudinem, subjectionem & promptitudinem, quam & tu imitare. 3. *Pleni sunt cali & terra gloria tua*; nam ubique monumenta sunt divinæ in nos beneficentiæ, nosque ad eum laudandum excitant. 4. Post Hymnum Angelicū profert Sacerdos Hymnum etiā Iudæorum Christo die Palmarū Ierosolymā ingredienti acclamantium. *Hosanna in excelsis*, quo ei fausta ac felicia iteratis affectibus apprecantur, nosque eodem invitant: sed cavendum ne cum illis turpi inconstantia citò deficiamus, convertentes carmen laudis in opprobrium.

Isa. 63. 1.  
Lev. 11. 44.

**XVIII. De Sacrificio Missæ. P.V.**  
**Quæ est initium Canonis.**

**Punct. I.** Conf. i. Canonem seu regulam ab Ecclesia præfinitam pro ritu Sacrificij in silentio peragi à Sacerdote, ad designandam venerationem divinæ Majestati debitam, & animi attentionem pro mysterij præsentis gravitate. 2. Dirigi hanc precationem ad Deum Patrem Clementissimum, quia summæ clementiæ est, peccatoribus non solum ignoscere, sed etiam benefacere. 3. Adhiberi Mediatorem *Iesum Christum Filium*, quo paterni animi benignitatem magis commoveat. 4. Condiciones ponit ad bene orandum requisitas, dissidentiam sui, & confidentiam in Deo, cum ait: *Supplices rogamus ac petimus*. 5. Exponit petitionem, *uti accepta habeas ac benedicas hæc dona*, a te in nos collata, *hæc munera*, à nobis oblata, *hæc sancta Sacrificia, allibata*.

**Punct. II.** Conf. i. Hoc Sacrificium ab eo non tantum ad propriam, sed plurium utilitatem offerri, cum ait: *In primis quæ tibi offerimus pro Ecclesiâ tuâ sanctâ Catholicâ*; nam bonum universale præponendum privato, *quam pacificare* ab hostium persecutione, *custodire* in pace obtenta, *adunare* accessione infidelium, & *regere* peculiari cura digneris toto orbe terrarum. Inde commendat Caput Ecclesiæ visibile, ac loci Antistitem, & omnes fideles. 2. Ex his peculiariter quosdam Deo commendat, dicens: *Memento Domine famulorum famularumque tuarum*, in quibus commendandis memoriam juvare potes representatione crucifixi, ubi ad *Corpus Christi* commenda corpus Ecclesiæ, ac nominatim regnum, provinciam, ac locum in quo degis; ad *Caput* superiores Ecclesiasticos & Civiles; ad *Manum dextram* parentes, propinquos, & benefactores; ad *sinistram*, Inimicos Ecclesiæ, gentiles & hæreticos, peccatores, & adversarios tuos; ad *Pedem dextrum* omnes in vinea Domini laborantes, omnis ordinis religiosos, Ecclesiasticos, & justos, ad *sinistram*, omnes mœstitia oppressos & afflictos animo aut corpore; ad *Laicos*, Eum pro quo Sacrificium singulariter offers, inde teipsum, & paucos alios.

**Punct. III.** Conf. i. Post piam pro alijs precationem implorare Sacerdotem suffragia Sanctorum, ut & ipsi pro nobis intercedant, dicens: *Communicantes* non solum cum fidelibus in terra, sed & cum beatis in cælo, in primis gloriosa semper Virgine Maria, quæ hostiam hanc nobis peperit, & cum 12. Apostolis, ac totidem Martyribus, qui gloriosa morte sua hoc Sacrificium maxime honorarunt. 2. Cum dicit: *Hanc igitur oblationem servitutis nostræ*, exprimit primarium finem hujus Sacrificij, qui est ad contestandam Dei excellentiam, & nostram subjectionem, petitque pacem cum Deo in hac vita, & in altera, imponens interim manus super oblata, ut significet se hostiam illam pro immolatione vitæ nostræ substituere.



## XIX. De Sacrificio Missæ. P. VI.

## Quæ est consecratio.

**Punct. I.** Conf. I. Sacerdotem hîc singulariter sustinere personam Christi, cujus proinde externa modestia, pietas in Patrem, & zelus in proximum, tum ab ipso, tum ab alijs assumendus est. 2. Tempus referri hujus oblationis primum à Christo factæ, qui pridie quàm pateretur, cum Iudæi pararent ei vincula, flagella, & mortem crucis, ut doceret nos nullis etiam adversis ab amore sui separari. 3. *Accipit panem*, ut ostenderet hunc corporalem proxime convertendum in Spiritualem, esse cibum animæ; *In sanctis*, nulla umquam peccati labe fœdatus, & *venerabiles manus suas*, ob potentiam & majestatem. 4. *Et elevatis oculis in cælum*, ad te Deum Patrem suum omnipotentem, ut ad eum primum auctorem oculos mentis nostræ provocaret. *Tibi gratias agens*, de omnibus, sed hoc nominatim beneficio; *Benedixit*, invocando Patris potentiam, ut præsto esset; *Fregit* ad commendandam mutuam charitatem, qui de uno pane edimus; *Deditque discipulis suis*, jam ritè dispositis, potiissimum per ablutionem pedum ad munditiam mentis, dicens: *Accipite & manducate ex hoc omnes*. Expende beatum donum, in quo continentur omnes thesauri divinitatis.

**Punct. II.** Conf. I. Potentissima hæc quinque verba, *Hoc est enim corpus meum*, quibus prolatis mox sistit se Dei Filius è sinu Patris in manibus Sacerdotis: unde imitare promptam ad infima obedientiam. 2. Licet significatione verborum ponatur hîc solum corpus, & alijs mox Sanguis Christi, tamen utrobique propter unionem poni totum Christum in cælis gloriosum; quem proinde cum Sacerdote supplex patriæ cultu adora. 3. Elevari hostiam ad liberiores ab omnibus aspectum & venerationem; quare dicendum vel cum S. Petro, *Tu es Christus Filius Dei vivi*, vel cum *Thoma Dominus meus, & Deus meus*.

Matt. 16. 6.  
Joan. 20. 28.

**Punct. III.** Conf. I. Christum voluisse etiam sub specie vini seipsum offerre, ad complendum Sacrificium & convivium; quare subdit Sacerdos: *Simili modo postquam cœnatum est*, absumpto agno Paschali, cui seipsum Christus mox substituerebat. 2. *Accipiens & hunc præclarum calicem*, fontem vitæ æternæ, dixit: *Hic est enim calix Sanguinis mei, novi & æterni testamenti*, quo expressit ultimam suam voluntatem de donanda nobis hereditate æterna, *mysterium fidei*, quia secretum est sola fide percipiendum. 3. *Qui pro vobis, & pro multis effundetur*: pro omnibus, ac singulis quoad sufficientiam, pro electis verò quoad efficaciam, in remissionem peccatorum. 4. Ad servandam deinde in nobis perpetuam hujus beneficii memoriam, collatam esse à Christo Apostolis potestatem idem faciendi, alijsque communicandæ: neque aliud à nobis in compensationem exigi: *Hæc quotiescumque feceritis, in mei memoriam facietis*.

## XX. De Sacrificio Missæ. P.VII.

Quæ est post Consecrationem, & postrema Canonis.

**Punct. I.** Conf. 1. Quia Christus post oblatum hoc in cœna Sacrificium præperat Apostolis sui memoriam, Sacerdotem mox omnium nomine hanc profiteri, nec tantum *beatæ ejus passionis* cum affectu charitatis, sed & *resurrectionis* ejus cum viva fide, & *gloriosæ Ascensionis* cum firma spe eamdem consequendi. 2. Neque nudam hinc adferri memoriam, sed & hostiam jungi nobilissimam & aptissimam ad Patris in nos misericordiam flectendam. 3. Instare Sacerdotem apud cælestem Patrem ut hostiam hanc propitio ac sereno vultu respiciens prodesse nobis faciat ad salutem; quare precatur sibi nobisque *Abelis* in offerendo Sacrificio innocentiam, & *Abrahæ* obedientiam, & *Melchisedechi* pietatem. 4. Implorat deinde Angelorum ibi præsentium, nominatim Tutelaris Angeli, & qui Altari illi præest, intercessionem.

**Punct. II.** Conf. 1. Sacerdotem exemplo Christi, qui post mortem suam animabus defunctorum in limbo & purgatorio mox solatium attulerat, hinc quoque detentis in purgatorio solatium implorare: quæ licet jam certæ sint de præmio æternæ felicitatis, & liberæ à bello tentationum, ac proinde videantur dormire in somno pacis; tamen quia adhuc torquentur desiderio divinæ visionis, & supplicijs quibus peccatorum reliquæ purgantur. *Sancta & salubris est cogitatio pro illis exorare, ut à peccatis solvantur.* 2. Sicut ipsi è cursu hujus vitæ nos præcesserunt, ita & nos eodem tendere. Quam mortis memoriam homini utilissimam commendat Sapiens: *In omnibus operibus tuis memorare novissima tua, & in æternum non peccabis.* 3. Interrumpit Sacerdos sacrum silentium implorando etiam sibi ex intimo affectu divinam misericordiam, dicens: *Vobis quoque peccatoribus, quo & Centurionis, & aliorum post Christi mortem pœnitentiam designat, & Sanctorum Martyrum patrocina exposcit. Reminiscere misericordiarum tuarum Domine, quæ à sæculo sunt. Et secundum multitudinem miserationum tuarum dele iniquitatem meam.*

**Punct. III.** Conf. 1. Post plures preces ad cælestem Patrem, hinc jungi hinc laudes Christi Salvatoris, tanquam ejusdem cum Patre substantiæ; unde subdit: *Per quem hæc omnia Domine semper bona creas, sanctificas ad sacros usus assumendo, vivificas convertendo in vivum corpus & sanguinem Christi; benedixisti communicatione donorum, & præstas nobis ad fruendum: unde discite Christo de acceptis donis gratias agere.* 2. Ad hanc Christi gloriam celebrandam Sacerdos hostiam super calicem elevat, cruces interim formando, dicens: *Per ipsum, ut Mediatorem, & cum ipso, ut Patri æquali, & in ipso, ut consubstantiali, est tibi Deo Patri omnipotenti, in unitate Spiritus sancti, omnis honor & gloria, tum intrinseca ob eamdem cum Patre naturam, tum extrinseca, quæ in beatorum ac fidelium cultu consistit, ad quem provocat omnes præsentēs.*



XXI. De Sacrificio Missæ. P. VIII. quæ est post Canonem, & ultim.

**Punct. I.** Conf. i. Sacerdotem absoluto Canone in silentio, mox alta voce proferre orationem Dominicam, tanquam gratissimam æternæ Patri, nobisque utilissimam, ac proinde ab omnibus pariter usurpandam. 2. Per fractionem hostiæ iterum designari passionem Christi & mortem; per duas partes in patena coniunctas coniunctionem animæ cum corpore in resurrectione, per tertiam verè partem calici immixtam, restitutionem Sanguinis, de quo Christo gratulare. 3. Pacem precatur exemplo Christi, eam discipulis apprecantis in resurrectione, etiam Deo iam reconciliatis, & inter se per concordiam & mutuam charitatem.

**Punct. II.** Conf. i. Sacerdotem deinde convertere se à cælesti Patre ad Christum in altari, quem prius adoratum, *Agnus Dei* compellat, exemplo Præcursoris ob innocentiam, mansuetudinem, & oblationem. 2. *Qui tollis*, *Iean. I.* inquit, non semel, sed perpetuò morte tua expiando peccata originalia, mortalia, & venialia; cordis, oris, & operis: quam gravissimam miseriam petit tolli à nobis quoad culpam & poenam, puerneque restituui. 3. Ternam deinde ad eundem Christum subiungit orationem voce submissa, quæ petit Ecclesiæ pacem, constantem mandatorum observantiam, & fructum ex perceptione huius Sacramenti.

**Punct. III.** Conf. i. Sacerdotem ante sumptionem Sacramenti, id reverenter iterum adorare, dicendo: *Panem cælestem accipiam, & nomen Domini invocabo*; inde clara voce exprimere affectum humilitatis cum Centurione: *Domine non sum dignus*, &c. id quæ tertio repetere, ut Excellentiam ipsius, & vilitatem nostram coram cælestibus, terrestribus, & inferis palam profiteatur. 2. Eum ad sumptionem hostiæ hæere aliquantum in ejus meditatione, quis, quem, quare, & quomodo visere dignatus sit, attendendo infinitam ejus potentiam, sapientiam, & bonitatem, cum affectibus Fidei, Spei, Caritatis, Humilitatis, & oblationis sui.

**Punct. IV.** Conf. i. Completo Sacrificio, Sacerdotem reverti ad cornu dextrum altaris, ut significet doctrinam Christi ad gentem Iudæorum; quibus primum nuntiata est, sub mundi finem restituendam. 2. Inde eum laudare Deum pro collatis per præsens Sacrificium beneficijs, & exemplo Christi in Ascensione, benedictione data præsentibus, nova eis dona apprecari. 3. Subdit denique Evangelium S. Ioannis, ut ex eo cognoscatur Christi pro nobis oblatis excellentia, clementia, & benignitas, quæ ad nos descendens plenitudinem gratiæ & veritatis communicare dignatus est. Et quia gratiarum actio debet esse conclusio omnium bonorum operum, Sacerdos subdit privatim Canticum trium puerorum, quo invitat omnes creaturas etiam insensibiles, ut omnes Deum laudent pro beneficio in nos collato, atque in eo debilitatem nostram suppleant.

## XXII. De audiendo verbo Dei.

**Punct. I.** Conf. i. Necessitatem verbi divini audiendi, cum illud det vitam, lucem, & robur animæ nostræ, sine quo deficit & in tenebris aberrat. *Eloquium tuum vivificavit me. Lucerna pedibus meis verbum tuum, & lumen semitis meis.* 2. Nec sufficere, quod doctus tibi videaris & eruditus; nam audiens sapiens sapientior erit, dum per illud excitatur memoria de se labilis, & voluntas in malum prona, ad bonum erigitur, atque in eo confirmatur. *Dormitavit anima præ radio: confirma me in verbis tuis.* 3. Deum velle alium ab alio doceri ad exercitium humilitatis. Ita Davidem Regem licet sapientissimum permoveri voluit ad poenitentiam à Nathane Propheta, & Paulum à se è nubibus increpitum misit erudiendum ad Ananiam: quare qui sibi aded sapit, ut non dignetur audire alios, plus superbiæ ostendit se habere quam eruditionis, nec potest in eo esse virtutum minor, in quo est fastidium doctrinæ cælestis.

**Punct. II.** Conf. Quomodo verbum Dei audiendum sit. 1. *Reverenter*, tanquam, ut verè est, verbum Dei: unde S. Augustinus: *Ego quid sum nisi cophinus seminantis, ille in me ponere dignatus est, quod vobis spargo.* 2. *Amanter*, cum desiderio cælestis pabuli; nam sicut formica colligit sibi æstate pabulum quo vescatur hieme, ita & in tranquillitate excipere nos oportet verbum Dei, quo pascamur in rebus turbidis. 3. *Ferventer* superatis difficultatibus, exemplo Iudæorum, *factum est cum turba inirent in eum, ut audirent verbum Dei.* Ecce iam triduo sustinent me, & Magdalena nec ob domestica ministeria, nec ob sororis murmura à verbo Dei audiendo avellebatur. *Ignitum eloquium tuum vehementer, & servum tuum dilexit illud.* 4. Cum desiderio exequendi. *In corde meo abscondi eloquia tua, ut non peccem tibi.* Quare comparantur à Christo cum terra bona ij qui in corde bono & optimo audientes verbum retinent, & fructum afferunt in patientia. *Si hac scitis, beati eritis, si feceritis ea.*

**Punct. III.** Conf. i. Fructum & incrementa bonorum operum ex verbo Dei audiendo. *Dilexi mandata tua super aurum & topazium. Latabar ego super eloquia tua, sicut qui invenit spolia multa.* 2. Conf. jucunditatem. *Nabaverunt mihi iniqui fabulationes, sed non ut lex tua. Quàm dulcia fauibus meis eloquia tua, super mel ori meo,* & S. Gregorius Mannæ comparat hebeniti onine delectamentum suavitatis, sed pro dispositione sumentium. *Iste est panis quem dedit vobis Dominus ad vescendum,* ubi Moyses subiungit: *hic est sermo quem precepit Dominus.* 3. Famen hanc verbi divini signū esse certum divinæ prædestinationis. *Qui ex Deo est, verba Dei audit.* ubi Chrysostomus: *Sicut esurire signum est sanitatis in corpore, sic amare divina eloquia indicium maximum sanitatis in anima. Auris bona audiet cum omni concupiscentia sapientiam.* 4. Caritatem hujus verbi divini tanquam poenam à Deo. *Ecce dies veniunt dicit Dominus & mittam famem in terram, non famem panis, neque sitim aque, sed audiendi verbum Dei.*

Ps. 118.

50.

Ps. 118.

105.

Prov. 1.3.

Ps. 118.

28.

1. Reg. 7.

1.

Act. 9.10.

Luc. 4.8.

Mar. 6.5.

2.

Luc. 10.

39.

Ps. 118.

140.

Ps. 118.

11.

Luc. 8.15.

Joan. 13.

17.

Ps. 118.

3.7.

Ps. 118.

162.

Ps. 118.

8.

Ps. 118.

103.

Joan. 8.

47.

Eccl. 3.

31.

Pund. 16.

16.

A. 10.8.

11.



## XXIII. De actionibus per diem recte obeundis.

**Punct. I.** Confid. 1. Ut orationes nostræ sint Deo gratae ac meritoriae regni cælestis, requiri ut simus in statu gratiæ; & opus in se sit bonum vel saltem indifferens, ac dirigatur in finem non vanum aut terrenum, sed supernaturalem, qui est unus Deus supremum bonum nostrum. *Attendite ne iustitiam vestram faciatis coram hominibus, ut videamini ab eis. Sed omne quodcumque facitis in verbo aut in opere, omnia in nomine Domini nostri Iesu Christi facite. Afferte Domino gloriam & honorem.* 2. Confid. Meritum unius operis augeri posse ex intentione puriori & multiplicata; si nempe dirigatur vel ad quatuor fines sacrificij instituti, ad honorem Dei supremi Domini nostri, in gratiarum actionem pro acceptis ab eo beneficiis, in propitiationem pro peccatis, & ad consequenda nova beneficia corporis & animæ. 3. Vel ad septem petitiones Orationis Dominicæ, ut per opus illud gloria Dei promoveatur, regnum cæleste consequamur, divinam ejus voluntatem impleamus, obtineamus corporis & animæ necessaria, remissionem peccatorum, fortitudinem ad superandas tentationes & liberationem ab omni malo, quod salutem impedit, vel retardet. Item ad honorem Dei patris ac Sanctorum, pro certo defectu superando, vel virtute obtinenda, in auxilium defunctorum, ad lucrandas indulgentias, & pro felici morte. 4. Petendum à Deo auxilium gratiæ ad opus illud recte, prout oportet, exequendum: *Deus in adiutorium meum intende.*

**Punct. II.** Confid. 1. In ipsa actione, attendendum esse intellectu, ut opus fiat ad exemplar Christi & Sanctorum, spectando Deum præsentem, inspectorem operis tui, sed potius internum affectus; nam *omnis gloria filii regis ab intus. Et homo videt ea quæ parent, Dominus autem intuetur cor.* 2. Voluntate renovandam subinde rectam intentionem: *Non nobis Domine, non nobis, sed nomini tuo da gloriam,* atque auxilium Dei assidue implorandum. 3. Vires corporis & animæ serio applicandas, ad quod gentiles in sacrificiis movebantur: *Hoc age quod agis,* ac si opus illud ultimum esset; nam *omnem crede diem tibi diluxisti supremum,* & Christus veniet sicut fur in nocte. 4. Conf. opus absolutum Deo iterum offerendum esse in unionem meritorum Christi & Sanctorum, & examinandum; si recte peractum, Deo gratias agendas; si malè, veniam petendam erratorum.

**Punct. III.** Conf. 1. Omnem perfectionem nostram in hoc consistere, ut actiones nostræ quotidianæ sic recte peragantur, operando non solum quod Deus vult, sed prout Deus vult. *Iuste quod iustum est persequeris.* 2. Eum qui sic operatur, implere mandatum Christi semper orandi; nam *semper orat,* ait S. Augustinus, *qui propter Deum operatur,* & accumulatur copiosa merita gratiarum, *confirmatus in brevi explevit tempora multa.* 3. Difficultatem in hoc occurrentem sensim minui, recte S. Bernardo. *Primum tibi importabile videtur aliquid, processu temporis, si assuescas, iudicabis non adeò grave: paulo post leve senties & delectabile.*

## XXIV. De silentio &amp; certo usu linguae.

**Punct. I.** Quanti momenti sit diligens linguae custodia, cum per eam velut animi interpretem quidquid intus latet, cogitationes, affectus, & studia cum aliis communicemus, ideoque à recto ejus usu maxima bona hominibus provenire, & ab usu pravo gravissima mala. 2. Conf. primam & communem hominum calamitatem à pravo linguae usu exoriri, cum Adam sermonibus Evæ ad peccatum inductus est; eamque inde quotidie in nobis crescere. *Sicut urbs patens, & absque murorum ambitu, ita vir qui non potest in loquendo cohibere spiritum suum; quare & appellatur universis iniquitatis, iniquitum malum, plena veneno mortifero.* 3. Eam esse linguae corruptelam, ut ad eam regendam inter omnes hominis facultates peculiari Dei auxilio opus sit: *Linguam nullus hominum domare potest. Homini est animam preparare, Dei autem gubernare linguam:* Atque ideo cum binæ aures homini datæ sint, linguam unicam à Deo datam esse, eamque duplici custodia dentium & labiorum munitam.

**Punct. II.** Christianam perfectionem potissimum pendere à recto usu linguae, qui si absit, nulla solida virtus subesse potest. *Siquis putat se religiosum esse, non refrenans linguam suam, hujus vana est religio.* Et contrà, *si quis in verbo non offendit, hic perfectus est vir.* 2. Conf. linguam iusti esse instrumentum Dei, à quo non nisi sancta prodeunt. *Os iusti meditabitur sapientiam, & lingua ejus loquetur iudicium. In ipsa benedicimus Deum & Patrem, peccata confitemur, Eucharistiam suscipimus, ac divina mysteria enunciamus: in lingua verò non custodita maledicimus homines, qui ad similitudinem Dei facti sunt.* 3. Si de omni verbo otioso severa ratio aliquando reddenda sit, quid fiet de verbis mendacibus, superbis, iracundis, contumeliosis, detractorijs, & lascivijs?

**Punct. III.** Conf. I. Remedia pro recto usu linguae, atque in primis singulare Dei auxilium enixè implorandum *Pone Domine custodiam oris mei, & ostium circumstantiae labijs meis.* 2. Præmeditandum id quod loquendum est, & speculandæ circumstantiæ loci, temporis, & personarum. *Dixi custodiam vias meas, ut non delinquam in lingua mea. Sit autem omnis homo velox ad audiendum, tardus autem ad loquendum.* & S. Augustinus: *Sicut eligis cyo velcaris, sic elige quod loquaris.* 3. Disce prius tacere quam loqui: *Homo sapiens tacebit usque ad tempus. In multis esto quasi inscius si laudandi tacens.* 4. Conf. fructum silentij, & linguae moderatæ: *Qui custodit os suum & linguam suam, custodit ab angustijs animam suam. Qui vult vitam digne, & vult videre bonos, coercet linguam suam à malo, & labia ejus ne loquantur dolum. In silentio & spe erit fortitudo vestra. Denique proponendum exemplum Christi, qui inter gravissimas contumelias, quasi agnus coram torquentibus se quiescebat, & non aperuit os suum. Obmutui, & humiliai sum, & filij à bonis.*



## XXV. De lectione libri spiritualis.

**Punct. I.** Confid. 1. Lectionem piam esse velut speculum animæ, ubi, ut ait S. Gregorius, *interna facies nostra videtur, ibi fides, ibi pulchra nostra conspiciuntur, ibi sentimus quantum proficimus, & quam longè à profectu distamus.* 2. Hinc etiam illam dici admonitorem & concionatorem, cui propiè responde cum Samuele: *Loquere Domine, quia audit servus tuus.* & cum Davide: *Audiam quid loquatur in me Dominus.* 3. Esse velut epistolam à cœlesti Rege & Patre ad te missam, per quam te ad se invitet, viam ostendat, duces assignet, & viaticum submittat: quare reverentiam & affectum eò excita. 4. Plures Sanctos hinc conversionis suæ initia hausisse, S. Augustinum pluribus concionibus S. Ambrosij non permorum, in lectione pia salutem invenisse: ita etiam S. Ignatium, Teresiam, aliosque complures.

**Punct. II.** Confid. Modum lectionis piè instituendæ. 1. cum pura intentione, non ad curiositatem, aut vanitatem, vel etiam proximi utilitatem, sed ad salutem & perfectionem propriam, ut in spiritu proficias & pinguescas. 2. Cum matura attentione, non cursim, aut carptim hinc inde quædam delibando, sed consequenter ac tardè lecta recole, expende, subsiste, & locum da divinæ inspirationi. 3. Sicut copiosa ingestio cibi non prodest sed nocet corpori, nec præceps pluvia terram penetrat, ita & similis lectio. Nam ut rectè Seneca, *distrabit animum librorum multitudo, fastidientis stomachi est multa degustare, quæ uti vix sunt, & diversa, inquinant, non alunt. Onerat discentem turba, non instruit. Nescimus enim est, qui ubique est.* 4. Legendum cum ferventi devotione, quæ se exerat in affectus compunctionis, emendationis, & imitationis. *Gustate & videte quoniam suavis est Dominus. Quam dulcia fueribus meis eloquia tua! Spiritus meus super me dulcet.* Quare intermisce iaculatorias, & concipe proposita practica.

**Punct. III.** Confid. 1. Fructum hujus lectionis, qui est perfectio trium potentiarum animæ; memoriæ, ut tempore opportuno suggerat cogitationes pias; intellectus, ut illuminetur in cognoscendis imperfectionibus suis & perfectionibus Christi ac sanctorum; voluntatis, ut inde accendatur ad suæ emulationem, & eorum imitationem. 2. Lectionem piam plurimum consistere ad orationem rectè instituendam; nam, ut ait Bernardus, *lectio quasi cibus ori aponit, quem oratio frangit, & masticat.* Item ad pia cum proximo colloquia, & ad dæmonum fraudes cognoscendas & superandas.

**Punct. IV.** Confid. 1. Post lectionem gratias agendas Patri cœlesti pro tam benigna imitatione, salutari admonitione, & solida corroboracione. 2. Pauca seligenda, quæ memoriæ ac scripto mandata, sibi inde postea recolantur, & usui sint in tempore tentationis vel ariditatis. 3. Auxilium divinæ gratiæ implorandum, pro exequenda Dei voluntate sic exposita; quare dic cum Davide: *Confirma hoc Deus quod operatus es in nobis.* atque ad hoc moneri nos à S. Iacobo, *Estote factores verbi, & non auditores tantum.* *fil. 1.67.26.*

## XXVI. De Examine Conscientiæ.

**C**onfid. Examen conscientiæ à sanctis omnibus usitatum & unicè commendatum tum propter insignes virtutes quæ in eo exercentur, tum propter singulares fructus, qui sunt augmentum gratiæ, remissio culparum, progressus in virtute, & animæ quies, ac solatium. Præxim autem hujus examinis consistere in quinque punctis sequentibus.

*Punct. I. Solve Deo grates.* Vbi recense & expende beneficia tain liberaliter tibi à divina bonitate collata, creationis, conservationis, redemptionis, vocationis ad fidem & religionem, de quibus submisit gratias age, per Psalmum: *Laudate Dominum*, &c. & in gratiarum actionem offer te ipsum cum facultatibus animæ & corporis ad ejus obsequium.

*Punct. II. Pete lumen.* Quia in defectibus nostris cognoscendis impedimur per amorem proprium, implorandum lumen Spiritus sancti, quo intellectum nostrum illuminet ad scrutandos & cognoscendos defectus nostros, ac æstimandam eorum gravitatem; deinde voluntatem excitet ad eorum detestationem. Subjicere hinc potes hymnum: *Veni creator Spiritus.*

*Punct. III. Discute mentem.* Idque ab ultimo examine: *Circa Deum*, quomodo te gesseris in functionibus spiritualibus, an integrè peregeris, an debita diligentia & attentione, num divinas inspirationes neglexeris: deinde *circa superiores*, quomodo te gesseris in obedientia, ac regularum observantiâ *Circa proximum*, an læseris eum in cogitatione, iudiciis temerariis, ira, contemptu, an verbis asperis, detractoriis, an recusaveris obsequia debitæ caritatis; an contra foveris erga aliquem affectum inordinatum aut familiaritatem. *Circa te ipsum*, quomodo te gesseris in cogitationibus superbiæ, vanæ gloriæ, pusillanimitatis, quomodo in virtute castitatis & paupertatis, in verbis otiosis, curiosis, mendacibus, in quinque sensuum custodia, modestia externa, studio commotitatum, profusione in occupationes, aut acedia. Expende in singulis cogitationes, verba, & opera, & omissiones, etiam per decursum temporis ab una hora ad alteram.

*Punct. IV. Peccati veniam posce.* Confid. hinc defectuum tuorum numerum & gravitatem, quam Deo tantopere in te benigno ac liberaliter reposuisti, compata malitiam & ingratitude tuam cum ejus in te beneficentia, erubescere & admirare longanimitatem ejus in te tolerando ac donis cumulando, dolo ex intimo corde te infinitam illam bonitatem, tam levi de causâ toties offendisse, & misericordiam supplex precare veniam, idque per merita Christi & Sanctorum.

*Punct. V. Malum tue fuge.* Statue firmiter non amplius Deum offendere, & prospice occasiones defectuum, quas vel fuge, vel superare contende, nominatum circa defectum certum, quo magis laboras. Conclude cum Oratione Dominica, vel etiam Psalmo *Miserere*.



## XXVII. De examine particulari.

**Punct. I.** Conf. 1. Licet examen conscientiae generale magnam vim habeat ad expugnandos sensim defectus, tamen quia *pluribus intentus, minor est ad singula sensus*, & hostes si seorsim invadantur, citius superantur; ita, & defectus, si singulari cura in expugnandis singulis certetur. 2. Confid. etiam diabolus ad perdendum hominem, eum plerumque ad certum aliquod vitium excitare; in quod videt eum à natura magis propensum; re & adversus illud singulari remedio advigilandum. 3. S. Ignatium hoc singulare seu particulare examen in se diligenter & constanter usurpasse, atque aliis omnibus tanquam medium ad salutem efficacissimum unice commendasse.

**Punct. II.** Conf. Particulare examen consistere in particulari cura aliqujus vitij extirpandi vel virtutis acquirendae, sic ut manè in quotidianis precibus proponat particularem circa hoc curam, & gratiam imploret, interdiu de eodem sollicitus sit: Sub prandium examinet se, doleat de delictis, & meliora proponat, similiter & vesperi. 2. Proderit etiam horis singulis cum S. Ignatio super eo reflectere, numerum defectuum annotare, conferre diem, & septimanam cum praecedenti, poenitentiam levem pro errorum numero assumere, in meditatione aliisque functionibus spiritualibus saepius ad hoc gratiam divinam implorare.

**Punct. III.** Confid. 1. Pro materia examinis particularis assumendum vitium aliquod magis noxium, quodque aliis simul offendiculo est, iuxta iudicium Confessarii, v.g. externos actus immodestiae, impatientiae, vanae gloriae, &c. inde ad internos procedendum, denique ad actus virtutum obedientiae, purae intentionis, praesentiae Dei, humilitatis, fiducia in Deo, &c. 2. Quia diabolus hoc exercitium, quod novit utilissimum, nititur maximè impugnare, ad laborandum vicissim nequis in eo per inconstantiam deficiat, sic ut, si non diverso, saltem eodem tempore cum generali examine id instituat. 3. Neque desistendum ab hoc ob naturae infirmitatem, quae sic sensim corrigenda est, neque ob lapsuum frequentiam, qui sine hoc examine forent frequentiores, sed ad vitae finem in eo persistendum, in quo quantam quisque curam impenderit, tantò & progressum ampliorem experietur. 4. Expende adhortationem huc S. Bernardi, ad verba Cantici: *Tempus putationis advenit. Quis enim, inquit, ita ad unguem omnia à se superflua rescuit, ut nihil se habere putet putatione dignum?* *Credite mihi, & putata repullulant, & effugata redeunt, & reaccenduntur extincta, & sopita denovo excitantur. Parum est ergo semel putasse, saepe putandum est; imo si fieri possit, semper, quia semper, quod putari oporteat, si non dissimulas, invenis. Quantumlibet in hoc corpore manens profeceris, erras si vitia putas emortua, & non magis suppressa.*

## XXVIII. De temperantia in victu.

**Punct. I.** Conf. 1. Quam indignus sis ob peccata & ingratitude[m] tuam pane filiorum Dei, qui toties secutus cupiditates tuas, abieciſti te ad ſiliquas porcorum ac ſordes peccatorum. 2. Quam paternè & liberaliter pius & miſericors Pater, tibi filio tam ingrato & prodigo providerit de ſubſidijs, non tantùm neceſſarijs, ſed etiam delicijs; ac te interim donis ejus abuti ad in temperantiam & torporem. 3. Quor pauperes & innocen-tes te meliores, Deoque gratiores fame ac ſiti preſtantur, qui pro deli- cijs reputarent etiam communes eſcas, quas tu ſubinde averſaris: argue ingratitude[m] tuam, & ſuſcipe Dei in te liberalitatem.

**Punct. II.** Conf. 1. Vitium gulæ eſſe Deo maximè inviſum, quia cultum illi debitum tribuit ventri, iuxta Apoſtolum: *Quorum Deus venter eſt;* & ex *Phil. 3. 17.* ea proveniſſe nobis per primos parentes, ac quotidie provenire inſtiga- tione dæmonis omne malum, morbos, & mortem corporis atque animæ, diſſolutionem ſpiritus, ſaſtidium cæleſtium, & inclinationem ad turpia. 2. Eſſe genus ſervitutis miſerrimū, cū venter ſit quaſi tyrannus inſatia- bilis, non terra, mari, arte nulla, aut condimenti genere acquieſcens: dele- ctationem vilem, quia propriam beſtijs, & breviffimam, ideoque ſtal- tum eſſe tam vili vendere cæleſtes delicias, & obeam addicere ſe cum Epulone æternæ mendicitati, & cruciatibus: impium eſſe os illud quod Chriſtus in ſacra communione tactu ſuo toties purgat & ſibi conſecrat, vitio illo toties contaminare. 3. In hac victoria eſſe primum fundamen- tum vitæ ſpirituæ, quo non ſubacto fruſtrâ alijs virtus bellum indici, quia gula illis dat pabulum, & vires eripit virtuti, impediendo mentis at- tentionem & orationem. 4. Hortatur poſe dè ſapiens, cum ait: *Noli avi- dus eſſe in omni epulatione, & non te effundas ſuper omnem eſcam; in multis enim eſcis erit infirmitas. Propter crapulam multi obierunt; qui autem abſtineas eſt, adji- ciet vitam.* Plenius S. Proſper: *Temperantia libidines frenat, affectus temperat, deſideria ſancta multiplicat, vitioſa caſtigat, conſuſa ordinat, ordinata corobo- rat, &c.*

**Punct. III.** Conſid. 1. Ante reſectionem excitandum deſiderium obſer- vandi in omnibus temperantiam, modeſtiam, & decentiam, interiorem & exteriorem: præmittendam benedictionem & puram intentionem, qua alimenta ſumas non ad delectamenta, ſed medicamenta, ut vires cor- poris reparentur pro perfectiori Dei obſequio, & ad hoc gratiam à Deo poſtulandam. 2. In ipſa reſectione Conf. qua temperantia, modeſtia, & decentia Chriſtus cum B. Virgine & diſcipulis, aliique ſancti cibum ſumpſerint: attende ad ſel & acetum quo Chriſtus potatus eſt, ideoque diſce gulam frangere, ut te ipſum vincas, ad exemplum Chriſti; tum ut adſpices ad *cenam nuptiarum Agni*. 3. Poſt reſectionem gratias Deo age, qua par eſt reverentia & devotione, agnoſcendo præſentem Deum Pa- trem liberaſſimum, & filialem fiduciam in providentia ejus collocando.



## XXIX. De relaxatione animi per colloquia.

**Punct. I. Conf. I.** Relaxationem animi, licet omnibus hominibus, maxime tamen religiosis, mentalibus studiis, & corporis afflictationibus magis intentis, esse omnino necessariam, ad reparandas & conservandas vires animi attritas, non minus quam refectionem corporis per sumptionem cibi & potus pro viribus corporis. 2. Relaxationem hanc aptissime institui post corporis refectionem, quando à seriis studiis expedit aliquantū abstinere, idq; per pia colloquia, tū ut per ea excitent invicem ad studia virtutū; unde S. Bonaventura: *De Deo libenter loquere, & libentius audi, quia incitat cor ad studium virtutum, & affectum devotionis*: tum ad accendendam fraternam caritatem; nam sicut ferrum ferro acuitur, & lapis lapide attritus ignem *Chrysoste.* emittit; ita conversatio iustorum accendit caritatem: tum etiam ad assequendum exercitium, consuetudinem, & facilitatem pię ac fructuosę cum proximo agendi, atque animas Deo lucrandi.

**Punct. II. Conf. I.** Modum hanc relaxationem cum fructu instituendi, atque in primis materiam aliquam piam prius cōcipiendam & in promptu habendam; deinde implorandū divinę gratię auxilium: *Pone Domine Psal. 140. 3. custodiam orđ meo, & ostium circumstantię labiis meis.* 2. Enitendum ut colloquia nostra sint quoad substantiam pia, de rebus piis, atque instituto nostro propriis, quibus materiam suggeret diei ejus meditatio, conciones, liber spiritalis, lectio ad mensam, &c. vel saltem ut res indifferentes oculo pię intentionis ad altiorem finem dirigantur, ac potissimam quoad motum, ut ea pietate, circumspeditione, vultus serenitate, modestia, vocis ac totius corporis moderatione fiant, sic ut pręsentes ædificent & ad virtutem accendant. 3. Abstinentiū proinde ab omni eo quod potest famam proximę, vel caritatem fraternam lædere; quod sapiat anxielationem, jactantiam, morositatem aliorum contemptum, jocos aculeatos, contentiones, assentationes, sæcularem levitatem, animi effusionem, aut displicentiam disciplinę religiosę. *Omnis sermo malus Iphes. 4. 29. ex ore vestro non procedat, sed si quis bonus ad ædificationē fidei, ut det gratiā audientibus.*

**Punct. III. Conf. I.** Agendum cum sociis tanquam Dei filiis, & fratribus Christi, reverenter, hilariter, & modestē, dicta eorum in meliorem partem interpretando, non interpellando, mores alienos tolerando: *Alier alterius onera portare.* 2. Conf. quomodo B. Virgo, S. Joseph inter se & cum Christo hic in terris egerint, sermonis dulcedine invicem recreantes, & divini amoris igne inflammantes: quomodo nunc Beati in cælis inter se agant. 3. Christum singulariter delectari ejuscemodi colloquiis; quod ostendit cum se duobus discipulis in Emaus pergentibus socium junxit, atque omnibus promisit: *Ubi sunt duo vel tres congregati in nomine meo, ibi sum in medio eorum.*

Ecc

XXX. De

## XXX. De Salutatione Ven. Sacramenti.

**Punct. I.** Confid. 1. Christum voluisse non tantum præsentem se nobis sistere in Sacrificio Missæ, utque à fidelibus sumeretur, sed etiam permanere nobiscum in Venerabili Sacramento. *Ecce ego vobiscum sum omnibus diebus, usque ad consummationem sæculi;* quia inquit, *deliciae meae esse cum Filiis hominum,* atque iis dona mea elargiri. 2. Conf. Te invitari eò à Christo, cum ait: *Venite ad me omnes qui laboratis, & onerati estis, & ego reficiam vos.* Proinde alliciat te tam benigna invitatio, & propellat indigentia tua & infirmitas. 3. Esse eum ibi velut fontem gratiarum omnibus palam expositum. *Haurietis aquas in gaudio de fontibus Salvatoris.* Omnes sitientes *venite ad aquas,* & qui non habetis argentum, *propter aere, emite,* & comedite; *venite & emite absque argento, & absque ulla commutatione vinum & lac;* esse eum ibi ut solem, qui intellectum illuminet, & voluntatem accendat. *Accedite ad eum & illuminamini, & facies vestrae non confundentur:* esse medicum qui vulnera nostra sanat, magistrum qui nos instruat, ducem militiæ qui nos protegat & roboret, benignum patrem qui de omnibus provideat, pastorem qui ovem errantem in humeros excipiat, & ad cælestia pascua deportet.

**Punct. II.** Confid. 1. Quo affectu pietatis multi peregrinationes suscipiant, ad visenda vel ossa Sanctorum, vel vestem aliquam Christi aut Deiparæ; quo cultu & veneratione ea prosequantur: hic verò esse omnium Sanctorum & Angelorum Regem ac Dominum, vivum & in cælis gloriosum. 2. Conf. Dum Christo te sistis, versari te in medio cælestium spirituum, supermo Regi suo omnem cultum & laudem profunda submissione, atque ardenti amore deferentium; quare ad imitandum horum affectum, expende divinas Christi hinc præsentis perfectiones, infinitam potentiam, sapientiam, & bonitatem: virtutes deinde in natura humana potentissimum exercitas; miracula præstita, tormenta in acerbissima passione amore tui constanter tolerata, ac beneficia tibi in particulari collata. 3. Quomodo ipse ibi in exigua hostia Majestatis suæ amplitudinem contraxerit, ut infirmitati tuæ occurreret, atque inde etiam disceres te inferioribus accommodare. 4. Expone ei submisit omnes infirmitates tuas, & adversus eas auxilium confidenter implora; obsecra per omnes ejus perfectiones, per merita ejus, Virginis Matris, ac Sanctorum omnium.

**Punct. III.** Confid. 1. Pro recessu à Ven. Sacramento, petendum tibi à Christo, ut licet corpore ab eo discedas, affectu tamen numquam ab eo separeris, neque in vita, neque in morte, neque in æternitate. 2. Gratiam pete sic exprimendi in te virtutes ejus, aliisque etiam persuadendi, ut omnes inde colligant te verum esse Christi discipulum. 3. Totum te ei regendam trade, dicens: *In manus tuas commendo spiritum meum, & corpus & omnia.* Denique benedictionem postula, qua præstet te hic conformem sibi in vita ac passione sua, ac postea coheredem gloriæ.



XXXI. De Cultu Beatæ Virginis Mariæ,

Per recitationem Rosarij.

**Punct. I.** Confid. 1. Sicut omnibus Sanctis tanquam Dei amicis ac salutis nostræ apud eum patronis honor & cultus debetur ab omnibus fidelibus, internus æquè ac externus; ita & Deiparæ deberi peculiarem & supremum, tum propter eminentiam dignitatis ejus ad fastigium Matris Dei, tum propter abundantiam gratiarum ac donorum cælestium, quibus supra omnes Sanctos exornata est, tum propter efficacius patrocinium quo apud Filiū valet, tum potissimum quod Deus peculiarem prærogativā Christo collatam, ut non nisi per ipsum dona sua elargiretur, etiam ad Matrem extendere voluerit, quia, ut ait S. Bern. *sic est voluntas ejus, qui totum nos habere voluit per Mariam.* Unde excita in te magnam æstimationē Deiparæ 2. Excita te ad cultū tot titulis illi debitū deferendū, in quo principē locū vindicat imitatio virtutū ejus, de qua S. Ambrosius: *Sit tibi tanquā in imagine descripta virginitas, vitæq. B. Mariæ, de qua velut in speculo refulget species castitatis & forma virtutis.* Quare ejus actiones, gressus, verba, imò & cogitationes tibi sæpius ob oculos pone, velut exempla quæ imiteris.

**Punct. II.** Conf. 1. Post imitationem virtutum, inter particularia pietatis obsequia singulariter ei placere recitationem Rosarij, prout S. Dominico aliquando significavit, ac plurimis miraculis comprobavit, imò & recitandi ejus modum edocere illum dignata est; ut nempe præter attentionem ad sensum verborum, in omni oratione vocali commodissimam, simul attenderetur per diversas decades ad 1. præcipua mysteria vitæ Christi ac Deiparæ. 2. Conf. etiam nomine Rosarij seu coronæ significari, quàm ejus recitatio Deiparæ grata sit, ut sicut fertū seu corona rosaria caput hominis honorat & oblectat, ita & ipsa ex ea honorem & delectationem accipiat. 3. Quia tamen non vacat omnibus Rosariū integrum consequenter evolvere, rectè dividi illud in tres partes, attendendo in iis ad 5. mysteria gaudiosa, dolosa, & gloriosa, idque vel per diversa anni tempora, vel per hebdomadæ cujusque dies.

**Punct. III.** Confid. 1. Præter dictum modum Rosarij recitandi, placere etiam Deiparæ recitationem Rosarij per decades 6. cum æterna salutatione Angelica, in memoriam 63. annorum, quos ipsa creditur in terris vixisse, ut & annos vitæ nostræ dirigat ad felicem æternitatem. 2. Possè in hoc ultra 5. priora mysteria, ad om. decadem expendi beneficium vocationis ad religionem, aut aliam virtutem magis necessariam; attendi etiam posse ad 4. novissima & ad reliquas duas ut suprā, vel postulari posse tres virtutes votorum, paupertatis, castitatis, & obedientiæ; in super orationis erga Deum, caritatis erga proximum, modestiæ erga se. 3. Denique tres salutationes postremas offerri posse in honorem SS. Trinitatis, petendo augmentū fidei, spei, & caritatis, rectū usū memoriæ, intellectus, & voluntatis, cōcludēdo cū symbolo fidei.

**XXXII. De mysterijs Rosarij, ac 1. de 5. gaudiosis hoc versu cōprehensis:**  
**Nūncius, Invisens, Natus, Præsens, Reperitur.**

**Punct. I.** Confid. 1. *In mysterio annunciationis* immensam Dei charitatem, qua ad liberandos nos ab æterna damnatione, ipse in se beatissimus & immortalis, nec indigens bonorum nostrorum, elegit fieri homo miser & mortalis, sine ullis nostris meritis, imò infinitis demeritis. 2. Conf. ad exequendum hoc mysterium mitti de cælo Archangelum Gabrielem, nunciaturum Virgini Mariæ eam adlectam in Matrem Dei: attende Angeli in alloquio reverentiam, & Virginis in responso modestiam. 3. Post verba illa: *Ecce ancilla Domini, fiat mihi secundum verbum tuum*, Filium Dei in ejus utero hominem factum, ibique per novem menses requievisse.

Luc. 1. 38.

**Punct. II.** *Circa visitationem Virginis Mariæ.* Confid. 1. Eam mox post conceptum utero suo Filium Dei, contulisse se è Galilæa in montes Judææ ad vilitandam ibi cognatam Elizabeth, gravidam tunc S. Joanne Baptista: attende Virginis fervorem, & charitatem. 2. Conf. in hac salutatione gaudium Elizabethæ, & S. Joannis in utero materno subfilientis, ac certamen de humilitate inter duas cognatas. 3. B. Virginem auditis laudibus suis minime evanuisse, sed eas bonorum omnium fonti Deo attribuisse. *Magnificat anima mea Dominum.*

Luc. 1. 46.

**Punct. III.** *Circa nativitatem Christi.* Conf. 1. B. Virginem cum Josepho ex Nazareth profectam in Bethleem non sine molestia, ut obediret mandato Cæsaris, ibique ab omnibus repulsam, coactam fuisse se in stabulum recipere. 2. Nam ibi media nocte orationi intentam, & cælesti gaudio pertulam, Filium suum mundi Salvatorem, sine ulla corporis læsione genuit, eundemque mox ut Filium Dei adorasse. 3. Hunc cæli terræque Regem reclinatum ibi in præsepio, frigore trementem, ei que Angelos cælesti cantico congratulatos.

**Punct. IV.** *Circa Presentationem Christi in templo.* Conf. 1. Deiparam post 40. dies è Bethleem profectam fuisse Jerosolymam, ut ibi Filium suum in templo Deo offerret, ad exemplum humilitatis & obedientiæ, cum legi non subjaceret. 2. Conf. gaudium senis Simeonis, cum Christum ulnis excepit, & erupit in canticum læritiæ, *Nunc dimittis se dum tuum Domine.* 3. Conf. mira prædicta ab eodem Simeone, & Filium & Matrem atrociter passuros, ut sic discamus lætis misceri tristitia, in his animum non extolere, neque in illis deicere.

Luc. 2. 29.

**Punct. V.** *Circa inventionem Christi in templo.* Conf. 1. Qua pietate Deipara cum sponso suo & Filio Jesu quotannis è Galilæa venerit Jerosolymam ad celebrandū ibi Pascha. 2. Quāto dolore ibi vesperti in hospitio cognoverit ab ille dilectum Filium, expende gemitus (jus, curas, & lacrymas. 3. Christum die tertia ab ea inventū in templo sedentem inter Doctores, quanto Matris gaudium! Attende hic Filij monitum de amore divini omnibus etiam parentibus præferendo.

**XXXIII. De**



# XXXIII. De 5: *Mysterijs dolorosis, hoc versu comprehensis*

Orat, cum flagris, spinas, portat, crucifixus.

**Punct. I.** *Circa orationem Christi in horto.* Conf. 1. Eum post cœnam cum undecim Apostolis egredi ad hortum, consuetum orationis locum, ibique ab ijs avulsum in terram primum procidere, mœrore obrutum ob imminentes cruciatus, & ingratitude Iudeorum ac nostram. 2. Eum post ternam orationem ad Patrem cœlestem, cum insigni reverentia & resignatione, sanguine sudore largiter perfusum, arguere nostrum in oratione teporem. 3. Eum ab Angelo roboratum se æterno Patri offerre ad omnia quantumvis indigna & atrocia sustinenda.

**Punct. II.** *Circa flagellationem Christi.* Conf. 1. Eum ab infanienti turba militum publicè vestibus omnibus nudatum columnę alligari. Quanta verecundia Agnum Dei sic stare inter rabidos lupos! 2. Conf. Acerbam flagellationem nodosis funibus, & virgis sine ulla commiseratione, sicut toto corpore laniaretur: & hæc vulnera ei infligia ob tua peccata. 3. Eum deinde à columna solutum & exanguem, quasi truncum in terram concidere, ibique reptantem vestes colligere, nosque ad leviora patienter sustinenda suo exemplo hortari.

**Punct. III.** *Circa Coronationem Christi.* Conf. 1. Milites Pilati Christum post tam acerbâ flagellationem purpurea veste ad ludibrium induere, & sacro ejus capiti coronâ ex acutissimis spinis firmiter imprimere. 2. Eos deinde arundinem loco sceptri manibus ejus imponere, & subsannâtes genuflexo eum adorare, mox caput arundine percutere, & alapas in faciem dare. 3. Christum sic exceptum à Pilato, omnibus ex editiori loco expositum, *Ecce homo*, ut eos ad misericordiam commoveret: sed ferrea Iudeorum corda mota non sunt: utinam ne & nostra pariter indurescant.

**Punct. IV.** *Circa bajulationem crucis.* Conf. 1. Pilatum metu humano victum damnare Christum quantumvis innocentem ad mortem crucis, eamque sententiâ à Christo animo æquo exceptâ. 2. Gravissimâ crucem, in qua peccata nostra maximè premebant, humeris Christi portandam imponi, quam ipse ardenter amplectitur, & ingenti labore ac sudore in montem Calvarię deportat. 3. Christo sub onere fatiscente, Simonem Cyrenæum assumptum ad eum sublevandum in portanda cruce, ut discamus & nobis crucem hinc esse cum Christo ferendam.

**Punct. V.** *Circa crucifixionem.* Conf. 1. Christum vestibus iterum nudatum cum acerbissimo dolore ex renovatione vulnerum, humi in trabem detrudi, ibique clavis pedes & manus crudelissimè transigi. 2. Eum in altum sublatum medium inter latrones, contumelijs & opprobrijs saturatum pro illis & nobis Patrem exorare. 3. Eum in cruce esse brachijs extensis, ut nos expectet ad amplexum; affixas manus, ut sciamus amorem ejus in nos esse constantem; nudum, ut nos vestiat veste gratiæ & glorię; caput inclinatum, ut osculum pacis nobis offerat.

XXXIV. De 5. *Mysterijs gloriosis, hoc versu comprehensis.*

Surgens, Ascendit, Spirans, Assumpta, Corona.

**Punct. I.** *Circa resurrectionem Christi.* Conf. 1. Summum gaudium Sanctorum Patrū in limbo, cū anima Christi tot sæculis & desiderijs expectata, ad eos liberandos gloriose triumphans descendit. 2. Conf. Gaudiū B. Virginis, cū vidit Filium redivivum, glorioso corpore fulgentem cum insigni comitatu cubiculum intrare, & attēde suavissima colloquia. 3. Conf. Gaudium Mariæ Magdalenzæ, cū Christus ei apparuit in specie hortulani, & Apostolorum, potissimū Petri, cū se etiam ijs eodem die redivivum non videndum tantum, sed & palpandum exhibuit.

**Punct. II.** *Circa Ascensionem Christi.* Conf. 1. Christum die 40. à resurrectione venisse in montem Oliveti, ibiq; cinctum pijsima turba discipulorū, illis, sed nominatim Matri amicum vale dixisse, & ultimā benedictionem impertisse. 2. Conf. Gaudium omniū presentium, cū viderunt Christum in altum ascendere, stipatum Angelorū canentium choris, & ingenti numero Patrum è limbo. 3. Quomodo cælestis Pater Filium victorem, omnemque ejus comitatum exceperit, ipsumque in summo throno ad dextram cum inexplicabili honore & gloria collocarit.

**Punct. III.** *Circa Adventum Spiritus S.* Conf. 1. Discipulos cum B. Virgine Ierusalymā reverbos, ibi in cœnaculo se insigni cōcordia & fervēti oratione ad Spiritus S. adventū preparasse. 2. Spiritū S. illis die decima orationi intentis, suavissimo concentu præsentia suā declarasse, & omniū corda cælestibus donis largiter implevisse. 3. Linguis igneis super capita singulorū radiantibus designatū amorē divinū, quo intus accensi Christū crucifixū per varias mūdi regiones intrepidē & cōfidenter essent prædicaturi.

**Punct. IV.** *Circa Assumptionem B. Mariæ.* Conf. 1. Ardens hujus desiderium moriendi, & videndi Filium in cælesti gloria; gaudium deinde ejus, cū cognovit felicem illam horam advenisse. 2. Conf. Omnes Apostolos, qui in vivis erant, tunc divina voluntate ei in extremis adfuisse. Attēde pia utrimq; colloquia & preces. 3. Quibus actibus virtutū illa se ad mortem comparaverit, donec magna pace & vultus serenitate anima illa meritis gravis, in celū evolaret, dilecto suo innixa, innumeris Angelis comitata accinētibz: *Quæ est ista, quæ ascendit de deserto delicijs affluēs, innixa super dilectū suū?*

Cant. 8.5.

**Punct. V.** *Circa Coronationem B. Mariæ.* Conf. 1. Animam Deiparæ accepta possessione in cælesti gloria, deinde eodem splendore & triumpho, quo assumpta fuerat, iterum descendisse, ut corpori suo dolorum participi gloriam communicaret. 2. Conf. Animam illam corpori jam glorioso unitā, novo triumpho in celos assumptam, ibique summo honore à tota curia cælesti exceptā. 3. Eā deinde a cælesti Patre exceptā ut Filiā, à Filio ut Matrem, à Spiritu S. ut sponsā dilectā, & ad Filij dextram gloriose collocatā, corona in capite velut Reginā exornatā, omnibus applaudentibus.

Ps. 44. 12.

Adjicit regina à dextris tuis, in vestitu deaurato circumdata varietate.

XXXV. De



## XXXV. De Litanjs Omnium Sanctorum.

**Punct. I.** Conf. 1. Litanias esse formulam precandi ad Deum, adhibitis patrocinijs Sanctorum, ad obtinenda nobis salutaria, & noxia avertenda. 2. In ijs ante omnia recurrere nos ad Deum rerum omnium principium, & in personis trinum, agnoscendo tum ipsius in omnes creaturas dominium, potentiam, & maiestatem, cum summa fide, reverentia, & humilitate, tum miseriam nostram triplicem, ignorantie, culpæ, & pænæ; peccata cogitationis, oris, & operis; mala præterita, præsentia, & futura, ut ea misericorditer à nobis velit depellere. 3. Hinc ad Christum nos converti, Deum & hominem, qui natura divina quidvis possit, & humana ob affinitatem cum nostra etiam velit; ideoque aures ac vultum à prece nostra ne avertat, sed ut postuletis benigne annuat.

**Punct. II.** Conf. 1. Adhiberi deinde patrociniâ Sanctorum, tanquam mediatorum, ut ipsi à communi Domino specialiter dilecti, & de sua salute securi, de nostra verò conservorum suorum solliciti, preces nostras ac postulata favore suo promoveant; præ ceteris autem implorari opem Dei paræ, utpote quæ apud Filium gratia prævaleat, & Salutem nostram velut mater filiorum peculiariter desideret. 2. Compellari hanc primum nomine proprio, cujus excellentias eo significatas expendere: inde Dei genitricem, quæ excellentia ceterarum fons est, & Virginem Virginum, sive nobilissimam, quæ cum Virginitate conjunxit fecunditatem. 3. Implorari patrociniâ Angelorum, ut pergant exhibere nobis puram & fidelem charitatem in ministerijs ordinarijs, eamque & nos erga proximum imitemur, Archangelorum in extraordinarijs: inde recurrere nos ad reliquos Sanctos beatorum spirituum Ordines, ut ipsorum multiplices perfectiones imitemur.

**Punct. III.** Conf. 1. Implorari deinde favorem aliorum Sanctorum, tum aliquorum nominatim, ut ad succurrendum nobis peculiariter promoveantur, tum generatim per varios ordines, ut omnes comprehendantur, & quidem Patriarchis & Prophetis invocari pro obtinenda nobis fide, spe, ac longanimitate: Apostolos & Evangelistas pro zelo divinæ gloriæ, ac salutis proximi: Discipulis Domini pro obedientia & charitate: Martyres pro patientia & constantia: Pontifices pro dono discretionis: Confessores pro contemptu terrenorum ac desiderio cælestium: Doctores pro diligentia & bono exëplo: Sacerdotes & Levites pro studio orationis & mortificationis: Monachos & Eremitas, pro humilitate & observantia disciplinæ: Virgines & Viduas pro castitate & modestia. 2. Postulari denique à Deo liberationem ab omni malo animi & corporis, obsecrando per varia fidei mysteria, ac deinde plura beneficia nobis & proximo præstanda; ubi attentionem & fiduciam excita.

De Sanctis Sigillatim, vide brevem narrationem in fine.

## XXXVI. De Modo piè vesperi incumbendi.

**Punct. I.** Conf. 1. Absoluto examine generali ac particulari, & salutato Venerabili Sacramento, pro loci opportunitate, gratias agendas Deo pro usura ejus diei ad incrementum meritorum, & pro servata incolumitate animi & corporis, qua plures eo die exciderunt. 2. Exercendam tibi puram intentionem in quiete illa assumenda; nempe tum ut refectis per eam viribus postridie alacrior surgas ad Dei obsequium, tum ut voluntati ejus in hoc cum submissione obedias. 3. Quia cessabis nunc à Dei laudibus, roga Sanctos omnes, ac nominatim patronos, ut pergant ea nocte pro te Deum laudare, eorumque laudes Deo offer, simul & omnes tuas respirationes, ut cedant ad ejus gloriam; deinde corpus & animam trade custodiendum Christo, B. Virgini, & Angelo custodi, dicendo, *Pater & Ave, Angele Dei*, &c. 4. Petita denique ab illis benedictione, & memor tuæ Vilitatis, terram exolculare; nam *pulvis es, & in pulverem reverteris.*

Gen. 3. 19.

**Punct. II.** Conf. 1. Aqua lustrali te ac lectum adaspersendum contra dæmonis machinationes, dicendo *hujus aquæ tactus propulset dæmonis actus.* 2. Servandam decentiam in vestibus exuendis, tanquam in conspectu Dei, & Angeli custodis, ac Sanctorum Omnium. 3. Christum vestibus suis exutum ad tormenta passionis subeunda, ut tuis te exueres ad quietem. 4. Fortè ultimò te nunc vestes deponere, ac si tibi dicatur: *Dispone domui tuæ, quia morieris & non vives.* Quare dic cum Iobo: *Nudus egressus sum de utero matris meæ, & nudus revertar illuc.* 5. Ora ut numquam deponas vestem animæ, nempe gratiam pretio sanguinis tibi à Christo comparatam; ei; ut superinduere possis vestem gloriæ. 6. Lectum ingressurus cogita te sepulchrum ingredi, fortè inde, quod multis continget, postridie non surrecturus, sed fiducia in Deo defixa uic cum Iobo: *Pone me Domine juxta te, & cujusvis manus pugnet contra me.*

Isa. 32.

Iob. 1. 21.

Iob. 17. 3.

**Punct. III.** Confid. 1. Ubi incubuisti, discrimen inter quietem tuam in molli lecto, & Christi Regis tui in dura cruce. 2. Quam secura & jucunda sit quies conscientie bonæ in hac vita. *Secura mens quasi jube convivium.* Ac dicere potest cum Apostolo: *Bonum certamen certavi, cursum consummavi, fidem servavi.* Contrà verò quanta anxietas & perturbatio peccatoris seu conscientie oppressæ culpa mortali: *Sonicus terroris semper in auribus illius, & cum pax sit, ille semper insidias suspicatur: non credit quod reverti possit de tenebris ad lucem, circumspectans undique gladium.* 3. Post hanc vitam animas justorum in cælis jucundissimè nunc requiescere à laboribus suis, damnatorum verò nunc in flammis, sine ulla quiete, æternum cruciari. *Vermis eorum non morietur.* 4. Ad quatuor lecti angulos statue tibi totidem patronos protectores, ac nominatim ante eū, Christū ejusq; Matrem, & Angelū custodem, atq; ita recolendo sacra Iesu, & Mariæ nomina, cum materia proximæ meditationis, eidem indormisce. 5. Si de nocte fortè expergisceris, hæc sacra nomina & priores affectus in mentem revoca.

Isa 66. 24.

XXXVII. De



**Punct. I.** Confid. 1. Infinitam Christi bonitatem; qua non contentus instituisse Sacramentum Baptismi ad peccatorum omnium ablutionem, quæ ante eum contracta sunt: sed præterea conscius fragilitatis nostræ, providere nobis voluit de remedio adversus relapsus; quod instituit tam amplum, ut ad peccata, quorumvis & quantumvis; quorumvis fidelium, ad finem usque mundi delenda sufficeret. 2. Tam efficax ut sine mora temporis, in instanti per verba Sacerdotis certò & infallibiliter, licet numero & gravitate infinita, in rectè dispositis tollerentur. 3. Tam facile ut non uni, sed cuius Sacerdoti eam potestatem communicaverit, neq; à nobis requirat aliud, nisi commissorum confessionem cum debito dolore; quæ ubi in humanis tribunalibus movet ad condemnationem, hîc certam consequitur absolutionem. 4. Conf. fructus huius Sacramenti esse non solum remissionem culparum, sed etiam poenæ æternæ, ac sæpè temporalis; præterea incrementum gratiæ habitualis & actualis, progressum in virtute & animæ pacem ac quietem.

**Punct. II.** Conf. 1. Assignari à Concilio Tridentino tres partes Sacramenti Confessionis, dolorem, confessionem, & satisfactionem, quibus respondet peccata cogitationis, oris, & operis: adversus quæ imploranda gratia à Spiritu sancto, qui fons amoris est, pro sincero dolore: à Filio qui Verbum est & Sapientia Patris, ad dignam confessionem: à Patre, ut potentiam & fortitudinem conferat, ad faciendos fructus dignos poenitentiae. 2. Conf. ad dolorem, ut par est, eliciendum, examinandam prius esse conscientiam, iuxta communem methodum quinque punctis comprehensam. 3. Confessionem debere esse humilem actu externo & interno, cum publicano, filio prodigo, Maria Magdalena aut Petro resipiscente: deinde simplicem sine excusatione, aut verborum superfluitate, denique integram, nullo mortali voluntariè omisso; ubi attende graves punitiones eorum qui humano pudore victi, graviora peccata in confessione celarunt, timentes iudicium de se unius hominis, & non supremi Iudicis, ac totius mundi in extremo die, convertentes remedium salutis ac sanguinem Christi in suam damnationem.

*Trid. sess.  
19. can. 4.*

**Punct. III.** Conf. 1. Satisfactionem consistere in poenitentia imposita adimplenda, quam expedit non differre, & majori devotione subire, propter vim sacramentalem quam habet ad pleniorrem remissionem poenæ temporalis. 2. Conf. hîc iterum Dei bonitatem, quâ poenas purgatorii adèd graves dignatur cum tam levi poenitentia commutare, de quo gratias age. 3. Statue firmiter emendationem, nominatim in iis quæ in te observasti. 4. Offer te & omnes functiones animæ & corporis ad ejus obsequium: propone aliquam corporis castigationem, & desiderium excita ad sacram Communionem.

**P**unct. I. Confid. I. Si ante orationem, ut cum fructu fiat, requiratur præparatio, multo magis hanc requiri ante sumptionem hujus nobilissimi Sacramenti, tanto apparatu à Christo pridie mortis instituti. 2. Iuxta gradum hujus præparationis etiam succedere fructum hujus Communionis maiorem vel minorem. 3. Puritatem conscientie saltem à peccato mortali esse necessariam, à ceteris verò eandem pro uberiore fructu etiam sectandam; tum per confessionem, tum per delictorum detestationem, cum emendationis proposito. 4. Præmittendum etiam opus aliquod pœnitentiæ vel mortificationis in eundem finem, & colloquia, atque orationem matutinam eodem dirigendam.

Punct. II. Conf. I. Exercendam firmam fidem in Christum, qui paratus sit te ad venire cum omnibus suis perfectionibus divinis & humanis. 2. Conf. Infirmitates tuas animi & corporis, ingratitude, reporem & inconstantiam: atq; indignitatem tuam cum affectu humilitatis agnosce. 3. Quare ad te veniat, nempe ut thesauros gratiarum & virtutum liberaliter tibi elargiatur, & intime te sibi coniugat & assimilet. Vnde ait S. Augustino: *Cibus sum grandium, cresce & munducabis me, nec tu me mutabis in te, sed tu mutaberis in me.* quò proinde desideria tua & spem excita. 4. Quomodo ad te veniat, stipatus Angelorum choris; corpore & anima gloriosus, ardens amore salutis tuæ & perfectionis: vide ut vicissim amorem ejus & tui oblationem rependas.

Punct. III. Conf. I. Fructum communionis esse augmentum gratiæ habitualis & gloriæ, auxilia gratiæ actualis, quibus intellectus illuminetur, & voluntas ad bonum excitetur, remissio peccatorum venialium, repressio pravorum motuum, & animæ quies, robur, ac solatium. Vnde S. Bernardus: *Duo illud sacramentum operatur in nobis, ut videlicet & sensum minuat in minimis, & in gravioribus tollat omnino consensum. Si quis vestri non tam sepe modo, non tam acerbos sentit iracundie motus, invidia, luxuria, aut ceterorum hujusmodi, gratias agat, corpori & sanguini Domini.* 2. In hisce fractibus communicandis, considera Christum sub varia perfectione, ut patrem qui filium prodigum recipiat, ut regem qui affectus animi tui regat, ut Magistrum qui discipulum instruat, medicum qui infirmos sanat, pastorem qui errantem reducat, hospitem qui permanere tecum semper desideret.

Punct. IV. Conf. I. Tanto hospiti reverentiam omnem & gratitudinem exhibendam, optando affectum beatissimæ Virginis, ac Sanctorum omnium in eo excipiendo, quos proinde etiam roga ut te juvent in gratiis agendis. 2. Offer æterno Patri dilectum Filium in quatuor fines sacrificij, nempe in honorem supremæ maiestatis ejus, gratiarum actionem pro beneficiis acceptis, ad nova obtinenda, & culpas eluendas.



417

XXXIX. De Recollectione Hebdomaria, pro Renovatione Spiritus.

**Punct. I.** Conf. 1. Te velut iam moriturum, & reddendam prædicationem temporis exactissimam rationem, temporis huiusque vitæ fugacitatem, & rerum omnium vanitatem, cum nihil in hac vita satiare possit, nihil in morte super sit, tempus semel amissum irrecuperabile, mortis horam incertissimam. 2. Conf. exempla eorum, qui in observantia disciplinæ religiosæ te præcesserunt, jamque fruuntur felici æternitate, quam optarent plura præstitisse & sustinuisse pro Dei, quem clarè intuentur, majori gloriæ, & gloriæ suæ incremento.

**Punct. II.** Conf. 1. Discrimen inter religiosum ferventem, & tepidum in hac vita, quomodo ille frequentibus solatijs à Deo in oratione, & extra eam pertundatur, & gaudeat pace animi cum Deo, superioribus, ac socijs: hic verò destitutus solatio divino & humano, aridus & vagus, displiceat & sibi & alijs, onusque religionis in dies gravius sentiat. 2. In morte, quam ille anhelet ad coronam gloriæ, & claram Dei ac Sanctorum visionem, quibus in hac vita per pios affectus se familiariter adjunxit: contra verò tepidus quam horreat strictum Dei tribunal, post tot & singularia sibi ab eo collata beneficia, quam amaros & molestos sibi tunc sentiat pravorum affectus, quibus nimium in hac vita indulgit & assuevit.

**Punct. III.** Conf. 1. Confugiendum proinde nunc tempestivè ad Virginem Deiparam, azylium gratiæ & misericordiæ, ut illa de plenitudine gratiæ suæ velit te mutare in virum alterum, & obtineat tibi cor novum, quo vivas iuxta spiritum religionis, quam ingressus es. 2. Adverte potissimum ad vota quæ Deo obtulisti, ut assuescas ea etiam in minimis perfecte servare, certus de duplici semper merito earum virtutum; contra verò caveas ea voluntariè transgredi, ne à minoribus ad graviora sensim delabaris, cum injuria divinæ Majestatis, & periculo salutis æternæ.

**Punct. IIII.** Regulas omnes etiam stude exactè observare, tum quæ ad Deum spectant, in functionibus Spiritualibus attentè & cum devotione, statuto ac completo tempore obeundis: tum circa proximum cavendo ab inordinata effusione, aut læsione caritatis: tum circa teipsum, per custodiam sensuum, & mortificationem pravorum affectuum, ejus nominatim quem sentis in te magis dominari. Hæc statue coram Christo & Deipara, quasi brevi moriturus, ac Sanctorum patronorum auxilia implora.

**Punct. IV.** Conf. 1. Super omnia opus esse constantia & fortitudine, qua bonis propositis firmiter insistamus: dicentes cum Apostolo: *Quis nos separabit à caritate Christi? tribulatio? an angustia? an fames? an nuditas? an periculum? an persecutio? an gladius?* 2. Sine hac constantia vanos & inanes esse omnes conatus priores. *Non queruntur in Christianis initia, sed finis; Paulus male cepit, sed bene finivit: Iude laudantur exordia, sed finis proditiōe damnetur.*

Rom. 8.

35.

S. Prof-

per.

Heron.

Bernard.

## XL. De recollectione mensura.

**Punct. I.** Confid. 1. Necessitatem frequentioris recollectionis; nam sicut horologium pendere suo semper deorsum vergit, & violenti motus sensim languescunt, ita & spiritus hominis ad terrena propensus paulatim languorem concipit in divinis, ad quæ proinde novo impetu subinde excitandus est, & à terrenis avocandus. 2. Conf. Mercatores & Procuratores rerum temporalium, ut damna caveant, & rebus suis melius consulant, rationes accepti quot mensibus iniuncte accuratiùs; unde & novum fervorem & alacritatem concipiunt ad labores subeundos: non minorem autem requiri à nobis diligentiam in negotio salutis æternæ. 3. Sicut corpus præter quotidianam refectiorem requirit subinde peculiarem aliquam relaxationem ad vires ac vigorem restaurandum, ita & spiritum similia adiumenta requirere, sine quibus, ut ait S. Bernardus. *subit animi vigor, lentescit vigor, languor fingitur virium, horror austeritatis intenditur, subtrahitur gratia, sopitur ratio, deservescit novitius fervor, ingravescit tepor fastidiosus, refrigescit fraterna charitas, blanditur voluptas, fallit securitas, reuocat consuetudo, atque inde in postremum ruitur exitum.*

**Punct. II.** Confid. 1. Praxim hujus recollectionis in hoc consistere, ut certo die mensis ineuntis subducas te à consuetis occupationibus, & in secessu cum Deo plus temporis impendas orationi mentali & vocali, ac lectioni spirituali; attendas atque expendas decursum mensis præteriti, accepta beneficia, ac tuam ad ea ingratitudinem, & quomodo te ad reddendam rationem paratum invenias. 2. Conf. in hoc secessu plenius adspirare auram divinæ gratiæ, & laxari vela pietati, dum anima sola cum Deo agit, liberè absque humano respectu modò humiliter terræ oscula imprimit, modò amanter vulneribus Christi, modò brachia ad ejus similitudinem extendit, & suspiria ac castos affectus in cœlum iaculatur. 3. Argue hictuum languorem & inconstantiam, quæ occasione minima oblata deficiis à bonis propositis. *Bonum facientes non deficiamus, tempore enim suo metemur non deficientes.*

**Punct. III.** Confid. 1. Fructum hujus recollectionis, per quam defectus priusquam roborentur, faciliùs superantur, crescit affectus & desiderium virtutum, ac super omnia animi quies & pax, sic ut perturbari à nullo possit. 2. Expende dicta S. Hieronymi de hoc secessu: *Nullus cum solitudine conferri locus potest: hic delicias omnes reperio, hic calices pralibo voluptates.* & Bernardi: *Cella terra sancta est, & locus sanctus, ubi anima Deo iungitur.* Etiam Thomæ à Kempis: *Qui intendit ad interiora & spiritualia pervenire, oportet eum cum Iesu à turba declinare. Nemo securè apparet, nisi qui libenter latet: nemo securè loquitur, nisi qui libenter taces.*



## XII. De usu suffragij menstrui.

**Punct. I.** Conf. 1. Vsum hunc suffragij originem habuisse ex illustri familia ducum Gandiæ in Hispania, qui quotannis sanctum aliquem patronum eo anno singulari pietate colendum sorte eligere asseverant, quem usum deinde per B. Franciscum Borgiam ab annua electione ad menstruam extensum, Societas Iesu universa amplexa est, atque in Sodalium coetus toto orbe diffusos, insigni fructu propagavit. 2. Nomen suffragij à suffragando significationem habere, eo quod per illud moneamur, & Sanctum aliquem ad suffragandum nobis invocare, & nos ipsos studio certæ virtutis, proximum verò atque Ecclesiæ bonum subsidio precum promovere. 3. Electionem hanc sorte fieri, ut præmissâ oratione eam quasi à divina manu accipias. *Sortes mittuntur in sinum, sed à Domino temperantur.*

Prov. 16.

**Punct. II.** Conf. 1. Rationem colendi Sanctos, hoc potissimum tempore contra adversantes hæreses saluberrimè institutam, eosque quandoque nobis ignaros sic optimè innotescere. 2. Sanctum eo mense tibi oblatum peculiari studio colendum, legendo mox ejus vitam virtutesque imitando, quotidie auxilium ejus implorando, opera omnia per ipsum offerendo, idque potissimum festo ejus die, ac profesto; unde S. Augustinus de Martyribus: *Quotiescumque sanctorum Martyrum solemnia celebramus, ita ipsis intercedentibus expectemus à Domino consequi temporalia beneficia, ut ipsos imitando accipere mereamur eterna.* 3. Ex pluribus patronis sanctis sic tibi oblati litanias contexere pro devotione recitandas. 4. Confid. Sanctos illos eo cultu excitari vicissim ut peculiari affectu te prosequantur, in bono promoveant, à malis tueantur, maximè in externo mortis articulo.

33.

**Punct. III.** Conf. 1. Virtutem propositam tibi singulariter à Deo commendari, eo mense peculiari studio exercendum, in eumque finem virtutis ejus actus, praxes, & motiva conquirenda, auxilia gratiæ ad hoc imploranda nominatim per patronum menstruum. 2. In meditatione aliisque piis functionibus desideria eò excita, & proposita concipe. 3. Sententiam de ea subiunctam familiarem tibi redde, & sic paulatim plurium virtutum thesaurum conquire.

**Punct. IV.** Confid. 1. Orandum tibi quotidie sub Sacro pro illo Ecclesiæ bono tibi in suffragio proposito, ac pro socio in particulari. 2. Proderit etiam primam Communionem istius mensis, ac qualibet hebdomade actum mortificationis pro eo offerre. 3. Confid. nihil te perdere orando pro altero, sed actu illo charitatis plus lucrari, & facilius te tunc pro necessitatibus propriis à Deo exaudiendum. 4. Ita Deum communiter disponere, ut qui pro aliis diligenter orat, & alij vicissim pro eo ferventiùs Deum exorent.

## XLII. De statu religioso.

**Punct. I.** Conf. 1. Religionem esse statum perfectionis à Christo institutum, in quo qui sunt, peculiariter obligantur ad assequendam perfectionem, non tantum per observantiam præceptorum, sed etiam consiliorum, ad quem proinde anphoribus subsidiis à Deo instruuntur. 2. Vocationem ad religionem esse singulare beneficium paucis concessum: *Non omnes capiunt verbum istud, sed quibus datum est. Qui potest capere capiat.* Imò quoadque imperfectioribus & magis indignis, ad maiorem ostensionem divinæ misericordiæ: ideoque periculosum esse huic vocationi resistere, vel in ea non dignè vivere. 3. Varia esse religionum instituta propter varia officia charitatis, & varias hominum vires & propensiones, atque ad maius decorum Ecclesiæ, velut reginæ hac varietate magis ornata: tu Deo gratias age de vocatione tua, naturæ tuæ & viribus à Deo attemptata. *O*

Matth. 19.  
21.

Gen. 4.  
24.

Ex. 7. 27.

Matth. 10.

30.

Matth. 19.

28.

Matth. 7.

14.

**Punct. II.** Confid. 1. Eminentiam status religiosi; si enim possit quis distributione aliquarum facultatum pro peccatis suis satisfacere, *Peccata tua eleemosynis redime*: quid non obtinet is, qui non tantum omnes facultates amore Christi in pauperes distribuit, imò & in posterum possidendi desideria refecat, sed & insuper totum se, corpus per castitatem, animam per subiectionem intellectus & voluntatis in perpetuum obsequium Deo mancipat. 2. Totam vitam religiosi consiliter in perpetua portatione crucis, hoc est in abnegatione proprii iudicii & voluntatis, mortificatione sensuum, omniumque cupiditatum mundi & carnis. *Si quis vult post me venire, abneget semetipsum & tollat crucem suam quotidie & sequatur me.* 3. Omnia alia divina beneficia Creationis, Conservationis, Redemptionis, & vocationis ad fidem in hac vita stabilim ac plenius diffundi; sine hoc verò plurimis periculis esse obnoxia. 4. Amplissimam mercedem huic statui à Christo promissam, nempe *centies tantum nunc in tempore hoc & in seculo futuro vitam eternam*, atque in extremo iudicio iudicariam potestatem in alios.

**Punct. III.** Conf. 1. Ob prædicta, Religionem rectè dici *portam angustam*, qua ducit ad vitam, imò & comparari continuo martyriis, ac proinde paucos esse qui eò adspirent. 2. Comparari etiam alteri baptismo, eò quod per illam, sicut per baptismum, homo liberetur ab omni poena peccatis debita, & novam vitam spiritualem assumat. 3. Appellari scholam perfectionis & omnium virtutum, quibus assidue studeant, civitatem refugij, & supra montem positam, ubi spectaculum facti sint aliis sæculatibus, & eorum miseras, penurias, & casus ipsi securi spectent; denique officinam meritorum, atrium curiæ cælestis, & paradisum deliciarum cum Deo & Angelis. 4. Consil. gravissimas punitiones in hoc sæculo, & futuro eorum qui à vocatione sua & promissis Deo factis turpiter resiliunt.

Ex. 1. 5. 3.

*Nullo melius est non vocare, quam post votum, promissa non reddere.*



## XLIII. De novem bonis status religiosi.

**Punct. I.** Confid. Bona status religiosi novem capitibus à S. Bernardo comprehensa. In eo inquit 1. homo vivit purius propter puritatem carnis Deo devotam: propter puritatem mentis à peccatis gravioribus: & propter puritatem intentionis, qua maiorem Dei gloriam, & animæ suæ ac proximorum salutem in omnibus quærit. *Si oculus tuus fuerit simplex, totum corpus tuum lucidum erit.* 2. Cadit rariùs, propter rariora offendicula in qua impingat, & rariores dæmonum laqueos per tria vota resecutos: propter exempla sociorum in circuitu, & regulas religionis quibus continetur, ne declinet ad dextram vel sinistram: & propter adminicula superiorum & confessoriorum, à quibus sustentatur ne cadat. 3. Surgit velocius, quia lapsus ordinariè non sunt nisi veniales, multis modis expiabiles: quia usum Sacramentorum habet frequentiore; quia Angelica & divina subsidia ei sunt promptiora.

**Punct. II.** Confid. quartum bonum: *Incedit cautiùs*, quia mentem habet à Deo magis illuminatam, qua videat & evitet offendicula; quia omnes ferè lapsus in religione per regulas prohibentur, & per pœnitentias corriguntur: & quia Superiores, ac socios habet assiduos inspectores suarum actionum. *Spectaculum facti sumus mundo & Angelis, & hominibus.* 5. *Quiescit securiùs*, quia solutus est cura temporali de rebus terrenis, quæ ut conferuntur & augeantur velut, spmæ animum cruciant, nec sinunt quiescere: quia minus certamen habet cum mundo, quem deseruit, & carne, quam crucifixit cum vitis & concupiscentiis: quia summa fruitur pace conscientie. *Secura mens quasi in hunc conviviù.* 6. *Irroratur frequen-* 1. Cor. 4.  
*tius*, propter frequentia exercitia spiritualia orationis mentalis & vocalis, Sacrificij Missæ & Cômunionis, in quibus sæpiùs cælesti luce illustratur: propter spreta solatia terrena, in quorum locum cælestia uberius precipit, etiam in medijs pœnitentis & mortificationibus, ac propter frequens exercitum omnis virtutis. Proverb. 13. 15.

**Punct. III.** Confid. septimum bonum: *Purgatur citiùs*, propter examen conscientie quotidianum, generale & particulare; quo in lapsus suos inquirat, dolet, & emendationem proponit: propter frequentem usum Sacramentorum Confessionis & Cômunionis, ac propter frequentem usum pœnitentiarum, quibus tum ultro susceptis, tum à superiore impositis culpas suas hic expiat. 8. *Moritur confidentiùs*, propter Christi promissâ: *Vade & vende omnia que habes, & habebis thesaurum in celo.* propter regulam infallibilem: *Qui bene vixit, bene moritur*, propter plenariâ in morte indulgentiam, & sociorum sacrificia ac preces. 9. *Remuneratur copiosiùs*, propter continuum exercitum obedientie & bonorum operum. *Qui seminat in benedictionibus de benedictionibus & metet*, propter præmia etiam accidentaliter religiosi maxime competentia, nempe aureolas Martyrum, Doctorum, & Virginitatis; deatque propter iudicialiam potestatem in alios à Christo etiam promissam. Matth. 19.  
XLIV. De 28.

## XLIV. De prima tonsura, ac IV. Ordinibus minoribus.

**Punct. I.** Conf. I. Per primam tonsuram capeffere nos statum Ecclesiasticum, & in eo dicari peculiariter sacris obsequiis Christi summi Principis velut Angelos terrestres, tum ad maiestatem ejus peculiari honore prosequendam, tum ad corpus ejus mysticum seu Ecclesiam ministeriis spiritualibus iuvandam. 2. Eadem cōsecrari nos clericos, tanquam forte à Deo electos, ut terrenis curis renunciantes, sectemur cælestia; quod exprimimus dicendo: *Dominus pars hereditatis meæ & calicis mei: tu es qui restitues hereditatem meam mihi.* Et monet S. Hieronymus: *Clericus interpretetur nomen suum, & studeat esse quod dicitur*, attendendo ad res divinas, & hîc vivendo ut Deum possideat & vicissim à Deo possideatur. 3. Cum clerici è ceteris fidelibus à Deo assumantur, debere eos etiam virtutum ac vitæ perfectione præ ceteris eminere: assumi communiter ætate necdum robusta, ut assuescant à teneris pietati ac divino cultui vacare.

**Punct. II.** Confid. I. Tonsura crinium in capite significari terrenas & superfluas curas esse illis refecandas. Fieri illam in modum coronæ ad significandam dignitatem regiam, quæ competit Ministris Ecclesiæ. *Princeps quæ digna sunt Principe, cogitabit.* 2. Coronam hanc esse minorem & sensim crescere per alios Ordines, ut sciant etiam crescendum sibi in renunciatione & abnegatione sui, ac vitæ perfectione: & sicut crines refecti assidue recrefcunt, ita & affectus inordinatos indigere assiduo studio mortificationis. *Amor proprius quotidie aliquid profert, quod novacula mortificationis sit amputandum.* 3. Superpelliceo sive veste candida qua induuntur mone-  
*Bernard.* ri eos ad sectandam vitæ novitatem & puritatem.

**Punct. III.** Confid. Præmissa prima tonsura procedere iam clericum ad quatuor Ordines Minores, quibus utpote veris sacramentis, præter uberiorem gratiam Spiritus sancti, peculiarem accipit potestatem ad functiones illas ritè obeundas; unde & collige qua reverentia & mentis puritate Ordines illi suscipiendi sint; ubi expende singulorum officia, ac  
*Joan. 2. 15.* 1. *Ostiarj* munus esse, quod tactu clavium, & clausura atq; apertura templi significatur, ut caveant, ne quid tanta Maestate indignum in templo à se aut ab aliis committatur, imitantes zelum Christi, quæcivit vendentes & ementes. 2. *Lectoris*, tactu libri significatum, ut libros sacros aliis ritè prælegant, & doctrinam Christianam parvulis ac rudibus cum zelo explicant. 3. *Exorcistæ*, etiam tactu libri significatum, qui potestatem accipit expellendi dæmones è corporibus obsessis, eosque cohibendi ne fideles in Dei cultu impendant: ubi attende superbos illos spiritus hîc subjeci à Deo etiā minoribus Ecclesiæ Ministris, ad eorum humiliationem. 4. *Aco'ythi* seu ministri sacri approbati, qui dum candelabrum & urceolos tangit, monetur Missæ sacrificio piè ac reverenter ministrare, & curare ea quæ spectant divinum cultum, quo munere ipsi Angeli gaudent se honorari.



# XLV. De sacro Ordine Subdiaconatus & Diaconatus.

**Punct. I.** Conf. 1. Subdiaconum & Diaconum ex proprio officio velut binas manus & oculos proxime ministrare Sacerdoti in Sacrificio Missæ, & ad hoc peculiariter in perpetuum consecrari, sic ut sæculi curis, & carnis voluptatibus renunciantes, in perpetua castitate Deo deserviant, pro qua conservanda assidue & incessabili pugna sit eis decertandum. *Mundamini qui feris vasa Domini.* 2. Indui eos vestibus sacris, atque in primis *Amictu* ad designandam animi fortitudinem iis necessariam velut *galeam salutis*, ad expugnandos diabolicos incursus. *Alba* designari cordis munditiam ad finem usque vitæ sectandam. *Cingulo* constringendam libertatem, & sensus vinculis modestiæ & puritatis. *Manipulo* in brachio sinistro, adversa hujus vitæ patienter ferenda, ut cum exultatione recipiant mercedem laboris. *Stola* denique excitari Diaconos ad spem gloriæ deperditæ per inobedientiam primi parentis, & per obedientiam Christi ac nostram recuperandæ.

**Punct. II.** Conf. Vitæ perfectionem pro utrisque requisitam exprimi ab Apostolis, cum electuri primum diaconos, convocantes multitudinem discipulorum dixerunt: *considerate fratres viros ex vobis boni testimonij septem, plenos Spiritu sancto & sapientia, quos constituamus super hoc opus.* Unde collige 1. non quosvis nec temerè ad hoc munus admittendos, sed maturo judicio, consideratis eorum moribus, ac vitæ probitate, eligendos qui ceteris præcellant. 2. Debere esse viros, non tantum ætate maturos, sed potissimum virtutibus, prudentia, justitia, temperantia & fortitudine. 3. *Boni testimonij*, quorum virtus testata sit aliis exemplo bonorum operum, ac potissimum ipsis testimonio bonæ conscientiæ. 4. Exprimi deinde virtutis mensuram, cum subditur debere eos esse *plenos Spiritu sancto & sapientia*, non tantum externa virtutis specie insignes, sed interna, vera ac solida, à Spiritu sancto communicata, & quidem cum plenitudine quam exigit ratio istius Ordinis Sacramentalis.

**Punct. III.** Conf. Moneri proinde ab Episcopo in eorum consecratione specialiter 1. Subdiaconos licitum illis quidem hætenus ad sæcularia vota transire, sed id Ordine hoc suscepto præclusum, ac Deo, cui servire regnare est, in castitate & Ecclesiæ ministerio perpetuo deservendum. Proinde ut si usque nunc fuerint tardi ad Ecclesiam & orationem, sint amodo assidui: si somnolenti, sint amodo vigiles: si febriosi, sint amodo sobrii: si inhonesti, sint casti. 2. Diaconos, ut in eis abundet totius forma virtutis, auctoritas modesta, pudor constans, innocentia puritas, & spiritualis observantia disciplinæ: ut in moribus eorum præcepta Dei fulgeant, & suæ castitatis exemplo imitationem sanctam plebs acquirat, & bonum consuetudinis testimonium præferentes, in Christo firmi & stabiles perseverent. Quare expende num talem te exhibeas, & quod deesse cognoveris, attingi stude.

# XLVI. De lectione Divini Officij.

**P**unct. I. Confid. Lectionem divini Officij seu Horarum Canoniarum ministerium esse ab Ecclesia institutum, proprium iis, qui per sacros ordines aut religionis suæ instituta divino cultui peculiariter dicati sunt; ubi expende causas hujus institutionis, quarum 1. est ut Ecclesia militans imitaretur in hoc triumphantem in cælis, in qua Angeli & Beatorum Deo semper assistunt, laudibus ejus intenti. *Clamabant alter ad alterum: Sanctus, Sanctus, Sanctus Dominus Deus exercituum.* 2. Ut destinatis horis perpetua esset memoria beneficiorum Dei. *Benedicam Dominum in omni tempore: semper laus ejus in ore meo.* 3. Cum necessitates & miseriæ nostræ corporis & animæ, communes & particulares sint continuæ, ut per hoc officium etiam continuum Dei auxilium imploraremus, tum pro illarum depulsiōe, tum pro donorum ejus conservatione & augmento.

**Punct. II.** Confid. Modum ritè cum fructu hoc Officium persolvendi; 1. cum animi præparatione, qui à terrenis curis abstractus, ad Deum convertatur. *Ante orationem præpara animam tuam.* 2. Pura intentione ad Dei honorem, & unitum fervori Christi, ac Sanctorum: atque ita Horas singulas, quæ septem numerantur dirigi posse ad singulas petitiones orationis Dominicæ: ad Matutinum & Laudes, ut nomen Dei honoretur: ad Primam, ut regnum cæleste consequamur, & sic de ceteris. 3. Requiri attentionem intellectus ob reverentiam tantæ Majestati debitam, ne justè queratur: *Populus ille ore suo, & labiis suis glorificat me: cor autem ejus longè est à me.* Ideoque præter attentionem ad sensum verborum, posse etiam singulas Horas applicari ad certa mysteria Passionis pro certo fine cōsequendo: *Matutinum & Laudes* ad orationem Christi in horto, & comprehensionem, pro Ecclesia ejusque Prælati: *Primam* ad Christi accusationem, pro Principibus sæcularibus: *Tertiam* ad flagellationem & coronationem, pro peccatoribus & infidelibus: *Sextam* ad crucifixionem, pro religiosiis: *Nonam* ad mortem ejus, pro amicis & inimicis: *Vesperas* ad depositionem à Cruce, pro perseverantia justorum: *Completerium* ad sepulturam, pro animabus in purgatorio. 4. Requiri devotionem in voluntate exprimendo affectus Prophetæ, ut cum ipso Deum laudet, timeat, amet, speret, postulet, mentem attollat, & deprimat: denique requiri tempus & locum opportunum, ac pronunciationem distinctam.

**Punct. III.** Conf. I. Singularem fructum hujus orationis: cum enim nomine Ecclesiæ offeratur, habere peculiarem vim ad impetrandum sibi & aliis: *Si duo ex vobis consenserint super terram, de omni re, quaecumq; petierint, fiet illis à Patre meo.* 2. Lectione Psalmorum singulariter pelli ex animo tristitiam, tedium, ignaviam, & affectum ad terrena; conferri verò gaudium spiritus, pacem & quietem, lacrymas devotionis, ac desiderium cælestium, atque assimilationem cum Sanctis, ut dicere possit: *Conversatio nostra in cælis est.*



## XLVII. De dignitate status Sacerdotalis.

**Punct. I.** Conf. I. Deo semper curæ fuisse, ut Sacerdotes ad peculiarem Majestati suæ cultum deferendum destinati, apud ceteros in honore essent & reverentia, ideoque in lege naturæ hanc dignitatem conjunctam fuisse Regiæ, ut patuit in Melchisedech, & collatam primogenitis illustrium familiarum, idemque usurpatum à variis gentilibus ad maiorem Sacerdotum reverentiam. 2. In lege scripta eos constitutos à Deo Principes ac Judices populi in controversiis decidendis, justos indui vestibus splendidis ac pretiosis, nec communem cum ceteris sortitas hereditatem, sed Deum in se suscepisse curam eos alendi ex oblationibus populi, quas ipsis velut tributa Regibus pendi voluit: neque tantum alendos suscepisse, sed peculiariter protegendos, sic ut mala ab iis averteret, & injurias illatas ulcisceretur, *Qui tetigerit vos, tangit pupillam oculi mei.* Gen. 14. 8.  
Deut. 17. 8.  
Ex 28. 31.  
Num. 18. 20  
Zach 2. 8.

**Punct. II.** Conf. I. In lege gratiæ dignitatem Sacerdotum tantum præcellere prioribus, quantum sacrificia ab his oblata illis præcellunt; nempe quantum corpus umbris, veritas figuris, & Deus vilibus creaturis, cum contineat participationem supremi Sacerdotii Christi; ideoque Reges & Principes hisce colla submittere, & cælestes Spiritus tantam in homine dignitatem & potentiam venerari. 2. Dignitatem hanc consistere in duplici potestate illis collata, *Ordinis, & Juris-dictionis*. Ratione *Ordinis*, posse eos quotidie imperio suo, paucis verbis expresso, sistere in altari Christum, verum Deum & hominem in cælis gloriosum, sub speciebus panis & vini, *obediente Domino voci hominis*, eumque offerre pro sua & fidelium salute ad mala avertenda, & bona impetranda, ac deinde ore sumere & intra viscera sua demittere: in quo suspice Dei dignitatem. 3. Ratione *Juris-dictionis*, habere eos potestatem regendi fideles in spiritualibus, ac nominatim absolvendi à peccatis, eosque Deo reconciliandi, idque auctoritate propria à Deo communicata, dicentes: *Ego te absolvo.* Ios 10. 14.

**Punct. III.** Confid. hanc eorum dignitatem variis nominibus tum in Scriptura sacra, tum à sanctis Patribus expressam, dum appellantur *sal terra, lux mundi, civitas supra montem posita*, ut omnibus provideat, *Patres vitæ spiritualis, Pastores* qui pascant subditos verbo & exemplo, *Doctores, Episcopi, Pontifices, Præpositi, Principes populi*; Medici in infirmitatibus, adjutores in præliis potissimum in extremo agone, *Dispensatores mysteriorum Dei*, mediatores inter Deum & homines, clavigeri cælestes, vicarii Christi. *Qui vos audit me audit. Angeli*, ac denique Dei. *Ego dixi: Dii estis.* Ideoque expendenda illis esse crebro verba Christi ad Apostolos dicta: *Scitis quid fecerim vobis, cum assidua gratiarum actione & studio vitæ sanctioris.* Matt. 5. 13.  
Ephes. 4. 11.  
1. Pet. 2. 25.  
Heb. 8. 3.  
Heb. 13. 17.  
1. Cor. 4. 1.  
Luc. 10. 16.  
Mat. 2. 7.  
Psalm. 81. 6.  
Joan. 13. 12.

### XLVIII. De vitæ Sanctitate Sacerdotibus necessaria.

**Punct. I.** Conf. I. Sacerdotem, sicut ceteris dignitate longè præcellit, ita & debere etiam præcellere vitæ sanctitate, qua dignitatem suam stabi-  
*1. Pet. 2. 9.* *2. Pet. 1. 17.* *Leu. 21. 8.* *Trid. S. 22. 1.* *Osee 4. 7.* *Isa. 40. 3. 1.* *1. Tim. 6. 8.*  
 liat. Vos autem genus electum, regale Sacerdotium, gens sancta. Magis satagite ut per bona opera certam vestram vocationem & electionem faciatis. Sancti sint, quia & ego Sanctus sum, ut vitam agant in terris cælestem, Angelicam, & divinam. 2. Hanc vitæ sanctitatem requiri ab ipsis etiam propter exemplum aliorum; quia nihil est quod alios magis ad pietatem & Dei cultum assidue instruat, quam eorum vita & exemplum, qui se divino mysterio dedicarunt; monetque S. Ambrosius in eis nihil debere esse popolare, nihil commune cum studio & moribus incendite multitudinis; quomodo enim potest observari à populo, qui nihil habet secretum à populo? si fiat sicut populus sic Sacerdos. 3. Quantum igitur distat Pastor ab ove, Magister à discipulo, Dux à milite, Rex à cerdone, Angelus ab homine: tantum etiam enitendum Sacerdoti ut vitæ sanctitate præstet ceteris.

**Punct. II.** Conf. I. Requiritur proinde ab eis munditiem à vitiis, ideoque in lege veteri prohibitos à Sacerdotio quotquot haberent maculam, sive defectum corporalem: ut Sacerdotes nostri intelligerent se debere mundos esse à maculis sive defectibus spiritualibus, non superbos, non avaros, impudicos, aut iracundos. 2. Debere eos in super totos incumbere in studia virtutum, atque in primis humilitatis, quæ ceterarum fundamentum est, fiduciæ de paterna Dei protectione significata in consecratione per impositionem manuum ab Episcopo. Qui sperant in Domino, mutabunt fortitudinem, humanam in divinam, assument pennas sicut aquilæ, ad excelsa aggredienda, cum zelo, promptitudine, & diligentia. 3. Requiritur ab eis paupertatem spiritus, ut habentes alimenta, & quibus tegamur, his contenti sumus, & studium mortificationis: ideoque muniri eos ab Episcopo signo Crucis, ut in ea gloriam suam constituent. 4. Studium orationis in quotidiano sacrificio, & officio divino aliisque prectibus cum attentione, devotione, & opportuno tempore offerendis, pro suis & populi delictis: ac potissimum castitatis, ac quam perpetuò servandam se Deo in susceptione Ordinis obligant, & quæ ad quotidianam oblationem, & esum agni immaculati iis est necessaria.

**Punct. III.** Confid. Gravissimè sæpius punitos fuisse à Deo etiam in hac vita eos qui hac dignitate abusi sunt, eamque vitiis fœdarunt: si quis templum Dei violaverit, disperdet illum Deus; templum enim Dei sanctum est, quod estis vos. Cui multum datum est, multum quæretur ab eo. Melius illis esset salvari in humili gradu fidelis populi, quam in cleri sublimitate deterius vivere, & districtius judicari. Si altiore & non meliorem esse delectat, non premium sed præcipitium expectamus. Non est tanti gaudij excelsa tenuisse, quam meroris de sublimiori corruisse. Ruina quæ de alto est, gravi casu colliditur.



# XLIX. De Renovatione Votorum.

**Punct. I.** Confid. 1. Sicut oblatio sui per vota religionis quibus quis se totum, corpus & animam, cum bonis omnibus temporalibus Deo in holocaustum offert, ipsi gratissima est: ita & gravissime ei displicere horum votorum transgressionem. Ego Dominus, inquit, diligens iudicium, & odio habens rapinam in holocausto. Melius erat non vovere, quam cum voveris non reddere. *Isa. 61. 8. Eccl. 5. 3.*  
 2. Non esse simplex promissum ex parte nostra, sed pactum cum Deo initum, quo ipse vicissim nobis promittit hic centuplum, & postea vitam eternam. *Matt. 19. 29.* Unde S. Franciscus animabat suos: *Magna promissimus, sed maiora promissa sunt nobis, servemus illa, & adhuc anhelando suspiremus.* 3. Transgressionem votorum oriri potissimum ex tribus vitijs, acedia, oblivione, & inconstantia, quibus S. Ignatius unicuique efficacem remedium opposuit, semestrem votorum simplicium renovationem, quæ tribus saluberrimis fructibus opposita vitia enervaret, prout ipse in se ac socijs primùm extra urbem Parisiensem in monte Martyrum, magno sui suorumque solatio expertus fuerat.

**Punct. II.** Primus igitur Renovationis hujus fructus ac finis est, ad devotionis augmentum. Ubi Conf. 1. Devotionem, quæ fuit in prima votorum nuncupatione, sensim obrepente acedia languescere ac interire, nisi efficaci hoc remedio suscitetur. 2. Sicut corpus hominis sensim ad senium & interitum tendit, deficiente calore, ac sopitis sensibus, ita & spiritum: quare hortatur Apostolus: *Renovamini Spiritu mentis vestrae,* & Psalmista. *Renovabitur ut aquila juvenis.* 3. Conf. Excitari etiã hanc devotionem præparatione huic renovationi prævia, nempe triduana recollectione, qua abstinetur à solitis occupationibus & colloquijs, atque impensius vacatur functionibus spiritualibus & mortificationibus, cum ratione conscientia reddenda superiori, & confessione generali ab ultima, quare incubendum, ut ea accurate obeantur: *Viam triū dierum pergemus in solitudine, & sacrificabimus Domino Deo nostro.* *Ex. 8. 27.*

**Punct. III.** Alter fructus renovationis est, ad excitandam, qua Deus obstricti sumus, obligationis memoriam. Ubi Conf. 1. Memoriam seu recordationem hujus obligationis etiam se: sim interire per culpabilem oblivionem, acedia firmitatem, de qua cavenda monet Deus populum suum, dicens: *Cave ne quando obliviscaris pacti Domini Dei tui, quod pepigit tecum.* 2. Hanc obligationem aggravari ex amplissimis beneficijs collatis, quorum memoriam Deus passim inculcat, & oblivionem arguit, *Deum qui te genuit dereliquisti, & oblitus es Domini creatoris tui.* *Deut. 4. 23. Deut. 32. 18.* Longè autem ampliora esse nobis collata, si expendimus, unde & quò trahi statim sumus.

**Punct. IV.** Tertius fructus est, ad maiorem in vocatione confirmationem. Ubi Conf. 1. Hanc maximè esse necessariam, propter innatam vitiosam naturam, inconstantiam, unde fit ut quæ prius placuerant, postea fastidianus, de quibus sapiens: *Ve his qui perdiderunt sustentiam, & dereliquerunt vias suas.* *Eccl. 2. 14.* 2. Gratissimam esse Deo hanc renovationem, tanquam complacentiam in bono, quæ ei summè displiceret in malo.

## L. De Manifestatione Conscientie.

**Punct. I. Conf. I.** Hujus manifestationis necessitatem, ac damna vitij contrarij, adeò ut Sancti Patres in ea principium posuerint doctrinæ spiritualis, ac nominatim S. Dorotheus, omnem lapsum è religione inde originem accipere; quare & inter substantialia media Societ. Iesu ad eam conservandam statuta est, juxta mentem S. Ignatij, cum dicit: *Quicumque hanc Societatem in Domino sequi volet, & in eadem ad majorem Dei gloriam manere, debet conscientiam suam magna cum humilitate & caritate manifestare, re nulla, qua Dominum universorum offenderit, celata.* 2. Si nulla ars in rebus corporalibus sine magistro discatur, quanto minus hæc spiritualis, quæ captum hominis magis superat, & adversarios habet maximè sagaces & potentes. *Væ soli, quia non habet sublevantem se.* 3. Nullo vitio ita aperiri ostium satanæ, qui est spiritus tenebrarum, quam hac clausura conscientie, qua & remedijs omnibus via obstruitur. 4. Rationem tacendi vitiosam esse, cum ex superbia originem ducat, vel quod sibi persuadeat prudentiam suam sibi sine duce ullo sufficere, vel quod timeat, ne inde apud Superiorem vilior æstimeretur. *Omnis iniquus oppilabit os suum. Et qui malè agit, odit lucem.*

Reg. 40.  
Sum.

**Punct. II. Conf. I.** Utilitatem & fructus hujus manifestationis; nihil enim est quod magis frangat machinationes dæmonis, adeò ut vel aperuisse, vicisse sit. Quod & S. Ignatius declaravit similitudine juvenis, pellicientis honestam virginem ad peccatum. Quod ut assequatur, unicè studet persuadere illi ut parentes celet, quibus si aperiatur, spe sua frustratus ultrò diffugit. 2. Sicut vulnus celatum putrescit, & ad interitum trahit, manifestatū verò curatur; ita & plagæ spirituales. Vnde S. Hieronymus: *Quod ignorat medicina, non sanat.* Et Gregorius: *Vulnera clausa plus cruciant, sed cum putredo, quæ intrinsecus fervet, eijcitur, dolor aperitur.* Et subdit: *Quid est enim peccatorum confessio, & tentationum manifestatio, nisi quedam vulnorum ruptio?* 3. Conf. Provenire hinc ingens solatium, animi quietem, & fiduciam in omnimodum munere ab obedientia imposito, ut dicere possit cum S. Augustino: *Da Domine quod jubes, & jube quod vis.*

Eccl. 4. 10.

Pf. 106. 42.  
Ioan. 3. 20.

**Punct. III. Confid. I.** Difficultates quæ apparent in hac manifestatione ex consideratione fructus facile superandas; nam æstimationem, quam timet apud Superiorem amittere, potius auget hoc exercitio humilitatis, qui vitium ejus non ut culpam, sed ut infirmitatem attendit. 2. Fit carior Superiori, tum ob fiduciam quam ostendit se de eo concipere, tum ob desiderium curationis & salutis: *Est enim confusio adducens peccatum, (qua malum reticetur,) & est confusio adducens gloriam & gratiam, (qua impellente malum aperitur.)* 3. Conf. Aperiri ea Superiori non ut judici ad punitionem, sed ut Patri ad auxilium & commodiorem directionem. Sub sigillo secreti; atque ita difficultates absterrentes hinc magis esse imaginarias quam veras, generosa voluntate penitus dissipandas.



# LI. De Correptione Fraterna.

**Punct. I.** Conf. 1. Cum quisque in agnoscendis defectibus suis multum impediatur amore sui excoecatus, atque alij etiam sæpè reformident eos delinquenti indicare, magnum esse beneficium in pluribus religionibus salubriter institutum, ut defectus in alijs notati cum caritate Superiori exponantur, qui illos de his paternè admoneat; quod in Societate Iesu Gregorius XIII. Pontifex peculiari declaratione approbavit, & tanquam Evangelicæ ac Apostolicæ perfectioni maxime congruum collaudavit. 2. Conf. Actum esse caritatis sive eleemosynæ spiritualis, sic alterum juvare, quia medium adhibet ad illius curationem maxime commodum & efficax; sicut dum quis vulnus aut morbum ægri etiam inviti exponit medico, sic inquit S. Augustinus: *Multa bona præstantur invitis, quando eorum consulitur utilitati, non voluntati.* 3. Conf. Graviter etiam peccari posse ab eo qui hoc caritatis officium in graviore defectu ex humano respectu prætermittit, præsertim ubi à Superiore fuerit ita præscriptum aut interrogatum; nam peccatum alterius silentio suo fovet & nutrit. Unde S. Basiliius: *Peccatum fratris sui occultare, nihil aliud est quàm ægrum sua sponte ad mortem ruentem impellere.* Et August. *Tu vides fratrem perire & negligis! peior es tacendo, quàm ille conviciando.*

**Punct. II.** Confid. 1. In Superiore signum esse veri ac sinceri amoris erga subditum delinquentem, atque etiam fiduciæ de ipsius emendatione dum eum de errato corripit. *Meliora sunt vulnera diligentis, quàm fraudulenta oscula odientis. Corripiet me justus in misericordia, & increpabit me: Oculum autem peccatoris, sive adulatio, non impinguet caput meum. Qui te beatum dicunt, ipsi te decipiunt, & perniciem tibi creant.* 2. Non debere etiam Superiorem hoc officium prætermittere propter sensum alterius; nam, ut ait S. August. *Phrenetici nolunt ligari, & lethargici nolunt excitari: sed perseverat diligentia caritatis: Ambo offenduntur, sed ambo diliguntur: ambo molestantur & indignantur, sed sanati ambo gratulantur.*

**Punct. III.** Conf. 1. Gravis imperfectionis indicium esse, cum quis à Superiore admonitus de defectu, signa ostendit displicentiæ, excusationes vanas prætexit, in delatorem inquit, ac delata exprobrat, cum potius utrique de officio charitatis gratias debeat rependere. *Via stulti recta in oculis ejus; qui autem sapiens est, audit consilia.* Unde S. Bernardus: *Quis dabit mihi centum in mei custodiam deputari pastores? quantò plures sentio mei curam gerere, tantò securior in pascua exeo.* 2. Confid. Incommoda inde nascentia, cum talis mereatur ut incurabilis deserui, & in vitijs computrescere. *Curavimus Babylonem & non est sanata, derelinquamus eam. Qui increpationem odit, morietur, & qui abijcit disciplinam, despicit animam suam.* Et S. Bernardus: *Humanum est labi, diabolum verò nolle resurgere. Resurgere autem non vult, qui cum per se non possit, tamen nec lapsum suum vult Superiori manifestari, nec illi manus porrigenti acquiescere.*

Prov. 27. 6.

Ps. 104. 5.

Ps. 3. 6.

Prov. 12. 17.

Jer. 15. 9.

Prov. 19. 10.

&amp; 32.

## LII. De Confessione generali.

L. O. Exer.

**Punct. I.** Proponit S. Ignatius triplicem fructum confessionis generalis, quorum primus est, *vehementior dolor ex multitudine peccatorum*. Ubi Conf. 1. Cum peccata omnia non ab hebdomade vel mense, sed à semestri vel longiori spatio commissa cum frequenti in eadem relapsu simul colliguntur, menti que proponuntur, agnoscendum decursum vitæ tuæ, quasi ex continuis defectibus contextum, ut dicere possis cum propheta Regio: *Iniquitates meæ, multiplicatæ sunt super capillos capitis mei*. 2. Hanc multitudinem peccatorum conferendam cum multitudine beneficiorum acceptorum, quæ si utrimque attentè ponderentur, aggravabunt vitium ingratitude, ut audire meritò possis: *Hæcine reddis Domino popule stulte & insipiens? numquid non ipse est pater tuus qui possedit te, & fecit, & creavit te*, ac tot beneficijs cumulavit? 3. Ingratitudinem hanc magis periculosam esse in religioso, tot gratijs exornato, nam hostes beneficijs sæpe mollescent, quæ apud ingratos non operantur, unde Bernardus: *Ingratitudo siccat fontem pietatis rorem misericordie, & fluentia gratia*.

Ps. 39. 13.

Deut. 32. 6.

**Punct. II.** Alter fructus est, *vehementior fuga peccatorum ex natura & malitia eorum clariùs in spectâ per meditationes præviis*. Ubi Conf. 1. Per peccata omnia, licet prohibita non essent, hominem deturpari, ac bestijs assimilari, quarum affectus assumit, ac monstrosus fieri, de quo August. *Qualis est in oculis hominum qui in versis ambulat pedibus, talis est in oculis Sapientium & Angelorum, cui passionibus dominantur*, ubi ratio ancillatur sensibus, & Spiritus carni. 2. Peccata omnia quantumvis levia esse contra præceptum Dei, qui illis tam graviter offendatur, ut etiam pro toto mundo lucrando ne vel levissimum, liceret admittere: ubi expende infinitam illam Dei quem offendis potentiam, Sapientiam, bonitatem, & iustitiam, ac confer cum tua infirmitate, ignorantia, malitia, & iniquitate. 3. Etiam leviorum damna, nempe diminui inde amorem Dei erga nos, & nostrum erga ipsum, deficere fiduciam in oratione. Si cor nostrum non reprehenderit nos, fiduciam habemus ad Deum, ac priorem animæ speciem sensim marcescere, sic ut de ea meritò dicatur: *Quomodo obscuratum est aurum, mutatus est color optimus*: unde Sancti omnes ea semper graviter in se planxerunt, & studiose caverunt.

1. Ioan. 3. 21

Ther. 4. 1.

**Punct. III.** Tertius fructus est, *uberior gratia in sumptione Eucharistiæ consequenti*. Ubi Con. 1. Cum Sacramenta omnia, & hoc nominatim S. Eucharistiæ operetur secundum dispositionem subjecti, longè uberiorem gratiam conferendam, ubi anima per peccatorum detestationem fuerit magis purgata. 2. Addenda ampliora auxilia gratiæ ad cavenda in posterum peccata jam cognita, & ad gratiam acceptam conservandam, ac pijs operibus, nominatim virtutum contrariarum actibus augendam. 3. In morte præstandam maiorem securitatem, quando animus per morbum sæpe minus idoneus, cognoscet peccata priora integris sensibus, maturo iudicio, ac serio dolore expiata.

LIII. De



### LIII. De voto religiosa paupertatis.

**Punct. I.** Conf. 1. In quo consistat religiosa paupertas, ut nihil proprium habeas, neque des, neque accipias, sine consensu Superioris, cumque ea tibi auferuntur (quoniam tua non sunt, sed religionis) ne gravate feras. 2. In victu, vestitu, habitatione si quando viliora tibi tribuantur, ne existimes injuriam tibi fieri, sed beneficii loco quidquid id est grater accipe, velut mendicus eleemosynam. 3. Peccari contra hoc votum, quoties religiosus dat aliquid vel accipit, etiam ad usum tantum sine generali aut particulari Superioris consensu, cum celat Superiorem ea quæ ad usum habet, ne sibi ab eo auferantur; cum immodicè rebus sibi ad usum datis afficitur, nec bonorum temporalium dominio, cum potest, & jubetur, se nititur abdicare.

**Punct. II.** Confid. Damna hujus paupertatis violatæ, 1. severam Dei animadversionem in Ananiam ac Sapphiram uxorem subita morte extinctos ad vocem S. Petri ob defraudatam partem de pretio agri divenditi. 2. Deum minorem habere curam eorum religiosorum, qui ipsi de se nimis solliciti sunt, aut rebus suis immodicè afficiuntur, eosque magis esse miseros, quod minoribus vinculis constricti detineantur, nec mundi fruuntur commodis, nec religionis. 3. Quamdiu quis detinet aliquid invito suo Superiore, manere in statu peccati, neque hoc remitti nisi consensum Superioris obtinuerit. 4. Hinc religiosos deprehensos, post mortem voti hujus transgressores, aliquoties extra locum sacrum in sterquiliniū projectos, simul & nummos inventos cum opprobriis. *Pecunia tua tecum sit in perditionem.* Ab. 3. 20.

**Punct. III.** Conf. Comoda religiosa paupertatis. 1. Tollit hæc plurimas occasiones peccandi, quas secum divitiæ trahunt, superbiæ, luxuriæ, invidiæ, gulæ, iræ, &c. & oppositas virtutes velut radix ac mater inducit, & velut murus conservat. 2. Liberat hominem infinitis curis, quibus divites distrahuntur, eoque magis, quod plura possident. 3. Avocat affectum à terrenis ad cælestia, sic ut dicant cum Apostolo: *Non habemus hic manentem civitatem, sed futuram inquirimus.* Heb. 13. 14. 4. Quandoquidem religiosi omnibus se abdicant amore Dei, Deum vicissim paterna providentia sua eis benignè providere de necessariis, sic ut sint juxta Apostolum *nihil habentes & omnia possidentes*, imò liberaliùs sepe quam in sæculo sperare potuissent, inveniētes *centuplū* à Christo promissum, & postea *vitam eternam*, atque in extremo judicio prærogativam sessionis, *judicantes 12. tribus Israel.* Mat. 19. 29. Quare *Mat. 19. 27.* dole de defectibus commissis contra hanc virtutem, & stude in ea magis assimilari Christo, qui in paupertate natus, educatus, vixit, & mortuus est: talem Matrem, tales discipulos sibi delegit, ut sua, suorumque inopia nos in cælesti gloria divites aliquando eisemus.

LIV. De voto religiosa Castitatis.

**Punct. I.** Confid. I. Virtutem Castitatis consistere in refrenanda delectatione carnali, quæ cum in Angelis locum non habeat, facit ea homines Angelis similes, unde & Angelica appellatur, & quidem cum eo discrimine quod Angelorū castitas, quia à natura, felicior sit hominū vero, quia à libera fortitudine, præstantior ac laudabilior. 2. Peccari in vitio opposito cogitatione ac delectatione voluntariè admissa, vel languidè repressis; verbis speciem inhonestatis præferentibus; opere (ut graviora prætermittantur) dum quis spectat, legit, vel audit eò provocantia, aut familiaritate nimia iis se adjungit, unde periculum sibi creari sentit.

**Punct. II.** Conf. I. Pœnas hujus vitii, ut sunt morbi cū enervatione viriū, infamia cum continuo metu ne in crimine deprehendantur, relapsus frequens cum difficultate resurgendi, ac perpetuus conscientie remorsus, sic ut quod Sapiens de vino ait, huic meritò tribuatur: *Blandè ingreditur, sed in novissimo mordebit ut coluber, & sicut regulus venena diffundet.* 2. Propter hoc potissimum vitiū Deū diluvio mundum perdidisse, Sodomam cum vicinis urbibus igne de cælo extinxisse, atque alios plurimos in ipso flagitio subita morte oppressisse. 3. Post hanc vitam gravissimè eos torqueri igne æterno ob brevissimam voluptatem; unde Dominus: *Quantum in deliciis fuit, tantum date illi tormentum & luctum.* 4. Vitii hujus gravitatem immensum exolescere in homine per votum castitatis Deo consecrato, propter adjunctum flagitiū sacrilegij, cum enormi injuria Dei, longe magis quam si calix aut templum profanis aut impiis usibus violaretur, unde Sapiens: *Potentes potenter tormenta patientur.*

**Punct. III.** Confid. Remedia adversus hoc vitium seriò adhibenda, ut sunt 1. fuga occasionū, quò spectat custodia sensuū, potissimum oculorū, & motuum corporis, imò & vestium honesta compositio, circumspectio in conversatione, studium mortificationis ac pœnitentiarum, fuga otii & privatæ familiaritatis, atq; omnis occasionis; nam *qui amat periculum, peribit in illo*: denique initiis ac primis cogitationum motibus strenua oppositio, nec quidquam hîc leve ducere. 2. Est item studium orationis, potissimum jaculatoriæ, cum invocatione Jesu ac Mariæ & signo crucis; unde Sapiens: *Sciri quoniam aliter non possum esse cōtinens, nisi Deus det.* frequens usus & visitatio Ven. Sacramenti, de quo Psalmista: *Parasti in conspectu meo mensam adversus eos qui tribulant me.* Memoria Christi crucifixi, de qua Bernardus: *Deus meus pendet in patibulo, & ego voluptati operam dabo.* Memoria Novissimorum, de qua Gregorius: *Momentaneum quod delectat, æternum quod cruciat.* 3. Propōnendi lapsus aliorum perfectiorum, de quibus Hieronymus: *Ne asanctior Davide es, nec sapientior Salomone, nec fortior Samstone, qui tamen omnes fœdè prolapsi sūt.*



LV. De voto religioſe Obedientiæ.

**Punct. I.** Conf. Virtutem Obedientiæ conſiſtere in adimplenda voluntate Superioris: contra quam peccatur, 1. Cùm opus impoſitum non impletur, aut tardiùs, aut imperfectè. 2. Cùm quis vanis rationibus & excuſationibus torquet voluntatem Superioris ad ſuam; tunc enim, inquit Bernardus, Superior magis ipſi obedit, quàm ipſe Superiori. 3. Cùm ad oculum tantùm obedit propter Superioris præſentiam, quo abſente mandatum tranſgreditur. 4. Cùm oblectatur interno intellectu ac voluntate, quaſi iniquius ſit quod jubetur. 5. Cùm ſupremo tantùm, & non ſubordinatis officialibus obedientiam præſtat.

**Punct. II.** Conf. Pœnas inobedientiæ, ac 1. graviffimam punitionem primorum parentum, ac poſteriorum propter unius mandati tranſgreſſionem; Core, Dathan, & Abiron vivos terra abſorptos, Saulem regno exutum & vita, ac populum Iſraëliticum variis cladibus ſæpiùs afflictum. 2. Supplicium mortis à Deo decretum inobedientibus: *Qui ſuperbiorit nolens obedire Sacerdotis imperio, morietur homo ille: ac deinde atroces maledictiones contra inobedientes.* 3. Deum inobedientiam erga Superiores aſſumere & vindicare tanquam ſibi exhibitam; unde ait ad Samuelem: *Non te abjecerunt, ſed me.* & Chriſtus ad Apoſtolos eorumque ſucceſſores: *Qui vos ſpernit, me ſpernit.*

Num. 16. 22

1. Reg. 15. 23

Deu. 17. 12.

Deu. 27. 26.

1. Reg. 15. 27.

Luc. 10. 16.

**Punct. III.** Conf. Fructus perfectæ obedientiæ, ac 1. ampliffimam benedictionem Abraham ac poſteriorum propter unum actum obedientiæ: *quia feciſti hanc rem.* 2. Valere eam ad vincendos omnes pravos affectus, nam *vir obediens loquetur victorius*, de mundo, carne, ac dæmone. 3. Sicut inobedientia evertit virtutes omnes, ita inquit Gregorius, *obedientia virtutes ceteris menti inferit inferasque cuſtodit.* 4. Opera omnia bona facit meliora, ac de ſe indifferentia reddit bona ac meritoria.

Gen. 22. 16.

Prov. 21. 28.

**Punct. IV.** Confid. Conditiones perfectæ obedientiæ. 1. Ut opus externum impleat, idque promprè ſine mora, integrè non ex parte tantùm promerſura affectus, & fortiter non tantùm in commodis & ſpecioſis, ſed etiam in difficilibus & abiectis. 2. Ut libenter cum ſubjectione voluntatis; unde Chriſtus dixit: *Mens cibus eſt ut faciam voluntatem ejus qui miſit me.* 3. Simpliciter cum ſubjectione judicij: hinc Gregorius: *Nefcit judicare quiſquis perfectè didicerit obedire: unde & ſequitur ut cæca ſit, non inquirendo humanas rationes, cur hoc vel illud mihi potiùs quàm alteri imponatur.* 4. Non tantùm in obligatoriis, ſed etiam in aliis, v.g. regulis non ad culpam obſtringentibus, vel ubi nutus tantùm ſuperioris videtur, nam *perfecta obedientia legem neſcit*, ait Bernardus. 5. Ut in ſuperiore quicumque iſ fuerit, agnoſcamus Chriſtum, & illi ſicut Chriſto, & ſicut Domino, & non hominibus, obedientiam exhibeamus, ac proinde etiam interna reverentia & amore eum proſequamur.

Joan. 4. 34.

Eph. 2. 5

Col. 3. 3.

## LVI. De defectibus erga Deum.

**Punct. I.** Confid. 1. Defectus tuos in functionibus spiritualibus, meditatione, examine conscientiae, Sacro, litanis, ac lectione spirituali, negligentiam in his circa attentionem, languorem circa devotionem, quoties etiam eis de praescripto tempore partem detraxeris. 2. In frequentatione Sacramentorum Confessionis, & Communionis quam parum profeceris defectu praeparationis debitae, vel solidi propositi emendationis. 3. In colloquio spirituali quam rarus fueris & aridus, in verbo Dei audiendo quam vagus & languidus. 4. In actionibus tuis, quae ad unam Dei gloriam erant dirigendae, quoties eas sinistra intentione ad gloriam tuam aut commoda detorseris, & parum in Deum liberalis fueris, post tam profusam tibi ab eo liberalitatem exhibitam.

**Punct. II.** Confid. 1. Necessitatem orationis & functionum spiritualium, quas Deus constituit tanquam medium necessarium, per quod & non aliter decrevit dona sua communicare. 2. Sicut subsistere non potest corpus hominis sine cibo ac somno, ita & animam sine illis, ex quarum defectu sit ut spiritualia sensim desipiant, jugum religionis prius suave & leve, postea asperum videatur & intolerabile, nec placeant, nisi ea quae carni ac sensibus grata sunt. 3. Hinc tandem, inquit Bernardus, *praesumitur ille temerarius, ille pudendus, ille turpissimus, plenus ille ignominia & confusione saltus de excelsu in abyssum, de pavimento in sterquilinum, de solio in cloacam, de caelo in caenum, de claustrum in saeculum, de paradysum in infernum.* 4. Haec plus periculi ac damni creare religiosi ex instituto suo intentis in salutem proximi, quorum consortio penitus evanescent, nisi se per orationem stabiliverint ac Deo conjunxerint. *Commixti sunt inter gentes, & didicerunt opera eorum, & servierunt sculptilibus eorum, & factum est illis in scandalum. Et erit sicut populus, sic Sacerdos, nisi se per functiones spirituales in officio continuerit.*

*Pf. 105. 35.  
Osee 4. 9*

**Punct. III.** Confid. 1. Dignitatem homini collatam in oratione ceterisque functionibus spiritualibus, in quibus vel ipse cum Deo supremo omnium Domino loquitur de negotio aeternae salutis suae ac proximi, vel Deus cum illo, quanta proinde in iis attentione, ac reverentia opus sit, quantum Angeli multo nobiliores creaturae ipsi exhibeant, aut etiam homines huius saeculi Regibus ac Principibus suis. 2. Confid. Utilitatem, quandoquidem illae sunt velut claves, quibus accessus detur ad omnes thesauros caelestes: velut aurifodina in quibus virtutes omnes eruuntur: ac denique velut scutum ad omnia mala propulsanda vel fortiter superanda. Gratias igitur Deo age de tanto beneficio hominibus concessio, dole de tua in ejus usu negligentia, ac statue eo in posterum libenter, diligenter, frequenter, ac reverenter uti.



429

LVII. De Defectibus erga proximum.

**Punct. I.** Conf. 1. Quoties caritatem erga proximum violaveris cogitatione, eum temere judicando, atque hæc temeraria judicia, suspiciones, averfiones, contemptum & invidiam in animo fovendo. 2. Verbis, quàm facile animum offensum prodideris verbis asperis, iracundis, mordacibus, acris, contentionibus, opprobrijs, & contumelijs, ac nominatim detractiōe & fufurratiōe. 3. Opere, quoties ea egeris sine iusta causa, quibus prævidisti proximum offendendum, caritatis obsequia cum præstare facile posses prætermiseris, eaquæ postulata denegaveris: Generatim ea quæ nolles tibi dici aut fieri, in alterum commiteris, quæ verò tibi impensa velles, negaveris alteri.

**Punct. II.** Confid. Necessitatem hujus caritatis, ac 1. idem esse principium in anima quo Deus diligitur & proximus; quòd si erga hunc deficiat, etiam erga Deum deficere arguetur; unde S. Ioannes: *Siquis dixerit quoniam diligo Deum, & fratrem suum oderit, mendax est; qui enim non diligit fratrem suum quem videt, Deum quem non videt, quomodo potest diligere?* 1. Ioan. 4. 20. 2. Sine hoc signo non agnosci Christi discipulum; nam, inquit Christus, *In hoc cognoscent omnes, quia discipuli mei estis, si dilectionem habueritis ad invicem.* Ioan. 13. 35. 3. Sine hac scias opera tua pia & oblationes Deo non placere; nam quomodo placabit patrem, iratus in fratrem? inquit Tertullianus, & Christus: *Vade prius reconciliari fratri tuo, & tunc veniens offeres munus tuum.* Matt. 5. 23. 4. Talis patebit insidijs ac insultibus dæmonum, sicut dispersi milites facile superantur: imò & ipsi, inquit Hieronymus, velut dæmones ex cænobijs faciunt tartara; alij verò caritate inter se conjuncti, velut Angeli paradysum in terris.

**Punct. III.** Conf. Alia excitamenta ad exercitium hujus caritatis fraternæ: nam 1. Christus ea quæ benè vel malè proximo facta sunt, sibi impensa esse asserit: *Quamdiu fecistis uni ex his fratribus meis minimis, mihi fecistis.* Matt. 25. 40. Quare attende qua benevolentia & honore proximum excipere debeas. 2. Conf. Deum tam benignè & clementer tecum agere, ut post illatas tibi sapius graviores à te injurias, ultrò tamen te gratia sua præveniat, & ad reconciliationem invitet; ideoquæ minores offensas à proximo patienter ferendas. *Alter alterius onera portate, & sic adimplebitis legem Christi.* Gal. 6. 2. 3. Modum hujus nobis à Christo præscriptum, cum ait: *Sicut ego dilexi vos.* Et ex- Ioan. 15. 12. primit Apostolus dicens: *Caritas patiens est, benigna est, non æmulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum: omnia suffert, omnia sustinet.* 1. Cor. 13. 4. 4. Eos quos nunc averfari, verosimiliter tecum fore in cælesti gloria, ibique etiam forte te superiores, æterna caritate jungendos. Quare dole de defectibus in hoc raiis, meliora propone, & observa ejusdem Apostoli monitum: *Pacem habete, & Deus pacis & dilectionis erit vobiscum.* 2. Cor. 13. 11

## LVIII. De Defectibus erga seipsum:

**Punct. I.** Conf. 1. Quoties excefferis in cogitatis, dictis, & factis, ambiosis ac vanis ad propriam gloriam, curiosis, otiosis, immodestis, ac nimia in ijs effusione: occupationibus etiam te impenderis vel ferventiùs ex nimia sensualitate, vel negligentius ex acedia. 2. In quinque sensibus regendis quomodo te gesseris, in visu & auditu, num indulgendo nimis curiositati, in gustu sensualitati, in tactu commodis corporis.

**Punct. II.** Conf. 1. Quàm parum hæc deceant discipulum Christi ac religiosum Deo per vota consecratum, qui proinde peculiariter obligatur animæ facultates, & corporis membra ac sensus divino cultui impendere, & à terrenis avocare. 2. Quomodo in his paulatim à levibus procedatur ad graviora, sicut ex parva scintilla in principio neglecta sæpè magnum oritur incendium serò postea deplorandum, & per exiguam rimam haulta aqua navis submergitur. *Qui spernit modica, paulatim decider. Et Modicum fermenti totam massam corrumpit.* Contrà verò securi erimus à gravioribus, si in minora oculum semper habuerimus intentum. 3. Sicut summa voluptas, juxta S. Ambrosium, est voluptatum contemptus, ita & summum esse honorem eorum contemptum, ac tunc maximè aliquem divinis in hac vita recreandum solatijs, ubi contempserit humana. 4. Internam animi constitutionem plurimum dependere ab externa sensuum custodia; nam *ascendit mors per fenestras nostras*, atque ad proximè edificationem plurimum conferre externam sensuum & morum compositionem, nominatim circa usum lingue, quæ aliàs freno soluta, est *universitatis iniquitatis, & ignis inflammans rotam navitatis nostræ*, totum nempe vitæ nostræ cursum evertens.

**Punct. III.** Confid. 1. Unicum adversus hæc remedium esse abnegationem amoris proprii, quam Christus à discipulis suis requirit. *Siquis vult venire post me, abneget semetipsum.* Quæ sui abnegatio, aliud non est, quàm amoris proprii, quo in privata commoda ac honores feruntur, mortificatione. 2. Opus esse adhæc continuo studio in cognoscendis & extirpandis vitijs per examen quotidianum conscientie, & particulare circa defectum magis noxium aut importunum; per seriam mortificationem in occasionebus prævidendis, declinandis, ac fortiter superandis; per recursum ad Deum pro auxilio cum humilitate, fiducia, & generoso conatu se vince-di. 3. Conf. Te aptius fore instrumentum ut à Deo assumaris ad uberiorem fructum operandum in proximo, si in vitiorum extirpationem seriò incubueris, & virtutibus oppositis inferedis te impenderis. Ubi attende quanto bono & se, & tot millia animarum privaliet S. Franciscus Xaverius, si acedia ac neglectu sui non reddidisset se aptum instrumentum ad illas Deo lucrandas; unde & stimulum tibi adduc ad generosam tui gloriam.



131

**LIX. De Formula Votorum.**

**Punct. I.** Conf. 1. *Quis sit cui voves: nempe Deus omnipotens, qui tuam in ipsum liberalitatem & fidelitatem potest infinite remunerari, ac perfidiam in votorum transgressione infinite punire: præterea est sempiternus, qui sicut fuit sine principio, ita & erit sine termino, semper intentus ut reddat unicuique secundum opera sua: quare reverentiam & timorem excita.* 2. *Quis tu qui voves: Undecumque Divino eius conspectu indignissimus.* Si enim consideres vitam in seculo actam & in religione, miseras corporis & animæ, ex omni parte deprehendes te verè indignissimum: quare excita profundam humilitatem, tui dissidentiam, & dolorem de peccatis. 3. *Qua fiducia voves: fretus pietate ac misericordia ejus infinita.* Pietas est affectus paternus in filium, ut illi quam optime sit; misericordia verò, ad tollendam omnem miseriam; cumque utraque illa in Deo sit infinita, provocat te ad amplissimam fiduciam.

**Punct. II** Conf. 1. *Quo sine voves: Impulsus illi serviendi desiderio, eo quo tot Sancti impulsus sunt ad mundi contemptum, & ad debitum illi tot titulis obsequium alacrius & perfectius in religione exhibendum.* 2. *Coram quibus testibus.* Coram Sacratissima Virgine Maria, quæ Dei Mater obsequijs ei impensis etiam honoratur, & religiosi Filij sui socijs materno affectu peculiariter assistit. Præterea, coram curia caelesti universa, quæ inde potissimum sperat ruinas suas restaurandas. & sociorum accessu cumulanda gaudia; quare cave ne eos fallas. 3. *Quid agas vovendo.* Consecras te velut templum cultui ejus, non amplius profanandum mundi vanitatibus; nuptias cum eo contrahis, & pactum, quo tua omnia sint peculiariter ipsius, bona externa per votum paupertatis, corpus per castitatem, & facultates animæ per obedientiam; idq; non ad mensem vel annum, sed toto vitæ tempore, usque ad mortem: ipse autem vicissim tibi spondet hinc centuplum, & postea vitam æternam. Matt. 19. 29

**Punct. III.** Conf. 1. *Quo auxilio.* Hoc cum necessarium sit ad difficultates obvias superandas, recurre ad immensam Dei bonitatem, quæ maximè prona est ad se suaque dona nobis communicanda: & quia te ijs per peccata tua indignum reddidisti, implora etiam clementiam pronam ad ignoscendum, potissimum ubi, quæ placare solent, munera offeruntur: nec tantum per intercessionem totius adhibitorum, sed etiam per unigeniti Filij ejus sanguinem pro salute nostra tam liberaliter effusum humiliter obsecra. 2. *Quid petis?* ut munus hoc tuum trium, quo te tuaque illi in holocaustum amoris igne accensum offers, benignè dignetur admittere, sibi que in eo complacere, & sicut gratiæ suæ prævenientis auxilio te excitavit ad hoc desiderandum & offrendum; ita & ejusdem gratiæ concomitantis ac subsequenteris continuo favore te dirigere ac firmare dignetur, ad promissa fideliter & constanter adimplenda.

# LX. De Recollectione annua.

**Punct. I.** Conf. 1. Necessitatem annuæ recollectionis; sicut enim vestis, quia usu paulatim teritur, & domus, quia corrumpitur, indigent subinde renovatione; etiam scholasticis pro animi relaxatione annuæ vacationes assignatæ sunt: ita & spiritui, ne prorsus atteratur aut corrumpatur, hanc annuam recollectionem esse planè necessariam. 2. Sicut corporale exercitium prodest corpori, quod sic expulsiis pravis humoribus consequitur sanitatem suam: ita & spiritualia exercitia plurimum prodesse spiritui, ut extirpatis vitijs consequatur sanitatem suam sitam in excellentia virtutum.

Osee 2. 14.  
Ex. 13. 3.  
Ex. 19. 20.  
Act. 13.  
Ps. 114. 7.

Act. 9. 6.  
Ps. 56. 8.  
Ps. 54. 7.

**Punct. II.** Conf. 1. Modum hanc annuam recollectionem seu exercitia spiritualia fructuosè obeundi, nempe ut ante omnia magnam de ijs estimationem concipias, utpote à quibus fructus spiritualis totius vitæ æternum duraturus plurimum dependeat: ac proinde animi alacritatem, diligentiam, & fortitudinem eò conferendam. 2. Abstinendum proinde ab alijs curis & occupationibus, quæ mentem variè distrahere solent, sed huic uni negotio attendendum. *Ecce ego lactabo eam, & ducam in solitudinem, & loquar ad cor ejus.* Ita filij Israel evocati sunt in desertum pro obtinendo manna cælesti, & Moyses in montem pro lege Domini, & Apostoli Ierosolyma pro Spiritu sancto. Quare *convertere anima mea in requiè tuâ, quia Dominus benefecit tibi*, toto anno, imo tota vita te cōservando, protegendo, tolerando, lapsum erigendo, ad timorem excitando, & ad bravium invitando. 3. Cavendum ne modum ac terminum ponas divinæ bonitati, & liberalitati, sed ut magno & liberali animo paratum te offeras; atque animæ sinum dilates ad thesauros cælestes excipiendos, dicens cum Apostolo: *Domine quid me vis facere?* Et cum Davide: *Paratum cor meum Deus, paratum cor meum. Quis dabit mihi pennis sicut columbæ? & volabo, & requiescam.*

Act. 4. 7.

Isa. 40. 31.

**Punct. III.** Confid. 1. In ipsis exercitijs statim proponendum tibi finem creationis tuæ, & vocationis ad statum perfectiorem, dispiciendum quantum ab eo deflexeris, quanto damno tuo, dolore, & pudore: quomodo redeundum in viam Christo duce ac manu ductore per studia virtutum. 2. Cavendum ne ob desolationem vel ariditatem quidpiam remittas de tempore orationis, sed ei constantius tunc insistas: *Resistite diabolo, & fugiet à vobis: appropinquate Deo, & appropinquabit vobis.* 3. Annotandos deinde paucis fructus meditationis, advigilandum interdum in sensuum custodiam, addendas insuper aliquas mortificationes & corporis afflictiones, atque accuratè observandam distributionem temporis. 4. Absolutis exercitijs, gratias Deo agendas pro cælestibus donis communicatis: sed ea esse tantum velut semina terræ mandata, deinde labore nostro ac constantia ac fructum deducenda; ideoq; divinæ gratiæ auxilia imploranda. *Qui sperant in Domino, mutabunt fortitudinē, assumunt pennas sicut aquile, current & non laborabunt, ambulabunt, & non deficient.*

LXI. De



# LXI. De fundamento seu fine hominis.

**Punct. I.** *Creatus est homo ad hunc finem, ut Dominum Deum suum laudet ac reveretur, eique serviat, eandem gloriam faciat.* Ubi Conf. 1. Omni homini propositum à Deo finem duplicem, alterum in hac temporali vita se standum, ut divinam Majestatem laudet corde, ore, & opere, eoque alios etiam exemplis suis excitet; tum ut eidem reverentiam & honorem exhibeat actibus fidei, spei, & charitatis, denique ut serviat ei tanquam supremo & legitimo Domino suo per accuratam observantiam ejus mandatorum: atque hinc examina te quomodo hæc præstes. 2. Conf. Alterum hominis finem esse post hanc vitam, ut eandem Majestatem ibi clarè perpetuò contempletur & amet, cum possessione summi boni, & sine metu aut periculo alicujus mali: Ubi expende finis hujus excellentiam, & admirare tantam majestatem in te oculos coniecisse, gratias ei age quod te præ tot aliis ex nihilo extraxerit, ac tot donis ornaverit: ama eum quod re una secum beatitudine frui voluerit, erubescere quod hunc finem tam segniter appetieris, ac time ne excidas, nisi ferventiùs ad Deum contendas.

**Punct. II.** *Reliqua suprà terram sita, creata sunt hominis ipsius causa, ut eum ad finem creationis suæ prosequendum juvent.* Conf. 1. Insignem Dei erga te liberalitatem, in cujus usum tot tamque varia condidit, non tantum ad vitæ necessitatem, sed & oblectationem, *omnia subiecisti sub pedibus ejus*: in quibus argue tuam ingratitude. 2. Conf. Finem illorum, ut nempe Domino suo obtemperent, & animum nostrum, quem ipsa explere non possunt, excitent & juvent ad finem nostrum consequendum. *Creasti nos Domine ad te, & inquietum est cor nostrum, donec requiescat in te*: quare gratias ei iterum age de auxiliis adeò opportunis, dole te iis inhæsisse velut fini ultimo, cum ejus injuria, & statue rectam intentionem in eorum usu.

**Punct. III.** *Vnde sequitur utendum illis vel abstinendum eatenus esse, quatenus ad prosecutionem finis vel conferunt, vel obsunt.* Conf. Sicut in itinere instituendo non spectatur quæ via commodior sit, nec in pharmacis quod palato gratius, sed ea quæ ad optatum finem certiùs ducunt; ita nec spectandum in usu creaturarum, quænam sensibus magis vel minus gratæ sint, sed quænam ad finem nostrum nos rectiùs & securiùs ducant, ideoq; postuladum frequenter à Deo lumen in intellectu, & robur in voluntate pro prudenti delectu.

**Punct. IV.** *Quapropter debemus absque differentia nos habere circa res creatas omnes, prout libertati arbitrii nostri subiectæ sunt, & non prohibita, ita ut, quod in nobis est, non queramus sanitatem magis, quam aegritudinem, neque divitiis paupertati, honorem contemptui, vitam longam brevi præferamus, sed consentaneum est ex omnibus ea demum, quæ ad finem ducunt, eligere ac desiderare.* Expende hinc proinde 1. affectus tuos in res creatas, eosque ab immodica inclinatione aut aversione rursus reducere ad æquilibriū seu indifferentiā, quæ origo est omnis actionis bonæ. 2. Ex iis quæ gratæ sunt sensibus, sectare delicias cælestes & æternas, ex ingratis verò concipe horrorem inferni.

## LXII. De fundamento accomodato vitæ religioſæ.

**Punct. I.** Conf. 1. Finem religio: is ad quam à Deo vocatus es, nempe non ſolum ſaluti & perfectioni propriæ animæ cum divina gratia vacare, ſed cum eadem impenſè in ſalutem & perfectionem proximorum incumbere: ubi expende excellentiam hujus finis, & dignitatem cujuſque alius, quantumvis in ſpeciem vilis, ad quarum converſionem vocatus es, quod munus eſt plane, Apoſtolicum, & Chriſtò proprium, ac teſte S. Dionyſio, *divinorum omnium diviniſimum*, in quo & gloriatur Apoſtolus: *Dei adjutores ſumus*; agnoſce hic indignitatem tuam, & gratias Deo age de hac vocatione, tot millibus te melioribus in ſæculo relictis. 2. Conf. In hoc fine cõſectando debitum ordinem ſervandum, ſic ut prius & potiùs ſemper ſtudeas ſaluti & perfectioni propriæ, quam alienæ, nam & Chriſtus prius cœpit facere quam docere, & Apoſtoli prius acceperunt virtutem ex alio, unde & S. Bernardus, *prius concha ſis quàm canalis*: nam quid prodeſt homini ſi univerſum mundum lucretur, *animæ vero ſue derrimetum patietur*?

I. Cor. 13. 9.

Mat. 16. 26.

**Punct. II.** Conf. 1. Media in ea religione tibi à Deo conceſſa ad dictum finem conſequendum, quæ ſunt ad ſalutem & perfectionem propriam ampliſſima, regulæ communes & muneris propriæ, exercitia ſpiritualia orationis mentalis & vocalis, examinis quotidiani generalis & particularis, lectionis piæ, uſus Sacramentorum, pænitentia, ſtudium mortificationis, & aliarum virtutum, in quibus examina te qua attentione, devotione, ac ſer. ore te geſſeris, & gerere deinceps ſtatuas: in aliis verò quæ ſpectant ſalutem in proximi, ut ſunt Catecheſes, pia colloquia, ſtudia, prædicatio Verbi Dei, adminiſtratio Sacramentorum, &c. examina intentionem tuam, diligentiam, & zelum, propoſito tibi exemplo Chriſti & Apoſtolorum, quod ſtude imitari. 2. Conf. media illa erga proximum fruſtra adhibenda, niſi priora ad ſalutem & perfectionem tuam ſerio adhibueris; fruſtra enim alios nititur accendere, qui ipſe non arſerit.

**Punct. III.** Conf. 1. Dictis mediis utendum vel abſtinendum eatenus eſſe, quatenus ad proſecutionem finis vel conferunt vel obſunt, ac proinde in habitatione, miniſteriis, occupationibus non ſpedianda quæ magis ſpecioſa vel commoda ſunt, ſed quænam ad finem tuum certius conducant, illudque S. Bernardus ſapè mente & ore occinendum: *ad quid veniſti*. 2. Eos qui media illa pervertunt ad pravum finem, nec frui centuplo, ſolatorum ſpiritualium, neque in morte inventuros fruſtum bonorum operum, imo & non rarò Dei gratia deſtitutos, in mūdi miſeris, unde extra-  
*Acti fuerāt relabi; nā locus non facit ſanctos ſed operatio bona locū ſanctificabit. & nos.*

Auguſtinus.

Pſal. 21. 1.

**Punct. IV.** Conf. Animum noſtrum proinde reducendum ad indifferen-  
tiam circa omnem habitationem, miniſteria, & occupationes, ſic ut non  
queramus magis commoda quàm moleſta, ſpecioſa quàm vilia, quæ in-  
differentia nos ducet ad omnem virtutem & portum ſalutis æternæ: *De-  
miſus regit me, & nihil mihi deerit.*

LXIII. De



### LXIII. De peccato mortali.

**Punct. I.** Conf. 1. Per peccatum mortale nos voluntariè deflectere a fine tam nobili nobis à Deo constituto, cum gravi ejus injuria, quare, odio est Deo impius & impietas ejus, hujusque odii severissimas demonstrationes sapius ab illo editas inde à mundi exordio ad nostram instructionem. 2. Conf. Quo pacto Angeli creati primùm in statu gratiæ, sed quod necesse erat ad beatitudinis consummationem, non volentes per arbitrii libertatem creatori suo reverentiam & obsequium præstare, ac contra eum ipsum insolescentes, conversi fuerint ex gratia, in malitiam, & de celo in infernum præcipitati: expende hîc eorum excellentiam: omnis lapis pretiosus indumentum tuum & ingratitude cum abusu donorum, elevatum est cor tuum in decore tuo, & celerem punitionem, non relicto pœnitentiæ loco, unde erubescam & confundar totus facta unius tantum peccati Angelorum cum tot meis comparatione, concutiar timore ab imminente periculo, & mirabor patientiam & longanimitatem Dei, ejusque clementiam deprecabor.

**Punct. II.** Conf. 1. Alteram odii & justitiæ divinæ demonstrationem in plectendo peccato hominis, quomodo Adam in Damasceno campo de limo terræ factus, positusque in terrestri paradiso, & Eva formata ex una costarum ejus, cum de fructu arboris scientiæ boni & mali prohibiti essent comedere, & nihilominus comedisent, post peccatum subito ex paradiso ejeçti sint, vestibus pelliceis induti & originali justitiâ privati, reliquum vite sue tempus in laboribus ac ærumnis maximis pœnitendo traxerint. expende hîc dona eis collata, ingratitude ob brevem gustus voluptatem, & severam punitionem: neque hanc ibi stetit, sed omnes eorum posteros pariter involuisse. 2. Conf. Quoties tu tentationi dæmonis etiam aures præbueris, carne ut Eva spiritum pelliciente, ejus exemplo feriam age pœnitentiam, Deo supplicans, ut nunc urat & secet, modo in æternum parcat.

**Punct. III.** Conf. 1. Sicut homines decursu temporis non destiterunt à novis peccatis committendis, ita nec Deum destitisse à novis flagellis sæpius immittendis, atque omnia esse plenissima divinæ justitiæ erga peccatores. 2. Conf. Ob peccatum aliquod vel semel dumtaxat commissum forte multos detrusos ad infernum, ac prope innumeros ob delicta tuis pauciora atque leviora, unde collige quanta sit peccati gravitas & malitia Deum omnium conditorem atque Dominum offendentis, nec nisi sanguine unigeniti filii ejus acerbissimè expiandi.

Colloquium fiet imaginando Iesum Christum coram me adesse, in cruce fixum, itaque exquiram mecum rationem, qua Creator ipse infinitus fieri creatura, & ab æterna vita ad temporariam mortem venire pro peccatis meis dignatus sit. Arguam insuper meipsum, percontans quid hæcenus dignum memoratu egerim pro Christo: quid agam tandem, aut æquum debeam, & in eum intuens sic cruci affixum ea proloquar, quæ suggeret mens & affectus, Misericordiæ Domini quia non sumus consumpti.

# LXIV. De Peccato Veniali.

**Punct. I.** Confid. 1. Peccatum veniale etiam levissimum esse contra præceptum Dei, eique tantopere displicere, ut nec pro toto mundo salvando, nec ad evitanda quæcumque tormenta etiam inferni, committi possit, neque ullis naturæ humanæ aut Angelicæ viribus expiari potuerit, sed opus ad hoc fuisse sanguine unigeniti Filii Dei. 2. Hinc sanctos in celo illud adeò averfari, ut præoptarent omni gloriæ suæ privari, & inferni tormenta sustinere, quàm vel unicum deliberate committere: quo animo & plures in hac vita Deum purè amantes affecti fuerunt. Erubescere hic quod tantam Majestatem toties pro tam vili voluptate aut commodo, tantopere offenderis, mirare constantem ejus in te amorem, & doletuum refulxisse.

**Punct. III.** Conf. Effectus peccati venialis, nam 1. inficit animam macula adeò fæda, ut per eam arceatur à conspectu Dei, quam S. Gregorius lepram, S. Augustinus horrendam scabiem, alii ulcus & tumorem enormem appellant. 2. Minuit paulatim fervorem amoris Dei in nos, unde obstruitur uberius influxus divinæ gratiæ, & casti amplexus, quibus animam velut dilectam sponsam sibi stringebat, tolluntur, intermittitur familiarior illa ejus cum anima communicatio, revelatio cælestium arcanorum, singularia lumina ad plenioris nostri & Dei cognitionem, pii motus ad Dei amorem stimulantes, peculiaris directio paternæ providentiæ, nec ad altiora & excelsa elevatur, tollitur fiducia in oratione, nā  
*Thren. 3 44. opposuisti nubem tibi, ne transeat oratio, denique pax & quies animæ, quæ est præcipuus fructus amicitie cum Deo.* 3. Minuit fervorem amoris nostri in Deum, unde vitiatur gustus rerum spiritualium, virtus redditur planè insipida, jugum Christi prius suave sensim aggravatur, perit alacritas in bonis operibus, generantur pravi habitus & consuetudo, atque induratur conscientia, sic ut illis non amplius moveatur, ac licet mortem animæ non adferat, vires tamen ejus sic debilitat & infringit, ut ad eam sensim  
*Eccle 3 27. disponat, dum virtus temptationi succumbat, qui spernit modica, paulatim decider.*

**Punct. III.** Confid. 1. Graves pænas corporales sæpius in hac vita infligitur propter unicum peccatum veniale, uxorem Loth ob curiosum respectum morte multatam, ita & Heli cum filiis ob majorem in illos lenitatem, Oza ob contactum aræ irreverentem, sororem Moysis Mariam ob murmuracionem percussam lepra, ipsumque Moysen ob levem incredulitatem exclusum terra promissâ. 2. Post hanc vitam longè gravius puniri, privatione divini conspectus & cælestium gaudiorum, detractione in obscurum carcerem, ibique acerrimis tormentis cruciari: quare time hæc tantam divinæ justitiæ severitatem, expende quæ in te peccata fuerint hætenus frequentiora, quæ magis periculosa & scandalosa, statim ea cœtere studiosius in posterum, commissa vero hic potius expiare, quàm in vita altera. LXV. De

*Gen 1 26.*

*1. E 3 10.*

*2. Reg 6 7.*

*Num 12 10*

*Num 20 12.*



## LXV. De Morte.

**Punct. I.** Conf. 1. Mortem esse omnibus certam & inevitabilem. *Statutum est omnibus hominibus semel mori*, præfinita à Deo etiam die & hora, quæ præteriri non poterunt; ideoque cavendum ne eum offendamus, à quo vita nostra per momenta dependet. 2. Diem & horam mortis etiam locum & modum esse omnibus incertum, idque ut essemus semper in ejus expectatione. *Vigilate, quia nescitis qua hora Dominus vester venturus sit.* 3. Omnes tantum semel mori, ac tunc prout mortui fuerint, bene vel male, succedere æternitatem felicissimam vel infelicissimam, cuius discrimen expende: *ubi ceciderit lignum, siue ad Aquilonem, siue ad Austrum, ibi erit.*

Heb. 9. 27.

Matt. 24. 42.

Ecc. 11. 3.

**Punct. II.** Conf. 1. Mortem piorum, qui illam licet naturæ formidabilem, tamen cum desiderio læti expectant, & anhelant, velut exules ad patriam, famelici ad cænam opiparam, operarii ad mercedem laborum, milites debellato hoste ad triumphum, navigantes e procelloso mari ad portum; denique velut ad terminum miseriarum hujus vitæ, & initium felicissimæ æternitatis. 2. Angorem mortis libenter suscipiunt, tum ut in hoc etiam Christo conformentur, tum ut per eum expiant pænas forte debitas. 3. Dæmonis insultus non timent, quos superare allueverunt, cum S. Martino: *Quid hic adstas cruenta bestia? nihil in me funeste reperies.* 4. Non dolent se privati bonis externis, quibus pridem affectu renuntiaverunt, nec etiam charis & propinquis, quas casto amore dilectos sperant se in cælo complexuros. 5. Gaudium habent ex testimonio bonæ conscientiæ, ac bonis operibus, item ex solatio Angeli custodis, & sanctorum patronorum, quorum favore stipati non timent se iudicii tuo sistere, sed confidenter dicunt cum Apostolo: *Bonum certamen certavi, cursum consummavi, fidem servavi, in reliquo reposita est mihi corona justitiæ.* Quis non optet similem exitum? quem ut assequaris, imitare & vitam.

2. Tim. 4. 7.

**Punct. III.** Conf. 1. Mortem impiorum, qui quodcumque se verterint, gravissime alliguntur; si enim ad præterita, occurrent peccata commissa, neglectus mediorum, quæ tunc frustra quærentur, & mundi vanitates convertæ nunc in amaritudines. 2. Si ad præsentia, videbunt bona externa, cum acerbis dolore deferenda. *O mors quam amara est memoria tua homini pacem habenti in substantijs suis!* videbunt charos & propinquos à quibus avellendi sunt, *siccine separat amara mors?* Imò & ab ipso corpore blandius contra Deum nutrito. Supra se videbunt iratū judicem, infra patere barathrum, circum fremere dæmones prædæ inhiantes, intus rodere conscientiam. 3. Denique si futura attendant, occurrent inferorum incendia æterna. Unde concitabitur, *horror in exitu, dolor in transitu, pudor in conspectu gloriæ maiestatis Dei.* Horum exitum si nunc horreas, horre & vitam, ac statue quæ tunc fecisse optares.

Ecc. 41. 1.

1. Reg. 15. 32.

S. Bernard.

## LXVI. De Iudicio Particulari.

**I**tem. 1. Conf. Iudicium hoc particulare institui mox eo ipso loco & tempore quo anima à corpore separatur, ut ne debita operibus bonis mercedis & malis pena ulterius differatur, atque huic iudicio interfuerit. 1. Ad animam iudicandam, quæ hîc se invenit in alio statu solitariam, & aliter nunc sentientem de mundi vanitatibus. 2. Aderit ei Angelus custos, & quidem piæ animæ gratulabundus & applaudens de victoria prostrato hoste: peccatrici vero condolens & indignans de infelici statu & neglectis auxilijs. Ex altera parte diabolus contrario affectu frustra fremet in animam piam, & exultabit de impia velut præda potitus. 3. Aderit Iudex Christus per se vel vicarium S. Michaelen certis signis præsentiam manifestaturus: ubi expende Iudicis illius infinitam sapientiam, quæ falli a nemine poterit, bonitatem quæ nec fallere possit, potentiam, cui resisti non poterit: quare illum nunc dum tempus est gratiæ, studeamus habere propitium.

*Punct. II. Conf. 1. Ordinem Iudiciale, in quo partes suas agent tres accusatores, inprimis diabolus, accusaturus de omnibus instinctu suo commissis vel omisissis, & quidem de multis falsò, tum ex malitia & per dendi studio, tum ex conjectura, cum interiora anime ipse ignoret: deinde Angelus custos de monitis suis, inspirationibus, & stimulis ad virtutem neglectis: sed potissimum ipsa conscientia instar mille testium omnia velut in tabula proferens. 2. Conf. Accuratissimum Iudicis examen, non tantum de gravibus, sed & levissimis, dictis, factis, cogitatis, omisissis, *Sophon. 1. 12. Scrutabor Ierusalem in lucernis, ego iustitias judicabo.* 3. Rationem exiget de omnibus beneficijs collatis, communibus & privatis, & cui plus datum est, plus exigitur ab eo: expende hic iratum Iudicis vultum erga animam peccatricem, & benignum erga justum, & utriusque sensus.*

*Punct. III. Conf. 1. Instituto examine, mox procedi ad pronunciationem sententiæ de salute æterna, irrevocabilem & absolutam, extendendam deinde in mundi fine etiam ad corpus, nam qualem inueniet Deus hominem in suo novissimo die, talem judicaturus est in mundi novissimo die.* 2. Expende verba sententiæ in impium: *Discede*, qui toties, ac tot medijs vocatus venire noluisti, à me parente tuo benignissimo, fonte omnis boni, *maledicte* in anima & corpore, honore & fama, & omnibus, *in ignem* intima cruciantem, & depascentem sine fine, *æternum*. 3. Expende sententiam in justum. *Veni* ab exilio ad patriam, è mari ad portum, e pugna ad coronam gloriæ, *Benedicte* non in bonis perituris ab homine terreno, sed à cælesti Patre æterna benedictione in cælis donandus. *Posside* ibi stabilitem *regnum* non perituum, tibi favore meo, ac meritis tuis ab æterno paratum.



# LXVII. De Regno Christi.

**Punct. I.** Confid. 1. Humanum Regem diuinitus electum, cui principes & populi omnes Christiani reuerentiam & obsequium prestare debeant. 2. Conf. Regis hujus prudentiam, benignitatem, liberalitatem, clementiam, iustitiam, & providentiam, reliquasque proprietates tali Regi a Deo constituto competere. Pars I. 1.  
S. Ignat.  
Lib. 2. 2. 2.

**Punct. II.** Confid. 1. Regem illum loquentem ad omnes subditos: in animo est mihi regiones infidelium uniuersas ditioni meae subicere, quicumque igitur comitari me velit, paratus sit oportet, non alio uti victu, vestitu, rebusque alijs, quam mentem aspexerit: in iisdem quoque laboribus, vigilijs, & casibus ceteris necum persistendum erit, ut particeps fiat victoria & felicitatis unusquisque, prout laborum ac molestiarum particeps extiterit. 2. Conf. Equam regis hujus petitionem, cum offerat subditis paritatem in commodis, in molestis vero exemplum suum & prioritatem.

**Punct. III.** Confid. Quidnam respondere debeant regi amanti & liberalissimo fideles subditi, & quam promptè ad omnem eius voluntatem offerre se accinctos: contra verò, si quis non abaudiret, quanto apud homines uniuersos vituperio dignus esset, atque quam ignavus miles aestimandus.

**Punct. I.** Consistit in collatione similitudinis inter dictum Regem, & Christum. Pars II.  
Conf. Si terrenus ille Rex cum bellica sua euocatione dignus est, cui attentio & obsequium prestat, quanto magis Christus Rex aternus, mundoque toti conspicuus, qui singulos ad se his inuitat verbis: mea hac est iustissima voluntas, totius mundi dominium mihi vindicare, inimicos meos debellare omnes, ac ita demum in Patris mei gloriam intrare. Proinde quisquis eò necum venire cupit, laboret necum necesse est, labori enim premium respondebit.

**Punct. II.** Conf. 1. Neminem fore sana mentis, qui non cupidissime Christi seruitio se totum offerat & addicat. 2. Proinde innumera millia gentium lumine fidei illustrata exarsisse ad ejus imitationem, per labores, pericula, & mortem, in vario gradu Martyrum, Confessorum, Virginum. Gratulabor mihi de te, dux, nam gloria magna est si qui Dominum.

**Punct. III.** Conf. Quod si qui se obsequijs illius prorsus duxerint mancipandos, non seipsos tantum ad laborum tolerantiam, verum etiam maiora & preclatiora quedam munera oblaturi sint, expugnata carnis sensum, amorisque proprii & mundani rebellionis, unde respondebit quisque in hunc mundum: En o Rex summo ac Domine uniuersorum, tua ego, licet indignissimus, fructus tamen gratia & ope, me tibi penitus offero, meque omnia tuae subiecto voluntati attestans etiam infinita bonitate tua, nec non in conspectu gloriose Virginis Matris tue, satisque curia calefactis, hunc esse animum meum, hoc desiderium, hoc certissimum decretum, ut, dum modo, in maiorem laudis tue & obsequij mei proceptum cedam, quam possim proximè te sequi, & imiter in ferendis iniurijs, & aduersis omnibus, cum Spiritu, tum etiam rerum paupertate.

## LXVIII. De Mystério Incarnationis.

S. Ignat.  
Lib. Exerc.

**P**unct. I. Conf. *Personas omnes de quibus in hoc mysterio agitur, & 1. quidem homines super faciem terra degentes, adeo moribus, gestibus, & actionibus diversos, quosdam albos, & nigros alios, nonnullos fruantes pace, & reliquos bellis agitados, hunc plorantem, & ridentem illum, sanum unum, & alterum agrotum, nascentes multos, & multos vicissim morientes. Omnes passim sollicitos de rebus terrenis ac transitorijs, perpaucos de æternitate. 2. Conf. Tres personas divinas è solio regali suo intuentes omnia hominum genera in superficie terra, cæcorum more viventium, passimq; morientium & descendentium ad infernum, quorum gravissimæ miseriæ divinam misericordiam permovebant, operumque implorabant. Filij hominum usquequò gravi corde: ut quid diligitis vanitatem, & queritis mendacium?*

Psalm. 4. 3.

**P**unct. II. Conf. *Et excipe interno auditu quid loquantur personæ omnes, ac 1. homines in terris confabulantes, blasphemantes, sibiq; inuicem conuiciantes, quibus ego compatiar, & gratias agam divinæ Majestati, quòd me in meliora hæc tempora gratiæ reservaverit. 2. Conf. Divinas personas in calo de redimendo humano genere colloquentes, ac decernentes, ut post exhibitam severitatem: justitiæ erga Angelos lapsos, jam erga homines pariter lapsos misericordiam impenderent, tum quod hi & quidem omnes aliena unius culpa infecti essent, tum quod diaboli fraude & seductione. 3. Conf. Archangelum Gabrielem speciosa forma fulgentem, cum summa reverentia interna & externa ad Virginem accedere; eique Sanctissimæ Trinitatis decretum exponere de Verbo eterno in castissimo ejus utero incarnando. Attende Virginis verecundiâ, prudentiâ, & sollicitudinem de servanda virginitate Deo dicata: Quomodo fiet istud, quoniâ virû non cognosco?*

Luc. 1. 34.

**P**unct. III. Conf. *Actiones personarum, &c 1. quomodo homines sese inuicem infestent, concutiant, trucidant, & omnes ruant ad inferos, viam sibi sternentes per quotidiana peccata, & rarioribus auxilijs gratiæ ad resipiscendum instructi. 2. Confid. Quomodo Sanctissima Trinitas obtento per Angelum consensu Virginis, cum summa humilitate, resignatione & obedientia: mox exequatur opus incarnationis, formando corpus & sanguinem è purissimo sanguine virginis, & creando animam, eamque inter se, & ad Verbum divinum uniendo, quod inde Caro & Homo factum est: Quare cum tanta Majestas adeo se demiserit, discam & ego hoc exemplo me ad infima dimittere, totum me illi offeram, & cavebo ne à dignitate ad quam ipse me assumpsit, degenerem me ostendâ. 3. Conf. Divinas perfectiones hîc expressas, bonitatem qua se communicat naturæ nostræ, misericordiam qua miseras nostras in se suscepit, justitiam qua crimina nostra in se expiavit, sapientiam qua misericordiam cum justitia conciliavit, omnipotentiam, qua Verbum Caro factum est, sanctitatem & omnes virtutes quarum vivum exemplar constituit in Christo, ut nos ad imitationem provocaret.*

LXIX. De



## LXIX. De Duobus Vexillis.

Detegit hîc S. Ignatius fraudes diaboli, quibus homines passim ab ultimo fine suo & salute studet abducere, & opponit artes Christi, quibus ipsos eò adducit: *Fur non venit, nisi ut furetur, & mactet, & perdat, ego veni ut vitam habeant, & abundantius habeant.*

Lib. Exer.

Joan. 10. 10.

**Punct. I.** Est Imaginari coram oculis meis apud campum Babylonicum, ducem impiorum Luciferum in cathedra ignea & fumosa sedere, horribilem figura, vultuque terribilem: Unde collige diaboli genium, nempe perturbare animum, mentem obscurare, & terrere ferocia.

Part. I

**Punct. II.** Est advertere, quomodo convocatos demones innumeros per totum orbem spargit, ad nocendum, nullis civitatibus & locis, nullis personarum generibus immunibus relictis: Unde collige mundum hunc plenum esse peccandi occasionibus, quas S. Antonius aliquando vidit laqueis, retibus, ac venatoribus quaquaversum expressas, opus nobis proinde esse assidua vigilantia & prudentia.

**Punct. III.** Est attendere cujusmodi concionem habeat ad ministros suos, quos instigat, ut correptis iniectionibusque laqueis & catenis, homines primum trahant (quod ferè contingit) ad cupiditatem divitiarum, quia hæ cum corporis necessitate propius conjunctæ sunt: Unde postea facilius ad mundani honoris ambitionem, ac demum in superbia barathrum deturbari queant, Atque ita tres sunt precipui tentationum gradus, in divitiis, honoribus, & superbia fundati, ex quibus in alia vitiorum genera omnia præceps fit decursus.

Similiter ex opposito considerandus est summus optimusque noster Dux & Imperator Christus.

Part. II.

**Punct. I.** Erit conspiciari Christum in amœno campo juxta Ierosolymam humili quidam constitutum loco, sed valde speciosam formam, & aspectum summe amabilem: Unde collige genium Christi benignum & pacificum, illustrare mentem, dilatare cor, omnesque invitare ad Ierosolymam caelestem.

**Punct. II.** Est speculari, quo pacto ipse mundi Dominus universi electos Apostolos, Discipulos, & Ministros alios per orbem mittat, qui omnium hominum generi, statui, & conditioni doctrinam sacram ac salutiferam impertiant. Unde collige quales esse debeant viri Apostolici.

**Punct. III.** Est Auscultare concionem Christi exhortatoriam ad servos & amicos suos omnes in opus tale destinatos, qua eis præcipit, ut juxta studeant quemlibet, ac primo inducendum curent ad spirituales affectum paupertatis, & insuper (si divini obsequii ratio & electio caligis eoferat) ad sectandam a se ipso veram paupertatem. deinde ut ad contemptum probrii contemptusque desiderium alliciant, unde humilitatis virtus enascitur. Et ita tres consurgunt persequendi gradus, videlicet paupertas, abjectio sui, atque humilitas, quæ ex diametro divitiis, honori, & superbia opponuntur, ac virtutes omnes statim introducunt.

Colloquium formatum erit ad B. Virginem, implorandaque est per eam à Filio gratia, ut recipi possim & manere sub vexillo ejus, deinde ad Christum, & ad Patrem caelestem ut petitioni annuat.

Kkk.

LXX. De

## LXX. De tribus hominum classibus.

Lib. Exer.

Proponit S. Ignatius, tres hominum classes, qui omnes quidem expetunt finem honestum, sed non omnes media, ut par est, adhibent: quare etiam neque finem intentum assequuntur. Quod autem ipse tribuit acquirendæ virtuti voluntariæ paupertatis, expugnato vitio avaritiæ, etiā pariter castitati, obedientiæ, humilitati, modestiæ, ac cuiusvis virtuti, expugnato vitio contrario, applicari potest.

Prov. 13. 4.

**P**ars. I. Prima, igitur classis optat quidem exuere affectum erga vitium contrarium, ut conciliari Deo possit, sed media debitaque adminicula toto vitæ tempore non admovent. Hi volunt finem, sed non efficaciter, eò quod absterreantur difficultate mediorum, quæ proinde nolunt assumere: *vult & non vult piger*. Atque ita hærent in lucta affectuum, quod tepidorum est, immersi vitiis suis, neque umquam assurgunt ad altiore gradum virtutis: quare nec solatiis divinis perfruuntur.

Secunda videm affectum male ordinatum auferre cupit, sed occasiones mordicus tenere, ac Deum potius trahere ad votum proprium, quam relicto impedimento ad illum tendere. Hi parati sunt media aliqua adhibere, ad vitium, quo laborant expugnandum, sed media certa excipiunt, atque ita præpostero ordine prius statuunt de mediis quam de fine, neque cupiunt ipsi voluntatem Dei facere, sed Deum pertrahere in suam propriam voluntatem. Atque hic te examina, quænam media, quântūvis opportuna videas ad vitii, quò laboras, expugnationē aut virtutis acquisitionem, magis averferis.

Tertia postremo affectum insincерum volens abijcere, occasiones vitii, & impedimenta virtutis tollere parata est, prout ad divinum cultum commodius fore, vel ex divino instinctu, vel ex rationis dictamine animadvertit, nulla media quantumvis, difficilia respuens. Et hi solum intentum finem virtutis ac perfectionis consequuntur, ostendentes re ipsa cor suum esse terram bonam, in quam cecidit Verbum Dei, & fructum adfert copiosum. Atque ad hanc classem desideria nostra excitanda sunt, five agatur de vitii aliqujus expugnatione, five de virtutis ac perfectionis acquisitione.

Pars. II. Id quod dictū est de tribus hominū classibus laborantiū morbo spirituali, claritatē ac pondus accipiet, si applicetur tristis laborantibus morbo eodē corporali, qui ones sanitatē a vide expetūt, vitāq; protrahere.

Primus abstinere non desiderat à noxiis, dulcedine eorum delinitus, nec medicinas salutare ad morbum pellendum sumere, deterritus earum amaritudine.

Secundus paratus est medicinas aliquas sumere, & noxiis aliquibus abstinere, sed pro gustu suo, & affectu, non ex medici præscripto.

Tertius totū se tradit in manus medici, seposito omni suo affectu & gustu, paratus medicinas quântūvis amaras sumere, ferre incisiones, & adustiones, ac quidquid ad sanitatē curandā medicus præscripserit: & hic solus sperare verè potest intentam sanitatem.

LXXI. De



LXXI. De tribus gradibus humilitatis.<sup>1</sup>

Tres gradus hos virtutum, quibus tota perfectio vite Christianæ & regiosæ continetur, S. Ignatius gradus humilitatis appellat, quia continent subjectionem voluntatis nostræ ad omnem voluntatem divinam, non tantum in præceptis, sed etiam in consiliis

**G**radus I. Humilitatis hic est ad salutem necessarius, ut me penitus subdam d<sup>omi</sup>n<sup>o</sup> legi & servanda, utq; ne mundi quidem totius oblato mihi domino, vel extremo vita discrimine objecto, transgrediar ex deliberato mandatum ullum divinum aut humanum, quod quidem peccati mortalis vinculo nos obliget: Unde colligam gradum hunc, qui Incipientium est, altè animo imprimendum, sic ut nullius boni terreni illecebra, aut mali terrore patiar voluntatem meam induci ad offensam Dei letalem. Quò juvat terrenarum rerum omnium ac vitæ nostræ brevitatem expendere, æternitatem secuturam & supremi judicis sententiam irrefragabilem. Timete eum, qui potest animam & corpus perdere in gehennam: quare dic cum Propheta: Confige tuo carnes meas, à judicis enim tuis timeui. Matth. 10. 28

Grad. II. Est majoris perfectionis, ut fixo animo ad divitias, paupertatem, honorem, ignominiam, brevitatem vitæ ac longitudinem æque sim propensus, ubi æqualis est divine laudis & salutis meæ occasio. Vtque nulla vel humane quantecumque felicitatis, vel propriæ mortis conditione proposita, adducar unquam, ut culpam, licet venialem tantum discernam admittere: Unde colligam gradum hunc, qui Proficientium est, continere indifferentiam ad quæcumque prospera vel adversa, sic ut nec ob hæc, nec ob illa, ne levi quidem culpa Deum deliberate offendere firmiter statuam. Quò juvat expendere obligationem Deo debitam ex multitudine beneficiorum, & damna peccati venialis. Si curare parva negligimus, Psalm. 119. 120. insensibiliter seducti, audemus etiam majora perpetrare, Gregorius.

Grad. III. Est humilitatis absoluti summe, ut priores duos jam adeptus, etiamsi nullo superaddito laus Dei perficeret, ad majorem tamen imitationem Christi colligam potius cum eo paupere, sperto, & illuso, pauperem, contemptum, & insipientie titulum amplecti, quam opes, honores, & sapientiæ æstimationem: Ubi expendam gradum hunc, qui Perfectorum est, addere ultra duos priores, insuper subjectionem ad consilia Christi ex puræ caritatis amore amplectenda, sic ut viam ab ipso monstratam & edecatam insulam, vestibus ejus ac insignibus indui exoptem: in ferendis contumeliis, injuriis, ac quibuscumque incommodis, etiam posita pari gloria Dei, tantum ut Christo magis assimiler, qui ea prius amore nostri libenter & constanter suscepit. quo autem magis hic Christo assimilamur in passione, eo & magis postea assimilabimur in gloria. Si compatimur, ut & conglorificemur.

Colloquium ad B. Virginem pro gratia impetranda, ad Christum, & cælestem Patrem, ut supra.

## LXXII. De Duplici modo electionis.

*Il. Exer.* Observa modos electionis hic traditos à S. Ignatio primariò quidem convenire vita statui eligendo: sed hoc electo eosdem valde utiliter adhibendos ad particulares in eo statas functiones, occupationes, & pietatis exercitia, ut omnia ad beneplacitum divinæ voluntatis reformatur.

## Modus prior sanæ bonæque electionis.

*Prov. 4. 25.*  
*Eph. 5. 15.* **P**unct. I. Erit proferre in medium rem deliberandam, quid circa eam prudenter agendum sit, ut ne postea facti vel omissi pæniteat; Palpebra tua, seu consideratio, præcedant gressus tuos. Videte fratres, quomodo cautè ambuletis, non quasi insipientes, sed ut sapientes.

Punct. II. Est adducto ante oculos creationis, vel etiam particularis vocationis mea fine, in hoc consistente, ut cum Dei laude salvus, vel etiam perfectior fam, in neutram declinare partem amplectende vel repudiandæ rei contraverse; quin potiùs velut in medio quodam interstitio, & æquilibrio subsistere, parato interim animo, ut in eam illico partem totus ferar, quam novero divinæ gloria, & saluti mea fore aptiorem.

*Pf. 142. 10.*  
*Pj. 118. 35.* Punct. III. Est obsecrare Dei clementiam, ut dignetur mentem instruere, & impellere voluntatem, quodcumque potiùs mihi tendendum sit, ut apprehensa & probata Dei voluntate ad electionem ferar. Doce me facere voluntatem tuam, quia Deus meus es tu. Deduc me in semitam mandatorum tuorum, quia ipsam velui.

Punct. IV. Erit perpendere quot tandem commoda vel adminicula mihi ad finem meum prosequendum accedent ex re tali suscepta, vel omiſſa: quot rursus ex eadem incommoda & pericula impendeant. Sic ut rationibus non humanis ac terrenis; sed divinis ac cælestibus movear.

Punct. V. His præmissis, ratiocinari in utramque partem, & maturè attendere quænam præponderet: ac juxta ipsius rationis dictamen, sepositis carnis appetitibus omni, electionem concludere.

## Modus Posterior.

*Ex. 1.* Regula I. Quodcum oporteat per affectum ex Dei amore calitus infusum fieri electionem, eligentem convenit persentiscere in seipso, quod quidquid affectionis erga rem electam tenet, ex solius Dei amore & intuitu proficiatur.

Reg. II. Est considerare, si quis mihi vir amicissimus, cui nihil non perfectionis inesse cupiam, occurrat dubius super electione hujusmodi, quidnam ego illi decernendum maximè essem cōsulturus, quo animadverso, agendum & mihi ducam, ut suaderè alteri.

Reg. III. Mecum insuper reputare, si mors ingrueret, quem me malle obseruisse modum in præſenti deliberatione.

Reg. IV. Prospicere non minùs, quando pro tribunali sistar judicandus, quo me consilio hac in re usum vellem, quo agnito, nunc utar. Attende adhuc divinum monitum: Gens absq; consilio est, & sine prudentia: utrum sapiant, præterita cum dolore, & intelligerent, præſentia cum rubore, ac novissima providere, cum timore!

De meditationibus hic sequentibus, vide in Iudice.



LXXIII. *Ad amorem spiritua'em in nobis excitandum.*

*In primis duo notanda sunt. Primum, quod amor ipse ab operibus magis quam a verbis pendet. Secundum, quod consistit amor in mutua facultatum, re-  
rum, & operum communicatione, puta scientia, divitiarum,  
honoris, & boni cujuscumq[ue].*

Lib. Exor.

*Oratio præmittitur ex more.*

*Preludium Primum, Est ut coram Domino, Angelis, Sanctisq[ue] omnibus mihi propitijs stare me videam. Secundum, Ut gratiam Dei efflagitem, per quam beneficiorum ejus in me collatorum magnitudinem perspicuens ad amorem, cultum, & servitium ipsius totum me impendam.*

**P**unct. I. Sit revocare in memoriam beneficia creationis, ac redemptionis: dona itidem particularia seu privata enumerare, & cum intimo affectu perpendere, quantum mea causa benignissimus Dominus egerit, atque pertulerit; quantum mihi largitus sit de thesauro suis, quodq[ue] juxta divinum suum decretum & beneplacitum, seipsum mihi, quantum potest, donare velit. Quibus optime inspectis vertar ad meipsum, & disquiram mecum quæ mea sint partes, & quid æquum justumq[ue] sit, ut divina offeram & exhibeam majestati: haud sane dubium, quin mea omnia offerre debitam, ac meipsum cum summo affectu, & verbis hujuscemodi vel similibus: Suscipe Domine universam meam libertatem. Accipe memoriam, intellectum, atque voluntatem omnem. Quidquid habeo vel possideo, mihi largitus es: id tibi totum restituo ac tua prorsus voluntati trado gubernandum. Amorem tui solum cum gratia tua mihi dones, & dives sum satis, nec aliud quidquam ultra posco.

Punct. II. Erit speculari Deum in singulis existentem creaturis suis: & elementis quidem dantem ut sint; plantis vero ut per vegetationem quoque vivant: animalibus insuper ut sentiant: hominibus postremo ut simul etiam intelligant. Inter quos accipi & ipse universa hac beneficia, esse vivere, sentire, ac intelligere, meq[ue] templum quoddam suum efficere voluit, ad imaginem suam & similitudinem creatum. Ex quorum omnium admiratione reflexus in meipsum agam ut in primo puncto, vel melius siquid occurrerit: id quod in punctis etiam sequentibus erit faciendum.

Punct. III. Est considerare eundem Deum ac Dominum propter me in creaturis suis operantem, & laborantem quodammodo: quatenus dat ipsis, conservatq[ue] id quod sunt, habent, possunt, atque agunt. Quæ omnia, ut supra, in mei considerationem reflectenda erunt.

Punct. IV. Prospicere quo pacto munera & bona omnia calicis descendunt, ut sunt potentia, justitia, bonitas, scientia, & alia qualibet humana perfectio terminis quibusdam certis circumscripta, quæ ab infinito illo rotus boni thesauro, sicut lumen a sole, & ex fonte aqua derivantur. Addenda superest reflexio prædicta in mei circumpectionem. Colloquium in fine de more.

## LXXIV. De pace &amp; gaudio ex studio virtutum.

**Punct. I.** Conf. Studia hominum in hac vita hoc unum spectare, ut pacem & gaudium consequantur, sed hæc in rebus terrenis minimè inveniri, ut patet in avaris, ambitiosis, &c. 1. Quia dum pravis indulgent cupiditatibus, bellum movent adversus rationem & Deum, *quis restituit ei, & pacem habuit?* 2. Quia tales sunt in perpetuo metu, ne desiderijs frustrerentur, & iuste a Deo icclerum vindice plectantur, nec conscientia sicut illos quiescere, sed eos semper severe accusat, condemnat, & torquet: *Quantum glorificavit se, & in delicijs fuit, tantum date illi tormentum & luctum.* 3. Quia dum affectus affigunt rebus illis fluxis & perituris, necesse est eos pariter cum illis volui, fluctuare, & perire. 4. Quia instar mancipiorum miserrimam serviunt servitutem, virijs suis & diabolo, atque alijs fiunt ludibrium. *Tribulatio & angustia in omnem animam operantis malum.*

**Punct. II.** Conf. Verā pacem possideri ab ijs qui virtuti student, 1. quia hi appetitum subijciunt rationi, & hanc Deo: *Pax multa diligentibus legem tuam.* 2. Quia roborantur à re ditudine conscientie, *secura mens quasi jace convivium.* *Iustus quasi leo confidens sine timore erit.* 3. Quia adhærent Deo immutabili, in quo pariter stabiliuntur. 4. Quia gaudent vera libertate, de qua S. Ambrosius: *Gloriosa libertas, quam nulla servitus culpe, nulla peccatorum vincula constringunt. Gloria & honor & pax omni operanti bonum.*

**Punct. III.** Conf. 1. Cum homines voluptate & gaudio potissimum trahantur ad operandum, voluptates corporeas esse viles, breves, inanes, atque impedimenta voluptatis veræ & deliciarum cælestium: *Laus impiorum brevis, & gaudium hypocrite instar puncti.* 2. Corporeas voluptates magna molestia queri, & majori possideri, immixtasque permixtas multis amaritudinibus. 3. Ijs non magis expleri animum, quam famelicum feno aut vento, vel somno, dum se comedere somniat, sed minimè reficitur: *Comedent & non satiabantur. Avarus non implebitur pecunia, & qui amat delicias, fructum non capiet ex eis.*

**Punct. IV.** Conf. 1. Voluptates Spirituales esse solidas, puras, & homini proprias, ac principia voluptatis eterne. *Delectationes in dextra tua usque in finem. Beati qui esuriant & sitiunt justitiam, quoniam ipsi saturabuntur.* In his placere appetitum, sed magis experientiam. 2. Voluptatis Spiritualis obiectum primum esse Deum, supremum hominis finem, & fontem omnis boni, cui anima conjungitur per studia virtutum, potissimum sinceri amoris, & qui solus eam potest satiare, unde sancti etiam in hac vita solida gaudia perceperunt, *Cognovi quod non esset melius, nisi latari, & facere bonum in vita sua. Latentur omnes qui sperant in te Domine. Quæ lætitia, nulla est, & guttula acsi in me illo descendens, cujus impetus latificat virtute Dei.*

FINIS PARTIS TERTIÆ.



Orationes à Sacerdote secreto dicendæ in  
Sacrificio Missæ, quæ juxta secundum  
modum orandi S. Ignatij expendi  
subinde possunt.

*In ascensu ad altare.*

**A** Vser à nobis quæsumus Domine iniquitates nostras, ut ad Sancta Sanctorum  
puris mereamur mentibus introire per Christum Dominum nostrum. Amen.

*In medio altari.*

Oramus te Domine per merita Sanctorum tuorum, quorum reliquiæ hîc sunt, &  
omnium Sanctorum, ut indulgere digneris omnia peccata mea. Amen.

*Ante Euangelium.*

Munda cor meum, ac labia mea omnipotens Deus, qui labia Isaïæ Prophetæ cal-  
culo mundalti ignito, ita me tua grata miseratione dignare mundare, ut sanctum Eu-  
angelium tuum dignè valeam nunciare per Christum Dominum nostrum. Amen.

Jube Domine benedicere: Dominus sit in corde meo & in labiis meis, ut dignè  
& competenter annunciem Euangelium suum. Amen.

*Pro Offertorio.*

Suscipe sancte Pater, omnipotens æterne Deus, hanc immaculatam hostiam, quam  
ego indignus famulus tuus offero tibi Deo meo vivo & vero, pro innumerabilibus  
peccatis & offensionibus & negligentis meis, & pro omnibus circumstantibus, sed &  
pro omnibus fidelibus Christianis vivis atque defunctis, ut mihi & illis proficiat ad  
salutem in vitam æternam. Amen.

*Ad benedictionem aqua miscenda vino.*

Deus qui humanæ substantiæ dignitatem mirabiliter condidisti, & mirabilius refor-  
masti: da nobis per hujus aquæ & vini mysterium, ejus divinitatis esse consortes, qui  
humanitatis nostræ fieri dignatus est particeps, Jesus Christus Filius tuus Dominus no-  
ster, qui tecum vivit & regnat in unitate Spiritus sancti Deus per omnia sæcula sæcu-  
lorum. Amen.

*Ad oblationem Calicis.*

Offerimus tibi Domine calicem salutaris, tuam deprecantes clementiam: ut in con-  
spectu divine Majestatis tuæ, pro nostra & totius mundi salute cum odore suavitatis  
ascendat. Amen.

In spiritu humilitatis & in animo contrito suspiciamur à te Domine, & sic fiat sacri-  
ficium nostrum in conspectu hodie, ut placeat tibi Domine Deus.

Veni Sanctificator omnipotens æterne Deus, & benedic hoc Sacrificium tuo san-  
cto nomini præparatum.

*Ad lotionem manuum.*

Lavabo inter innocentes manus meas, & circumdabo altare tuum Domine: ut Psal. 25.  
audiam vocem laudis, & enarrem universa mirabilia tua. Domine dilexi decorem  
domus tuæ, & locum habitationis gloriæ tuæ. Ne perdas cum impiis animam meam,  
& cum viris sanguinum vitam meam: in quorum manibus iniquitates sunt, dextra  
eorum.

ecum repleta est muneribus. Ego autem in innocentia mea ingressus sum, redime me & miserere mei. Pes meus stetit in deserto, in Ecclesiis benedicam te Domine. Gloria Patri, &c.

*Post Oblationem.*

Suscipe sancta Trinitas hanc oblationem, quam tibi offerimus ob memoriam Passionis, Resurrectionis, & Ascensionis Jesu Christi Domini nostri, & in honore Beatæ Mariæ semper Virginis, & beati Joannis Baptiste, & sanctorum Apostolorum Petri & Pauli, & istorum, & omnium Sanctorum, ut illis proficiat ad honorem, nobis autem ad salutem, & illi pro nobis intercedere dignentur in cælis, quorum memoriam agimus in terris. Per eundem Christum Dominum nostrum. Amen.

*Orate fratres.*

Ut unicum ac vestrum Sacrificium acceptabile fiat apud Deum Patrem omnipotentem.

*Canon.*

Te igitur clementissime Pater, per Jesum Christum Filium tuum Dominum nostrum, supplīces rogamus ac petimus, ut accepta habeas & benedicas t hæc dona, t hæc munera, t hæc sancta Sacrificia illibata, imprimis quæ tibi offerimus pro Ecclesia tua Catholica, quam pacificare, custodire, adunare, & regere digneris toto orbe terrarum, una cum famulo tuo Papa nostro N. & Antistite nostro N. & omnibus Orthodoxis, atque Catholicæ & Apostolicæ fidei cultoribus.

*Commemoratio pro vivis.*

Memento Domine famulorum famularumque tuarum N.N. Et omnium circumstantium, quorum tibi fides cognita est, & nota devotio, pro quibus tibi offerimus, vel qui tibi offerunt, hoc sacrificium laudis, pro se suisque omnibus, pro redemptione animarum suarum, pro spe salutis & incolumitatis suæ, tibi que reddunt vota tua æterno Deo, vivo & veræ.

Communicantes & memoriam venerantes in primis gloriose semper Virginis Mariæ, genitricis Dei & Domini nostri Jesu Christi: sed & beatorum Apostolorum ac Martyrum tuorum, Petri & Pauli, Andreæ, Jacobi, Joannis, Thomæ, Jacobi, Philippi Bartholomæi, Matthæi, Simonis & Thadæi: Lini, Cleri, Clementis, Xisti, Cornelij, Cypriani, Laurentij, Chrylogoni, Joannis & Pauli, Cosmæ & Damiani, & omnium Sanctorum tuorum, quorum meritis precibusque concedas, ut in omnibus protectionistue muniamur auxilio, per eundem Christum Dominum nostrum. Amen.

*Ante Consecrationem.*

Hanc igitur oblationem servitutis nostræ, sed & cunctæ familiæ tuæ quæsumus Domine ut placatus accipias, dictique nostros in tua pace disponas, atque ab æterna damnatione nos eripi, & in electorum tuorum jubeas grege numerari, per Christum Dominum nostrum. Amen.

Quam oblationem tu Deus in omnibus, quæsumus, t benedictam, t adscriptam, t ratam, rationabilem, acceptabilemque facere digneris, ut nobis t corpus, & t sanguis fiat dilectissimi Filij tui Domini nostri Jesu Christi. Qui pridie quam pateretur, accepit panem in sanctas ac venerabiles suas, & elevatis oculis in cælum ad te Deum Patrem suum omnipotentem, tibi gratias agens, t benedixit, fregit, deditque discipulis suis, dicens: Accipite & manducate ex hoc omnes: Hoc est enim Corpus meum.

*Ad consecrationem Calicis.*

Simili modo postquam cœnatam est, accipiens & hunc præclarum calicem in sanctis ac venerabiles tuas, item tibi gratias agens t benedixit, deditque discipulis suis dicens:



cens: Accipite & bibite ex eo omnes. *Hic est enim sanguis mei, novi & æterni testamenti, mysterium fidei, qui pro vobis & pro multis effundetur in remissionem peccatorum. Et quotiescumque feceritis in mei memoriam facietis.*

*Post Consecrationem.*

Unde & memores Domine nos servi tui, sed & plebs tua sancta ejusdem Christi Filij tui Domini nostri tam beatæ passionis, nec non & ab inferis resurrectionis, sed & in cælos gloriæ ascensionis, offerimus præclaræ Majestati tuæ de tuis donis ac datis tibi hostiam puram, tibi hostiam sanctam, tibi hostiam immaculatam, tibi panem sanctum vitæ æternæ, & tibi calicem salutis perpetuæ. Supra quæ propitio ac sereno vultu respicere digneris, & accepta habere, sicuti accepta habere dignatus es munera pueri tui iusti Abel, & sacrificium Patriarchæ nostri Abraham, & quod tibi obtulit summus Sacerdos tuus Melchisedech, sanctum sacrificium, immaculatam hostiam.

Supplices te rogamus omnipotens Deus, jube hæc perferri per manus sancti Angeli tui in sublime altare tuum, in conspectu divinæ Majestatis tuæ, ut quotquot ex hac altaris participatione sacrosanctum Filij tui Corpus & Sanguinem sumperimus, omni benedictione cælesti & gratia repleamur, per eundem Christum Dominum nostrum. Amen.

*Commemoratio pro defunctis, ac deinde pro se.*

Memento etiam Domine famulorum famularumque tuarum NN. qui nos præcæferunt cum signo fidei, & dormiunt in somno pacis. Iphis Domine & omnibus in Christo quiescentibus locum refrigerij, lucis, & pacis, ut indulgeas deprecamur, per eundem Christum Dominum nostrum. Amen.

*Nobis quobus peccatoribus.* Famulis tuis, de multitudine miserationum tuarum sperantibus partem aliquam & societatem donare digneris cum tuis sanctis Apostolis & Martyribus, cum Joanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cæcilia, Anastasia, & omnibus Sanctis tuis, intra quorum nos consortium non æstimator meriti, sed veniæ quæsumus largitor admitte, per Christum Dominum nostrum, Per quem hæc omnia Domine semper bona creas, tibi sanctificas, & vivificas, tibi benedicas, & præstas nobis. tibi Per ipsum, tibi & cum ipso, tibi & in ipso, est tibi Deo tibi Patri omnipotenti, tibi in unitate Spiritus sancti, omnis honor & gloria.

*Ad immixtionem hostia in calicem.*

Hæc commixtio & consecratio corporis & sanguinis Domini nostri Jesu Christi fiat accipientibus nobis in vitam æternam. Amen.

*Post Agnus Dei.*

Domine Jesu Christe qui dixisti Apostolis tuis: Pacem relinquo vobis, pacem meam do vobis, ne respicias peccata mea, sed fidem Ecclesiæ tuæ, eamque secundum voluntatem tuam pacificare & coadunare digneris, qui vivis & regnas Deus per omnia sæcula sæculorum. Amen.

Domine Jesu Christe Fili Dei vivi, qui ex voluntate Patris, cooperante Spiritu sancto per mortem tuam mundum vivificasti, libera me per hoc sacrosanctum corpus & sanguinem tuum ab omnibus iniquitatibus meis & universis malis, & fac me tuis semper inhaerere mandatis, & à te nunquam separari permittas, qui cum eodem Deo Patre & Spiritu sancto vivis & regnas Deus in sæcula sæculorum. Amen.

Perceptio corporis tui Domine Jesu Christe, quod ego indignis sumere presumo, non mihi proveniat in iudicium & condemnationem, sed pro tua pietate pro sit mihi ad tutamentum mentis & corporis, & ad medellam percipiendam, qui vivis & regnas &c.

Panem cælestem accipiam & nomen Domini invocabo: Corpus Domini nostri Jesu Christi custodiat animam meam in vitam æternam. Amen.

*Ad sumptionem Calicis.*

Quid retribuam Domino pro omnibus quæ retribuit mihi? calicem salutaris accipiam, & nomen Domini invocabo. Laudans invocabo Dominum, & ab inimicis meis salvus ero. Sanguis Domini nostri Jesu Christi custodiat animam meam in vitam æternam. Amen.

*Post sumptionem.*

Quod ore sumpsimus Domine pure mente capiamus, & de munere temporali fiat nobis remedium sempiternum. Corpus tuum Domine quod sumpsi, & Sanguis quem potavi, adhæreat visceribus meis & præsta, ut in me non remaneat scelerum macula, quem pura & sancta refecerunt Sacramenta. Qui vivis & regnas in sæcula sæculorum. Amen.

*Ante Evangelium S. Ioannis.*

Placeat tibi sancta Trinitas obsequium servitutis meæ, & præsta, ut Sacrificium quod oculis tuæ Majestatis indignus obtuli, tibi sit acceptabile, mihi quæ & omnibus pro quibus illud obtuli, sit te miserante propitiabile, per Christum Dominum nostrum. Amen.

## Compendiosa & per-brevis narratio de vita & morte Sanctorum, qui in Litanis nominatim invocantur, annotato tempore quo obierunt, & ab Ecclesia coluntur.

Præmittuntur invocationi Sanctorum, tres divinæ Personæ, velut misericordiæ & salutis nostræ fontes, ac post Deiparam cælestes spiritus, è quibus perpauci nobis noti, atque inprimis:

**S** Michaë, sic dictus à zelo divinæ gloriæ contra Luciferum eiꝰ, adhærentes, quis ut Deus? Postea Iudææ Ecclesiæ defensor à Deo constitutus, inde & potissimum Christianæ, ubi & sapius apparuit, & in extremo agone singulariter auxiliatur.

S. Gabrieli, à fortitudine Dei, quæ emittit in imperio diaboli evertendo per annunciatum Incarnationis mysterium.

S. Raphael, à Me licina Dei, ob restitutam Tobie sanitatem, & visum.

Omnēs sancti Angeli, invocandi, ut pergant exhibere nobis puram & fidelem operam in privatis & ordinariis ministeriis: & Archangeli, ut in publicis & extraordinariis.

Omnēs Sancti Beatorum spirituum Ordines, ut eorum multiplices perfectiones imitemur, quas in particulari expressas vide pag. 245.

24 Janij S. Iannis Baptista, Christo cognatus, ab eo in utero sanctificatus nomen ab Ai. jelo accepit. A puerina de ætate perit Deo vacaturus, unde anno 30. progressus Christum omnibus annuncia-  
An. Ch. 32. vitæ honore ob præfensum Hierodami Regem de incestu capitis plexus est. 29. Augusti.

in pag. 9

Omnēs



Omnēs sancti Patriarchæ & Prophetæ invocandi pro alimenda, exemplo eorum, spe, ac longanimitate.

S. Petrus Galilæus Piscator, à Christo vocatus è navi, & inde relatus è discipulis, eodem ob animi fortitudinem mutato nomine Simonem primum, & postea Petrum. & Caput ecclesie, ac tandem palam renunciatus, lapsum trinitatis, & non in qui passione, & deo perdidit: tandem Roma sub Nerone cruci affixus capite coram, prout ex eo deservit.

29 Junij  
An. 67.

S. Paulus, genere iudeus, in Cilicia natus, annuatus 35. in itinere per Asiæ ad persecutionem Christianorum, à Christo & ecclesia perstratus, totum se ei submitit. Ab Anania baptizatus, fidem ejus toto orbe disseminavit, gravissima incommoda & pericula perpeffus. Tandem sub Nerone eodem die cum S. Petro extra urbem Romanam capite plexus.

29 Junij  
An. 67.

S. Andreas, Galilæus, Piscator, frater Petri, eum primum ad Christum adduxit; inde ab illo pariter vocatus, & relictis omnibus obsecutus, post acceptum spiritum S. in Achaia pro Christi fide ad crucem damnatus, cum cum desiderio & gaudio amplexus, inde affixus biduum in ea pendens populum in Christi fide firmavit.

30 Nov.  
An. 70.

S. Jacobus, Galilæus, filius Zebedæi, Christo cognatus & Piscator, ab eo vocatus è navi, relictis omnibus promptè obsecutus, dictus Major quia altero in vocatione prior, primatum in regnū Christi cum fratre Ioanne per Matrem non rectè postulavit. Post spiritum S. in Hispania per paucos à se conversos pluribus deinde provinciis lucem fidei attulit. Ierosolymam reversus ab Herode primus Apostolorum capite plexus.

25 Julij  
An. 44.

S. Ioannes, Galilæus, filius Zebedæi, Christo cognatus, & Piscator, cum fratre Iacobo à Christo vocatus, & mox pariter obsecutus, singulariter ab eo semper dilectus ob castitatem & benignitatem. In cena ultima in sinu ejus recubuit, & in cruce constans adhasit. Deipara in filium substitutus. Roma in ferventis olei dolium missus vegetior egressus, Evangelium scripsit: tandem Ephesi postremus Apostolorum obiit.

27 Dec.  
An. 99.

S. Thomas, Galilæus, culpam incredulitatis sue expiavit primum ardenti amore, cum matrem suam lateri Christi à morte redivivi inferens ait: Dominus meus, & Deus meus. Ac postissimum cum post spiritum S. tandem in Indiis Regem sepius frustra ad Christi fidem hortatus, inter orandum ante S. Crucem, jussu ejus telis ac lancea confoditur.

21 Dec.  
An. 77.

S. Jacobus, Galilæus, Christo sanguine iunctus, dictus Minor, quia altero in vocatione posterior, post spiritum S. Episcopus Ierosolymæ, ex orandi assiduitate genibus induratis, in singulari erat apud omnes veneratione. Post Ecclesiam illam annos 30. administratam, lapidibus appetitus, inde ex tempore fastigio precipitatus, orans pro percussoribus, fullonis fuisse necatur.

1 Maij  
An. 62.

S. Philippus, Galilæus, à Christo pro pascenda turba famelica in consilium adhibitus. Post spiritum S. in superiorem Asiam profectus, per Scythiam & Phrygiam plurimis ad Christi fidem conversis, Hierapoli primum flagris casus, inde cruci affixus, & lapidibus obrutus.

1 Maij  
An. 54.

S. Bartholomæus, Galilæus, post spiritum S. in Indiam profectus, inde in Majorem Armeniam, cum ibi filium Regis à demonio liberaffet, & oblata propterea ampla munera rejecisset, & Regem & Reginam cum filia, ac 12. civitates Christo lucratus est: quare à Regis fratre obstinato detracta prius pelle, capite plexus est.

24 Aug.  
An. 70.

S. Matthæus, Galilæus, è telonio Caphernai à Christo vocatus, & mox obsecutus, reversus deinde ad rationes componendas, Christum cum discipulis, ac sociis suis convivio excepit. Evangelium primum scripsit, postea in Æthiopiam missus, ob filium Regis à morte suscitatum, Regem & Reginam cum filia, totamq. provinciam ad Christum adduxit: sed Rege illo defuncto, jussu successoris ad altare lanceis confoditur.

21 Sept.  
An. 99.

S. Simon, Cananæus & S. Judas Thaddæus, à Christo ad Apostolatū vocati, post spiritum S. illi in Ægypto, hic in Mesopotamia Christi fidem illustrarunt: inde in Persidem junctis viribus convenientes, post uberem ibi animarum messem, ambo ob contraria idola à furentibus sagittis interfeciti sunt.

28 Octob.  
An. 63.

24. Febr.  
An. 69.

S. Matthias, Christi discipulus, post Iudæ defectionem, in Apostolatam eius sorte surrogatus, ac Bersabæ, cum quo conferebatur, prepositus, post labores per Iudæam, in Æthiopiā profectus, ibi primum lapidibus appetitus, inde securi obruncatur.

11. Iurij.  
An. 61.

S. Barnabas, aliàs Ioseph, Cyprinus, Christi discipulus, cum S. Paulo missus ad Christi fidem predicandam, Lystris ob claudum curatum, diuinos honores sibi ut Ioui delatos reiecit. In Cyprum reuersus Salamina post plura tormenta lapidibus obrutus est.

18. Oct.  
An. 61.

S. Lucas, Antiochia in Syria natus, Medicina ac Pictoria artis peritus, à S. Paulo conuersus, fidem ei in laboribus comes fuit, ex cuius consortio, atque etiam Neipara (vnde, recipua incarnati Verbi mysteria cognouit) plurimum profecit. Præter Euangelium, scripsit etiam Acta Apostolorum, & plures Christi ac Neipara imagines pinxit, per Ecclesiam distributas. Tandem in Achaia prope Patras suspendio martyrium consummauit.

25. Apr.  
An. 64.

S. Marcus, Christi discipulus, S. Petri indiuiduus comes, huius monitu Euangelium scripsit, missus ab eo in Ægyptum, plurimos ibi non tantum ad Christi fidem, sed etiam consilia, seu monasticam vitam amplectendam induxit. Tandem festo Paschæ, Missæ Sacrificio intentus, in lecto laqueo abrepitus, per vrbes Alexandria vias raptatus dire laceratur, iterumque postmodum, vitam obtineat.

28. Dec.  
An. 2.

Omnes Sancti Apostoli & Euangelistæ, pro zelo diuinæ gloriæ ac salutis proximi. Omnes Sancti Discipuli Domini, pro obedientia & caritate in proximum.

26. Dec.  
An. 34.

Omnes Sancti Innocentes, iussu Herodis Regis in ditione Bethleemica crudeliter pro Christo trucidati, ad plura millia, Martyrij palma deinde donati.

10. Aug.  
An. 159.

S. Stephanus, ex discipulis Christi electus, deinde ab Apostolo in diaconum, zelum ostendit maxime in arguendis Iudæis incredulis, à quibus licet visus esset in Concilio instar Angeli splendere, & ipse palam afferret se videre in calis Iesum stantem à dextris virtutis Dei; tamen extra ciuitatem eiecitus, & lapidibus obrutus, pro lapidantibus Deum orauit.

22. Ian.  
An. 303.

S. Laurentius, Hispanus, Romæ Archidiaconus sub Sixto Pont. 11. cui primum ad carcerem, postmodum ad supplicium pertracto obuius, enixè postulat socius iungi in morte: sed monitus de acriori certamine, comprehensus, toto corpore confissus, laminis ardentibus vstulatus, plumbatis & scorpionibus casus, tandem ferrea crati candenti impositus, sauitiam Tyranni eussit.

20. Ian.  
An. 350.

S. Vincentius, Hispanus, S. Valerio Episcopo socius, ob fidem comprehensus, ferreis vngulis laceratus, ac fustibus contusus, Deo laudes canebat, inde etiam ferrea crati candenti impositus integer euasit. Postea Cruci affixus, facibus vstulatus, tandem è molli culcitra palmam consequitur.

20. Ian.  
An. 287.

S. Fabianus, Romanus, dum de Pontifice eligendo deliberatur, columba diuinitus in caput eius sorte præsentis delapsa, Pontifex ab omnibus proclamatur. Zelo nituit in Imperatore Philippo ad penitentiam publicam flectendo: tandem sub Decio Imperatore martyrio afficitur.

26. Iunij.  
An. 362.

S. Sebastianus, Natus in Gallia, matre Mediolanensi, à Diocletiano Imperatore militum Tribunus, & vrbis Præfectus creatus, de Christiana fide delatus palo affixus, à suis militibus sagittis configitur. Unde mox diuinitus persanatus & Imperatori obuius, impietatem exprobrans, fustibus cedi iubetur, dum expiret.

27. Sept.  
An. 285.

SS. Ioannes & Paulus, Fratres, domestici Constantia filia Imperatoris, fidem Christi Gallicano expositus Præfecto persuaferunt. Deinde sub Iuliano Imper. à Terentiano Præfecto capite plexi primum ob metum populi, apud quem erant in veneratione: dea morte eorum à demonijs vulgata, & Terentianij filio ad eorum corpora à damone liberato, parens cum filio fidem amplexus est. SS. Cosmas & Damianus, Fratres gemini, Arabes, Medicine scientia exculti, morbos plures non tantum scientia, quàm fidei virtute semper gratis curarunt. Sub Diocletiano Imp. primum crudeliter casti, in mare ligatis manibus & pedibus demersi mox soluti euaserunt. In ardentem fornacem iniecti, sed illæsi, cruci alligati lapidibus & sagittis periti, sed reuocati à percussoribus, tandem cum alijs tribus fratribus & adio percussi.

SS. Ger-



SS. Geruasius & Prothasius, Fratres, qui in 58. Vitalis & Valeria Martyrum, qui in 1. Dec.

**Omnes Sancti Martyres, Pro patientia & constantia.**

S. Silvester, Romanus, Pontifex Constantinum Imperatorem lepra percussum, & crudeli balneo ex infantium sanguine ei in remedium prescripto, ipse Sacramento Baptismi sanauit. 1. Dec. unde fides Christi toto imperio Imperatoris iussu liberè propagata est, & ille pie obiit. An. 335.

S. Gregorius, Pratorio munere Roma sanctus, re & cognomine Magnus, post sex monasteria à se exstructa & dotata, septimum in domo sua ipse amplexus, inde in Cardinalem, & Pontificem assumptus, sed inuita columna ignea indicio deprehensus, inter pauperes etiam Christum mensa excepit. Infirma semper valetudine, in laboribus pro Ecclesia inaccessus, pie obiit. 12. Martij. An. 604.

S. Amb. Romanus, nobilis, & Gallie Cisalpine Praefectus, Mediolanum missus ad turbas sedandas, ibi à puero in Episcopum exclamatus, & adhuc Catechumenus per ordinum gradus assumptus, inter plures etiam S. Augustinum ad Ecclesiam reduxit. Zelo diuini honoris Theodosium Imp. ad publicam penitentiam flexit, mortuus 4. Apr. sed quo die Episcopus consecratus, in Ecclesia colitur. 7. Dec. An. 397.

S. Augustinus, Africanus, ingenij acumine excellens, sed praua consuetudine in vitia abreptus, pluribus stimulis à Deo intus & foris exagitatus, pia matre Monica assiduè precibus & lacrymis Deum exorante, tandem calisti voce iussus legere in volumine, quod ad manum erat, salutis viam amplexus est, & annos iam natus 30. ab Ambrosio Baptizatus. Postea Episcopus Hipponensis, vita sanctitate & doctrina illustris, duo monasteria, alterum monachorum, alterum Canonicorum regularium exstruxit. 28. Aug. An. 431.

S. Hieron. Dalmata, nobilis, pia loca per Palestinam visens, ibi multa ad S. Scripturam intelligentiam penitus cognouit. Inde in Syria annos 4. exegit in solitudine. Postea Romae Damaso Pontifici in multis ob linguarum peritiam subsidio fuit: sed amore vitae monastica Palestinam repetijt, ubi in Bethleem exstructo monasterio, exemplum reliquit iungendi studia cum oratione. 30. Sep. An. 420.

S. Martinus, In Pannonia nobilis, anno aetatis 15. iussus à parente Tribuno militari nomen dare militia, pauperi obuio partem Chlamydis praecisam dedit, quam Christus mox sibi donatam ostendit. Baptizatus deinde, & Turonensis Episcopus creatus, exstructo monasterio simul religiosam vitam assumpsit. Instante morte insigni resignatione se Deo obtulit, demonem conspiciat confidenter abesse insit, cum quo nihil haberet commune. 11. Nou. An. 397.

S. Nicolaus, illustri familia in Lycia natus, ab infantia abstinentiā didicit, in pauperes etiā occulte inuandos beneficus. Diuino monitu mane in templi vestibulo agnitus, in Episcopum Myrae metropoli Lyciae assumptus est, exilij ac carceris molestias sub Diocletiano Imp. fortiter perpeffus. 6. Dec. An. 326.

**Omnes Sancti Pontifices & Confessores, pro dono discretionis, contemptu rerum terrenarum, ac desiderio caelestium.**

**Omnes Sancti Doctores, Pro diligentia, & bono exemplo.**

S. Antonius, Aegyptius nobilis, ad Deum conuersus ex audito forte Euangelio: Si vis perfectus esse, Sec. arctiorem in eremo vitam amplexus, varijs à demone machinis impugnatus, victor semper & illustrior, sic ut illis imbecillitatem exprobraret, & in eius nomine demones eijcerentur: per annos 90. in Dei obsequio constans. 17. Ian. An. 356.

S. Benedictus, Italus, nobilis, Roma spretis mundi delicijs, primum in solitariam Celuncam se abdidit, Deo vacaturus. Inde in Abbatem vicini monasterij adlectus, venerum sibi ab ijs oblatum ob reprehensam vitam signo Crucis dissipauit. Postea in Casino monte nouis adlectis socijs, miraculis in visa illustris obiit. 21. Martij. An. 557.

S. Bernardus, Burgundio, nobilis, leuem culpam ex oculi coniectu, in se gloriati flagitiū immerito vindicauit. Cisterciense monasteriū sub regula S. Benedicti ingressus, pluribus locis attractu castitati, cultui Desparae & Passionis Domini singulariter deditus. Abbas in Clara-valicensi monasterio assumptus, religiosos ibi habuit 70. Monasteria exstruxit. 160. Episcopatus perijt. 20. Aug. An. 1153.

**S. Dominicus, Hispanus, illustri familia, è matris utero per facem ardentem, & iam natis per stellam in fronte illustris futuram sanctitatem & doctrinam pramonstravit. Ardenti zelo in ditione Tolosana supra centum millia ab hæresi ad Christi fidem adduxit. Ordinis sui confirmationem à Pontifice obtinuit, ubi visus est illi in somno Ecclesiam labentem sustentare. Tres Episcopatus delatos sibi reiecit, tres mortuos ad vitam revocavit. Post Ordinem mirè dilatatum Bononia obiit.**

4. Aug.  
An. 1221.

**S. Franciscus, Italus, Asisij in umbria natus, mercatura terrestri renunciatis, meliorem assumpsit Eleemosynis collatis in pauperes, de quo à parente apud Episcopum accusatus, rejecta etiam veste caelestem Patrem ardentius coluit. In vicino vico Portuicula, audito Christi monito ex Evangelio: Nolite possidere aurum, &c. Rejectis omnibus terrenis, & adlectis 12. Socijs, novum Ordinem Minorum instituit, à Pontifice mox probatum, ubi visus illi est in somno labentem Ecclesiam cum S. Dominico sustentare. Crucifixi vulnera sibi diuinitus impressa accepit.**

4. Octob.  
An. 1226.

**Omnes sancti Sacerdotes & Levitæ, pro studio Orationis & mortificationis.**

**Omnes sancti Monachi & Eremitæ, pro humilitate, & obseruantia disciplina.**

**S. Maria Magdalena, Iudæa, nobilis, sed vitij infamis, audita Christi concione, ad eum conuersa speculum poenitentia fuit peccatoribus. Christi pedes apud Phariseum recubentis rigavit lacrymis, tersit capillis, & vrguento vixit. Constans illius discipula, cui etiam in Cruce adhesit. Postea nauigio malè instructo imposita, Massiliam appulsa, per annos 30. in solitudine peccata defleuit, quotidie septies ab Angelis in altum sublata, caelestem cantum percepit.**

22. Iulij.  
An. 80.

**S. Agatha, In Sicilia nobilis; à Sicilia Prætoris ad nuptias frustra experita, ob fidem & castitatem comprehensa, candentibus laminis adusta, & mammilla abscissa, Tyrannum sanctorum redarguit: inde mox à S. Petro persanata, in carbonibus & testulis volutata, postea in carcere inter orandum expirat.**

5. Febr.  
An. 251.

**S. Lucia, In Sicilia nobilis, matri sanitatem obtinuit ad corpus S. Agathe defunctæ. Inde ob fidem & castitatem comprehensa, minas Tyrannis spreuit damnata ad prostibulum hæsit immobilis: quare ibi pice, resina, & oleo perfusa in igne illæsa, tandem gladio in gutture transfixa, non prius viuere desijt, quàm S. Viatico munita.**

13. Dec.  
An. 303.

**S. Agnes, Romana, nobilis, à priuina ætate Christum sibi in sponsum delegit, reiecto deinde filio Prætoris Romani, os pugnis contunditur, & ad prostibulum damnata, ibi Angelum Domini defensorem inuenit, quo impuros aggressores ad Christum conuertit. In flammis illæsa, laesis adstantibus, tandem gladio guttur transfigitur, anno ætatis 13.**

21. Ian.  
An. 260.

**S. Cæcilia, Romana, nobilis, frequenti lectione Euangelij amorem in Christum sponsum accendit. Valeriano nuptui tradita, eum arcuit à sui contactu metu Angeli custodis, cuius videndi desiderio ille accensus fidem amplectitur, quam ipsa etiam fratri eius Tiburtio, ac 300 alijs persuadet. Iussa feruenti balneo comburi, cum illæsa euaderet, ter gladio frustra percussa, tri-duo post ad sponsum euolauit.**

21. Nou.  
An. 230.

**S. Catharina, Alexandria sanguine Regio illustris, scientias cum virtute iunxit, anno nata 18. Maximinum Imp. arguit impietatis, qui viros doctissimos 50. euocatos cum ea disputantes commisit, sed hi omnes ab ea superati, fidem Christi amplexi, eam ignis supplicio firmarunt. Illa plurius cæsa. Imperatricem & Belli ducem etiam ad Christum perduxit. Inde crudeli machine rotarum imposita, eam brevi oratione dissipauit. Tandem gladio percussit, lacte pro sanguine effuso.**

25. Nou.  
An. 307.

**S. Anastasia, Romana, nobilis, à S. Chrysogono in fide instructa, nuptiis tradita iuueni gentili ac feroci, sed seruata castitate, ab eo ob constantiam in fide coniecta in carcerem ærumnis confutanda, sed toto bimestri ibi cibo miraculosè delato sustentata, tandem cum pluribus palo alligata igne extincta est.**

25. Dec.  
An. 303.

**Omnes sanctæ Virgines & Viduæ, pro Castitate & modestia.**

**Meditatio de Litanjs Omnium Sanctorum Vide supra pag. 407.**

IN-



# I N D E X

## MEDITATIONVM

### ORDINE TEMPORIS,

Quo ab Ecclesia proponuntur.

#### *I. Partis, In Dominicis & Feriis majores.*

Quæ asterisco notatæ sunt, ad alium locum remittuntur.

<b>P</b> Rocemialis I. de ipsa Meditatione. pag. 1.	Dom. 6. post Epiph.	29
II. De præparatione Meditationis. pag. 2.	Dom. Septuag. P. I. II.	30
III. De exercitio memoriæ & intellectus. 3	Dom. Sexag. P. I. II.	32
IV. De exercitio voluntatis. 4	Dom. Quinquag. P. I. II.	34
V. De colloquiis, recollectione, & fructu Meditationis. 5	Feriis Antecineratium.	36
VI. De repetitione Meditationis, & applicatione 5. sensuum. 6	Feria 4. Cinerum.	37
VII. De tribus causis ariditatis & distractionis in Meditatione. 7	Feria 5. 6. † Sabb. post Cineres.	38
VIII. De quarta causa, quæ est negligentia nostra. 8	Dom. 1. Quadragesimæ.	39
Actus & affectus, qui in Meditatione exerceri possunt. 9	Fer. 2.	40
IX. De vita & doctrina Christi. 10	Fer. 3.	41
Dominica 1. Adventus, P. I. II. III. 11	Fer. 4.	42
Dominica 2. Advent. P. I. II. 14	Fer. 5.	43
Dominica 3. Advent. P. I. II. 16	Fer. 6.	44
† Feria 4. 17	† Sabb.	45
† Feria 6. } quat. temp. Advent. 18	Dom. 2. Quadragesimæ.	45
† Sabbato } 19	Fer. 2.	46
Dominica 4. Adventus, P. I. II. 18	Fer. 3.	47
Dom. infra Oct. Nat. Christi. 20	† Fer. 4.	48
Dom. infra Oct. Epiphaniæ, P. I. II. 21	Fer. 5.	48
Dom. 2. post Epiph. P. I. II. 23	Fer. 6.	49
Dom. 3. post Epiph. P. I. II. 25	Sabb.	50
Dom. 4. post Epiph. 27	Dom. 3. Quadrag.	51
Dom. 5. post Epiph. 28	Fer. 2.	52
	Fer. 3.	53
	Fer. 4.	54
	Fer. 5.	55
	Fer. 6.	56
	Sabb.	57
	Dom. 4. Quadrag.	58
	Fer. 2.	59

# I N D E X.

Fer. 3.	60	Dom. Pentecostes. P. I. II.	94
Fer. 4.	61	Fer. 2.	96
† Fer. 5.	62	Fer. 3.	97
Fer. 6.	62	Fer. 4.	98
Sabb.	63	Fer. 5.	99
Dom. Passionis.	64	† Fer. 6.	100
Fer. 2.	65	† Sabb.	100
Fer. 3.	66	Dom. Sanct. Trinitatis.	100
Fer. 4.	67	Dom. 1. post Pentec.	101
† Fer. 5.	68	Festo Corp. Christi. P. I. II. III. IV.	102
Fer. 6.	68	Dom. 2.	106
† Sabb.	69	Dom. 3.	107
Dom. Palmarum.	69	Dom. 4.	108
Fer. 2.	70	Dom. 5.	109
† Fer. 3.	71	Dom. 6.	110
Fer. 4.	71	Dom. 7.	111
Fer. 5.	72	Dom. 8.	112
Fer. 6.	73	Dom. 9.	113
Sabb.	74	Dom. 10.	114
Dom. Paschæ.	75	Dom. 11.	115
Fer. 2.	76	Dom. 12.	116
Fer. 3.	77	Dom. 13.	117
Fer. 4.	78	Dom. 14.	118
Fer. 5.	79	Dom. 15.	119
† Fer. 6.	80	Feria 4.	120
Sabb.	80	† Feria 6.	121
Dom. in Albis. P. I. II.	81	Sabbato	121
Dom. 2.	83	Dom. 16.	122
Dom. 3.	84	Dom. 17.	123
Dom. 4.	85	Dom. 18.	124
Dom. 5.	86	Dom. 19.	125
Feriis Rogationum.	87	Dom. 20.	126
Vigilia Ascensionis Domini.	88	Dom. 21.	127
Festo Ascensionis. P. I. II. III.	89	Dom. 22.	128
Dom. infra Oct. Ascens.	92	Dom. 23.	129
Vigilia Pentecostes.	93	Dom. 24.	131

## INDEX MEDITATIONVM

### II. Partis, in Festa Sanctorum.

<b>P</b> roemialis, de cultu Sanctorum.	137	4. S. Barbaræ.	143
29. Novemb. Vigilia S. Andree.	138	6. S. Nicolai.	144
30. Festo S. Andree. I. II.	139	7. S. Ambrosij.	145
2. Decemb. Franc. Xaverij. I. II.	141	8. Concept. B. Mariæ.	146
		11. S. Lu-	



# INDEX.

94	13. S. Luciz.	147	24. Nativ. S. Joannis Bapt. I. II.	204
96	21. S. Thomæ.	148	26. SS. Joannis & Pauli.	206
97	24. Vigilia Nat. Domini.	149	28. Vigilia SS. Petri & Pa. li.	207
98	26. Festo Nat. G.	149	29. SS. Petri & Pauli. I. II.	208
99	25. S. Anastasiz.	155	30. Commem. S. Pauli. I. II.	210
100	26. S. Stephani. I. II.	156	1. Julij. S. Rumoldi.	212
100	27. S. Ioannis Euang.	158	2. Visitat. B. Mariæ. I. II.	213
100	28. SS. Innocentium.	159	6. Octava SS. Petri & Pauli.	215
101	31. S. Silvestri.	160	14. S. Bonaventuræ.	216
102	1. Jan. Festo Circumcisionis.	161	22. S. Mariæ Magdalenz. I. II.	217
106	5. Vigilia Epiphaniæ.	162	23. S. Apollinaris.	219
107	6. Epiphania Domini. I. II.	163	25. S. Jacobi Majoris. I. II.	220
108	13. Octava Epiph.	165	26. S. Annæ.	222
109	15. S. Pauli I. Eremitæ.	166	29. S. Marthæ.	223
110	17. S. Antonij.	167	31. S. Ignatij Conf. I. II.	224
111	18. Cathed. S. Petri Romæ.	168	1. Augusti. S. Petri ad vincula.	226
112	20. SS. Fabiani & Sebastiani.	169	4. S. Dominici. I. II.	227
113	21. S. Agnetis.	170	† 6. Transfigurat. Domini.	229
114	22. SS. Vincentij & Anastasi.	171	10. S. Laurentij.	229
115	25. Univerf. S. Pauli. I. II.	172	12. S. Claræ.	230
116	27. S. Ioannis Chrysoftomi.	174	14. B. Stanislai Kostkæ.	231
117	2. Febr. Purific. B. Mariæ.	175	15. Assumpt. B. Mariæ. I. II. III. IV.	232
118	5. S. Agathæ.	176	20. S. Bernardi.	236
119	6. SS. Pauli, Ioannis, & Iacobi Marty- rum Iaponensium.	177	24. S. Bartholomæi.	237
120	9. S. Apolloniæ.	178	25. S. Ludovici.	238
121	22. Cath. S. Petri Antiochiæ.	179	28. S. Augustini. I. II.	(238)
121	24. S. Matthiæ.	180	29. Decollat. S. Joan. Bapt.	239
122	7. Martij, S. Thomæ Aquin.	183	8. Sept. Nativ. B. Mariæ. I. II.	240
123	12. S. Gregorij.	182	14. Exalt. S. Crucis.	242
124	19. S. Iosephi.	183	21. S. Matthæi.	243
125	21. S. Benedicti.	184	27. SS. Cosmæ & Damiani.	244
126	25. Annunciat. B. Mariæ. I. II.	185	29. S. Michaëlis Archang.	245
127	2. April. S. Franc. de Paula.	187	30. S. Hieronymi.	246
128	25. S. Marci. I. II.	188	1. Octob. B. Franc. Borgiæ. I. II.	247
129	30. S. Catharinæ Genensis.	190	1. S. Angeli custodis.	249
131	1. May. SS. Philippi & Iacobi. I. II.	191	4. S. Francisci.	250
	2. S. Athanasij.	193	6. S. Brunonis.	251
	3. Invent. S. Crucis. I. II.	194	8. S. Birgittæ.	252
	4. S. Monicæ.	196	15. S. Tereziæ.	253
	† 6. S. Ioannis ante portam Lat.	197	18. S. Lucæ.	254
	8. S. Michaelis Archang.	197	21. S. Ursulæ, & sociarum.	255
	6. Iunij, S. Norberti.	198	† 27. Vig. SS. Simonis & Judæ.	256
	11. S. Barnabæ.	199	28. SS. Simonis & Judæ.	256
	15. S. Geruasij & Protasij.	200	† 31. Vig. Sanctorum omnium.	257
	21. B. Aloysij Gonzagæ. I. II.	201	1. Novemb. Sanctorum omnium. 6.	257
	23. Vigilia S. Ioannis Bapt.	203	2. Com. Animarum.	260
			11. S. Martini Episc.	261

# I N D E X.

17. S. Greg. Thaumaturgi.	265	22. S. Cæciliæ.	267
21. Præsent. B. Mariæ.	266	25. S. Catharinæ.	268

## In Communia Sanctorum.

In Vigilia Apostolorum.	269	14. Attendite à fermento.	280
In Communi Martyrum.		In Comm. Conf. Pont. f.	
1. Siquis venit ad me.	270	1. Homo peregrè profusens.	281
2. Si quis vult post me venire.	271	2. Vigilate, quia nescitis.	282
3. Nolite arbitrari.	272	Videte, vigilate.	
4. Nihil opertum.	273	3. Nemo lucernam accendit.	283
5. Nisi granum frumenti.	274	In Communi Doctorum.	284
6. Ego sum vitis, vera.	275	In Comm. Conf. non Pont.	
Ego sum vitis, vos palmites.		1. Sint lumbi vestri.	285
7. † Morabitur & flebitis vos.	276	2. Nolite timere.	286
8. Sedente Iesu super montem.	276	3. Homo quidam nobilis.	287
Cum audieritis praliam.		4. Ecce nos reliquimus omnia.	288
9. Descendens Iesus de monte.	277	In Comm. Virginum.	
10. † Videns Iesus turbas.	278	1. Simile est reg. cal. 10. Virg.	289
11. Confiteor tibi Pater.	278	2. Simile est reg. cal. thesauro.	290
12. † Va vobis qui edificatis.	279	3. Accesserunt ad Ies. Pharisæi.	291
13. Qui vos audit, me audit.	279	In Dedicatione templi. I. II.	292

## In Evangelia ex missis votivis.

† De SS. Trinitate.		Ad tollendum schisma.	296
Vide Dom. infra O&A. Ascens.	92	† Pro quacumque necessitate,	
De Angelis.	294	Vide Festum S. Greg. Thaumaturg.	265
† De Apostolis.		† Pro remissione peccatorum.	
Vide IV. de Com. Conf. non Pont.	288	† Contra Paganos.	
† De Spiritu sancto,		Vide Ferias Rogationum.	87
Vide Dom. Pentecostes.	95	† Tempore belli.	
† De Ven. Sacramento,		Vide VIII. de Comm. Martyr.	276
Vide II. Festo Corp. Christi.	103	† Pro Pace, vide Fer. 3. Paschæ.	77
† De Cruce, vide I. Dom. Quinquag.	34	† Pro vitanda mortalitate,	
† De Passione Domini,		Vide Fer. 5. post Dom. 3. Quadr.	55
Vide XIX. de Passione ejus.	351	† Pro infirmis,	
† De B. Maria in Adventu,		Vide Dom. 3. post Epiph.	26
Vide Festum Annunciat.	185	† Pro peregrinantibus,	
† De ea post Nativitatem Dom.		Vide Fer. 5. post Pentec.	99
Vide II. de Nativ. Domini.	150	1. In Comm. defunctorum.	297
De ea post Purific. & Pentec.	295	2. In die obitus.	298
† De ea post Pascha,		3. In Anniversario def.	299
Vide XVII. de Passione.	349	4. In quotid. Missis def.	300



# INDEX MEDITATIONVM

## III. PARTIS.

### Sect. I. *In reliquam vitam Christi.*

I. Vita & prædicatio Joannis in deserto. pag. 304.	XV. Orationis Dominicæ Pars II.	318
II. Christus baptizatur à Joanne.	XVI. De Pane cælesti.	319
III. Testimonium Joannis de baptismo Christi.	XVII. Arguit vacillantes in fide Eucharistia.	320
IV. Christus docet Capharnai in Synagoga.	XVIII. Arguit petentes nova signa.	321
V. Reprehendit tres imperfectè se quærentes.	XIX. Hortatur fideles ad constantiam.	322
VI. Mittit dæmones in porcos.	XX. Monet cavendam avaritiam.	323
VII. Defendit discipulos reprehensos quod non jejunent.	XXI. Docet viam cæli esse angustam.	324
VIII. Sanat duos cæcos & dæmoniacum.	XXII. Instruit adolescentem ad perfectionem.	325
IX. Respondet ad calumnias de violato Sabbato.	XXIII. Retundit quæstionem de sua potestate.	326
X. Confirmat se esse Messiam.	XXIV. Docet Sadducæos resurrectionem carnis.	327
XI. Defendit discipulos reprehensos in confricandis spicis.	XXV. Arguit vitia Scribarum & Phariseorum.	328
XII. Sanat manum aridam.	XXVI. Judæi consilium ineunt de Christo perdendo.	329
XIII. Exponit præcepta de adulterio, jramento, &c.	XXVII. Christus prædicat se prodendum à discipulo.	330
XIV. Orationis Dominicæ Pars I.	XXVIII. Commendat charitatem mutuam, &c.	331

### Sect. II. *In Passionem Domini.*

I. Proæmialis de Passione Domini.	tur.	341
II. Christus in horto orat.	X. Crucem portat ad locum supplicij.	342
III. Proditus oculo Judæ comprehenditur.	XI. Crucifigitur inter latrones.	343
IV. Ducitur ad Annam & Caipham, & quæ ibi gesta.	XII. de titulo Crucis.	344
V. Falsò accusatur & condemnatur.	XIII. de divisione vestium.	345
VI. Judas desperat, & Christus traditur Pilato.	XIV. de blasphem. & illuf. in cruce.	346
VII. Christus ab Herode illuditur, & Barnabæ proponitur.	XV. de 1. verbo Christi in cruce: Pater dimitte illis.	347
VIII. Flagellatur.	XVI. de 2. verbo: Domine memento mei.	348.
IX. Coronatur spinis; & palam proponitur.	XVII. de 3. verbo: Mulier ecce filius tuus.	349.
	XVIII. de 4. verbo: Deus meus, ut quid	

# I N D E X.

derelinquisti me?	350	XXII. de conversione Centurionis.	354
XIX. de 5. & 6. verbo: Sitio. Consumma-		XXIII. de aperto latere Christi.	355
tum est.	351	XXIV. Christus de cruce deponitur.	356
XX. de 7. verbo: In manus tuas, & ejus		XXV. Sepelitur.	357
morre.	352	XXVI. de custodia sepulchri.	358
XXI. de signis in morte.	353		

## Sect. III. In Excellentias B. Virginis Maria per Litanias Lauretanas.

I. S. Maria, S. Dei genitrix, S. Virgo Virgi-		Caussa nostræ latitiæ.	366
num.	360	VII. Vas spirituale, Honorabile, Insigne	
II. Mater Christi. Mater divinæ gratiæ.		devotionis.	367
361.		IX. Rosa mystica. Turris Davidica. Tur-	
III. Mater Purissima, Castissima, Inviola-		ris eburnea.	368
ta, Intemerata.	362	X. Domus Aurea, Fœderis Arca. Janua cæ-	
IV. Mater Amabilis, Admirabilis, Crea-		li. Stella matutina.	369
toris, Salvatoris.	363	XI. Salus infirmorum. Refug. pecc. Conf.	
V. Virgo prudentissima, Veneranda, Præ-		Afflict. Auxil. Christianorum.	370
dicanda.	364	XII. Regina Angelorum, Patriarch. Pro-	
VI. Virgo Potens, Clemens, Fidelis.	365	phet. Apostol. &c.	371
VII. Speculum justitiæ. Sedes sapientiæ.			

## Sect. IV. In Functiones quotidianas, & varias per annum.

I. de modo surgendi mane.	373	XVIII. P. V. Canon.	390
II. de tribus orandi modis S. Ignatij.	374	XIX. P. VI. Consecratio.	391
III. de Salut. Angelica ad 2. modum oran-		XX. P. VII. Postrema pars Canonis.	392
di. P. I. II.	375	XXI. P. VIII. Postrema pars sacrificij.	393
V. In hymnum: Veni Creator spiritus. P. I.		XXII. de Auditione Verbi Dei.	394
II.	377	XXIII. de Actionibus per diem recte ob-	
VII. In Orationem: Anima Christi.	379	cundis.	395
VIII. In hymnum: Ave maris stella. P. I. II.		XXIV. de silentio & recto usu linguæ.	396
III. IV.	380	XXV. de lectione libri spiritualis.	397
XII. de Præparatione ad sacrificium Mis-		XXVI. de Examine conscientiæ.	398
sæ.	384	XXVII. de Examine particulari.	399
XIII. de vestibus Sacerdotalibus.	385	XXVIII. de Temperantia in victu.	400
XIV. de sacrificio Missæ, P. I. Ingressus ad		XXIX. de relaxatione animi per collo-	
altare.	386	quia.	401
XV. Pars II. Introitus.	387	XXX. de Salutatione Vener. Sacramenti.	
XVI. P. III. Offertorium.	388	402.	
XVII. P. IV. Præfatio.	389	XXXI. de cultu B. Mariæ per Rosariū.	403
		XXXII.	



# I N D E X.

XXXII. de 5. mysteriis Rosarij gaudio- fis. 404	LVII. die III. de defectibus erga proxi- mum. 429
XXXIII. de 5. mysteriis Rosarij doloro- fis. 405	LVIII. de defectibus erga seipsum. 430
XXXIV. de 5. mysteriis Rosarij gloriosis. 406.	LIX. de formula votorum. 431
XXXV. de Litanis omnium Sanctorum. 407. °	LX. de Recollectione annua. 432
XXXVI. de modo pie vesperi incumben- di. 408	LXI. die I. de Fundamento, seu fine homi- nis. 433
XXXVII. de Sacramento Confessionis. 409.	LXII. de Fundamento accommodato vi- tæ Religiosæ. 434
XXXVIII. de sacra Communione. 410	LXIII. de peccato mortali. 435
XXXIX. de Recollectione hebdomada- ria. 411	LIV. die II. de peccato veniali. 436
XL. de Recollectione menstrua. 412	LXV. de morte. 437
XLI. de usu suffragij menstrui. 413	LXVI. de iudicio particulari. 438
XLII. de statu Religioso. 414	LXVII. die III. de Regno Christi. 439
XLIII. de novem bonis status Religiosi. 415.	LXVIII. de Mysterio Incarnationis. 440
XLIV. de prima tonsura, & 4. Ordin. mi- noribus. 416	LXIX. de duobus vexillis. 441
XLV. de S. Ordine Subdiaconatus & Dia- conatus. 417	LXX. die IV. de tribus hominum classi- bus. 442
XLVI. de lectione divini Officij. 418	LXXI. de tribus gradibus humilitatis. 443
XLVII. de dignitate status Sacerdotalis. 419.	LXXII. de duplici modo electionis. 444
XLVIII. de vitæ sanctitate Sacerdotibus necessaria. 420	Die V. † de Passione Domini. vide p. 333
XLIX. de Renovatione votorum. 421	† de Oratione in orto. vide 334
L. de Manifestatione Conscientiæ. 422	† de flagellatione. vide 340
LI. de Correctione fraterna. 423	Die VI. † de coronatione. vide 341
LII. de Confessione generali. 424	† de bajulatione crucis. vide 342
LIII. die I. de voto Religiosæ paupertatis. 425	† de crucifixione. vide 343
LIV. de voto Religiosæ castitatis. 426	Die VII. † de Resurrectione Christi. vi- de 75
LV. die II. de voto Religiosæ obedi- entiæ. 427	† de Ascensione Christi. vide 90
LVI. de defectibus erga Deum. 428	† de Pentecoste. vide 94
	Die VIII. de gloria Sanctorum. vide 257
	LXXIII. de Amore Dei. 445
	LXXIV. de pace & gaudio ex studio vir- tutum. 446
	Orationes à Sacerdote dicendæ secretò in sacrificio Missæ. 447
	Brevis & compendiosa narratio de vita & morte Sanctorum, qui ab Ecclesia in Litanis invocantur. 450

# INDEX MEDITATIONVM

## In totam seriem vitæ Christi.

### Pars I. Continens Christi infantiam & pueritiam.

**C**hristi divinitas & humanitas. Vide Fe-  
sto Nativit. ejusdem. pag. 152  
Ioannis natiuitas nunciatur. Vide Vigilia ejus-  
dem. 203  
Christi genealogia. v. Natiuitate B. Maria. 240  
Christi Incarnatio. v. Annunc. B. Maria. 185  
Visitatio B. Maria. v. Festo ejusdem. 213  
Ioseph edocetur de Virg. Concept. v. Festo S. Io-  
seph. 183  
Ioannis natiuitas. v. Festo ejusdem. 204  
Christi natiuitas. v. Festo ejusdem. 149  
Christi circumcisio. v. Festo ejusdem. 161  
Magorum adventus & adoratio. v. Festo ejus-  
dem. 163  
Purificatio B. Maria. v. Festo ejusdem. 175  
Simeonis de Christo vaticinium. vid. Dom. inf.  
Ost. Nat. 48  
Christus fugit in Ægyptum. v. Festo Innocen-  
tium. 159  
Reducitur ex Ægypto. vid. Vigilia. Epiphania.  
162  
Invenitur in templo. v. Dom. inf. Ost. Epiph. 21  
Prædicatio Ioannis. v. Dom. 4. Advent. 18  
Eius vita & prædicatio. v. In vita Christi reli-  
qua. 304  
Iudæorum ad eum legatio. v. Dom. 3. Advet. 16

### Pars II. Continens gesta Chri- sti ab ejus baptismo usque ad II. Pascha.

Christus baptizatur à Ioanne. Vide In vita  
Christi rel. pag. 305  
Alterum Ioannis de Christo testim. v. in vita  
Christi rel. 306  
Tertium Ioan. de Christo testim. v. Octav. Epiph.  
165  
Christi ieiunium & tentatio. v. Dom. 1. Qua-  
drag. 39

Accedunt ad eum discipuli. v. Vigil. S. Andreae. 138  
Christi colloquium cum Nathanaele. v. Com.  
de Angelis. 294  
Convertit aquam in vinum. v. Dom. 2. post  
Epiph. 23  
Eicit vendentes e templo. v. Fer. 2. post Dom.  
4. Quadrag. 59  
Instruit Nicodemum. v. Fest. Invent. S. Crucis.  
195  
Beneficium incarnationis. v. Fer. 2. Pent. 96  
Ioannes incarceration. v. Fest. Decollat. eius. 239  
Conversio Samaritana. v. Fer. 6. post Dom. 3.  
Quadrag. 56  
Christus sanat Filium reguli. v. Dom. 20. post  
Pent. 126  
Vocat discipulos. v. Fest. S. And. 140  
Docet Caphern. & liberat. energ. v. In vita  
Christi rel. 307  
Sanat Sacrum Petri. v. Fer. 5. post Domin. 3.  
Quadrag. 55  
Reprehendit tres imperfectos. v. In vita Christi  
rel. 308  
Sedat tempestatem. v. Dom. 4. post Epiph. 27  
Mittit daemones in porcos. v. In vita Christi  
rel. 309  
Vocat Mattheum. v. Festo ejusdem. 243  
Defendit disc. quod non ieiunent. v. In vita  
Christi rel. 310  
Suscitat à morte Filiam Princ. v. Dom. 23. post  
Pentec. 129  
Sanat duos cecos & energ. v. In vita Christi  
rel. 311

### Pars III. Continens annum secundum Prædicationis Christi utque ad III. Pascha.

Christus sanat languidum ad pisc. v. Fer. 6.  
quat. temp. Quad. 44  
Resp.



# INDEX.

Resp. calum. de sabbato violato. v. In vita Christi rel.	311	Par. thesauri, marg. Sagena. v. Com. Virg. II.	290
Docet resurrectionem mortuorum. v. In com. defunct.	297	Contemnitur in patria. v. 2. post Domin. 3. Quad.	52
Confirmat se esse Messiam. v. In vita Christi rel.	313	Mittit Apost. pradicatum. v. Fer. 5 post Pentec.	99
Excusat. disc. vellentes spicas. v. In vita Christi rel.	314	Pradicat illis persecutiones. v. Commem. S. Pauli.	211
Sanat manum aridam. v. In vita Christi rel.	315	Pergit pradicare persecut. v. Fest. S. Athanasij.	193
Eligit & instruit Apostolos. v. Fest. Omn. Sanctorum.	261	Hortatur ad ferenda adversa. v. Com. Mart. III	272
Comparat eos cum sale & luce. v. Com. Doctorum.	284	Miraculum 5. panum. v. Dom. 4. Quad.	58
Corrigit justiciam Scribarum. v. Dom. 5. post Pentec.	109	Ambulat super aquas. v. Ost. SS. Pet. & Pauli.	215
Exponit precepta de ault. v. In vita Christi rel.	316	De pane caelesti. v. In vita Christi rel.	319
Monet de vana gloria vitanda. v. Fer. 6. post Cineres.	38	Promittit instu ref. ad gloriam. v. Anniversario defunct.	299
Oratio Dominica v. In vita Christi rel.	317	Docet fidem ad salutem neceff. v. Fer. 4. quat. temp. Pent.	98
Instruit de ieiunio & elem. v. Fer. 4. Cinerum.	37	Eucharistiam præservare à morte. v. Comm. defunct.	300
Vetat curam immod. divit. v. Dom. 14. post Pentec.	118	Exponit myst. Euchar. v. Fest. Corporis Christi.	203
Instruit de dilect. proximi. v. Dom. 1. post Pentec.	101	Arguit in eo vacillantes. v. In vita Christi rel.	320
Cavendos falsos doctores. v. Domin. 7. post Pentec.	101	<b>Pars IV. Continens annum tertium Prædicationis Christi.</b>	
Sanat leprosum. v. Dom. 3. post Epiph.	25	Mones de munditie interiori. Vide Fer. 4. post Dom. 3. Quad.	54
Sanat puerum Centurionis. v. Domin. 3. post Epiph. P. II.	26	Filiam Chananæ liberat à dam. v. Fer. 5. post Dom. 1. Quad.	43
Resuscitat filium vidue. v. Dom. 15. post Pentec.	119	Sanat surdum & mutum. v. Domin. 11. post Pentec.	106
Legatio Ioannis ad Christum. v. Domin. 2. Advent.	14	Recit turbam 7. panibus. v. Dom. 6. post Pentec.	110
Convassio Maria Magd. v. Festum eius.	217	Arguit petentes nova signa. v. In vita Christi rel.	321
Sanat energ. mutum & cecum. v. Domin. 3. Quad.	51	Promittit Petro claves. v. Fest. SS. Petri & Pauli.	209
Laudatur palam à muliere. v. Sab. De B. Virg.	295	Instatur adferendam crucem. v. Com. Mart. II	271
Redarguit petentes signum. v. Fer. 4. post Dom. 1. Quad.	42	Transfiguratur in monte. v. Dom. 2. Quadrag.	45
Parabola seminantis. v. Domin. Sexages.	32		
Parabola Zizaniorum. v. Domin. 7. post Epiph.	28		
Parabola synapi & fermenti. v. Domin. 6. post Epiph.	29		

# I N D E X.

Sanat lunaticum. v. Fer. 4. quat. temp. sept. 120	Pont. II. . . . .	286
Instruit certantes de primatu. v. Fest. S. Michaelis. . . . .	Item ad vigilantiam. v. Comm. Conf. non Pont. L. . . . .	289
De correctione fraterna. v. Fer. 3. post Dom. 3. Quadrag. . . . .	Item ad penitentiam. v. Sab. 4. temp. sept. 121	
Parab. Regis exigentis rationem. v. Dom. 21. post Pent. . . . .	Viam cali esse angustam. v. In vita Christi rel. 324	
Vadit ad festum Tabernac. v. Fer. 3. post Dom. Pasch. . . . .	Sanat hydropicum. v. Dom. 16. post Pent. 122	
Sanat decem leprosos. v. Dom. 13. post Pent. 117	De cana magna. v. Dom. 2. post Pent. 106	
Docet in epl. v. Fer. 3. post Dom. 4. Quad. 60	De sui abnegatione. v. Comm. Mart. I. 270	
Mittuntur ad eum capiendum. v. Fer. 2. post Dom. Pasch. . . . .	Probat se esse Messiam. v. Fer. 4. post Dom. Pasch. . . . .	67
Defendit mul. adulteram. v. Sab. post Dom. 3. Quad. . . . .	Parab. ouis perditæ. v. Dom. 3. post Pentec. 107	
Docet se esse lucem mundi. v. Sab. post Dom. 4. Quad. . . . .	Parab. de filio prodigo. v. Sab. post Dom. 2. Quad. . . . .	50
Arguit Phariseos. v. Fer. 2. post Dom. 2. Quad. 46	Parab. de iniquo dispensatore. v. Dom. 8. post Pentec. . . . .	112
Hortatur ad constantiam in fide. v. In vita Christi rel. . . . .	Hortatur ad castitatem. v. Com. Virg. III. 291	
Convicijs appetitur. v. Dom. Passionis. 64	De diuite epulone. v. Fer. 3. post Dom. 2. Quad. . . . .	48
Illuminat cecum natum. v. Fer. 4. post Dom. 4. Quadrag. . . . .	Parab. de Pharisæo & Publ. v. Dom. 10. post Pentec. . . . .	114
Fidem esse ostium Ecclesie. v. Fer. 3. Pent. 97.	Instruit diuitem ad perfect. v. In vita Christi rel. . . . .	325
Docet se esse Pastorem & bonum. v. Dom. 2. post Pascha. . . . .	Promittit pramium religiosi. v. Com. Conf. non Pont. IV. . . . .	288
Mittit disc. ad predicandum. v. Fest. S. Marti. 189.	Parab. de operarijs in vinea. v. Dom. Sep-tuagesime. . . . .	30
Instruit eos reuertentes. v. Comm. Mart. XIII. 279	Resuscitat Lazarum. v. Fer. 6. post Dom. 4. Quad. . . . .	62
Invitat ad suam doctrinam. v. Comm. Mart. XI. . . . .	Instruit Martham de resurr. v. In die obitu. 298	
Parabola de samaritano. v. Dom. 12. post Pentec. . . . .	Concilium de Christo occidendo. v. Fer. 6. post Dom. Pass. . . . .	68
Excipitur hosp. à Martha. v. Fest. Assumpt. B. Virg. . . . .	Prædicat mortem suam & rel. v. Dom. Quinquag. . . . .	34
Hortatur ad orandum. v. Ferijs Rogationum. 87	Instruit ambientes primatum. v. Fest. S. Iacobi. . . . .	221
Puram intentionem sectandam. v. Com. Conf. Pontif. III. . . . .	Excipitur à Zaccario. v. In dedicatione templi. . . . .	293
Arguit Phar. ut Prophetici d. v. Fest. S. Stephan. . . . .	Parabola de decem mimi. v. Com. Conf. non Pont. III. . . . .	287
Cavendam eorum hypocrisim. v. Comm. Mart. XI. . . . .	Cænat Bethania & vngitur. v. Fer. 2. Mart. hebdom. . . . .	70
Cavendam caritatem. v. In vita Christi rel. 323	Excipitur honore in via Ieros. v. Dom. Palm. . . . .	69
Cavendam caritatem. v. Comm. Conf. non Pont. . . . .		Deplora.




# I N D E X.

Deplorat peccata civitatis. v. Dom. 9. post Pentec.	113	Tradit se proditori. v. Dom. 10. post Pentec.	330
Refert vendentes e templo. v. Fer. 2. post Dom.		Arguit ambitionem. v. Fer. 3. post Dom.	219
I. Quad.	41	naris.	219
Hortatur ad aduciam in orat. v. Fest. Greg.		Commendat illis charitatem. v. Dom. 11. post Pentec.	331
Thaumat.	265	Christi rel.	331
Hort. ad contemptum vite temp. v. Com. Mart. V.	274	Solatur eos tristes. v. Fer. 33. Ind. & 12. cobi.	192
Docet fructum suae Crucis. v. Fest. Exalt. S. Crucis.	P. 242	Promittit eis Spiritum S. v. Vigil. Pentec.	93
Refundit quæst. de sua potestate. v. In vita Christi rel.	326	Promittit eis instruct. à Spiritu Sancto. v. Fest. Pentec.	94
Parab. de vinitoribus homicidis. v. Fer. 6. post Dom. 2. Quad.	49	Hortatur eos ad constantiam. v. Com. Mart. VI.	275
Parab. de nuptijs filij Regis. v. Dom. 19. post Pentec.	125	Ad Charitatem mutuam. v. Vigil. vnius Apostoli.	269
Quæstio de tributo dando Caf. v. Dom. 22. post Pent.	128	Ad ferenda aduersa. v. Fest. SS. Simonis & Iuda.	256
Docet Resurr. carnis. v. In vita Christi rel.	327	Prædicat eis persecutiones. v. Dom. inf. Ost. Ascens.	92
Quæstio de 1. mandato. v. Dom. 17. post Pentecost.	123	Solatur eos tristes Spirit. Sanct. v. Dom. 4. post Pascha.	85
Scribas & Phar. esse audientes. v. Fer. 3. post Dom. 2. Quad.	47	Solatur eos breuitate sua abs. v. Dom. 3. post Pascha.	84
Infectatur eorum vitia. v. In vita Christi rel.	328	Solatur eos fructu orationis. v. Dom. 5. post Pascha.	86
Prædicat eis punitionem. v. Fest. S. Stephani.	157	Orat pro eorum conseruatione. v. Vig. Ascens.	88
Prædicat suis persecutiones. v. Com. Mart. VIII.	276	Orat pro omnium conjunctione. v. De tollendo schismate.	296
Prædicat excidium vrbis. v. Dom. 24. post Pent.	131	Pars V. Continens passionē Christi, cuius seriem vide supra in priori Indice, Parte III. Sectione II. Pag. 333. & seqq.	
Prædicat signa iudicij ext. v. Dom. 1. Aduentus.	11		
Monet esse vigilandum. v. Com. Conf. Pont. 11.	282	P A R S VI. Continens Resurrectionem Christi.	
Parab. de dea in Virgin. v. Com. Virg. 1.	289		
Parab. de talentis. v. Com. Conf. Pont. 1.	281	Resurrectio Christi. Vide festum eius. p. 75	
Describit iudicium extr. v. Fer. 2. post Dom. 1. Quad.	40	Pet. & Ioan. currunt ad Sep. v. Sab. in Albed.	
Pactum Iuda de prodicione. v. In vita Christi rel.	329	Apparet Magd. vt hortulanus. v. Fer. 5. post Pascha.	
Lauat pedes Apostolorum. v. Fer. 6. Mart. hebdom.	72		
Instituit S. Eucharistiam. v. Fest. Corp. Christi 1.	102		

# I N D E X.

Lucas in Emmaus. v. Ter. 2. post Pascha. 76	Commendat Petrus ruer. v. Ter. 3. post Pauli. 207
Apostolus advenit Thoma. v. Ter. 3. post Pascha. 77	Reprehendit curiositatem Petri. v. Festo S. Ioan. 158
Apostolis in fente Thoma. v. Octava Pasche. 81	Dat Disc. potestatem Baptizandi. v. Festo SS. Trinitatis. 100
Apostolis 7. piscantibus. v. Fer. 4. post Pascha. 78	Ascendit in calum. v. Festum eius. 89


# FINIS






27  
S.  
58  
110  
00  
89







Biblioteka Jagiellońska



stdr0030920



